

Namo tassa bhagavato arahato sammāsambuddhassa

Abhidhammāvatāra-purāṇaṭṭikā

1. Paṭhamo paricchedo

Cittaniddesavaṇṇanā

8. Tattha tesu catubbidhesu paramatthesu, jātiniddhāraṇaṃ. **Cittanti** cittaṃ nāma. Vijānātīti vijānanaṃ, visayānaṃ vijānanaṃ **visayavijānanaṃ**. Cittasarūpaparidīpanamidaṃ vacanaṃ. **Tassa pana** cittassa **ko vacanattho** ko saddattho. **Vuccate** ācariyena. **Sabbasaṅgāhakavasena** sabbesaṃ cittānaṃ saṅgāhakanayavasena. Ārammaṇaṃ cinteti jānātīti cittaṃ, tadā sabbaṃ cittaṃ adhippetāṃ. Javanavīthivasena attasantānaṃ cinoṭīti cittaṃ, tadā kusalākusalamaḥākīriyācittaṃ adhippetāṃ. Aññesaṃ javanānaṃ aggahaṇaṃ kāmāvacarajavanāni eva yebhuyyavasena sattakkhattuṃ javantīti nīpanatthaṃ.

9. Vicittaṃ karaṇaṃ yassa taṃ vicittakaraṇaṃ, tassa bhāvo **vicittakaraṇā**. “Imassa rūpassa uddhaṃ idaṃ hotu, heṭṭhā idaṃ hotu, ubhayapasse ida”nti cintetvā yathācintītena kamena sesacittarūpanipphādanaṃ hoti, evaṃ yaṃ kiñci loke vicittaṃ sippajātaṃ, sabbaṃ taṃ citteneva karīyati. Evaṃ **vicittakaraṇatāya** cittaṃ. Tadā karaṇatāya cittaṃ karotīti cittaṃ. Idaṃ taddhitapadaṃ. **Vā** ayaṃ añño nayo. Taṃ attano cittaṭāya aññadeva sarāgaṃ cittaṃ, aññaṃ sadosaṃ, aññaṃ samohaṃ. Aññaṃ kāmāvacaraṃ, aññaṃ rūpāvacarādibhedāṃ. Aññaṃ rūpārammaṇaṃ, aññaṃ saddādiārammaṇaṃ. Rūpārammaṇesupi aññaṃ nīlārammaṇaṃ, aññaṃ pītādiārammaṇaṃ. Saddādiārammaṇesupi eseva nayo. Sabbesupi tesu aññaṃ hīnaṃ, aññaṃ majjhimaṃ, aññaṃ paṇītaṃ. Hīnādīsipi aññaṃ chandāhipateyyaṃ, aññaṃ cittāhipateyyaṃ, aññaṃ vīriyādhipeyyaṃ, aññaṃ vīmaṃsādhipeyyaṃ, tasmā yassa imesaṃ sampayuttabhūmiārammaṇahīnamajjhimaṇītiādhipeyyaṃ vasena **attano cittaṭāya** cittaṃ. Citto etasmiṃ atthīti cittaṃ. Tadā sabbaṃ cittaṃ. Paññattiyampi viññāṇe vicitte cittassa kammaṃ cittaṃkammaṃ, cittaṃkammameva cittaṃkammakaṃ, **cittaṃkammake** vicitte **idha** imasmiṃ adhikāre **cittasammuti** cittaṃsaddo **viññāṇe** citte viññūnā daṭṭhabbo.

Taṃ pana sabbasaṅgāhakavasena cintetītiādinā vuttappakāraṃ cittaṃ. **Sārammaṇato** sārammaṇabhāvena ekavidhaṃ. **Savipākāvipākato** savipākāvipākavasena duvidhaṃ. **Tattha** tasmīṃ duvidhe citte savipākāṃ nāma cittaṃ kusalākusalaṃ, avipākāṃ abyākataṃ, kusalākusalabhāvena akathitanti attho. Kusalaṃjāti akusalaṃjāti abyākataṃjātīti jātibhedato tividhaṃ.

Tattha tasmīṃ vacane “kusala”nti etassa saddassa pana ko vacanattho.

10. Kucchitānaṃ salanato pāpakānaṃ dhammānaṃ kampanato viddhaṃsanato. Kucchitenākārena sayantīti kusā, **kusānaṃ** akusalasaṅkhātānaṃ **lavanena** chindanato. Kucchite sāti tanuṃ karotīti kusāṃ, **kusena** nīṇena **lātabbattā** gahetabbattā. **Vā** ayaṃ añño nayo.

11. Kusalasaddo ayaṃ kusalasaddo cheke atthe ārogyatthe anavajjatthe iṭṭhavipāke atthepi diṭṭho amhehi. **Idha** imasmiṃ adhikāre anavajjādike atthe diṭṭho. **Ādi**-saddena ārogyatthaiṭṭhavipākathā gahetabbā. Diṭṭho yasmā, tasmā anavajjaiṭṭhavipākakalakkhaṇaṃ kusalaṃ. Natthi avajjaṃ kilesāvajjaṃ kilesadoso kilesadaratho etassāti anavajjaṃ, kammena vipaccīyateti vipāko, iṭṭhāniṭṭhādiārammaṇānubhavanavasena, attano sabhāvena ca iṭṭho vipāko etassāti iṭṭhavipākāṃ, anavajjameva iṭṭhavipākāṃ, taṃ lakkhīyati anena aviññātaṃ lakkhitabbaṃ kusalanti lakkhaṇaṃ, anavajjaiṭṭhavipākāṃ lakkhaṇaṃ etassāti **anavajjaiṭṭhavipākakalakkhaṇaṃ**. Anavajjaiṭṭhavipākameva kusalaṃ. Nanu kathaṃ sayameva attano lakkhaṇaṃ bhavēyyāti codanā bhavēyya viññātāvīññātasaddatthabhāvena lakkhaṇalakkhitabbabhāvayuttito. Kusalasaddatthavasena hi aviññātaṃ apākaṭaṃ kusalaṃ lakkhitabbaṃ hoti. Anavajjaiṭṭhavipākāsaddatthavasena viññātaṃ pākaṭaṃ kusalaṃ lakkhaṇaṃ hoti. **Akusalaviddhaṃsanarasam** akusalānaṃ viddhaṃsanaṃ akusalaviddhaṃsanaṃ, taṃ raso kiccemetassāti akusalaviddhaṃsanarasam, akusalaviddhaṃsanakiccaṃ. Vodānabhāvena paccupaṭṭhātīti **vodānapaccupaṭṭhānaṃ**, vodānapaccupaṭṭhānākāraṃ vodānagayhākāraṃ. **Vā** ayaṃ añño nayo. Vajjapaṭipakkhattā anavajjalakkhaṇameva kusalaṃ, vajjapaṭipakkhalakkhaṇaṃ kusalanti attho. **Vodānabhāvarasam** vodānabhāvasampattikaṃ. **Iṭṭhavipākapaccupaṭṭhānaṃ** iṭṭhavipākaphalaṃ. Yonisomanasikārapadaṭṭhānaṃ padañca taṃ ṭhānañcāti padaṭṭhānaṃ, ubho kāraṇatthādhivacanaṃ, tasmā āsannakāraṇanti attho, itarathā punaruttidoso siyā, yonisomanasikāro padaṭṭhānaṃ āsannakāraṇaṃ etassāti **yonisomanasikārapadaṭṭhānaṃ**.

Sāvajjānīṭṭhavipākalakkhaṇaṃ akusalaṃ. Tadubhayaviparītaṃ tehi ubhayehi kusalākusalehi viparītaṃ avipākalakkhaṇaṃ etassāti **tadubhayaviparītalakkhaṇaṃ** abyākataṃ. **Vā** ayaṃ añño nayo. **Avipākārahaṃ** vipākassa ananucchavikaṃ.

Savatthukāvattthukabhedatoti savatthukaṃ hadayavatthukaṃ, avatthukaṃ hadayavatthuvirahitaṃ.

12. Uddānato saṅkhepavasena kilesavatthuvaseṇa duve kāmā honti. Chandarāgoṇa kilesa, tebhūmake pavattaṃ vaṭṭasahitaṃ vatthu, vasati kilesa etthāti **vatthu**.

13. Kilesakāmo vatthuṃ kāmeti icchati, vatthu kilesakāmena kāmīyati icchīyatīti kattukāraṅgamaṃ kammakāraṅgadvaye sādhanadvaye **esa** eso duvidhopi kāmo sijjhati.

14-5. So ayaṃ duvidhopi kāmo yasmim padese sampattīnaṃ vasena avacarati, **iti** tasmā kāraṇā so pana padeso catupāyānaṃ channaṃ devānaṃ manussānaṃ vasena eva ekādasavidho hoti.

16. Kāmavacarātīti ettha etasmim ekādasavidhe padese kāmo avacarati, **iti** tasmā kāraṇā so padeso **assa** kāmassa anena kāmēna abhilakkhitattā kāmāvacarasaññīto. Abhilakkhitasaddappayoge tatiyatthe ‘‘assā’’ti chaṭṭhī hotīti saddasatthavidū paṭhanti. Sasatthāvacaro padeso viya satte sasanti hiṃsanti tehīti satthā, saha satthehīti sasatthā, sasatthā purisā avacaranti etthāti **sasatthāvacaro**. Yathā hi yasmim padese sasatthā purisā avacaranti, so padeso vijjamaṇesupi aññesu dvipadacatuppadesu avacarantesu tesam upalakkhitattā ‘‘sasatthāvacaro’’tveva vuccati, evaṃ vijjamaṇesupi aññesu rūpāvacarādīsū tattha avacarantesu tesam abhilakkhitattā ayaṃ padeso ‘‘kāmāvacaro’’tveva vuccati.

17. Yathā rūpabhavo uttarapadassa lopaṃ katvā rūpanti vutto, evaṃ tathā **svāyaṃ** so ayaṃ eso kāmāvacaro uttarapadassa lopaṃ katvā **kāmo iti saññīto** kāmo nāma udīrito paṇḍitena kathito.

18. Tasmim kāmē idaṃ cittaṃ tasmim kāmāvacare sadā avacarati, **iti** tasmā kāraṇā kāmāvacaraṃ iti evaṃ **kāmaghātinā** kāmānaṃ vināsakena buddhena kathitaṃ. Kiñcāpi etaṃ rūpārūpabhavesupi avacarati, yathā pana saṅgāme yebhuyyena avacaraṇato ‘‘saṅgāmāvacaro’’ti laddhanāmo nāgo nagare carantopi ‘‘saṅgāmāvacaro’’tveva vuccati, thalacarajalacarā pāṇino athale ajale ṭhitāpi ‘‘thalacarajalacarā’’tveva vuccanti, evaṃ idaṃ aññattha avacarantampi kāmāvacaramevāti daṭṭhabbaṃ. Ārammaṇakaraṇavasena vā ettha kāmo avacarātītipi kāmāvacaraṃ. Kāmañcesā rūpārūpāvacaresupi avacarati, yathā pana vadatīti vaccho, mahiyaṃ setīti mahiṃsoti vutte na yattakā vadanti, mahiyaṃ vā senti, sabbesaṃ taṃ nāmaṃ hoti, evaṃsāmpadamidaṃ daṭṭhabbaṃ.

19. Paṭisandhim bhave kāmē kāmabhavasāṅkhāte kāmē paṭisandhim avacārayati, **iti** tasmā kāmāvacaraṃ. Iti evaṃ **vā** ayaṃ añño nayo. **Tatra** tasmim kāmāvacare **pariyāpannaṃ** antogadhaṃ, **iti** tasmā kāmāvacaraṃ.

20. Aṭṭhavidhaṃ cittaṃ kāmāvacarasaññītaṃ **idaṃ** aṭṭhavidhaṃ cittaṃ. Dasapuññakiriyavatthuvaseṇa puññakiriyā eva tesam tesam phalānisamsānaṃ vatthūni kāraṇānīti puññakiriyavatthūni, tesam vaso, tena pavattati.

21. Dānaṃ sīlaṃ bhāvanā pattidānaṃ veyyāvaccamaṃ dhammadesanā anumodanā diṭṭhijubhāvo **samsuti** dhammassavanañca **apacāyo** apacāyanaṃ, evaṃ iminā mayā vuttappakārena puññāni eva vatthūni puññavatthūni, tesam pabhedo **puññavatthuppabhedo ñeyyo** paṇḍitena jānitabbo.

22-3. Gacchanti saṅgahaṃ dāne pattidānānumodanā dāne saṅgahaṃ gacchanti, veyyāvaccāpacāyanā sīlamaye puññe saṅgahaṃ gacchanti, dhammadesanā dhammassavanaṃ diṭṭhiujukā bhāvanāmaye puññe saṅgahaṃ gacchanti, dasa puññakiriyāpi ca tīṇi eva sambhonti.

24. Sabbānussatipuññāñca pasamsā saraṇattayaṃ ratanattayaṅṇapasamsā ca ete diṭṭhijukammamhi saṅgayhanti, tasmim saṅgahapāpuṇe **samsayo** sandeho natthi.

25. Purimā cetanā tato pubbabhāge pavattā cetanā, **muñcacetanā** paccuppannā cetanā, **paracetanā** pacchākāle pavattā cetanā, tissopi cetanā dānamaye puññe honti. **Evanti** yathā tissopi cetanā dānamaye puññe honti, evaṃ tathā dānamayapuññato **sesesupi** sīlamayabhāvanāmāyesu tisso cetanā paṇḍito **dīpaye** kattheyya.

Hi saccaṃ yadā pana yo puggalo deyyadhammapaṭiṅgāhakādisampattim **āgamma** paṭicca. **Paṭiṅgāhakādisampattinti** ettha **ādi**-saddena desakālakalyāṇamittādayo gahitā. **Aññaṃ vā somanassahetunti añña-**

ggahaṇena saddhābahulatāvisuddhiḍḍhitākusalakiriyānisamsadassitāsomanassapaṭisandhikatādīnaṃ saṅgaho. **Atthi dinnam** dānassa phalaṃ atthi. **Ādi**-saddena atthihutādayo gahitā. **Purakkhatvā**ti purato katvā. **Parehi anussāhito** acodito dānādīni puññāni karoti. **Dānādīni**ti vacanena deyyadhammaṃ nissāya pavattadānacetanā gahetabbā. Tadā **assa** puggalassa. Saṅkharaṇaṃ saṅkhāro, natthi saṅkhāro etassāti asaṅkhāro, taṃ eva **asaṅkhārikam**, appayoganti attho. **Vuttanayenā**ti vuttanayo nāma “deyyadhammapaṭiggāhakādisampatti”nti vacanaṃ. Imasmiṃ panatthe saṅkharotīti **saṅkhāro** nāma attano vā pavattassa pubbappayogassa adhivacanaṃ, parassa vā pavattapubbappayogassa adhivacanaṃ. Ayamassa adhippāyo – yadā yo “dānādīni karissāmi”ti cittaṃ samuppādetvā nākāsi, pacchā attano pubbacetanāya ussāhito karoti, tadā sasaṅkhārikam hoti, attano pubbappayogena saha pavattatīti attho. **Paṭipattidassanena** paṭipajjitabbā sīlādīhi paṭipajjanti jānanti gacchanti vā nibbānaṃ etāyāti paṭipatti, tāya dassanaṃ paṭipattidassanaṃ, tena. Jāto paricayo etesanti **jātaparicayā**. **Sahasāti** vegena. **Catūsupi vikappesu** dasseyya.

26. Dasapuññakriyādīnaṃ vasena ca bahūnipi bhavanti etāni pana cittāni dasapuññakiriyādīnaṃ vasenapi bahūnipi bhavanti **iti** evaṃ **pakāsaye** bhagavā pakāseyya.

27. Sattarasa sahasāni, dve satāni asīti ca;
Kāmāvacarapuññāni, bhavanti viniddiseti. –

Kāmāvacarapuññāni sattarasa sahasāni ca dve satāni ca asīti ca bhavanti, **iti** vacanaṃ **viniddise** ācariyo katheyya.

Dasapuññakriyāvatthu, chadvārādhipatīhi ca;
Kāyādīhi ca tīheva, hīnādīhi ca tīhi tu.

Dvīsu bhavesu kāmabhavarūpabhavesu. **Paṭipadādibhedato** dukkhāpaṭipadaṃ dandhābhiññaṃ, dukkhāpaṭipadaṃ khippābhiññaṃ, sukhāpaṭipadaṃ dandhābhiññaṃ, sukhāpaṭipadaṃ khippābhiññaṃ. **Rūpāvacarabhāvanāpuññavasappavattam** rūpāvacare pavattassa bhāvanāpuññassa vasena pavattam **rūpāvacarūpapattinipphādakam** rūpāvacare upapattiyā paṭisandhiyā nipphādakam hoti.

Savatthukāvattukabhedatoti arūpāvacaraṃ yadā kāmārūpe jāyati, tadā hadayavatthum nissāya jāyati, iti tasmā savatthukam nāma jātam. Yadā arūpe jāyati, tadā hadayavatthum anissāya jāyati, iti tasmā avatthukam nāma jātam.

Ākāsānañcāyatanassa **kasiṇugghāṭimākāsam** ārammaṇaṃ. Viññānañcāyatanassa **tattha pavattaviññānaṃ**, tasmim kasiṇugghāṭimākāse pavattam viññānaṃ cittaṃ ārammaṇaṃ hoti. Ākiñcaññāyatanassa **tassa apagamo** tassa ākāsānañcāyatanassa apagamo abhāvo vohāro ārammaṇaṃ hoti. Nevasaññānāsāññāyatanassa **ākiñcaññāyatanam** ārammaṇaṃ hoti.

Rūpe saññā **rūpasaññā**. Saññāsīsena cittampi gahitaṃ. **Samatikkamā** kasiṇugghāṭimākāsamamatikkamanena. Paṭighe dvārārammaṇānaṃ saṅghaṭṭane pavattā saññā paṭighasaññā. Dvīpañcaviññānaṃ adhivacanaṃ. Tāsam **paṭighasaññānaṃ** dvīpañcaviññānaṃ **atthaṅgamā** atthaṅgamaṃ. Nānā attā sabhāvo etassāti nānattam, ārammaṇaṃ, nānatte nānāsabhāve pavattā saññā **nānattasaññā**, nānā attā sabhāvo etassāti vā nānattā, sāyeva saññā **nānattasaññā**, kāmāvacarasaññāti attho. Tāsam **nānattasaññānaṃ amanasikārā** amanasikārena.

Niyatāniyatavatthukabhedatoti sotāpattimaggo niyatavatthuko. Kasmā? Kāmārūpesuyeva hadayavatthum nissāya uppajjanato. Itare pana tayo maggā aniyatavatthukā. Kasmā? Kāmārūpesu hadayavatthum nissāya jāyanti, arūpe hadayavatthum anissāya jāyanti, tasmā aniyatavatthukā. **Tīhi vimokkhamukhehi** suññātaanimittappaṇihitasāṅkhātehi tīhi vimokkhamukhehi.

Yassa saṃvijjanti, taṃ puggalaṃ vaṭṭasmiṃ saṃyojenti bandhantīti saṃyojanā. Sakkāyadīṭṭhivicikchāsīlabbataparāmāsāyeva saṃyojanā sakkāyadīṭṭhivicikchāsīlabbataparāmāsasaṃyojanā, tesam pahānaṃ sakkāyadīṭṭhivicikchāsīlabbataparāmāsasaṃyojanappahānaṃ, taṃ karotīti **sakkāyadīṭṭhivicikchāsīlabbataparāmāsasaṃyojanappahānakaram**, sotāpattimagacittaṃ. Mānopi ekadesato apāyagāmikoyeva pahiyate. Sotāpattimaggena nissesato na pahiyate. Sesakilesesupi eseve nayo. Uddhaccaṃ pana ekadesatopi apāyagāmikampi na pahiyati. Sakadāgāmimagacittaṃ rāgadosamohānaṃ tanuttakaram. Sotāpattimaggena nāsitasāṃyojanānaṃ pahānaṃ kasmā na vuttanti ce? Paṭhamamaggato dutiyamaggassa mahantattā paṭhamamaggena nāsitā saṃyojanā dutiyamaggena nāsitāti paññāyati, iti yasmā, tasmā na vuttaṃ. Tatiyacatutthamaggasupī eseve nayo. **Ettha** etasmim lokuttaracitte. **Ekekanti** vicchāvasena vuttaṃ. **Maggānurūpanti** vacanaṃ paṭhamamaggassa paṭhamaphalañca anurūpanti viññāpanattham.

28. Kāme aṭṭheva kāmāvacare aṭṭha eva cittāni, **rūpe** rūpabhava **pañca** cittāni, arūpīsu **cattāri** cittāni, **anuttarāni** lokuttaracittāni cattāri, **evaṃ** iminā mayā vuttappakārena **kusalāni** cittāni ekavīsati honti.

29. Kusalākusalāpagatena satā muninā kusalato, akusalato ca apagatena satā satisampannena kusale **kusalena** chekena **vasinā** pañcavasīhi samannāgatena **yaṃ** kusalacittaṃ **catubhūmigataṃ** catūsu bhūmīsu pavattaṃ **sakalaṃ** sabbhaṃ **lapitaṃ** kathitaṃ, taṃ kusalacittaṃ **mayāpi** buddhadattācariyena **lapitaṃ** kathitaṃ.

Niyatāniyatavattuvāsenāti paṭiḡhasampayuttadvayaṃ kāmeveva hadayavattumaṃ nissāya jāyati, aññabhūmīsu na jāyati, tasmā niyatavattukaṃ hoti. Itarāni pana akusalāni kāmārūpesu uppajjanakāle hadayavattumaṃ nissāya jāyanti, arūpe hadayavattumaṃ anissāya jāyanti, tasmā aniyatavattukāni, tena. **Paṭisandhijanakājanakavasena cāti** uddhaccasahagataṃ paṭisandhiṃ na janeti. Yadi paṭisandhiṃ janeyya, apāyesuyeva janeyya. Kasmā? Sotāpattimaggena ekadesato apāyagāmikampi na jahitaṃ, sabbhaṃ na jahitanti attho. Sopi maggo apāyagāmī na hoti. Aññe pana kilesā ekadesavasena apāyagāmikā jahitā, tena paṭhamamaggenāti tasmā na janeti. Ekādasavidhaṃ pana paṭisandhiṃ janeti, tena.

Diṭṭhamaṅgalādīnī ādi-saddena sutamaṅgalādīni gahitāni. **Sārato** uttamato **pacceti** saddahati. Sabhāvatikkhena sabhāvo tikkho etassāti sabhāvatikkhaṃ, tena **sabhāvatikkhena**.

Assa pana paṭiḡhasampayuttassa **pāṇātipātādisu** akusalakammesu tikkhappavattikāle asaṅkhārikassa uppatti, mandappavattikāle asaṅkhārikassa uppatti veditabbā.

Tassa momūhassa.

Dukkhavisesassa dukkhanānattassa.

30. Lobhamūlavasena aṭṭha cittāni, dosamūlavasā **duve** cittāni, mohamūlavasena **dve** cittāni. **Evaṃ** iminā mayā vuttappakārena akusalāni dvādasappakārāni **siyumaṃ** bhavēyyumaṃ.

31. Yaṃ pāpamānasam yaṃ akusalacittaṃ **pāpāpāpesu** pāpāpāpesu kusalākusalesu **apāpena** appavattena pāpāpāpappahīnena **vuttaṃ** iritaṃ kathitaṃ, **taṃ pāpamānasam** taṃ akusalacittaṃ mayā **samudāhaṭam** kathitaṃ.

Yathā panassa yathā pana assa vipākassa kusalaṃ **dānādivasena** dānādīnaṃ dasapuññakiriyavattūnaṃ vasena chasu āramaṇesu pavattati, **idaṃ** vipākacittaṃ tathā **na** pavattati. **Hi** saccaṃ **idaṃ** vipākaṃ paṭisandhibhavaṅgacutitadārammaṇavasena **parittadhammapariyāpannesu** kāmāvacaradhammantogadhesu chasu āramaṇesu pavattati. Sampayuttadhammānaṃca visese asatipi kusalasampayuttadhammato assa vipākassa, sampayuttadhammānaṃca nānatte asatipi idaṃ vipākaṃ **ādāsatalādīsu** dhammajātesu mukhanimittaṃ viya nirussāhaṃ. Ayamassādhippāyo – yathā ādāsatale mukhanimittaṃ mukhe calite calati, acalite na calati, mukhassa kāraṇaṃ vinā mukhanimittassa viya kāraṇaṃ natthi, evaṃ kusalakāraṇā vipākassa aññaṃ kāraṇaṃ natthi, nirussāhaṃ vipākaṃ.

32. Kāmāvacaradevānaṃ manussānaṃ ime aṭṭha mahāvīpākā **duhetukatihetukānaṃ** kāmāvacaradevānaṃ, manussānaṃca paṭisandhiyo bhavanti.

33-4. Tato paraṃ pavattiyam yāvatāyukaṃ bhavaṅgaṃ hutvā **balavārammaṇe** atimahantavibhūtārammaṇe tadārammaṇaṃca hutvā tato paraṃ maraṇakālasmiṃ cuti hutvā pavattanti, **evaṃ** iminā mayā vuttappakārena catūsu ṭhānesu **vipaccanti** vipākabhāvena jāyanti.

35. Sabhūmikusaleheva mahāpākā samā vinā mahāpākā **kammadvāraṃ** kammakāraṇaṃ vinā, kammaṃca mahāpuññānaṃ kiriyavattukaṃ **vinā** vajjetvā **sabhūmikusaleheva** attano bhūmiyaṃ pavattehi kusalehi eva **samā** sadisā. Kammadvāraṃ nāma kāyaviññattikammadvāraṃ, vacīviññattikammadvāraṃ, bhavaṅgasāṅkhātamaṃ manodvāraṃ, iti tividdhaṃ kammadvāraṃ kammakāraṇaṃ. Kammaṃ nāma aṭṭhakāmāvacarakusalacetanā idha adhippetā.

36. Pākā kusalavīpākā aviññattijanattā ca viññatti ca viññatti ca viññattiviññattiyoti vattabbe sarūpekasesaṃ katvā “viññattī”ti vuttaṃ, tā janentīti viññattijanā, na viññattijanā aviññattijanā, tesam bhāvo aviññattijanattaṃ. Tasmā **aviññattijanattā** kāyaviññattivacīviññattisaṅkhātanaṃ kammadvārānaṃ ajanakattā manodvārasāṅkhātassa kammadvārassa vasena ca appavattanato **avīpākāsabhāvato** ca akammabhāvato ca **appavattanato ceva**

puññakiriyavatthuvaseṇa appavattanato ceva puññehi **no samā** asadisā.

37-9. Parittārammaṇattā hi tesamekantato tesam vipākānaṃ ekantato parittārammaṇattā kāmāvacarārammaṇattā **tesu** vipākesu sattapaññattikārammaṇā **karuṇāmudītā kadāci** kismiñci kāle na jāyanti, **tathā** evaṃ tisso pana viratiyo **etesu** vipākesu na jāyanti, **hi** kasmā kāraṇā na jāyanti, pañca sikkhāpadā **kusalāti** kusalā nāmāti satthunā vuttā yasmā kāraṇā, tasmā na jāyanti. **Tathādhipatinopettha tathā** evameva cattāro **adhipatinopi** etesu vipākesu na santi. Kasmā? **Chandādīni** dhammajātāni puretaraṃ katvā anuppajjanato na santi, **iti** vacanaṃ **viniddise** ācariyo katheyya.

40. Asaṅkhārasasaṅkhāravidhānaṃ pana puññato vipākesu asaṅkhārasasaṅkhāravidhānaṃ puññato kusalato āgamanavasena ñeyyaṃ. Tattha ekaccānaṃ ācariyānaṃ matena mukhe calite ādāsatale mukhanimittacalanaṃ viya asaṅkhārasa kusalassa vipāko asaṅkhāro hoti, sasaṅkhārasa kusalassa vipāko sasaṅkhāro hoti, evaṃ āgamanavasena ñeyyaṃ. **Paccayato ceva ñeyyaṃ** tattha ekaccānaṃ ācariyānaṃ matena balavantehi vibhūtehi paccayehi kammādīhi uppanno asaṅkhāro dubbalehi sasaṅkhāro hoti evaṃ paccayavasena viññeyyaṃ jānitabbaṃ.

41-2. Hīnādīnaṃ puññānaṃ vipākattā hīnādayo vipākā **puññāvādīnā** jinena paridīpitā bhavanti, **iti** evaṃ iminā vuttapakāreṇa pavattaṃ idaṃ aṭṭhavidhaṃ cittaṃ ekantena savatthukaṃ kāmālokasmiṃ jāyate, **aññattha pana** aññāsu bhūmīsu na jāyate.

Viññāpapañcakaṃ niyatārammaṇanti cakkhuvīññāṇassa rūpameva ārammaṇaṃ, na saddādayo. Sesattayaṃ yadā cakkhuvīññāṇena gahitaṃ ārammaṇaṃ karoti, tadāssa rūpaṃ ārammaṇaṃ hoti. Yadā sotaviññāṇena gahitaṃ, tadāssa saddo ārammaṇo hoti. Yadā ghāṇajivhākāyaviññāṇehi gahitāni ārammaṇāni karonti, tadāssa gandharasaphoṭṭhabbārammaṇāni honti. Manoviññāṇadhātudvayaṃ yadā tadārammaṇaṃ hoti, tadā chaārammaṇaṃ hoti, evaṃ aniyatārammaṇaṃ hoti.

Rūpārammaṇāya kiriyāmanodhātuyā apagamo padaṭṭhānaṃ āsanna kāraṇaṃ etassāti **apagamapadaṭṭhānaṃ**, tāya āvajjanaṃ katvā tīṭāya cakkhuvīññāṇena dassanakiccaṃ karīyatīti attho. **Tathābhāvapaccupaṭṭhānaṃ** sampañicchanabhāvena gayhākāraṃ. **Santīraṇādīrasā** somanassayuttā manoviññāṇadhātusantīraṇatadārammaṇarasā, upekkhāyuttā pana santīraṇatadārammaṇapaṭiṣandhibhavaṅgacutirasā, **tathābhāvapaccupaṭṭhānā** santīraṇādībhāvena gayhākāraṃ.

43. Kāmāvacarapuññassa kāmāvacarakusalassa soḷasa vipākā honti. Iti yaṃ vacanaṃ vuttaṃ, **taṃ** vacanaṃ **tīhetukapuññassa** ukkaṭṭhassa vasena ācariyo **paridīpaye**. Ayamettha attho – chandādhipateyyādīnaṃ vasena ukkaṭṭhatīhetukakusalaṃ kāmāsuṅgatiyaṃ tīhetukapaṭiṣandhiṃ datvā pavatte aṭṭha ahetukakusalavipākāni, aṭṭha mahākusalavipākānīti soḷasa pākāni nipphādeti.

44. Kusalanūgataṃ katvā bhājitaṃ kiṃ mahaggataṃ vipākacittaṃ **kusalānūgataṃ** kusalaṃ anūgataṃ katvā mahaggatakusalacittena samānaṃ katvā bhagavatā **bhājitaṃ** desitaṃ. **Kiṃ** kena kāraṇena? **Kāmāvacarapuññāṃva** kāmāvacarakusalaṃ iva asamānaphalaṃ natthi **yato** yasmā kāraṇā, tasmā vipākaṃ kusalanūgataṃ katvā bhagavatā bhājitaṃ desitaṃ. **Kāmāvacarapuññāṃvāti** yathā aṭṭhavidhesu kāmāvacarakusalesu ukkaṭṭhatīhetukakusalaṃ kāmāsuṅgatiyaṃ tīhetukapaṭiṣandhiṃ datvā pavatte soḷasa kusalanūgataṃ katvā pavatte tīhetukaomakañca duhetukaukkaṭṭhañca kāmāsuṅgatiyaṃ duhetukapaṭiṣandhiṃ datvā pavatte tīhetukavirahitāni ahetukaduhetukasaṅkhātāni vipākāni nipphādeti, duhetukaomakaṃ pana kāmāsuṅgatiyaṃ ahetukapaṭiṣandhiṃ datvā pavatte aṭṭha ahetukavipākāni nipphādeti, evaṃ kāmāvacarapuññāṃva asamānaphalaṃva hoti.

45. Gajādīnaṃ chāyā gajādīsadisā hoti yathā, evaṃ mahaggatavipākaṃ **sabbathā** sabbapakāreṇa attano kusaleheva samānaṃ hoti.

46-7. Kāmāvacarapuññāṃva nāparāpariyavedanaṃ idaṃ mahaggatakusalaṃ kāmāvacarapuññāṃva aparāpariyavedanaṃ aparasmīṃ bhava phaladāyakaṃ **na** hoti, jhānā aparīhīnassa **bhavagāmino** paṭiṣandhigāmino sattassa kusalanāntaraṃyeva phalaṃ uppajjati, iti ca ñāpanatthaṃ **etassa** mahaggatavipākassa **kusalānūgataṃ** kusalanūgamaṃ bhagavatā **katam**.

48. Ettha etasmīṃ mahaggatavipāke paṭipadākkamo tesañca hīnādīnaṃ bhedato **jhānāgamanato** mahaggatakusalajhānassa āgamanavasena **vibhāvinā** paṇḍitena vedītabbo.

49. Ettha vipāke chandādī**adhipatīnaṃ** abhāvo, ayameva visesato kusalato ayaṃ eva viseso, sesaṃ

sabbapakāraṃ avisesena kusalena samaṃ **matam** kathitaṃ bhagavatā.

50. Suññataṃ animittanti, tathāpaṇihitanti suññataṃ anattā, animittaṃ aniccaṃ, appaṇihitaṃ dukkhaṃ **iti** etāni tīṇi nāmāni **maggassa anantare** catubbidhassa maggassa anantare catubbidhe **phale** honti.

51. Labbhanti parabhāgasmim maggānantare pavattaphalato aññasmiṃ kāle **vaḷaṅjanaphalesu** phalasaṃpattisaṃpajjanakālesu etāni tīṇi nāmāni na labbhante, phalehi **vipassanāvaseneva** anattaaniccadukkhasaṅkhātānaṃ tiṇṇaṃ vipassanānaṃ vasena eva tāni tīṇi nāmāni labbhare phalehi labbhante.

52. Honti sādhipatīneva lokuttaraphalāni tu ekantato sādhipatīni eva honti, lokuttaraphalāni ṭhapetvā aññasmiṃ vipāke adhipatī natthi.

53. Maggo attano maggabhāvena maggo nāma vuccate bhagavatā. Phalaṃ **maggam upādāya** aṭṭhaṅgikamaggam nissayaṃ katvā maggo nāma **iti** vacanaṃ vuccate bhagavatā.

54. Ime satta akusalavipākā. Gāvo caranti etthāti gocaro, tassadisattā gocaro ārammaṇanti attho, aniṭṭho ca aniṭṭhamajjhato ca aniṭṭhāniṭṭhamajjhata, teyeva gocaro aniṭṭhāniṭṭhamajjhataṅgocaro, tasmim **aniṭṭhāniṭṭhamajjhataṅgocare vattare** vattanti. **Sukhādittayayuttā te** te aṭṭha ahetakakusalavipākā sukhādittayayuttā sukhāsomanassaupekkhāvedanāhi sahagatā. **Dukkhupekkhāyuttā ime** ime satta ahetukaakusalavipākā dukkhupekkhāvedanāhi sahagatā.

55. Evaṃ chattiṃsadhā pākaṃ pākasāsanapūjito sugato. Kiṃ visiṭṭho? Pākaṃ nāma asuraṃ, taṃ sāsati, pākena attano puññaphalena deve anusāsati vā pākasāsano, ko so? Sakko. Tena pākasāsanena pūjito **savipākāvipākesu** kuslavipākakiriyesu **kusalo** cheko **evaṃ** iminā mayā vuttapakārena **pākaṃ** cittaṃ chattiṃsappakāraṃ **abrvi** avoca.

Anuḷāresūti khuddakesu. **Tathābhāvapaccupaṭṭhānā** chaḷārammaṇavijānanagayhākārā. Sabbaññutaññāssa gati viya gati etissāti **sabbaññutaññāpaṭatikā**.

56. Somanassayuttānaṭṭha, kusalākusalāni ca somanassayuttāni aṭṭha kusalākusalāni ca, kriyato pana pañca **evaṃ** iminā mayā vuttapakārena hāsacittāni terasa.

57. Puthujjanā hasantettha ettha etesu terasacittesu puthujjanā pana aṭṭhahi cittehi hasanti. **Sekhā** satta ariyā chahi cittehi hasanti. **Asekhā** khīṇāsavā **pañcahi** cittehi hasanti.

Kusalāni pana rūpārūpakusalāni sekhaputhujjanānaṃ uppajjanti. **Imāni** rūpārūpakiriyaṇi khīṇāsavānaṃ bhāvanāyeva kāro bhāvanākāro, tassa vaso bhāvanākāravaso, tena pavattāni. **Tāni** rūpārūpakusalāni bhāvanāpuññāvasappavattāni bhāvanākusalavasena pavattāni. **Imesaṃ** rūpārūpakiriyaṇaṃ **tesaṅca** rūpārūpakusalānaṃ ayameva viseso.

58-9. Yā puthujjanakālasim, abhinibbattitā pana puthujjanakālasim puthujjanabhāvaṭṭhitena yoginā abhinibbattitā **yā** rūpārūpasamāpatti, **sā** rūpārūpasamāpatti so yogī **khīṇāsavo bhikkhu** hutvā **naṃ** rūpārūpasamāpattiṃ **yāva** yattakaṃ kālaṃ na samāpajjate, **tāva** tattakena kālena tassa khīṇāsavabhikkhuno **kusalā eva** rūpārūpakusalā eva hoti. Khīṇāsavena **sā** rūpārūpasamāpatti **sace** yadi **samāpannā** samāpajjitā, **kriyā** rūpārūpakiriyaṇā hoti.

60. Ekādasavidhaṃ kāme kāmāvacare kiriyacittaṃ ekādasavidhaṃ, **rūpe** rūpāvacare pañca, arūpisu cattāri iti sabbāni kriyacittāni vīsati.

61. Lokuttarakriyacittaṃ, pana kasmā na vijjati? Maggassa ekacittakkhaṇikattā na vijjati. Ayamettha adhippāyo – catumaggaṭṭho khīṇāsavo nāma na hoti, maggānantameva phalaṃ uppajjati, maggopi ekacittakkhaṇiko yadi cittaṃ bahucittakkhaṇikaṃ, phalasaṃgino khīṇāsavassapi maggacittaṃ bhavēyya, evaṃ sati lokuttarakiriyaṇaṃ bhavēyyāti adhippāyo.

62. Kriyākriyāpattivibhāgedesako karaṇaṃ kriyaṃ, **kriyaṃ** nāma vinayapariyāyena akattabbassa karaṇaṃ, na karaṇaṃ akriyaṃ, **akriyaṃ** nāma vinayapariyāyena kattabbassa akaraṇaṃ, āpajjanaṃ āpatti, kriyāya karaṇena āpatti kriyāpatti, akriyāya akaraṇena āpatti akriyāpatti, kriyāpatti ca akriyāpatti ca kriyāpatyākriyāpattiyo, ekassa **āpatti-**saddassa lopaṃ katvā “kriyākriyāpattiyo”ti vuttaṃ, tasmaṃ vibhāgo kriyākriyāpattivibhāgo, desetṭi desako, tassa

desako **kriyākriyāpattivibhāgedesako**. Nvu-tu-paccayesu paresu kammатthe chaṭṭhī hotīti vadanti. Jino kiṃ visiṭṭho? Kriyākriyāpattivibhāgedesako **hitāhitānaṃ sakriyākriyārato** hitassa sakriyāya rato, ahitassa akriyāya rato, yaṃ kriyākriyaṃ, **kriyaṃ** nāma kriyacittaṃ, **akriyaṃ** nāma kusalākusalavipākacittaṃ icchanti eke. Taṃ na. Kasmā? Kusalādhikāre “kusalaṃ muninā lapitaṃ” akusalādhikāre “pāpamānasam pāpāpāpesvapāpena vuttaṃ” vipākādhikāre “pākaṃ sugato abravī”ti vatvā puna kriyādhikāre “kusalākusalavipākāni avocā”ti vacanassa vattabbābhāvato. Tena vāssa kriyākriyaṃ etassāti **kriyākriyaṃ**, kriyākriyasabhāvanti attho. Ayameva sārato paccetabbo. Yaṃ kriyākriyaṃ cittaṃ kriyākriyasabhāvaṃ **avoca** desesi, **taṃ kriyākriyaṃ** kriyākriyasabhāvaṃ mayā **samīritaṃ**, sammā pakārena rītaṃ kathitaṃ.

64. Ekūnanavuti sabbe, cittuppādā mahesinā lokuttare aṭṭha katvā ekūnanavuti sabbe cittuppādā **mahesinā** tathāgatena **samāsato** saṅkhepato niddiṭṭhā.

65. Piṭake abhidhammasmiṃ, ye bhikkhū pāṭavatthino abhidhammapiṭake paṭuno bhāvo pāṭavaṃ, tena attho pāṭavattho, so etesaṃ atthīti **pāṭavatthino**, chekabhāvattikā ye bhikkhū, **tehi** bhikkhūhi **ayaṃ** abhidhammāvatāro **uggahetabbo** sikkhitabbo punappunaṃ cintitabbo.

66. Ye janā tassāṅkāseṇa taṃsannibhena abhidhammāvatāreṇa **abhidhammahodadhiṃ** mahāsāgarasannibhaṃ abhidhammaṃ taranti, te imaṃ lokaṃ paralokañca taranti. **Iti** parisamāpane.

Iti abhidhammāvatāraṭṭhāyā

Cittaniddesavaṇṇanā niṭṭhitā.

Paṭhamo paricchedo.

2. Dutīyo paricchedo

Cetasikaniddesavaṇṇanā

67. Cittānantaramuddiṭṭhā, ye ca cetasikā mayā ye ca cetasikā cittānantaram mayā uddiṭṭhā, ito paraṃ idāni **tesaṃ** cetasikānaṃ vibhājanaṃ karissāmi ahaṃ.

Imesu pana karuṇāmuditāvasena bhāvanākāle karuṇāpubbabhāgo vā, appanāpattāya karuṇāya pubbabhāgo, tasmīṃ pubbabhāge, karuṇāto pubbabhāge kāmāvacaracitteti attho. Ekā karuṇā uppajjati. Muditāpubbabhāge vā appanāpattāya muditāya pubbabhāge ekā muditā uppajjati. Iminā kāmāvacaracittena yogī micchākammantādīhi dhammehi viramati. **Ramu**-dhātu kīḷayaṃ, **vi**-saddo viramaṇattho.

68. Ādinā puññacittena, tettiṃsa niyatā matā ādinā puññacittena paṭhamamahākusalacittena saha niyatā **tettiṃsa** cetasikā bhagavatā matāti, atha vā karuṇāmuditā aniyatā **ekena** dhammena saha **catuttiṃsa** dhammā bhavanti.

69. Kasmā panettha mettā ca, upekkhā ca na uddhaṭā ettha etesu yevāpanakadhammesu, niddhāraṇaṃ, mettā ca upekkhā ca **dhammarājena** satthunā **na uddhaṭā** na vuttā kasmā kāraṇā.

70. Abyāpādena mettāpi abyāpādena mettā gahitā, **upekkhā**ti tatramajjhattatāya ca gahitā **yasmā** kāraṇā, tasmā ubhopedā bhagavatā na gahitā.

71. Kasmā yevāpanā dhammā, buddhenādiccabandhunā sabbe te **yevāpanā dhammā** yevāpananāmakā pāḷiyaṃ sarūpena eva. Bandhati snehena etasminti bandhu, ādiccassa bandhu ādiccabandhu, tena **ādiccabandhunā** buddhena **na ca uddhaṭā** na desitā.

72. Kasmā kāraṇā? Yasmā aniyatā keci yevāpanakā aniyatā, **yasmā** kāraṇā **rāsiṃ** dukavaggādirāsiṃ **na bhajanti** na sevanti, **yasmā** kāraṇā **keci** yevāpanakā dubbalā, tasmā pāḷiyaṃ bhagavatā na vuttā.

73. Chandādhimokkhamuditā manasi ca kāro,

Majjhataṭṭā ca karuṇā viratittayaṇca;
Puññesu tena niyatāniyatā ca sabbe,
Yevāpanā munivarena na ceva vuttā.

Chandādhimokkho muditā manasikāro majjhataṭṭā karuṇā viratittayaṇca **puññesukusalesu** niyatā cattāro aniyatā pañca sabbe yevāpanā na ca eva tena munivarena vuttā.

74-80. Kasmā panettha phassova, paṭhamam samudīrito ettha etesu cetasikesu, jātiniddhāraṇam, phassova paṭhamam **samudīrito** kathito. Kasmā kārāṇā? **Kira** mayā sutam, ārammaṇe cittassa paṭhamam abhinipātattā phasso paṭhamam samudīrito, **phusitvā pana phassena** phassena ārammaṇam phusitvā yogino vedanāya ārammaṇam **vedaye**, saññāya **sañjānāti**, cetanāya ārammaṇam **cetaye**. **Sahajātānaṃ** cetasikānaṃ phassova **idha** imasmiṃ citte mahesinā paṭhamam vutto. **Hi** kasmā kārāṇā? Yasmā **balavapaccayattā**, tasmā vutto. **Akāraṇamidam sabbam, cittānaṃ tu saheva** ca “paṭhamābhiniṭṭattā”ti ca “balavapaccayattā”ti ca **idam sabbam** vacanaṃ **akāraṇam** ahetukaṃ ayuttam, kasmā kārāṇā? **Cittajānaṃ** cittehi sahappavattānaṃ cetasikānaṃ **ekuppādādhāvena** samānupādāsamanānirodhasamānālambaṇasamānavatthukabhāvena pavattito akāraṇam ayuttam. **Ayam tu paṭhamuppanno, ayam pacchāti natthidam ayam** dhammo paṭhamuppanno, **ayam** dhammo pacchākāle uppanno iti **idam** vacanaṃ natthi. Balavapaccayattepi kārāṇam na ca dissati. Desanākkamato ceva paṭhamam samudīrito **iccevam** iti evam iti iminā mayā vuttappakārena phassassa paṭhamam samudīritatam **viññunā** vibhāvinā viññeyyam, **visesato** visesena aññathā na viññeyyam. **Na ca pariyesitabboyam, tasmā pubbāparakkamo** yasmā kārāṇā ayam pubbāparakkamo viññunā **na ca pariyesitabbo** na gavesitabbo, dhammā eva vacanattalakkhaṇādīhi **vijanatā** paṇḍitena pariyesitabbā.

Itthākārānubhavanarasā itthārammaṇānubhavanakiccā **subhojanarasam** anubhavanto **rājā viya**. Cetasikaassādapaccupaṭṭhānā cetasikapassaddhipadaṭṭhānā.

Paccābhīññāṇakaraṇarasā paṭijjānanakiccā **vaḍḍhakissa abhiññāṇakaraṇamiva** vaḍḍhakino sakim sañjānitvāpi dāruharesu suttassa paṭipasāraṇam viyāti adhippāyo. **Yathāgahitanimittavasenāti** yathāpavattitanimittassa vasena. Manasi abhinivesakaraṇam gayhākārā.

Āyūhanarasā pavattanakiccāsādhakā. **Mahāvaḍḍhakiādayo viya** yathā mahāvaḍḍhakī sayampi dāruṃ tacchati, parepi dāruṃ tacchāpeti, evam sayampi ārammaṇe sandahati, sampayuttadhammepi abhisandahāpeti.

Āhananaṃ bhūso hananaṃ, pariyāhananaṃ samantā hananaṃ, tam raso etassāti **āhananapariyāhananaraso**.

Ārammaṇānumajjanalakkhaṇo ārammaṇaparimaddanalakkhaṇo.

Pinayatīti pīti, sahajātadhamme ārammaṇe pinayatīti attho. Kāyacittapharaṇarasā. Udaggassa cittassa bhāvo odagyaṃ, tam paccupaṭṭhānaṃ etassāti **odagyapaccupaṭṭhānā**.

Saddahanti vatthuttayaṃ saddahanti. **Akalūsiyapaccupaṭṭhānā** anāvilabhāvapaccupaṭṭhānā. **Saddheyavattthupadaṭṭhānā** saddahitabbavattthuttayāsannakārāṇā.

Araññagatasudesako viya araññe gato maggasudesako viya.

Attanā avinibbhuttānaṃ dhammānanti avigatānaṃ cetasikānaṃ. **Tesanti** tesam cetasikānaṃ dhammānaṃ. Santepi ca **tesam** cetasikānaṃ anupālanalakkhaṇādīmi vidhāne atthikkhaṇeyeva **tam** tesam pāletabbānaṃ cetasikānaṃ pavattakkhaṇeyeva tam jīvitaṃ **te dhamme** pāletabbe cetasike anupāleti. **Udakaṃ viyāti** yathā udakaṃ attani uppalādīni anupāleti, tathā anupālanalakkhaṇādīmi vidhāne santepi tesam atthikkhaṇeyeva anupāleti, vijjamānakkhaṇeva anupāletīti adhippāyo. Paccayuppannepi ca dhamme anupāleti, **dhāti viya kumāraṃ** aññāya janitaṃ kumāraṃ rakkhanti dhāti viya, parassa puttaṃ anākadīnā dhāretīti **dhāti**. **Sayampavattitadhammasambandheneva pavattati** attanā pavattitehi dhammehi sampavattati. **Niyāmako viya** yathā niyāmako ekanāvāya vutthehi janehi saha pavattati, bhaṅgato uddham tam jīvitaṃ na pavattayati, attano ca abhāvā ṭhapayitabbānaṃ cetasikānaṃ abhāvā, bhaṅgakkhaṇe cetasike na ṭhapeti sayam bhijjamānattā, vaṭṭisneho khīyamāno paḍīpasikham na karoti yathā.

Sommabhāvapaccupaṭṭhānoti mudubhāvapaccupaṭṭhāno, sītalabhāvapaccupaṭṭhāno vā.

Kāyoti cettha vedanādayo tayo khandhā vedanākkhandho saññākkhandho sañkhārakkhandho ime khandhā gahitā.

Nimmaddanarasāti nimmaddanakiccā. **Kāyacittānaṃ avūpasamatāuddhaccādikilesapaṭipakkhabhūtāti** ādiggaḥaṇena kukkuccaṃ gahetabbaṃ.

Iti abhidhammāvatāraṭṭikāya

Cetasikaniddesavaṇṇanā niṭṭhitā.

Dutiyo paricchedo.

3. Tatiyo paricchedo

Cetasikavibhāganiddesavaṇṇanā

89. Sabbe cetasikā vuttā, buddhenādiccabandhunā ye sabbe cetasikā **ādiccabandhunā** buddhena vuttā, **te** sabbe cetasikā **nāmasāmaññato** nāmasamānabhāvena **dvepaññāsabhavanti te**, anottappariyosānā dvipaññāsa bhavanti.

90-92. Catupaññāsadhā kāme, rūpe pañcadaseritā kāme kāmāvacare catupaññāsa cittāni īritā. **Rūpe** rūpāvacare pañcadasa cittāni īritā bhavanti. **Dvādasārūpe** arūpāvacare dvādasāsa cittāni bhavanti. **Cattālīsa manāsavā** lokuttaracittāni cattālīsa bhavanti, ekavīsasataṃ sabbe cittuppādā **samāsato** sañkhepato ekavīsasataṃ hoti. **Etesu tesamuppattiṃ** ito paraṃ **etesu** mayā vuttessu cittesu **tesaṃ** phassādīnaṃ dhammānaṃ uppattiṃ ekaṃ ekaṃ uddharitvā cittacetāsikesu bhikkhūnaṃ pāṭavathāya ahaṃ **pavakkhāmi** desissāmi.

93. Ekaggaṭā cittekaggaṭā **manakkāro** manasikāro **jīvitāṃ** phassapañcakaṃ **ete aṭṭha** cetasikā **avinibbhogā** aññamaññāto avigaṭā **ekuppādā** samānuppādā **sahakkhayā** sahavayā.

94. Phasso ca vedanā saññā, cetanā jīvitindriyaṃ ekaggaṭā manakkāro **ime** cetasikā **sabbasādhāraṇā** sabbacittehi sādāraṇā, sabbacittānaṃ sādāraṇā vā.

95. Vitakko pañcapaññāsa-cittesu samudīrito. Cāro chasaṭṭhicittesu vitakko tāva dvipañcaviññānavajjitakāmāvacaresu ceva ekādasasu paṭhamajjhānacittesu cāti **pañcapaññāsacittesu** bhagavatā samudīrito. Vicāro dvipañcaviññānavajjitakāmāvacaracittesu ekādasasu paṭhamajjhānacittesu ca ekādasasu dutiyajjhānacittesu cāti **chasaṭṭhicittesu** jāyati. Ettha etasmiṃ vacane saṃsayo natthi.

96. Ekapaññāsacittesu, pīti tesatṭhiyā sukhaṃ pītidomanassupekkhāsahagatakāyaviññānacatutthajjhānavajjitesu **ekapaññāsacittesu** jāyati. Sukhaṃ domanassadukkupekkhāsahagatavajjitesu **tesatṭhicittesu** jāyati. **Upekkhā** somanassasukhadukkuhasahagatavajjitesu **pañcapaññāsacittesu** jāyati. **Dukkhaṃ** akusalavipākakāyaviññānapaṭighasahagatesu **ṭisu** cittesu jāyati.

97. Hoti dvāsaṭṭhicittesu, somanassindriyaṃ pana domanassadukkuhasukkupekkhāsahagatavajjitesu **dvāsaṭṭhicittesu** jāyati. **Dukkhindriyaṃ panekasmim** akusalavipāke kāyaviññāṇe jāyati. **Tathekamhi sukhindriyaṃ tathā ekasmim** puññāpāke kāyaviññāṇe hoti.

98. Pañcuttarasate citte, vīriyaṃ āha nāyako jino pañcadvārāvajanadvipañcaviññānasampañcchanasantīraṇavajjite **pañcuttarasate citte** vīriyaṃ **āha** kathesi. **Catuttarasate citte, samādhindriyamabrvi** vicikicchāsahagatadvipañcaviññānasampañcchanasantīraṇapañcadvārāvajanavajjite **catuttarasate citte** samādhindriyaṃ avoca.

99. Sabbāhetukacittāni, ṭhapetvā cekahetuke sabbāni aṭṭhārasa ahētukacittāni ekahētukacittadvayaṅca ṭhapetvā sesasmim **ekuttarasate citte** chandassa uppattiṃ **uddise** paṇḍito katheyya.

100. Ṭhapetvā dasa viññāṇe cakkhaviññāṇādike dasa viññāṇe ca **vicikicchāyutampi** cittaṃ ṭhapetvā sesasmim **dasuttarasate citte** adhimokkho bhagavatā udīrito.

101-2. Saddhā sati hirī ottappaṃ alobho adoso tatramajjhattaṃ cha yugaḷā ca **iti** ime ekūnavīsati dhammā niyatā hutvā ekanavutiyā citte jāyanti. Ekūnavīsati dhammā **ahetukesu** aṭṭhārasasu **apuññesu** dvādasasu akusalesu **na jāyare** na jāyanti.

103. Ekūnāsītiyā citte, paññā jāyati sabbadā paññā dvādasākusalaatṭhārasaahetukamahākusalaññavippayuttamahāvīpākāññavippayuttamahākīriyāññavippayuttavajjite **ekūnāsītiyā** citte jāyati. **Aṭṭhavīsatiyā citte, karuṇāmuditā siyuṃ** karuṇāmuditā aṭṭhasu mahākusalesu, aṭṭhasu mahākīriyāsu, rūpāvacarapañcamajjhānavajjitesu dvādasārūpāvacaresu cāti **aṭṭhavīsatiyā cittesu** siyuṃ bhaveyyuṃ.

104. Kāmāvacarapuññesu, sabbalokuttaresu ca kāmāvacaramahākusalesu cittesu sabbesu lokuttaresu cāti saha aṭṭhake **cattālisavidhe citte** viratittayam hoti.

105. Saddhā sati hirottappaṃ alobhādittayampi ca yugaḷāni cha ca majjhattaṃ karuṇāmuditāpi ca.

106. Tathā tisso viratiyo sabbe te pañcavīsati dhammā mahākusalacittasampayuttaabyākatacittasampayuttāti **kusalena** sabbesuyeva dhammesu chekena vijitaṅgaṇena pakāsītā.

107. Ahirīkaṃ anottappaṃ, moho uddhaccameva cāti ime cattāro dhammā niyatā hutvā **dvādasāpuññacittesuyeva** dvādasākusalacittesuyeva **jāyare** jāyanti.

108-9. Lobho doso ca moho ca, māno diṭṭhi ca saṃsayo vicikicchā middhaṃ uddhaccaṃ kukkuccaṃ thināṃ macchariyampi ca ahirīkaṃ anottappaṃ issā ca domanassakaṃ **ete** dhammā **akusalā** akusalacittasampayuttā **ekantena mahesinā** vijitaṅgaṇavigatamālena vuttā.

110. Lobho **aṭṭhasu** lobhamūlesu cittesu bhagavatā **niddiṭṭho** dassito. Diṭṭhi **catūsu** diṭṭhisampayuttesu cittesu vuttā. Māno diṭṭhivippayuttasu catūsu gāhūpavādappabhindanena vutto. Doso **dvīsu eva** paṭighasampayuttasu cittesu munindena vutto.

111. Issāmaccherakukkuccā **dvīsu** dosamūlesu cittesu jāyanti, **no saha** saha no jāyanti, ekekova jāyantīti attho. **Vicikicchā panekasmim** vicikicchā pana ekasmim vicikicchāsahagatacitte jāyati. Thinamiddhaṃ **pañcasu** sasāṅkhārikaakusalacittesu jāyati.

112-3. Phasso ca vedanā saññā, cetanā jīvitam mano vitakko ca vicāro ca pīti vīriyaṃ samādhi ca chando cevādhimokkho ca manasikāro ca **cuddasa** dhammā **kusalā ca** kusalacetāsikā ca honti. **Akusalā ceva** akusalacetāsikā ceva **abyākatāpi ca** abyākatacetāsikā ca honti.

114. Ekūnatīmsacittesu, jhānaṃ pañcaṅgikaṃ matam catūsu somanassasahagatākusalesu, dvādasasu somanassasahagatamahākusalamahāvīpākamahākīriyacittesu, sukhasantīraṇahasituppādacittesu, tīsu rūpapaṭṭhamajjhānacittesu, aṭṭhasu lokuttarapaṭṭhamajjhānacittesu cāti **ekūnatīmsacittesu pañcaṅgikaṃ** pañcāvayavajjhānayuttaṃ jhānaṃ sugatena matam. Upekkhāsahagatāni cattāri lobhamūlāni ca dve dosamūlāni ca dve mohamūlāni ca manodhātuttikaṇca upekkhāsahagatā tisso ahetukamanoviññādhātuyo ca dvādasupekkhāsahagatāni mahākusalamahāvīpākakīriyacittāni tīni rūpadutiyajjhānacittāni aṭṭha lokuttaradutiyajjhānacittāni cāti **sattatīmsa** cittāni **catujhānaṅgayuttāni** catujhānāvayavayuttāni **iti** evaṃ niddise **kathēyya**.

115. Ekādasavidham cittaṃ, tivaṅgikamudīritam tīni rūpāvacaratīyajjhānacittāni, aṭṭhalokuttaratīyajjhānacittāni cāti **ekādasavidham cittaṃ tivaṅgikaṃ** tiavayavajjhānayuttaṃ, cha rūpāvacaracattūthajjhānapañcamajjhānacittāni, dvādasārūpāvacaracittāni, soḷasa lokuttaracattūthajjhānapañcamajjhānacittāni cāti **catutīmsavidham cittaṃ duvaṅgikaṃ** dviavayavajjhānayuttaṃ **udīritam** jinena īritam.

116. Sabhāvenāvītakkesu, jhānaṅgāni na uddhare sabhāvena pakatiyā **avitakkesu** vitakkavīrahitesu dvīpañcaviññāṇesu **jhānaṅgāni** jhānāvayavāni jino na uddhare. Ayamethādhīppāyo – aññattha vitakko jhānacittena vipahīno bhāsito, imesu pana neva jhānacittena pahīnā, pakatiyā vitakkavīrahītāni dvīpañcaviññāṇāni sabbāhetukacittesu **maggaṅgāni** maggāvayavāni jino **na uddhare** na deseyya.

117. Budho jino dvīpañcaviññāṇesu manodhātuttike ca tīsu santīraṇesu cāti **soḷasacittesu** tīṇindriyāni **vade** kathēyya. **Ekasmim pana cattāri** ekasmim vicikicchāsahagatacitte cattāri indriyāni honti, ekādasasu akusalacittesu

vicikicchāyuttacittavajjitesu hasituppāde ceva voṭṭhabbanacitte cāti **terasasu** cittesu **pañca** indriyāni **budho** bhagavā **uddhare** uddhareyya.

118. Satta dvādasacittesu, indriyāni jinobrvi jino buddho ñāṇavippayuttamahākusalamahāvīpākamahākiriyaśaṅkhātesu **dvādasacittesu** satta indriyāni **abrvi** kathesi, **ekenūnesu aṭṭheva, cattālīsamānesu ca** jino ñāṇasampayuttamahākusalamahāvīpākamahākiriyaśaṅkhātesu dvādasasu cittesu, pañcadasasu rūpesu, dvādasasu arūpesu cāti **ekenūnesu cattālīsamānesu aṭṭheva** indriyāni abrvi.

119. Cattālīsāya lokuttaracittesu **navakaṃ** indriyanavakaṃ nāyako **abrvi** kathesi. **Evam indriyayogopi, vedītabbo vibhāvinā evaṃ** iminā mayā vuttappakārena cittesu indriyayogo vibhāvinā visesena paññaṃ bhāvetuṃ pakāsetuṃ sīlametassāti vibhāvī, tena vedītabbo.

120. Amaggaṅgāni nāmettha, aṭṭhārasa ahetukā ettha etesu cittesu aṭṭhārasa ahetukā natthi maggo etesūti amaggaṅgāni nāma, **jhānaṅgāni na vijjanti, viññāṇesu dvipañcasu** dvipañcaviññāṇesu jhānaṅgāni na saṃvijjanti.

121. Ekaṃ cittaṃ dumaggaṅgaṃ ekaṃ vicikicchāsahagatacittaṃ **dumaggaṅgaṃ** dumaggāvayavaṃ, catūsu diṭṭhivippayuttākusalacittesu ca dvīsu paṭighayuttesu ca uddhaccayuttesu cāti **sattasu** cittesu ca **tīmaggaṅgāni** tīmaggāvayavāni honti. **Cattālīsāya cittesu, maggo so caturaṅgiko** catūsu diṭṭhisampayuttākusalesu ñāṇavippayuttamahākusalamahāvīpākamahākiriyaśaṅkhātesu dvādasasu cittesu ca rūpāvacaradutiyatīyatīyatutthapañcamajjhānasāṅkhātesu dvādasasu rūpāvacaresu, dvādasasu arūpāvacaresu cāti **cattālīsāya cittesu caturaṅgiko maggo** caturāvayavo maggo hoti.

122. Pañcaddasasu cittesu, maggo pañcaṅgiko mato ñāṇasampayuttamahākusalamahāvīpākamahākiriyaśaṅkhātesu dvādasasu, tīsu rūpapaṭhamajjhānacittesu cāti **pañcaddasasu cittesu pañcaṅgiko** pañcāvayavo maggo bhagavatā mato. **Dvattīmsacittesu maggo sattaṅgikopi ca** lokuttaradutiyatīyatīyatutthapañcamajjhānasāṅkhātesu **dvattīmsacittesu** maggo **sattaṅgiko** sattāvayavo hoti.

123. Maggo aṭṭhasu cittesu maggaphalavasena **aṭṭhasu** lokuttaracittesu maggo **aṭṭhaṅgiko** aṭṭhāvayavo hoti. **Iti** parisamāpane. **Tu** padapūraṇe. **Evaṃ** iminā mayā vuttappakārena sabbacittesu **maggaṅgāni** maggāvayavāni dhīro uddhareyya, deseyyāti attho.

124. Balāni dve dvicittesu hasituppādavoṭṭhabbanasāṅkhātesu dvīsu cittesu dve balāni honti. **Ekasmiṃ tīṇi dīpaye** ekasmiṃ vicikicchāyutte tīṇi balāni dhīro **dīpaye** pakāseyya. Vicikicchāyuttato sesesu **ekādasasu** akusalesu **cattāri** balāni honti. **Cha dvādasasu** ñāṇavippayuttamahākusalamahāvīpākamahākiriyaśaṅkhātesu dvādasasu cittesu cha balāni hontīti dhīro **niddise** katheyya.

125. Ekūnāsītiyā satta ñāṇasampayuttamahākusalamahāvīpākamahākiriyaśaṅkhātesu dvādasasu kāmāvacaracittesu, sattavīsītiyā mahaggatacittesu, cattālīsālokuttaracittesu cāti **ekūnāsītiyā** cittesu satta balāni honti. **Sojasevābalāni tu** dvipañcaviññāṇāni ca tisso manodhātuyo ca tīṇi santīraṇāni cāti **sojasa** eva cittāni **abalāni** balavirahitāni honti, **evaṃ** iminā mayā vuttappakārena cittaṃ **sabalaṃ** balena sahagataṃ **abalampi ca** balavirahitañcāpi cittaṃ **viññeyyaṃ** dhīrena vijānitabbaṃ.

126. Jhānaṅgamaggaṅgabalindriyāni, cittesu jāyanti hi yesu yāni yesu cittesu **yāni** jhānaṅgamaggaṅgabalaindriyāni jāyanti, **mayā samāsenā samuddharitvā** asaṃsaṭṭhaṃ uddharitvā **tesu** cittesu **sabbāni pi tāni** jhānaṅgamaggaṅgabalaindriyāni **samāsenā** saṅkhepena **mayā** buddhadattācariyena **vuttāni** kathitāni.

Iti abhidhammāvatāraṭṭhākāya

Cetasikavibhāganiddesavaṇṇanā niṭṭhitā.

Tatiyo paricchedo.

4. Catuttho paricchedo

Ekavidhādiniddesavaṇṇanā

127. Ito paraṃ pavakkhāmi, nayamekavidhādikaṃ;

Ābhidhāmmikabhikkhūnaṃ, buddhiyā pana vuddhiyā.

Ahaṃ **ito paraṃ** ito paricchedato paraṃ ekavidhādikaṃ nayaṃ ābhidhāmmikabhikkhūnaṃ buddhiyā vuddhitthāya **pavakkhāmi** desessāmi.

128. Sabbamekavidhaṃ cittaṃ, vijānanasabhāvato sabbhaṃ cittaṃ vijānanasabhāvato ekavidhaṃ, **duvidhañca bhava cittaṃ** ahētukasahētukato idaṃ cittaṃ duvidhaṃ bhavēya.

129. Puññāpuññavipākā hi, kāme dasa ca pañca ca hi saccaṃ **kāme** kāmāvacare kusalākusalavipākā dasa pañca ca kiriyā tisso iti sabbe **aṭṭhārasa** cittuppādā ahētukā.

130. Ahētukato cittuppādato **sesā** ekasattati cittuppādā **sahetukāti** sahetukā nāmāti mahesinā **tādinā** aviparītasabhāvena **hetuvādinā** paccayavādinā nidditthā.

131. Savatthukāvattukato savatthukaavattukavasena tathā ubhayavasena savatthukavasena, avattukavasena ca sabbhaṃ vuttapakārena ca mānasaṃ tividhaṃ hoti.

132-4. Sabbo kāmavipāko ca, rūpe pañcadasāpi ca cittuppādā **ādimaggo** paṭhamamaggo hasituppādo manodhātukiriyāpi ca domanassadvayañcāpi **tecattālīsa** mānasā **vinā vatthum** vatthum vajjetvā na uppajjanti, ekantena savatthukā nāma. Arūpāvacaravipākā ca ekantena avattukā, mayā vuttato cittuppādato **sesāni** dvecattālīsa cittāni **ubhayathā** savatthukāvattukavasena siyuṃ.

135. Ekekārammaṇaṃ cittaṃ, pañcārammaṇameva ca cittaṃ chaḷārammaṇakañceti **evaṃ** iminā mayā vuttapakārenāpi tividhaṃ cittaṃ siyā.

136-8. Viññāṇāni ca dve pañca, aṭṭha lokuttarāni ca abhiññāmānasaṃ ṭhapetvā sabbhaṃ mahaggatañcevāti **tecattālīsa** cittuppādā pana ekekārammaṇā viññeyyā dhīrena. **Tattha** citte manodhātuttayaṃ pañcārammaṇaṃ īritaṃ bhagavatā. Mayā vuttacittato **sesāni tecattālīsa** cittāni chaḷārammaṇikāni matāni satthunā, tathā evaṃ cittaṃ kusalākusalādito tividhaṃ. **Ādi**-saddena abyākataṃ gahetabbaṃ.

139. Ahētukaṃ cittaṃ ekahētukañca cittaṃ dvihētukañca cittaṃ tihētukañca cittanti **evaṃ** iminā pakārena cittaṃ catubbidhaṃ vibhāvinā viññātabbaṃ.

140-2. Heṭṭhā mayāpi nidditthā **aṭṭhārasa** cittuppādā ahētukā, **vicikicchuddhaccasaṃyuttaṃ** cittaṃ ekahētukaṃ evaṃ udīritaṃ bhagavatā. **Kāme** kāmāvacare **puññavipākakriyato** kusalavasena ca vipākavasena ca kiriyāvasena ca **dvādasadhā** cittuppādā akusalā ca dasadhā cāti bāvisati cittuppādā duhetukā. **Kāme** kāmāvacare **puññavipākakriyato** puññavasena ca vipākavasena ca kiriyāvasena ca **dvādasadhā** cittuppādā. Sabbhaṃ mahaggatañceva **appamāṇaṃ** lokuttaracittañca tihētukaṃ.

143-50. Rūpiriyāpathaviññatti-janakājanakādītōti rūpiriyāpathaviññattijanakavasena rūpiriyāpathajanakavasena ca rūpajanakavasena ca tikiccājanakavasena cātiādīhi pakārehi sabbhaṃ cittaṃ catubbidhaṃ hoti. **Tattha** tasmiṃ citte dvādasākusalā, kāmādhātuyā kusalā, tathā kāme dasa kiriyā, abhiññāmānasaṃ dvayaṃ, ime bāttiṃsa mānasā rūpāni samuṭṭhāpentī, iriyāpathaṃ kappenti, viññattim janayanti. Kusalā mahaggatamānasā kiriyā ca mahaggatamānasā, **aṭṭha** anāsavacittāni, chabbīsati ca mānasā rūpāni samuṭṭhāpentī, iriyāpathaṃ kappenti. **Copanaṃ na pāpentī** viññattim na janayantīti attho. Ime cittuppādā dukiccaniyatā, dasa viññāṇe ṭhapetvā dvīsu bhūmīsu **vipākā** manodhātudvayasantīraṇattayamahāvīpākarūpavīpākānaṃ vasena aṭṭhārasa pākā manodhātu kiriyā cevāti **imāni ekūnavīsati** cittāni rūpāni samuṭṭhāpentī, itaradvayaṃ na karonti, **puna dvepañcaviññāṇā** paṭhamam “dasa viññāṇe”ti vuttattā “punā”ti vuttā. Arūpīsu vipākā ca **sabbesaṃ** sattānaṃ paṭisandhicittañca arahato cuticittañca ime soḷasa mānasā tikiccāni na karonti.

151. Ekadviticatuṭṭhāna-pañcaṭṭhānappabhedato ekakiccadvikiccatikiccacatukiccapañcakiccabhedena **pañcadhā cittaṃ** pañcapakāraṃ cittaṃ **pañcanimmalalocano** buddho **akkhāsi** kathesi.

152. Kusalākusalā sabbe, cittuppādā mahākriyā;
Mahagatā kriyā ceva, cattāro phalamānasā.

153. Sabbeva pañcapaññāsa cittuppādā **javanaṭṭhānatoyeva** javanakiccavaseneva **ekaṭṭhāne** ekakicce

nippapañcena satthunā tañhāmānadiṭṭhivirahitena satthunā **niyāmitā** kathitā.

154. Puna dvepañcaviññāṇā cittuppādā dassane savane tathā ghāyane sāyanaṭṭhāne phusane paṭipāṭiyā satthunā niyāmitā.

155. Manodhātuttikaṃ āvajjane paṭicchane, **ete aṭṭhasaṭṭhi** cittuppādā **ekaṭṭhānikataṃ** ekakiccabhāvaṃ **gatā** pattā bhavanti.

156-8. Cittadvayaṃ dviṭṭhānikaṃ nāma udīritaṃ bhagavatā, somanassayutaṃ cittaṃ pañcadvāre santīraṇaṃ siyā. Chadvāre tadālambaṇaṇca **balavārammaṇe** atimahantārammaṇe sati siyā, tathā voṭṭhabbanaṃ pañcadvāresu voṭṭhabbanaṃ hoti. Manodvāresu pana **sabbesaṃ** ārammaṇānaṃ āvajjanaṃ hoti, idaṃ cittadvayaṃ dviṭṭhānikaṃ nāma hoti.

159. Paṭisandhiyā ṭhānato paṭisandhiyā kiccavasena bhavaṅgassa ṭhānato bhavaṅgassa kiccavasena cutiyā ṭhānato cutiyā kiccavasena te mahaggatavipākā nava **tiṭṭhānikā** tikiccāti muninā matā.

160-3. Aṭṭha kāmā mahāpākā, paṭisandhibhavaṅgato paṭisandhibhavaṅgavasena **tadārammaṇato ceva** tadārammaṇavasena ca eva cutiṭṭhānavasena ca **aṭṭha** cittāni catuṭṭhānikacittāni honti, **iti** vacanaṃ dhīro niddise, kusalākusalapākopekkhāsahagatadvayaṃ pañcadvāre santīraṇaṃ bhava, chadvārikesupi balavārammaṇe sati tadārammaṇatā siyā. Paṭisandhibhavaṅgānaṃ ṭhānavasena ca cutiṭṭhānavasena ca idaṃ cittadvayaṃ pañcaṭṭhānikacittaṃ nāmāti udīritaṃ muninā.

164. Pañcakkiccam dvayaṃ cittaṃ, aṭṭhakaṃ pana catukiccaṃ, navakaṃ tikiccaṃ, dve cittuppādā dvikiccā, imesaṃ imehi cittuppādehi **sesaṃ** ekakaṃ kiccaṃ.

165. Bhavaṅgāvajjanañceva, dassanaṃ sampaṭicchanaṃ;
Santīraṇaṃ voṭṭhabbanaṃ, javanaṃ bhavati sattamaṃ.

166. Chabbidhaṃ hoti taṃ channaṃ taṃ cittaṃ channaṃ cakkhusotaghānājivhākāyamanoviññāṇānaṃ pabhedato chabbidhaṃ hoti, cakkhusotaghānājivhākāyamanodhātumanoviññāṇadhātūnaṃ sattannaṃ vasena cittaṃ sattadhā hoti.

167. Ekekārammaṇaṃ chakkaṃ, pañcārammaṇabhedato chaḷārammaṇato ceva chaḷārammaṇacittavasena **mano** cittaṃ aṭṭhavidhaṃ hoti.

168. Tattha tasmim citte dvepañcaviññāṇā ekekagocarā honti, **dve** cittuppādā rūpārammaṇikā, **dve dve** cittuppādā saddādigocarā.

169. Pañcābhiññāvivajjitaṃ sabbaṃ mahaggataṃ, sabbaṃ lokuttaraṇca **iti** idaṃ cittaṃ ekekārammaṇaṃ bhava.

170. Idaṃ chakkaṃ ekekārammaṇaṃ vibhāvinā ñeyyaṃ, manodhātuttayaṃ pañcārammaṇikaṃ nāma bhava.

171. Kāmāvacaracittāni cattālīsaṃ tathā ekekaṃ sabbāni abhiññāni ca **chaḷārammaṇikānīti** chaḷārammaṇikāni nāma paṇḍitena viññeyyāni.

172. Sattaviññāṇadhātūsu **pacchimaṃ** manoviññāṇadhātuṇca kusalākusalābyākatavasena **tidhā katvā** navavidhaṃ cittaṃ hoti.

173. Manoviññāṇadhātuyā bhedo puññāpuññāvaseneva vipākakiriyabhedato chasattavidho hoti.

174. Manodhātuṃ vipākakiriyabhedato **dvidhā katvā pubbe** vuttehi navadhā cittehi mānasaṃ dasadhā hoti.

175. Pacchimaṃ dhātudvayaṃ manodhātumanoviññāṇadhātudvayaṃ, manodhātuṃ kusalavipākaakusalavipākakiriyāvasena **tidhā katvā**, manoviññāṇadhātuṇca kusalākusalābyākatavasena **tividhā katvā** cakkhusotaghānājivhākāyaviññāṇehi saha cittaṃ ekādasavidhaṃ hoti, **iti** idaṃ vacanaṃ paṇḍito paridīpaye.

176. Manoviññāṇadhātumpi **kusalākusalādito** kusalākusalavipākakiriyāvasena catudhā vibhajitvāna taṃ cittaṃ

cakkhusotaghānañjivhākāyaviññāṇehi saha tippakārāya manodhātuyā ca saha dvādasadhāpi dhīro vade.

177-9. Cittam cuddasaṭṭhānabhedena cuddasadhā bhava, paṭisandhiyā vasena ca bhavaṅgavasena ca cutiyā vasena ca āvañjanassa vasena ca pañcannaṃ **dassanādīnaṃ** kiccānaṃ vasena ca sampaṭicchanaacetaso vasena ca santīraṇassa vasena ca voṭṭhabbanajavanānaṃ vasena ca, yathā evaṃ tadārammaṇacittassa vasena cāti **evaṃ** iminā pakārena **ṭhānabhedato** kiccabhedena cuddasadhā cittam hoti, **iti** idaṃ vacanaṃ dhīro **paridīpaye** paridīpeyya.

180. Bhūmipuggalanānattavasena bhūminānattavasena, puggalanānattavasena ca cittānaṃ pavattito idaṃ cittam bahudhā hoti, **iti** vacanañca dhīro **vibhāvaye** pakāseyya.

181. Idha imasmiṃ sāsane yo bhikkhu matimā imasmiṃ ekavidhādinaye **kusalo** cheko hoti, abhidhamme pavattā atthā tassa bhikkhuno **hatthagatā** hatthapaviṭṭhā **āmalakā viya** suddhamaṇikā viya honti.

Iti abhidhammāvatāraṭṭikāya

Ekavidhādiniddesavaṇṇanā niṭṭhitā.

Catuttho paricchedo.

5. Pañcama paricchedo

Bhūmipuggalacittuppattiniddesavaṇṇanā

182. Ito paraṃ pavakkhāmi, buddhivuddhikaraṃ nayaṃ;
Cittānaṃ bhūmisuppattiṃ, puggalānaṃ vasena ca.

Ahaṃ ito paraṃ **buddhivuddhikaraṃ nayaṃ** mativaddhikaraṃ nayaṃ **pavakkhāmi** desessāmi. **Cittānaṃ bhūmisuppattiṃ puggalānaṃ vasena ca** bhūmīsu cittānaṃ uppattiṃ, puggalānaṃ vasena bhūmīsu cittānaṃ uppattiñca pavakkhāmi.

183. Devā ceva manussā ca, tisso ca apāyabhūmiyo honti, **gatiyo pañca** tesam devamanussatiracchānapetanirayagatīnaṃ vasena pañca gatiyo **niddiṭṭhā satthunā** dassitā bhagavatā. **Tayo bhavā** pana kāmarūpārūpabhavavasena tayo satthunā **niddiṭṭhā** dassitā.

184-5. Bhūmiyo tattha tiṃseva, tāsu tiṃseva puggalā tattha tesu tīsu bhavesu tiṃsa eva bhūmiyo honti, **tāsu** bhūmīsu uppannā puggalā tiṃsa eva honti, etāsu bhūmīsu uppannā sabbe ca pana puggalā paṭisandhikacittānaṃ vasena ekūnavīsati honti. **Paṭisandhi ca nāmesā** esā paṭisandhi ca nāma **duvidhā** dvippakārā **samudīritā** satthunā kathitā.

186. Acittakā paṭisandhi, sacittakā paṭisandhi ca iti duvidhā paṭisandhi hoti, asaṅṅībrahmānaṃ paṭisandhi **acittakā** rūpapaṭisandhi hoti. **Sesā** rūpapaṭisandhito sesā **sacittakā** sacittakapaṭisandhi **ñeyyā** paṇḍitena jānitabbā. **Sā pana** sacittakā paṭisandhi ekūnavīsati hoti.

187. Paṭisandhivaseneva sacittakapaṭisandhivasena eva vīsati puggalā honti. **Idha** imasmiṃ cittādhikāre cittādhikārattā acittakapaṭisandhi rūpapaṭisandhi **na ca uddhaṭṭā** na ca kathitā mayā.

188. Ahetudvithetūti, puggalā tividhā siyūṃ ahetukadvihetukatihetukā iti **tividhā** tippakārā puggalā **siyūṃ** bhaveyyuṃ. Ariyā pana puggalā aṭṭha **iti** evaṃ iminā mayā vuttappakārena **sabbe** puggalā ekādasa **īritā** kathitā bhagavatā.

189. Bhūmīsu tiṃsabhūmīsu cittānaṃ uppattiṃ etesaṃ pana sabbesaṃ puggalānaṃ pabhedato bhūmīsu cittānaṃ uppattiñca **gaṇhato** gaṇhantassa mama vacanaṃ **nibodhatha,** tumhe jānātha suṇātha.

190. Tīsu bhūmīsu kati cittāni jāyanti? **Me** mayhaṃ **vada** tāni cittāni tvaṃ kathehi, sabbāsu bhūmīsu cuddasa eva cittāni. Taṃ yathā –

Voṭṭhabbaṃ kāmapuññañca, viyuttāni ca diṭṭhiyā;
Uddhaccasahitañceva, honti sabbattha cuddasa.

191. Sadā vīsati cittāni, kāmeveva bhava siyuṃ vīsati cittāni kāmeveva bhava **sadā** sabbasmiṃ kāle **siyuṃ** bhaveyyunti. Taṃ yathā –

Kāme aṭṭha mahāpākā, domanassadvayampi ca;
Tathā ghānādiviññāṇattayaṃ pākā apuññajā.

Ghānādiviññāṇattayanti kusalavipākaghānādittayaṃ. **Pākā apuññajā** akusalato jātā ahetukā satta vipākā. **Pañca rūpabhaveveva** pañca cittāni rūpabhaveveva bhavanti. **Cattāreva arūpisu** cattāri cittāni arūpīsuyeva honti. Taṃ yathā –

Rūpeva rūpapākā vārūppapākā arūpisu;
Nava mahaggaṭā pākā, rūpārūpeva jāyare.

192. Kāmarūpabhavesveva aṭṭhārasa cittāni bhavanti.

Taṃ yathā –

Puññarūpāni pañceva, puññajāṃ sampañicchanāṃ;
Cakkhusotadvayaṃ puññapākaṃ santīraṇadvayaṃ.

Puññapākaṃ hasituppādamanodhātukriyāpi ca;
Aṭṭhārasādīmaggena, pañca rūpakriyāpi ca;
Kāmarūpabhavesveva, etāneva sadā siyuṃ.

Dvecattālīsa cittāni, honti tīsu bhavesupi dvecattālīsa cittāni honti. Taṃ yathā –

Paṭighadvayavajjitāni, apuññāni daseva ca;
Mahāpuññāni aṭṭheva, voṭṭhabbanakriyāni ca.

Puññārūppāni cattāri, āruppakiriyāni ca;
Kaniṭṭhamaggavajjāni, satta lokuttarāni ca;
Dvecattālīsa cittāni, honti tīsu bhavesupi.

193. Ṭhapetvā pana sabbesaṃ, catassopāyabhūmiyo catasso apāyabhūmiyo ṭhapetvā vajjetvā apāyato sesānaṃ sabbesaṃ puggalānaṃ chabbīsabhūmīsu terasa eva cittāni honti. Taṃ yathā –

Catutthārūpāvacaraṃ, anāgāmīphalādayo;
Mahākriyā ca jāyanti, terasāpāyavajjitā.

Anāgāmīphalādayoti ādi-saddena hi arahattaphalāni gahitāni.

194. Aparāni catassopi, ṭhapetvārūppabhūmiyo catasso arūpabhūmiyo ṭhapetvā sesāsu **chabbīsabhūmīsu** aparāni **cha** cittāni jāyanti. Taṃ yathā –

Manodhātukriyāñceva, puññajāṃ sampañicchanāṃ;
Cakkhusotadvayaṃ puññapākaṃ santīraṇadvayaṃ;
Cheva cittāni jāyanti, tathā uparivajjite.

195. Suddhāvāsikadevānaṃ, ṭhapetvā pañca bhūmiyo pañca bhūmiyo ṭhapetvā pañcavīsatibhūmīsu pañca cittāni jāyanti. Taṃ yathā –

Diṭṭhiyā sampayuttānaṃ, vicikicchāyutaṃ tathā;
Pañca sabbattha jāyanti, suddhāvāsavivajjite.

196. Aparāni duve honti, pañcavīsatibhūmisu;
Ṭhapetvā nevasaññaṅca, catassopāyabhūmiyo.

Catassopāyabhūmiyo nevasaññañāsaññañāca ṭhapetvāyeva pañcavīsati bhūmīsu aparāni **duve** cittāni honti. Taṃ yathā –

Ṭhapetvā nevasaññañāca, catassopāyabhūmiyo;
Sesāsu tatiyārūppajavanaṃ jāyati dvayaṃ.

197. Dvepi cittāni jāyanti, catuvīsati bhūmīsu catassopāyabhūmiyo ākiñcaññañāca nevasaññañāca ṭhapetvā sesāsu catuvīsati bhūmīsu dvepi cittāni jāyanti. Taṃ yathā –

Catutthatatiyārūppaṃ, ṭhapetvāpāyabhūmiyo;
Sesāsu dutiyārūppa-javanaṃ jāyati dvayaṃ.

198. Apāyabhūmiyo hitvā catasso apāyabhūmiyo tisso upari arūpabhūmiyo **hitvā** chaḍḍetvā sesāsu tevīsati bhūmīsu dveveva pana cittāni honti. Taṃ yathā –

Apāyabhūmiyo hitvā, tissocārūppabhūmiyo;
Sesāsu paṭhamārūppaṃ, javanadvayaṃ jāyati.

199. Arūpe ca apāye ca aṭṭha bhūmiyo ṭhapetvā sesāsu bāvīsati bhūmīsu ekādasavidhaṃ cittaṃ hoti. Taṃ yathā –

Sabbaṃ rūpañca vipākaṃ, ṭhapetvā sītamānaṃ;
Ekādaseva jāyati, apāyārūpavajjite.

200. Suddhāvāse apāye ca nava bhūmiyo ṭhapetvā sesāsu ekavīsāsu bhūmīsu niccampi **cattāro** eva mānasā honti. Taṃ yathā –

Sotāpattiphalañceva, sakadāgāmiphalaṃ ca;
Sakadāgāmimaggo ca, ṭhapetvāpāyasuddhake;
Anāgāmimaggo ceva, ekavīsāsu honti hi.

201. Ekaṃ sattarasasveva, cittaṃ jāyati bhūmīsu suddhāvāsaapāyārūppabhūmiyo ṭhapetvā avasesāsu sattarasasū bhūmīsu ekaṃ cittaṃ jāyati. Taṃ yathā –

Suddhāvāse apāye ca, ṭhapetvārūppabhūmiyo;
Ādimaggo eko hoti, sattarasasū bhūmīsu.

**202. Dvādaseva tu jāyante, ekādasasū bhūmīsu;
Ṭhapetvā pana sabbāpi, bhūmiyo hi mahaggatā.** –

Ekūnavīsati bhūmiyo ṭhapetvā sesāsu ekādasasū bhūmīsu dvādasa cittāni jāyanti. Taṃ yathā –

Domanassadvayāpuññapākā satta ca puññajaṃ;
Ghānādittayaṃ sesāsu, hitvā sabbā mahaggatā.

203. Kāmāvacaradevānaṃ vasena ca manussānaṃ vasena ca sattasū kāmāvacarabhūmīsu aṭṭha cittāni sabbadā jāyanti. Taṃ yathā –

Kāme devamanussānaṃ, mahāpākāni jāyare;
Sadā sattasū etāni, hitvā tevīsa bhūmiyo.

204. Pañcamajjhānapākeko, jāyate chasu bhūmīsu eko pañcamajjhānavipāko vehapphalādīsū **chasu bhūmīsu** jāyati. Cattāri pana rūpavipākacittāni tīsu tīsu bhūmīsu jāyanti. Ayametthādhippāyo – eko paṭhamārūpavipāko brahmapārisajjabrahmapurohītamahābrahmānaṃ tīsu bhūmīsu jāyati, eko dutiyārūpavipāko, eko tatiyārūpavipāko ca parittābhāppamāñābhābhassarānaṃ tīsu bhūmīsu jāyati, eko catutthārūpavipāko parittasubhaappamāñāsubhasubhakiñhānaṃ tīsu bhūmīsu jāyati.

205. Cattāri pana cittāni, hontī ekeka bhūmīsu arūpāvacaravipākānaṃ vasena cattāri pana cittāni **ekeka bhūmīsu** ekekaṃ bhūmīsu hontī, iti evaṃ iminā mayā vuttappakārena sabbāsū bhūmīsu cittuppādaṃ

paridīpaye paṇḍito katheyya.

206-7. Kusalākusalā kāme kāme vīsati kusalākusalā, **tesaṃ pākā ahetukā** tesaṃ kusalākusalānaṃ ahetukā pañcadasa vipākā āvajjanadvayaṇca **iti** evaṃ iminā mayā vuttappakārena sattatiṃsa mānasā narakādīsu catūsu apāyesupi jāyare. Avasesāni dvipaṇṇāsa cittāni **kadācīpi** kismiñci kālepi nuppajjanti. Taṃ yathā –

Pañcadasāni rūpe tu, arūpe dvādasīritā;
Aṭṭha lokuttarāneva, kāmapākā sahetukā.

Aṭṭha mahākriyā ceva, hasituppādamānasam;
Dvipaṇṇāsāni cittāni, apāyesu na jāyare.

208. Kāme devamanussānaṃ kāmāvacare devamanussānaṃ mahaggatā nava pākā neva jāyanti, asīti **hadayā** mānasā sadā jāyanti. Taṃ yathā –

Dvādasākusalāneva, kusalānekavīsati;
Sattavīsati pākā ca, mahaggatavivajjitā.

Kāme devamanussānaṃ, kriyacittāni vīsati;
Hontī asīti cittāni, viññeyyāni vibhāvinā.

209-12. Kāme kāmāvacare aṭṭha mahāvīpākā domanassadvayampi ca tathā **ghānādiviññāṇattayaṃ** kusalavīpākam apuññajā satta pākā. **Natthi ārupapākā ca, rūpāvacarabhūmiyaṃ** arūpapākā ca cattāro rūpāvacarabhūmiyaṃ natthi. Ayamethhādhippāyo – rūpāvacarabhūmiyaṃ aṭṭha mahāvīpākā kāmāvacarabhūmiyaṃ dvinnam vipākacittattā na hontī, jhānena vikkhambhitattā domanassadvayampi natthi, ghānādiviññāṇattayaṃ kusalavīpākam ghānādittayaṃ natthi, aniṭṭhārammaṇānaṃ abhāvato satta akusalavīpākā ca natthi, arūpapākā ca natthi. Kasmā? Arūpanam vipākacittattā. **Imehi saha cittehi** imehi catuvīsaticittehi saha **tayo maggā phaladvayaṃ** sotāpattimaggo sakadāgāmimaggo anāgāmimaggo ca sotāpattiphalasakadāgāmiphālāni ca cattāro diṭṭhisammuttā vicikicchāsammuttampi ca cattāro heṭṭhimā pākā ca suddhāvāse **na labbhare** na labbhanti. Ayamethhādhippāyo – puthujjanasotāpannasakadāgāmipuggalānaṃ asādhāraṇattā suddho ca āvāso, atha vā ghorātikkaṃmaṭṭhitattā anāgāmipuggalā suddhā nāma, caturoghatiṇṇattā khīṇāsavā suddhā nāma, tesaṃ suddhānaṃ dvinnam uttamasattānaṃ āvāsotipi **suddhāvāso**, tasmim.

Ayamethhādhippāyo – suddhāvāse pana sotāpattimaggasotāpattiphalasakadāgāmimaggasakadāgāmiphalaanāgāmimaggā na vijjanti. Kasmāti ce? Anāgāmiphalaṭṭhānaṃyeva tasmim uppajjanato cattāro diṭṭhisammuttā ca vicikicchāyuttaṇca pañca akusalacittānaṃ sotāpannaṇa vināsittattā, itī tasmā kāraṇā na jāyanti. Cattāro heṭṭhimavīpākā heṭṭhimānaṃ rūpabrahmaṇam vipākacittattā natthi. Sesāni ekapaṇṇāsa cittāni suddhāvāse pana labbhanti. Taṃ yathā –

Diṭṭhiyā vippayuttāni, uddhaccasahagataṃ tathā;
Kāmapuññāni aṭṭha ca, rūpapuññāni pañca vā.

Arūpakusalāneva, maggo khīṇāsavassa ca;
Cakkhusotamanodhātu, puññajā tīraṇā duve.

Pañcamajjhānapāko ca, anāgāmiphālādayo;
Suddhāvāsesu labbhanti, kriyacittāni vīsati.

Rūpāvacarikā sabbe sabbāni rūpāvacarāni pañcadasa cittāni, kāmādhātuyā **sabbe** tevīsati **vipākā**.

213. Domanassādimaggo ca domanassadvayaṇca ādimaggo ca sotāpattimaggo ca, **kriyā ca dve ahetukā** pañcadvārāvajjanahasituppādāni kiriyāni cāti tecattālīsa cittāni arūpabhūmiyaṃ natthi. Pañca rūpāvacaravīpākā rūpīnaṃ vipākacittattā natthi. Rūpajavanāni heṭṭhimajjhānaṃ virattattā natthi. Cakkhusotaviññāṇāni puññajāni pasādarahittattā natthi. Ghānādiviññāṇāni pakatiyāyeva natthi. Kuslavīpākā manodhātu cakkhādiggahitapañcārammaṇattā arūpanam dhammārammaṇattā natthi, asati cakkhādiviññāṇe sā ca puññajā manodhātu tāya ca asatiyā cakkhādiviññāṇampi natthiyeva. Kiriyāmanodhātupi pañcārammaṇattāyeva natthi, hasituppādopi rūpakāyābhāvā sitassābhāvā natthi, pubbeva diṭṭhasaccā ariyā rūpabhūmikā, tasmā ādimaggopi natthi.

214. Evaṃ bhūmivaseneva, cittuppattiṃ vibhāvaye evaṃ iminā mayā vuttappakārena bhūmivasena cittuppattiṃ **vibhāvaye** dhīro katheyya. **Tathā** evaṃ ekādasannaṃ puggalānaṃ vasena cittuppattiṃ dhīro **vibhāvaye** katheyya.

**215. Kusalākusalā kāme,
Tesam pākā ahetukā;
Āvajjanadvayañcāti,
Sattatiṃseva mānasāti. –**

Ayaṃ vuttatthā.

216. Evaṃ catūsvapāyabhūmīsu manussabhūmiyañcāti **pañcabhūmīsu** ahetukassa sattassa **jāyante** uppajjanti. **Dvepañāsāvasesāni, na jāyanti kadācipi** avasesāni dvepañāsā cittāni kadācipi na jāyanti na uppajjanti, tāni sarūpato vuttāneva.

217. Ahetukassa sattassa uppajjantehi sattatiṃsacittehi saha duhetukā, catumahāvīpākā cāti cattālīsa cittāni tathā ekakaṃ duhetukassa sattassa jāyanti.

218-23. Sabbe mahaggaṭā ceva sabbe sattavīsatividhā mahaggaṭā ceva **sabbepi ca anāsavā** sabbe aṭṭha lokuttarā ceva cattāro tihetukavīpākā ca kāme hasituppādo sahetukamahākiriya cāti nava kriyāpi ceti cattālīsaṃ tathā aṭṭha ca **duhetuno** sattassa na jāyanti.

Ayamethādhippāyo – duhetuno rūpārūpasamāpattiyā asamatthatāya sattavīsa mahaggaṭā na jāyanti, maggaphalaṃ adhigantaṃ asamatthatāya aṭṭha lokuttarā na jāyanti, tihetukavīpākā tihetukānaṃ sattānaṃ vipākacittatā na jāyanti, nava kiriyāni khīṇāsavānaṃyeva uppajjamānattā na jāyantīti. **Kāmāvacarasattassa, tihetupaṭisandhino** puthujjanassa catupañāsā mānasā jāyanti. Katamāni tāni? Duhetukassa vuttāni cattālīsa cittāni tathā ekañca kāmādhātuyam cattāro ñāṇasampayuttavīpākā rūpārūpesu nava puññāni cāti catupañāsā mānasā jāyanti. **Puthujjanassa** tihetuno kāmasattassa pañcatīṃsa cittāni **na jāyare** na jāyanti. Taṃ yathā –

Āvajjanadvayaṃ hitvā, aṭṭhārasa kriyāpi ca;
Nava mahaggaṭā pākā, aṭṭha lokuttarāni ca.

Kāmaputhujjanasseva, tihetupaṭisandhino;
Pañcatīṃseva cittāni, na jāyanti kadācipi.

Chadevesu manussesu cāti sattasu bhūmīsu jātassa sotāpannassa **dehino** sattassa pañāsā cittāni jāyanti. **Iti** vacanaṃ dhīro **niddise** katheyya. Taṃ yathā –

Diṭṭhiyā vippayuttāni, domanassadvayampi ca;
Uddhaccasahitañceva, kāmapuññāni aṭṭha ca.

Nava mahaggaṭapuññāni, āvajjanadvayampi ca;
Sabbe kāmavīpākā ca, sotāpattīphalampi ca.

Assa sotāpannassa navatiṃseva cittāni na uppajjanti. **Iti** vacanaṃ dhīro **dīpaye** deseyya. Taṃ yathā –

Āvajjanadvayaṃ hitvā, aṭṭhārasa kriyāpi ca;
Nava mahaggaṭā pākā, satta lokuttarāni ca.

Diṭṭhiyā sampayuttāni, vicikicchāyutaṃ tathā;
Navatiṃsa na jāyanti, sotāpannassa dehino.

224. Paṭhamaṃ phalaṃ ṭhapetvā **sotāpannassa** puggalassa **vuttāni** cittāni attano sakadāgāmīno **phalena** sakadāgāmīphalena saha sakadāgāmīpuggalassa siyuṃ.

225. Sotāpannassa vuttāni, ṭhapetvā paṭighadvayaṃ dutiyañca phalaṃ sakadāgāmīphalañca hitvā attano anāgāmīphalena saha sotāpannassa sattassa vuttāni yāni aṭṭhacattālīsa cittāni atthi, tāni anāgāmiṃsa sattassa jāyanti. **Iti**

vacanaṃ dhīro viniddise.

226. Kati cittāni jāyanti, kāme arahato pana kāme sattu kāmabhūmīsu jātassa arahato khīṇāsavassa kati cittāni jāyanti? Cattāri ca cattārīsaṅca cittāni **kāme** sattu kāmabhūmīsu jātassa arahato **siyūṃ** bhaveyyuṃ. Taṃ yathā –

Tevīsa kāmāpākāni, kriyācittāni vīsati;
Arahattaphaleneva, kāme arahato siyūṃ.

227. Maggaṭṭhānaṃ catunnampi tesāṃ puggalānaṃ sakaṃ sakaṃ maggacittaṃ **siyā** bhaveyya. **Ekacittakkhaṇā hi te** hi saccaṃ taṃ mayā vuttaṃ vacanaṃ. **Te** maggā ekacittakkhaṇā.

228. Puthujjanassa tīsveva, paṭhamajjhānabhūmisu tīsu eva paṭhamajjhānabhūmīsu jātassa puthujjanassa brahmuno pañcatīṃsa eva cittāni jāyanti. **Iti** vacanaṃ dhīro **viniddise** uccāreyya. Taṃ yathā –

Domanassadvayaṃ hitvā, apuññāni daseva ca;
Kāmapuññāni aṭṭheva, nava puññā mahaggaṭā.

Cakkhusotadvayaṃ puññāpākaṃ santīraṇadvayaṃ;
Āvajjanadvayañceva, puññajāṃ sampaṭicchanaṃ;
Paṭhamajjhānapāko ca, pañcatīṃseva jāyare.

229-234. Ghānādīsu pasādesu pavattaṃ kusalavipākāṃ **viññāṇattayaṃ** satta apuññajā pākā aṭṭha mahāpākā tathā uparijānabhūmīsu jātā pākā āruppā cattāro vipākāpi ca domanassadvayampi ca āvajjanadvayavajjā **aṭṭhārasa kriyā ceva** aṭṭha lokuttarāni ca etāni catupaññāsa cittāni paṭhamajjhānabhūmīsu tīsu nibbattassa puthujjanassa dehino sattu **na ca labbhare** na labbhanti. Tāsu tīsu bhūmīsu nibbattassa **puthujjanassa** brahmuno **vuttesu** cittesu apuññāpācakaṃ hitvā tatha tīsu paṭhamajjhānabhūmīsu nibbattassa **soṭāpannassa** brahmuno paṭhamaphalena saha ekatīṃsa cittāni **jāyare** jāyanti. **Sakadāgāmino tattha** tīsu paṭhamajjhānabhūmīsu jātassa sakadāgāmino brahmuno tesu cittesu paṭhamāṃ phalaṃ ṭhapetvā sakadāgāmi phalaṃ pakkhipitvā ekatīṃseva cittāni jāyare. **Anāgāmissa tattheva** tīsu paṭhamajjhānabhūmīsu eva jātassa anāgāmissa dutiyaṃ phalaṃ ṭhapetvā attano phalacittena saha ekatīṃseva cittāni jāyanti.

235. Viññāṇaṃ cakkhusotānaṃ, puññajāṃ sampaṭicchanaṃ;
Santīraṇadvayañceva, kriyācittāni vīsati.

236-7. Arahattaphalaṃ paṭhamajjhānato sambhavo pāko sattavīsati cittāni **arahantassa** khīṇāsavassa jāyare. **Puthujjanassa tīsveva** tīsu eva dutiyajjhānabhūmīsu jātassa puthujjanassa brahmuno dutiyajjhānatatīyajjhānapākena saha chattiṃsa cittāni jāyanti. Taṃ yathā –

Domanassadvayaṃ hitvā, apuññāni daseva ca;
Kāmapuññāni aṭṭheva, nava puññāmahaggaṭā.

Cakkhusotadvayaṃ puññāpākaṃ santīraṇadvayaṃ;
Āvajjanadvayañceva, puññajāṃ sampaṭicchanaṃ.

Dutiyajjhānapākena, tatiyajjhānapākato;
Chattiṃseva ca cittāni, dutiyajjhānadehino.

238-241. Puthujjanassa vuttesu, hitvā vāpuññāpācakaṃ attano phalena saha bāttiṃsa cittāni soṭāpannassa jāyanti. **Soṭāpannassa vuttesu, ṭhapetvā paṭhamāṃ phalaṃ** soṭāpannassa vuttesu paṭhamāṃ phalaṃ ṭhapetvā attano phalacittena saha bāttiṃsa cittāni, sakadāgāmissa vuttesu dutiyaṃ phalaṃ ṭhapetvā anāgāmi phalena saha bāttiṃseva cittāni **assa** anāgāmino bhavanti. **Arahantassa tīsveva, aṭṭhavīsati attano** tīsu eva dutiyajjhānabhūmīsu jātassa arahato attano phalena dutiyajjhānatatīyajjhānapākato pākehi saha aṭṭhavīsati cittāni hontī. Taṃ yathā –

Viññāṇaṃ cakkhusotānaṃ, puññajāṃ sampaṭicchanaṃ;
Santīraṇadvayañceva, kriyācittāni vīsati.

Arahattaphalaṃ pāko, dutiyajjhānasambhavo;
Tatiyajjhānapāko ca, aṭṭhavīsati mānasā.

242-6. Parittakasubhādīnaṃ, devānaṃ tīsu bhūmīsu catutthajjhānavipākena saha pañcatimṣeva cittāni jāyanti. **Sotāpannaṃsa tattheka-tiṃsa cittāni jāyare**tattha tāsū tīsu parittakasubhādīnaṃ bhūmīsu sotāpannaṃsa ca ekatiṃsa cittāni jāyare. Yathā **evaṃ** sakadāgāmino ekatiṃsa cittāni jāyare. Tathā anāgāmino ekatiṃsa jāyare. **Tattheva** tāsū tīsu bhūmīsu eva jātassa khīṇāsavassa sattavīsati mānasā honti, **tathā** evaṃ **vehapphale** vehapphalabhūmiyaṃ jātānaṃ puthujjanasekkhānaṃ pañcannaṃ **sabbesaṃ** puggalānaṃ mānasā honti. Pañcasu **suddhāvāsikabhūmīsu** jātassa anāgāmino sattassa ekatiṃseva cittāni honti. **Iti** vacanaṃ dhīro **paridīpaye** deseyya. **Tattheva** tāsū suddhāvāsabhūmīsu eva jātassa arahato sattavīsati mānasā honti. **Evaṃ** iminā mayā vuttappakārena **rūpīsu** pañcadasu rūpibhūmīsu jātānaṃ sabbesaṃ puggalānaṃ cittāni **vibhāvinā** dhīrena **viññeyyāni** jānitabbāni.

247. Catuvīsati cittāni, paṭhamārūppabhūmiyaṃ paṭhamaārūppabhūmiyaṃ jātassa puthujjanassa catuvīsati cittāni jāyanti. **Iti** vacanaṃ dhīro viniddise. Taṃ yathā –

Domanassadvayaṃ hitvā, apuññāni daseva ca;
Kāmapuññāni aṭṭheva, āruppakusalāni ca;
Paṭhamārūppapāko ca, kriyāvotṭhabbanampi ca.

248-251. Sotāpannaṃsa tattheva, ṭhapetvāpuññapañcakaṃtattha tissaṃ paṭhamārūppabhūmiyaṃ eva sotāpannaṃsa puggalassa apuññapañcakaṃ hitvā attano phalena saha vīsati cittāni honti. Tathā **tattha** tissaṃ paṭhamārūppabhūmiyaṃ sakadāgāmino, anāgāminopi ca puggalassa pubbaṃ pubbaṃ phalaṃ **vinā** vajjetvā attano phalena saha vīsati cittāni jāyanti. **Khīṇāsavassa tattheva** tattha tissaṃ paṭhamārūppabhūmiyaṃ eva jātassa khīṇāsavassa dasa pañca mānasā ca jāyanti. Taṃ yathā –

Mahākriyāni aṭṭheva, catvārūppakriyāni ca;
Arahattaphalaṃ pāko, voṭṭhabbañcāpi mānasam.

Dutiyārūppabhūmiyaṃ jātassa puthujjanassa sattassa tevīsati cittāni honti. Taṃ yathā –

Domanassadvayaṃ hitvā, apuññāni daseva ca;
Kāmapuññāni aṭṭheva, puññārūpūparī tayo;
Dutiyārūppapāko ca, voṭṭhabbañcāpi mānasam.

Iti evaṃ iminā pakārena **vatvā** kathetvā dhīro paṇḍito **vibhāvaye** deseyya. **Ettha** etissaṃ dutiyārūppabhūmiyaṃ jātānaṃ tiṇṇannaṃ sekkhānampi ekūnavīsati cittāni honti. Taṃ yathā –

Diṭṭhiyā vippayuttāni, uddhaccasahitaṃ tathā;
Kāmapuññāni aṭṭheva, puññārūpūparī tayo.

Dutiyārūppapāko ca, voṭṭhabbañcāpi mānasam;
Sakasakaphaleneva, cittānekūnavīsati.

252. Cuddaseva tu cittāni dutiyārūppabhūmiyaṃ jātassa khīṇāsavassa kiriyacittāni dvādasa eko pāko arahattaphalañcāti cuddaseva cittāni honti. Taṃ yathā –

Mahākriyāni aṭṭheva, kriyārūpūparī tayo;
Voṭṭhabbañca sako pāko, arahattaphalampi ca.

253. Puthujjanassa sattassa, tatiyārūppabhūmiyaṃ tatiyārūppabhūmiyaṃ jātassa puthujjanassa sattassa bāvīsati cittāni bhavanti. **Iti** vacanaṃ dhīro pakāsaye. Taṃ yathā –

Domanassadvayaṃ hitvā, apuññāni daseva ca;
Kāmapuññāni aṭṭheva, puññārūpūparī duve;
Tatiyārūppapāko ca, voṭṭhabbañcāpi mānasam.

254-5. Aṭṭhāraseva cittāni, sotāpannaṃsa puggalassa aṭṭhārasa eva cittāni jāyare. Taṃ yathā –

Diṭṭhiyā vippayuttāni, uddhaccasahitaṃ tathā;
Mahāpuññaṇi aṭṭheva, puññaṇārūpārī duve.

Aṭṭhāraseva pākena, sotāpattiphalena ca;
Voṭṭhabbañcāpi mānasaṃ, sotāpannassa jāyare.

Sakadāgāmino paṭhamam phalaṃ ṭhapetvā attano phalena **tāni** aṭṭhārasa cittāni honti. Sakadāgāmino vuttasu cittesu dutiyam phalaṃ ṭhapetvā attano phalena saha aṭṭhārasa cittāni eva anāgāmissa jāyare.

256. Teraseva ca cittāni, tatiyārubbhūmiyaṃ tatiyaarūpabhūmiyaṃ jātassa khīṇāsavassa teraseva cittāni jāyanti. **Iti** vacanaṃ dhīro viniddise. Taṃ yathā –

Mahākriyāni aṭṭheva, kriyārūpārī duve;
Arahattaphalaṃ pāko, voṭṭhabbañcāpi mānasaṃ.

257. Ekavīsati cittāni, catutthārubbhūmiyaṃ catutthaarūpabhūmiyaṃ jātassa puthujjanassa sattassa ekavīsati cittāni jāyanti. **Iti** idam vacanaṃ dhīro viniddise. Taṃ yathā –

Domanassadvayaṃ hitvā, apuññaṇi daseva ca;
Kāmapuññaṇi aṭṭheva, voṭṭhabbañcāpi mānasaṃ;
Catutthārubbhūmiyaṃ, sapākenekavīsati.

258-260. Sotāpannassa sattassa, sattarasa cittāni dhīro pakāsaye. Taṃ yathā –

Diṭṭhiyā vippayuttāni, uddhaccasahitaṃ tathā;
Kāmapuññaṇi aṭṭheva, sotāpattiphalampi ca;
Catutthārubbhūmiyaṃ, sapāko voṭṭhabbampi ca.

Sakadāgāmino paṭhamam phalaṃ ṭhapetvā **tāni** eva cittāni saphalena honti. Sakadāgāmino vuttasu cittesu dutiyam phalaṃ ṭhapetvā attano phalena sattarasa mānasā anāgāmissa honti. **Dvādaseva tu cittāni, catutthārubbhūmiyaṃ** jātassa arahantassa dvādasa eva cittāni jāyanti. Taṃ yathā –

Mahākriyāni aṭṭheva, voṭṭhabbañcāpi mānasaṃ;
Catutthaṇca kriyārūpaṃ, pāko arahato phalaṃ.

Iti evaṃ iminā mayā vuttappakārena puggalānaṃ vasena bhūmīsu cittappavattiṃ vidū dhīro vibhāvaye.

261-2. Heṭṭhimānaṃ arūpīnaṃ, brahmānaṃ uparūpari jātā arūpakusalā ceva kiriyāpi ca uppajjanti. **Uddham uddham** bhāge jātānaṃ **arūpīnaṃ** brahmānaṃ **heṭṭhimā heṭṭhimā aruppā** heṭṭhābhāge jātā arūpāvacaṇā pana neva jāyanti. Kasmā kārāṇāti? **Kira** mayā sutam, heṭṭhimajhānesu **diṭṭhādīnavato** diṭṭhadosabhāvato neva jāyanti.

263-5. Ṭhapetvā paṭhamam maggaṃ sotāpattimaggaṃ ṭhapetvā **kusalānuttarā tayo** tayo anuttarā kusalā tayo maggā, kāmāvacaṇapuññaṇi aṭṭha, tathā dasa apuññaṇi cittāni, arūpapuññaṇi cattāri. **Sabbe pākā anuttarā** sabbāni lokuttaraphalāni, paṭhamārubbhūmiyaṃ ca nava kāmakiriyāpi ca, arūpāpi sabbā kiriyā, etāni pana tecattālīsa mānasā paṭhamārubbhūmiyaṃ uppajjanti.

266-7. Sabbo tevīsatikāmvipāko, sabbo pannarasavidho mahaggato rūpo cittuppādo, **manodhātu** kiriyāmanodhātu, domanassadvayampi ca ādimaggo ca **tathā upari** jātā tayo arūpapākā cāti chacattālīsa cittāni **ettha** etissaṃ paṭhamārubbhūmiyaṃ natthi.

268-9. Vuttasu pana cittesu, paṭhamārubbhūmiyaṃ vuttasu cittesu kusalapākakiriyāvasena **paṭhamārubbhūmiyaṃ** ṭhapetvā attano pāko cāti cattālīsa cittāni dutiyārubbhūmiyaṃ jāyanti. **Evaṃ** iminā mayā vuttappakārena **sesadvaye** paṭhamadutiyārubbhūmiyaṃ sesaākīṇcaññāyatanevasaññānāsaññāyatanevābhūmidvaye **heṭṭhimāheṭṭhimā** kusalavipākakiriyāvasena heṭṭhābhāge jātānaṃ arūpattayaṃ hitvā attano attano pākā **evaṃ** iminā mayā vuttappakārena paṇḍitena **ñeyyā** jānitabbā.

270-3. Cattāro ca anāsavā, vipākā cattāri lokuttaraphalacittāni, **sabbe** sabbāni ca catūsu arūpabhūmīsu honti.

Voṭṭhabbanena cittena saha kāme aṭṭha mahākiriya, catasso arūpakiriyaṇi cāti terasa eva kiriya paṭhamārūppabhūmiyaṃ jātassa khīṇāsavassa jāyanti. Dutiyārūppabhūmiyaṃ jātassa khīṇāsavassa paṭhamārūppakiriyaṃ hitvā dvādasa eva kiriyaṃ honti. Tatiyārūppabhūmiyaṃ jātassa khīṇāsavassa paṭhamadutiyārūppakiriyaṇi hitvā ekādasa kiriyaṃ honti. Catutthārūppabhūmiyaṃ jātassa khīṇāsavassa paṭhamadutiyatatiyārūppakiriyaṇi hitvā daseva kiriyaṃ **ñeyya** jānitabbā.

**274. Arahato pana cittāni, honti ekūnavīsati;
Arahattaṃ kriyā sabbā, ṭhapetvāvajjanadvayaṃ.**

Āvajjanadvayaṃ ṭhapetvā sabbā kiriya, arahattaphalañcāti ekūnavīsati cittāni arahato pana honti. Āvajjanadvayaṃ kiñcāpi khīṇāsavassa honti, evampi aññesaṃ puthujjanasekkhānampi hontiyeva. Ekūnavīsati cittāni khīṇāsavassa eva honti, na aññesanti ñāpanatthaṃ “āvajjanadvayaṃ ṭhapetvā”ti vuttaṃ.

275-6. Catunnaṃ phalaṭṭhānaṃ puggalānañca tihetukaputhujjane ca teraseva cittāni bhavanti. **Iti** vacanaṃ dhīro pakāsaya. Taṃ yathā – cattāro ñāṇasampayuttā mahāvīpākāni, nava rūpārūpapākā ca ime teraseva cittāni bhavanti.

277-9. Catunnaṃ phalaṭṭhānaṃ puggalānañca duhetukaputhujjane ca ñāṇaparihīnāni cattāri vipākāni eva jāyare. **Puthujjanānaṃ tiṇṇampi, catunnaṃ ariyadehināṃ** ariyagātānaṃ **sattannaṃ** puggalānaṃ sattaraseva cittāni bhavanti. Taṃ yathā – duve pañcaviññāṇāni, manodhātuttayasantīraṇāni, voṭṭhabbanañca ime sattarasa eva honti.

280-5. Heṭṭhā tiṇṇaṃ phalaṭṭhānaṃ, tihetukaputhujjane catunnaṃ puggalānaṃ mahaggaṭāni eva kusalāni honti. **Tiṇṇaṃ puthujjanānañca, ādito tiṇṇaṃ ariyānaṃ** heṭṭhā ariyānaṃ teraseva cittāni uppajjanti. **Iti** vacanaṃ dhīro niddise. Aṭṭheva kāmapuññāni, **apuññato** akusalavasena diṭṭhihīnā cattāro cittuppādāpi, uddhaccasampayuttañcāti terasa cittāni honti. **Heṭṭhā dvinnāṃ phalaṭṭhānaṃ** sotāpannasakadāgāmipuggalānaṃ **sabbaputhujjane** ahetukaduhetukatihetukaputhujjane domanassayuttaṃ dvayameva cittaṃ jāyate. **Tiṇṇaṃ puthujjanānañca** pañca eva jāyare. Taṃ yathā –

Cattāri diṭṭhiyuttāni, vicikicchāyutampi ca;
Maggatṭhānaṃ catunnaṃpi, maggacittaṃ sakaṃ sakaṃ.

Tesaṃ catunnaṃ maggatṭhānaṃ puggalānaṃ sakaṃ sakaṃ ekameva maggacittaṃ **bhave** bhaveyya. **Iti** evaṃ iminā mayā vuttappakārena dhīro paṇḍito **vibhāvaye** cittappavattiṃ pakāsaya.

286-9. Mayā bhavesu cittaṇaṃ, puggalānaṃ vasena ca. Bhavesu sabbabhavesu cittaṇaṃ, puggalānaṃ vasena ca cittappavatti **bhikkhūnaṃ** ābhidhammikabhikkhūnaṃ **pāṭavatthāya** chekabhāvāya mayā pakāsita. **Evaṃ sabbamidaṃ cittaṃ, bhūmipuggalabhedato evaṃ** iminā mayā vuttappakārena bhūmipuggalabhedato idaṃ sabbam cittaṃ **bahudhāpi ca** bahuppakāraṃpi ca hoti. **Iti** gahaṇaṃ vibhāvinā viññātabbaṃ. **Sakkā vuttānusārena** mayā vuttassa anusārena **bhedo** cittabhedo vibhāvinā **ñātuṃ** vijānituṃ sakkā. Ganthavittthārahītena mayā **idaṃ** cittappavattidīpakavacanaṃ saṃkhittaṃ, pubbāparaṃ viloketvā, cintetvā ca punappaṇaṃ atthaṃ upaparikkhitvā vibhāvinā gahetabbā.

290. Imañcābhidhammāvātāraṃ susāraṃ, varaṃ sattamohandhakārappadīpaṃ imañca abhidhammāvātārapakaraṇaṃ **susāraṃ** sundarasārahūtaṃ varaṃ sattaandhakārasadise mohe padīpaṃ pajjotappadīpaṃ **yo** naro sādhukaṃ cinteti vāceti, taṃ naraṃ rāgadosā **ciraṃ** cirakālaṃ **no payanti** na upagacchanti.

Iti abhidhammāvātāraṭṭhāya

Bhūmipuggalacittuppattiniddesavaṇṇanā niṭṭhitā.

Pañcama paricchedo.

6. Chaṭṭho paricchedo

Ārammaṇavibhāgavaṇṇanā

291. Etesaṃ pana cittaṇaṃ, ārammaṇamito paraṃ;

Dassayissāmaḥaṃ tena, vinā natthi hi sambhavo.

Ito paraṃ ito paricchedato paraṃ ahaṃ etesaṃ pana cittānaṃ ārammaṇaṃ dassayissāmi. **Hi** kasmā? **Tena vinā** taṃ ārammaṇaṃ vajjetvā cittānaṃ sambhavo natthi yasmā kāraṇā, tasmā kāraṇā dassayissāmi.

**292. Rūpaṃ saddaṃ gandhaṃ rasaṃ, phoṭṭhabbaṃ dhammameva ca;
Chadhā ārammaṇaṃ āhu, chaḷārammaṇakovidā.**

Chaḷārammaṇesu chekā paṇḍitā ārammaṇaṃ **chadhā** chappakāraṃ **āhu** kathesuṃ.

293. Tattha bhūte upādāya. Tattha tesu ārammaṇesu **bhūte upādāya** bhūte paṭicca vaṇṇo **catusamuṭṭhito** kammacittautuāhārasaṅkhātehi catūhi paccayehi **samuṭṭhito** nibbato nidassanena saha pavatto paṭighena saha pavatto rūpārammaṇasaññito.

294. Duvidhopi samuddiṭṭho, saddo cittotusambhavo saddo duvidhopi muninā samuddiṭṭho cittotusambhavo, savinñāṇakasaddova cittasamuṭṭhito hoti. Kathaṃ? Vacībhedakacittena bhūtāya jātāya bhūmiyā pathavīdhātuyā vikāratā pathavīlakkaṇabhāvato atithaddhalakkaṇatā vikāratā nāma. Sā vacīvinñatti vinñāyatīti vinñattiyā upādiṇṇaghaṭṭanassa kammajapathavīdhātuyā ghaṭṭanassa kāraṇaṃ cittajapathavīdhātuyā kammajapathavīdhātuyā ghaṭṭanaṅca saddo ca apubbaṃ acarimaṃ hoti.

295. Aviññāṇakasaddo yo so aviññāṇakasaddo utusamuṭṭhito hoti. Ayaṃ duvidhopi saddo **saddārammaṇataṃ gato** saddārammaṇabhāvaṃ patto.

296. Dharīyatīti gacchanto gacchanto janehi dharīyateti gandho. **Gamu sappa** gatimhi, **dhara** dhāraṇe. **Sūcanato** attano sādharmaṇassa pupphādino vatthussa pakāsanatopi vā gandho nāma. **Gandha** sūcane. **Ayaṃ** gandho catūhi samuṭṭhānaṃ etassāti **catusamuṭṭhāno**. Gandhārammaṇasammato.

297. Rasamānā rasantīti, rasoti parikittito janā rasamānā yaṃ dhammajātaṃ **rasanti** anubhavanti, **iti** yasmā kāraṇā, tasmā kāraṇā **raso iti** raso nāma paṇḍitehi parikittito, **so** raso catusambhūto rasārammaṇanāmako.

298. Phusīyatīti phoṭṭhabbaṃ yaṃ dhammajātaṃ janehi phusīyatīti tasmā phoṭṭhabbaṃ, pathavītejavāyavo. Taṃ phoṭṭhabbaṃ catusambhūtaṃ phoṭṭhabbārammaṇaṃ mataṃ.

299. Sabbaṃ nāmaṅca rūpaṅca, hitvā rūpādipaṅcakaṃ rūpādipaṅcakaṃ hitvā sabbaṃ **nāmaṅca** cittacetasikanibbānanāmaṅca **rūpaṅca** pañcapasādasukhumarūpaṅca **lakkaṇāni ca** aniccadukkhaanattalakkhaṇāni ca paññatti ca dhammārammaṇasaññitaṃ.

300. Chārammaṇāni labbhanti, kāmāvacarabhūmiyaṃ kāmāvacarabhūmiyaṃ chārammaṇāni labbhanti. **Tīpi** rūpāvacare rūpasaddadhammārammaṇavasena labbhanti. Arūpe pana ekekaṃ dhammārammaṇaṃ labbhati.

301-3. Khaṇavattthuparittattā, āpāthaṃ na vajanti ye ye rūpādāyo pañca visayā khaṇavattthuparittattā pañcārammaṇānaṃ khaṇassa parittattā mandattā tesam appāyukattā vatthuparittattā pañcārammaṇānaṃ atikhuddakavatthukattā āpāthaṃ pañcadvāresu pākātabhāvaṃ na vajanti, pañcapasādesu ghaṭṭanakiccaṃ na sādenti, **te** rūpādāyo pañca visayā dhammārammaṇaṃ honti. Iti **yesaṃ** ekaccānaṃ ācariyānaṃ mataṃ hoti. **Kirāti** anussavanatthe nipāto. **Te paṭikkhipitabbāva** te evaṃ vādino ekacce ācariyā paṭikkhipitabbā, mayā paṭisedhitabbā. Kasmā? Cakkhuvinñāṇaṃ sotavinñāṇassa gocarabhūtaṃ **saddaṃ** na paṭianubhoti, sotavinñāṇaṃ cakkhuvinñāṇassa gocarabhūtaṃ rūpaṃ na paṭianubhoti. Iti **aññamaññassa gocaraṃ** neva paccanubhontānaṃ **tesaṃ** pañcannaṃ cakkhuvinñāṇādīnaṃ vinñāṇānaṃ tañca gocaraṃ manodhātumanovinñāṇadhātusaṅkhātaṃ javanaṃ pana paccanubhoti. **Iti** vacanassa bhagavatā vuttattā paṭikkhipitabbā. **Rūpādāyo pana** visayā rūpādipaṅcārammaṇāni eva honti.

304-6. Dibbacakkhādīñānaṃ, rūpādīneva gocarā tāni rūpādīni eva gocarā dibbacakkhādīñānaṃ anāpāthagatānaṃ eva pākātabhāvaṃ appattāneva. **Itipi** vacanaṃ vuttaṃ na yujjati. **Yaṃ** dhammajātaṃ rūpārammaṇaṃ bhavantaṃ, **taṃ** dhammajātaṃ **kathaṃ** kena pakārena dhammārammaṇaṃ bhaveyya? **Evaṃ sati** rūpārammaṇassa dhammārammaṇatte sati **etesam** rūpārammaṇadhammārammaṇānaṃ niyamopi **kathaṃ bhava** kena pakārena bhaveyya? **Sabbaṃ ārammaṇaṃ etaṃ** etaṃ sabbaṃ ārammaṇaṃ **chabbidhaṃ** chappakāraṃ bhagavatā samudīritaṃ. Taṃ parittattikādīnaṃ vasena bahuppakārehi mataṃ.

307. Sabbo kāmavipāko ca sabbo tevīsatikāmavipāko ca **kriyāhetudvayampi ca** manodhātuhasituppādasasena kiriyāhetudvayampi cāti pañcavīsati cittuppādā **ekantaparittārammaṇā** ekantakāmāvacarārammaṇā **siyūṃ** bhavyeyyūṃ.

308-10. Itthādibhedā pañceva, rūpasaddādayo pana dvipañcannaṃ viññāṇānaṃ **paṭipāṭiyā** anukkamena gocarā honti. **Rūpādipañcakaṃ sabbam, manodhātuttayassa tu** manodhātuttayassa pana sabbam rūpādipañcakaṃ ārammaṇaṃ hoti, etesaṃ terasannaṃ pana cittānaṃ rūpakkhandhova **gocarō** ārammaṇaṃ hoti. **Nārūpaṃ** nāmaṃ ārammaṇaṃ na karonti. **Na ca paññattim** paññattim ārammaṇaṃ na karonti. **Nāṭitaṃ** atītaṃ ārammaṇaṃ na karonti. **Na canāgataṃ** anāgataṃ ārammaṇaṃ na karonti eva. **Hi** saccaṃ vattamāno gocarō etesaṃ dvipañcaviññāṇānaṃ, manodhātuttayassa cāti terasannaṃ cittānaṃ taṃ ārammaṇaṃ vattamānaṃ eva paccuppannaṃ eva.

311. Terasetāni cittāni, jāyante kāmādhātuyam etāni terasa cittāni kāmādhātuyam jāyanti, rūpāvacare puññajāni cakkhusotaviññāṇasampañcchanāni, kiriyāmanodhātu cāti **cattāri** cittāni jāyanti. **Arūpisu** arūpabhūmīsu **neva kiñcipi** ekampi cittaṃ neva jāyati.

312-3. Mahāpākānamatṭhannaṃ atṭhannaṃ mahāvīpākānaṃ pavattiyam chasu dvāresu tadārammaṇakiccānaṃ rūpādichaparittāni gocarā. **Sanṭīraṇattayassapi** pavattiyam pañcadvāre sanṭīraṇattayakiccassa, chadvāresu tadālambaṇakiccassa ca rūpādichaparittāni gocarā. **Rūpādayo parittā cha, hasituppādagocarā** hasituppādassa rūpādayo cha parittā gocarā honti. **Pañcadvāre paṭuppannā** pañcasu dvāresu ye gocarā paccuppannā, manodvāre **tikālikā** ye gocarā tikālikā tīsu kālesu niyuttā.

314-5. Dutiyārūppacittaṇca, catutthārūppamānasam kuslavīpākakiriyāvasena **chabbidham** cittaṃ mahaggatagocaraṃ **niyataṃ** niyatārammaṇaṃ hoti, taṃ chabbidham cittaṃ mahaggatagocaraṃ pubbe attanā adhigataākāsānañcāyatanaākiñcaññāyatana kusalārammaṇaṃ, tesu dve dutiyacatutthārūppapākā “yassa yassa kusalañhānassa yaṃ yaṃ ārammaṇaṃ gahetvā brahmaloke paṭisandhi hotī” ti vacanato sakasakakusalassa ārammaṇaṃ eva tesam vipākānaṃ ārammaṇaṃ hoti. **Nibbānārammaṇattā hi, ekantena anaññato** atṭhānāsavacittānaṃ **appamānova** nibbānaṃ eva gocaraṃ ārammaṇaṃ hoti. **Hi** kasmā kāraṇā? **Nibbānārammaṇattā, na aññato** ārammaṇato.

316-320. Cattāro ñāṇahīnā ca, kāmāvacarapuññato kāmāvacarakusalavasena cattāro ñāṇahīnā ca **kriyato** kiriyavasena cattāro ñāṇahīnā ca dvādasākusalāni ca te parittārammaṇā ceva mahaggatagocarā ca, te na vattabbā ca honti. Kasmā? Paññattārammaṇattā. **Cattāro ñāṇasampayuttā, puññato** kuslavavasena cattāro ñāṇasampayuttā, **kriyato** kiriyavasena cattāro ñāṇasampayuttā ca tathā abhiññādavyaṇca kiriyāvoṭṭhabbanampi ca ekādasannaṃ etesaṃ cittānaṃ gocarō parittamahaggatāppamāṇavasena **tividho** hoti. **Ime** ekādasa na vattabbāpi honti. Kasmā? Paññattārammaṇattā. **Yāni vuttāvasesāni** vuttato cittato sesāni yāni cittāni, tāni na vattabbārammaṇānīti vibhāvinā viññeyyāni.

Parittārammaṇattikaṃ samattaṃ.

321. Dutiyārūppacittaṇca, catutthārūppamānasam;
Chabbidham pana ekantaatītārammaṇaṃ siyā.

322-6. Viññāṇānaṃ dvipañcannaṃ dvinnaṃ pañcaviññāṇānaṃ, manodhātuttayassa ca terasannaṃ cittānaṃ gocarā rūpādayo pañca dhammā paccuppannāva, atṭha kāmamahāvīpākā tadārammaṇakiccavasena atītānāgatapaccuppannagocarā, cutikiccavasena atītārammaṇā, paṭisandhibhavaṅgakiccavasena paccuppannātītārammaṇā. Somanassasantīraṇaṃ santīraṇakiccavasena paccuppannārammaṇaṃ. Tadārammaṇakiccavasena paccuppannānāgatātītārammaṇaṃ. Sesasantīraṇadvayaṃ santīraṇakiccavasena paccuppannārammaṇaṃ, tadārammaṇakiccavasena paccuppannānāgatātītārammaṇaṃ, cutikiccavasena atītārammaṇaṃ, paṭisandhibhavaṅgakiccavasena paccuppannātītārammaṇaṃ. Hasituppādacittaṃ javanakiccavasena paccuppannātītānāgatagocaraṃ. **Iti** ete dvādasa mānasā pana **siyātītārammaṇā** atītārammaṇā siyūṃ. **Paccuppannānāgatagocarā** paccuppannārammaṇā anāgatārammaṇā siyūṃ. Kāme vīsati kusalākusalā **kriyato** kiriyavasena kāme nava mānasā, voṭṭhabbaṃ voṭṭhabbanakiccavasena paccuppannārammaṇaṃ, āvajjanakiccavasena tikālārammaṇaṃ. Mahākiriyamānasā javanakiccavasena tikālārammaṇā, sante paññattikāle navattabbārammaṇā. Dve abhiññāmānasāpi abhiññākiccavasena atītādigocarā siyūṃ. **Ime** mānasā paññattikālepi sante navattabbā bhavanti. Rūpārūpabhavesu mayā vuttato **sesāni sabbāni** cittāni **atītārammaṇādinā** atītārammaṇādivasena paṇḍitena **na vattabbāni** na kathitabbāni honti eva, paññattārammaṇāni eva hontīti attho.

327. Kāmato ca kriyā pañca kāmāvacaravasena pañca kiriyā, **rūpato** rūpāvacaravasena **pañcamī kriyā**

abhiññācittam, etesaṃ channaṃ cittānaṃ natthi **kiñci** ekampi **agocaraṃ** anārammaṇaṃ, sabbārammaṇanti attho. “Pañcamī kriyā”ti vacanaṃ abhiññācittavasena vuttaṃ. Suddhajhānassa pañcamarūpakiriyassa paññattārammaṇaṃ evāti veditabbaṃ.

328. Nibbānañca catubbidhaṃ phalaṃ, maggaṃ rūpañca **arūpaṃ** cittacetasikaśākhātaṃ nāmañca gocaraṃ kātuṃ yāni cittāni sakkonti, tāni cittāni me vada, ācariya, tāni mayhaṃ kathehi.

329-30. Cattāro ñāṇasamuyuttā, puññato puññavasena cattāro ñāṇasampayuttā, **kriyato tathā** kiriyavasena cattāro ñāṇasampayuttā, dve abhiññāmānasā, kiriyāvoṭṭhabbanampi cāti ekādasā cittāni nibbānañca phalañca maggañca rūpañca **arūpaṃ** nāmañca gocaraṃ kātuṃ sakkonti.

331-4. Citesu pana sabbesu yāni cittāni arahattaphalaṃ arahattamaggaṃ gocaraṃ kātuṃ sakkonti, **tāni kati cittāni me vada** tāni mayhaṃ tvaṃ kathehi. **Sabbesu pana citesu, cha ca cittāni me suṇa**, bho bhaddamukha, tvaṃ mayhaṃ vacanaṃ suṇohi, sabbesu pana citesu cha cittāni arahattaphalaṃ arahattamaggaṃ gocaraṃ kātuṃ sakkonti. Cattāro ñāṇasamuyuttā, kiriyā ca voṭṭhabbanampi ca kiriyābhiññāmano cāti cha ca cittāni gocaraṃ kātuṃ sakkonti. **Puññato** puññavasena cattāro ñāṇasampayuttā, **puññato** puññavasena abhiññācittañca arahattaphalaṃ maggaṃ gocaraṃ kātuṃ na sakkonti.

335-8. Arahato khīṇāsavassa maggacittam phalamānasam vā puthujjanā vā sekkhā vā vijānituṃ na sakkonti. Kasmā kāraṇā? Puthujjano sotāpannassa mānasam na jānāti, sotāpanno sakadāgāmissa mānasam na jānāti, sakadāgāmi anāgāmissa mānasam na jānāti, anāgāmi arahantassa mānasam na jānāti. **Heṭṭhimo heṭṭhimo** puggalo **uparūpari** ṭhitassa puggalassa mānasam neva jānāti, **uparūpari** ṭhito puggalopi heṭṭhimassa heṭṭhimassa puggalassa mānasam jānāti.

339-342. Yo dhammo yassa dhammassa ārammaṇaṃ hoti, **taṃ** ārammaṇaṃ ekaṃ ekaṃ uddharitvā ito paraṃ pavakkhāmi. **Kusalārammaṇaṃ kāme** kāme aṭṭhavidhaṃ kusalaṃ aṭṭhavidhassa kāmāvacarakusalassa ārammaṇaṃ hoti. Kathaṃ? Pubbeva kataṃ aṭṭhavidhaṃ mahākusalaṃ pacchā somanassasahagatañāṇasampayuttacittadvayena vā somanassasahagatañāṇavippayuttacittadvayena vā upekkhāsahagatañāṇasampayuttadvayena vā upekkhāsahagatañāṇavippayuttadvayena vā anussaraṇakālaḍḍisu tassa aṭṭhavidhassa kusalassa javanakiccavasena ārammaṇaṃ hoti, vippañisāraḍḍisu dvādasavidhassa **akusalassa** ārammaṇaṃ hoti, kusalassa abhiññāmānasassa ca kiriyassa abhiññāmānasassa ca ārammaṇaṃ hoti, ekādasavidhassa kāmāvacaravipākassa tadārammaṇavasena ārammaṇaṃ hoti. **Tathā kāmakriyassāti** javanakiccavasena hasanassa āvajjanakiccavasena voṭṭhabbanassa javanakiccavasena mahākiriyaṃ ārammaṇaṃ hoti, etesaṃ channaṃ rāsīnaṃ ārammaṇaṃ **siyā** bhavye. Rūpāvacarapuññāni pañca **tato** charāsito kāmavipākaṃ vajjetvā pañcannaṃ rāsīnaṃ ārammaṇāni honti. Tadā lobhamūlamohamūlavasena attanā paṭiladdhajhānānaṃ anussaraṇakāle tassa dasavidhassa akusalassa ārammaṇaṃ hoti, tihetukapaṭisandhino sattassa jhānato pariḥīnassa jhānaṃ paccavekkhato jhānārammaṇaṃ domanassayuttaṃ hoti, tadā tassa paṭighadvayassa ārammaṇaṃ hoti. **Kāmakriyassāti** ekantaparittārammaṇāni kiriyāmanodhātuhasanāni vajjetvā āvajjanakiccavasena voṭṭhabbanassa, javanakiccavasena mahākiriyaṃ ca ārammaṇaṃ hoti.

343. Āruppakusalāñcāpi, tebhūmakusalassa ca mahākusalassa ca abhiññācikkavasena pañcamarūpakusalassa ca dutiyacatutthaarūpakusalassa ca **tebhūmakakriyassāpi** voṭṭhabbanassa mahākiriyaṃ ca abhiññācikkavasena pañcamarūpakiriyassa ca dutiyacatutthārūpakiriyassa ca ārammaṇaṃ hoti, dutiyārūpakiriyassa ca paṭhamārūpakiriyāya ārammaṇena bhavitabbaṃ, catutthārūpakiriyassa ca tatiyārūpakiriyāya ārammaṇena bhavitabbaṃ, evañca sati kathaṃ paṭhamārūpakusalaṃ dutiyārūpakiriyassa ārammaṇaṃ hoti, tatiyārūpakusalañca catutthārūpakiriyassa ārammaṇaṃ hotīti ce vattabbaṃ, yadā puthujjanayogī vā sekkho vā yogī rūpasamāpattiṃ samāpajjitvā tato vuṭṭhahitvā ākāsānañcāyatanasākhātaṃ paṭhamārūppasamāpattiṃ samāpajjitvā vītarāgo hutvā attanā adhigatā samāpattiyo gahetvā puthujjanasekkhākāle attanā anadhigataṃ dutiyaṃ arūpasamāpattiṃ samāpajji, tadā khīṇāsavakāle samāpajjitaṃ dutiyaṃ arūpakiriyam paṭhamārūppakusalaṃ ārammaṇaṃ karoti, evaṃ paṭhamārūppakusalaṃ dutiyārūpakiriyassa ārammaṇaṃ hoti.

Yadā yogī rūpasamāpattiyo samāpajjitvā tato vuṭṭhahitvā paṭhamārūppakusalaṃ dutiyārūppakusalaṃ tatiyārūppakusalañca samāpajjitvā khīṇāsavo hutvā attanā adhigatā samāpattiyo gahetvā attanā anadhigataṃ catutthaṃ arūpasamāpattiṃ samāpajji, tadā catutthārūpakiriyā tatiyārūppakusalaṃ ārammaṇaṃ karoti, evaṃ catutthārūpakiriyassa tatiyārūppakusalaṃ ārammaṇaṃ hoti, pacchā khīṇāsavakāle samāpajjitā rūpārūpasamāpattiyo honti. Yathā hoti, **tathā eva** akusalassāpi ārammaṇaṃ hoti.

344-7. Arūpāvacarapākānanti jātiniddhāraṇaṃ, catutthadutiyaṇaṃ arūpapākānampi ārammaṇaṃ hoti, “catutthadutiyaṇa”nti vattabbe tiyaṇaṃ-saddassa lopam katvā “**catutthadū**”ti vuttaṃ, tadā dvinnaṃ arūpapākānaṃ

paṭhamāruppatatiyāruppajavanāni ārammaṇāni honti, “yassa kusalassa jhānassa yaṃ ārammaṇaṃ gahetvā brahmaloke paṭisandhi hotī”ti vacanato sakasakakusalānaṃ ārammaṇabhūtāni ākāśānañcāyatanaākiñcaññāyatanaṃ tesam dutiyacatutthāruppapakānaṃ ārammaṇāni honti, evaṃ arūpakusalaṃ imesaṃ aṭṭharāsīnaṃ ārammaṇapaccayo hoti. **Apariyāpannapuññaṃpi** catubbidhalokuttarakusalampi **kāmāvacarato** kāmāvacaravasena **kusalassa** ñāṇasampayuttamahākusalassa ca **kriyassa** voṭṭhabbanassa, ñāṇasampayuttato kiriyassa ca **rūpato** rūpāvacaravasena pañcamassa rūpakusalassa ca pañcamassa rūpakiriyassa cāti catunnaṃ rāsīnaṃ ārammaṇaṃ sadā hoti, ayamettha adhippāyo – sekkhānaṃ ñāṇasampayuttamahākusalassa, voṭṭhabbanassa, pañcamassa rūpakusalassa ca tividhaṃ lokuttarapuññaṃ ārammaṇaṃ hoti. Khīṇāsavassa voṭṭhabbanassa, ñāṇasampayuttamahākiriyassa, pañcamassa rūpakiriyassa ca arahattapuññaṃ ārammaṇaṃ hoti. Yathā **tathā eva** sabbam akusalaṃ **kāmāvacarato** kāmāvacaravasena **kusalassa** mahākusalassa, **kriyassa** hasanavoṭṭhabbanamahākiriyassa ca **rūpāvacarato** pana rūpāvacaravasena pañcamassa rūpakusalassa, pañcamassa rūpakiriyassa ca ārammaṇaṃ hoti, yathā **tathā eva** sabbassa akusalassa ca kāmāvacaravipākānaṃ tadārammaṇakiccavasena ekādasannañcāti channaṃ rāsīnaṃ ārammaṇaṃ bhagavatā īritaṃ.

348-352. Vipākārammaṇaṃ kāme sabbam vipākārammaṇaṃ **kāmāvacaratopi** kāmāvacaravasenapi **kusalassa** mahākusalassa, **kriyassa** hasanavoṭṭhabbanamahākiriyassa ca **rūpāvacarato ceva** rūpāvacaravasena ca eva pañcamassa rūpakusalassa, pañcamassa rūpakiriyassa ca **kāmāvacarapakānaṃ** kāmāvacaravipākānaṃ ekādasannañca tatheva akusalassa ca channaṃ rāsīnaṃ ārammaṇaṃ hoti. Rūpe vipākārammaṇaṃ **kāmāvacaratopi ca** kāmāvacaravasenapi ca **kusalassa** mahākusalassa, **kriyassa ca** voṭṭhabbanamahākiriyassa ca **rūpāvacarato ceva** rūpāvacaravasena ca eva kusalassa ca apuññaṃ cāti pañcannaṃ rāsīnaṃ gocaro hoti, arūpāvacarapakesu ayaṃ nayo bhagavatā mato. Vaṭṭe na pariyāpannā nappaviṭṭhāti **apariyāpannā**, tesam puggalānaṃ pakāpi **kāmato** kāmāvacaravasena **kusalassa** ñāṇasampayuttamahākusalassa, **kriyassa ca** voṭṭhabbanañāṇasampayuttamahākiriyassa ca **rūpatopi** rūpāvacaravasenapi **kusalassa** pañcamassa rūpakusalassa, **kriyassa ca** pañcamassa rūpakiriyassa ca evaṃ ārammaṇaṃ hotīti. Etthāyamadhippāyo apariyāpannapuññaṃ vuttanayeneva vedītabbo.

353-6. Kāme idaṃ sabbakiriyacittaṃ **kāmāvacaratopi ca** kāmāvacaravasenapi ca **kusalassa** mahākusalassa, **kriyassa ca** hasanavoṭṭhabbanamahākiriyassa ca **rūpāvacarato ceva** rūpāvacaravasena ca eva **kusalassa** pañcamassa rūpakusalassa, **kriyassa ca** pañcamassa rūpakiriyassa ca ekādasakāmāvacarapakassa ca tatheva akusalassa ca etesaṃ channaṃ rāsīnaṃ ārammaṇaṃ hoti. **Yaṃ kriyāmānasam rūpe** rūpāvacare yaṃ kiriyāmānasam, **kāmapākaṃ tato vinā tato** rāsito kāmapākaṃ **vinā** vajjetvā pañcannaṃ pana rāsīnaṃ ārammaṇaṃ hoti. Kāmāvacarato kāmāvacaravasena kiriyassa voṭṭhabbanamahākiriyassa ārammaṇaṃ hoti, hasanaṃ ekantaparittārammaṇattā rūpakiriyam ārammaṇaṃ na karoti. **Kriyācittaṃ panāruppe** arūpakiriyācittaṃ pana tesam pañcannaṃ eva ca rāsīnaṃ **āruppakriyāssāpi** paṭhamāruppakiriyam dutiyāruppakiriyassa ārammaṇaṃ hoti, tatiyāruppakiriyam catutthāruppakiriyassa ārammaṇaṃ hoti. Iti channaṃ rāsīnaṃ gocaro hotiyeva.

357-8. **Rūpaṃ catusamutthānaṃ, rūpārammaṇasaññitaṃ;**
Kāmāvacarapuññaṃ, tatheva kusalassa ca;
Abhiññādvayacittassa, kāmapākakriyassa ca.

Dvicakkhuvīññāmanodhātudvayasantīraṇattayamahāpākassa ca kāmāvacaravasena cāti ekādasavidhassa kāmāvacaravasena ca channaṃ etesaṃ rāsīnaṃ ārammaṇapaccayo hoti.

359-360. Nibbānārammaṇaṃ kāmarūpāvacarato kāmarūpāvacaravasena sekkhānaṃ ñāṇasampayuttamahākusalassa, rūpāvacaravasena pañcamassa rūpakusalassa ca kāmarūpakiriyassa ca khīṇāsavānaṃ voṭṭhabbanañāṇasampayuttamahākiriyassa ca pañcamarūpakiriyassa ca **ubhayassāpi** cittaṃ ārammaṇaṃ hoti. **Apariyāpannato ceva** lokuttaravasena ca eva phalassa, kusalassa ca etesaṃ channaṃ rāsīnaṃ ārammaṇapaccayo hoti.

361-2. Nānappakāraṃ sabbam, paññattārammaṇaṃ pana tebhūmakassa puññaṃ mahākusalassa, suddhājhānassa pañcavidhassa rūpakusalassa, paṭhamāruppatatiyāruppakusalassa ca tatheva akusalassa ca **rūpārūpavipākassa** sabbassa rūpavipākassa, paṭhamāruppatatiyāruppavipākassa ca **tebhūmakakriyassa ca** hasanavoṭṭhabbanamahākiriyassa sabbassa rūpakiriyassa, paṭhamāruppatatiyāruppakiriyassa cāti navannaṃ pana rāsīnaṃ ārammaṇapaccayo hoti.

363-4. Rūpārammaṇikā dve tu dve cittuppādā rūpārammaṇikā, **dve dve saddādigocarā** dve dve cittuppādā saddārammaṇādigocarā, **tayo** manodhātusañkhātā **cittuppādā** pañcārammaṇikā nāma matā bhagavatā. **Idha** imasmim kāmāvacarādhikāre **ekacattālīseva** cittuppādā chaḷārammaṇikā matā. Ayaṃ kāmāvacaracittānaṃ ārammaṇakkamo.

365-9. Pañcābhiññā vivajjetvā, rūpārūpā anāsavā ime sabbe cittuppādā dhammārammaṇagocarā honti.

Paṭhamārūppakusalāṃ dutiyārūppacetaso kusalassa ārammaṇaṃ hoti, dutiyārūppacetaso vipākassa ca ārammaṇaṃ hoti, dutiyārūppacetaso kiriyassa ca ārammaṇaṃ hoti. Dutiyārūppacetaso kiriyassa paṭhamārūppakusalārammaṇabhāve kāraṇaṃ heṭṭhā vuttameva. **Paṭhamārūppapākoyaṃ, dutiyārūppacetaso** kusalassa ca dutiyārūppacetaso vipākassa ca dutiyārūppacetaso kiriyassa ca ārammaṇaṃ na hoti. **Hi** kasmā? Tesāṃ dutiyārūppakusalavipākakiriyānaṃ paṭhamārūppakusalārammaṇattā. **Paṭhamāṃ tu kriyācittaṃ** paṭhamāṃ kiriyācittaṃ pana dutiyārūppacetaso puññassa ārammaṇaṃ na hoti. Dutiyārūppacetaso vipākassa ārammaṇaṃ na hoti. Rūpārūpabhavesu hi khīṇāsavā vipākacittāni cutivasena sakasakakusalānaṃ ārammaṇaṃ karontī. **Paṭhamāṃ tu kriyācittaṃ** pana dutiyārūppacetaso kiriyassa ārammaṇaṃ hoti. **Iti** evaṃ iminā mayā vuttappakārena cittaṇaṃ ārammaṇuppatti **vibhāvinā** dhīrena ñeyyā.

370-3. Puthujjanassa sekkhassa, arūpārammaṇaṃ dvidhā dvippakāraṃ kusalaṃ **kusalassa** dutiyārūppakusalassa ārammaṇaṃ hoti, **taṃ** paṭhamārūppakusalāṃ dutiyārūppavipākassa ārammaṇaṃ **siyā** bhaveyya. **Khīṇāsavassa bhikkhussa, paṭhamārūppamānasāṃ** ārammaṇaṃ **tidhā** tippakāraṃ hoti. **Iti** vacanaṃ mahesinā vuttaṃ. **Kriyassāpi** dutiyārūppakiriyassāpi paṭhamārūppakiriyā ārammaṇaṃ hoti. **Kusalampi** paṭhamārūppakusalampi dutiyārūppakiriyassa ca ārammaṇaṃ hoti. **Kusalāṃ** paṭhamārūppakusalāṃ dutiyārūppavipākassa ārammaṇaṃ hoti. **Evaṃ** iminā mayā vuttappakārena paṭhamārūppamānasāṃ ārammaṇaṃ tidhā hoti. Tatiyārūppacittampi catutthārūppacetaso kusalassa ārammaṇaṃ hoti, catutthārūppacetaso vipākassa ca taṃ ārammaṇaṃ hoti. **Evameva** yathā paṭhamārūppamānasāṃ ārammaṇaṃ dvidhā hoti, evameva tathā tatiyārūppacittaṃ ārammaṇaṃ dvidhā hoti. Yathā paṭhamārūppamānasāṃ ārammaṇaṃ tidhā hoti, **evameva** tathā tatiyārūppacittaṃ ārammaṇaṃ tidhā siyā.

374. Yaṃ yaṃ pana idhārabbha idha imasmiṃ adhikāre yaṃ yaṃ gocaraṃ ārabbha paṭicca **ye ye** cittuppādā jāyanti, **so so** gocaro **tesaṅca tesaṅca** cittuppādānaṃ ārammaṇapaccayo hoti.

375. Yo pana naro **imassa** abhidhammāvatārassa kira pāraṃ duttaraṃ **idha** imasmiṃ loke uttarati, so naro abhidhammamahaṇṇave pāraṃ duttaraṃ uttaraṃ uttarati eva.

Iti abhidhammāvatāraṭṭikāya

Ārammaṇavibhāgavaṇṇanā niṭṭhitā.

Chaṭṭho paricchedo.

7. Sattamo paricchedo

Vipākacittappavattiniddesaṇṇanā

**376. Anantañāṇena niraṅgaṇena,
Guṇesinā kāruṇikena tena;
Vutte vipāke matipāṭavattamaṃ,
Vipākacittappabhavaṃ suṇātha.**

Yena jinena anantañāṇena nikkilesena guṇesinā kāruṇikena **tena** jinena vutte vipākasmim **matipāṭavattamaṃ** matichekabhāvattāya **vipākacittappabhavaṃ** mayā bhaṇamānaṃ vipākacittappavattiṃ tumhe suṇātha.

377. Ekūnatimṣa kammāni, pākā dvattimṣa bhagavatā dassitā, kammāni tīsu dvāresu dissare, vipākā **chasu** dvāresu dissanti.

378-9. Kusalaṃ kāmaloṃkasmim kāmaloṃkamaṃ kusalaṃ pavatte, paṭisandhiyaṅca **taṃtaṃpaccayamāgamma** taṃtaṃpaccayaṃ paṭicca. So so paccayo taṃtaṃpaccayo, “tataṃpaccayo”ti vattabbe niggahītāgamavasena “taṃtaṃpaccayo”ti vuttaṃ. Vicchākamadhārayasamāsoyaṃ. Vividhaṃ phalaṃ dadāti. Ekāya cetaṇāya ekā paṭisandhi bhagavatā pakāsītā. Nānākammehi nānā paṭisandhiyo ca bhavanti.

380-1. Tihetukaṃ tu yaṃ kammaṃ tihetukaṃ yaṃ kammaṃ pana kāmāvacarasāññitaṃ tihetukaṃ vipākam duhetuṅca vipākam ahetuṅca vipākam deti. **Duhetukaṃ tu yaṃ kammaṃ** duhetukaṃ yaṃ kammaṃ pana, taṃ kammaṃ tihetukaṃ vipākam na deti, attano vipākam duhetuṅca ahetuṅca deti.

382-3. Tihetukena kammena, paṭisandhi tihetukā hoti, duhetukāpi paṭisandhi hoteva, ahetukā paṭisandhi neva

hoti, ukkaṭṭhatihetukakammena tihetukā paṭisandhi, omakatihetukakammena duhetukā paṭisandhi hotīti adhippāyo. Duhetukena kamma duhetukā paṭisandhi, ahētukāpi paṭisandhi hoteva, tihetukā paṭisandhi neva hoti. Ukkaṭṭhaduhetukakammena duhetukā paṭisandhi, omakaduhetukakammena ahētukā paṭisandhi hotīti adhippāyo.

384. Asaṅkhārakammaṃ asaṅkhāravipākaṃ deti, sasaṅkhāravipākampi deti, sasaṅkhārakammaṃ sasaṅkhāraphalaṃ, tathā asaṅkhāraphalaṃ deti.

385. Ekāya cetanāyetta ettha etāsu cetanāsu ekāya kusalāya **cetanāya** soḷasavidhā vipākacittāni bhavanti. **Iti** vacanaṃ jino pakāsaye.

386-92. Vedanāparivattanaṃ ārammaṇena hoteva, tadārammaṇacittampi javanena niyāmitaṃ, somanassayutte kusale javane javite tadārammaṇampi somanassayuttameva hotīti attho. Upekkhāyuttakusalepi eseve nayo. Kāmāvacaracittena **kusalenādinā** paṭhamena kusalena tulyena vipākacittena. Tatiyāvisesanaṃ. Yena satta **gahitā paṭisandhi ce** yadi, **iṭṭhe balavārammaṇe** manāpe atimahantārammaṇe tassa satta **cakkhussa** cakkhupasādaṃ **āpāthaṃ** pākāṭabhāvaṃ **āgate** sati manodhātuyā tāya bhavaṅgasmim **āvaṭṭite** bhavaṅgase chindite sati cakkhuviññānakādīsū vīthicittesu jātesu paṭhamam kusalam kāmamānasam javanam hutvā jāyate. Sattakkhattuvārāni javitvāna paṭhame mahākusale gate **tadeva** tam eva iṭṭham ārammaṇam katvā teneva paṭhamamahākusalena sadisaṃ tadārammaṇavipākacittam. **Sandhiyā tulyato** paṭisandhiyā tulyabhāvena **mūlabhavaṅgānti** mūlabhavaṅgam nāma bhagavatā pavuccate. **Taṅca** tadārammaṇacittam **santīraṇam** somanassayuttam santīraṇam dassanam sampañcchanam **ettha** etasmim vīthicitte **gaṇanūpagacittāni** gaṇanam upagatāni cittāni cattāri eva bhavanti.

393-4. Yadā hi dutiyaṃ cittaṃ, kusalam javanam yadā yasmim kāle tasveva somanassatihetuno puggalassa dutiyaṃ kusalam cittaṃ javanam hoti, **tadā** tasmim kāle **tena** javanena tulyavipākaṃ tadārammaṇam. Tassa **sandhiyā asamānattā** tassa tadārammaṇacittassa sandhiyā asamānattā dve nāmāni **assa** vipākacittassa anena vipākacittena **labbhare** labbhanti, “āgantukabhavaṅga”nti nāmaṃ “tadārammaṇaka”nti ca nāmaṃ iti dve nāmāni labbhanti.

395-6. Yadā tasveva puggalassa tatiyaṃ puññaṃ javanam hoti, tadā **tena** javanena sadisaṃ tatiyaṃ pākam tadārammaṇikaṃ siyā. **Idam** vipākacittam **āgantukabhavaṅgānti** āgantubhavaṅgam nāma bhagavatā vuccate, purimāni ca **pañca** vipākacittāni **iminā pana** tatiyavipākena pana saddhim **cha** cittāni honti.

397-8. Yadā catuttham kusalam javanam hoti, tadā **tena** javanena tulyam catutthavipākaṃ tadārammaṇabhāvaṃ **vaje** gaccheyya. Catutthavipākaṃ āgantukabhavaṅgam tadārammaṇanāmakaṃ hoti, purimāni cha pākāni **iminā** saha catutthapākena **satta** cittāni honti.

399-403. Yadā yasmim kāle tasmim cakkhudvāre iṭṭhamajjhattārammaṇam pana tathā āpātham āgacchati ca, tadā vuttanayena āvajjanadassanasampañcchanacittesu jātesu **idha** imasmim majjhattārammaṇe ārammaṇavasena vedanā parivattati, tasmā upekkhāsahagataṃ santīraṇam mano hoti. Upekkhāsahagatesu eva catūsūpi javanesu javitesu **tehi** javanehi tulyāni cattāri vipākacittāni jāyare. **Accantaṃ** ekantena **vedanāya** upekkhāvedanāya **purimehi** somanassahagatahi cittehi asamānattā cattāri cittāni nāmato piṭṭhibhavaṅgāni nāma honti, **piṭṭhibhavaṅgāni** somanassavipākānaṃ pacchābhāge bhavaṅgānti attho. Imāni upekkhāsahagatāni pañca vipākāni purimehi **sattahi** vipākehi saddhim dvādasa vipākāni bhavanti. **Iti** vacanaṃ dhīro viniddise.

404-6. Yathā cakkhudvāre dvādasa vipākāni honti, tathā evam sotādīsū dvāresūpi dvādasa pākāni honti. **Iti** vacanaṃ dhīro niddise, ime mayā vuttā vipākā samasaṭṭhi bhavanti. **Evam** iminā mayā vuttappakārena ekāya cetanāya kamme **āyūhite** pavattite samasaṭṭhi vipākāni uppajjanti, imasmim vacane saṃsayo natthi. **Gahitāggahaṇettha ettha** etesu vipākesu gahitānaṃ vipākānaṃ aggahaṇena cakkhudvāre dvādasa pākā, sotaviññānakādīni cattāri cāti soḷasa pākāni honti.

407-11. Ekena tihetukakusalena asaṅkhārikena kamma āyūhite yathā, **evameva** sasaṅkhāratihetukakusalenāpi asaṅkhārasasaṅkhāraupekkhāsahagatahipi kusalehi kamme **āyūhite** pavattite **tesam** tiṇṇam kusalanam vipākehi tīhipi dinnāya paṭisandhiyā eseve nayo paṇḍitena jānitaḃbo. **Idha** imasmim upekkhāsahagatadvaye iṭṭhamajjhagatagocarassa vasena vipākacittappavattim paṭhamam dassetvā **dassetabbātha pacchā tu, iṭṭhasmim gocare idha atha pacchā** mayā vuttacittappavattito pacchākāle pana **idha** imasmim iṭṭhagocare ekekasmim pana dvādasa dvādasa pākā paṇḍitena dassetabbā. **Gahitāggahaṇettha ettha** etesu vipākesu gahitānaṃ vipākānaṃ aggahaṇena soḷasa pākacittāni honti. **Pubbe** kāle mayā vuttanayeneva **sabbam** vacanaṃ **asesato** asesabhāvena paṇḍitena ñeyyam.

412-4. Tihetukena kamma, paṭisandhi tihetukā bhavati, iti ayam vāro **ettāvatā** ettakena vacanena mayā

vutto. Ekaṃ kammaṃ ekasmiṃ bhava ekaṃ paṭisandhiṃ janeti, **tato** paṭisandhito **aparaṃ** aññaṃ dutiyaṃ paṭisandhiṃ na janeti, pavattiyaṃ anekāni vipākāni sañjaneti. **Hi** saccaṃ “ekaṃ kamma”ntiādikam vacanaṃ. **Ekasmā bījā** ekato bījato ekaṃ aṅkuraṃ jāyati, **assa** bījassa bahūni phalāni **hetuppavattito** salilādihetuppattiyā honti.

415-21. Duhetukena kamma, paṭisandhi duhetukā hoti, **iti** vacanaṃ ayaṃ vāro **anupubbena** anupaṭipāṭiyā āgato. **Idha** imasmiṃ adhikāre duhetukena puññaena somanassayuttana asaṅkhārikena cittaena kamme āyūhite pana duhetukena somanassayuttakusalena tulyena pākena yena sattena gahitā paṭisandhi ce, iṭṭhe ārammaṇe tassa sattassa cakkhudvāre āpāthaṃ āgate somanassayutte ñāṇahīne kusalamānase tasmim duhetuke sattakkhattuṃ javitvāna gate taṃ eva ārammaṇaṃ katvā **tadanantaraṃ** tassa javanassa anantaraṃ **tamsarikkhakaṃ** tena javanena sadisaṃ ekantaṃ asaṅkhārikamānasaṃ jāyati. **Tanti** taṃ cittaṃ **mūlabhavaṅganti** mūlabhavaṅgaṃ nāma **tadārammaṇamiccapi** tadārammaṇaṃ nāma ubhayaṃpi nāmaṃ **tasseva nāmaṃ** tassa cittaṃ eva nāmaṃ. **Iti** evaṃ iminā pakārena bhagavatā paridīpitaṃ. Duhetuke asaṅkhāre kusale javane javitepi ca **tamsamaṃ** tena cittaṃ sadisaṃ āgantukasāṅkhātaṃ tadārammaṇamānasaṃ hoti.

422-9. Tatheva ca tathā eva ca iṭṭhamajjhaggatagocare **duhetūnaṃ** dvinnaṃ upekkhāyuttānaṃ javanānaṃ anantaraṃ **tādisāni** tehi javanehi sadisāni dve tadārammaṇamānasaṃ jāyante, **tesaṃ** tadārammaṇamānasaṃ “piṭṭhibhavaṅga”nti nāmaṃ, “āgantukabhavaṅga”nti ca nāmaṃ hoti. Santīraṇadvayañceva dassaṇaṃ sampaṭicchanaṃ imāni dve bhavaṅgāni cāti **aṭṭha** vipākā cakkhudvāre honti. **Evaṃ** iminā mayā vuttappakārena pañcasu dvāresupi ca **aṭṭha aṭṭha** vipāke katvā pavattiyaṃ cattālīsa vipākāni bhavanti. **Gahitāggahaṇenetta, cakkhudvāre panaṭṭha ca ettha** etesu vipākesu gahitānaṃ vipākānaṃ aggahaṇena cakkhudvāre aṭṭha ca vipākā **sotaghānādīnā** vipākena saddhiṃ **dvādasa eva** vipākāni bhavanti. **Ekāya cetanāyevaṃ evaṃ** iminā mayā vuttappakārena ekāya cetanāya kamme **āyūhite** pavattite pana sati dvādaseva vipākāni bhavanti. **Iti** vacanaṃ vijitakusalayuddhasaṅgāmena **pakāsitaṃ** desitaṃ. **Duhetukattayenāpi, sesena sadisena tu** mayā vuttato duhetuto sesena duhetukattayenāpi sadisena pākena **ādinna sandhino** gahitapaṭisandhikassa sattassa evaṃ nayo **mato** kathito niraṅgaṇena. Duhetukena kamma duhetukā paṭisandhi hoti. Iti ayaṃ vāro ca **ettāvatā** ettakena vacanena mayā vutto.

430-8. Duhetukena kamma ahetukā paṭisandhi hoti, iti ayaṃ vāro **anupubbena** paṭipāṭiyā āgato. Tesu catūsipi duhetukesu kusalesu cittesu **aññatareneva** hetukena kamme **āyūhite** pavattite sati **tasseva** duhetukassa kusala javanassa pākabhūtāya upekkhāsahagatāhetukāya manoviññādhātuyā **ādinna paṭisandhino** sattassa **sā** paṭisandhi kamma sadisā nāma na vattabbā paṇḍitehi. **Hi** saccaṃ “paṭisandhi na vattabbā”tiādikam vacanaṃ. Kammaṃ duhetukaṃ hoti, paṭisandhi ahetukā hoti. **Tassa** dehino sattassa **vuḍḍhimupetassa** vuḍḍhiṃ upagatassa cakkhudvāre pana iṭṭhamajjhaggatagocare āpāthamāgate sati duhetukānaṃ catunnaṃ puññaṃ yassa kassaci javanassa avasānamhi idaṃ ahetukaṃ mano tadārammaṇabhāvena jāyati. Ettha etasmim vacane **samsayo** sandeho natthi, **taṃ** ahetukacittaṃ mūlabhavaṅgaṃca tadārammaṇameva ca hoti. Cakkhuvīññāṅakādīsipi vīthiccittesu jātesu upekkhāsahagataṃyeva santīraṇampi ca hoti. **Tesu ekaṃ ṭhapetvāna, gahitāggahaṇenidha tesu** dvīsū santīraṇatadārammaṇakiccesu vipākesu **ekaṃ** santīraṇakiccaṃ tadārammaṇakiccaṃ taṃ cittaṃ ṭhapetvā gahitānaṃ vipākānaṃ aggahaṇena idha iṭṭhamajjhaggatārammaṇe gaṇanūpagacittāni tīṇiyeva bhavanti.

439-41. Iṭṭhe ārammaṇe cakkhu-dvāre āpāthamāgate tadā santīraṇaṅceva somanassayuttaṃyeva hoti, tadārammaṇamānasaṅca somanassayuttaṃyeva hoti, **tesu** santīraṇatadārammaṇakiccesu vipākesu **ekekam** santīraṇakiccaṃ, tadārammaṇakiccaṃ vā cittaṃ gahetvā purimāni ca tīṇi cattāri eva vipākāni bhavanti. **Evaṃ** iminā mayā vuttappakārena pañcasu dvāresupi cattāri cattāri vipākacittānīti pavattiyaṃ vipākāni vīsati cittaṃ honti.

442-8. Cakkhudvāre tu cattāri, gahitāggahaṇenidha gahitānaṃ vipākānaṃ aggahaṇena cakkhudvāre pana cattāri vipākāni **idha** imasmiṃ iṭṭhārammaṇe **sotaghānādīnā** vipākena saddhiṃ ahetukaṃ aṭṭhakaṃ hoti eva. Ahetuka paṭisandhissa sattassa duhetukaṃ, tihetukaṃ vā tadārammaṇaṃ **na bhava** na bhaveyya, **duhetupaṭisandhino** sattassa tihetukaṃ tadārammaṇaṃ na bhava. **Jātā sugatiyaṃ yena, pākena paṭisandhi tu** sugatiyaṃ yena pākena paṭisandhi jātā, **tena** vipākena tulyampi, hīnaṃ vā tesam tadārammaṇaṃ bhaveyya. **Manussalokaṃ sandhāya, vuttañcāhetukaṭṭhakaṃ** sugatiyaṃ ahetukaṭṭhakaṅca manussalokaṅca sandhāya paṭicca kāraṇaṃ katvā mayā vuttaṃ. Catūsipi **apāyesu** pana apeto ayo patiṭṭhā etehīti apāyo, tesu. Pavatte ahetukaṃ aṭṭhakaṃ āpāyikehi labbhati. **Thero nerayikānaṃ tu, dhammaṃ deseti vassati** thiro thirakāradhammo yasmiṃ atthīti thero, dutiyaaggasāvaka bhūto iddhimā moggallānathero **nerayikānaṃ** niraye jātānaṃ sattānaṃ dhammaṃ deseti vassati, “ucchaṅge maṃ nisīditvā”tiādisu viya devaṃ vassāpetīti attho. Gandhaṃ vāyūṅca māpeti yadā, tadā pana tesam nerayikānaṃ sattānaṃ tehi nerayikasattehi theram disvā, dhammaṅca sutvā, gandhaṅca ghāyitvā **jalam** udakaṅca **pivatam** pivantānaṃ muduṃ vāyūṅca tehi **phusataṃ** phusantānaṃ tesam nerayikasattānaṃ cakkhuvīññāṅakādīni pañcapi **puññajāni eva** kusala vipākāni eva santīraṇadvayaṃ **puññajam eva** kusala vipākānaṃ eva puññajā eva ekā manodhātu itī aṭṭhakaṃ hoti.

449-50. Ayaṃ tāva kathā “cakkhuvīññāṅakādīni puññajānevā”tiādikā ayaṃ kathā iṭṭhaiṭṭhamajjhaggatagocare

kāmāvacare puññānaṃ javanānaṃ vasena mayā vuttā. **Tadārammaṇacetaso** tadārammaṇacittassa yaṃ niyamattaṃ “tadārammaṇamānasam javanena niyāmita”ntiādivacanena mayā vuttaṃ, **taṃ** niyamattaṃ kusalam sandhāya vuttaṃ. Somanassayutte kāmāvacarakusale javite tadārammaṇampi somanassayuttameva hoti, upekkhāyutte kāmāvacarakusale javite tadārammaṇampi upekkhāyuttameva hoti, netam akusale upekkhāyutte vicikicchādike akusale javane pana javite somanassayuttampi tadārammaṇam hotīti adhippāyo. **Itipi** vacanaṃ ācariyena dīpitaṃ.

451-7. Idha imasmim adhippāye akusalacittesu somanassayuttetu catūsupi iṭṭhe ārammaṇe **tesu** cittesu javitesu somanassayuttā ahetumanoviññādhātu **tadanantaram** tesam akusalajavanānaṃ anantaram tadārammaṇabhāvena jāyati. Upekkhāyuttetu chasu akusalacittesu iṭṭhamajjhatte gocare javitesu puññajā upekkhāsahagatā ahetumanoviññādhātu eva **tadanantaram** vā tesam upekkhāsahagatānaṃ channaṃ akusalajavanānaṃ anantaram tadārammaṇabhāvena jāyati. **Iṭṭhārammaṇayogasmim** buddharūpādiiṭṭhārammaṇayogasmim **kaṅkhato** “buddho nu kho, no buddho”ti kaṅkhattassa sattassa **uddhatassa** vā sattassa tadārammaṇamānasam somanassayuttaṃ ahetukaṃ vipākaṃ hoti piṭṭhibhavaṅgaṃ. **Somanassayute citte, javane javite pana** somanassayuttā eva pañca tadārammaṇamānasā paṇḍitena gavesitabbā. Upekkhāsahagate citte javane pana javite sati upekkhāsahagatā cha ca tadārammaṇamānasā paṇḍitena gavesitabbā.

458-63. Tihetusomanassena, ādinnapaṭisandhino sattassa jhānato parihīnassa vipaṭisārino taṃ jhānaṃ **paccavekkhato** paccavekkhantassa domanassayuttaṃ cittaṃ hoti. **Tassa** domanassassa anantaram kiṃ mānasam jāyate, tvaṃ domanassayuttajavanassa anantaramānasam **brūhi** kathehi. **Paṭṭhāne paṭisiddhā hi** domanassassānantaram somanassassa uppatti **paṭṭhāne paṭisiddhā** paṭṭhānappakaraṇe bhagavatā nivāritā, **assa** somanassassa vā anantaram domanassassa uppatti paṭṭhāne paṭṭhānappakaraṇe paṭisiddhā bhagavatā nivāritā. **Mahaggataṃ panārabbha** mahaggataṃ paṭicca javane javitepi ca tadārammaṇamānasam **tattheva** tasmim paṭṭhāne eva **paṭisiddham** bhagavatā nivāritaṃ. **Tasmā** kāraṇā bhavaṅgapāto vā tadārammaṇameva vā na hoti. **Kiṃ nu kātabbam** tesam bhavaṅgatadārammaṇānaṃ abhāve kāraṇam yaṃ kātabbam, amhehi taṃ kāraṇam kiṃ nu pucchāma, taṃ tadattaṃ ābhidhammikabhāvena ābhidhammika taṃ kāraṇam **vada** vadāhi. Upekkhāsahagatāhetumanoviññādhātu puññāpuññāvipākā tadārammaṇikā **siyā** bhaveyya.

464-7. Imassa tadārammaṇassa āvajjanaṃ kiṃ natthi? **Taṃ** tadārammaṇamānasam **kathaṃ** kena pakārena jāyate? **Bhavaṅgaāvajjanānaṃ** cittānaṃ kiṃ āvajjanamattaṃ? Maggassa anantarassa ca phalassāpi kiṃ āvajjanaṃ natthi? **Nirodhā ca** nirodhato vuttahantassa bhikkhuno phalacittassa vāti mayā sutam, **evaṃ** iminā mayā vuttapakārena āvajjanaṃ natthi. **Vinā āvajjanenāpi, hotu jāyatu mānasam** cittaṃ āvajjanena vinā āvajjanaṃ vajjetvā hotu jāyatu, **kimassārammaṇam** assa tadārammaṇamānasassa kiṃ ārammaṇam, paṇḍita, tvaṃ ārammaṇam yadī jānāsi, taṃ ārammaṇam **brūhi** mayhaṃ kathehi. **Vinā ārammaṇenetam etam** mānasam **ārammaṇena vinā** ārammaṇam vajjetvā na jāyati. **Hi** saccam “vinā ārammaṇeneta”ntiādikam vacanaṃ, tadārammaṇamānasam yadā domanassayuttaṃ javanaṃ mahaggatārammaṇam javati, tadā tasmimyeva javanacittakkhaṇe **parittesu** kāmāvacarārammaṇesu **yaṃ kiñci** parittārammaṇam **ārabbha** paṭicca jāyati.

468-73. Utubījanīyāmo ca utuniyāmo bījanīyāmo ca **kammadhammanīyāmatā ca** kammanīyāmatā ca sīlādīpāramīdhammanīyāmatā ca cittassa niyāmo cāti pañca niyāmatā paṇḍitena ñeyyā. **Tattha** tesu pañcasu niyāmesu sabbesaṃ pana rukkhaṇam ekappahārena phalapupphādīdhāraṇam utu, ayaṃ utuniyāmatā. **Tesaṃ tesaṃ tu bījanam, taṃtaṃtulyaphalubbhavo** tesaṃ tesaṃ bījanam pana tehi tehi bījehi tulyānampi sassānaṃ phalānaṃ uppatti, ayaṃ bījanīyāmatā. **Matthake nāḷikerassa** nāḷikeraphalassa matthake **chiddattam** chiddabhāvo, ayaṃ **bījajo** bījato jāto niyāmo. Tihetukakammaṃ tihetukañca vipākaṃ duhetukañca vipākaṃ ahetukañca vipākaṃ yato yaṃ kammaṃ deti, ayaṃ kammanīyāmatā. **Bodhisattassa jātiyam** jinaṅkurassa jātikkhāṇe medanīkampanādīkam anekavisesattaṃ, ayaṃ sīlādīpāramīdhammanīyāmatā. Tena gocarena pasādasmim ghaṭṭite sati **idha** imasmim cittavīthiyam **āvajjanādīnam** cittānaṃ uppatti, ayaṃ cittanīyāmatā.

474. Yo puggalo **dhīro** dhīrasampanno guṇasampanno vikkhittapāpo **mohandhakārāpagamaṃ** andhakāramanissāya avijjānissaraṇam **yadicche** sace iccheyya, so dhīro **imaṃ** abhidhammāvatārapakaraṇam **andhajjanānaṃ** andhasadisabālanānaṃ **hadayandhakāram viddhamāsanam** andhakārasannissitassa yassa hadayassa viddhamāsanakaram **jalantaṃ dīpaṃ** jalamānaṃ dīpaṃ. **Payattoti** pakārena yatati vīriyam karotīti payatto, **satataṃ** sabbadā **sikkhetha** sajjhāyanadhāraṇacintanavasena sikkheyya.

Iti abhidhammāvatāraṭīkāya

Vipākacittappavattiniddesavaṇṇanā niṭṭhitā.

Sattamo paricchedo.

8. Atthamo paricchedo

Pakiṇṇakaniddesavaṇṇanā

**475. Idāni pana sabbesaṃ, etesaṃ mānasaṃ mayā;
Pāṭavattḥāya bhikkhūnaṃ, kathīyati pakiṇṇakaṃ.**

Idāni pana kāle **etesaṃ** tihetukadvihetukaahetukānaṃ **sabbesaṃ** puggalānaṃ pakiṇṇakaṃ mānasaṃ **bhikkhūnaṃ pāṭavattḥāya** bhikkhūnaṃ chekabhāvattḥāya mayā kathīyate uccate.

476-85. Panthamakkaṭako uṇṇanābhi panthamakkaṭako nāma pañcasu disāsu tassa suttaṃ pasāretvā jālamajjhe nipajjati. **Paṭhamāya disāyetta ettha** etāsu disāsu paṭhamāya disāya pasārite sutte pāṇakena paṭaṅgena vā makkhikāya vā ghaṭṭite sati sā uṇṇanābhi kiñci **calitvā** phandanaṃ katvā nipannaṭṭhānato **suttānusārena** suttaṃ anusāretvā tassa pāṇakassa **yūsaṃ** yūsasaṅkhātaṃ soṇitaṃ pivati. Punāgantvā **tattheva** tasmim jālamajjheyyeva yathāsukhaṃ nipajjati, yathā paṭhamāya disāya calanādikaṃ kiriyāṃ karoti, evameva dutiyādīsu catūsu disāsu calanādikaṃ kiriyāṃ karoti, evaṃ pañcasu disāsu suttaṃ viya pañca pasādā paṇḍitena daṭṭhabbā, majjhe makkaṭako viya ca cittaṃ pana paṇḍitena daṭṭhabbaṃ. **Pāṇakādīhi** khuddakativacchānehi tassa saṅghaṭṭanā viya ārammaṇe pana pasādānaṃ saṅghaṭṭanā paṇḍitena daṭṭhabbā. Jālamajjhe nipannāya uṇṇanābhiyā taṃ calanaṃ viya pasāde ghaṭṭetīti **pasādaghāṭṭanaṃ**, kiṃ taṃ? Ārammaṇaṃ. **Tattha** tissaṃ vīthiyaṃ pasādaghāṭṭanaṃ ārammaṇaṃ gahetvā manodhātukiriyācittaṃ bhavaṅgaṃ āvaṭṭetīti **bhavaṅgāvaṭṭanaṃ** mataṃ bhagavatā. **Tassa** panthamakkaṭakassa **suttānusāraṃva** suttaṃ anugamaṇaṃ viya vīthiccittappavattanaṃ paṇḍitena daṭṭhabbaṃ. Sīse pana vijjhivā **assa** makkaṭassa yūsapānaṃ viya javanassa cittaṃ ārammaṇesu pavattanaṃ paṇḍitena daṭṭhabbaṃ. Puna āgantvā suttaṃ jālamajjhe nipajjanaṃ yathā **vatthumyeva** hadayavatthum eva nissāya cittaṃ parivattanaṃ paṇḍitena daṭṭhabbaṃ.

486-93. Idaṃ tu pana opammaṃ, atthaṃ dīpeti kiṃ tu hi idaṃ opammaṃ kaṃ atthaṃ **dīpeti** pakāseti? Paṭhamāṃ pasāde ārammaṇena ghaṭṭite sati **pasādavatthuto** pasādo vatthu nissayo etassāti pasādavatthu, cittaṃ, tato pasādavatthuto, paṭhamāṃ eva vatthusannissitaṃ bhavaṅgasaṅkhātaṃ **mano** jāyati, itipi attho tena opammaṇa dīpito. Ekekārammaṇaṃ dvīsu dvīsu dvāresu **sabbaso** sabbappakārena pana āpāthaṃ āgacchati, ayamattḥopi **tena** opammaṇa dīpito “dvīsu dvīsu dvāresū”ti, ekaṃ rūpārammaṇaṃ ekasmimyeva khaṇe cakkhudvāre, manodvāre cāti dvīsu dvāresu āpāthaṃ āgacchati attho. Sotadvārādīsopi eseva nayo ñeyyo. Rūpaṃ cakkhupasādamaḥi ghaṭṭetvā **taṅkhaṇe pana** tassa khaṇe pana tathā manodvāre pana āpāthaṃ āgacchati, bhavaṅgacalanassa paccayo hotīti attho. **Na samsayo** etasmim vacane samsayo natthi. **Yathā khago** yathā sakuṇo. **Hi** saccaṃ mayā vuttaṃ vacanaṃ. **Rukkhagge** rukkhakoṭṭiyaṃ nilīyantova sākhiṇo sākhaṃ ghaṭṭeti, tassa chāyā **bhūmiyaṃ** pathaviyaṃ **pharati** paṭihaññati. **Idhāti** nipāto. Sākhāya sakuṇena ghaṭṭanaṃ bhūmiyaṃ chāyāpharaṇāpi ca apubbaṃ acarimaṃ ekakkhaṇasmimyeva **jāyare** jāyanti. Evameva pana rūpassa, pasādassa ca ghaṭṭanaṃ, tattheva **atthato** atthavasena bhavaṅgacalanassāpi **paccayattena** paccayabhāvena manodvāre āpāthaṃ āgamaṇaṃ apubbaṃ acarimaṃ ekakkhaṇeveya hoti.

494-7. Tato paraṃ bhavaṅgasotaṃ chinditvā **cakkhudvāre** cakkhupasāde yathākkamaṃ āvajjane samuppanne, dassane samuppanne, sampaṭicchane samuppanne, santīraṇe samuppanne, tathā voṭṭhabbane ca samuppanne kusalaṃ javanacittaṃ javati, tathā akusalameva cittaṃ javati. Sotadvārādīsopi saddādānaṃ ārammaṇānaṃ ghaṭṭane eseva nayo avisesena viññunā viññeyyo. Etassa atthassa dīpane **dovārikopamādīni** vacanāni **uddharitvā** tato pakaraṇato nīharitvā **ettha** etasmim vīthiyādhikāre viññunā dassetabbāni.

498-9. Asambhedena cakkhussāti tassāpi cakkhu asambhinnaṃ hoti. Jīvitā niruddhampi pittena vā semhena vā ruhirena vā palibuddhaṃ cakkhuvīññāṇassa paccayo bhavituṃ asakkantaṃ sambhinnaṃ nāma, sakkantaṃ asambhinnaṃ nāma hoti. Tena cakkhupasādassa asambhinnena rūpāpāthagamaṇena ālokaṇissayenāpi. Tena tividhena paccayena **samanakkārahetaṇā** pañcadvārāvajjanapaccayena saha pavattanaṃ. Etehi pana catūhi paccayehi saṃ ekato inti pavattantīti sametā, **sametehi** saha gatehi samāgamaṃ ekībhāvaṃ āgatehi, taṃ **cakkhuvīññāṇaṃ** cakkhupasādānissitaṃ viññāṇaṃ sampayuttehi cetasi kehi saha jāyate.

500-1. Asambhedena sotassa sotapasādassa asambhinnena **saddāpāthagamaṇa ca** saddassa āpāthagamaṇena ca. Ākāsaṇissayenāpi pihitakaṇṇacchiddassa sotaviññāṇaṃ nuppajjati. Tena tividhena paccayena. **Samanakkārahetaṇā** pañcadvārāvajjanapaccayena saha pavattanaṃ. Etehi pana catūhi paccayehi **sametehi** saha gatehi samāgamaṃ ekībhāvaṃ āgatehi taṃ sotaviññāṇaṃ sampayuttehi saha jāyati.

502-3. Asambhedena ghānassa ghānapasādassa asambhinnena **gandhāpāthagamaṇa ca** gandhassa

āpāthagamanena ca. **Vāyosannissayenāpīti** ghānabilamhi pavisantena vāyunāti attho. Tena tividhena paccayena. **Samanakkārahētunā** pañcadvārāvajjanapaccayena saha pavattena. Etehi pana catūhi paccayehi **sametehi** saha gatehi samāgamaṃ ekībhāvaṃ āgatehi taṃ ghānaviññāṇaṃ sampayuttehi saha jāyati.

504-5. Asambhedena jivhāya jivhāya asambhinnena **rasāpāthagamena ca** rasassa āpāthagamanena ca. **Āposannissayenāpīti** jivhātemanaṃ āpaṃ laddhā ca uppajjati, tena vinā sukkhakhādanīye jivhāya sāyitepi jivhāviññāṇaṃ nuppajjatīti attho. Tena tividhena paccayena. **Samanakkārahētunā** pañcadvārāvajjanapaccayena saha pavattena. Etehi pana catūhi paccayehi **sametehi** saha gatehi samāgamaṃ ekībhāvaṃ āgatehi taṃ jivhāviññāṇaṃ sampayuttehi saha jāyati.

506-7. Kāyapasādassa asambhedena phoṭṭhabbassa āpāthagamanena ca. **Pathavīnissayenāpīti** tena vinā kāyadvārampīti bahiddhā mahābhūtārammaṇaṃ ajjhattikaṃ kāyapasādaṃ ghaṭṭetvā pasādapaccayesu mahābhūtesu paṭihaññati. Tena tividhena paccayena. **Samanakkārahētunā** pañcadvārāvajjanapaccayena saha pavattena. Etehi pana catūhi paccayehi **sametehi** saha gatehi samāgamaṃ ekībhāvaṃ āgatehi taṃ kāyaviññāṇaṃ sampayuttehi saha jāyati.

508-9. Asambhedā manassāpīti mananti bhavaṅgacittaṃ. Taṃ niruddhampi āvajjanacittassa paccayo bhavituṃ asamattaṃ mandatamagatameva vattamānampi sambhinnaṃ nāma hoti. Āvajjanassa paccayo bhavituṃ samattaṃ asambhinnaṃ nāma. Manassa asambhedena dhammassa āpāthagamanena ca **vatthusannissayena** hadayavatthusannissayena. Tena tividhena paccayena. **Samanakkārahētunā** manodvārāvajjanena saha pavattena. Etehi pana catūhi paccayehi **sametehi** saha gatehi samāgamaṃ ekībhāvaṃ āgatehi **taṃ manoviññāṇaṃ** taṃ manoviññāṇasankhātaṃ javanacittaṃ sampayuttehi saha jāyati.

510-11. Mano bhavaṅgacittaṃ nāma vibhāvinā veditabbaṃ. **Āvajjanakriyācittaṃ** āvajjanakiriyācittadvayaṃ samanakkāro nāma vibhāvinā saññitaṃ. Vatthusannissayena iti **ayaṃ** pāṭho **sabbattha** sabbesu bhavesu na gacchati. Pañcahi khandhehi vokāro vokiṇṇoti **pañcavokāro**, pañcavokārabhavaṃ **sandhāya** kāraṇaṃ katvā “vatthusannissayenā”ti ayaṃ pāṭho pana kathito mayā, pañcavokārabhavo nāma kāmarūpabhavo, arūpabhavo catuvokārabhavo nāma, asaññībhavo ekavokārabhavo nāma. Ayaṃ pāṭho catuvokāraarūpabhavaṃ sandhāya na kathitoti attho. Vatthussa rūpattā arūpabhava kathaṃ vatthusannissayo bhavēyyāti attho.

512-4. Paṭisandhādicittāni, sabbānekūnavīsati hontī, kāmāvacaresu dasa, rūpesu pañca, arūpīsu cattāri, sabbāni paṭisandhādicittāni ekūnavīsati hontī. **Kammaṃ** nāma kusalākusalacetanā. **Kammanimittaṃ** nāma rūpāni pañcārammaṇāni paññatti ca mahaggatacittaṅga. Tathā **gatinimittakaṃ** nāma kapparukkhādayo, akusalapakkhe rūpādīārammaṇabhūtā lohakumbhādayo ca. Iti evaṃ iminā mayā vuttappakārena **tesaṃ** paṭisandhādicittānaṃ ārammaṇaṃ tividhaṃ bhagavatā udīritaṃ. **Kāmāvacarasandhīnaṃ parittārammaṇaṃ** kāmāvacarārammaṇaṃ bhagavatā mataṃ. **Paccuppannaṃ** rūpādipañcārammaṇaṃ, gatinimittaṃ pañcārammaṅgaṃ paccuppannaṅgaṃ hoti. **Atītaṃ vā** kammaṃ kusalākusalacetanā atītāyeva, na paccuppannā. **Anāgataṃ** ārammaṇaṃ natthi.

515-26. Aṭṭheva ca mahāvīpākā, tīṇi santīraṇāni cāti ekādasavidhaṃ cittaṃ tadārammaṇasaññitaṃ. Ekādasavidhe citte tadārammaṇasaññite **puññāvīpākāni** kusalāvīpākā dasa hontī, **apuññājaṃ** akusalāvīpākāṃ pana ekaṃ hoti. Mahāvīpākā rūpārūpabhavadvaye na jāyanti, kāmarūpabhava santīraṇattayaṃ hoti. Yāni tadārammaṇacittāni **satthunā** jinena vuttāni, **tesu** tadārammaṇacittesu **ekampi** tadārammaṇacittaṃ rūpārūpabhavadvaye tadārammaṇaṃ hutvā kadācīpi nappavattati. **Kasmā** kāraṇā? **Tattha** tasmīṃ rūpārūpabhavadvaye “tadārammaṇaṃ na hotī”ti vacanaṃ codako bhavēyya, bījassābhāvato pana na hotīti parihāro. Akāmāvacarārammaṇe **akāmāvacaradhamme** idaṃ tadārammaṇamānasam neva anubandhati. **Hi** kasmā kāraṇā? **Parittārammaṇattā ca ekantena** avassaṃ tadārammaṇamānasassa kāmāvacarārammaṇattā ca tathā aparicittā ca sabbadā nānubandhati. Tañhi yathā pitaraṃ vā pitusadisam vā ñātiṃ anubandhantopi taruṇadāraḷo gharadvārantaravīthicatukkādīmhi pariciteyeva dese anubandhati, na araññaṃ vā yuddhabhūmiṃ vā gacchati, evaṃ kāmāvacare dhamme anubandhantampi mahaggatalokuttaradhammārabha pavattamāne dhamme nānubandhati. Yasmā cassa sabbo kāmāvacarapāko ca kiriyāmanodhātu kiriyāahetukamanoviññādhātu somanassasahagatā ime dhammā parittārammaṇāti evaṃ accantaṃ parittameva ārammaṇaṃ vuttaṃ, tasmā cetam mahaggatalokuttarārammaṇe kāmāvacaradhammepi nānubandhatīti veditabbaṃ.

527-32. Kiṃ tena yuttivādena, vuttaṃ aṭṭhakathāsu hi “janakaṃ tena tulya”ntiādikena tena, yuttīyā vādo yuttivādo, “janakaṃ tena tulya”ntiādikāya yuttikathāya kiṃ payojanaṃ vuttaṃ? Aṭṭhakathāsu hi saccaṃ “kiṃ tena yuttivādenā”ti vacanaṃ, “aṭṭhakathāsu”ti vattabbe samāse hi ttha-ssa tṭha-kāraṃ katvā “aṭṭhakathāsu”ti vuttaṃ. Kāmāvacare dhamme paṭicca tadārammaṇabhāvadīpakaṃ vacanaṃ ācariyena vuttaṃ. **Tadārammaṇacittāni, ekādasapi sabbaso** sabbappakārenapi tadārammaṇacittāni **nāmagottaṃ panārabbha** tissādikaṃ nāmapaññattim paṭicca kaccāyanagottakassapagottādikaṃ gottapaññattim paṭicca javane javitepi ca tadārammaṇaṃ na gaṇhanti,

rūpārūpabhavesu vā tadārammaṇaṃ na gaṇhanti. **Yadā paññattimārabba, javane javitepi vā** yadā mayā vuttāya paññattiyā sesapaññattiṃ paṭicca javane javitepi vā tadārammaṇaṃ na labbhate ācariyena, tathā dukkhaaniccaanattalakkhaṇārammaṇikāya vipassanāya tadārammaṇaṃ na labbhate ācariyena. **Tadārammaṇā na labbhanti, micchattaniyatesupi** micchatte micchāsabhāve “natthi dinna”ntyādivasena niyatāni cattāri dīṭṭhiyuttajavanāni micchattaniyatāni, micchattaniyatesupi tadārammaṇaṃ na labbhate ācariyena, lokuttaradhamme ārabba javane gatepi tadārammaṇaṃ na labbhate ācariyena. Tathā mahaggate dhamme ārabba javane javitepi tadārammaṇaṃ na labbhate ācariyena, paṭisambhidāññaṃ ārabba javane javitepi tadārammaṇaṃ na labbhate ācariyena. Manodvārepi sabbesaṃ javanānaṃ anantaraṃ anupubbato tadārammaṇacittāni bhavanti.

533-4. Manodvāre ārammaṇaghaṭṭanā na vijjati. Bhavaṅgato **cetaso** vīthiccittassa vuṭṭhānaṃ **kathaṃ** kena pakārena hoti? Manodvārepi **ghaṭṭanāya vinā** ghaṭṭanaṃ vajjetvā āpāthaṃ āgacchanteva yasmā kāraṇā, **tasmā** vīthiccittānaṃ sambhavo hoti.

535-6. **Dvādasāpuññacittānaṃ** dvādasākusalacittānaṃ vipākā sattasattati **pāpapākā** dvādasāpāpacittānaṃ vipākā caturāsīti pavattiyāṃ honti. Ekassa somanassayuttadīṭṭhisampayuttākusalassa cakkhusotaghānajivhākāyaviññānāni, sampaṭicchanaṃ, upekkhāyuttasantīraṇāni cāti satta akusalapākā honti. Tathā sesānaṃ ekādasannaṃ akusalānaṃpi satta vipākā honti. **Ekādasavidhānaṃ tu, hitvā uddhaccamānasam** uddhaccamānasam hitvā ekādasavidhānaṃ paṭisandhiyo ekādasavidhā ceva bhavanti.

537-8. **Kriyacittesu sabbesu yaṃ** āvajjanadvayaṃ javanaṃ na ca hoti, **taṃ** āvajjanadvayaṃ **karaṇamattattā** kiriyāmatattā **vātapupphasamaṃ** vātapupphena sadisaṃ mataṃ bhagavatā. Ayamethhādhippāyo – khīṇāsava uppanakāle vā **taṃ** āvajjanadvayaṃ kiriyacittaṃ bhavitum yuttaṃ. Sabbesu puthujjanesu uppanakāle kathaṃ kiriyā hotīti ce? Karaṇamattattā aphaḷadāyakaṃ vātapupphaṃ viya aphaḷadāyakaṃ kiriyacittaṃ bhavitum yuttihāro kiriyā pana hoti. Yaṃ sabbaṃ kiriyacittaṃ **kiccāsādhanaṃ** javanakiccāsādhanaṃ **javanattaṃ** javanabhāvaṃ pattaṃ chinnamūlassa rukkhassa pupphaṃ aphalaṃ hoti yathā, evaṃ chinnāvijjātaṇhāmūlassa vītarāgassa taṃ sabbaṃ kiriyacittaṃ **aphalaṃ** vipākavirahitaṃ **siyā** bhaveyya.

539-40. **Paṭicca pana etasmā, phalameṭīti paccayo** ekaṃ dhammaṃ paṭicca **etasmā** dhammato phalaṃ **eti** pavattati tasmā paccayo, yo dhammo yassa dhammassa ṭhītiyā uppattiyāpi upakāro nāma hoti, **so** dhammo **tassa** dhammassa **paccayoti** paccayo nāma paṇḍītena pavuccate. Sambhavo pabhavo hetu kāraṇaṃ paccayo mato bhagavatā. Idaṃ vacanaṃ aññattha dīpanavacanaṃ.

541. **Lobhādi pana yo dhammo, mūlaṭṭhenupakārako** yo lobhādi pana dhammo mūlabhāvena phaladhammassa upakārako, **so** lobhādidhammo phaladhammassa **hetūti** hetu nāma vibhāvinā viññātabbo.

542. **Lobho doso ca moho ca** tathā alobhādayo tayo hetū, te cha eva hetuyo honti, **jātito** jātivāsena kusalaṅkākusalaṅkābyākatajātivāsena **navadhā** navahi koṭṭhāsehi siyūṃ.

543-4. **Dhammānaṃ kusalādīnaṃ, kusalādittasādhako** yo dhammo kusalādīnaṃ dhammānaṃ kusalādittasādhako kusalādibhāvasādhako, **so** dhammo mūlaṭṭho nāma. **Evaṃ** vacanaṃ **eke** ekacce ācariyā vadanti. **Evaṃ sante** kusalākusalādīnaṃ dhammānaṃ kusalādittasādhakavasena mūlaṭṭhe sante **taṃsamuṭṭhānarūpīsu** tehi cittehi samuṭṭhānarūpesu tehi cittehi samuṭṭhāntesū cittaṅkarūpesu **hetūnaṃ** lobhādihetūnaṃ hetupaccayātā kadāciṃ neva sampajjati. Ayamethhādhippāyo – yadi cittesu rūpāni samuṭṭhāpentesu te lobhādayopi cittaṅkaṃ sampayuttacittānaṃ ekuppādattā ca rūpāni samuṭṭhāpentiyeva. Tadā tesam mate tesam cittaṅkarūpānaṃ kusalādittaṃ siyā. Na ca kadāci rūpāni kusalādīnāmākaṇi dissanti yasmā, tasmā cittaṅkarūpānaṃ kusalādibhāvaññāpanatthaṃ tesam cittaṅkarūpānaṃ te lobhādayo hetupaccayā na honti, iti vacanaṃ vattabbaṃ siyā. Evañca sati cittaṅkarūpāni nāma kadāciṃ viyuttāni caranti, tasmā kusalādittasādhako mūlaṭṭho na hoti.

545-6. **Hi** saccam “evaṃ sante tu hetūna”ntiādikaṃ vacanaṃ. **Te** lobhādayo hetū tesam rūpānaṃ **kusalāditaṃ** kusalādibhāvaṃ **na sādheṇti** na nipphādentī. **Te** hetū tesam pana rūpānaṃ paccayā **na ca** na hontiyeva, **tasmā** kāraṇā kusalādīnaṃ dhammānaṃ kusalādittasādhako yo dhammo, **so** dhammo **mūlaṭṭhoti** mūlasabhāvo nāma **samayaññunā** samayavijānanasīlena viññunā **gantabbo** jānitabbo.

547. **Suppatiṭṭhitabhāvassa, sādhanenupakārako** suppatiṭṭhitabhāvaṃ sādhanena upakārako yo attho, **so** attho **hetūnaṃ** lobhādīnaṃ **mūlaṭṭho** mūlasabhāvo **iti ca** gahaṇaṃ vibhāvinā viññātabbaṃ.

548-9. **Kusalākusalā hetū** kusalā hetū, akusalā hetū, **kriyāhetū sabbaso** sabbappakārena sabbe kiriyāhetuyo ca sampayuttānaṃ pañcavokārahūmiyaṃ sampayuttānaṃ dhammānaṃ aññamaññāpaccayabhāvena hetupaccayataṃ

yātā gatā. Taṃsamuttāhānaṃ cittajarūpānaṃca hetupaccayatam **yātā** gatā, ete hetū catuvokārabhūmiyaṃ sampayuttānaṃ eva dhammānaṃ hetupaccayatam **yātā** gatā.

550-1. Kāme vipākahetūpi attanā sampayuttānaṃ hetupaccayatam yātā, paṭisandhikkhaṇepi **kaṭattārūpajātānaṃ** kammajarūpānaṃ hetupaccayatam yātā, tasmā paṭisandhiccittuppādakkhaṇeyeva kammajarūpānaṃ uppādo hoti, yasmā kāraṇā pavattiyam cittajānaṃca rūpānaṃ hetupaccayatam gatā.

552-5. Rūpe vipākahetū kāmāvacarabhūmiyaṃ hetuyo viya hetupaccayā hontī, pañcavokāre lokuttaravipākahetavo cittajānaṃ rūpānaṃca sampayuttānaṃca pañcavokārabhūmiyaṃ hetupaccayā hontī. Catuvokāre lokuttaravipākajā hetavo sampayuttānaṃ eva catuvokārabhūmiyaṃ hetupaccayā bhavanti. **Itare** catuvokāre arūpabhavo vipākajā hetavo sampayuttānaṃ eva **sabhūmiyaṃ** attano bhūmiyaṃ arūpabhūmiyaṃ hetupaccayā hontī. **Hetuttho** hetūnaṃ attho **hetuyo ceva** hetupaccayo ceva **hetupaccayasambhavo** hetupaccayuppattī, **evameva** evaṃ iminā pakārena. Sañjāto sukhahetu yassāti **sañjātasukhahetu**, tena viññeyyo.

556-8. Chando cittaṅca vīriyaṃ vīmaṃsā cāti catudhādhipatī lokādhipatinā satthunā vuttā. Chandam jeṭṭhakaṃ katvā cittassa uppattikālasamim yo chando, **so** chandādhipatī nāma, chandam dhuraṃ katvā samādhikaraṇacittassa eseva nayo **sesesupi ca tīsu** mayā vuttato chandādhipatīto sesesupi ca adhipatīsu. Yo dhammo jeṭṭhaṭṭhena upakāraṃ, so dhammo **adhipatīti** adhipatī nāma bhagavatā niddiṭṭho.

**559. Sumatimativibodhanam vicittam,
Kumatimatindhanapāvakaṃ padhānaṃ;
Imamatimadhuraṃ avedi yo yo,
Jinavacanaṃ sakalam avedi so so.**

Yo yo jano **imam** abhidhammāvatāraṃ **sumatimativibodhanam** sumatīnaṃ sundaramatīnaṃ paṇḍitānaṃ matiyā vibodhanakaraṃ vicittam kumatīnaṃ kucchitamatiṅca bālānaṃ matiindhane padhānaṃ pāvakaṃ atimadhurakaraṃ **avedi** jāni, **so so** jano sakalam jinavacanaṃ **avedi** jāni.

Iti abhidhammāvatāraṭṭikāya

Pakiṇṇakaniddesavaṇṇanā niṭṭhitā.

Aṭṭhamo paricchedo.

9. Navamo paricchedo

Puññavipākapaccayaniddesavaṇṇanā

**560-~~B~~āttiṃsapākacittāni, lokikāneva yāni hi;
Etesam pākacittānaṃ, paṭisandhipavattisu.**

Yāni lokikāni eva bāttiṃsa pākacittāni hontī, etesam pākacittānaṃ puññāpuññādisaṅkhārā **bhavādīsu** yonigativīññāṭṭhitissattāvāsesu paṭisandhipavattīsu **yathā** yena pakārena paccayā hontī eva, imesam vipākacittānaṃ **tepi** saṅkhārā **bhavādīsu** yonigativīññāṭṭhitissattāvāsesu paṭisandhipavattīsu **tathā** tena pakārena **vibhāvinā** paṇḍitena viññātabbā. **Tayo bhavā catasso ca yoniyo** kāmabhavarūpabhavaarūpabhavavasena tayo bhavā, aṇḍajalābujasamśedajaopapātikayonivasena catasso ca yoniyo, nirayagatitiracchānagatipetagaṭimanussagatidevagativasena **gatipaṅcakaṃ**, sandhisāññāya paṭisandhisāññāya nānattā nānābhāvato, kāyassāpi ca rūpakāyassāpi ca nānattā nānābhāvato kāmasugatiyo, nānā attā sabhāvo etassāti nānattā, nānatto rūpakāyo etesanti nānattakāyā, nānā sabhāvo etassāti nānattā, nānattāyeva saññā nānattasaññā, sā etesam atthīti **nānattasaññī** nāma, paṭhamajjhānabhūmi ca caturāpāyabhūmiyo ca **nānattakāyaekattasaññī** nāma, dutiyajjhānabhūmi **ekattakāyanānattasaññī** nāma, tatiyajjhānabhūmivehapphalabhūmisuddhāvāsabhūmiyo **ekattakāyaekattasaññī** nāma, heṭṭhā ṭhītā rūpehi saddhiṃ sattaviññāṇaṭṭhitiyo, tiṭṭhanti viññāṇāni etthāti ṭhitiyo, viññāṇānaṃ ṭhitiyo **viññāṇaṭṭhitiyo**, viññāṇassa abhāvato asaññībhūmi na gayhate, catutthārūpabhūmi ca paṭuvīññāṇabhāvato na gayhate. Sattāvāsavasena asaññībhūmiṃ, catutthārūpabhūmiṃca pana gahetvā te sattāvāsā nava eva hontī.

563-8. Kāme puññābhisaṅkhārasaññitā aṭṭha cetanā pūrenti attano kāraṃ pūrenti ca, ajjhāsayam pujaṅca

bhavaṃ nibbattenti puññāni, abhisaṅkharonti vipākaṃ, kammajarūpañcāti abhisaṅkhārā, puññāni eva abhisaṅkhārā puññābhisāṅkhārā, teyeva saññitā **puññābhisāṅkhārasaññitā**, kāme puññābhisāṅkhārasaññitā aṭṭha cetanā. **Navannaṃ pākacittānaṃ** upekkhāyuttāhetukamahāvīpākavasena navannaṃ pākacittānaṃ kāmasugatiyaṃ pana nānā vattamānacetanākhaṇato paraṃ khaṇaṃ etassāti nānākhaṇaṃ, taṃ eva nānakkhaṇikaṃ, tameva kammaṃ **nānakkhaṇikakammaṃ**, vattamānacetanāto parā aṭṭhacetanāti attho. Balavā nissayapaccayo **upanissayapaccayo**, balavattho cettha **upa-saddo**, balavapaccayoti attho, nānakkhaṇikakammappaccayavasena balavapaccayavasena cāti attho. **Dvedhā** dvīhi pakārehi tesam paṭisandhiyaṃ paccayā bhavanti, tā aṭṭha kāmāvacaramahākusalacetanā **upekkhāsahitāhetumanoviññādhātuyā vinā** upekkhāsahagatāhetumanoviññādhātuyā vajjetvā **parittapākānaṃ** cakkhusotaghānānivhākāyasampaṭicchanasomanassayuttāhetukakusalavīpākānaṃ **dvedhā** nānakkhaṇikakammūpanissayapaccayehi pavattiyaṃ paccayā honti. **Tāyeva cetanā** tā eva aṭṭha kāmāvacaramahākusalacetanā rūpabhava **pañcannaṃ pākacittānaṃ** kusalavīpākacittānaṃ cakkhusotasampaṭicchanasomanassayuttaupekkhāyuttasantīraṇānaṃ **dvedhā** nānakkhaṇikakammūpanissayapaccayehi pavattiyaṃ paccayā honti. **Aṭṭhannaṃ tu parittānaṃ, kāme duggatiyaṃ tathā** aṭṭhannaṃ parittānaṃ kusalavīpākānaṃ cakkhusotaghānānivhākāyasampaṭicchanaṃ, dvīnnaṃ santīraṇānaṃ **pavatte** pavattikkhaṇe paccayā honti, **paṭisandhiyaṃ** paṭisandhikkhaṇe pana paccayā na honti. **Vuttappakārāva kāme sugatiyaṃ** yathāvuttappakārāva aṭṭha kāmāvacaramahākusalacetanā kāmasugatiyaṃ tathā soḷasannaṃ kusalavīpākānaṃ **pavatte** pavattikkhaṇe **dvedhā** nānakkhaṇikakammūpanissayapaccayehi paccayā honti, **pavatte** pavattikkhaṇe sattannaṃ kusalavīpākānaṃ paccayā honti. **Paṭisandhiyaṃ** paṭisandhikkhaṇe navannaṃ kusalavīpākacittānaṃ paccayā honti.

569-74. Rūpe puññābhisāṅkhārā, rūpāvacarabhūmiyaṃ pañcannaṃ pākacittānaṃ **paṭisandhiyaṃ** paṭisandhikkhaṇe paccayā **hontimāpuññāsāṅkhārā, kāme duggatiyaṃ dvidhā** ime apuññābhisāṅkhārā, **imā** kusalapaṭīpakkhā uddhaccavajjā ekādasa cetanā kāmādudduggatiyaṃ ekassa paṭisandhiviññāṇassa **paṭisandhiyaṃ** paṭisandhikkhaṇe **dvidhā** nānakkhaṇikakammūpanissayapaccayehi paccayā honti. Dvādasa akusalacetanā **pavatte** pavattikkhaṇe eva **channaṃ** cakkhusotaghānānivhākāyasampaṭicchanaṃ akusalavīpākānaṃ paccayā honti, **paṭisandhiyaṃ** paṭisandhikkhaṇe paccayā no honti. **Sattannampi bhavanteva pavatte** pavattikkhaṇe **paṭisandhiyaṃ** paṭisandhikkhaṇe akusalavīpākāni sattannaṃ cakkhusotaghānānivhākāyasampaṭicchanasantīraṇānaṃ paccayā bhavanti. **Kāme sugatiyaṃ tesam, sattannampi tatheva ca** dvādasākusalacetanā kāme sugatiyaṃ tatheva ca tesam sattannaṃ akusalavīpākānaṃ **pavatte** pavattikkhaṇe paccayā honti, **paṭisandhiyaṃ** paṭisandhikkhaṇe paccayā na honti. **Viññāṇaṃ catunnaṃpi, tesam rūpabhava tathā** tāyeva dvādasākusalacetanā rūpabhava **tesam** catunnaṃ akusalavīpākānaṃ cakkhusotasampaṭicchanasantīraṇāsāṅkhātānaṃ viññāṇaṃ tathā **pavatte** pavattikkhaṇe paccayā honti, **paṭisandhiyaṃ** paṭisandhikkhaṇe paccayā na honti. **So ca kāmabhaveniṭṭharūpādiupaladdhiyaṃ** so ca apuññābhisāṅkhārā kāmabhava anīṭṭharūpādiupaladdhiyaṃ amanāparūpādīni ārammaṇāni upaladdhiyaṃ tesam catunnaṃ apuññāṇaṃ viññāṇaṃ paccayo hoti. **Hi** saccaṃ “so ca kāmabhaveniṭṭha-rūpādiupaladdhiya”ntīdikam vacanaṃ. **Aniṭṭharūpādayo** nāma visayā brahmaloke **na vijjare** na vijjanti.

575-6. Tathevāneñjasāṅkhāro na iñjati na phandati na calatīti āneñjaṃ, āneñjaṃ taṃ saṅkhāro cāti āneñjasāṅkhāro, tathā eva **āneñjasāṅkhāro** arūpāvacarabhūmiyaṃ catunnaṃ pākacittānaṃ **pavatte** pavattikkhaṇe **paṭisandhiyaṃ** paṭisandhikkhaṇe paccayo hoti. **Bhavesvete** bhavesu ete vuttappakārā paccayā vuttappakārena paṭisandhipavattīsu **yathā ca** yena yena ca pakārena nānakkhaṇikakammūpanissayapaccayehi paccayā honti, tena paccayā **tathā** tena tena pakārena **vibhāvinā** vijānantaṃ paṇḍitena ñeyyā.

577. Eseva ca nayo ñeyyo, yoniādīsu yonigativīññāṇaṭṭhitisattāvāsesu eseva ca nayo bhavesu mayā vutto eva nayo paṇḍitena ñeyyo. **Tatridaṃ** tatra bhavesu ādīto paṭṭhāya vuttaṃ **idaṃ** vacanaṃ **mukhamattanidassanaṃ** upāyamattadīpanaṃ hoti.

578-81. Avisesena puññābhi-sāṅkhāro dvibhavesupi kāmāpuññābhisāṅkhāravasena, rūpāpuññābhisāṅkhāravasena ca puññābhisāṅkhāro avisesena samānabhāvena dvīsu bhavesu kāmārupabhavesu paṭisandhiṃ datvā **so** saṅkhāro sabbapākaṃ **janeti** nibbatteti. **Tathā catūsu viññeyyo, aṇḍajādisu yonisu** dvibhavesu puññābhisāṅkhāro viya tathā catūsu aṇḍajādisu so puññābhisāṅkhāro paṇḍitena ñeyyo. “Aṇḍajādisu”ti vacanaṃ padumapaccakabuddhānaṃ manussattaṃ sandhāya vuttaṃ. Bahudevamanussānaṃ vasena dvīsu gatīsu eva ca tathā so puññābhisāṅkhāro paṇḍitena ñeyyo. **Tathā nānattakāyādi-viññāṇaṃ ṭhītīsupi** nānattakāyanānattasaññīnānattakāyāekattasaññī ekattakāyanānattasaññī ekattakāyāekattasaññīnaṃ vasena catūsu viññāṇaṭṭhītīsu so puññābhisāṅkhāro paṇḍitena ñeyyo. Nānattakāyanānattasaññīnānattakāyāekattasaññīekattakāyanānattasaññīekattakāyāekattasaññīnaṃ vasena **vuttappakārasmiṃ** catubbidhe sattāvāse tathā so puññābhisāṅkhāro paṇḍitena ñeyyo. **Evaṃ** iminā mayā vuttappakārena puññābhisāṅkhāro **bhavādīsu** bhavayonigativīññāṇaṭṭhitisattāvāsesu yathārahaṃ soḷasannaṃ kāmakusalapākānaṃ, pañcannaṃ rūpāpākānañcāti **ekavīsati pākānaṃ dvidhā** nānakkhaṇikakammūpanissayapaccayena paccayo hoti.

582-3. Kāme apuññasāṅkhāro kāmabhavā aṇḍajajalābujasaṃsedajaopapātikayonivasena aṇḍajādīsu **yonīsu** nirayagatipetagatitiracchānagativasena **tīsu gatīsu** nānattakāyāekattasaññivasena **ekissā viññāṇaṭṭhitiyā** nānattakāyāekattasaññivasena ca **ekasmiṃ pana sattāvāse dvidhā** nānakkhaṇīkakkammūpanissayapaccayehi **pavatte** pavattikkhaṇe **paṭisandhiyaṃ** paṭisandhikkhaṇe **so** apuññābhisaṅkhāro paccayo hoti.

584-6. Tathevāneñjasaṅkhāro tathā eva āneñjasaṅkhāro, **ekārūpabhavā** ekasmiṃ arūpabhavā ekissā opapātikayoniyā ceva ekissā devagatiyāpi ca ākāsaṇaṇīcāyatanabhūmi viññāṇaṇīcāyatanabhūmi ākīṇīcāyatanabhūmivasena **tīsu eva cittaṭṭhitiyā** catunnaṃ arūpabhūmīnaṃ vasena **catubbidhe** sattāvāse catunnaṃ arūpākacittānaṃ **dvedhā** nānakkhaṇīkakkammūpanissayapaccayehi **so** āneñjābhisaṅkhāro paccayo hoti. **Paṭisandhipavattīnaṃ, vasenevaṃ bhavādīsu** evaṃ iminā mayā vuttappakārena paṭisandhipavattīnaṃ vasena bhavādīsu yathā **ye** saṅkhārā **esaṃ** pākacittānaṃ paccayā honti, tathā te saṅkhārā evaṃ iminā mayā vuttappakārena paṇḍitena vijānitabbā.

587-90. Na rūpārūpadhamānaṃ, saṅkanti pana vijjati rūpadhamānaṃ, cittacetāsikaṅkhātānaṃ nāmadhamānaṇīca **saṅkanti pana** saṅkamaṇaṃ pana na vijjati. **Saṅkanti bhavā asati** atītabhavato **idha** imasmiṃ bhavā rūpadhamānaṃ saṅkamaṇabhavā asati paṭisandhicittaṃ **kathaṃ** kena pakārena **siyā** bhavēyya? **Natthi cittaṃ saṅkanti, atītabhavato idha** imasmiṃ bhavā cittaṃ saṅkanti saṅkamaṇaṃ natthi, tato atītabhavato atītaṃ hetuṃ **vinā** vajjetvā idha imasmiṃ bhavā cittaṃ pātubhāvo na vijjati. **Suladdhapaccayaṃ rūpārūpamattaṃ** suṭṭhu laddhapaccayaṃ rūpanāmaṃattaṃ jāyati. **Evaṃ** iminā mayā vuttappakārena paccayaṃ labhitvā uppajjamānaṃ **rūpārūpamattaṃ** rūpanāmaṃattaṃ jāyati. Evaṃ iminā mayā vuttappakārena paccayaṃ labhitvā uppajjamānaṃ rūpārūpamattaṃ **bhavantaṃ** aññabhavaṃ paṭisandhiṃ **upeti** upagacchati. **Iti** vacanaṃ **samaññāya** lokiyavohārena pavuccate, satto vā natthi, satto jīvoti vevacanaṃ, attā vāpi na vijjati.

591-9. Tassidaṃ pākaṭaṃ katvā, paṭisandhikkamaṃ pana tassa idam paṭisandhikkamaṃ **sudubbudham** atidubbijānaṃ pākaṭaṃ katvā ahaṃ dassayissāmi, tametaṃ paṭisandhikkamaṃ **sādhu** sādhukaṃ nibodhatha, **sādhu** sādhukaṃ manasi karotha, vividhesu ārammaṇesu lobhavasena cittaṃ anāmetvā vajjiraṇaṇīcāyā anagghamaṇīratanaṃ pakkhipanto viya citte ṭhapetvāti attho. **Atītasmiṃ bhavā tassa, āsannamaraṇassa hiito** bhavato atītasmiṃ bhavā āsannamaraṇassa tassa sarīrasmiṃ ātape pakkhittaṃ haritaṃ tālapanānaṃ viya sussamāne sati cakkhundriyādi ke indriye naṭṭhe hadayavatthumattasmiṃ ṭhite kāyappasādi ke viññāṇe tasmīṃ khaṇe **vatthusannissitaṃ** hadayavatthunissitaṃ. **“Citta”**nti vacanaṃ bhavaṅgamanodvārāvajjanajavanaṃ sandhāya vuttanti veditaṃ. **Pubbānusevanti** ito kālā pubbakāle tena pana anusevitaṃ anuciṇṇaṃ puññaṃ kammaṃ vā apuññaṃ eva vā kammaṃ kammanimittaṃ gatinimittaṃ vā kammaphalena dvāresu paccupaṭṭhitaṃ ālambitvā manodvārāvajjanajavanavasena sevitaṃ pavattati. **Evaṃ** iminā mayā vuttappakārena pavattamānaṃ **taṃ viññāṇaṃ** taṃ javanacittaṃ **laddhapaccayaṃ** laddhārammaṇapaccayaṃ. **Avijjāya paṭicchannādīnave visayeti** akusalajavane javite tassa javanassa avijjāya appaṭicchannadose tasmīṃ kammādi ke ārammaṇe kusalajavane javite tato cittavīthito pubbabhāge pavattāya avijjāya paṭicchannadose tasmīṃ kammādi ke ārammaṇe. **Taṇhāti** akusalajavane sahaṇo lobho, akusalajavane vā javite tato vīthiccittato pubbabhāge pavatto lobho taṇhā. **Netthi** aññaṃ ārammaṇaṃ aggāhāpetvā dalhaggāhavasena taṃ eva kammanimittagatinimittasaṅkhātānaṃ ārammaṇaṃ gaṇhāpetvāti attho. **Sahajā saṅkhārā pana** tassa cittaṃ **sahajā** ekato jātā cetanā pana tasmīṃ yevārammaṇe **khīpanti** pavattanti. Imasmiṃ paccuppannabhavā ekasantativasā pavattāya taṇhāya namīyamānaṃ **taṃ** viññāṇaṃ orimā tīramhā rajjukaṃ ālambitvā **mātikātikāmo** puriso viya etaṃ purimaṃ nissayabhūtaṃ hadayavatthum **jahati** chaḍḍeti, cuticittaṃ uppajjivā nirujjhatīti attho. **Aparaṃ kammaṃ sambhūtaṃ nissayaṃ** paraṃ aññakammato sambhūtaṃ nissayabhūtaṃ hadayavatthum labhitvā vā alabhitvāpi vā ārammaṇādīhi paccayehi **taṃ** paṭisandhisāṅkhātānaṃ mānaṃ pavattati. **“Labhitvā”**ti vacanaṃ kāmārūpabhavaṃ sandhāya vuttaṃ. **“Alabhitvā”**ti vacanaṃ arūpabhavaṃ sandhāya vuttaṃ. **Ettha** etesu cittaṃ purimaṃ **“jahati”**ti vacanena vuttaṃ cittaṃ, cuticittaṃ pacchimaṃ **“ārammaṇādīhi paccayehi pavattati”**ti vacanena vuttaṃ cittaṃ paṭisandhicittaṃ paṇḍitena veditaṃ.

600-6. Tadetaṃ taṃ etaṃ paṭisandhicittaṃ purimā bhavato idha imasmiṃ pacchimbhavā nāpi āgataṃ, kammādiṇīca hetuṃ **vinā** vajjetvā paṭisandhicittaṃ pātubhūtaṃ na ceva taṃ **ettha** etasmiṃ vacane etassa paṭisandhicittassa purimā bhavato **idha** imasmiṃ paccuppannabhavā anāgamane **atītabhavāhetūhi** atītabhavā kammādi paccayehi etassa paṭisandhicittassa sambhavā. **Paṭighosadīpamuddādi, bhavantaṃ nidassanā ettha** etasmiṃ tassa paṭisandhicittassa atītabhavato anāgamane atītabhavā hetūhi sambhavā paṭighosadīpamuddādiatthānīdassanā upamā bhavanti. **Aññātra** aññasmiṃ paṭighosādīnaṃ atthānaṃ pavattitṭhāne āgantvā **saddādi hetukā** saddādayo paccayā honti yathā. Idam vuttaṃ hoti – imasmiṃ ṭhāne jānehi pavattāpitā saddādi pāmuddādayo atthā pabbatantarādīsu aññesu ṭhānesu pavattānaṃ paṭighosadīpamuddādīnaṃ atthānaṃ hetukā honti. Tesu saddādīsu paccayesu santesu ye te paṭighosādāyo honti, asantesu na honti yathā, **evameva ca viññāṇaṃ** atītabhavato paccuppannabhavā viññāṇavasena pavattaṃ viññāṇaṃ vibhāvinā veditaṃ. **Santānabandhato** santānabandhavasena **ekatā** atītabhavā paccuppannabhavā viññāṇavasena pavattassa viññāṇassa ekībhāvo natthi,

nānatāpi tassa viññāṇassa nānābhāvopi paccekabhāvo api. **Sati santānabandhe tu, ekantenekatā siyā** santānabandhe sati ekantena tassa viññāṇassa **ekatā** ekībhāvo **siyā** bhaveyya, khīrasabhāvato paggharaṇasabhāvato **khīrato** sambhūtaṃ ghanasabhāvaṃ **kadācīpi** kismiñcīpi kāle na bhaveyya, sabbadā paggharaṇasabhāvakhīrameva bhaveyyāti attho. **Athāpi** aparo nayo pi sā **ekantanānatā** tassa viññāṇassa so ekantanānābhāvo yadi bhaveyya, khīrasāmiko **so** puggalo dadhisāmi na bhaveyya. Khīrakāle khīrassa issarabhūto sāmiko paggharaṇasabhāvaṃ jahitvā dadhissa uppajjamānakāle tassa dadhissa issaro na bhaveyya, tato khīrasāmiko añño puggalo tassa dadhissa anissaro asāmiko bhaveyyāti attho. Yasmā kāraṇā **ettha** etasmiṃ paṭisandhikkamavinicchaye ekantaekatāpi vā ekantanānatāpi vā samayaññunā viññunā na ceva upagantabbā.

607-10. Evaṃ iminā mayā vuttappakārena **asaṅkantipātubhāve** saṅkantipātubhāvarahite bhave sati imasmiṃ manussattabhāve khandhādisamatā abhisambhūtā ye khandhā honti, etesaṃ **idha** imasmiṃ manussattabhāve niruddhattā **idha** imasmiṃ manussattabhāve janehi katassa **tassa kammaṃ phalāhetuno** phalassa paccayabhūtassa **parattha** parasmīṃ loke āgamato ceva evaṃ **aññassa** sattassa **aññato kammato** hi tato sattato aññena sattena katato aññato ceva kammato taṃ phalaṃ **siyā** bhaveyya, “aññassa sattassā”ti vacanena titthiyasattassapi kammaṃ aññassa ca phalaṃ dadeyyāti attho, **tasmā** kāraṇā etaṃ sabbama eva ca tumhehi vuttavidhānaṃ na sundaraṃ. **Etthāhāti** etasmiṃ ṭhāne ṭhatvā codako āha – nanu evaṃ “asaṅkantipātubhāve bhave sati”tiādikaṃ vacanaṃ niyatīti? Vuccate – **santāne yaṃ phalaṃ etaṃ** ekasmiṃ santāne pavattamānaṃ yaṃ etaṃ phalaṃ **aññassa** sattassa na hoti, **aññato** kammato na ca hoti, bījānaṃ abhisāṅkhāro **etassatthassa** “ekasmiṃ santāne”tiādikassa etassa atthassa **sādhako** nipphādako hoti.

611-5. Ekasmiṃ pana santāne, vattamānaṃ phalaṃ pana aññassa sattassāpi vā na hoti, taṃ phalaṃ **aññato** kammato na hoti. Bījānaṃ abhisāṅkhāro **etassatthassa** “ekasmiṃ pana santāne”tiādikassa etassa atthassa **sādhako** nipphādako hoti, bījānaṃ abhisāṅkhāro **madhuādīnā** vatthunā janehi kate tassa bījassa santāne **paṭhamam laddhapaccayo** paṭhamam laddhamadhuādīpaccayo tassa bījassa phalaṃ **kālantare** madhuādīnā bījābhisāṅkharaṇato aññasmīṃ kāle madhuro hoti. **Hi** saccaṃ “bījānaṃ abhisāṅkhāro”tiādikaṃ vacanaṃ. **Tāni hi** tāni eva paṭhamam madhuādīnā janehi ropitāni **bijāni** abhisāṅkharaṇato kālantare madhurabhāvaṃ phalampi vā phalaṭṭhaṃ vā na pāpuṇanti. **Evaṃ** iminā pakārena **idam** mayā vuttaṃ “ekasmiṃ pana santāne”tiādikaṃ vacanaṃ paṇḍitena ñeeyyaṃ. **Api ca** aparo nayo. **Bālakāle** taruṇakāle tena taruṇena **payuttana vijjāsipposadhādīnā** kammenāpi tassa vuddhakālasmiṃ phaladānasīlena **ayam** “ekasmiṃ pana santāne”tiādiko attho paṇḍitena dīpetabbo.

616-20. Codako punāha – **evaṃ santēpi taṃ kammaṃ evaṃ** iminā mayā vuttappakārena kamme **santēpi** saṃvijjānānēpi taṃ kammaṃ etasmiṃyeva khaṇe vijjānānampi vā phalassa paccayo hoti. **Atha vāvijjānānakaṃ** paccayo na bhaveyya. Etasmiṃyeva khaṇe avijjānānakaṃ kammaṃ vā phalassa paccayo hoti. **Sace** yadi vijjānānaṃ phalassa paccayo hoti, **tappavattikkhaṇe pana** tassa kammaṃ pavattikkhaṇe tassa kammaṃ vijjānānakāle pana **hetunā** kammeneva saddhiṃ pākena bhavitabbaṃ. **Atha vā** aparo nayo. Vijjānānaṃ **niruddham** kammaṃ vipākassa paccayo yadi bhaveyya, **pavattikkhaṇato** tassa kammaṃ pavattikkhaṇato **pubbe** vā kāle, tassa kammaṃ pavattikkhaṇato pacchā vā avijjānānakāleti attho. **Niccaphalaṃ siyāti** sabbadā kammaṃ paccayavirahitaṃ phalaṃ siyāti attho. Ācariyena vuccate – “lobhaṃ, bhikkhave, pajahatha, sotāpattiṭṭhābhāya ahameva pāṭibhogo”tiādīsu pāṭhesu pāṭibhogo viya kammaṃ daṭṭhabbaṃ. Sotāpattiphalaṃ viya kammato sambhūtaṃ phalaṃ daṭṭhabbaṃ. **Kaṭattāyeva** janehi kaṭattāyeva taṃ kammaṃ phalassa paccayo hoti, assa vijjānānattaṃ na ca hoti, **tassa** avijjānānassa kammaṃ vijjānānatā vā **na ca** neva hoti.

621. Abhidhammāvatāroyaṃ abhidhammāvatāro ayaṃ **paramatthappakāsano** bhūtatthadīpano **sotūnaṃ** puggalānaṃ **pītibuddhivivaḍḍhanaṃ** paṇḍitehi vividhesu ārammaṇesu cittaṃ anāmetvā sakkaccena manasikārena sotabbo.

Iti abhidhammāvatāraṭṭhikāya

Puññavipākapaccayaniddesavaṇṇanā niṭṭhitā.

Navamo paricchedo.

10. Dasamo paricchedo

Rūpavibhāgavaṇṇanā

622. Vuttamādimhi yaṃ rūpaṃ, cittajānāmanantaraṃ yaṃ rūpaṃ cittacetāsikānaṃ anantaraṃ ādimhi

pakaraṇādīmhi ‘cittaṃ cetasikaṃ rūpa’ntiādinā vacanena ācariyena vuttaṃ, ito paraṃ idāni tassa rūpassa vibhāvanam **samāse**na saṅkhepena karissam.

623. Yaṃ ruppattī rūpanti yaṃ dhammajātaṃ ruppatti sītādinā viruddhapaccayena vikāramāpajjati. **Tathā rūpayattī rūpaṃ** yaṃ dhammajātaṃ vaṇṇavikāramāpajjamānaṃ hadayaṅgatabhāvaṃ ajjhāsayaṃ pakāseti, iti tasmā rūpaṃ, kiṃ taṃ? Vaṇṇāyatanaṃ. **Rūpārūpabhavātīto, surūpo rūpamabrvi** bhagavā rūpārūpabhavaatīto surūpo rūpaṃ **abrvi** kathesi.

625-6. Mahābhūtenāti mahanto bhūto uppatti etassāti mahābhūto, tena. Vañcakattā mahābhūtasamāti vā.

630. Nirupādānamānasoti upādānavirahitacitto.

633. Tassa sampattīti tassa kiccessa sampatti.

634. Upabrūhanarasāti vaḍḍhanakiccā.

637. Āsayānusaye ñāṇanti ettha āsayo nāma

Sassatucchedadiṭṭhī ca, khantī saccānulomikaṃ;
Yathābhūtaṅca yaṃ ñāṇam, etaṃ āsayasadditaṃ.

Atthīti kho, kaccāna, ayameko anto, anto kho, kaccāna, atthi iti ayaṃ eko anto koṭṭhāso, ayaṃ **sassatadiṭṭhi**. Natthīti kho, kaccāna, ayaṃ dutiyo anto, ayaṃ **ucchedadiṭṭhi**. **Khantī saccānulomikanti** catunnaṃ saccānaṃ anulomikañāṇam, saṅkhārupekkhāñāṇanti attho. **Yathābhūtaṅca yaṃ ñāṇanti** sappaccayanāmarūpadassanaṃ ñāṇam. **Etaṃ āsayasadditanti** etaṃ āsayam itī kathitaṃ. Evaṃ vuttappakārena āsaye ñāṇam nāma. **Anusayo** nāma diṭṭhānusayādayo anusayā satta. **Indriyānaṃ paropareti** pare adhiabhāvena opare ca tikkhānubhāvena ayaṃ satto tikkhasaddhindriyo mudusaddhindriyo hīnasaddhindriyoti attho. Samādhindriyādīsopi eseva nayo. Iti sattānaṃ indriyānaṃ paraopare ñāṇam.

638. Sabbaññutā ñāṇanti tihetukakāmāvacarakriyācatukkaṃ gahetabbaṃ.

641. Akkhikūṭhehi matthaluṅgena paricchinnā antato.

645. Bhāvasambhavasañṭhānāti itthipumasambhāvabhūtavāṇṇāyatanaṃ.

647. Ete dasa catusamuṭṭhānā sambhārā catūhi paccayehi cattālīsa bhavanti.

652. Nivīṭṭheti patiṭṭhite.

658. Ubbādhikānaṃ pathavīdhikānaṃ.

660-2. Visese satīti nissayabhūtaṅca catunnaṃ visese satī, **sabbaso** sabbesaṃ visesaparikkappaṇam pahāya eva kammavisesena pasādānaṃ visesatā ñeyyā.

663. Saddiyattīti uccārīyate. **Rasantīti** assādentī.

668. Paratoti paṭhamakappato aparabhāge paṭisandhiyaṃ bhāvadvayaṃ samuṭṭhātīti viññeyyaṃ. ‘**Pavattepi samuṭṭhāyā**’tiādikaṃ soṅakumārādayo sandhāya vuttaṃ.

672. Na taṃ byañjanakāraṇanti taṃ indriyadvayaṃ byañjanassa kāraṇam na siyā. **Tassāti** byañjanassa.

674. Ubbāhananti nīharaṇam.

676-7. Annapānādikaṃ vatthu yaṃ kammajaṃ aggaṃ haratī, **kevalam** ekaṃ hutvā taṃ annapānādikaṃ vatthu jīvitaṃ pana pāletuṃ na ca sakkoti. Ekato jīvitaṃ pāletuṅca sakkonti.

Kāyena rūpakāyena attano bhāvaṃ viññāpentānaṃ bhāvo **kāyaggahaṇānusārena** kāyaggahaṇassa anucintanena

gahitāya vāyodhātuvikārasaṅkhātāya **etāya** dhammajātiyā paṇḍitehi viññāyate. **Itipi** tasmā kāyaviññanti.

681. Ekāvajjanavīthiyaṃ heṭṭhā chahi cittehi vāyodhātusamuṭṭhitaṃ upatthambhaṃ labhitvā.

684. Saha saddena vāti saddena saheva.

690-1. Etāsaṃ pana lahutādīnaṃ tissannaṃ pavattiyaṃ nidassanaṃ kamato ārogyaṃ lahutā, madditaṃ dhammaṃ mudutā, dhantahemaṃ kammaññatā hoti. Lahutādittayaṃ pana kammaṃ kātuṃ na sakkoti, āhārādittayaṃveva lahutādittayaṃ karoti yasmā, tato taṃ tijaṃ nāma.

693. Vuttamākāranānattāti ettha ākāranānattā nāma ācayākāraanubandhatākāravasena vuttaṃ. **Veneyyānaṃ vasena vāti** eke veneyyā ācayavasena jātirūpaṃ jānanti, eke anubandhatāvasena jānanti. Iti veneyyānaṃ jānanavasena jātirūpaṃ dvidhā vuttaṃ.

694. Sabhāvānapagame attano sabhāvassa anapagame sati.

Te middharūpavādācariyā paṭikkhipitabbā. Kathaṃ? **Addhā munisi sambuddho, natthi nīvaraṇā tavāti** yo tvaṃ **addhā** ekantena **muni asi** sambuddho asi nīvaraṇā dhammā **tava** tuyhaṃ natthi, **iti** vacane sace middhaṃ nīvaraṇaṃ rūpe pavīṭṭhaṃ siyā. Bhagavatā rūpakāyassa vijjamaññatā “natthi nīvaraṇā tavā”ti vacanaṃ vattabbaṃ siyā. Thinamiddhanīvaraṇaṃ avijjānīvaraṇena saha nīvaraṇaṃveva hoti, nīvaraṇasampayuttaṃveva hoti. Iti sampayuttavacanato sampayuttassa rūpassa abhāvato tampi na vattabbaṃ siyā. Na purejātapaccayāti aññamaññapaccayāti attho. Sace thinamiddhaṃ rūpaṃ siyā, kathaṃ arūpepi aññamaññā siyā, na siyāti attho. Arūpepi kāmacchandanīvaraṇaṃ paṭicca thinamiddhanīvaraṇaṃ uppajjati. **Iti** vacanena ca na middharūpaṃ siyā, arūpe kathaṃ siyāti attho. Arūpeveva middhaṃ iti paṭikkhipitabbā. Arūpepi etassa middhassa uppattiyā sādhakavacanato niṭṭhaṃ ettha ca avagantabbaṃ “arūpa”nti viññunā.

705-6. Kammaṃ vīsati rūpāti atṭhindriyavattuhatṭhāvini bhogasantatūpacayākāsā kammajā. **Cetasā** viññattidvayasaddalahutādittayaavini bhogasantatūpacayākāsā cittajā. **Utunā** saddalahutādittayaavini bhogasantatūpacayākāsā utujā. **Āhārato** lahutādittayaavini bhogasantatūpacayākāsā āhārājā.

707-17. Jāyeyyaṃ yadi tānipīti tāni jaratāniccatārūpā yadi jāyeyyaṃ, evaṃ sante tu tesāṃ jaratāniccatā bhedā siyūṃ. **Hi** saccaṃ vacanaṃ pāko na paccati, bhedo vā na ca bhijjati yasmā, tasmā tesāṃ pākabhedā siyunti, **taṃ** vacanaṃ natthi. **Etāṃ** jaratāniccatādvayaṃ **jātassa** nipphannarūpassa pākabhedatā na jāyati. **Siyā kassaci buddhetthāti ettha** jaratāniccatāvinicchayādhikāre **kassaci** janassa **buddhi** ñāṇaṃ yadi siyā, “rūpassūpacayo”ti vacanena “jāti jāyati”ti vacanaṃ dīpitaṃ yathā, **evaṃ** tathā pākopi paccatu, bhedopi paribhijjatu, evaṃ buddhi siyā. Jāti na ceva jāyate. **Iti** iminā pakārena vibhāvinā ñeyyā. Jāti jāyamānassa nipphannarūpassa nibbatti nāma pakāsītā. **Tattha yassa siyā tattha** vacane **yassa** janassa buddhi siyā. Yesāṃ nipphannarūpadhammānaṃ jāti atthi, **sā** jāti abhinibbattisammūtiṃ **tappaccayattavohāraṃ** tesāṃ nipphannarūpadhammānaṃ paccayaṭṭhena laddhavohāraṃ kammajādikaṃ vohāraṃ labhateva yathā, tathā **tesāṃ** nipphannarūpadhammānaṃ te pākabhedā abhinibbattisammūtiṃ nāma tappaccayattavohāraṃ labhanti, iti buddhi siyā. Tassa janassa evaṃ vattabbaṃ – idaṃ santatūpacayadvayaṃ kammādisambhavaṃ hoti yathā, evaṃ pākabhedā taṃ kammādisambhavaṃ kadāci na labhanti. **Hi** saccaṃ vacanaṃ **kasmā** kāraṇā janakānaṃ kammādisambhavaṃ ānubhāvasaṅkhāte khaṇuppāde tesāṃ pākabhedānaṃ abhāvato na labhanti. Vuttapakārena khaṇuppāde jātiparamparābhāvato sā jāti labbhate, tasmā kāraṇā jāti eva abhinibbattisammūtiṃ paccayattavohāraṃ labhati, itaraṃ jaratāniccatādvayaṃ pana na labhati. Taṃ jaratāniccatādvayaṃ jiyāti iti bhijjati iti vā na vattabbaṃ hoti. Kasmā? Kammādisambhavaṃ ānubhāvakkhaṇe **tassa** jaratāniccatādvayassa paccayānaṃ abhāvato.

718-23. Aniccaṃ saṅkhatañcetaṃ jarāmarāṇaṃ anicca saṅkhātāṃ **itipi** vacanassa bhagavatā vuttatā jaratāniccatādvayaṃ jāyati, evaṃ iti tvaṃ ce maññasi, **evaṃ** “jāyati evā”ti vacanaṃ bhagavatā na vattabbaṃ. **Hi** kasmā kāraṇā? “Aniccaṃ saṅkhatañcetaṃ, jarāmarāṇamiccapi”ti vuttabhāvaḍḍhinā ākāradesanāpariyāyena lesena bhagavatā aniccānaṃ nipphannarūpadhammānaṃ jarāmarāṇasaṅkhātāṃ sabhāvato jarāmarāṇaṃ aniccaṃ saṅkhatañcāpi cittajānaṃ vikāratā viññattiyo “cittajā”ti vuttā viya, **tathā** evaṃ bhagavatā vuttaṃ. **Yadi evaṃ** atthe sati **etaṃ** ruppanalakkhaṇattayaṃ ajātattā ca **sabbathā** sabbākārena khaṇupphava natthi, asaṅkhatāṃ nibbānaṃ viya niccaṃvāti ca codako vadeyya, natthi niccanti idaṃ ubhaya vacanaṃ no bhagavatā vattabbaṃ. Kasmā? Nissayadhammānaṃ āyattabhāvena pavattito pathaviyādīnaṃ nissayānaṃ **bhāve** sati tassa lakkhaṇattayaṃ bhāvato, tasmā khaṇupphava taṃ lakkhaṇattayaṃ na natthi, atthīti attho. Pathavīdīnaṃ abhāve taṃ lakkhaṇattayaṃ na ca labbhati yasmā, tasmā nibbānaṃ viya, tathā niccaṃ na.

724-5. Paricchedādayo **anipphannā. Tesameva ca rūpānaṃ** tesameva nipphannarūpadhammānaṃ vikārattā **nipphannā ceva saṅkhatā** sesavasena vuttānaṃ pabhedakatoti dassanato. Sesam uttānatthameva.

767. **Gantuṃ panicche piṭakebhidhamme,
Yo dhammasenāpatinā samattaṃ;
Hitatthinā tena ca bhikkhunāyaṃ,
Sakkacca sammā pana sikkhitabbo.**

Yo bhikkhu abhidhamme piṭake dhammasenāpatinā samattaṃ sabhāvaṃ gantuṃ pāpuṇituṃ iccheyya, tena ca bhikkhunā hitatthinā sakkaccaṃ ādarena sammā tīraṇacintanasajjhāyanehi ayaṃ abhidhammāvātāro sikkhitabbo.

Iti abhidhammāvātāraṭṭikāya

Rūpavibhāgavaṇṇanā niṭṭhitā.

Dasamo paricchedo.

11. Ekādasamo paricchedo

Nibbānaniddesavaṇṇanā

769. **Bhavābhavaṃ vinanatoti** khuddakaṃ, mahantaṃ bhavaṃ sibbanato. **Sabbūpadhipaṭinissaggoti** sabbehi saṅkhārūpadhikilesūpadhikhandhūpadhīhi paṭinissajjanaṃ. **Accutirasam** acutisampattikaṃ. **Nibbānaṃ puṭṭhenāti** sugatena nibbānaṃ puṭṭhena sāriputtattherena. **Ubhinnaṃ suttānanti** dhammasenāpativuttānaṃ dvinnaṃ suttānanti attho. **Khayassa upanissayattāti** khayassa balavakāraṇattā. Puthūnaṃ dhammānaṃ appamattakkaṇe rāgādikkhayamattaṃ nibbānaṃ bhaveyya. Sabbe bālaputhujjanā samadhigatanibbānā sacchikatanirodhā bhaveyyuṃ. **Kiñca bhiyyo** kiṃ uttari kāraṇaṅca atthīti attho. Rāgādīnaṃ saṅkhatattā tesam saṅkhatānaṃ nibbānaṃ saṅkhatalakkhaṇaṃ bhaveyya. **Kiṃ panetthāti** etesu khaṇesu kiṃ pana khaṇe tvaṃ vadesi. **Khīṇesvevāti** bhavādīsu khīṇesu eva. **Niruttaroti** nipphannahāro.

771. **Assaddhoti** bāhirasaddhāya virahito. **Vantāsoti** vantā vamiṭā āsā taṇhā yenāti vantāso.

Nissaraṇiyāti nissaraṇe niyuttā. **Yadidaṃ nekkhammaṃ** yaṃ idaṃ kāmānaṃ etaṃ nissaraṇaṃ nirodho, **tassa** kiñcibhūtassa saṅkhatassa paṭiccasamuppannadhammajātassa nirodho nissaraṇanti, **evaṃ** iminā pakārena vuttassa **tassa** nissaraṇanāmakassa abhāvappattidosato nissaraṇanāmakānaṃ paṭhamajjhānaākāsānañcāyatanānaṃ pi abhāvo bhaveyya. **Atthi nissaraṇanti** atthi nibbānaṃ. **Uppādādīnanti** uppādaṭṭhitibhaṅgānaṃ. **Papañcābhāvatoti** taṇhāmānadiṭṭhīnaṃ abhāvato.

772. **Apalokitanti** adassanadhammaṃ.

774. **Abyāpajjhanti** nidukkhaṃ. **Akkharanti** akharaṃ.

777. Saddhābuddhikaraṃ **tathāgatamate** jinavacane sammohaviddhamśanaṃ **paññāsambhavaṃ** paññākāraṇaṃ sampasādanakaraṃ. **Atthabyañjanasālinanti** atthabyañjanasāravantaṃ sumadhuraṃ **sāraññū** jinasāsanasāraññū **vimhāpanaṃ** accherakaraṃ **imaṃ** evaṃ vuttappakāraṃ abhidhammāvātāraṃ yo jānāti, so jano gambhīre **nipuṇe** nipuṇaññāgocare abhidhammapiṭake padaṃ **niṭṭhaṃ** uttamasanniṭṭhānaṃ **yāti** pāpuṇāti.

Iti abhidhammāvātāraṭṭikāya

Nibbānaniddesavaṇṇanā niṭṭhitā.

Ekādasamo paricchedo.

12. Dvādasamo paricchedo

Paññattiniddesavaṇṇanā

Saṅkhāyatīti **saṅkhā**, kathīyatīti attho. **Kinti** kiṃ iti kathīyati. “Aha”nti “mama”nti kathīyati.

Tajjāpaññattīti tassa cakkhusotādikassa anurūpavasena jātā paññattīti attho.

Ekassavāti ekassa nāmadhammassa “accho”ti **nāmaṃ** gahetvā **bahūnaṃ** nāmadhammānaṃ “accho”ti **nāmaṃ** gahetvā. **Samūhamevāti** nāmadhammānaṃ samūhaṃ eva.

Gahito pubbe saṅketo etenāti **gahitapubbasaṅketam**. Kiṃ tam? **Manodvārāvajjanajavanaviññānaṃ**. Tena gahitāya paññattiyā **viññāyati** “sattā”ti “kammajā”ti kathīyati.

Itthī ca puriso ca itthipurisā, te ādayo yesaṃ te **itthipurisādayo**, tesam.

778. Tatiyā koṭṭi tatiyo koṭṭhāso.

Iti abhidhammāvatāraṭīkāya

Paññattiniddesavaṇṇanā niṭṭhitā.

Dvādasamo paricchedo.

13. Terasamo paricchedo

Kārakapaṭivedhavaṇṇanā

Vedakassāti sukhadukkhavedakassa. **Tadāyattavuttīnanti** tesam āyattā paṭibaddhā yesam vipākānaṃ te tadāyattavuttino, tesam. **Atra** imasmiṃ ṭhāne ācariyena parihāro vuccate. **Kutoyaṃ tava tatthānurodhoti** tattha tasmīṃ aññassa attakārakassa abhāvepi sattusaṅkhātassa attano bhāvepi ayam tava anurodho anunayo kuto kena kāraṇena **idha** imasmiṃ asati kattari kusalādīnaṃ atthibhāve kammavirodho kuto kena kāraṇena. **Athāpīti** aparo nayopi. **Kiñcetthāti ettha** etissam codanāyaṃ **kiñci** vattabbaṃ atthi, avasiṭṭhaṃ tāva brūhi, aparisaṃtā te codanā. **Tassāti** attano. **Kārakavedakattābhāvoti** kārakavedakattassa abhāvo siyā.

Atha na bhavatīti attano anāse cetanāpi anāso yadi na bhavati. **Paṭiññā hīnāti** “cetanāya anañño attā”ti paṭiññā hīnā. **Vuttappakāratoti** “attano anāse cetanāya nāso na bhavati”iti vuttappakārato. **Viparītanti** “attano anāse cetanāya anāso”iti viparītaggahaṇaṃ siyā. **Attā nassatu, cetanā tiṭṭhatu, atha pana evaṃ na bhavatīti** attā nassatu, cetanā tiṭṭhatu, evaṃ gahaṇaṃ pana na bhavati. Anaññattapakkaṃ **pariccaja** pariccajāhi “cetanāya anañño attā”ti. Paṭiññā hīnā yassa so **paṭiññāhīno**.

Ubhinnaṃ cetanattānaṃ **ekadesatā** ekadesabhāvo natthi. **Evañca satīti** evaṃ ubhinnaṃ ekadesassa abhāve sati ko doso iti tvaṃ ce vadeyyāsi. **Yaṃ pana tayā vuttaṃ yathā rūparasagandhādīnaṃ ekadesa vattamānānampi lakkhaṇato aññattanti** yaṃ vacanaṃ pana tayā vuttaṃ, **taṃ** vacanaṃ **ayuttaṃ**, nānurūpanti attho. **Tava paṭiññā hīnāti** “ekadesa vattamānānaṃ cetanattānaṃ lakkhaṇato aññatta”nti paṭiññā hīnā.

Evañca satīti etaṃ cetanāya aññabhāve sati ko doso iti ce bhavaṃ vadeyya. “**Acetano attā**”ti vacanaṃ, **pubbe vuttadosatoti** “pākāratarupāsāṇatiṇasadiṣo siyā”ti pubbe vuttadosato.

780. Atthi sattopapātikoti opapātikā sattā atthi.

781. Bhārādānanti bhāraggahaṇaṃ. **Bhāranikkhepananti** bhāroropanaṃ.

783. Ekassa puggalassa **aṭṭhisāñcayo** aṭṭhisamūho ekena kappena pabbatasamo rāsi siyā.

785. Bho **māra**, tvaṃ satto iti pacesi, kaṃ saddhasi, “satto”ti gahaṇaṃ **te** tava diṭṭhigataṃ, suddhasaṅkhārapuñjo ayam, **idha** loke satto na upalabbhati.

787. Yo bhikkhu imaṃ ganthaṃ accantaṃ satatampi cinteti, **tassa** bhikkhuno paramā paññā **vepulaṃ** vipulabhāvaṃ gacchati.

788. Yo bhikkhu **imaṃ** abhidhammāvatāraṃ **atimatikaraṃ** uttamaṃ abhiññānakaraṃ **vimativināsakaraṃ** kaṅkhaçchedakaraṃ **piyakkaṃ** pemakaraṃ sadā paṭhāti, suṇāti, tassa bhikkhuno mati **idha** sāsane **ṭhite vikasati** paṭiphullati.

Iti abhidhammāvatāraṭṭikāya

Kāraḥapaṭivedhavaṇṇanā niṭṭhitā.

Terasamo paricchedo.

14. Cuddasamo paricchedo

Rūpāvacarasamādhībhāvanāniddesavaṇṇanā

789-93. **Hitānāyanti** hitāvahaṃ. **Mānasañca sugatanti** suṭṭhu pavattamānasañca. Madhurā atthavaṇṇanā etassāti **madhuratthavaṇṇanaṃ**. **Uttaraṃ tu manussānaṃ, dhammato nāṇadassananti** manussānaṃ lokiyadhammato uttaribhūtañāṇadassanalokuttaraṃ. **Saṅkassarasamācāreti** saṅkāya kaṅkhāya saritabbasamācāre. Acchiddaṃ akkhaṇḍaṃ akammāsaṃ. **Atthakāmenāti** attano hitakāmena.

797. **Duvidhalakkhaṇaṃ** cārittavārittakkhaṇaṃ.

805. **Tesaṃ** caritānaṃ vomissakanayā.

807. **Savaṇṇakasiṇāti** nīlapītaodātalohitavaṇṇakasiṇā.

808. Taṃ ekakaṃ **ānāpānaṃ** assāsapassāso.

809-10. **Maraṇūpasamāyuttā satīti** maraṇānussati upasamānussati. **Āhāranissitasaññāti** āhāre paṭikūlasaññā. **Dhātuvavatthānanti** catudhātuvavatthānaṃ.

811-2. **Anukūlā ime sabba-caritānanti vaṇṇitāti** yaṃ kammaṭṭhānaṃ saddhācaritassa anukūlaṃ, tameva paññācaritassa anukūlanti adhippāyo. **Idaṃ sabbaṃ pana** vacanaṃ **ekantavipaccanīkabhāvato** ekantapaṭipakkhabhāvato atisappāyato vuttaṃ, iti vibhāvinā ñeyyaṃ.

835. **Vipassanābhavasampatti-sukhānaṃ paccayā siyuṃ** vipassanāsampattisukhānaṃ bhavasampattisukhānaṃ paccayā siyuṃ.

838. **Sammaṭṭhānaṃ manobhunoti** manobhuhadayo tassa hadayassa sammaṭṭhānaṃ.

844. Pattukāmena dhīmatā kasiṇaṃ kattabbaṃ.

845. **Samhārimanti** ito cito ca haritabbakasiṇaṃ. **Tatraṭṭhakanti** tasmim ṭhāne ṭhitaṃ ito cito ca anāharitabbaṃ kasiṇaṃ.

849. **Vivaṭṭaṃ pana micchatāti** nibbānaṃ icchantena vidatthacaturaṅgulaṃ vaṭṭaṃ kātuṃ **taṃ** kasiṇaṃ vaṭṭati.

851-2. **Hatthapāsappamāṇasmim, tamhā kasiṇamaṇḍalāti** tato kasiṇamaṇḍalato hatthapāsappamāṇasmim padese vidatthacaturaṅgule ucce. **Parimukhaṃ satinti** kammaṭṭhānābhimukhaṃ satim.

853-4. **Nekkhammanti** jhānaṃ. Khemato **daṭṭhuṃ** disvā ahaṃ imāya paṭipattiyā **addhā** ekantena **pavivekasukhassa** nibbānasukhassa bhāgī **assaṃ** bhaveyyaṃ.

856. So kasiṇassa vaṇṇo tena yoginā na pekkhitabbo, kasiṇassa lakkhaṇaṃ na pekkhitabbaṃ ussadassa vasena vaṇṇaṃ amuñcivā.

860. **Evam** iminā vuttappakārena **ekaggacetaso** ekaggacittassa yogino nimīletvā āvajjantassa **yathā** yena

pakārena kammaṭṭhānaṃ hoti ummīlite kālepi, **tathā** tena pakārena taṃ kammaṭṭhānaṃ āpāthaṃ **yāti ce** yadi āgacchati, uggahameva uggahanimittaṃ.

864. Pādānaṃ dhovane papañcaparihāratthaṃ. **Ekatalikāti** ekatalamattā.

865. Taṃ saṃhārimaṃ kasiṇamādāya.

866. Samannāharitabbanti kammaṭṭhānaṃ sumanena āharitabbaṃ, manasikātabbanti attho. **Takkāhaṇanti** vitakkena āhaṭaṃ phusitaṃ **kare** kareyya.

868. Tanti taṃ nimittaṃ.

871-4. Imassāti paṭibhāganimittassa. **Purimassāti** uggahanimittassa. Ko pana ayaṃ viseso? Thavikā nīharitaṃ ādāsamaṇḍalaṃ majjitaṃ viya. Toyade kāḷameghe setabalākā viya. Tadā taṃ uggahanimittaṃ padāletvāva **niggataṃ** paṭibhāganimittaṃ. **Tato** uggahanimittato. **Tanti** taṃ paṭibhāganimittaṃ. Saṅghānavantañca vaṇṇavantañca na ca upaṭṭhākāramattaṃ. **Paññajanti** paññāya jātaṃ.

877-8. Upacārakkhaṇe tassāti tassa samādhino upacārakkhaṇe. Nīvaraṇappahānena samādhino paṭilābhakkhaṇe pana **aṅgānaṃ** vitakkādīnaṃ pātubhāvena iti dvīhi ākārehi.

879. Dvinnaṃ samādhīnanti upacārappanāsamādhīnaṃ.

882. Cakkavattiyagabbhova ratanaṃ viya assa anena sudullabhaṃ.

884. Ayanti paṭisandhisanthāro.

891-2. Samataṃ vīriyassevāti vīriyasamabhāvaṃ. **Layaṃ** līnabhāvaṃ īsakampi yantaṃ gacchantaṃ mānaṣaṃ āvajjanacittaṃ.

895-9. Bhavaṅgaṃ pana pacchijja ucchinditvā tadeva pathavīkasiṇaṃ ārammaṇaṃ katvā yogino manodvāramhi jāyati. **Tatoti** āvajjanato **tatrevārammaṇe** tasmim̐ pathavīkasiṇasaṅkhāte ārammaṇe **tassa** yogino javanāni cattāri vā pañca vā jāyante. Avasāne **ekaṃ** javanaṃ mānaṣaṃ rūpāvacarikaṃ hoti, tasmim̐ rūpāvacarike vitakkādayo aṅgā. **Aññehi** aññesaṃ cittānaṃ aññehi vitakkādīhi balavataṃ honti. **Tāni** appanābhāvaṃ appattāni appanācetaso **parikammopacārato** parikammabhāvato parikammānīti vuccante, upacārabhāvato upacārānīti ca vuccante. Tāni javanāni appanāyānulomattā anulomāni eva ca vuccanti. **Ettha** anulomakesu yaṃ sabbantimaṃ javanaṃ, taṃ gotrabhūti pavuccati.

901. Gotrabhu diṭṭhanti gotrabhu nāma uddiṭṭhaṃ.

904-5. Purimehi javanehi yaṃ āsevanaṃ, taṃ balavapaccayaṃ **laddhā** labhitvā chaṭṭhaṃ javanaṃ, sattamaṃ vā javanaṃ appeti. **Iti** vacanaṃ pavuccati, **ettha** vāde **godatto** nāma **ābhidhammiko** ācariyo āha. Chinnataṭe mukhaṃ yassa **chinnataṭamukho**.

908. Paccavekkhaṇā hetu yassa āvajjanassāti **paccavekkhaṇahetukaṃ**.

911-2. Kāmacchandassa nānāvisaye paluddhassa. Cetaso ekasmim̐ visaye samādhānena samādhi.

915. Sayañca atisantato sukhaṃ avūpasantasabhāvassa uddhaccakukkuccadvayassa paṭipakkhato vuttaṃ.

917. Pañcaṅgavippayuttanti pañcanīvaraṇavippayuttaṃ. **Pañcaṅgasamyutanti** vitakkādīhi yuttaṃ.

920-1. Vepullanti kammaṭṭhānassa vipulabhāvaṃ. Tañca paṭibhāganimittaṃ upacāraṃ vicāretvā vaḍḍhetuṃ vaṭṭati.

928-31. Pamādayoginoti pamādavaseṇa yogisampannassa kāmasahagatā saññāmanakkārā manasikārā ce caranti, tassa yogino taṃ jhānaṃ hānabhāgiyaṃ hoti. **Sati santiṭṭhate tasmim̐, santā tadanudhammatā** tasmim̐ paṭhamajjhāne tadanudhammatā tassa paṭhamajjhānassa anurūpā sati nikanti santā saṃvijjamaṇā santiṭṭhate santiṭṭhati,

taṃ jhānaṃ mandassa yogino t̥hitibhāgiyaṃ hoti, t̥hitiṃ bhajati. Visabhāgiyaṃ hoti, visesaṃ dutiyādibhāvanāṃ pāpuṇāt̥t̥i attho. **Nibbidāsaṃyutā saññā, manakkārāti** nibbidāvipassanāsaṃyutā saññāmanakkārā. **Nibbedhabhāgiyanti** lokuttarabhāgiyaṃ, lokuttaramaggabhāgiyanti attho.

933. Ayaṃ samāpatti **āsannākusalārayo** āsannākusalārikā yasmā takkacārānaṃ thūlattā ca, tasmā kāraṇā ayaṃ samāpatti āṅgadubbalā.

935. **Nikantinti** taṇhaṃ. **Pariyādāyāti** sosāpetvā.

936. **Vidhināti** pubbe vuttavidhinā. **Satassāti** satisampanna.

938. **Nimittaṃ tu tadeva cāti** tameva paṭhamanimittaṃ “pathavī pathavī”iti evaṃ manasā karontassa.

943. **Sampasādananti** saddhā. **Majjhantanti** tatramajjhantatā.

944. **Duvaṅgahīnanti** vitakkavicārahīnaṃ.

948. Pīti nāma **cetaso** cittassa **uppilāpanaṃ** uppilāpitattaṃ **yato** yasmā kāraṇā.

961-2. **Āsannapītidosa**ti pītiyeva dosā. **Ettha** etasmiṃ tatiyājjhāne **yadeva** yaṃ eva **sukhaṃ iti** evaṃ sukhaṃ cetaso **ābhogo** manasikāro. **Evaṃ** iminā pakārena sukhasa thūlattā **ayaṃ** samāpatti āṅgadubbalā hoti.

974-5. Sukhaṃ upekkhāya āsevanaṃ pana na hoti yasmā upekkhāya āsevanaṃ pana na hoti, yasmā upekkhāsahagatāni javanāni javanti, tasmā catutthājjhānaṃ upekkhāsahagataṃ samudīritaṃ.

976. Dutiyājjhānaṃ **dvidhā** dvīhi koṭṭhāsehi t̥hitaṃ.

979. **Ayaṃ** abhidhammāvatāro sumadhuravarataravacano kaṃ nu janaṃ neva rañjayati, atinisitavisado buddhippacāro yassa so **atinisitavisadabuddhippacāro**, so tena janena vedanīyo jānitabbo.

Iti abhidhammāvatāraṭṭikāya

Rūpāvacarasamādhībhāvanāniddesavaṇṇanā niṭṭhitā.

Cuddasamo paricchedo.

15. Pannarasamo paricchedo

Arūpāvacarasamādhībhāvanāniddesavaṇṇanā

982-3. **Rūpe kho vijjamānasminti** rūpakāye vijjamāne **daṇḍādānādayo** daṇḍaggahaṇādayo. Iti **rūpe** rūpakāye ādīnavaṃ disvā.

984. **Sūkarābhihatova** sāti sūkaraṃ anubandhito sā sunakho viya.

985. **Vasīti** yogī.

988-990. **Phuṭṭhokāsaṅca tena tanti** tena cittena phuṭṭhaṃ tamokāsaṃ “ananto ākāso”iti ca manasā karonto eva ugghāṭeti. **Iti** vacanaṃ vuccate, ayamañño nayo, “ākāso” iti manasā karonto taṃ kasiṇaṃ na saṃvelleti.

998. Rūpāvacarajjhānameva paccatthikaṃ **rūpāvacarajjhānapaccatthikaṃ**.

1004. **Ākāsaphuṭṭaviññāṇeti** phuṭṭameva viññāṇaṃ phuṭṭaviññāṇaṃ, tasmīṃ ākāsārammaṇe phuṭṭaviññāṇe.

1005-6. Ayaṃ ākāso ananto iti evaṃ taṃ ākāsameva pharivā pavattaṃ viññāṇaṃ viññāṇaṅca **iti** vacanaṃ vuccate. Viññāṇaṃ anantaṃ nāma na hoti, anantārammaṇattā “viññāṇaṃ ananta”nti vuccate, taṃ viññāṇaṃ

manakkāravasena api anantaṃ paridīpitaṃ.

1010. Paṭhamārūppaviññāssa abhāvo **tassa eva** paṭhamārūppassa **suññato** suññabhāvato.

1013. Sati tiṭṭhati bhiyyo balavā sati tiṭṭhati.

1015. Abhāvake natthibhāve.

1017-8. Dutiyārūppacakkhunāti cakkhunā dutiyārūppaṃ “**natthi natthī**”**tiādinā** ākārena parikkammavasena manakkāre. **Tassāpagamamattañca** tassa paṭhamārūppassa apagamamattañca.

1029. Yā nāma ayaṃ samāpatti abhāvamattampi gocaraṃ katvā ṭhassati, ayaṃ samāpatti **vata** ekantena aho santāti padissati.

1033. Yāya saññāya nevasaññī, nāsaññī ca hoti, **kevalaṃ** ekantena atha kho sā saññā edisī na hoti.

1035-7. Paṭusaññāya kiccassa neva karaṇato **ayaṃ** samāpatti “nevasaññā”**ti** niddiṭṭhāti catutthaārūppato sambhavā pavattā tejodhātu sukhodake dahanakiccaṃ kātuṃ na sakkoti yathā, sā saṅkhāraddhammaṃ avasesattā.

1040. Pāsādalañca sāṭikā ca.

1041. Yo pana bhikkhu **imaṃ** rūpārūppajjhānasamāpattividhānaṃ sārataṃ jānāti, so rūpārūppajjhānasamāpattipurekkho sekkho **bhavaṃ** kāmabhavaṃ **abhibhuyya** abhibhavitvā rūpārūppaṃ **yāti** pāpuṇāti.

Iti abhidhammāvatāraṭṭikāya

Arūpāvacarasamādhibhāvanāniddesavaṇṇanā niṭṭhitā.

Pannarasamo paricchedo.

16. Soḷasamo paricchedo

Abhiññāniddesavaṇṇanā

1045. Satāti satisampanna. **Anuyoganti** vīriyaṃ.

1047. Yogāvacarabhikkhunā nibbattitāsu abhiññāsu **assa** yogāvacarassa bhikkhuno samādhibhāvanā **niṭṭhaṃ** pariyoṣaṇaṃ gatā siyā.

1050. Danteti dante ṭhite. **Acaleti** acale ṭhite.

1052-4. Abhiññāya pādakaṃ kāraṇaṃ **abhiññāpādakaṃ** yogī sataṃ vāpi sahasaṃ vāpi **yadi** sace icchati, abhiññāpādakaṃ jhānaṃ samāpajjitvā **tato** abhiññāpādakajhānato **vuṭṭhāya** vuṭṭhahitvā “sataṃ homi, sataṃ homi”**ti** evaṃ kāmāvacaraparikkammamānaṃ katvā abhiññāya pādakaṃ kāraṇabhūtaṃ jhānaṃ **punādhiṭṭhāti** puna āpajjitvā tato jhānato vuṭṭhāya puna adhiṭṭhāti, sahadhiṭṭhānena cetasā adhiṭṭhānasaṅkhātena catutthajjhānacittena saha so yogī sataṃ hoti. Iddhividhaññaṃ.

1067-8. Eso adhigatābhiñño yogī **pādakārammaṇena** catutthajjhānassa paṭibhāganimittasāṅkhātena ārammaṇena phuṭṭhe okāse gate pavatte pana sadde suṇāti. Dibbasotaññaṃ.

1069. Parassa cittaṃ pariyaṭi paricchijjati cetopariyaṃ, tameva mānaṃ **cetopariyamānaṃ**.

1070. Hadayaṃ pana nissāyāti hadayaṃ hadayaṃ pavattamānalohitaṃ, hadayaṃ pavattaṃ ruhiranti attho.

1075. Kāmāvacaracittañcāti kāmāvacarasattānaṃ kāmāvacaracittañca. **Rūpārūpesu** rūpabhavārūpabhavesu

sattānaṃ mānasañca. Kiṃ bhūtaṃ? Sarāgādippabhedakaṃ mānasaṃ sabbaṃ cetopariyaññaṃ jānāti. Cetopariyaññaṃ.

1077-82. Nisajjā sabbapacchimāti sabbesaṃ iriyāpathānaṃ pacchā jātā nisajjā bhikkhunā āvajjitabbā. **Tato pabhuti** tato sabbapacchimoto nisajjāto pabhuti taṃ sabbaṃ pacchimanisajjaṃ ādiṃ katvā **paṭilomakkamā** paṭilomakkamena **sabbaṃ** attanā kataṃ āvajjitabbaṃ. Asmiṃ bhava **yāva** yattakaṃ kālaṃ **sandhi** paṭisandhi hoti, **tāva** tattakaṃ kālaṃ **katam** kiriyāṃ tena bhikkhunā āvajjitabbaṃ. Purimasmim bhavepi cutikkhaṇepi nibbattaṃ nāmarūpañca sādhuakaṃ āvajjitabbaṃ. Cutikkhaṇe nibbatte tasmim nāmarūpe evaṃ bhikkhunā āvajjitabbe yadā **tadeva** tameva nāmarūpaṃ ārammaṇaṃ katvā cutikkhaṇe manodvāre **manakkāro** manodvārāvajjanacittaṃ uppajjati. Pubbenivāsānussatiññaṃ.

1086-96. Abhiññāpādakaṃ kaṣiṇārammaṇaṃ jhānaṃ abhinīhārakkhamaṃ katvā imesu tīsu kaṣiṇesu katapuññehi. **Tasmā tamitaraṃ vāpīti** ālokakaṣiṇaṃ vā itaraṃ vāpi kaṣiṇadvayaṃ yathākkamaṃ uppādetvā upacārabhūmiyaṃveva tathā **taṃ** ālokakaṣiṇaṃ tṭhapetabbaṃ. Appanaṃ paṇḍito na uppādeyya, sace uppādeti, **taṃ** ālokakaṣiṇaṃ **pādakajjhānanissitaṃ** pādakajjhānassa ārammaṇaṃ hoti. Vaḍḍhitassa jhānassa antogadhaṃ rūpaṃ tena yoginā passitabbaṃ **bhave** bhaveyya. Taṃ rūpaṃ **passato** passantassa **tassa** yogino parikkammaṃ vāro atikkamati, **tāvade** tasmimveva khaṇe ālokopi **tassa** yogino ālokopi khippaṃ antaradhāyati. **Tasmim** āloke antarahite **rūpagataṃ** rūpaṃ na dissati. Divasampi nisīditvā passato rūpadassanaṃ hoti.

1100-1. Taṃcittasaṃyutanti tena catutthajjhānena yuttaṃ cittaṃ. Anāgataṃsaññaṃssa parikkammaṃ, yathākkammūpagassa ñāṇassa ca parikkammaṃ. Dibbacakkhuññaṃ.

1103. Yo bhikkhu **idha** imasmim sāsane imaṃ pana ganthaṃ suṇāti, citte karoti ca, so bhikkhu **anena tarena** iminā ganthena taritvā abhidhammamaḥaṇṇavapāraṃ **yāti** pāpuṇāti, jānātīti attho.

Iti abhidhammāvatāraṭṭhikāya

Abhiññāniddesavaṇṇanā niṭṭhitā.

Soḷasamo paricchedo.

17. Sattarasamo paricchedo

Abhiññārammaṇaniddesavaṇṇanā

1104. Anāgataṃsaññañcāti na āgato anāgato, na tāva sampattoti attho, anāgate aṃsā koṭṭhāsā tesam ñāṇaṃ anāgataṃsaññaṃ. Yaṃ yaṃ kammaṃ yathākkammaṃ, taṃ upagacchati jānātīti **yathākkammupagaṃ**, vipākacetanājānanakaññaṃ.

1107-9. Tattha tesu ārammaṇattikesu. **Cittasannissitaṃ katvāti** taṃ kāyaṃ cittaṃ sannissitaṃ karitvā tameva kāyacittacetāsikavasena mahaggate cittasmim samāropeti ñāṇaṃ iddhiividhaññaṃ, tato kāyārammaṇato kāyassa parittattā kāmāvacarattā parittārammaṇaṃ ñāṇaṃ siyā.

1110-3. Dissamānena kāyena, gantukāmo yadā bhava yo yogī dissamānena kāyena gantukāmo yadā bhaveyya, so yogī tadā cittaṃ **kāyasannissitaṃ katvā** rūpakāye sannissitaṃ katvā taṃ pādakajjhānacittaṃ kāyavasena kāye āropeti, tadā jhānārammaṇato taṃ ñāṇaṃ mahaggatagocaraṃ hoti, yaṃ ñāṇaṃ yadā **anāgatañca** dhammajātaṃ, **atītañca** dhammajātaṃ **visayaṃ** ārammaṇaṃ karoti, tadā taṃ ñāṇaṃ atītārammaṇaṃ hoti, tadā anāgatārammaṇaṃ ārammaṇakaraṇakāle anāgatagocaraṃ hoti. Dissamānena kāyena tassa bhikkhuno gamane pana sati **tassa** yogino ñāṇassa gocaro paccuppanno nāma hoti, iti viniddise.

1114. Kāyaṃ cittassa vasena citte āropeti, cittaṃ kāyassa vasena kāye āropeti, iti pariñāmanakālasimim tassa yogino ñāṇaṃ ajjhattārammaṇaṃ siyā. **Sampavattati sattasūti** parittamahaggataatītanāgatapaccuppannaajjhattabahiddhārammaṇasañkhātesu **sattasu** ārammaṇesu sampavattati.

1120. Jānane majjhimānanti mahaggatānaṃ jānane.

1122. Etassa cetopariyaññaṃssa maggārammaṇatā pariyāyena eva **matā** ñātā.

1126-7. Tattha tikkhaṇasampattam, paccuppannam khaṇādikam.

Tattha tesu paccuppannesu yaṃ paccuppannam khaṇādikam **tikkhaṇasampattam** uppādaṭṭhitibhaṅgakkhaṇasampattam **khaṇādikam** khaṇāyeva taṃ khaṇāvayavam paccuppannam nāma. **Ekadvesantivārapariyāpannanti** ekacittadviccavāthivārapariyāpannam santatipaccuppannam nāma. **Paccuppannanti pacchimanti** addhāpaccuppannanti attho.

1131-2. Yena āvajjanacittena dhamme āvajjati, yena cetasā jānāti, **tesam** dvinnam āvajjanajavanacittānam sahaṭṭhānassa abhāvā **taṃ** “khaṇādikattayam paccuppanna”ntiādikam “ekassa cittamekena, avassam pana vijjhati”iti pariyoṣānam vacanam na yujjati. Āvajjanajavanānam nānārammaṇabhāvam pattito āpajjanato ca na yujjati. **Aniṭṭhe pana ṭhāne** tesam āvajjanajavanānam ekārammaṇabhāve anicchite tasmim ṭhāne na yujjati, aññasmim pana ṭhāne maggavāthiyam āvajjanaparikkamajavanānam kasiṇādikam ārammaṇam hoti, gotrabhulokuttaracittānañca nibbānam ārammaṇam hoti, ettha ārammaṇajavanānam ekārammaṇatā anicchatā.

1134-41. “Ekabbhavaparicchinnam, paccuppannanti pacchima”nti vatvā puna aññena pariyaēyena taṃ paccuppannam dassetum idaṃ **addhākhyaṃ** addhānāma paccuppannam javanāvāro dīpetabbaṃ. **Iti** vacanam niddiṭṭham. Yadā **iddhimā** yogī parassa cittaṃ nītuṃ āvajjati, tassa āvajjanamano **paccuppannakhaṇavhayam** paccuppannam manodvārāvajjanacittaṃ ārammaṇam katvā **tena** cittaena saddhim nirujjhati, tesu niruddhesu tassa yogino cattāri, pañca vā javanāni jāyanti. **Etesam** catunnam, pañcannam javanānam yaṃ pacchimaṃ cittaṃ iddhicittamudūritam. Iddhicittato **sesāni** kāmāvacaracittāni. **Etesam** kāmāvacare iddhijavanānam tadeva ca paracittaṃ ārammaṇam hoti yasmā, **tasmā sabbāni tāni** javanāni ekārammaṇatam yanti, tesam javanānam nānārammaṇatā addhāvasā na bhavēyya, paccuppannārammaṇato tesam javanānam ekārammaṇabhāvepi iddhimānasameva ca parassa cittaṃ jānāti. **Itarāni** kāmāvacarāni pana cittāni parassa cittaṃ na jānanti. **Yathā cakkhudvāre tu viññānanti** cakkhuvīññānam rūpaṃ passati, tathā itaram cittaṃ na passati.

1161. Anāgatamaṣaṇṇassāti anāgatamaṣaṇṇassa anāgatam dhammam agocaram, gocaram na hotiyevāti attho.

1169. Vividhatthāni vaṇṇapadāni yasmim so **vividhatthavaṇṇapado**, taṃ madhuratthamatiniharam uttamaṃ sotujanassa hadayam pītikaram sacetano ko nāma manujo na suṇeyya.

Iti abhidhammāvatāraṭīkāya

Abhiññārammaṇaniddesavaṇṇanā niṭṭhitā.

Sattarasamo paricchedo.

18. Aṭṭhārasamo paricchedo

Dīṭṭhivissuddhiniddesavaṇṇanā

1175. Yā sañjānanamattamva, saññā nīlādito panāti sā saññā nīlādivasena sañjānanamattamva karoti. **Lakkhaṇappaṭivedhanti** aniccādilakkhaṇappaṭibujjanam.

1177. Taṃ viññānam **ussakkitvā** uddham sakkam katvā satte maggam pāpetum na sakkoti.

1178-9. Sabbesam pana dhammānam **sabhāvappaṭivedhanam** aviparītasena paṭibujjanam paññāya lakkhaṇam.

1180. Samādhi āsannakāraṇam etāyāti **samādhāsannakāraṇā**.

1181. Lakkhaṇenekadhāti sabbadhammam paṭibujjhanalakkhaṇena paññāva ekadhā vuttā.

1183. Bhūripaññenāti bhūte atthe aviparīte atthe ramatīti bhūri, bhūri paññā etassāti bhūripañño, tena.

1186-91. Tīsu atthadhammaniruttīsu ca nīṇesu atthadhammaniruttīsu jātesu nīṇesu ca nīṇam. Yaṃ kiñci paccayuppannam phalam dhammajātam. **Bhāsitatthoti** pāḷiyā attho. **Ete pañca** dhammā **atthasaññitā** atthanāmakā. **Phalanibbattako hetūti** jananaḥ paccayo. **Bhāsitanti** pāḷi. **Dhammasaññitāti** dhammanāmakā. **Sabhāvaniruttīti**

aviparītavohāro. **Pariyattī**ti sikkhanaṃ. Savanādhigamehi **pubbayogena** pubbe pavattanāya.

1192. **Bhūmibhūtesū**ti vipassanāya bhūmibhūtesu.

1194. **Jananādī**toti jātiādīto bhītena paññā bhāvetabbā.

1203. **Ekāsī**tiyā **cittenā**ti lokuttaracittavajjitena vipassanābhūmibhūtena ekāsītiyā cittena.

1208. **Sattasammohaghā**tatthanti sattoti sammohassa vināsitatthaṃ.

1211. **Nirī**hakanti īhāviraḥitaṃ byāpāraviraḥitaṃ, dārurajjusamāyoge.

1215. **Ubho bhijjanti** **paccayā**ti aññamaññapaccayakāraṇā.

1225. **Antadvayanti** kāmasukhallikānuyogaattakilamathānuyogadvayaṃ. **Bhāvayeti** diṭṭhivisuddhiṃ vaḍḍheyya.

Iti abhidhammāvatāraṭṭikāya

Diṭṭhivisuddhiniddesavaṇṇanā niṭṭhitā.

Aṭṭhārasamo paricchedo.

19. Ekūnavīsatiso paricchedo

Kaṅkhāvitaraṇavisuddhiniddesavaṇṇanā

1231. Icevamādibāttīmsakoṭṭhāsānaṃ paccayassa hetupaccaye tāva yogī manasā pariggaṇhāti.

1233. **Hetvaṅkurassa bījaṃ tu** bījaṃ aṅkurassa hetujanakaṃ, pathavādayo aṅkurassa paccayā.

1234. **Pañca dhammā**ti avijjātaṇhupādānakammāhārā hetupaccayā dhammā.

1235. Kammaṃ puttassa janako pitā viya nāmarūpassa janakaṃ.

1238. **Paccayā**ti paccayena.

1240. **Yā sā**ti yā sā kaṅkhā. **Pubbante** pubbakoṭṭhāse.

1241. **Sabbathā** sabbakoṭṭhāsato anavasesāva tassa yogino **sā** kaṅkhā **pahiyyati** nāsīyate.

1243. **Atthasādhikā**ti kusalapakkhe dānādiatthasādhikā, akusalapakkhe pāṇātipātādiatthasādhikā.

Taṃ vipākanti upaghātakakammaṃ taṃ vipākaṃ uppannaṃ nāma hoti. Evaṃ eko yogī kammavipākavasena nāmarūpassa paccayapariggahaṃ karoti.

1246. **Hetuphalassa sambandhavasena**ti hetuphalasambandhavasena idaṃ nāmarūpaṃ **kevalaṃ** ekantena pavattati, iti **sammā** aviparītākārena saṃ anupassati.

1247. Pākappavattito uddhaṃ pākapaṭivedakaṃ **na passati** na jāniyate.

1250-1. **Appavatti** nāma **na dissati**, upannaṃ dissati. Tīthiyā etamatthaṃ **anaññāya** ajānitvā **asayaṃvasī** **sattasaññanti** “satto”ti saññaṃ gahetvāna sassataucchedadassino aññamaññaṃ virodhino hutvā dvāsaṭṭhidiṭṭhiṃ gaṇhanti.

1254. **Ubhoti** ubho kammavipākā aññamaññato suññā. **Na ca kammaṃ vinā phalanti** kammaṃ vinā phalaṃ na ca hoti.

1255. **Sambhārehīti** sūriyādisambhārehi.

1257. Suññaṃ **taṃ** nāmarūpadhammaṃ.

1258. **Hetusambhārapaccayāti** hetunā ca sambhārapaccayehi ca.

Iti abhidhammāvatāraṭṭhikāya

Kaṅkhāvitaraṇavisuddhiniddesavaṇṇanā niṭṭhitā.

Ekūnavīsatiso paricchedo.

20. Vīsatiso paricchedo

Maggāmaggañāṇadassanavisuddhiniddesavaṇṇanā

1264. **Paccuppanassa dhammassāti** paccuppanassa nāmarūpadhammassa.

1266-8. **Uppajjato** uppajjantassa nāmarūpadhammassa **rāsito** nicayato āgamanañca natthi. **Disāgamananti** disāya gamaṇaṃ. **Niruddhassāpi** nāmarūpadhammassa ekasmiṃ ṭhāne nicayoti ca natthi.

1270-1. Avijjāsamudayā rūpasamudayo, avijjānirodhā rūpanirodho. Taṇhāsamudayā rūpasamudayo, taṇhānirodhā rūpanirodho. Kammasamudayā rūpasamudayo, kammanirodhā rūpanirodho. Āhāranirodhā rūpanirodho. **Dhammeti** saṅkhāradhamme.

1280. **Sampattaṭṭhassāti** sampattalokuttarasaṅkhātammaggaphalassa sotāpannādiṭṭhassa. **Vipattipannassāti** paṭipattiyam appaṭipannassa, viruddhavasena paṭipannassa vā.

1286. **Kāyacittānīti kāyāti** vedanāsaññāsaṅkhārā. **Cittanti** viññāṇaṃ.

1290. **Yato yato** paccayādito. Yaṃ **amataṃ** nibbānaṃ **vijānataṃ** vijānantānaṃ pītipāmojjaṃ, tehi labhitabbaṃ amataṃ, amataṃ viya pītipāmojjaṃ vā.

1293. **Appatteti** attani maggaphalasmim appatte. **Pattasaññīti** maggaphale ahaṃ patto asmi iti saññito hoti.

1297. **Sāravedinoti** sārajananasilā. **Tanti** taṃ maggāmaggañāṇadassanaṃ. **Idaṃ** ñāṇaṃ **maggāmaggañāṇadassananti** maggāmaggañāṇadassanaṃ nāma.

Iti abhidhammāvatāraṭṭhikāya

Maggāmaggañāṇadassanavisuddhiniddesavaṇṇanā niṭṭhitā.

Vīsatiso paricchedo.

21. Ekavīsatiso paricchedo

Paṭipadāñāṇadassanavisuddhiniddesavaṇṇanā

1299. **Upallesavimuttaṃ suvisadaṃ ñāṇanti** aṭṭhavidhañāṇaṃ sandhāyāha.

1302. Saccānulomañāṇanti ayameva pavuccati.

1306. Ayaṃ sikhāpattā vipassanā eva saccānulomañāṇaṃ nāma pavuccati.

1309. **Bhavaṅgānantaraṃ saṅkhāru-pekkhāgatanayenāti** bhavaṅgānantaraṃ saṅkhārupekkhāsaṅkhātena ñāṇena katanayena.

1314-6. Bodhipakkhiyadhammānaṃ, uddhañca anulomatoti uddhaṃ vattamānānaṃ bodhipakkhiyadhammānaṃ anulomato, **idaṃ** anulomaññaṃ vuṭṭhānagāminiyā pariyoṣānaṃ nāma **bhāsitaṃ** mahesinā kathitaṃ. Saccānulomaññaṃ āhacca uppanā, sabbappakārena gotrabhupariyoṣānaṃ.

1318. Tatthāti vipassanāya.

Iti abhidhammāvatāraṭṭikāya

Paṭipadāññadassanavisuddhiniddesavaṇṇanā niṭṭhitā.

Ekavīsatiso paricchedo.

22. Dvāvīsatiso paricchedo

Ñāṇadassanavisuddhiniddesavaṇṇanā

1319-22. Āvajjanassa hitaṃ āvajjanīyaṃ, taṃ ṭhānaṃ etassāti āvajjanīyaṭṭhānaṃ, gotrabhūti attho. Taṃ gotrabhucittaṃ maggacittassa **āvajjanīyaṭṭhānattā**. Paṭipadāññadassanaṃ kudācanaṃ na ca bhajati, tatheva ñāṇadassanavisuddhiṃ kudācanaṃ na bhajateva. **Ubhinnaṃ** ñāṇānaṃ antarā ekaṃ **abbohārikaṃ** vohāre niyuttanti vohārikaṃ, na vohārikaṃ abbohārikaṃ. Vipassanāya sotasmīṃ vipassanāya sote patitattā vipassanā nāma voharitabbā. **Tato** nibbānato.

1325. Sūraṃ tikkhaṃ vipassananti gotrabhucittaṃ sandhāyāha.

1326-9. Visañkhāraṇti sañkhārehi vigataṃ. **Paṭhamāvajjanañcevāti** paṭhamāvajjanaṃ viya. **Paṭhamābhogātāpi cāti** paṭhamamanasikārā viya. Maggassa anantarādīhi paccayehi. **Tassāti** maggassa. Sikhāpattāya tāya vipassanāya **muddhamhi** matthake. **Anāvattanti** anivattaṃ.

1330-3. Ekena āvajjanena ekissāyeva vīthiyā. **Anulomagotrabhucetasanti** anulomagotrabhucittānaṃ nānārammaṇatā vuttā. **Taṃ** gotrabhucittaṃ anāvajjanampi maggassa āvajjanaṭṭhāne ṭhatvā. **Saññaṃ datvā viyāti** “ahaṃ nibbānaṃ ārammaṇaṃ karomi, tvampi tamevārammaṇaṃ karohi” iti saññaṃ datvā viyāti adhippāyo. **Saññitanti** saññaṃ. **Kadācīpi anibbidhapubbaṃ maggo esa** eso maggo pubbe anibbidhapubbo.

1336. Ujjhatīti chindati.

1338. Anekesaṃ ānisaṃsānaṃ dāyakena ādimaggena saṃyuttaṃ. Paṭhamamaggaññaṃ.

1341. Ekassāsevanaṃ natthi ekassa cittuppādassa āsevanapaccayo natthi, **tasmā** kāraṇā **dve** cittuppādā anulomakā. **Tehīti** cittuppādehi āsevanapaccayaṃ **laddhā** labhītvā **tatiyaṃ** cittaṃ gotrabhu hoti.

1345-7. Maggapekkhanahetu yassa āvajjanamanaso, taṃ **maggapekkhanahetukaṃ**. **Tasmīṃ niruddheti** tasmīṃ āvajjanacitte niruddhe maggassa paccavekkhaṇasaññitāni satta javanāni paṭipāṭiyā jāyante. Paccavekkhaṇaññāni ekūnavīsati honti.

1351. Tato tadā vipassanāvīthiṃ otarati. Dutiyamaggaññaṃ.

1361. Mūlaghātanti mūlaghātanaṃ. Tatiyamaggaññaṃ.

1363. Anāvattisabhāvatoti anivattato. Catutthamaggaññaṃ.

Iti abhidhammāvatāraṭṭikāya

Ñāṇadassanavisuddhiniddesavaṇṇanā niṭṭhitā.

Dvāvīsatiso paricchedo.

23. Tevīsatiso paricchedo

Kilesapahānaniddesavaṇṇanā

1375. **Idha pana** imasmim panādhikāre **kāraṇūpacārena** lābhādikāraṇassa vohārena, lābho ādi vatthu yassa anunayassāti **lābhādivatthuko**, tassa.

Sukhumāti kāmarāgapaṭighā sukhumā.

1376. **Yena yena** paṭhamamaggādiñāṇena **yo yo** saṃyojanādiko pahātabbo **dhammo ghātaṃ** vināsaṃ yāti, **so so** dhammo **tena tena asesena** ñāṇena evaṃ sādhu mayā sandassito.

1383. **Pariññābhisamayenāti** paricchinditvā jānana. **Dukkhaṃ abhisametīti** dukkhaṃ paṭivijjhati.

1394. **Yo yogī imaṃ viditvā hitabhāvanaṃ vanaṃ** vanetabbaṃ **viditvā** jānitvā **ve** ekantena sukhasaṃhitāṃ hitāṃ upeti, cittassa tamaṃ **anuttamaṃ** hīnaṃ **vidhūya** vināsetvā **aviggahakampadaṃ padaṃ** aviggahakaṃ sarīrarahitaṃ padaṃ paṭipajjitabbaṃ ñātabbaṃ **padaṃ** nibbānaṃ **upeti** pāpuṇāti ca.

Iti abhidhammāvatāraṭīkāya

Kilesapahānaniddesavaṇṇanā niṭṭhitā.

Tevīsatiso paricchedo.

24. Catuvīsatiso paricchedo

Paccayaniddesavaṇṇanā

1395. **Rūpaṃ rūpassāti** rūpaṃ rūpassa. **Arūpassa** nāmassa.

1396. **Missakassāti** nāmarūpamissakassāti attho.

1397. **Tipaṇca cāti** pannarasa ca.

1399. **Ekoti** kamma paccayo. **Dvekālikoti** atītapaccuppannakālavasena dvīsu kālesu niyutto. **Dassitoti** bhagavatā desito.

Iti abhidhammāvatāraṭīkāya

Paccayaniddesavaṇṇanā niṭṭhitā.

Catuvīsatiso paricchedo.

Nigamanakathāvaṇṇanā

1401. **Sumatimativicārabodhanoti** sumatīnaṃ sundarapaññānaṃ kavīnaṃ matiyā vicārassa bodhano. **Vimativimohavināsanoti** vimatīnaṃ bālānaṃ vimohassa vināsanano. **Kumatimatimahātamonāsoti** kumatīnaṃ bālānaṃ mahātamasannibhāya matiyā nāsako. **Paṭumatibhāsakaroti** paṭūnaṃ paṇḍitānaṃ tikkhapaññāya obhāsakaro.

1402. **Sumatināmako** bhikkhu **asamānato** asadisāya pūjāya mama āyācito **yato** yasmā kāraṇā, **tato** tasmā kāraṇā ayaṃ abhidhammāvatāro. **Padāto padāti** koṭṭhāsato koṭṭhāsato. **Hitavibhāvanā bhāvanāti** hitappakāsanāya bhāvanāya mayā racito. Atha vā ahaṃ sumatinā bhikkhunā **asamānato mānato** āyācito **yato** yasmā, **tato** tasmā.

1405. **Tividhā byappathānāhi gatiyoti** byappathānaṃ vacanānaṃ atthaganthayuttivasena tividhā gatiyo.

1406. **Nikāyantara laddhīhīti** aññasmim nikāye laddhīhi. **Vācanāmagganissitoti** vacanappabandhanissito.

1410. **Asaṃkiṇṇakulākuleti** asammissakulehi ākiṇṇe. **Supasannasitodaketi** madhurasītodake.

1411. **Saṅkaṭeti** sambādhe.

1412. **Kelāsasikharākārapāsādapaṭimaṇḍiteti** rajatapabbatamatthakanibhehi pāsādehi alaṅkate.

1413. **Vividhākāracārupākāragopureti** vividhasaṅṭhānamanuñṇapākāradvārakoṭṭhake.

1414. **Sallekhāti** sallekhavutti. **Sākhalyeti** sakhilabhāve. **Satāti** satisampanna.

1415. **Vassavalāhakā devāti** vassavalāhakabhūtā devā amarā.

Nigamanakathāvaṇṇanā niṭṭhitā.

Abhidhammāvatārapurāṇaṭīkā niṭṭhitā.

Namo tassa bhagavato arahato sammāsambuddhassa

Abhidhammāvatāra-abhinavaṭīkā

(Paṭhamo bhāgo)

Ganthārambhakathā

(Ka) visuddhakarūṇāññaṃ, buddhaṃ sambuddhapūjitaṃ;
Dhammaṃ saddhammasambhūtaṃ, vande saṃghaṃ niraṅgaṃ.

(Kha) **sāriputtaṃ** mahātheraṃ, pariyattivīsāraḍaṃ;
Namāmi santavuttiṃ me, guruṃ gāravabhājanaṃ.

(Ga) vandantena mayā evaṃ,
Yā laddhā puññasampadā;
Hitvā tassānubhāvena,
Antarāye asesato.

(Gha) mahāvihāravāsīnaṃ, therānaṃ thirasīlinaṃ;
Vaṃsālaṅkārabhūtena, bhūtānuggahakārinā.

(Ṇa) therena **buddhadattena**, racitaṃ yaṃ manoramaṃ;
Piṭake abhidhammasmiṃ, otārupāyabhāvato.

(Ca) **abhidhammāvatāro**ti, laddhanāmena vissutaṃ;
Nānānipuṇagambhīranayaṃ pakaraṇuttamaṃ.

(Cha) atthasaṃvaṇṇanaṃ tassa, ārabhissaṃ yathābalaṃ;
Pāmojjajananatthāya, ābhidhammikabhikkhūnanti.

Ganthārambhakathāvaṇṇanā

1. Paramanipuṇavicittanayasamannāgataṃ sakasamayasaṃyantaragahanaviggāhaṇasamatthaṃ
svūmalavipulapaññāveyyattiyajanaṃ pakaraṇamidamārabhantoyamācariyo paṭhamaṃ tāva
ratanattayappaṇāmakaraṇena antarāyanivāraṇaṇceva paññāpāṭavaṇṇaṃ pattheti. Ratanattayappaṇāmo hi atthato
paṇāmakiriyābhiniṭṭhādikā kusalacetanā. Sā ca vandaneyyavandakānaṃ khettajjhāsayasampadāhi
diṭṭhadhammavedanīyabhūtā yathāladhasampattinimittakassa kammaṃ anubalappadānavasena
tannibbattitavipākasantatiyā antarāyakaṇāni upapīḷakaupacchedakammāni paṭibāhitvā tannidānaṃ

yathādhīppetasiddhivibandhakānaṃ rogādiantarāyānamappavattiṃ sādheti, rāgādimalavikkhālanena ca cittasantānaṃ parisodhetvā tannissitāya paññāya yathādhīppetasiddhisampādakaṃ tikkhavisadabhāvamāvahati. Kiñci āciñṇametaṃ pañḍitānaṃ, yadidaṃ ganthasamārambhe ratanattayappaṇāmakaraṇaṃ, tasmā sappurisācārānurakkhaṇatthaṃ ādimhi ratanattayavandanā āradhāti evamādinā aññānīpi bahūni payojanāni niddhāretabbāni. Tāni pana tattha tattha bahudhā vitthāritāntī taṃ papañcaparissamaṃ tḥapetvā yathānupattameva tāva vaṇṇayissāma.

Ettha ca ratanattayappaṇāmaṃ kattukāmo tathāgatamūlakatā sesaratanānaṃ paṭhamaṃ tāva tathāgatassa thomanāpubbaṅgamaṃ paṇāmaṃmārabhanto āha “**anantakarūṇāpañña**”ntiādi. Thomanāpubbaṅgamaṃ hi paṇāmena satthu guṇātisayogo, tato cassa anuttaravandanīyabhāvo, tena ca attano vandanāya khettaṅgatabhāvo, khettaṅgatāya ca vandanāya yathādhīppetaniḥphattiyā hetubhāvo ca dassito hoti.

Tattha **vanditvā**ti pubbakālakiriyānidheso. Tassa pana osānagāthāyaṃ “pavakkhāmī”ti iminā aparakālakiriyāvacanena saha sambandho. **Buddhanti** vandanakiriyāya kammanidheso. “**Anantakarūṇāpañña**”ntiādikāṃ pana tabbisesanaṃ. Tattha kiratīti karūṇā, paradukkhaṃ vikkhipati apanetīti attho. Kirīyati dukkhitesu pasārīyatīti vā karūṇā. Atha vā karotīti karūṇā, paradukkhe sati sādhuṇaṃ kampanaṃ hadayakhedaṃ janayatīti attho. Kiṇṭatīti vā karūṇā, parassa dukkhaṃ paccayavekallakaraṇato hiṃsatīti attho. Pajānātīti paññā, yathāsabhāvaṃ pakārehi paṭivijjhatīti attho. Karūṇā ca paññā ca karūṇāpaññā, natthi etāsaṃ antoti anantā, anantā karūṇāpaññā etassāti anantakarūṇāpañño, taṃ **anantakarūṇāpaññaṃ**.

Ettha ca uppādavayantatāvasena ceva santatipariyosānavasena ca satipi bhagavato karūṇāpaññānaṃ sapariyantabhāve anantārammaṇesu pavattanato anantatā veditabbā. Sammāsambuddhassa hi sabbasattānaṃ dukkhāpanayanākārapavattā anaññasādhāraṇā mahākarūṇā kañci sattaṃ avajjetvā sabbesu sattesu niravasesena pavattati, tathā sabbadhammasabhāvabodhanasamatthā sabbaññūtaññānasankhātā paññāpi sakalañeyyadhammesu anavasesato pavattati, tasmā anantārammaṇappavattakarūṇāññānavantatāya anantakarūṇāpañño bhagavā. Karūṇāpaññāggahaṇena cettha bhagavato sabbalokiyalokuttaraguṇasampatti dassitā hoti. Tathā hi karūṇāggahaṇena lokiyesu mahaggaṭabhāvavappattāsādhāraṇaguṇadīpanato sakalalokiyaguṇasampatti dassitā, paññāggahaṇena sabbaññūtaññānapadaṭṭhānamaggaññānadīpanato sabbalokuttaraguṇasampatti dassitāti.

Apica sabbabuddhaguṇānaṃ karūṇā ādi, paññā pariyoṣānaṃ. Mahākarūṇāsañcoditamānaso hi bhagavā saṃsārapaṅkato sattānaṃ samuddharaṇatthāya katābhinihāro anupubbena pāramiyo pūretvā anuttarasammāsambodhiyā adhigamaṃ sakalabuddhaguṇe paṭilabhi. Iti sakalabuddhaguṇānaṃ tannidānabhāvato karūṇā sabbabuddhaguṇānaṃ ādi, sabbaññūtaññānapadaṭṭhānaṃ pana maggaññānaṃ paṭilabhanato uttarikaraṇīyābhāvato paññā pariyoṣānaṃ. Ādipariyoṣānadassanena ca sakalabuddhaguṇā nayato dassitā honti. Nayaggāho eva hi sabbabuddhaguṇānaṃ dassanupāyo, itarathā tādissa sabbaññūtibuddhassapi vacanapathātītaṃ tathāgataguṇaṃ anupadaṃ vaṇṇento ko nāma pariyoṣānaṃ āharitum sakkuṇeyyāti.

Evaṃ karūṇāpaññā mukhena sañkhepato sakalabuddhaguṇehi bhagavantaṃ thometvāpi puna attano buddhaguṇasamkittane atittābhāvena ceva paresānaṃ pasādabāhullajananatthaṃ tadantogadhepi viṣiṭṭhaguṇe padhānabhāvena nīharitvā dassento āha “**tathāgata**”ntiādi. Tattha “**tathāgata**”nti tathā āgatātādīhi aṭṭhahi kāraṇehi tathāgataṃ. Vuttañhetam (dī. ni. aṭṭha. 1.7; ma. ni. aṭṭha. 1.12; bu. vaṃ. aṭṭha. 1.2 nidānakathā; a. ni. aṭṭha. 1.1.170) –

“Aṭṭhahi kāraṇehi bhagavā tathāgato, tathā āgatoti tathāgato, tathā gatoti tathāgato, tathalakkhaṇaṃ āgatoti tathāgato, tathadhamme yāthāvato abhisambuddhoti tathāgato, tathadassitāya tathāgato, tathavāditāya tathāgato, tathākāritāya tathāgato, abhibhavanaṭṭhena tathāgato”ti.

“Kathaṃ bhagavā **tathā āgatoti tathāgato**? Yathā sabbalokahitāya ussukkamāpannā purimakā sammāsambuddhā āgatā, kiṃ vuttaṃ hoti? Manussatādiṭṭhaṅgasamānāgatena yena abhinīhārena te bhagavanto āgatā, teneva ca abhinīhārena ayampi bhagavā āgato, yathā ca te bhagavanto samatīmsa pāramiyo pūretvā pañcamahāpariccāgādīni sampādetvā āgatā, yathā ca te sattatīmsa bodhipakkhiyadhamme bhāvetvā brūhetvā āgatā, tathā ayampi bhagavā āgatoti evaṃ tāva tathā āgato”ti tathāgato. (1)

“Kathaṃ **tathā gatoti tathāgato**? Yathā sampatijātā te bhagavanto sattapadavītihārena gatā, yathā vā te samathavipassanāmaggehi taṃ taṃ akusalapakkhaṃ vidhamitvā gatā, tathā ayampi bhagavā gato, evaṃ tathā gatoti tathāgato. (2)

“Kathaṃ **tathalakkhaṇaṃ āgatoti tathāgato**? Yasmā tesam tesam dhammānaṃ yaṃ sabhāvasarasalakkhaṇaṃ tathaṃ avitathaṃ, tañcesā tathalakkhaṇaṃ āgato yāthāvato adhigato, tasmā

tathalakkhaṇaṃ āgatoti tathāgato gamanattānaṃ bujjanatthasambhavato. Tathā hi vadanti ‘ye gatiatthā, te bujjanatthā. Ye bujjanatthā, te gatiatthā’ ti. (3)

“Kathaṃ **tathadhamme yāthāvato abhisambuddhoti tathāgato?** Yasmā ‘idaṃ dukkhanti, bhikkhave, tathametaṃ avitathameta’ntiādivacanato (saṃ. ni. 5.1090) ‘avijjāya saṅkhārānaṃ paccayaṭṭho saṅkhārānaṃ avijjāpaccayasambhūtasamudāgataṭṭho tatho avitatho anaññatho’ntiādivacanato ca tathadhammasaṅkhāte saccapaṭṭicasamuppāde yāthāvato āgato abhisambuddho, tasmā tathadhamme yāthāvato abhisambuddhoti tathāgato. (4)

“Kathaṃ **tathadassitāya tathāgato?** Yasmā aparimāṇāsu lokadhātūsu aparimāṇānaṃ sattānaṃ chadvāragahite ārammaṇe aviparītameva passati jānāti, ñatvā ca panevaṃ ‘katamaṃ taṃ rūpāyatanaṃ, yaṃ catunnaṃ mahābhūtānaṃ upādāyā’ntiādinā (dha. sa. 616 ādayo) tathamesa aviparītaṃ vibhajati dasseti, tasmā tathaṃ āgacchati passati jānāti, taṃ vā āgamayati dasseti tathāgatoti evaṃ tathadassitāya tathāgato. (5)

“Kathaṃ **tathavāditāya tathāgato?** Yasmā esa abhisambodhito yāva parinibbānā rāgamadādinimmathanavasena ekasadisameva dhammaṃ tathaṃ avitathaṃ bhāsati, tasmā tathaṃ gadati, tatho aviparīto āgadovacanametassāti vā da-kārassa ta-kāraṃ katvā tathāgatoti vuttoti evaṃ tathavāditāya tathāgato. (6)

“Kathaṃ **tathākāritāya tathāgato?** Bhagavā hi ‘yathā vādī tathā kārī’ ti (a. ni. 4.23; cūḷani. posālamāṇavapucchāniddeśa 83) vacanato attano vācāya anurūpameva karoti, tasmā yathā vācā, tathā kāyopi gato pavatto imassāti tathāgatoti evaṃ tathākāritāya tathāgato. (7)

“Kathaṃ **abhibhavanaṭṭhena tathāgato?** Yasmā panesa anupamāya sakalalokiyalokuttaraguṇasampadāya samannāgatattā sadevakaṃ lokaṃ abhibhuyya pavattati, tasmā abhibhavanaṭṭhena tathāgatoti vuccatī’ ti.

Tatrevaṃ padasiddhi veditabbā – agado viyāti agado, desanāvīlāso ceva puññussayo ca. Tena hesa mahānubhāvo bhisakko viya dibbāgadena sappe sabbaparappavādino, sadevakaṇca lokaṃ abhibhavati. Iti sabbalokābhibhavane tatho aviparīto yathāvutto agado etassāti da-kārassa ta-kāraṃ katvā tathāgatoti vuccatīti ayamettha saṅkhepo. Vitthāro pana dīghāgamasamvaṇṇanādīsu gahetabbo. Āha cetha –

“Yatheva lokamhi vipassīdayo,
Sabbaññubhāvaṃ munayo idhāgatā;
Tathā ayaṃ sakyamunī āgato,
Tathāgato vuccati tena cakkhumā. (dī. ni. aṭṭha. 1.7; ma. ni. aṭṭha. 1.12; a. ni. aṭṭha. 1.1.170; bu. vaṃ. aṭṭha. 1.2 nidānakathā);

“Pahāya kāmādimale yathā gatā,
Samādhiññehi vipassīdayo;
Mahesino sakyamunī jutindharo,
Tathā gato tena **tathāgato** mato.

“Tathāñca dhātvāyatanādilakkhaṇaṃ,
Sabhāvasāmaññavibhāgabhedato;
Sayambhuññena jinoyamāgato,
Tathāgato vuccati sakyapuṅgavo.

“Tathāni saccāni samantacakkhunā,
Tathā idappaccayatā ca sabbaso;
Anaññāñeyyena yato vibhāvitā,
Yāthāvato tena jino **tathāgato**.

“Anantabhedāsupi lokadhātusu,
Jinassa rūpāyatanādigocare;
Vicittabhede tathameva dassanaṃ,
Tathāgato tena samantalocano.

“Yato ca dhammaṃ tathameva bhāsati,
 Karoti vācāyanulomamattano;
 Guṇehi lokaṃ abhibhuyyirīyati,
Tathāgato tenapi lokanāyako”ti. (itivu. aṭṭha. 38; dī. ni. 1.7);

Kenaci guṇena attano visiṭṭhassa kassaci abhāvato natthi etassa uttaroti anuttaro. Bhagavato hi avīcīto paṭṭhāya yāva bhavaggaṃ tiriyaṃ aparimāṇāsu lokadhātūsu na koci kenaci guṇena samasamopi atthi, kuto pana uttaritaro. Yathāha –

“Rūpe sīle samādhimhi, paññāya ca asādiso;
 Vimuttiyā samasamo, dhammacakkappavattane”ti.

Vinditvāti tīhi vandanāhi tanninnatādivasena namassitvā. Kāyavacīmanodvāravasena hi tisso vandanā. Yathāha “tisso imā, bhikkhave, vandanā kāyena vandati, vacasā vandati, manasā vandati”ti. Tattha buddhādiguṇārammaṇā kāmāvacarakusalakiriyānamaññatarā cetanā kāyaviññattiṃ samuṭṭhāpetvā kāyadvārappavattivasena uppannā **kāyavandanā**ti vuccati, sāyeva vacīviññattiṃ samuṭṭhāpetvā vacīdvārappavattivasena uppannā **vacīvandanā**ti, ubhayaviññattiyo pana asamuṭṭhāpetvā kevalaṃ manodvārappavattivasena uppannā **manovandanā**ti. **Sirasāti** uttamaṅgena karaṇabhūtena. Abujjhi, bodhetīti vā **buddho**. Ayañhi catusaccadhamme sayampi abujjhi, parepi bodheti, tasmā bujjanabodhanaṭṭhena “buddho”ti vuccati. Yathāha “bujjhitā saccānīti buddho, bodhetā pajāyāti buddho”ti (mahāni. 192; cūlani. pārāyanatthutīgāthāniddeśa 97; paṭi. ma. 1.162). Atha vā budha-saddassa jāgaraṇavikasanatthesupi pavattanato abujjhi savāsanasammohaniddāya accantaṃ vigato, buddhiyā vikasitavāti vā **buddho**. Bhagavā hi vatthusabhāvadassanavibandhikāya avijjāsankhātāya niddāya ariyamaggañāṇena saha vāsānāya samucchinnatā tato accantaṃ vigato. Paramarucirasirisobhaggasamāgamena vikasitamiva padumaṃ aparimitagunaṇālaṅkatasabbaññūtaññāṇasamāgamena vikasito vikāsamanupatto, tasmā jāgaraṇavikasanatthavasenapi “buddho”ti vuccati.

Ettāvata ca dvīhi ākārehi bhagavato thomanā katā hoti attahitasampattito, parahitapaṭipattito ca. Tāsu attahitasampatti anāvaraṇaṇādhigamo savāsanasakalasaṃkilesānamaccantappahānaṃ anupādisesanibbānādhigamo ca, parahitapaṭipatti pana āsayappayogavasena duvidhaṃ parahitasamīhanaṃ. Tattha dhammadesanāya abhājanesu devadattādisu virodhisattesupi niccaṃ hitajjhāsayatā aparipākagatindriyānaṃ indriyaparipākakālāgamanaṅca **āsayo** nāma. Tadaññasattānaṃ pana lābhasakkārādinirapekkhacittassa yānatayamukhena sabbadukkhanīyānikadhammadesanā **payogo** nāma. Duvidhāsu panetāsu parahitapaṭipattīsu, tividhāsu ca attahitasampattīsu anantakarūṇā-vacanena, tathā āgataṭṭhena ca tathāgata-saddena āsayavasena parahitapaṭipatti dassitā, bodhanaṭṭhena buddha-saddena, tathadassanaṭṭhena ca tathāgataṭṭhena ca tathāgatasaddena payogavasena, anantapaññā-vacanena, ñāṇagatidīpakena tathāgata-saddena, bujjanajāgaraṇavikasanatṭhena ca buddha-saddena tividhāpi attahitasampatti, anuttaravacanena ca attahitaparahitasampatti pakāsītāti veditabbā.

Apica hetuphalasattūpakārasampadāvasena tīhākārehipi bhagavato thomanā pavattatīti taṃvasenapettha thomanā daṭṭhabbā. Tattha **hetusampadā** nāma mahākaruṇāsamāyogo, bodhisambhārasambharaṅgaṅca tammūlakattā sakalabuddhaguṇānaṃ. **Phalasampadā** pana catubbidhā ñāṇasampadā, pahānasampadā, ānubhāvasampadā, rūpakāyasampadā cāti. Tāsu sabbaññūtaññānapadaṭṭhānaṃ maggañāṇaṃ, maggañānapadaṭṭhānaṃ sabbaññūtaññānaṃ, tammūlakāni ca dasabalādiññāni **ñāṇasampadā** nāma. Aggamaggabhāvanāya sabbakilesānaṃ saha vāsānāhi anuppattidhammatāpādanaṃ **pahānasampadā**. Acinteyyāparimitānaṃ sabbalokahitānaṃ nipphādane, sadevalokābhībhavane ca ādhipaccaṃ **ānubhāvasampadā**. Sakalalokanayanābhīsekabhūtā pana lakkhaṇānubyañjanapaṭimaṇḍitā attabhāvasampatti **rūpakāyasampadā** nāma. **Sattūpakāro** heṭṭhā vuttaparahitapaṭipattivaseneva veditabbo. Imāsu pana anantakarūṇā-vacanena, tathā āgataṭṭhena ca tathāgata-saddena hetusampadā dassitā. Phalasampadāsu ñāṇasampadā ceva pahānasampadā ca anantapaññā-vacanena, abhisamayaparidīpakena tathāgatasaddena, bujjanajāgaraṇavikasanatṭhena, ca buddha-saddena dassitā, ānubhāvasampadāpi abhibhavanaṭṭhena tathāgata-saddena, anuttara-vacanena ca vibhāvitā, rūpakāyasampadā pana rūpagappattidīpakena anuttara-saddena dassitāti daṭṭhabbaṃ.

Evam buddharatanassa thomanāpubbaṅgamaṃ paṇāmaṃ katvā idāni sesaratanānampi paṇāmamārabhanto āha “**dhammaṃ sādhuṅgaṃpi cā**”ti. Bhagavato thomanena ca svākkhātādayo dhammaguṇā, suppaṭipannatādayo saṅghaguṇā ca dassitā honti tappabhavassa anaññathābhāvatoti na tesam visuṃ thomanā katā. Adhigatamagge sacchikatanirodhe puggale yathānusiṭṭhaṃ paṭipajjamāne ca apāyadukkhesu ceva vaṭṭadukkhesu ca apatamāne katvā dhāretīti **dhammo**, so catunnaṃ ariyamaggānaṃ, catunnaṅca sāmāññaphalānaṃ, nibbānassa, pariyaṭṭidhammassa ca vasena dasavidho. Vuttañhetam **chattavimāne** –

“Rāgavirāgamanejamasokaṃ,
Dhammamasāṅkhatamappaṭikūlaṃ;
Madhuramimaṃ paṇaṃ suvibhattaṃ,
Dhammamimaṃ saraṇatthamupehī”ti. (vi. va. 887);

Ettha hi kāmarāgādibhedo sabbopi rāgo virajjati etenāti “rāgavirāgo”ti maggo kathito. Ejāsāṅkhātāya taṇhāya, antonijjhānalakkhaṇassa ca sokassa taduppattiyam sabbaso parikkhīṇattā “anejamasoka”nti phalaṃ kathitaṃ. Kenaci paccayena asaṅkhatattā “dhammamasāṅkhata”nti nibbānaṃ vuttaṃ. Avirodhadīpanato pana atthabyañjanassa sampannatāya, pakaṭṭhagaṇavibhāvanato suṭṭhu vibhajitattā ca “appaṭikūla”ntiādinā sabbopi pariyattidhammo kathito. Tattha ariyamagganibbānāni nipariyāyeneva apāyādito dhāraṇato dhammo, phalapariyattiyo pana pariyāyena. Tathā hettha dhāraṇaṃ nāma apāyādinibbattakilesavidhamaṇaṃ. Iti ariyamaggassa kilesasamucchedakatāya, nibbānassa ca ālambaṇabhāvena tassa tadatthasiddhihetutāyapi ubhinnaṃpi nipariyāyato labbhati. Itaresu pana ariyaphalassa maggena samucchinnakilesānaṃ paṭipassaddhakicatāya, maggānukūlappavattito pariyattidhammassa ca tadadhigamahetutāyāti ubhinnaṃpi pariyāyatova labbhatīti.

Attahitaparahaṃ sādhentīti sādhu, tesam gaṇo samudāyoti sādhuṃ, sādhu cāyaṃ gaṇo cāti vā sādhuṃ, sādhuṃ vā sammāsambuddhassa āyatto gaṇo tassa orasaputtabhāvatoti sādhuṃ. So pana catunnaṃ ariyamaggasamaṅgīnaṃ, catunnaṃ phalasamaṅgīnaṃ vasena aṭṭhavidho ariyasaṅgho, taṃ **sādhugaṇaṃ**. **Picāti** nipātasamudāyo, eko vā nipāto, tiṇṇaṃ ratanānaṃ vandanakiriyaṃ sampiṇḍanatto. Keci “gaṇo”ti idha pakaraṇatova ariyagaṇapuggalova labbhatīti sādhuṃ bhāvanapuṃsakavasena “vanditvā”ti iminā saha yojenti, tadā pana **sādhūti** bhayaḷābhādivirahena sakkaccaṃ ādaranti attho.

2. Evaṃ pakaraṇārambhe yathādhippetaṃ ratanattayappaṇāmaṃ katvā idāni yattha pāṭavattāya idaṃ pakaraṇaṃ paṭṭhapīyati, taṃ saddhiṃ desakadesapaṭiggāhakasampattīhi vibhāvetvā dassento āha “**paṇḍukambalanāmāyā**”tiādi. Tattha devarājassa paṇḍukambalanāmāya silāya vimale sītale tale nisinna atulavikkamo devadevehi pūjito devadevo devapurakkhato devānaṃ devalokasmiṃ yaṃ dhammaṃ desesīti sambandho.

Ayaṃ panettha attho – paṇḍukambalasarikkhavaṇṇatāya “paṇḍukambala”nti nāmaṃ samaññā etissāti **paṇḍukambalanāmā**. Sā hi sakkassa tādisapuññānubhāvena nibbattā paṇḍukambalajayasumanapupphasamānena vaṇṇena sabbakālaṃ virocāti, paṇaṇato pana saṭṭhiyojanāyāmā, paññasayojanavittārā, pannarasayojanubbedhā ca hoti. **Silāyāti** avayavasambandhe sāmivacanaṃ. Tulāya sammīto tulyo, na tulyo atulyo, atulyo vikkamo balaṃ etassāti atulyavikkamo. Sammāsambuddhassa hi paramapāramitānubhāvasaṃsiddhena hatthigaṇanāya koṭisahassahatthīnaṃ, purisagaṇanāya dasakoṭisahassapurisānaṃ balehi samappamāṇena kāyabalena, appamāṇena ca ñāṇabalena na kassaci devabrahmādīsu aññatarassa balatulanāya upanettabbaṃ atthi. Atha vā anaññasādhāraṇattā atulyo parakkamasāṅkhāto aparimāṇagaṇavisesāvahena anaññasādhāraṇena sammappadhānena samannāgatattā vā atulyo sammappadhānasāṅkhāto vikkamo imassāti atulyavikkamo. “Atulyavikkamo”ti ca vattabbe gāthābandhavasena ya-kāralopaṃ katvā “**atulavikkamo**”ti vuttaṃ. Atha vā sammitatthe a-kārapaccayassāpi sambhavato atulo vikkamo assāti “**atulavikkamo**”ti vuttaṃ.

Dibbantīti devā, pañcakāmaguṇādīhi kīḷanti, tesu vā viharanti, vijayasamatthatāyogena bāhirabbhantarike paccatthike vijetaṃ icchanti, issariyadhanādisakkārādānaggahaṇaṃ, taṃtaṃatthānusāsanaṃ karontā voharanti, puññañānubhāvappattāya jutiyaṃ jotenti, yathādhippetaṃ visayaṃ appaṭighātena gacchanti, yathicchitanipphādane ca sakkontīti attho. Atha vā devanīyaṃ taṃtaṃbyasananittaraṇatthikehi “saraṇaṃ parāyaṇa”nti gamanīya, abhithavanīyaṃ sobhāvisesayogena kamanīyāti vā devā, te tividhā – sammutidevā upapattidevā visuddhidevāti. Tattha **sammutidevā** nāma mahāsammattādayo khattiyā. **Upapattidevā** nāma cātumahārājike upādāya taduttaridevā. **Visuddhidevā** nāma khīṇāsavā. Idha pana upapattidevā daṭṭhabbā. No ca kho tepī avisesena, ṭhapetvā pana yāmādike cātumahārājikatāvatiṃsavāsīnova adhippetā. Tesam catūhi saṅghavattūhi rañjanato rājā, devānaṃ rājā issaro devarājā, tassa **devarājassa**, “sakkassa devarañño”ti adhippāyo. **Na** hi aññesaṃ devalokesu nisinna bhagavā abhidhammapīṭakaṃ desesīti.

3. **Yanti** aniyamaniddeso, tassa pana “tattā”ti iminā niyamaṃ veditabbaṃ. Yathāvuttānaṃ tiṇṇaṃpi devānaṃ uttamo devo tehi sabbehi adhikataṃ kīḷanādiyogototi **devadevo**, bhagavā. So hi niratisayāya abhiññākīḷāya uttamehi dibbabrahmaariyavihārehi saparasantānasiddhāya pañcavidhamāravijayicchānibbattiyā cittissariyasattadhanādisammāpaṭipattiaveccappasādasakkārādānaggahaṇasāṅkhātena, yathāparādhayathānulomayathādhammānusāsanasāṅkhātena ca vohārātisayena paramāya paññāya ca sarīrappabhāsāṅkhātāya jutiyaṃ anupamāya ñāṇasarīragatiyaṃ māravijayasabbaññūtaññāparahitanipphādanesu appaṭihatāya sattiyā ca samannāgatattā sadevakena vā lokena “saraṇa”nti gamanīyato, abhithavanīyato, bhattivāsena kamanīyato ca sabbe te deve tehi tehi guṇehi abhibhuyya ṭhitoti sabbadevehi pūjanīyataro devo,

visuddhidevabhāvasaṅkhātassa vā sabbaññuguṇālaṅkāraṇa adhiḡatattā aññesaṅca devānaṃ atisayena devoti **devadevo**. **Devānanti** tadā dhammapaṭṭiggāhakānaṃ dasasahassacakkavāḷādhivāsīnaṃ mātudevaputtappamukhānaṃ upapattidevānaṃ. Visuddhidevānaṃpettha gahaṅanti vadanti. Te pana upapattidevesveva saṅgahitā manussaarahantānaṃ tattha abhāvato. **Devadevehi** visuddhidevehi. Visuddhidevā hi vuttanayena itaradevehi sātisayaṃ kīḷanādiyogato idha “devadevā”ti adhippetā, tehi. **Pūjīti** pūjītabbo, pūjītuṃ arahoti attho. Etena visuddhidevesupi bhagavato aggapuggalataṃ dīpeti. **Desesīti** madhurakaravīkasaddasadiṣaṃ brahmassaraṃ nicchārento pakāsesi. **Devalokasminti** tāvatīmsadevaloke. Sabhāvasāmaññalakkhaṇaṃ dhāretīti dhammo, kusalādibhedo abhidhammo, idha pana tappakāsakaṃ abhidhammapīṭakaṃ “**dhamma**”nti vuttaṃ. Tathā hi vakkhati “piṭakuttame”ti. **Devapurakkhatoti** dasasahassacakkavāḷavāsīdibbrahmehi purakkhato, parivāritoti attho.

Nanu ca “devāna”nti vacaneneva devapurakkhatabhāvo siddhoti kiṃ “devapurakkhato”ti vacanena? Nāyaṃ doso. Bhagavā hi kadāci cūḷapanthakattherādīnaṃ viya parammukhepi nisīditvā obhāsaṃ vissajjetvā sattānaṃ sammukhe nisinnaṃ viya dassento dhammaṃ deseti, kadāci pāraṇīkabhāvaṃ viya sammukhepi nisīditvā aññehi ca parivuto aññesaṃpi dhammaṃ deseti, idha pana na tathā, devehiyeva parivuto devānaṃ desetīti dassanattaṃ “devapurakkhato”tipi vattabbamevāti.

4. Evametasmaṃ pakaraṇe gāravajananattaṃ tena sampādetabbapāṭavavisayaṃ abhidhammapīṭakaṃ desakādisampattīhi saha vibhāvetvā idāni yathādhippetapakaraṇārambhapayojanābhidhānābhidheyyasotujanasamussāhanakaraṇappakārāni ca vibhāvetuṃ “**tatthāha**”ntiādi vuttaṃ. Tattha “pāṭavatthāyā”ti iminā pakaraṇārambhapayojanaṃ vuttaṃ. “Abhidhammāvatāra”nti iminā abhidhānābhidheyyāni. “Madhura”ntiādihi pakaraṇaṃ viseseti. “Samāsenā”ti ca iminā sotujanasamussāhanakaraṇappakārāni dāṭṭhabbaṃ. “Aha”nti kattubhūtaṃ attānaṃ niddisati. Tathā hi yo paro na hoti, so niyakajjhattasaṅkhāto attā “aha”nti vuccati.

Paṭuno bhāvo pāṭavaṃ, taṃyeva attho payojanaṭṭhenaṭi **pāṭavattho**, tadatthāya. Taṃ sandhāya vividhanayaggahaṇasamatthassa sutamayaññassa uppādanatthanti vuttaṃ hoti. Saṃsāre bhayaṃ ikkhanti, bhindanti vā pāpake akusale dhammeti **bhikkhū**, tesāṃ. Pīṭakaṅca taṃ uttamañcāti pīṭakuttamaṃ, tasmaṃ **pīṭakuttame**, abhidhammapīṭaketi adhippāyo. Tañhi pariyaṭṭibhājanatthato pīṭakaṃ, tīsu pīṭakesu visiṭṭhabhāvato uttamañcāti pīṭakuttamaṃ. Tattha **pariyaṭṭibhājanatthotī** pariyaṭṭiatthena ceva bhājanatthena ca. Tathā hi “mā pīṭakasampādānenā”tiādisu (a. ni. 3.66) pariyaṭṭi pīṭakanti vuccati. “Atha puriso āgaccheyya kudālapīṭaka”ntiādisu (ma. ni. 1.228; a. ni. 3.70) yaṃ kiñci bhājanampi. Tasmā idampi pariyaṭṭitabbatthena pariyaṭṭi, abhidhammatthānaṃdhāraṇatthena bhājanañcāti pariyaṭṭibhājanatthato pīṭakanti vuccati. Tenevāhu –

“Pīṭakaṃ pīṭakatthavidū,
Pariyaṭṭibhājanatthato āhu;
Tena samodhānetvā,
Tayopi vinayādayo ñeyyā”ti. (dī. ni. aṭṭha. 1.paṭhamamahāsaṅgītikathā; pārā. aṭṭha.
1.paṭhamamahāsaṅgītikathā; dha. sa. aṭṭha. nidānakathā);

Visiṭṭhabhāvo panassa lokavohāramatikkamma yathāsabhāvavasena desanato, visiṭṭhadhammakhandhavibhāvanato ca vedītabbo. Ettha hi “satto puggalo bhikkhū”tiādikāṃ lokavohāramatikkamma “khandhadhātuāyatana”ntiādinā yathādhammavaseneva bāhulladesanā pavattā, na itaresu viya yathāvuttavohārasena, yato idaṃ yathādhammasāsananti vuccati. Sabbasaṅkhatadhammavisīṭṭho cettha paññākkhandho visesato vibhāvito, tasmā tiṇṇampi pīṭakānaṃ buddhavadanabhāvepi yathāsabhāvānatikkamadesanādīto idameva tīsu pīṭakesu visiṭṭhanti yuttaṃ. Apica dhammātiṅkadhammavisēsabhāvato cassa visiṭṭhabhāvo vedītabbo. Abhidhamme hi nippadesato khandhāyatanaḡidhammānaṃ vibhattattā itaradvayato atirekatarā, visiṭṭhā ca pāḷi hoti, tasmā atirekassa, visiṭṭhassa ca pāḷidhammassa vasena idameva tīsu pīṭakesu uttamanti vuttuṃ vaṭṭati. Yathāvuttavisīṭṭhabhāvayogato yeva cetāṃ “abhidhammapīṭaka”nti vuccati abhi-saddassa visiṭṭhabhāvajotanato. Apica vuḍḍhimantādidhammānaṃ ettha vuttattā cetāṃ abhidhammapīṭakaṃ. Yathāhu porāṇā –

“Yaṃ ettha vuḍḍhimanto, salakkhaṇā pūjīta paricchinā;
Vuttādhiḡā ca dhammā, abhidhammo tena akkhāto”ti. (dī. ni. aṭṭha. 1.paṭhamamahāsaṅgītikathā; pārā. aṭṭha.
1.paṭhamamahāsaṅgītikathā; dha. sa. aṭṭha. nidānakathā);

Tathā hettha “rūpūpapattiyā maggaṃ bhāveti, mettāsahagatena cetasā ekaṃ disaṃ pharivā viharatī”tiādinā (dha. sa. 160 ādayo) vuḍḍhimantopi dhammā vuttā, “rūpārammaṇaṃ vā saddārammaṇaṃ vā”tiādinā (dha. sa. 1) nayena ārammaṇādīhi lakkhitabbattā salakkhaṇāpi “sekkhā dhammā asekkhā dhammā, lokuttarā dhammā”tiādinā nayena

pūjitā pūjārahāpi “phasso hoti, vedanā hotī” tiādinā (dha. sa. 1) nayena sabhāvaparicchinnattā paricchinnāpi “mahaggaṭā dhammā appamāṇā dhammā (dha. sa. tikamātikā 12, dukamātikā 99), anuttarā dhammā” tiādinā nayena adhikā viṣiṭṭhāpi dhammā vuttā, tasmā abhi-saddassa vuḍḍhiādiatthesupi pavattanato “vuḍḍhimanto dhammā etthā” tiādinā nibbacanena idam piṭakam “abhidhamma” nti vuccati. Abhidhammam otaranti anenāti **abhidhammāvataṛam** nāma pakaraṇam. Iminā panassa atthānugataṃ abhidhānaṃ dasseti. **Tu**-saddo padapūraṇe. Ācariyena hi gāthāpadapūraṇattham yebhuyyena tattha tattha nipatā vuccanti. Yattha pana nesam payoṇaviseso dissati, tattheva tamattham vakkhāma. **Madhuranti** nipariyāyato madhura-saddoṃ jivhāvīññeyye rasaviseso vattati, idha pana iṭṭhabhāvasāmaññena atthabyañjanasampatti madhurasaddena vuttā. Bhavati hi taṃsadisassa taṃsaddenābhidhānaṃ yathā “aggimāṇavo” ti. Tena pana madhurena yogato idampi madhuraṃ yathā nīlagaṇayogato nīluppalanti. Nipunaḡambhīrāya byañjanasampattiyā ceva atthasampattiyā ca abhidhammavisayaṃ matim vaḍḍhetīti **mativaḍḍhanaṃ**. Atha vā byañjanasampattiyā “**madhura**” nti vuttam, atthasampattiyā “**mativaḍḍhana**” nti.

5. **Tāḷanti** kuṅcikaṃ, kuṅcikasadisanti attho. Muihanti tenāti moho, avijjāyetaṃ adhivacanaṃ, mohoyeva abhidhammamahāpuraṃ pavasantānaṃ pavesananivāraṇattā kavāṭabhūtoti **mohakavāṭam**, tassa. Vighāṭeti, vighāṭiyati anenāti vā **vighāṭanaṃ**. Nanu ca avijjāḡavāṭam paññāya ugghāṭiyati. Sā hi tassā ujuvipaccanīkabhūṭāti? Saccam, idampi tassā kāraṇabhāvena “mohakavāṭavighāṭanakara” nti vuttam. Kāraṇakāraṇampi hi kāraṇavasena vuccati yathā “corehi gāmo daḍḍho, tiṇehi bhattam siddha” nti.

6. **Suduttaranti** dhammatthadesanāpaṭi vedhasaṅkhātacatugambhīrabhāvapaṭisaṃyuttatāya mandabuddhīhi taritum asakkuṇeyyattā atiduttaram, teneva cetaṃ mahodadhisamānattā “**mahodadhī**” ti vuttam. Mahaṇṇavopi hi caturāsītiyojanasahassagambhīro na sakkā aññatra sinerupabbatarājato kenaci patiṭṭham laddhum, evamidampi catugambhīratāpaṭisaṃyuttam aññatra tathāgatā na kenaci patiṭṭham laddhum sakkāti. **Tarantānanti** atthaggaṇavasena uttaritukāmānaṃ. Ettha ca “taraṃvā” ti adhikārasena vattabam, vakkhamānaṃ vā ānetvā sambandhitabam. **Tarantānanti** paratīrasampāpuṇanattam uttarantānaṃ. **Taraṃvāti** ulumpaṃ viya, taṃsamānanti attho. Makarā nāma macchajātikā, tesam ākaro nivāsabhūmīti **makarākaro**, tam.

7. Abhidhamme niyuttā **ābhidhammikā**, tesam. Hatthasāraṃ viyāti **hatthasāraṃ**. Yathā hi manussānaṃ bahūsu ratanādīsu vijjamānesupi āpadāsu ca sukharibhogattham hatthe kayiramānaṃ sāratanādikaṃ “hatthasāra” nti vuccati, evamidampi satipi mahante abhidhammapīṭake tassa sabbaso vittiṇṇatāya pariharitum asakkuṇeyyattā tadatthasārasampiṇḍanavasena kayiramānaṃ ābhidhammikabhikkhūnaṃ sukharipharanattāya sampajjati hatthasārasadisattā “hatthasāra” nti vuttam. **Pavakkhāmīti** pakārena kathessāmi, anāgatavacanañcetaṃ, vattamānasamīpattā vā anāgate vattamānūpacāro vattamānavacanaṃ, paṭiññānantarameva vakkhatīti. Atthavasena pakārena kathentopi saddavasena saṅkhipivā kathessāmīti dassento āha “**samāsenā**” ti. Samasanaṃ saṃkhipanaṃ samāso, tena **samāsenā**, na byāsavasenāti vuttam hoti. Ettāvātā ca payoṇanābhidhānābhidheyyasotujanasaṃussāhanakaraṇappakāraṇi dassetvā idāni yasmā sotujanasaṃussāhanaṃ nāma tesam sakkaccasavane niyuṇjanaṃ, tasmā te tattha niyojento āha “**taṃ suṇātha samāhitā**” ti. Sakkaccasavanapaṭibaddhā hi sammāpaṭipattīti. Tattha **tanti** tam mayā vakkhamānaṃ abhidhammāvataṛam **suṇātha** nisāmayatha. **Samāhitā** sammā āhitā, avikkhittacittāti attho.

Ganthārambhakathāvaṇṇanā niṭṭhitā.

1. Paṭhamo paricchedo

Cittaniddeso

Kāmāvacarakusalavaṇṇanā

8. Evaṃ tāva ratanattayappaṇāmādikam dassetvā idāni yathāradhappakaraṇassa atthasārīrabhūtamabhidhammam saṅkhepato uddisanto āha “**cittam cetasika**” ntiādi. Tattha cittasaddassa tāva vacanattam sayameva anantaram vipaṅceti. “**Cetasika**” ntiādisu pana avippayogībhāvena cetasi citte niyuttam, tattha vā bhavaṃ tadāyattavuttiyāyāti **cetasikam**, vedanādikkhandhattayassetam adhivacanaṃ. Ruppanti, rūpiyati vā **rūpam**, sītuṇhādīhi vikāramāpajjati, āpādiyati attho, catunnaṃ mahābhūtanam, catuvīsatiupādārūpānaṃ vasena atṭhavīsatiyidhassa rūpakkhandhassetam adhivacanaṃ. Bhavābhavaṃ vinanato saṃsibbanato vānaṃ vuccati taṇhā, na vijjati sā ettha, tato vā nikkhantaṃ etanti **nibbānaṃ**, amataṃ asaṅkhatam vatthu. **Iti**-saddo nidassane. Natthi etassa uttaritaroti **niruttaro**. Atha vā catuvesārajjavihāratā natthi etassa uttaram paccanīkavacanaṃ **niruttaro**. Nāṇappahānantarāyaniyyānikesu hi sadevake loke na koci satthu sahadhammikaṃ uttaram vacanaṃ kathetum samattho atthīti. Tatra bhagavā urāsābhāvato visāradova hoti. Vuttañhetam bhagavatā –

“Sammāsambuddhassa te paṭijānato ime dhammā anabhisambuddhāti tatra vata maṃ samaṇo vā brāhmaṇo vā devo vā māro vā brahmā vā koci vā lokasmiṃ sahadhammena paṭicodessatīti nimittametam, sārīputta, na samanupassāmi, etamahaṃ, sārīputta, nimittam asamanupassanto khemappatto abhayappatto vesārajjappatto viharāmi.

“Khīṇāsavassa te paṭijānato ime āsavā aparikkhīṇāti tatra vata maṃ...pe... viharāmi.

“Ye ca kho pana te antarāyikā dhammā vuttā, te paṭisevato nālam antarāyāyāti tatra vata maṃ...pe... viharāmi.

“Yassa kho pana te atthāya dhammo desito, so na niyyāti takkarassa sammā dukkhakkhayāyāti tatra vata maṃ...pe... viharāmi”ti (ma. ni. 1.150).

Cattāri ariyasaccāni pakāsetīti **catusaccappakāsano**. Dukkhasamudayanirodhamaggavasena hi cattāri ariyasaccāni. Yathāha, “cattārimāni, bhikkhave, ariyasaccāni. Katamāni cattāri? Dukkham ariyasaccam, dukkhasamudayam ariyasaccam, dukkhanirodham ariyasaccam, dukkhanirodhagāminī paṭipadā ariyasacca”nti (saṃ. ni. 5.1083). Tattha tebhūmakā dhammā anekupaddavādhiṭṭhānatāya dhuvasubhādivirahena, kucchitatucchaṭṭhena **ca dukkham** nāma. Kammādivisesapaccayasamavāye dukkhuppattikāraṇabhāvena taṇhā **samudayo** nāma “samecca udeti dukkham imasmā”ti katvā. Dukkhasa anuppādanirodhapaccayattā **dukkhanirodho** nibbānam. Tam pana dukkhanirodham ālambaṇakaraṇavasena gamanato pāpuṇanato, tadadhigamāya paṭipadābhāvato cāti **“dukkhanirodhagāminī paṭipadā”**ti lokuttaramaggo vuccati. Saccaṭṭho pana tesam tacchāvīparītabhūtabhāvato veditabbo. Vuttañhi “idaṃ dukkhanti, bhikkhave, tathametam avitathametaṃ anaññathameta”nti (saṃ. ni. 5.1090) vitthāro. Ettha pana catunnam ariyaphalānam, ariyamaggasampayuttānañca saccavinissaṭṭabhāvepi idha magganibbānappakāsanatāvacaneneva tappakāsanatthampi vuttam hoti, anāsavabhāvena ekalakkhaṇattā taṃtaṃhetukavisayabhāvato cāti daṭṭhabbam.

Ettha ca “niruttaro catusaccappakāsano”ti imehi bhagavato cittādicatubbidhadhammadesanānukūlaguṇavisesam dasseti atathāvidhassa taṃdesanāsāmatthiyāyogato. Atha vā “niruttaro”ti vacanena catubbidhadhammassa anaññatthattam dīpeti. “Catusaccappakāsano”ti pana iminā ye te dhammā bhagavatā vineyyaparipācanattham desitā, na te idha adhippetā. Ye pana paripācītehi tehi abhisametabbavasena dukkhādayo catubbidhā vuttā, teyeva uddisitabbatthena adhippetāti dasseti.

Evam saṅkhepato cattāro dhamme uddisitvā idāni uddeso nāma niddesatthāya hotīti yathāuddiṭṭhadhamme niddisitum **“tattha citta”**ntiādi āradham. Tattha **tatthāti** tesu cittādīsu dhammesu. **Visayavijānaṃ cittanti** yaṃ visayasāṅkhātassa ārammaṇassa vijānaṃ upaladdhi, taṃ cittanti attho. Iminā pana cittassa ārammaṇapaṭibaddhavuttitaṃ, aniccataṃ, akārakatañca dīpeti. “Visayavijāna”nti hi ārammaṇena cittaṃ upalakkhento tassa tadāyattavuttitaṃ, taṃdīpanena ca tadabhimukhakāleyeva uppattidīpanato aniccabhāvañca dīpeti. Bhāvaniddesena pana vijānanamattadīpanato akārakabhāvaṃ. Yathāpaccayañhi pavattimattamevetam, yadidaṃ sabhāvadhammo nāmāti. Evañca katvā sabbesampi cittacetasikadhammānaṃ bhāvasādhanameva nipariyāyato labbhati. Yaṃ pana “cintetīti cittaṃ, tena cittaṃ vicaratīti vicāro”tiādinā kattukaraṇavasena nibbānaṃ vuccati, taṃ pariyaṅkathananti veditabbam. Sakasakakicesu hi dhammānaṃ attappadhānatāsamāropanena kattubhāvo, tadanukūlabhāvena taṃsampayuttadhammasamūhe kattubhāvasamāropanena karaṇattañca pariyaṅkatova labbhatīti. Tathā nidassanaṃ pana dhammasabhāvato aññassa kattādino abhāvaparidīpanatthanti veditabbam.

“Visayavijāna”nti ca etena cittassa ārammaṇūpaladdhilakkhaṇatā vuttāti idānissa rasādīni vuccanti. Pubbaṅgamarasañhi cittaṃ sandhānapaccupaṭṭhānaṃ nāmarūpapadaṭṭhānaṃ. Dvāraṃ patvā tadārammaṇaṃ hi vibhāvanaṭṭhena cittaṃ pubbaṅgamaṃ purecārikaṃ. Tathā hi cakkhudvārena daṭṭhabbam rūpārammaṇaṃ citteneva jānāti...pe... manodvārena viññātabbam dhammārammaṇaṃ citteneva jānāti. Yathā hi nagaraguttiko nagaramajje siṅghātake nisīditvā “ayaṃ nevasiko, ayaṃ āgantuko”ti āgatāgataṃ janaṃ upadhāreti, evam sampadamidaṃ daṭṭhabbam, tasmā dvāraṃ patvā tadārammaṇaṃ vibhāvanaṭṭhena purecārikanti **pubbaṅgamarasaṃ**. Pacchimaṃ pacchimaṃ uppajjamānaṃ purimaṃ purimaṃ nirantraṃ katvā sandahamānamiva upaṭṭhāti, gahaṇabhāvaṃ gacchatīti **sandhānapaccupaṭṭhānaṃ**. Pañcavokāre panassa niyamato nāmarūpaṃ, catuvokārabhave nāmameva padaṭṭhānanti **nāmarūpapadaṭṭhānañca** hoti. Nānattaṃ pana lakkhaṇādīnaṃ upari vakkhamānanayena veditabbam. Vakkhati hi **rūpaparicchede** –

“Sāmaññaṃ vā sabhāvo vā, dhammānaṃ lakkhaṇaṃ matam;
Kiccaṃ vā tassa sampatti, rasoti paridīpito.

“Phalaṃ vā paccupaṭṭhānaṃ, upaṭṭhānanayopi vā;
Āsanna-kāraṇaṃ yaṃ tu, taṃ padaṭṭhānasaññita”nti. (abhidha. 633-634);

Yattha yattha pana lakkhaṇādāni vuccanti, tattha tattha imināva nayena tesam nānattaṃ veditabbaṃ.

Vacanaṭṭhavi-jānanena viditacittasāmaññassa uttari cittavibhāgo vuccamāno sobheyyāti vacanaṭṭhavi-jānanameva tāva ādimhi yuttataranti taṃ tāva kathetukamyatāya pucchati “**tassa pana ko vacanaṭṭho**”ti. Pañcavidhā hi pucchā – (dī. ni. aṭṭha. 1.7; ma. ni. aṭṭha. 1.449; saṃ. ni. aṭṭha. 2.2.1; a. ni. aṭṭha. 1.1.170) aditṭhajanāpucchā diṭṭhasaṃsandanāpucchā vimaticchedanāpucchā anumati-pucchā kathetukamyatāpucchāti. Tattha yaṃ aññātaṃ aditṭhaṃ, tassa ñāyā dassaṇāya pañhākaraṇaṃ **aditṭhajanāpucchā** nāma. Yaṃ pana ñātaṃ diṭṭhaṃ, tassa aññehi paṇḍitehi saṃsandanāthāya pañhākaraṇaṃ **diṭṭhasaṃsandanāpucchā** nāma. Pakatiyā pana saṃsayapakkhandaṇassa attano saṃsayasamugghāṇaṭṭhaṃ pañhākaraṇaṃ **vimaticchedanāpucchā** nāma. “Taṃ kiṃ maññatha, bhikkhave, rūpaṃ niccaṃ vā aniccaṃ vāti? Aniccaṃ, bhante. Yaṃ panāniccaṃ, dukkhaṃ vā taṃ sukhaṃ vā”tiādinaṃ (saṃ. ni. 3.79; mahāva. 21) anumati-ggaṇaṭṭhaṃ pañhākaraṇaṃ **anumatipucchā** nāma. “Cattārome, bhikkhave, satipaṭṭhānā. Katame cattāro”tiādinaṃ (dī. ni. 2.373; saṃ. ni. 5.402-404) pana taṃtaṃdhammānaṃ desanādhippāyena pañhākaraṇaṃ **kathetukamyatāpucchā** nāma.

Tāsu purimā tisso ācariyānaṃ na sambhavanti. Na hi te ganthakaraṇaṭṭhāya ārabhitvā idāni aditṭhaṃ jotenti, diṭṭhaṃ saṃsudenti, saṃsayam vā pakkhandanti tabbisodhana-pubbakameva ganthakaraṇe abhinivesanato. Itarā pana dve sambhavanti. Tāsu ayaṃ kathetukamyatāpucchā. Apica codanaṃ samuṭṭhāpentā ācariyā aññaṃ codakaṃ parikappetvā tassa vacanasena samuṭṭhāpentīti taṃvasenettha aditṭhajanāvivicchedanāpucchāpi labbhantevāti daṭṭhabbaṃ. **Tassāti** tassa citta-saddassa. Citta hi adhigate tassa vācako saddopi saṃsariyato adhigatova hotīti tassa idha ta-saddena pariggaho. Keci pana “tassa cittassā”ti atthaṃ vadanti, taṃ “tassa ko vacanaṭṭho”ti iminā na sameti. Na hi cittassa “ko vacanaṭṭho”ti pucchā sambhavatīti.

Idāni yathāpucchitamattaṃ viśajjetuṃ “**vuccate**”ti tāva paṭiññaṃ katvā “**sabbasaṅgāhakavasena**”tiādinaṃ viśajjanamāradhāṃ. Tattha **sabbasaṅgāhakavasena**ti heṭṭhimantato cakkhuvīññādayo upādāya sabbesaṃ ārammaṇavijānanasabhāvattā tesam sabbesameva saṅgāhakavasena, na pana vakkhamānanibbacanesu viya yathālābhavasenaṭṭhi attho. **Cintetīti** vijānāti. Cintenti tena gocaranti vā **cittaṃ**. Sampayuttadhammānaṃ kattutāsamāropanena hissa karaṇabhāvo labbhati. Sabbasaṅgāhakavasena tāva atthaṃ dassetvā idāni yathālābhavasenaṭṭhi dassetuṃ “**attasantānaṃ vā cinotīti**”tiādī vuttam. Sabbacittasādhāraṇattā hi citta-saddassa yattha yattha yathā yathā attho labbhati, tattha tattha tathā tathā gahetabbo. Yassa pana cittassa yathāvuttaatthaviseso na labbhati, taṃ ruḥhivasena cittanti veditabbaṃ. Yathā kilāñjādīhi katampi tālapanṇehi katasarikkhakatāya ruḥhīsaddena “tālavanṭa”ntveva vuccatīti. **Attasantānanti** sakasantānaṃ, javanasantānanti attho. Atta-saddassa hi parapaccanīkavacanaṭṭhā attano santānoti sadisavasena uppajjamāno javanasantāno vuccati. Taṃ **cinoti** rāsīṃ karotīti ayamatto sāsevanakānaṃ javanacittānaṃ vasena daṭṭhabbo. Tāni hi purejātāni pacchājātānaṃ āsevanapaccayā hutvā attano javanasantānassa paṇḍabala-vabhāvākaraṇena taṃ cinanti nāma. **Vā**-saddo asabbasaṅgāhakatthavikappane. **Pi**-saddo kiriyāsampiṇḍanatthe. Atha vā “sabbasaṅgāhakavasena”ti imassa idhāpi sambandho hotīti idampi sabbasaṅgāhakavasena vuttanti gayhamāne attasantānanti viññānavacanaṭṭhānaṃ attasaddassa sakatthavuttitāyeva taṃvasena cittasantānanti attho. Anantarādipaccayavasena hi cittasantānassa abbotchinnappavattikaraṇato sabbameva cittajātaṃ cittasantānaṃ cinoti nāma. Imasmīṃ panatthe **vā**-saddo kiriyāvīkappanatto. **Pi**-saddo “citta”nti imassa ākaḍḍhanattho daṭṭhabbaṃ. Purimapakke pana cittanti adhikāratova gahetabbaṃ.

9. Vicittaṃ karoti, vicittassa vā karaṇanti vicittakaraṇaṃ, tato **vicittakaraṇā**, vicittacittakammādīnaṃ karaṇatoti attho. Lokasmiñhi yaṃ kiñci cittakammādibhedam vicittaṃ sippajātaṃ, sabbam taṃ citteneva cintetvā kariyatīti. Tenāha bhagavā – “diṭṭhaṃ vo, bhikkhave, karaṇaṃ nāma cittanti? Evaṃ, bhante. Tampi kho, bhikkhave, karaṇaṃ nāma cittaṃ citteneva cintita”nti (saṃ. ni. 3.100). Svāyamattho saviññattikānaṃ bāttimsacittānamupalabbhati. Sāsavakusalākusalaṃ vā vicittagatiādīkaraṇato vā vicittakaraṇaṭṭhena cittaṃ. Nanu ca vicittagatiādāyo kammavasena nipphajjanti. Yathāha –

“Kammañānākaraṇaṃ paṭicca sattānaṃ gatiyā nānākaraṇaṃ paññāyati apadā dvipadā catuppadā bahuppada rūpino arūpino saññino asaññino nevasaññīnāsaññino, kammanānākaraṇaṃ paṭicca sattānaṃ upapattiyā nānākaraṇaṃ paññāyati uccanīcatā hīnapanītatā sugataduggatā, kammanānākaraṇaṃ paṭicca sattānaṃ attabhāve nānākaraṇaṃ paññāyati suvaṇṇadubbaṇṇatā sujātadujjātātā susaṇṇhitadussaññhitātā, kammanānākaraṇaṃ paṭicca sattānaṃ lokadhamme nānākaraṇaṃ paññāyati lābhālābhe yasāyase nindāpasamāsāyaṃ sukhadukkhe”ti (dha. sa. aṭṭha. 1).

Tasmā kammabhedanibbattattā gatiādīnaṃ cittatā. Kammanti ca cetasikadhammabhūtā cetanā, abhijjhādayo ca

vuccanti, na cittanti. Kathaṃ cittassa vicittagatiādikaraṇanti? Vuccate – kamma citta sannissittā tannipphāditampi citteneva kataṃ hoti, yathā rājayodhena parājito satturaññā jitoti vuccati. Vicittaṃ karaṇamassāti vā **vicittakaraṇaṃ**. Tato ekaṭṭhānikavajjitañhi cittaṃ paccekaṃ paṭisandhādivicittakiriyavantatāya, sabbameva vā cittaṃ āvajjanādiaññaṃaññavisadisakiriyavantatāya vicittakaraṇaṃ yuttanti. Sabbavikkappesupi “rūpabhavo rūpa”ntiādīsu viya uttarapadalopo citta-pariyāyena ca vicitta-saddena vā viggaho vi-saddalopo vā daṭṭhabbo. Atha vā “**vicittakaraṇā**”ti idaṃ citta-vicittabhāvassa ñāpakahetuniddassanaṃ. Tena yasmā idaṃ vicittakaraṇaṃ, tasmā tassa vicittassa nipphādakaṃ sayampi tatheva vicittanti viññātabbanti evaṃ karaṇavicittatāya vicittatā cittanti dassento āha “**attano cittatāya vā**”ti. Tatha yasmā aññadeva kusalaṃ, aññaṃ akusalaṃ, aññaṃ abyākataṃ, aññaṃ kāmāvacaraṃ, aññaṃ rūpāvacarādibhedam, aññaṃ sarāgaṃ, aññaṃ vītarāgaṃ, aññaṃ sadosaṃ, aññaṃ vītadosaṃ, aññaṃ samohaṃ, aññaṃ vītamohaṃ, aññaṃ rūpāramaṇaṃ, aññaṃ saddādiāramaṇaṃ, rūpāramaṇesu ca aññaṃ nīlāramaṇaṃ, aññaṃ pītādiāramaṇaṃ. Evaṃ saddāramaṇādīsupi yathāsambhavaṃ. Sabbesu ceva tesu aññaṃ hīnaṃ, aññaṃ majjhimam, aññaṃ paṇītam, hīnādīsu ca aññaṃ chandādhipeyyam, aññaṃ cittādhipeyyam, aññaṃ vīriyādhipeyyam, aññaṃ vīmaṃsādhipeyyanti evamādinā jātibhūmisampayuttaāramaṇahīnamajjhimapaṇītaadhipeyyanti vasaṇa vicittamanekappakāraṃ, tasmā imāya attavicittatāya vā cittanti vuccatīti.

Kāmañcetta ekameva cittaṃ evaṃ vicittaṃ nāma na hoti, vicittānaṃ pana antogadhattā etesu yaṃ kiñci ekampi vicittatāya cittanti vattum vaṭṭati samudāyavohārena avayavassāpi vohariyamānattā yathā pabbatanadīsamuddādīnamekadesā diṭṭhā pabbatādayo diṭṭhāti, yathā ca ekekacittasampayuttāpi vedanādayo rāsaṭṭhena khandhavohārena “vedanākkhandho saññākkhandho”tiādīnā vuccanti. Apicetta vipākaviññānaṃ kammakilesehi citanti cittaṃ, taṃ kilesasahāyena kammunā phalabhāvena nibbattitaṃ tehi citaṃ nāma hoti. Hotu tāvidaṃ lokiyavipākaṃ sandhāya, lokuttaraṃ pana patvā kathanti? Vuccate – “katame dhammā kusalā, yasmim samaye lokuttaraṃ kusalaṃ cittaṃ uppannaṃ hoti...pe... tasmim samaye avijjāpaccayā saṅkhārā”tiādīnā ariyamaggacetaṇāyapi avijjūpanissayabhāvassa pakāsittā lokuttarakusalassāpi anusayā upanissayā hontīti tannibbattitassa vipākassa kammakilesasañcitātāpariyāyo labbhātīti. Citaṃ tāyatīti vā **cittaṃ**. Kammādisañcitopi hi attabhāvo viññānūparame matoti vuccati. Yathāha –

“Āyu usmā ca viññānaṃ, yadā kāyaṃ jahantimaṃ;
Appaviddho tadā seti, niratthaṃva kalīngara”nti. (saṃ. ni. 3.95);

So panāyaṃ citta-saddo kiñcāpi anekatthesu dissati. Tathā hesa “citto ca gahapatī”tiādīsu (a. ni. 2.133; 4.176) paññattiyam āgato. “Sabbo loko paracittena acitto”tiādīsu viññāne. “Nāhaṃ, bhikkhave, aññaṃ ekanikāyampi samanupassāmi, evaṃ citta”ntiādīsu (saṃ. ni. 3.100) vicitte, nānappakāreti attho. “Caraṇaṃ nāma citta”ntiādīsu citta-kammake. Idha pana catubbidhadhamme niddesato pakaraṇavasena yathāvuttavacanathayutto viññānavacanova daṭṭhabboti imamatthaṃ dassento āha “**paññattiyampi**”tiādī. Paññāpīyati etāyati **paññatti**, tassaṃ nāmapaññattiyanti attho. Cittoti hi ekassa gahapatino nāmaṃ. **Pi**-saddo vakkhamānasampiṇḍanatho. **Viññāṇeti** savipākāvipākabhede citte. Tañhi vijānanaṭṭhena “viññāṇa”nti vuccati. Yathāha – “vijānātīti kho, bhikkhave, viññānaṃ, tasmā viññānanti vuccatī”ti. **Cittasammūtīti** cittavohāro. **Daṭṭhabbātīti** viññātabbā. **Idhātīti** imasmim catubbidhadhammaniddesaṭṭhāne. **Viññunātīti** vijānatā, ābhidhammikenātīti attho.

Vibhāgavantānaṃ dhammānaṃ sabhāvavibhāvanaṃ vibhāgena vinā na hotīti cittassa vibhāgaṃ dassetuṃ “**sāramaṇato**”tiādī āradham. Tatha ālambanti taṃ nissāya pavattantīti āramaṇaṃ, paccayo, gocaro ca. Tathā hi “labhātīti māro āramaṇaṃ, labhātīti māro otāra”ntiādīsu (dī. ni. 3.80) paccayo “āramaṇa”nti vuccati. “Nimittaṃ assāsapassāsā, anāramaṇamekacittassā”tiādīsu (paṭi. ma. 1.159) gocaro. Idha pana ubhayampi vaṭṭati sabbasseva cittassa sappaccayasagocarattā. Saha āramaṇena vattati tadavinābhāvatoti **sāramaṇaṃ**. Bhāvappadhānaniddesavasena cettha sāramaṇabhāvo sāramaṇa-saddena vutto yathā “idampi buddhe ratanaṃ paṇītam (khu. pā. 6.3). Cakkhu suññaṃ attena vā attaniyena vā”tiādīsu (saṃ. ni. 4.85) ratanaattattaniyādibhāvo ratanādīhi saddehīti, tato sāramaṇabhāvatoti attho. Evamaññatthāpi yathānurūpaṃ daṭṭhabbaṃ. **Ekavidhanti** ekappakāraṃ, ekakoṭṭhāsanti attho.

Savipākāvipākatoti vipākuppādanasabhāvassa vijjānānavijjānābhāvato. Vipāka-saddo hi dvīsu atthesu pavattati. Katthaci vipākabhāvamāpannesu arūpadhammesu, katthaci vipākuppādanasabhāve. Tathā hesa “vipākā dhammā”tiādīsu (dha. sa. tikamātikā 3) vipākabhāvamāpannesu arūpadhammesu pavattati. “Vipākadhammadhammā”tiādīsu (dha. sa. tikamātikā 3) vipākuppādanasabhāve. Idha pana vipākuppādanasabhāvo daṭṭhabbo. Itarathā hi abhiññākusalādīnaṃ savipāka-pade asaṅgahitabhāvāpatti siyā. Tathā hi yadi vipākabhāvamāpannā eva dhammā idha gahitā siyūṃ, te yassa santi, taṃ savipākamitaramavipākanti abhiññākusalassa ceva kadāci avipākassa diṭṭhadhammavedaniyādikammassa bhāvanāyapahātābbākusalassa ca

vipākuppattiyā abhāvato avipāka-padasaṅgaho siyā, evañca sati “avipākaṃ abyākata”nti vakkhamānattā nesam abyākatabhāvo āpajjati, na cetamiṭṭhaṃ kusalākusalāniddeseveva tesam niddesato. Vipākuppādanasabhāve pana gahite taṃsabhāvo nāma anupacchinnāvijjamānataṅhānusayasmim̐ santāne sabyāpārappavatti evāti tassā tesupi atthitāya asatipi vipākuppādane savipāka-padasaṅgaho siddhoti na koci iṭṭhaviḅhāto āpajjati. Yena pana kāraṇena abhiññākusalādikamavipākaṃ, yo cettha vattabbo vinicchayo, taṃ sabbam̐ tassa tassa āgataṭṭhāneyeva dassayissāma.

Katamaṃ panettha savipākaṃ, katamamavipākanti codanaṃ sandhāyāha “**tattha savipāka**”ntiādi. **Abyākatanti** vipākakiriyaavasena duvidhamabyākatam̐. Tesu vipākacittam̐ tāva ādāsatale mukhanimittam̐ viya nirussāhattā vipākuppādane asamattam̐. Kiriyaचित्तसु ca yadetaṃ khīṇāsavasantāneyeva niyatamaṭṭhārasavidham̐ viññāṇam̐, taṃ upacchinnabhavamūlāya santatiyaṃ pavattatīti samucchinnamūlāya latāya pupphaṃ viya phaladāyī na hoti. Āvajjanadvayaṃ pana anupacchinnabhavamūlepi santāne pavattamānaṃ anāsevanabhāvena dubbalattā moghapupphamiva bījabhāve asamattam̐ aphalameva. Iti sabbametaṃ abyākataṃ vipākārahataḅhāvato avipākanti vuttam̐ “avipākaṃ abyākata”nti. Jāyanti ettha asadisāpi sadisākārāti jāti, samānākāro, kusalākusalābyākatānaṃ jāti kusalākusalābyākatajāti, tassā bhedato **tividham̐** kusalam̐ akusalam̐ abyākatanti. Vacanatthapucchāya payojanaṃ vuttameva.

10. “Kucchitāna”ntiādi vissajjanaṃ. Tattha **kucchitānanti** ninditānaṃ, asuci viya nāgarikehi viññūhi garahitabbānaṃ pāpadhammānanti attho. **Salanatoti** hiṃsanato, apanayanato vā. Kusalañhi yathānurūpaṃ tadanādivasena akusaladhamme pajahantaṃ te hiṃsati, apanayatīti vā vuccati. Atha vā **salanato** saṃvaraṇato, pidahanatoti attho. Kusaladhammavasena hi akusalappavattinivāraṇena, appavattidhammatāpādanena ca manacchaṭṭhesu dvāresu appavattiyā saṃvutā pihitā honti. **Kusānanti** rāgādiasucisampayogena nānāvīhadukkhahetutāya ca kucchitenākārena appahīnabhāvena santāne sayanti pavattantīti kusā, pāpadhammā. Atha vā kucchitānaṃ pāṇātipātādīnaṃ sāvajjadhammānaṃ sānato nisānato tejanato kusā, dosalobhādayo. Dosādīnañhi vasena cetanāya tikkhabhāvappattiyā pāṇātipātādīnaṃ mahāsāvajjajātīti. Tesam̐ **lavanena** chindanena yathānurūpaṃ pajahanenāti attho. **Kusenāti** kucchitānaṃ sānato tanukaraṇato, osānākaraṇato vā “kusā”ti laddhanāmena ñāṇena. **Lātabbattāti** ādātabbattā, sahaajātaupanissayabhāvena santāne pavattetabbattā. Ñāṇañhi tihetukakusalam̐ sahaajātabhāvena ceva upanissayabhāvena ca, duhetukakusalam̐ upanissayabhāveneva santāne pavatteti. Evañca katvā kosallasambhūtaṭṭho kusalaṭṭhoti sabbakusalānaṃ sādharmaṇavasena attho vuccati. Atha vā **kusenāti** jātisaddatāya ekavacananiddeso, kusehīti pana attho. Puññakiriyaavasena hi pavattāni saddhādīni indriyāni yathāvuttanayena “kusāni”ti vuccanti, tehi **lātabbattā** vuttanayena pavattetabbattā. Apicettha –

“Kuso viya lunātīti, kusā viya lunāti vā;
Kusalam̐ kuṃ saletīti, lunāti kusamiccap”ti.

Tattha yathā kuso gahito ubhayabhāgagataṃ hatthapadesam̐ lunāti, evamidampi uppannānuppannavasena ubhayabhāgagataṃ kilesapakkham̐ lunāti chindati, seyyathāpi – “anuppannānaṃ pāpakānaṃ akusalānaṃ dhammānaṃ anuppādāya chandaṃ janeti, vāyamati, uppannānaṃ...pe... pahānāyā”ti āgataṃ sammappadhānaṃ. Tasmā **kuso viya lunātīti kusalam̐**. **Kusā viya lunātīti** ettha “ku”iti bhūmi vuccati, dhammānaṃ adhiṭṭhānabhāvena taṃsadisatāya idha rūpārūpakkhandho vutto. Attano nissayabhūtassa tassa etarahi, āyatiñca anudahanato vināsanato kuṃ sāyantīti kusā, rāgādayo, te viya attano nissayaṃ lunāti chindatīti **kusalam̐**. Payogasampādītā hi kusaladhammā accantameva rūpārūpadhamme appavattikaraṇena samucchindanti anupādisesanibbānadhātupāpanatoti. Vuttanayena pana “ku”nti laddhanāmassa rūpārūpakkhandhassa salanato apanayanato **kuṃ saletīti kusalam̐**. **Kusam̐ lunātīti** pana kucchitā ettha sayantīti kuso, kāyo, taṃ lunāti yathāvuttavasenevāti **kusalam̐**.

11. Idāni kusala-saddassa atthuddhāradassanattamāha “**cheke kusala-saddoya**”ntiādi. Tattha “kusalo tvam̐ rathassa aṅgapaccāṅgānaṃ (ma. ni. 2.87), kusalānaccagītassa, sikkhitā caturitthiyo”tiādīsū (jā. 2.22.94) **cheke** diṭṭho, chekapariyāyo pavīṇatthoti attho. “Kacci nu bhoto kusalam̐, kacci bhoto anāmaya”ntiādīsū (jā. 1.15.146; 2.20.129) **ārogye**. “Katamo pana, bhante, kāyasamācāro kusalo? Yo kho, mahārāja, kāyasamācāro anavajjo”ti (ma. ni. 2.361) ca “aparam̐ pana, bhante, etadānuttariyaṃ, yathā bhagavā dhammaṃ deseti kusalesu dhammesū”ti (dī. ni. 3.145) ca evamādīsū **anavajje**. “Kusalānaṃ dhammānaṃ samādhānāhetu evamidam̐ puññaṃ vaḅḅhati (dī. ni. 3.80), kusalassa kammassa katattā upacittatā”ti (dha. sa. 431) ca ādīsū **iṭṭhaviḅake**. **Anavajjādiketi** anavajjaiṭṭhaviḅake, “anavajjādike”ti ca attanā vakkhamānalakkhaṇassa anurūpattā vuttam̐, na pana ārogyatthassa asambhavato. Kilesarogassa hi abhāvato kusalam̐ ārogyam̐ hoti.

Vajjā rāgādayo, te yassa na santi, taṃ anavajjam̐, iṭṭho vipāko catukkhandhasaṅkhāto yassa, taṃ iṭṭhaviḅakam̐, iṭṭhaviḅakatā cassa taṃsabhāvavantaṭṭāya daṭṭhabbā, na tassa avassam̐ iṭṭhaviḅakasambhavato yeva, lakkhīyati anenāti lakkhaṇam̐, anavajjañca taṃ iṭṭhaviḅakañcāti anavajjaiṭṭhaviḅakam̐. Taṃ lakkhaṇamassāti **anavajjaiṭṭhaviḅakalakkhaṇam̐**.

Nanu ca kusalameva anavajjaiṭṭhavipākam, vuttaniyāmena pana anavajjaiṭṭhavipākato aññaṃ kusalam siyā. Na hi sayameva attano lakkhaṇanti sakkā vattunti? Nāyaṃ doso pariññātāpariññātavacanatthabhāvabhede ekassāpi lakkhitabbalakkhaṇabhāvaparikkappanato. “Anavajjaiṭṭhavipāka”nti hi pariññātavacanattham. “Kusala”nti pariññātavacanattham. Evañca yena sabhāvena pariññātavacanatthassa saddassa attho hoti, yena ca pariññātavacanatthassa, tesam pariññātāpariññātavacanatthasabhāvānaṃ bhedenā taṃsamaṅgissa kusalassa ekassāpi bhedo parikkappiyati yathā “pure bhavaṃ paṭu āsi, paṭutaro etarahī”ti guṇabhedenā, vatthubhedenā ca parikkappiyati, tasmā pariññātavacanatthabhāvena lakkhaṇam, pariññātavacanatthabhāvena lakkhitabbanti evaṃ parikkappitabhede pariggayhamāne na koci doso āpajjati.

Atha vā lakkhiyātīti lakkhaṇam, anavajjaiṭṭhavipākāṇca taṃ lakkhaṇāṇcīti **anavajjaiṭṭhavipākakalakkhaṇam**, yaṃ anavajjaiṭṭhavipākam hutvā lakkhiyati, taṃ kusalanti attho. Atha vā anavajja-saddena anavajjabhāvo vutto, iṭṭhavipākasaddena iṭṭhavipākabhāvo, tasmā anavajjo ca iṭṭhavipāko ca anavajjaiṭṭhavipākam, taṃ lakkhaṇametassāti karaṇatthe, kammatthe vā lakkhaṇa-saddena anavajjaiṭṭhavipākakalakkhaṇanti anavajjaiṭṭhavipākasabhāvavantaṃ, anavajjaiṭṭhavipākabhāvena lakkhitabbaṃ vāti attho. Kiṃ panettha kāraṇam padadvayapariggahena, nanu ekeneva padena adhippetatthasiddhi siyā. Kiñcāpi hi “anavajjalakkhaṇa”nti vutte “aparaṃ pana, bhante, etadānuttariyaṃ, yathā bhagavā dhammaṃ deseti kusalesu dhammesū”tiādīsū (dī. ni. 3.145) viya vajjarahitattā abyākatassāpi pasaṅgo siyāti iṭṭhavipāka-padaṃ vattabbameva, “iṭṭhavipākakalakkhaṇa”nti pana vutte itaraṃ na vattabbaṃ abyākatassa vipākārahabhāvena iṭṭhavipākatāpasaṅgabhāvato? Saccametam, anavajja-padena kusalassa pavattisukhatam, iṭṭhavipāka-padena ca vipākasukhatam dassetuṃ padadvayaṃ vuttaṃ. Anavajjapadañhi attano pavattisabhāvavasena lakkhaṇavacanam, itaraṃ kālantare vipākuppādanasamattatāvaseṇāti. Atha vā kusalassa atthavisuddhiṃ dassetuṃ purimapaḍaṃ vuttaṃ, parisuddhavipākatam dassetuṃ pacchimaṃ. Purimaṃ vā kusalassa akusalasabhāvato nivattanaṃ, pacchimaṃ abyākatasabhāvatoti alamaṭipapañcena. Etha ca “anavajja...pe... lakkhaṇa”nti vacanena kusalassa sāmaññalakkhaṇam vuttaṃ anavajjaiṭṭhavipākasabhāvassa kusalajātiyā sādharāṇattā. Akusalādīnamasādharāṇabhāvena sabhāvalakkhaṇam vāti daṭṭhabbaṃ.

Akusalaviddhaṃsanarasanti yathānurūpaṃ akusalappajahanakiccaṃ. Kusalañhi parittamahaggatalokuttarabhedabhinnam yathākkamaṃ tadaṅgavikkhambhanasamucchedappahānavasena akusalapakkaṃ pajahati. Atha tadaṅgādippahānaṃ kiṃ nānākaraṇanti? Vuccate – dānādiṭṭhākiriyavattugatena tena tena kusalaṅgena tassa tassa maccherādiakusalaṅgassa pahānaṃ **tadaṅgappahānaṃ**, taṃ dīpālakena andhakāraviddhaṃsanaṃ viya daṭṭhabbaṃ, kāmvāvacarakusalānaṃ parittānubhāvātāya tehi attano ṭhittikkhaṇe viddhaṃsitānamakusalānaṃ tadapagame sati puna āgamena vottharaṇato. Tesam tesam nīvaraṇadhammānaṃ vikkhambhanasāṅkhātāṃ pavattinivāraṇavasena pahānaṃ **vikkhambhanappahānaṃ**, taṃ ghaṭappahārena jalatale sevālavīyūhanaṃ viya daṭṭhabbaṃ. Yathā hi balavatā ghaṭappahārena dūrīkataṃ sevālaṃ tasmīṃ apanītepi taṃpahāraṇavagena sahasā na ottharati, evameva upacāraṇabhāvena jhānena vikkhambhitā kāmacchandādayo tadappavattikālepi tassa balena sahasā na ottharantīti. Anuppattidhammatāpādanasāṅkhātāṃ sammā ucchedavasena pahānaṃ **samucchedappahānaṃ**, taṃ pana asanisampātena rukkhādīnaṃ samūlaviddhaṃsanaṃ viya daṭṭhabbaṃ. Na hi ariyamaggena samucchinnakilesā anusayamattakenāpi santāne pavattanti. Yathā pana ekavārapavattenapi indagginā saha mūlehi viddhaṃsitā rukkhādayo na puna viruhanti, evamevaṃ ekacittakkhaṇikenapi tena attano uppādamatteneva anusayamattaṭṭhāyiniopi kilesā sabbena sabbam viddhaṃsitāyeva honti.

Vodānaṃ visuddhi, saṃkilesamalavimuttīti attho, tathā hutvā paccupaṭṭhānamassāti **vodānapaccupaṭṭhānaṃ**, parisuddhākārena yogino ñāṇassa upaṭṭhātīti vuttaṃ hoti.

Evaṃ kusalassa vajjarahitaiṭṭhavipākasabhāvehi lakkhaṇam, kiccaupaṭṭhānākāravasena ca rasapaccupaṭṭhānāni vatvā puna vajjapaṭipakkhabhāvavasena ca lakkhaṇam, sampattiphalavasena ca rasādikaṃ dassetuṃ **“vajjapaṭipakkhattā”**tiādi vuttaṃ. Tattha vajjānaṃ paṭipakkhabhāvo **vajjapaṭipakkhattam**, tato. Etena “anavajjalakkhaṇa”nti ettha a-kāro paṭipakkhatthoti dasseti, tena panassa abyākatato nivattanaṃ kataṃ. Itarathā hi nāssa vajjam, vajjato aññaṃ vā anavajjanti abyākatassāpi taṃlakkhaṇatāpasaṅgo siyā. “Vajjapaṭipakkhattā”ti pana vutte yasmā kusalākusalānameva pahāyakappahātābbabhāvena ālokanandhakāraṇam viya aññaṃaññaṃ ujuvipaccanīkabhāvo, tasmā kusalameva vajjapaṭipakkhattā anavajjalakkhaṇam, na aññanti ayamatto siddho hoti. **Vodānabhāvarasanti** vodānabhāvasampattikaṃ, kilesamalehi asaṃkiliṭṭhabhāvena sampajjanakanti attho. Paccupaṭṭhāpīyati upanīyati kāraṇena, attano vā kāraṇam paṭicca, tappaṭibaddhabhāvena paṭimukhaṃ vā upaṭṭhātīti paccupaṭṭhānaṃ, iṭṭho vipāko paccupaṭṭhānamassāti **iṭṭhavipākapaccupaṭṭhānaṃ**.

Asati yonisomanasikāre kusalassa anuppajjanato, sati ca tasmīṃ uppajjanato tassa so āsanna-kāraṇanti āha **“yonisomanasikārapadaṭṭhāna”**nti. Tattha yoniso pathena upāyena manasikāro **yonisomanasikāro**, atthato pana sānusayasantānavato channaṃ dvārānaṃāpāthagatesvārammaṇesu patirūpadesavāsādisampattiyā kusaladhammānaṃ paccayabhāvena bhavaṅgaṃ āvaṭṭetvā uppannaṃāvajjanaṃ yonisomanasikāro nāma. Vuttapaṭipakkhavasena

ayonisomanasikāropi daṭṭhabbo. Yaṃ pana niranusayasantānasamaṅgissa kiriyacittānaṃ paccayabhāvena uppannaṃ, taṃ ṭhapetvā niravajjadhammaṃ sāvajjadhammassa kassaci paccayabhāvānupagamanato yonisomanasikārapakkhaṃ vā bhajeyya. Khīṇāsavasantānatattā yonisoayonisobhāvamanapekkhitvā āpāthagatārammaṇesu uppattimattaṃ vinā na kassaci kusalākusalabhāvassa paccayo hotīti tadubhayavasena navatābbattā abyākatamanasikāroti vā saṅkhaṃ gaccheyyāti.

Sāvajjāniṭṭhavipākakalakkhaṇamakusalanti etthāpi “vajjā rāgādayo, te yassa santi, taṃ sāvajjaṃ, aniṭṭho vipāko yassa, taṃ aniṭṭhavipāka” ntiadinā vuttanayānusārena paṭipakkhayanā daṭṭhabbā. Rasādito panetaṃ anathajananasasaṃ, saṃkilesapaccupaṭṭhānaṃ. Atha vā gārayhabhāvato sāvajjalakkhaṇameva, saṃkilesabhāvarasaṃ, aniṭṭhavipākapaccupaṭṭhānaṃ, ayonisomanasikārapadaṭṭhānaṃ. Vacanathato pana na kusalanti **akusalaṃ**, kusalapaṭipakkhanti attho. Paṭipakkhatthe hi ayaṃ akāro, na pana aññatthe, nāpi abhāve. Itarathā hi tikaṃ na siyā, dukkaṃ, catukkaṃ vā āpajjeyya. Tathā hi yadi kusalato aññamakusalaṃ siyā, tadā abyākatassāpi tato aññabhāvena akusala-saddasaṅgahoti kusalākusalajātibhedato duvidhanti dukkaṃ vattabbaṃ. Yadi ca kusalābhāvo akusalaṃ, tena na kāci jāti gayhatīti kusalābyākatajātibhedato dukameva vattabbaṃ. Atha siyā “abhāvopi visuṃ gahetabbo”ti, evaṃ sati tassa jātiyā abhāvato jāti-saddena saha sambandho na siyā. Vijjamānassa hi jāti nāma hoti. Yatheva vā kusalassa abhāvo, evaṃ abyākatassāpi abhāvo atthīti anabyākatajātipi vattabātī catukkaṃ āpajjeyya. Na cetamiṭṭhaṃ kusalādivasena tividhajātiyā eva icchitattā, **paḷiyañca** “kusalā dhammā akusalā dhammā abyākatā dhammā”ti tikavaseneva vuttattā “kusalapaṭipakkha”nti pana vuccamāne mittapaṭipakkho amitto viya, lobhapaṭipakkho alobho viya ca yaṃ dhammajātaṃ kusalassa ujuvipaccanīkabhūtaṃ, taṃ akusalanti tassa vasena tikaṃ upapannaṃ hoti, ujuvipaccanīkatā cassa sāvajjāniṭṭhavipākattā, tena pahātābbabhāvato ca veditabbā, na pana kusalavināsanato. Na hi akusalena kusalaṃ pahīyati, mahābalattā pana kusalameva taṃ pajahati. Kusalañhi mahābalaṃ, akusalaṃ dubbalaṃ. Tenevāha “abalā naṃ balīyanti, maddantenāṃ parissayā”ti (su. ni. 776), tasmā kusalameva yathāvuttanayena akusalassa pahāyakaṃ, nākusalaṃ itarassāti veditabbaṃ.

Tadubhaya...pe... abyākatanti yaṃ dhammajātaṃ kusalaṃ viya na anavajjaiṭṭhavipākakalakkhaṇaṃ, nāpi akusalaṃ viya sāvajjāniṭṭhavipākakalakkhaṇaṃ, atha kho avipākattā tadubhayaviparītalakkhaṇaṃ, taṃ abyākatanti attho. Nanu ca “tadubhayaviparītalakkhaṇa”nti vutte sukhadukkhavedanānaṃ viparītā upekkhāvedanā viya iṭṭhāniṭṭhavipākānaṃ viparīto añño koci vipāko yassa atthi, taṃ abyākatanti āpajjati? Nāpajjati tathā asambhavato. Yathā hi ālokandhakārānaṃ viparīto añño koci natthi, evamiṭṭhāniṭṭhavipākānaṃ viparīto na koci vipāko atthīti. Atha vā taṃ-saddo idha iṭṭhāniṭṭhavipākānirapekkhaṃ kusalākusalamattameva paccāmasatīti kusalākusalānaṃ savipākattā tadubhayaviparītalakkhaṇaṃ, taṃ avipākakalakkhaṇanti atthoti alamettha anuyogena. Kusalākusalabhāvena na byākatanti **abyākatam**. Kusalākusalañhi vatvā abyākatassa vuttattā kusalākusalabhāveneva avuttattāti viññāyati, na pakārantarena. Tathā avacanañca tassa tadubhayaviparītalakkhaṇattāyeva, na pana avattābbattāmmattenāti daṭṭhabbaṃ. Atha vā vi-saddo virodhivacano. Ā-saddo abhimukhabhāvappakāsano, tasmā attano paccayehi aññamaññaṃ virodhābhimukhataṃ kataṃ lakkhaṇavirodhato pahāyakappahātābbabhāvato vāti byākatam, kusalākusalaṃ. Tato aññaṃ **abyākatam**. Tañhi lakkhaṇato aññamaññaṃ kusalākusalaṃ viya na tassa viruddhaṃ. Na hi avipākataṃ aniṭṭhavipākataṃ viya, iṭṭhavipākataṃ iṭṭhavipākataṃ viya ca aniṭṭhavipākataṃ iṭṭhāniṭṭhavipākataṃ virujjhati, na cāpi abyākatam kusalākusalesu kiñci pajahati, na ca kenaci pahātābbanti. “Tadubhayaviparītalakkhaṇamabyākata”nti viññāyamāne ahosi kammaṃ, nāhosi kammavipāko, natthi kammavipāko, na bhavissati kammavipākoti iminā tikena saṅgahitassa gatiupadhikālapayogavipattīhi avipākassa diṭṭhadhammavedanīyādikammassa bhāvanāyapahātābbassa akusalassa ca abhiññākusalassa ca vipākuppādanābhāvato “siyā nu kho abyākatābhāvo vā”ti kadāci koci cinteyyāti tannivāraṇatthamāha “**avipākārahaṃ vā**”ti, vipākam dātuṃ nārahati tattha sāmattiyābhāvatoti **avipākārahaṃ**. Idaṃ vuttaṃ hoti – diṭṭhadhammavedanīyādayo tāva paccayavekallādīhi kāraṇehi avipākā, sace panete tabbidūrā assu, tadā vipākādāne samatthāyā vipākārahāyeva, taṃ pana na tathā, atha kho yena kenaci ākārena vipākādāne asamatthāyeva vipākārahaṃ na hoti, taṃ abyākatam nāmāti.

Idāni evaṃ tikavasena niddiṭṭhesu kusalādīsū paṭhamam tāva kusalacittam vibhajanto “**tattha kusalacitta**”ntiadinā tassa gaṇanaparicchedam dasseti. **Ekavīsatividhanti** aṭṭha kāmāvacarāni, pañca rūpāvacarāni, cattāri arūpāvacarāni, cattāri lokuttarānīti evaṃ saṅkhepato ekavīsatividham. **Bhūmito catubbidhanti** kāmarūpārūpalokuttarabhūmisaṅkhātānaṃ catunnaṃ bhūmīnaṃ vasena tattha pavattamānaṃ cittampi catubbidham hoti. Tattha bhavanti etthāti **bhūmi**, ṭhānaṃ, avatthā ca. Avatthāpi hi avatthavantānaṃ pavattiṭṭhānaṃ viya gayhati. Evañhi nesam sukhaggahaṇaṃ hoti. **Avatthāti** cettā dhammānaṃ kāmataṇhādīhi paricchinnāparicchinnabhāvo. Tattha purimā tisso bhūmiyo ubhayavasena veditabbā, itarā avatthāvaseneva. Na hi lokuttaradhammānaṃ kāmabhāvādito aññaṃ ṭhānamupalabbhatīti.

Aññattha pavattamānassāpi vakkhamānanayena kāmabhūmipariyāpannattā **bhūmito ekavidhanti**. **Savatthukāvattukabhedatoti** cakkhādīni pañca, hadayañcāti cha vatthūni. Kusalassa pana cakkhādīnissittābhāvato hadayavatthu idha vatthūti adhippetam. Tena sahitaṃ ekantena tannissitappavattitoti **savatthukam**,

kāmarūpadhātuyam pavattamānaviññānam. Tattha hi arūpassa rūpapaṭibandhappavatti, arūpadhātuyam pana rūpābhāvato vatthuvirahitameva pavattatīti tattha pavattamānam **avatthukam. Hīna...pe... tividhanti** ettha paccayato, phalato ca majjhimapaṇītehi nihīnam, tesam vā guṇehi parihīnanti **hīnam**, attano paccayehi padhānabhāvam nītanti **paṇītam**, ubhinnaṃ vemajjhe bhavam **majjhimam**. Tattha hīnena chandena cittena vīriyena vīmaṃsāya vā pavattitam **hīnam**, majjhimamehi chandādīhi pavattitam **majjhimam**, paṇītehi **paṇītam**. Chandādīnam pana hīnādībhāvo adhimuttivasena daṭṭhabbo. Hīnādhimuttivasena hi nesaṃ hīnatā, paṇītādhimuttivasena paṇītatā, tadubhayavemajjhasena majjhimatā. Yasakāmatāya vā kataṃ kusalam **hīnam**, puññaphalakāmatāya **majjhimam**, “puññam nāmetam sādūhi kattabbamevā”ti evaṃ ariyabhāvam nissāya kataṃ **paṇītam**. “Ahamasmi dānapati, ime panaññe dānadāsādayo”tiādīnā attukkaṃsanaparavambhanāhi upakkilīṭṭham pavattitam vā **hīnam**, tathā anupakkilīṭṭham **majjhimam**, maggaphalapadaṭṭhānam **paṇītam**. Bhavabhogasampattinimittam vā kataṃ **hīnam**, sāvakaaccekabodhipāramitāvasena attano vimokkhatthāya kataṃ **majjhimam**, sammāsambodhipāramitāvasena sabbesaṃ vimokkhatthāya kataṃ **paṇītanti**.

Somanassu...pe... bhedatoti bheda-saddo paccekaṃ sambandhitabbo “somanassupekkhābhedato ñāṇabhedato payogabhedato”ti. Tattha **payogabhedatoti** saṅkhārabhedatoti attho. Nanu ca somanassupekkhābhedo tāva yutto tesam bhinnasabhāvattā. Ñāṇappayogabhedo pana kathanti? Vuccate – ñāṇappayogakato bhedo ñāṇappayogabhedo tesam bhāvābhāvamupādāya pavattattā. Idāni tameva somanassupekkhādibhedam vibhāgena dassetuṃ “**seyyathida**”nti pucchitvā “**somanassasahagata**”ntiādīnā vissajjeti. Tattha **seyyathidanti** taṃ katamaṃ, taṃ kathanti vā attho.

Sobhanaṃ mano, sobhanaṃ vā mano etassāti sumano, tassa bhāvo somanassaṃ, mānasikasukhavedanāyetaṃ adhivacanam, somanassena uppādato yāva nirodhā sahaṅgaṃ pavattam saṃsaṭṭham sampayuttanti attho. Atha vā somanassena saha ekuppādādībhāvam gatanti **somanassasahagatam**. Jānāti yathāsabhāvam paṭivijjhatīti ñāṇam, tena samaṃ ekuppādādīhi pakārehi yuttanti **ñāṇasampayuttam**. Nāssa saṅkhāro atthīti asaṅkhāram, asaṅkhārameva **asaṅkhārikam**. Saha saṅkhārena pavattamānam sasaṅkhāram, tadeva **sasaṅkhārikam. Saṅkhāro**ti cettha attano, parassa vā pubbappayogo “saṅkharoti tikkhābhāvasaṅkhātena maṅḍanavisesena sajjeti, saṅkharīyati vā sajjīyati cittaṃ etenā”ti katvā. Tattha dānādīpuññakaraṇakāle maccheramalathinamidhādīhi upakkilesehi saṃsīdamāne citte upakkilesavūpasamavasena, cittassa ca ussāhajanavasena tīsu dvāresu pavatto sammāvāyāmo **attano payogo** nāma. Kusalakaraṇe nirussāhassa pana “ambho, sappurisa, kusalakaraṇam nāma paṇḍitehi āsevitamaggo, tattha tayāpi paṭipajjitum vaṭṭati, tasmā dānam dehi, sīlam rakkha, tañhi te atthāya hitāya sukhāya bhavissati”tiādīnā kusalakaraṇatthāya ussāhajanavasena paresaṃ kāyavacīdvāresu pavattā āṇatti **parappayogo** nāma. Tesu pana purimo pubbhāḅgappavattacittasantāne, pacchimo paresaṃ cittasantāneyeva sambhavatīti tannibbattito cittassa tikkhābhāvasaṅkhāto viseso idha upacārato saṅkhāroti veditabbo. Tenāhu ācariyā –

“Pubbappayogasambhūto, viseso cittasambhāvī;
Saṅkhāro iti saṅkhāra-sabhāvāññūhi kittito”ti.

Atha vā “**sasaṅkhārikamasāṅkhārika**”nti ca etaṃ kevalam saṅkhārassa bhāvābhāvamattāpekkhāya vuttam, na tassa saḅappavattisabbhāvābhāvato bhinnasantānappavattinopi saṅkhārassa idamatthitāya taṃvasena nibbattam cittaṃ saṅkhāro assa atthīti **sasaṅkhārikam** saha-saddassa vijjānānāthaparidīpanato “salomako sapakkhako”tiādīsu viya. Tabbiparītam pana tadabhāvato yathāvuttavaseneva **asaṅkhārikam**. Atha vā saṅkharānam, saṅkharīyati vā etena āgantukasambhūtena cittasaṃsīdanasabhāvāpanayanavaseneva sajjīyati, saṅkharoti vā taṃ yathāvuttavasenevāti saṅkhāroti ujukameva pubbappayogajano tikkhābhāvo vuccati, tadabhāvato **asaṅkhārikam**, sabhāvaticchhanti attho. Taṃsahagatāya **sasaṅkhārikam**, atha vā maccheramalādīhi saṅkharīyatīti saṅkhāro, cittassa saṃsīdanasabhāvo, so yassa natthīti **asaṅkhārikam**, itaram **sasaṅkhārikam**. Paṇītautubhojanādiko vā balavapaccayo saṅkhāro “saṅkharoti cittaṃ tikkhābhāvena, saṅkharīyati vā taṃ etenā”ti katvā. A-kārassa vuḍḍhatthavuttitāya vuḍḍhippatto saṅkhāro assāti **asaṅkhārikam**, balavapaccayavantanti attho. Vuḍḍhiparidīpakena pana a-kārena avisesitattā **sasaṅkhārikam** sappaccayam dubbalapaccayanti adhippāyo. Ñāṇena vippayuttam virahitanti **ñāṇavippayuttam**.

Upekkhatīti upekkhā, vediyamānāpi ārammaṇam ajjuhekkhati, majjhakkāraṇaṅghitīyati attho. Atha vā iṭṭhe, aṅṅiṭṭhe ca ārammaṇe pakkhapātābhāvena upapattito yuttito ikkhati anubhavatīti upekkhā. Atha vā upetā sukhadukkhānam aviruddhā ikkhā anubhavanantī upekkhā. Aviruddhattāyeva hesā tesam anantarampi pavattati. Sukhadukkhavedanā pana visum visum viruddhasabhāvattā nāññamaññam anantaram pavattanti. Teneva hi **paṭṭhāne** somanassassa anantaram domanassassa, domanassassa anantaram somanassassa ca uppatti paṭisiddhā. Ayañca attho lobhasahagatacittasampayuttavedanāyapi labbhati, purimā pana dve na tathā. Na hi lobhasahagatādīnam majjhakkārena ajjuhekkhanam, upapattito ikkhanam vā atthīti. **Upekkhāsahagatanti** sabbam heṭṭhā vuttanayameva.

Nanu ca aññepi phassādayo sampayuttadhammā atthīti somanassādīnam vaseneva pana aṭṭhavidhatā kasmā

gahitāti? Bhedakarabhāvato. Phassādīnañhi sabbacittasādhāraṇattā, saddhādīnañca sabbakusalasādhāraṇattā na tehi cittassa vibhāgo, somanassādayo pana katthaci citte honti, katthaci na hontīti pākaṭova tehi cittassa vibhāgoti. Kasmā panete katthaci citte honti, katthaci na hontīti? Kāraṇassa sannihitāsannihitabhāvato. Kiṃ pana nesam kāraṇanti? Uccate – tattha somanassasahagatabhāvo tāva ārammaṇavasena hoti. Itthārammaṇasmiñhi somanassasahagatacittamuppajjati. Nānu ca itthārammaṇam lobhassa vatthu rajjanīyattāti katham tattha kusalam uppajjati? Nayidamekantikaṃ itthepi ārammaṇe niyamitādivasena kusalassa uppajjanato. Yassa hi “kusalameva mayā kattabba”nti kusalakarāṇeyeva cittaṃ niyamitaṃ hoti, akusalappavattitova nivattetvā kusalakarāṇeyeva pariṇāmitaṃ, abhiṇṇakarāṇena ca kusalam samudāciṇṇaṃ, paṭirūpadesavāsasaddhammassavanasappurisūpanissayapubbekatapuññatāsankhātacacucakkūpanissayavasena, yoniso ca ābhogo pavattati, tassa itthepi ārammaṇe alobhasampayuttameva cittamuppajjati, na lobhasampayuttaṃ. Hoti cettha –

“Niyāmapariṇāmehi, samudāciṇṇatāya ca;
Ñānapubbaṅgamābhogā, itthepi kusalam siyā”ti.

Apica saddhābahulatādīhi ca kāraṇehi cittassa somanassasahagatatā veditabbā. Assaddhānaṃ, hi micchādītiṭṭhikānañca ekantamitthārammaṇabhūtaṃ tathāgatarūpampi disvā somanassaṃ na uppajjati. Ye ca kusalappavattiyam ānisaṃsaṃ na passanti, tesam parehi ussāhitānaṃ kusalam karontānampi somanassaṃ na uppajjati, tasmā saddhābahulatā visuddhidītiṭṭhitā ānisaṃsadassāvītāti imehipi kāraṇehi cittassa somanassasahagatatā hoti.

Apica ye te ekādasā dhammā pītisambojjhaṅgassa uppādāya saṃvattanti. Seyyathidaṃ – buddhānussati dhammānussati saṃghānussati sīlānussati cāgānussati devatānussati upasamānussati lūkhapuggalaparivajjanam siniddhapuggalasevanā pasādanīyasuttantapaccavekkhaṇā tadadhimuttatāti imehipi kāraṇehi cittassa somanassasahagatabhāvo veditabbo. Buddhādiguṇe anussarantassa hi yāva upacāruppādā sakalasarīraṃ pharamānā pīti uppajjati. Tathā dīgharattaṃ akkhaṇḍatādivasena attanā rakkhitaṃ catupārisuddhisīlam paccavekkhantassa, gihino dasasīlam pañcasīlam paccavekkhantassa, dubbhikkhabhayādīsu paṇītaṃ bhojanaṃ sabrahmacārīnaṃ datvā “evaṃnāma dānaṃ adāsi”nti attanocāgaṃ paccavekkhantassa, gihinopi tathārūpe kāle sīlavantānaṃ dinnadānaṃ paccavekkhantassa, yehi guṇehi samannāgatā devā devattaṃ gatā, tathārūpānaṃ guṇānaṃ attani atthitaṃ paccavekkhantassa, samathavipassanāhi vikkhambhitakilese saṭṭhipi sattatipi vassāni asamudācarante disvā “aho mayhaṃ kilesā na samudācaranti”ti cintentassa, cetiyadassanatheradassanesu asakkaccakiriyāya saṃsucitalūkhabhāvena buddhādīsu pasādasinehābhāvena gadrabhapiṭṭhe rajasadise lūkhapuggale parivajjantassa, buddhādīsu pasādabāhule muducitte siniddhapuggale paṭisevantassa, ratanattayaguṇaparidīpake pasādanīyasuttante paccavekkhantassa, ṭhānanisajjādīsipi pītiuppādanatthaṃ tanninnatādivasena pavattentassa yebhuyyena pīti uppajjati. Pītiyā ca somanassena saha avinābhāvato taduppattiyā tassāpi uppatti niyatāti evaṃ pītikāraṇāni pi somanassakāraṇānti daṭṭhabbāni. Kiñca – agambhīrapakatitā, somanassapaṭisaṇḍhikatāti imehi dvīhi kāraṇehi somanassasahagatatā hoti. Yo hi agambhīrapakatiko hoti, appamattakepi hitopakaraṇe tussati, yo ca somanassapaṭisaṇḍhiko appasannesu ārammaṇesupi appaṭikkūladassāvī, tassa yebhuyyena somanassasahagatacittaṃ uppajjati. Yathāvuttānaṃ pana somanassakāraṇānamabhāvena majjhattārammaṇatāya ca upekkhāsahagatatā veditabbā.

Ñānasampayuttassa pana kammato upapattito indriyaparipākato kilesadūrībhāvatoti imehi kāraṇehi hoti. Yo hi paresaṃ hitajjhāsayena dhammaṃ deseti hīnukkaṭṭhādīni ca naḷakāramuddāgaṇanādīni sippāyatanāni, vaḍḍhakākasivāñijjādīni ca kammāyatanāni, visaharaṇādīni ca vijjāyatanānti evaṃ niravajjasippāyatanādīni sikkhāpeti, sayam vā sikkhati, dhammakathikassa sakkāraṃ katvā dhammaṃ kathāpeti, “āyatim paññavā bhavissāmī”ti patthanaṃ paṭṭhapetvā nānappakāraṃ puññakammaṃ karoti, tassevaṃ nānappakāraṃ paññāsaṃvattanikakammaṃ sampādentassa taṃ kammaṃ upanissāya uppajjamānaṃ kusalam ñānasampayuttaṃ uppajjati. Tathā abyāpaje loke uppānassa uppajjamānaṃ kusalam ñānasampayuttaṃ hoti. Vuttañhetam –

“Tassa tattha sukhino dhammapadāni pilavanti, dandho, bhikkhave, satuppādo, atha so satto khippameva visesabhāgī hotī”ti (a. ni. 4.191).

Tathā paññādasakam sampattassa indriyaparipākam nissāya uppajjamānaṃ kusalam ñānasampayuttaṃ hoti. Yena pana samathavipassanābhāvanāhi kilesā vikkhambhitā, tassa kilesadūrībhāvaṃ nissāya uppajjamānaṃ cittaṃ ñānasampayuttaṃ uppajjati. Yathāha –

“Yogā ve jāyate bhūri, ayogā bhūrisankhayo”ti. (Dha. pa. 282).

Apica ye te dhammā dhammavicayasambojjhaṅgassa uppādāya saṃvattanti. Seyyathidaṃ – paripucchakatā vatthuvisadakiriyā indriyasamattapaṭipādanā duppaññapuggalaparivajjanā paññāvantapuggalasevanā

gambhīrañānacariyapaccavekkhaṇā tadadhimuttatāti imehi kāraṇehi ñāṇasampayuttabhāvo hoti. Tathā hi yo paññavante upasaṅkamma khandhadhātuāyatanaindriyabalabojjhaṅgamaggaṅgajhānaṅgasamathavipassanādīnaṃ paripucchābahulo hoti, tassa taṃvasena uppannaṃ sutamayañāṇaṃ ādiṃ katvā uppajjamānaṃ cittaṃ ñāṇasahagataṃ hoti. Yena pana nakhakesacīvarasenāsanādīni ajjhātikabāhīravatthūni pubbe avisadāni chedanamalahaṇādīnā visadāni katāni, tassevaṃ visadavatthukassa uppannesu cittacetāsikesu visadaṃ ñāṇaṃ hoti parisuddhāni dīpakapallakādīni nissāya uppannadīpasikhāya obhāso viya. Yassa ca saddhindriyādīsu aññatarāṃ balavaṃ hoti, itarāni mandāni, tato tāni sakasakakiccaṃ kātuṃ na sakkonti, tasmā so tassa bojjhaṅgavibhaṅge āgatanayena tena tena ākārena samattaṃ paṭipādeti, tassevaṃ indriyānaṃ samattaṃ paṭipādentassa vipassanāñāṇādīnaṃ vasena cittaṃ ñāṇasahagataṃ hoti. Yo pana duppaññapuggale parivajjeti, paññavantapuggale vā payirupāsati, khandhādīsu ogāḷhaṃ bhagavato gambhīrañānacariyaṃ vā paccavekkhati, thānanisajjādīsu tadadhimuttacitto vā viharati, imesampi uppajjamānaṃ kusalaṃ ñāṇasampayuttaṃ hoti. Apica buddhādiguṇānussaraṇenapi cittaṃ ñāṇasahagataṃ hoti. Yathāha –

“Yasmim, mahānāma, samaye ariyasāvako tathāgataṃ anussarati, nevassa tasmim samaye rāgapariyuṭṭhitaṃ cittaṃ hoti, na dosa...pe... na mohapariyuṭṭhitaṃ cittaṃ hoti, ujugatamevassa tasmim samaye cittaṃ hoti tathāgataṃ ārabba. Ujugatacitto kho pana, mahānāma, ariyasāvako labhati atthavedaṃ, labhati dhammavedaṃ, labhati dhammūpasamhitaṃ pāmojjaṃ, pamuditassa pīti jāyati, pītimanassa kāyo passambhati, passaddhakāyo sukhaṃ vedeti, sukhino cittaṃ samādhīyati, samāhito yathābhūtaṃ pajānāti” tiādi (a. ni. 6.10; 11.11).

Evaṃ buddhānussatiādayopi rāgādimalavisodhanena ñāṇupattihetukāyevāti daṭṭhabbaṃ. Kiñca – tihetukapaṭisandhikatā ñāṇupattikāraṇaṃ. Paṭisandhipaññā hi ādito paṭṭhāya bhavaṅgasantativasena bahulaṃ pavattamānā santānaparibhāvanena ñāṇupattiyā savisesaupanissayo hoti. Asaṅkhārikattaṃ pana sappāyautubhojanaāvāsādīpaccayehi hotīti. Hontī cettha –

“Iṭṭhārammaṇatā saddhābhūlyā dīṭṭhisuddhi ca;
Phaladassāvītā ceva, pītibojjhaṅgahetuyo.

“Ekādasa tathā dhammā, agambhīrasabhāvātā;
Somanassayuttā sandhi, iccete sukhahetuyo.

“Abhāvo sukhahetūnaṃ, majjhātārammaṇanti ca;
Upekkhupattihetu ca, evaṃ ñeyyā vibhāvinā.

“Kammūpapattito ceva, tathā indriyapākato;
Kilesūpasamā dhamma-vicayassa ca hetuhi.

“Sattadhammehi buddhādi-guṇānussaraṇena ca;
Sappaññāsandhito ceva, cittaṃ ñāṇayutaṃ siyā.

“Utubhojanaāvāsa-sappāyādīhi hetuhi;
Asaṅkhārikabhāvopi, viññātabbo vibhāvinā” ti.

Evaṃ vedanāñāṇappayogabhedato aṭṭhavidhaṃ kāmāvacaracittaṃ niddisitvā idāni taṃ nigamento āha “**idaṃ... pe... nāmā**” ti.

12. Yena panatthena idaṃ “kāmāvacara” nti vuccati, taṃ dāni dassetuṃ “**uddānato**” tiādi āraddhaṃ. Tattha **uddānato**ti uddesato, saṅkhepatoti attho. Kiñcāpi avasiṭṭhakilesādayo viya kilesakāmopi assādetabbatāya vatthukāme saṅgahito ñāṇaṃ viya ñeyyeti saṅkhepato ekoyeva kāmo siyā, tathāpi kilesakāmo vatthukāmabhāvaṃ gacchanto kāmanīyatthena gacchati, na kāmanavasena. Kāmanavasena ca pana kilesakāmova hoti, na pana vatthukāmoti āha “**klesavatthuvasā**” tiādi. Ko panettha vatthukāmo, ko kilesakāmoti codanaṃ manasi nidhāya “chando kāmo, rāgo kāmo, chandarāgo kāmo, saṅkappo kāmo, rāgo kāmo, saṅkapparāgo kāmo” ti (mahāni. 1) evaṃ **niddesapāliyaṃ** āgatā niddiṭṭhā kāmataṅhāva idha kilesakāmo. Vatthukāmoti ca “manāpikā rūpā...pe... manāpikā phoṭṭhabbā...pe... sabbepi kāmāvacarā dhammā...pe... sabbepi rūpāvacarā...pe... sabbepi arūpāvacarā...pe... kāmā” ti (mahāni. 1) tattheva niddiṭṭhā saviññāviññāviññāppabhedā tebhūmakadhammāti dassento āha “**kilesa...pe... vatṭaka**” nti. “**Chandarāgovā**” ti avadhāraṇena kilesabhāvena niruḷhesu lobhadosaṃmohādīsu dasasu dosamohādayo nava kilese paṭikkhipati. Kāmarūpārūpataṅhāya vatthu paṭiṭṭhānaṃ, kāraṇabhūtaṃ vā **vatthu**.

13. Kathaṃ pana kilesakāmo nāma, kathañca vatthukāmoti āha “**kilesakāmo**”tiādi. **Kāmetīti** vatthukāmaṃ pattheti. **Kāmiyatīti** kilesakāmena patthīyati. **Iti**-saddo “tasmā”ti imassa atthe. **Ca**-saddo eva-kāratthe, tena yasmā kilesakāmo kāmetīti kāmo, vatthukāmo ca kāmiyatīti, tasmā eva kilesakāmo, vatthukāmo cāti **duvidhopi esa** kāmo **kāarakadvaye** kattari, kammani ca sijjhati, kattubhāvaṃ, kammabhāvañca paccanubhoṭīti attho. Atha vā **duvidhoti** dvinnaṃ kāmānaṃ vācakato duvidho. “Kāmo”ti ayaṃ saddo **kāarakadvaye sijjhati** yathāvuttakārayugāle nipphajjati, kattari, kammani ca “kāmo”ti padasambhavo hoṭīti attho. **Vo**-kāro pana nipātamattaṃ “evaṃ vo kālāmā”tiādīsu (a. ni. 3.66) viya. Atha vā **vokāarakadvayeti** khandhadvayeti attho. Kilesakāmo hi sañkhārasabhāvattā sañkhārakkhandhe, vatthukāmo ca vakkhamānanayena pañcakāmaguṇabhūto rūpasabhāvattā rūpakkhandheti evaṃ duvidhopesa kāmo khandhadvaye **sijjhati** nipphajjati, antobhāvaṃ gacchatīti.

14. Sampajjanāni **sampattiyo**, tāsam vasena visayavisayībhāvena aññamaññaṃ samosaraṇavasena, sampāpuṇanavasenāti attho. Iminā pana idaṃ dīpeti – yattha duvidhopi kāmo visayavisayībhāvena sahito pavattati, soyeva ekādasavidho padeso kāmāvacarasaññito. Yattha pana rūpārūpadhātuyam kevalaṃ vatthukāmo pavattati, na so padeso kāmāvacaro nāmāti. Nanu ca duvidhopi sahito rūpārūpadhātūsu pavattati, rūpārūpāvacaradhammānaṃ vatthukāmattā, tadārammaṇabhūtānañca rūpārūpataṇhānaṃ taṃyogena kilesakāmabhāvasiddhitoti? Nayidamevaṃ orambhāgiyabhūtassa bahalakilesasseva kāmāragassa idha kilesakāmabhāvena adhippetattā. “Uddānato duve kāmā”ti sabbe kāme uddisitvāpi hi “padeso catupāyāna”ntiādīnaṃ visayanīyamanena “duvidhopi aya”nti ettha kāmekadesabhūto nīvaraṇavatthāya kathito kāmārago kilesakāmabhāvena, tabbatthukāyeva dhammā vatthukāmabhāvena gahitā, na rūpārūpataṇhā, tabbatthukadhammā cāti nāpīyati. Evañca katvā upari vakkhamānā sasatthāvacarūpamā upapannā hoti, yathāvuttānameva kāmānaṃ idha adhippetattā rūpārūpadhātūsu vimānakapparukkhavatthālañkāraparittakusalādibhedesu kāmāvacaradhammesu pavatto chandarāgo kilesakāmo nāma na hoti, na ca tabbatthubhūtaṃ vimānakapparukkhādīparittadhammajātaṃ vatthukāmo nāmāti siddhaṃ. Tenevāha “kāmo vā kāmāsaññā vā brahmaloke na vijjati”ti. Kāmāvacarasaññānatānagatatānāya visayabhāve satī pana taṃyogena rūpārūpadhātūsupi pavattamāno parittadhammo vatthukāmoyevāti veditabbaṃ. Atha vā niddese āgatanayena niravaseso kilesakāmo kāmātaṇhābhavataṇhāvībhavataṇhānirodhataṇhāpabhedo idha pavattati. Vatthukāmesupi appakaṃ rūpārūpavipākamattaṃ ṭhapetvā sabboyeva idha pavattatīti anavasesappavattiṃ sandhāya “**kāmoyam duvidhopi cā**”ti vuttaṃ. Kiñcāpi evaṃ vuttaṃ, tesu pana bahalakilesakāmabhūto bahalakāmārago ca tabbatthukā pañca kāmāguṇā ca idha gahitāti dassanattaṃ “**sampattīnaṃ vasenā**”ti vuttaṃ. Sampajjanavasena, samijjhanavasenāti attho. **Avacarati**ti pavattati. **Iti**-saddo hetumhi, yasmā duvidhopi ayaṃ kāmo avacarati, tasmā kāmo ettha avacarati kāmāvacarasaññitoti attho.

15. Saggamokkhaḥetubhūtā puññasammatā ayā yebhuyyena apētāti apāyā. Nirayādivasena cattāro apāyā **catupāyā**. **Channanti** cātumahārājikatāvatiṃsayamātusitānimmanaratiparanimmitavasavattisañkhātānaṃ channaṃ devalokānaṃ. Merupādāvāsino pana asurā tāvatīṃsesuyeva saṅgayantīti na tehi saddhiṃ sattannanti vuttaṃ. Manaso ussannatāya **manussā**, satisūrabhāvabrahmacariyayogyatādiguṇavasena upacitamānasatāya ukkaṭṭhaguṇacittatāyāti attho, te pana nippariyāyato jambudīpavāsino veditabbā. Yathāha –

“Tīhi, bhikkhave, ṭhānehi jambudīpakā manussā uttarakuruke ca manusse adhiggaṇhanti deve ca tāvatīṃse. Katamehi tīhi? Sūrā satimanto idha brahmacariyavāso”ti (a. ni. 9.21).

Tehi pana samānarūpādītāya saddhiṃ parittadīpavāsīhi itaramahādīpavāsīnopi “manussā”icceva paññāyīṃsu. Lokiyā pana manuno apaccabhāveneva “manussā”ti vadanti. **Ekādasavidhoti** caturāpāyesu tiracchānapettivīsāyānaṃ viṣuṃ paricchinnassa okāsassa abhāvepi yattha te araññasamuddapabbatāpādādīke nibaddhavāsaṃ vasanti, tādīsassa ṭhānassa gahitattā ekādasavidho.

16. Nanu cetta aññesampi dhammānaṃ pavattisambhavato kāmāsseva avacāraṇavasena kathaṃ nāmālābhoti āha “**assābhilakkhitattā**”tiādi. Tattha **assāti** imassa duvidhassa kāmāssa. **Abhilakkhitattāti** ekādasavidhe padese pākāṭattā. Atha vā **assāti** karaṇatthe sāmīvacanaṃ, tasmā anena duvidhena kāmāna ekādasavidhassa padessā **abhilakkhitattā**, paññāpitattāti attho. Atha vā upayogathe sāmīvacanavasena **assa** ekādasavidhassa padessā tena duvidhena abhilakkhitattāti attho. Saha satthehīti sasatthā, yattha te avacaranti, so **sasatthāvacaro**, padeso. So viya. Yathā hi yasmiṃ padese sasatthā purisā avacaranti, so vijjamānesupi aññesu dvipadacatupādādīsu avacarantesu tesam tattha pākāṭattā, tehi vā abhilakkhitattā “sasatthāvacaro”tveva paññāyati, evaṃ vijjamānesupi aññesu rūpāvacarādīsu avacarantesu abhilakkhaṇavasena ayaṃ padeso “kāmāvacaro”tveva saññitoti. Esa nayo rūpārūpāvacaresu.

17-8. Nanu ca cittaṃ kāmāvacaranti vuttaṃ, yathāvuttanayena pana padessā gahitattā kathaṃ tattha avacarantaṃ kāmāvacaraṃ nāmāti āha “**svāya**”ntiādi. So ayaṃ kāmāvacaro “kāmo”ti saññitoti sambandho. **Rūpabhavo rūpanti** yathā rūpabhavo rūpaṃ. Avuttopi hi yathāsaddo evaṃ-saddasanniṭṭhānato labbhati. Yathā “rūpūpapattiyā maggaṃ bhāveti”ti ettha “rūpabhavūpapattiyā”ti vattabbe rūpabhavo “rūpa”nti saññitoti ayamettha

attho. Kathaṃ panaesa evaṃ saññitoti āha “**uttarassā**”tiādi. Atha vā yathā uttarassa padassa lopaṃ katvā udīrito esa rūpabhavo “rūpa”nti saññito, evaṃ svāyaṃ kāmāvacaro kāmoti sambandho. **Tasmiṃ kāmēti** tasmiṃ uttarapadalopavasena kāmāsaññite padese. **Idanti** idaṃ aṭṭhavidhaṃ cittaṃ. Adhikārasena pana tassa gahaṇepi sabbesameva parittacittānamayamattho labbhati sabbesampi kāme avacaraṇato. **Sadāti** sabbakālaṃ, bāhulyenāti adhippāyo. Iminā pana idaṃ dīpeti – yathā saṅgāme yebhuyyena avacaranto “saṅgāmāvacaro”ti laddhanāmo hatthī aññattha avacarantopi bāhullappavattivasena “saṅgāmāvacaro”tveva paññāyati, evamidaṃ aññattha avacarantampi kāmaloke bāhullavuttito “kāmāvacara”micceva vuttanti. Tena pana nanu cetam rūpārūpabhavesupi avacaraṇato rūpāvacarādīnamampi labheyyāti idaṃ codanaṃ pariharati. Hoti cettha –

“Kāmevacarātīyetam, kāmāvacarasaññitam;
Sese avacarantampi, saṅgāmāvacaro yathā”ti.

Iti-saddo hetumhi. **Ca-saddo** vattabbantarasamuccaye. Tena yasmā uttarapadalopena kāmāvacaro “kāmo”ti saññito, yasmā ca tasmiṃ kāme idaṃ cittaṃ sadā avacarati, tasmā “kāmāvacara”micceva kathitaṃ, na pana kāmāvacarāvacaraṃ, nāpi rūpārūpāvacaranti vāti adhippāyo. **Kāmaghātināti** desanāñāṇena vineyyasantānagatassa kilesakāmassa hananasīlena sammāsambuddhena.

19. Paṭisandhiṃ ...pe... avacārayatīti vāti atha vā yasmā yattha katthaci uppannampi kāme bhavēyeva paṭisandhiṃ avacārayati, tasmā idaṃ kāme avacārayatīti “kāmāvacara”nti kathitaṃ cā-saddassa rassattaṃ katvāti attho. Evaṃ uttarapadalopavasena padasambhavaṃ dassetvā idāni vināpi uttarapadalopaṃ kāmāvacara-saddassa sambhavaṃ dassetuṃ “**pariyāpannanti tatra vā**”ti vuttaṃ. **Tatrāti** tasmiṃ kāmabhāve. **Pariyāpannanti** antogadhaṃ. Ayaṃ panettha adhippāyo –

“Katame dhammā kāmāvacarā? Heṭṭhato avīcinirayaṃ pariyantaṃ katvā uparito paranimmitavasavattī deve antokarivā yaṃ etasmiṃ antare etthāvacarā ettha pariyāpannā khandhadhātuāyatanā rūpaṃ vedanā saññā saṅkhārā viññāṇaṃ. Ime dhammā kāmāvacarā”ti (dha. sa. 1287) –

Vuttatā yathā manussitthiyā kucchismiṃ nibbattopi tiracchānagatiko tiracchānāyoniyameva pariyāpannattā “tiracchāno”tveva vuccati, evamidaṃ rūpārūpabhavesu uppannampi kāmabhavapariyāpannattā “kāmāvacara”micceva kathitanti. Tappariyāpannatā cassa avīciparanimmitaparicchinnokāsāninnāya kāmataṇhāya visayabhāvatoti vedītabbā. Tathā hi vuttaṃ ācariyadhammapālaththerena **nikkhepakaṇḍepi** “etthāvacarā”ti vacanaṃ avīciparanimmitaparicchinnokāsāya kāmataṇhāya visayabhāvaṃ sandhāya vutta”nti. Padasambhavo panettha evaṃ vedītabbo – kāmataṇhā kāmo, so ettha ārammaṇakaraṇavasena avacarātīti kāmāvacaranti. Nanu cettha katamā kāmataṇhā, yā kāmāvacaradhammārammaṇā taṇhā. Katame kāmāvacaradhammā, ye kāmataṇhāvisayāti evaṃ itarītaranissayatādosā āpajjati? Nāpajjati, avīciādiekādasokāsāninnatāya yaṃkiñci taṇhaṃ kāmataṇhābhāvena gahetvā taṃsabhāvāya taṇhāya visayabhāvena kāmāvacaradhammānaṃ upalakkhetabbabhāvato. Atha vā kilesavatthivasena duvidhopi kāmo yathārahaṃ saḥajātavasena ettha avacarātīti kāmāvacaraṃ, ārammaṇakaraṇavasena vā duvidhepi kāme etaṃ avacarātīti kāmāvacaraṃ. Atha vā mañcanissitakesu ukkuṭṭhiṃ karontesu nissayanissitānaṃ abhedassa buddhiyā gahitattā nissitakesu nissayūpacārasena “mañcā ukkuṭṭhiṃ karontī”ti vuccati, evametampi kāmāvacarabhāve pavattanavasena tannissitattā nissayavohārena “kāmāvacara”nti vuccati. Hoti cettha –

“Kāmavacarātīyettha, kāmavacarātīti vā;
Ṭhānūpacārato vāpi, taṃ kāmāvacaraṃ bhāve”ti.

20. Pujjaphalanibbattanato, attasantānaṃ punanato ca puññāni, kattabbatāya kiriyā, tesam tesam ānisaṃsānaṃ vatthutāya vatthūni cāti puññakiriyavatthūni. Gaṇanato dasaparimāṇattā dasa ca tāni puññakiriyavatthūni cāti dasa puññakiriyavatthūni, tesam vasenāti **dasapuññakiriyavatthivasena**, dasapuññakiriyavatthubhāvena taṃmayam hutvāti attho. **Eva-kārena** pana rūpārūpalokuttaraṃ viya na kevalaṃ bhāvanāvasenevāti dasseti. Atha vā dasapuññakiriyavatthivaseneva pavattati, na pana parehi parikkappitaparapasamsādipuññakiriyavatthivasenāti **eva-saddena** avadhāraṇaṃ. Yato vakkhati “sabbānussatipuññañcā”tiādi.

21. Kāni pana tāni dasapuññakiriyavatthūni, yesam vasena idaṃ aṭṭhavidhaṃ cittaṃ pavattatīti vuttanti imaṃ anuyogaṃ sandhāya tāni sarūpato dassetuṃ “**dānaṃ sila**”ntiādi vuttaṃ. Tatha diyyati etenāti **dānaṃ**, pariccāgacetanā. Idha pana cittādhikārasena taṃsampayuttaṃ gahetabbaṃ. Tathā “**sīlā**”dīsipi. Sīlatīti **sīlaṃ**, kāyavacīkammāni samādahatīti attho. Susilyavasena hi kāyakammāṇi avippakiṇṇāni sampati, āyatiñca hitasukhāvahāni sammā ṭhapitāni samāhitāni honti, sīlayati upadhāretīti vā **sīlaṃ**. **Upadhāraṇaṃ** panettha kusalānaṃ adhiṭṭhānabhāvo. Bhāveti kusaladhamme āsevati vaḍḍheti etāyāti **bhāvanā**. Attano santāne nipphannā patti diyyati

etenāti **pattidānaṃ**. Taṃtaṃkiccakaraṇe byāvaṭṭassa bhāvo **veyyāvaccam**. Deseti etāyāti **desanā**. Pattiṃ anumodati etenāti pattānumodo. Pubbapadalopena pana “**anumodo**”ti vuttaṃ. Diṭṭhiyā ujubhāvo **diṭṭhijuttaṃ**, sammādiṭṭhiyā ujukaraṇanti attho. Attano, parassa vā hitajjhāsayavasena sammā suṇanti etāyāti **samsuti**. Pūjāvasena apacāyati sāmīciṃ karoti etenāti **apacāyo**. Puññakiriyavattḥūnaṃ pabhedo puññakiriyavattḥuppabhedo. Majjhapadalopavasena pana “**puññavattḥuppabhedo**”ti vuttaṃ yathā ājaññayutto ratho “ājaññaratho”ti. Ayaṃ tāvettha padavicāro.

Ayaṃ pana vinicchayo – tattha sekhaputhujjanānaṃ paraṃ uddissa pūjānuggahakāmatāya attano vijjānānavatthupariccajanavasena pavattā cetanā dānamayapuññakiriyavattu nāma. Khīṇāsavānampi tathā pavattā dānameva, sā pana puññakiriyā nāma na hotīti na idha adhippetā. Pujjaphalanibbattanato, hi attasantānaṃ punanato ca puññānaṃ, na ca khīṇāsavasantāne pavattā phalanibbattikā hoti, na ca taṃ punāti visuddhasantānappavattattāti. Evaṃ sesesupi.

Yā pana nīccasīlauposathasīlādivasena pañcasīlaṃ aṭṭhasīlaṃ dasasīlaṃ samādiyantassa, asamādiyantassapi kulacārittavasena sampattakāyaduccarītādīhi viramantassa, upasampadamāḷake saṃvaraṃ samādiyantassa, pātimokkhaṃ paripūrentassa, āpāthagatavisayesu cakkhādīni indriyāni thakentassa, cīvarādike ca paccaye paccavekkhantassa, kuhanādivatthuto ājīvaṃ parisodhentassa pavattā cetanā, ayaṃ sīlamayapuññakiriyavattḥūnāma. Etthāha – “dānaṃ nāmetāṃ mayhaṃ kulavaṃso kulacārīta”nti evaṃ cārittassīle ṭhatvā dentassa pavattā dānamayapuññakiriyavattu kiṃ, udāhu sīlamayanti? Sīlamayameva cārittassīlabhāvato. Deyyadhammapariccāgavasena pavattāpi hesā pubbābhisaṅkhārassa aparabhāge cetanāya ca tathā pavattattā sīlamayameva puññakiriyavattu, na dānamayaṃ. Pūjānuggahakāmatāya hi dīnaṃ dānamayanti.

“Cakkhu anicca”ntiādīnā pana cakkhādike tilakkhaṇaṃ āropetvā sammasantassa pavattā gotrabhuvodānapariyosānā vipassanācetanā, kasiṇādīsu ārammaṇesu appanaṃ appattā gotrabhupariyosānā parikkammetanā cāti ayaṃ bhāvanāmayapuññakiriyavattu nāma. Appanāppattāpi bhāvanāyeva, sā pana na kāmāvacarāti idha na gahitā. Niravajjavijjāyatanakammāyatanasippāyatanānaṃ sikkhanacetanāpi bhāvanāmayeyeva samodhānaṃ gacchatīti ācariyā. Yā cettha deyyadhammaṃ khayato vayato sammassitvā dadato pavattā, sāpi pubbe viya ubhayabhāge cetanānaṃ tathā pavattattā bhāvanāmayapuññakiriyavattḥuyevāti vedittabbaṃ.

Dānādikaṃ yaṃ kiñci sucaritakammaṃ katvā “asukassa ca nāma patti hotu, sabbasattānaṃ vā hotū”ti evaṃ attanā katassa parehi sādharmaṇabhāvaṃ paccāsīnavasena pavattā pattidānamayapuññakiriyavattu nāma. Kiṃ panevaṃ pattiṃ dadato puññakkhaya hotīti? Na hoti, yathā pana ekaṃ dīpaṃ jāletvā tato dīpasahassaṃ jālentassa paṭhamadīpo khīṇoti na vattabbo, purimālokena pana saddhiṃ pacchimālokassa ekībhāve atimahāva hoti, evameva pattiṃ dadato parihāni nāma na hoti, vuḍḍhiyeva pana hotīti daṭṭhabbā. Kathaṃ panesā dinnā nāma hotīti? “Idaṃ me puññakammaṃ sabbasattānaṃ, asukassa vā pariṇamatū”ti evaṃ pubbābhāge, pacchāpi vā vacībhedaṃ karontena manasā eva vā cintentena dinnā nāma hoti. Keci pana “yaṃ mayā kataṃ sucariṭaṃ, tassa phalaṃ ‘dammī’ti vuttepi patti dinnāva hoti”ti vadanti. Kusalakammādhikārattā pana parehi ca kammasseva anumoditabbattā kammameva dātābbaṃ, anumodentepi kammameva anumoditabbanti idamettha ācariyānaṃ sannīṭṭhānaṃ.

Cīvarādīsu paccāsārahitassa asaṃkiliṭṭhena ajjhāsayena samaṇabrāhmaṇānaṃ vattapaṭivattakaraṇavasena, gilānupaṭṭhānavasena ca pavattā veyyāvaccamayapuññakiriyavattu nāma.

Āmisakiñcakkhādīnirapekkhacittassa attano paṇuṇaṃ dhammaṃ vimuttāyatanasīse ṭhatvā desentassa, tatheva niravajjavijjāyatanādikaṃ upadisantassa ca pavattā desanāmayapuññakiriyavattu nāma. Parehi kataṃ yaṃ kiñci sucaritakammaṃ dinnamadinnampi vā issāmaccheramalaṃ pahāya “sādhu suṭṭhū”ti anumodantassa pavattā anumodanapuññakiriyavattu nāma, “atthi dīna”ntiādīnā kammassakatāññavasena diṭṭhiṃ ujuṃ karontassa pavattā diṭṭhijukammaapuññakiriyavattu nāma. Yadi evaṃ ñāṇavippayuttacittassa diṭṭhijukammaapuññakiriyatā na labbhatīti? No na labbhatī purimāpacchīmetanānampi taṃtaṃpuññakiriyāsveva saṅgaṇhanato. Tathā hi vakkhati –

“Purimā muñcanā ceva, parā tissopi cetanā;
Hoti dānamayaṃ puññaṃ, evaṃ sesesu dīpaye”ti.

Tasmā kiñcāpi ujukaraṇavelāyaṃ ñāṇasampayuttameva cittaṃ hoti, purimāpacchābhāge pana ñāṇavippayuttampi hotīti tassāpi diṭṭhijukammaapuññakiriyabhāvo uppajjati.

Apare panāhu – viññāṇapaññāṇavasena dassanaṃ diṭṭhi, cittaṃ paññā ca. Diṭṭhiyā ujubhāvo diṭṭhijuttaṃ. Kiṃ taṃ? Kusalañca viññāṇaṃ kammassakatāññādi ca sammādassanaṃ. Tattha kusalaviññāṇena ñāṇuppādepi attano sucariṭānussaraṇaparaguṇapasaṃsaraṇagamanānaṃ saṅgaho, kammassakatāññāṇena kammaṭṭhasammādiṭṭhiyāti.

Dānādisampayuttaṃ pana ñāṇaṃ dānādīsveva antogadhanti vedītabbaṃ. “Evamimaṃ dhammaṃ sutvā tattha vuttanayena paṭipajjanto lokiyalokuttaraguṇavisesaṃ adhigamissāmi, bahussuto vā hutvā pare dhammadesanāya anuggaṇhissāmi”ti evaṃ attano, paresaṃ vā vimuttāyatanaśisena saddhammaṃ suṇantassa pavattā savanamayapuññakiriyavatthu nāma. Niravajjavijjāyatanaḍisavanacetanaṃpi ettheva saṅgayhati. Pūjārahe, garuṭṭhāniye, mahallake ca disvā āsanā vuṭṭhahantassa
 pattacīvarapaṭiggahaṇamaggadānaabhivādānaañjalikammakaraṇaāsanapupphagandhādiabhīhāraṃ karontassa ca pavattā bahumānacetanaḍ apacītisahagatapuññakiriyavatthu nāma. Veyyāvaccāpacāyanānañhi ayaṃ vireso – vayasā, guṇena ca jeṭṭhānaṃ, gilānānañca taṃtaṃkiccakaraṇaṃ veyyāvaccāṃ, sāmīcīkiriyaḍ apacāyananti.

22-3. Evaṃ aṭṭhakathāya āgatanayena dasapuññakiriyavatthūni dassetvā idāni sutte āgatanayena dānaṃ sīlaṃ bhāvanāti tīṇīyeva dassetuṃ tesu itaresaṃpi saṅgahaṃ dīpento āha “**gacchanti saṅgaha**”ntiādi. Tattha **pattidānānumodanā dāne saṅgahaṃ gacchanti** taṃsabhāvattā. Dānampi hi issāmaccherānaṃ paṭipakkhaṃ, etepi, tasmā samānapaṭipakkhatāya dānena saha ekalakkhaṇattā ete dānamayapuññakiriyavatthumhi saṅgahaṃ gacchanti. **Veyyāvaccāpacāyanā sīlamaye puññe saṅgahaṃ gacchanti** cārittasīlasabhāvattā. **Desanāsavanadīṭṭhiujukā** pana kusalahammāsevanato bhāvanato **bhāvanāmāyē saṅgahaṃ gacchanti**. Keci pana “desento, suṇanto ca desanānusārena ñāṇaṃ pesetvā lakkhaṇaṃ paṭivijjha deseti, suṇāti ca, tāni ca desanāsavanāni paṭivedhameva āharantīti desanāsavanaṃ bhāvanāmāyē saṅgahaṃ gacchati”ti vadanti. Dhammadānabhāvato “desanā dānamāyē saṅgahaṃ gacchati”tipi sakkā vattuṃ. Tathā dīṭṭhiujukammaṃ sabbatthāpi sabbesaṃ niyamanalakkhaṇattāti. Dānādīsū hi yaṃ kiñci “atthi dinna”ntiādinayappavattāya sammādīṭṭhiyāva visodhitāṃ mahapphalaṃ hoti mahānisamsanti. Evañca katvā **dīghanīkāyāṭṭhakathāyaṃ** “dīṭṭhiujukammaṃ pana sabbesaṃ niyamanalakkhaṇa”nti (dī. nī. aṭṭha. 3.305) vuttaṃ. Mahāsaṃghīyā pana abhayagīrivāsīno ca dīṭṭhiujukammaṃ visuṃ puññakiriyabhāvena na gaṇhanti. Tathā hi te dānaṃ sīlaṃ bhāvanā samsuti desanānussatīmodanaṃ veyyāvaccapūjāsaraṇappattīpasamsā cāti attanā katapuññānussaraṇaṃ buddhādīsū saraṇagamaṇaṃ paraḡuṇapasamsāti imāni tīṇī pakkhipitvā dīṭṭhiujukammaṃ aggahetvā dvādasa puññakiriyavatthūni paññāpentī. **Puna tīnevāti** paṭhamaṃ dasāpi samānā puna saṅkhepatō tīṇeva sambhonti.

24. Idāni parehi niddisīyamānānaṃ puññānussaraṇādīnaṃ attanā niddīṭṭhesveva samodhānaṃ dassetuṃ “**sabbānussatīpuññāñca**”tiādi vuttaṃ. Tattha sabbasseva attanā katasucaritassa anussaraṇaṃ **sabbānussatīpuññaṃ** nāma. **Pasamsāti** parehi katāya puññakiriyāya, sammāpaṭīpattīyā ca vipasannacittena pasamsanaṃ, santussananti attho. **Saraṇattayanti** ettha saranti hīmsantīti saraṇāni, buddhādīni tīṇī ratanāni. Tāni hi saraṇagatānaṃ teneva saraṇagamaṇena bhayaṃ santāsaṃ duggatīparikkīlesaṃ hīmsanti vināsenti. Tayo avayavā assāti tayaṃ, tīhi avayavehi yuttasamudāyassettaṃ adhīvacanaṃ, saraṇānaṃ tayaṃ saraṇattayaṃ, tīṇī saraṇānīti vuttaṃ hoti. Na hi avayavavinimutto samudāyo nāma koci atthīti. Idha pana saraṇattayaggahaṇena upacārato, uttarapadalopato vā saraṇagamaṇaṃ adhippettaṃ. Na hi saraṇattayaṃ puññakiriyavatthu nāma hoti. Atthato panetaṃ “sammāsambuddho vata so bhagavā, svākkhāto dhammo, suppaṭīpanno saṃgho”tiādinā buddhādīsū pasādapaṭīlābhavasena pavattā cetanā **dīṭṭhiujukammasmīṃ saṅgahaṃ yanti** taṃvaseneva tesāṃ ijjhato. Na hi viparītadīṭṭhīkassa imāni tīṇī sambhavanti, tasmā te ekantena dīṭṭhiujukammaṃpuññakiriyavatthumīṃ saṅgahaṃ gacchanti, na visuṃ puññakiriyabhāvena gahetabbāti adhippāyo. Tenāha “**natthī saṃsayo**”ti. Dīṭṭhiujukammaṃsa bhāvanāmāyasaṅgahepi saṅkhepanayena bhāvanāmāyē saṅgayhanti, vitthāranayena pana “kattha nu kho”ti saṃsayo siyāti imesaṃ bhāvanāmāyasaṅgaho na vutto. Dīṭṭhiujukammaṃsa vā sabbesaṃ mahapphalabhāvanīyāmakattena mūlabhūtattā tassa padhānabhāvaṃ dassetuṃ visuṃ tattha saṅgayhanti vuttaṃ. Apara pana “saṅgaṇhanto saṅgaṇhāti, gaṇhanto ‘muñcatī’ti vacanato saraṇagamaṇassa sīlasamādāne viya gahaṇaṃ sambhavatīti sīlamāyē saṅgayhatī”ti vadanti. “Saraṇagamaṇaṃ paṇīpātābhāvato apacītisahagate saṅgayhatī”ti keci.

25. Idāni yathāvuttapuññakiriyavatthūnaṃ purīmapacchīmaḡgavasena pavattamānāpi cetanā tattha tattheva saṅgahaṃ gacchantīti dassetuṃ “**purīmā muñcanā**”tiādi vuttaṃ. Tattha **purīmāti** dānatthāya deyyadhammaṃ dhammena samena uppādentassa, uppannaṃ “parīcājissāmī”ti cintentassa, dakkhīṇeyyaṃ pariyesantassa ca yāva vatthuno paṭīggāhakassa hatthe vissajjanaṃ, pariṇāmanaṃ vā, tāva pavattā pubbhāḡgacetanā. Paṭīggāhakassa pana hatthe vissajjanacetanā, pariṇāmanacetanā vā muñcanacetanā nāma. Sāyeva nīggahītalopena “**muñcanā**”ti vuttā. “**Muñcanā**”itiyeva vā pāṭho. **Parāti** attanā vissatthavatthumhi ālayaṃ akatvā “sādhu sutthū aggaṃ dānaṃ me dinna”nti somanassacittena paccavekkhantassa uppannā aparabhāḡgacetanā. **Tissopi cetanāti** itī ayañca purīmā cetanā, ayañca muñcanacetanā, ayañca aparacetanāti tissopi cetanā ekato hutvā **dānamayaṃ puññaṃ hoti**, dānamayapuññakiriyavatthu nāma hotīti attho. “Puñña”nti padaṃ apekkhitvā “hotī”ti ekavacananīddeso. Idāni yathāvuttamatthaṃ sesesupī atīdisanto āha “**evaṃ sesesu dīpaye**”ti. **Sesesūti** sīlādīsū puññakiriyavatthūsū **evaṃ** yathāvuttanayena “sīlaṃ ‘rakkhissāmī’ti cintentassa, ‘pabbajissāmī’ti vihāraṃ gacchantassa pavattā purīmacetanā, sīlaṃ samādīyantassa, pabbajantassa, sīlaṃ parīpūrentassa uppannā majjhimacetanā, ‘pūritaṃ me’ti paccavekkhantassa uppannā aparacetanāti evaṃ tissopi cetanā ekato hutvā sīlamayapuññakiriyavatthu nāmā”tiādinā **dīpaye**, pakāseyyāti attho. Nanu ca attanā katapuññānussaraṇacetanā dīṭṭhiujukammaṃsaṅgahītā, ayañca aparacetanā

sāyevāti kathamassā tattha saṅgahoti? Nāyaṃ doso, visayabhedena ubhinnaṃpi visesasabbhāvato. Puññānussaraṇaṅhi attanā katapuññavisayameva. Ayaṃ pana tabbatthuvīsayaṅti pākaṭoyeva dvinnāṃ visesoti.

Ettāvata ca yaṃ vuttaṃ “dasapuññakiriyavattthuvāseneva pavattati”ti, tattha dasapuññakiriyavattthūni sarūpato, saṅgahato ca niddisīvā idāni tathāpavattamānassa cassa pāṭekkaṃ pavattākāraṇīsayaṃ dassetuṃ “**idāni**”tiādi āradhama. Tattha **ayanti** vakkhamānanidassanaṃ. Dātabbo dhammo deyyadhammo, annādidasavidhaṃ vatthu. Vuttaṅhi –

“Annaṃ pānaṃ vatthaṃ yānaṃ, mālāgandhavilepanaṃ;
Seyyāvasathapadīpeyyaṃ, dānavatthū dasāvime”ti.

Paṭiggāhako ādi yesaṃ desakālamittādīnaṃ te paṭiggāhakaḍayo, deyyadhammassa, paṭiggāhakaḍīnaṃca sampatti sampannaṭā **deyyadhammapaṭiggāhakaḍisampatti**. Tattha deyyadhammassa paṇītanāpabhāvo dhammena samena uppannabhāvo **deyyadhammasampatti**. Paṭiggāhakaṇaṃ aggadakkhiṇeyyabhāvo **paṭiggāhakasampatti**. Dullabhaannapānādikā deso **desasampatti**. Tādisova kālo **kālasampatti**. Dullabhaannapānādikā hi dese, kāle vā dinnāṃ ajjhāsayaṃ balavatāya mahapphalaṃ, somanassahetukaṇca hoti, tasmā te dānassa sampattivāsena vuttā. **Mittasampatti** pana kalyāṇamittabhāvo. Kalyāṇamittaṅhi nissāya dānādīsu cittaṃ odagyappattaṃ hoti. **Paricārikasampatti** pana anāṇattiyāpi taṃtaṃkiccasampādane appamattassa paricārikajānassa paṭilābho. **Aññaṃ vā somanassahetunti** saddhābahulatāvisuddhiḍḍhitāḍibhedāṃ aññaṃ somanassakāraṇaṃ vā. **Āgammāti** upāgama, paṭiccāti attho. **Haṭṭhapahaṭṭho** somanassavāsena haṭṭho ceva pahaṭṭho ca. Ubhayenāpi adhikasomanassaṃ vuttaṃ. **Atthi...pe... pavattanti** “atthi dinnāṃ, atthi yitthaṃ, atthi hutāṃ, atthi sukataḍukkaṭānaṃ kammānaṃ phalaṃ vipāko, atthi ayaṃ loko, atthi paro loko, atthi mātā, atthi pitā, atthi sattā opapātikā, atthi loka samaṇabrāhmaṇā sammaggatā sammāpaṭipannā, ye imaṇca lokaṃ paraṇca lokaṃ sayāṃ abhiññā sacchikatvā upasampajja viharanti”ti (ma. ni. 1.441) evaṃ pavattaṃ dasavidhaṃ sammāḍiṭṭhivatthuvāsena ceva dhammavicayasambojjhaṅgaṭṭhāniyādīnaṃ vāsena ca pavattaṃ. Ādi-saddena hi na kevalaṃ navannaṃyeva sammāḍiṭṭhivatthūnaṃ gahaṇaṃ, atha kho dhammavicayasambojjhaṅgaṭṭhāniyānāṃpi saṅgaho. Sammā nīyena pavattā ḍiṭṭhi, pasatthā vā ḍiṭṭhīti **sammāḍiṭṭhi**, taṃ. **Purakkhatvāti** pubbaṅgamaṃ katvā. Taṇca kho sahaṇātapubbaṅgamavāsena “manopubbaṅgamā dhammā”tiādisu (dha. pa. 1-2) viya sampayogassa adhippetattā.

Anussāhitoti lobhamacchariyādivāsena puññakiriyāya saṅkocaṃ anāpajjanato attanā, parena vā kenaci anussāhito hutvā. Sabhāvato hi puññappavattidassanaṃidāṃ. **Parehīti** pana parapākaṭussāhadassanavāsena vuttaṃ. **Paṭhamanti** desanākkamena, idha niddiṭṭhakkamena vā paṭhamaṃ. **Mahākusalacittanti** somanassasahagatāḍiāṅgapāripūriyā mahantaṃ kusalacittaṃ. Atha vā pacchimabhavikabodhisattānaṃ paṭisandhiākaḍḍhanato mahantaṃ pūjitaṃ kusalacittanti **mahākusalacittaṃ**. Sabbesampi hi sabbaññubodhisattānaṃ paṭisandhi mettāpubbaṅgamaṃ tihetukasomanassamayassa asaṅkhārikacittassa vipākoti vuttaṃ. Ettha “deyyadhamma...pe... haṭṭhapahaṭṭho”ti ettāvata imassa somanassasahagatabhāvamāha, “sammāḍiṭṭhiṃ purakkhatvā”ti nīṇasampayuttabhāvaṃ, “anussāhito”ti pana iminā asaṅkhārikabhāvanti ḍaṭṭhabbaṃ.

Vuttanayenevāti “deyyadhammapaṭiggāhakaḍisampattiṃ, aññaṃ vā somanassakāraṇaṃ āgammā”ti evaṃ vuttanayena. **Ussāhitoti** deyyadhamme sāpekkhāḍitāya, sīlasampadādīsu anadhimuttatādīhi ca puññakiriyāya saṅkocāpajjanato attanā, parena vā kenaci ussāhito. **Parehīti** pana vuttanayameva. Karoti dānādīni puññānti sambandho. **Tamevāti** somanassasahagatādīnā taṃsādisatāya vuttaṃ. Hoti hi taṃsādisepi taṃvohāro yathā ca “sāyeva tittirī, tāniyeva osadhāni”ti. Ettha pana “ussāhito”ti iminā asaṅkhārikataṃ dasseti. Sesaṃ vuttanayameva. **Imasmim paṇattheti** imasmim asaṅkhārikasaddābhidheyye, ussāhitabbacittasaṅkhāte atthe taṃvisayeti attho. **Pubbappayogassāti** puññakiriyāya saṅkoce jāyamāne tato vivecetvā samussāhanavāsena pavattassa cittappayogassa. **Pubba-ggahaṇaṃ** paṇettha tathāpavattapubbābhisāṅkhāravāsena so payogo hotīti katvā vuttaṃ, na tassa pubbakālikatāyāti vuttovāyamattho.

Paṭipattidassanenāti bhikkhū disvā deyyadhammapariccajanavandanāḍiṭṭhiṃpaṭipattidassana. Balanti anantīti bālā, assāsītapassāsītamatteneva jīvanti, na paññājīvitenti adhippāyo. Bālāyeva **bālakā**. Te pana idha “atthi dinna”ntiādinayappavattāya sammāḍiṭṭhiyā abhāvena asaṅkhātabuddhino dārakā. Pākaṭavāsena cettha **bālaka-ggahaṇaṃ**. Sahasā karaṇādikāle pana itaresampi nīṇavippayuttaṃ hotīti. Somanassaṃ jātaṃ etesanti **somanassajātā**, jātasomanassāti attho. **Sahasāti** sīghaṃ sīghaṃ dātukāmatāya uppattisamakālemeva.

Ettha ca “paṭipattidassanenā”ti iminā paresaṃ payogaḍbhāvamāha, “jātaparicayā”ti attano payogaḍbhāvaṃ. Ubhayenāpi imassa asaṅkhārikabhāvaṃ ḍīpeti. “Bālakā, sahasā”ti ca imehi nīṇavippayuttabhāvaṃ, “bhikkhū...pe... jātā”ti somanassasahagatabhāvaṃ. Atha vā “paṭipatti...pe... paricayā”ti iminā asaṅkhārikabhāvassa “bālakā bhikkhū...pe... jātā”ti ca imehi nīṇavippayuttasomanassasahagatabhāvassa ca ḍīpitattā “sahasā”ti vacanena

yathāvuttameva ñāṇavippayuttaasaṅkhārikabhāvaṃ pakāseti. Evaṃ sati paṭilomato somanassasahagatādibhāvo dassito hoti. Anulomato pana “somanassajātā”ti iminā somanassasahagatabhāvaṃ, sahasā-ggahaṇena ñāṇavippayuttasaṅkhārikabhāvaṃ dīpeti. “Paṭipatti...pe... disvā”ti ettāvataṃ pana somanassasahagatādibhāvassa kāraṇaṃ vuttanti. **Teti** te ñātakā, te bālakāti vā attho. “**Somanassahetūnaṃ abhāvaṃ āgammā**”ti idaṃ nidassanamattaṃ daṭṭhabbaṃ. Majjhattārammaṇaṃ tathārūpe cetobhisāṅkhārādayopi hi upekkhāsahagatāya kāraṇamevāti. Cittassa somanassābhāve puggalassapi somanassarahitatā hotīti “**catūsupi...pe... hontī**”ti puggalādhiṭṭhānaṃ katvā vuttaṃ, somanassarahitā hontī puññaṃ karontāti adhippāyo. “**Eva**”ntiādi nigamaṇaṃ.

Imesu pana aṭṭhasu viññāṇesu somanassasahagatato upekkhāsahagataṃ balavataraṃ, ñāṇavippayuttato ñāṇasampayuttaṃ, sasaṅkhārikato asaṅkhārikaṃ sadisaṃ balavataraṃ. Visadisāṃ pana vedanāñāṇappayogavasena balavaṃ, dubbalaṅca hoti. Somanassasahagatatihetukaasaṅkhārikato hi upekkhāsahagatatihetukasasaṅkhārikaṃ balavataraṃ, upekkhāsahagataduhetukaasaṅkhārikato somanassasahagatatihetukaasaṅkhārikaṃ balavataraṃ. Iti catutthacittato tatiyacittaṃ balavataraṃ, tato aṭṭhamacittaṃ, tato sattamacittaṃ, tato dutiyacittaṃ, tato paṭhamacittaṃ, tato chaṭṭhacittaṃ, tato pañcamacittanti evamimesaṃ balavabalavatarabhāvo veditabbo.

26. Evaṃ pāliyaṃ āgatanayena vedanāñāṇappayogabhedato aṭṭhavidhataṃ niddisitivā idāni aṭṭhakathāyaṃ āgatapuññakiriyādīnaṃ vasenapi pabhedaṃ dassetuṃ “**dasa puññakiriyādīna**”ntiādi vuttaṃ. **Ādi**-saddena channaṃ ārammaṇānaṃ, catunnaṃ adhipatīnaṃ, tiṇṇaṃ kammānaṃ, hīnādibhedassa ca saṅgaho daṭṭhabbo. Tenevāhu –

“Kamena puññavatthūhi, gocarādhipatīhi ca;
Kammahīnādito cāpi, gaṇeyya nayakovidō”ti.

27. Idāni tathāpavattamānassa tassa yo yo tesāṃ tesāṃ vasena labbhamāno gaṇanapariccheto, taṃ sampiṇḍivā dassetuṃ “**sattarasa sahasāni**”tiādi vuttaṃ. Tatthevaṃ gaṇanā veditabbā – imāni tāva aṭṭha viññāṇāni dasannaṃ puññakiriyavatthūnaṃ vasena pavattanato paccekaṃ dasa dasāti katvā asīti cittāni hontī, tāni ca chasu ārammaṇesu pavattanato chagguṇitāni sāsītīkāni cattāri satāni hontī, tāni catunnaṃ adhipatīnaṃ sahayogavasena catugguṇitāni sahasaṃ, vīsādhikāni ca nava satāni hontī, tāni ca kāyavacīmanosaṅkhātānaṃ tiṇṇaṃ kammānaṃ vasena tiguṇitāni sasaṭṭhisattasatādhikāni pañca sahasāni hontī, tāni ca hīnamajjhimaṇaṭṭhānaṃ tiṇṇaṃ kammānaṃ vasena tiguṇitāni sāsītīkadvisatādhikāni sattarasa sahasāni hontīti. Nanu ca ñāṇavippayuttacittānaṃ vīmaṃsādhipatisahayogābhāvato adhipativasena sahasaṃ, sāsītīkāni ca cha satāni hontīti tāni kammādīnaṃ vasena sampiṇḍitāni vīsasatādhikāni pannarasa sahasāni bhavantīti? Saccametaṃ, sotapatitavasena pana taṃ anādiyivā adhipatigaṇanā gahitāti na tassa vasena gaṇanahāni katāti daṭṭhabbaṃ.

Nanu ca “savipākaṃ kusala”nti vuttaṃ, taṃ pana kathāṃ, kuhiṃ, kiṃ phalaṭīti codanaṃ sandhāyāha “**taṃ panā**”tiādi. Yasmā tihetukaṃ kusalaṃ tihetukaṃ vā duhetukaṃ vā paṭisandhiṃ deti, nāhetukaṃ paṭisandhiṃ deti. Yadā ca tihetukaṃ paṭisandhiṃ janeti, tadā pavatte soḷasa vipākāni abhinipphādeti. Yadā dvihetukaṃ, tadā dvādasa. Duhetukaṃ pana duhetukamahetukaṅca paṭisandhiṃ janeti, na tihetukaṃ. Yadā ca duhetukaṃ janeti, tadā pavattiyāṃ dvādasa. Yadā ahetukaṃ, tadā aṭṭha. Ye pana āgamanato vipākassa saṅkhārabhedamicchanti, tesāṃ matena tihetukaṃ dvādasa, dasa vā vipaccati, duhetukaṃ dasa, aṭṭha vā, tasmā vuttaṃ “**yathānurūpa**”nti. Nānāvīdhasampattiṭṭhānabhāvato sobhanā, gantabbato gati cāti sugati, kāmāvacarabhavova sugati kāmāvacarasugati. Tassaṃ **kāmāvacarasugatiyaṃ. Bhavabhogasampattinti** ettha ca bhavati bhavo, upapattibhavasāṅkhātānaṃ vipākakkhandhakaṭṭhānāmetāṃ gahaṇaṃ, bhuñjitabbato bhogo, pavattiyāṃ paṭilabhitabbasampatti, bhavoti vā paṭisandhi, bhogo sesavipākakaṭṭhānāpehi saha pavattiyāṃ paṭilabhitabbā sampatti, bhavo ca bhogo ca bhavabhogo, teyeva sampannabhāvato sampatti, tesāṃ vā sampatti bhavabhogasampatti, taṃ **abhinipphādeti**, janakavasena ca upanissayavasena ca sādhetīti attho. Ettha ca bhavabhogasampattīnaṃ niravasesato labbhamānaṭṭhānaṃ sandhāya “kāmāvacarasugatiya”nti vuttaṃ. Sahetukavipākavajjaṃ pana pavattivipākakaṭṭhānāpasabhāvaṃ bhavasampattiṃ, ekaccabhogasampattiṅca, bhogasampadameva vā avisesena sugatiyaṃ duggatiyaṃ abhinipphādetiyeva. Nāgasupaṇṇādīnaṃpi hissa devasampattisadisāṃ manuññaṃ bhogajātaṃ, tabbisayāni ca vipākacittāni, suvaṇṇatāsussaratādi ca taṃ sabbāṃ kāmāvacarakusalasseva phalaṃ. Na hi akusalassa iṭṭhaphalaṃ atthi. Vuttañhetāṃ – “aṭṭhānametaṃ anavakāso, yaṃ akusalassa iṭṭho kanto vipāko saṃvijjati”ti.

Kāmāvacarakusalavaṇṇanā niṭṭhitā.

Rūpāvacarakusalavaṇṇanā

Idāni yasmā kāmāvacarakusalānantaraṃ uddiṭṭhassa rūpāvacarakusalassa niddesāvākāso anuppatto, tasmā taṃ dassanattaṃ “**itaresū**”tiādi āradhāṃ. Tattha **itaresū**ti yathāvuttakāmāvacarakusalato itaresu, rūpāvacarādīsūti attho. **Savatthukato ekavidhaṃ** ekantena vatthusannissittā. Na hi arūpadhātuyāṃ rūpāvacaradhammā labbhanti

rūpavirāgabhāvanāya nibbattatā puna rūpāvacarajjhānasamāpattiyā abhāvato.

Hīnamajjhimaṇṇābhedatoti ettha pubbe viya adhipatīnaṃ hīnādibhāvehi jhānassa hīnādibhāvo yojetabbo. Atha vā paṭiladdhamattamanāsevitāṃ **hīnaṃ** paridubbala bhāvato, nātibhāvitāṃ aparipuṇṇavasibhāvaṃ **majjhimaṃ**, ativiya subhāvitāṃ pana sabbaso paripuṇṇavasibhāvaṃ **paṇītaṃ**. Tathā ulārapuṇṇāphalakāmatāvasena pavattitāṃ **hīnaṃ**, lokiyābhīññatthāya pavattitāṃ **majjhimaṃ**, vivekakāmatāya ariyabhāve tīhena pavattitāṃ **paṇītaṃ**. Attahitāya vā pavattitāṃ **hīnaṃ**, kevalaṃ alobhajjhāsayena pavattitāṃ **majjhimaṃ**, parahitāya pavattitāṃ **paṇītaṃ**. Vaṭṭajjhāsayena vā pavattitāṃ **hīnaṃ**, vivekajjhāsayena pavattitāṃ **majjhimaṃ**, vivaṭṭajjhāsayena lokuttarapādakatthaṃ pavattitāṃ **paṇītaṃ**.

Paṭipadādibhedatoti dukkhapaṭipadādandhābhīññādināṃ paṭipadābhīññānaṃ bhedenā. Paṭipadāvacaneneva vā tadavinābhāvato abhiññāpi labbhati. Tathā hettha paṭipadācatukkanti voharantīti **ādi**-saddena adhipatīdināṃ saṅgho daṭṭhabbo, tasmā **paṭipadā**dibhedatoti paṭipadābheda, adhipatibhedato, ārammaṇabheda, hānabhāgiyādibhedatoti attho. Tattha paṭipadābheda tva dukkhapaṭipadaṃ dandhābhīññaṃ, dukkhapaṭipadaṃ khippābhīññaṃ, sukhapaṭipadaṃ dandhābhīññaṃ, sukhapaṭipadaṃ khippābhīññanti evaṃ catubbidhaṃ hoti. Tattha dukkhā paṭipadā assāti **dukkhapaṭipadaṃ**. Dandhā abhiññā assāti **dandhābhīññaṃ**. Esa nayo “**dukkhapaṭipadaṃ khippābhīñña**”ntiādīsupi.

Tattha appahīnanīvaraṇassa, avikkhambhitajjhānanikantikassa ca nīṇakiccassa aparibyattatāya parinīṭṭhasakalapubbakiccassa “pathavī pathavī”ti vā “āpo āpo”ti vā evaṃ pavattapaṭhamasamannāhārato paṭṭhāya yāva tassa tassa jhānassa upacāruppattiyā nīvaraṇappahānaṃ, nikantivikkhambhanañca hoti, tva pavattā pubbhāgabhāvanā **paṭipadā** nāma “paṭipajjati jhānaṃ etāyā”ti katvā. Pahīnanīvaraṇassa, pana vikkhambhitajjhānanikantikassa ca nīṇakiccassa paribyattabhāvato upacārajjhānaṃ ādim katvā yāva appanāya uppatti, tva pavattā paññā pubbhāgapaññāya viṣiṭṭhabhāvato **abhiññā** nāma, tasmā yo ādito kilese jhānanikantiñca vikkhambhento dukkhena sasaṅkhārena sappayogena kilamanto vikkhambheti, vikkhambhitakilesajjhānanikanti ca appanāparivāsaṃ vasanto cirena aṅgapātubhāvaṃ pāpuṇāti, tassa dukkhapaṭipadaṃ, dandhābhīññañca jhānaṃ hoti. Yo pana sasaṅkhārena kilesādike vikkhambhetvā na cirena aṅgapātubhāvaṃ pāpuṇāti, tassa dukkhapaṭipadaṃ, khippābhīññañca. Yo kilesādike vikkhambhento sukhena akilamanto vikkhambheti, appanāparivāsaṃ pana cirāyati, tassa sukhapaṭipadaṃ, dandhābhīññaṃ. Yo pana sukheneva kilesādike vikkhambhetvā sīghameva appanaṃ pāpuṇāti, tassa sukhapaṭipadaṃ, khippābhīññanti vedītabbaṃ.

So panāyaṃ paṭipadābhīññānaṃ bhedo kilesindriyādhikārasena vedītabbo. Yassa hi rāgādayo kilesā tībbā hontī, saddhāpañcamakāni ca indriyāni mudūni. Yo ca samathavīpassanāsu akatādhikāro, tassa pavattajjhānaṃ dukkhapaṭipadaṃ, dandhābhīññañca hoti. Tassa hi kilesasamudācāratibbatāya nīvaraṇavikkhambhanassa kicchena kasirena samijjhanato paṭipadā dukkhā asukhā, tasseva saddhādīnaṃ indriyānaṃ mudutāya abhiññāpi dandhā mandā asīghappavattinī hoti. Bhavantare vā samathe akatādhikāratā paṭipadā dukkhā, vipassanāya akatādhikāratā abhiññāpi dandhā. Yo pana vuttaviparīto hoti, tassa kilesānaṃ atibbasamudācāratāya, indriyānañca tikhīṇatāya samathavīpassanāsu katādhikāratāya yathākkamaṃ sukhapaṭipadā, khippābhīñña ca hoti. Bhavantare kataparicayassa hi yathā paguṇaṃ katvā viṣiṭṭhagantho appamattakena payogena suppavatti vācuggato ca hoti, evaṃ bhāvanā appakasireneva ijjatīti. Svāyaṃ akato, kato ca adhikāro samathanissito paṭipadāyaṃ vutto samādhīppadhānattā paṭipadāya. Vipassanānissito abhiññāya nīṇappadhānattā appanāyati daṭṭhabbaṃ.

Yo pana tībbakilesō tikkhindriyo vipassanāyameva vā katādhikāro hoti, tassa vuttanāyena dukkhā paṭipadā, khippā pana abhiññā hoti, tabbiparītassa sukhapaṭipadā dandhābhīññāti. Tasmā kilesānaṃ tībbamandabhāvato, indriyānaṃ tikhīṇamudubhāvato, pubbaparicayassa ca sambhavāsambhavavaseṇāti evaṃ kilesindriyādhikārasena imāsaṃ bhedo vedītabbo.

Apica yāni parato sappāyāsappāyāni, palibodhupacchedāṇi pubbakiccāni, appanākosallāni ca āgamissanti, tesu yo upacārādhigamato pubbe, pacchā ca asappāyasevī hoti, tassa dukkhā paṭipadā, dandhā ca abhiññā hoti. Ubhayattha sappāyasevino sukhā paṭipadā, khippā ca abhiññā. Yo pana tato pubbhāge asappāyaṃ sevītvā aparabhāge sappāyasevī hoti, tassa dukkhā paṭipadā, khippā abhiññā. Tabbiparītassa sukhā paṭipadā, dandhā abhiññā ca vedītabbā.

Tathā palibodhupacchedādupubbakiccaṃ asampādetvā bhāvanamanuyūñjantassa saporipanthatāya dukkhā paṭipadā, vipariyāyena aparipanthatāya sukhā. Appanākosallāni asampādentassa nīṇassa avisadatāya dandhā abhiññā hoti, sampādentassa vipariyāyato khippā abhiññāti. Kīñca – taṇhāvījjatibhavanavasena etāsaṃ bhedo vedītabbo. Taṇhābhībhūtassa hi dukkhā paṭipadā hoti tassā samādhissa ujupaṭipakkhattā samathapaṭipadāya paripanthakabhāvato, anabhībhūtassa tadabhāvato sukhā. Avījjābhībhūtassa ca tassā paññāya ujupaṭipakkhabhāvato dandhā abhiññā, itarassa khippā abhiññāti. So panāyaṃ paṭipadābhedo kevalaṃ samathabhāvanāvasena paṭiladdhajjhānassa,

maggādhigamavasena paṭiladdhajjhānassa pana natthi dukkhapaṭipadādibhedo. Keci pana maggavaseneva tassa paṭipadādibhedam vaṇṇenti “maggassa hi dukkhapaṭipadādibhāve tasmim dukkhapaṭipadādika”nti.

Adhipatibhedādīsu pana chandādhipeyyam cittādhipeyyam vīriyādhipeyyam vīmaṃsādhipeyyanti evam adhipatibhedato, parittam parittārammaṇam, parittam appamāṇārammaṇam, appamāṇam parittārammaṇam, appamāṇam appamāṇārammaṇanti evam ārammaṇabhedato, hānabhāgiyam thitibhāgiyam visesabhāgiyam nibbedhabhāgiyanti evam hānabhāgiyādibhedato ca catubbidhatā veditabbā. Tattha “chandavato ce jhānam nibbattissati, mayhampi nibbattissati”ti evam chandam dhuram katvā uppannam **chandādhipeyyam**. Esa nayo “**cittādhipeyyā**”disupi. Appaṇam pana uparijhānassa paccayo bhavitum asakkontam **parittam**, supparāvamattesu avaḍḍhitārammaṇesu nibbattam **parittārammaṇam**. Vuttapaṭipakkhato pana yathākkamam **appamāṇārammaṇādīni** veditabbāni. Hānabhāgiyādivisesam sayameva vakkhati.

Jhānaṅgayogabhedatoti katthaci pañca jhānaṅgāni, katthaci cattāri, katthaci tīpi, katthaci dve, katthaci aparāni dveti evam jhānaṅgānam sampayogabhedato. Nanu cettha kāmāvacarakusale viya saṅkhārabhedo kasmā na gahito. Idampi hi kevalam samathānuyogavasena paṭiladdham sasaṅkhāram, maggādhigamavasena paṭiladdhamasaṅkhāram, tasmā “jhānaṅgasaṅkhārayogabhedato dasavidha”nti vattabanti? Nayidamevam, maggādhigamavasena sattito paṭiladdhassāpi aparabhāge parikkammavaseneva uppajjanato, tasmā sabbassapi jhānassa parikkammasaṅkhātapubbābhisaṅkhārena vinā kevalam adhikārasena anuppajjanato “asaṅkhāra”ntipi vattum na sakkā, adhikārena ca vinā kevalam parikkammābhisaṅkhāreneva anuppajjanato “sasaṅkhāra”ntipi vattum na sakkāti jhānaṅgayogabhedato pañcavidhatā ca vuttāti.

Kāmacchando byāpādo thinamidham uddhaccakukkucam vicikicchāti imāni pañca nīvaraṇāni vipphānāni etassāti **kāmacchanda...pe... vipphānam**. “Agyāhito”ti ettha āhita-saddassa viya vipphāna-saddassettha paravacanam daṭṭhabbam. Kāmacchandādīhi vā vipphānam viyamuttam tesam pahāyakabhāvenāti **kāmacchanda...pe... vipphānam**. Tattha kāmetīti kāmo, chandanaṭṭhena chando cāti kāmacchando, bahalakāmarāgassetam adhivacanam. Byāpādādīnamattham vakkhati. Yasmā kāmacchandādīsu appahīnesu jhānam nuppajjati, tasmā tānissa pahānaṅgānti veditabbāni. Nanu aññepi akusalā dhammā iminā jhānena pahiyanti, atha kasmā pañceva pahānaṅgavasena vuttānti? Viseseva jhānantarāyakarattā. Kāmacchandavasena hi nānāvisayapalobhitam cittaṃ na ekattārammaṇe samādhiyati. Kāmacchandābhībhūtam vā nānāvisayasamupabyūḥhāya kāmādhātuyā pahānapaṭipadam na paṭipajjati, byāpādena ca ārammaṇe paṭihaññamānam na samāhitam pavattati, thinamidhābhībhūtam akammaññam hoti, uddhaccakukkucaparetam avūpasantameva hutvā paribbhamati, vicikicchāupahatam jhānādhigamapaṭipadam nārohati “sammāsambuddho nu kho, na nu kho, pathavī pathavī”tiādīnā pavattamanasikārena “jhānam siyā nu kho, na nu kho”tiādīnā vicikicchantassa jhānādhigamapaṭipadāya asaṃsijjanato. Yato vakkhati –

“Bhāgī assamaṇam addhā, imāya paṭipattiyā;
Pavivekasukhassāti, katvā ussāhamuttama”nti.

Tasmā samādhiādīnam ujuvipaccanīkabhāvena viseseva jhānādhigamassa antarāyakaṇato etāneva pahānaṅgānti vuttāni. Hoti cettha –

“Paccanīkā yato pañca, samādhādīnamettha hi;
Jhānantarāyikā tasmā, pahānaṅge niyāmitā”ti.

Evamidam pahānaṅgavasena dassetvā idāni sampayogaṅgavasena dassetum “**vitakka...pe... sampayutta**”nti vuttam. Tattha vitakkādayo vacanathalakkhaṇādivasena upari āgamissanti. Yasmā pana imesu uppennesu jhānam uppannam nāma hoti, tenassa imāni sampayogaṅgānti veditabbāni, tasmā na etehi samannāgataṃ aññadeva jhānam nāma atthīti gahetabbam. Yathā pana nemiādiāṅgasamudāye rathādivohāro hoti, evam jhānaṅgasamudāye jhānavohāro. Vuttampi hetam **vibhaṅge** “jhānanti vitakko vicāro pīti sukham cittassekaggatā”ti (vibha. 569). Kasmā pana aññesu pi chassādīsu sampayuttadhammesu vijjamānesu imāniyeva pañca jhānaṅgavasena vuttānti? Vuccate – upanijjhānakicavantaṭāya, kāmacchandādīnam ujuvuttapaṭipakkhabhāvato ca. Vitakko hi ārammaṇe cittaṃ abhinropeti, vicāro anubandhati. Evam jhānādhigamassa visesapaccayabhūtehi tehi avikkhepāya samādahitapayogassa cetaso payogasampattisamuttāhānā pīti pīṇanam, sukhaṇca upabrūhanam karoti. Atha nam sasampayuttadhammam etehi abhiniropanānubandhanapīṇanupabrūhanehi anuggahitā ekaggatā samādhānakiccena attānam anuvattāpentī ekattārammaṇe samam, sammā ca ādhiyati, indriyasamatāvasena samam, paṭipakkhadhammānam dūrībhāvena līnuddhaccābhāvena sammā ca ṭhapetīti evametesameva upanijjhānakiccam āveṇikam. Kāmacchandāpaṭipakkhabhāvena pana sayameva vakkhati. Evam upanijjhānakicavantaṭāya, kāmacchandādīnam ujuvuttapaṭipakkhabhāvato ca imeyeva pañca jhānaṅgabhāvena vavattitāti. Yathāhu –

“Upanijjhānakiccattā, kāmādiṭṭhapaṭṭhato;
Santesupi ca aññesu, pañceva jhānasaññitā”ti.

Desanākkamato, mahaggatadhammesu paṭhamam adhigantabbato ca **paṭhamam**, paṭhamam samāpajjitabbantipi **paṭhamanti** vadanti. Taṃ pana na ekantalakkhaṇam jhānapaṭiḷomādivasena samāpajjane asambhavato.

Purimapacchimacittesu uppajjamānassāpi appanākkhaṇe anuppajjanato vitakko vipphāno etassa, tato vā etaṃ vipphānanti **vitakkavippahīnam**. Bhāvanāya hi pahīnattā vitakko jhānakkhaṇe nuppajjati. Asaṃkiliṭṭhasabhāvattā pana upacārabhāvanāya ca taṃ pahātuṃ asamatthabhāvato purimabhāge, pacchābhāge ca apaccanīkacittappavattito uppajjatiyevāti.

Nanu ca “asaṃkiliṭṭhasabhāvattā”ti vuttaṃ, atha kathaṃ jhānena esa pahīyati? Na hi kusalehi asaṃkiliṭṭhadhammassa pahānaṃ atthi rāgādisaṃkiliṭṭhānaṃ pāpadhammānametassa ujupaṭipakkhabhāvato? Vuccate – asaṃkiliṭṭhasabhāvassāpi etassa oḷārikatāya dubbalabhāvato jhānakkhaṇe anuppattisabhāvāpādanattham tattha nikantivikkhambhanavasena dutiyajjhānabhāvanā hotīti tassā balena taṃ jhānakkhaṇe anuppajjantaṃ nikantivikkhambhanavasena vā vikkhambhitaṃ pahīnaṃ nāma hoti. Yadi evaṃ upacārenapi nikanti vikkhambhīyatīti tatthapissa pahānaṃ siyā, yathā paṭhamajjhānassa upacāre nīvaraṇānīti? Nayidamevaṃ, nīvaraṇappahānassa viya vitakkārammaṇikanikanti vikkhambhanassa upacārena sātisayaṃ anipphajjanato. Sātisayañhi tattha nikantippahānaṃ appanāya eva hoti, tasmā yadavocumhā “upacārabhāvanāya ca taṃ pahātuṃ asamatthabhāvato”ti, taṃ suṭṭhu upaparikkhitvā vuttanti daṭṭhabbaṃ. “**Vicāravippahīna**”ntiādīsipi vuttanayānusārena attho daṭṭhabbo. Dutiyajjhāneyeva pahīnassa vitakkassa idha appavattimattadassanattam **“vitakkavicāravippahīna”**nti vitakkagahaṇam kataṃ. Evaṃ **“vitakkavicārapītivippahīna”**ntiādīsipi.

Yathāsambhavanti pathavīkasiṇādīsū yaṃ yaṃ ārammaṇam yassa yassa sambhavati, tadanatikkamato. Kasiṇānāpānesu hi pañceva jhānāni pavattanti, asubhakāyagatāsātīsū paṭhamajjhānaṃ, anupekkhābrahmavihāresu pañcamajjhānavajjāni, upekkhābrahmavihāre pañcamajjhānanti.

Pathavīkasiṇādīsūti ettha **ādi**-ggahaṇena kevalam āpokasiṇādīnameva, atha kho asubhādīnampi appanāvahakammaṭṭhānānaṃ saṅgahoti daṭṭhabbaṃ. Ettha ca abhībhāyanavimokkhajjhānāni pavattākāramattato bhinnāni, ārammaṇato pana kasiṇāyatanāneva hontīti kasiṇāyatanajjhāneheva tāni saṅgahitāni. “**Yathāsambhavam... pe... anekavidha**”nti vā vacanena rūpāvacarajjhāne sabbopi labbhamānakabhedo saṅgahitoti abhībhāyanavimokkhajjhānāni visuṃ na vuttāni, tāni pana sarūpato evaṃ veditabbāni.

Tattha ñānuttarassa yogāvacarassa pathavīkasiṇādīārammaṇam abhībhavitvā “na mettha appanānibbattane bhāro”ti paṭipannassa nimittuppattito uddham dutiyatīyavīthiyam, catutthapañcamavīthiyam vā paṭiladdham jhānaṃ **abhībhāyatanam** nāma. Tañhi ārammaṇam abhībhavatīti abhībhū, yogīno sukhavisesānaṃ adhiṭṭhānatāya, manāyatanadhammāyatanapariyāpannatāya vā āyatananti abhībhāyatanam, abhībhavitabbaṃ vā abhībhū, ālambaṇam, taṃ āyatanamassāti abhībhāyatanam. Atha vā ālambaṇabhībhavanatoyeva abhībhū, parikammaṃ, ñānaṃ vā, taṃ āyatanam kāraṇamassāti abhībhāyatanam. Parikammaṃ, ñānaṃ vā ālambaṇam abhībhavitvā pavattamānaṃ upacāruppattito pañcamavīthimanatikkamitvā appanaṃ nibbatteti. Pañcamavīthito paraṃ nibbattaṃ pana abhībhavitukāmatāya nibbattitampi abhībhāyatanam nāma na hoti. Sāmaññagatiyā pana kasiṇāyatanameva hoti. Imameva hi sīghatarappavattim sandhāya **aṭṭhakathāyam** “tāni abhībhavitvā samāpajjati, saha nimittuppādenevettha appanaṃ nibbatteti”ti (dha. sa. aṭṭha. 204) vuttaṃ. Nanu ca aṭṭhakathāyam yathārutavaseneva attho kasmā na gayhati. “Saha nimittuppādenevā”ti (dha. sa. aṭṭha. 204) hi vuttattā nimittuppattiyā sahuppannaṃ jhānamabhībhāyatananti viññāyatīti? Nayidamevaṃ, nimittuppādena saha appanāya asambhavato. Nimittuppādoti hi idha paṭibhāganimittassa uppatti tadārammaṇassa vā upacārajjhānassa, kiṃ tāva paṭibhāganimittuppattiyā saha appanāya nibbatti upacārajjhāne asati tassā asambhavato, nāpi upacārajjhānena saha ekavīthiyam nibbatti tassā upacārabhāvanāpabandhasevitabbabhāvena tadā asambhavato, tasmā nāticirāyanappavattidassanattam samīpimhi samīpakārīyupacārena aṭṭhakathāyam tathā vuttanti veditabbam. Yadi nimittuppattito nāticirāyanappavattamabhībhāyatanam, kathaṃ tassa dandhābhīññākhīpābhīññābhedo pāliyam vuttoti? Vuccate – catutthapañcamajavanavīthiyam uppannaṃ cirakālanibbattitāya dandhābhīññam, dutiyatīyavīthiyam uppannaṃ tabbiparītalakkaṇatāya khīpābhīññanti. Keci pana “abhībhāyatanam nāma vasībhāvappattameva, netara”nti vadanti, taṃ tesam matimattaṃ, vasībhāvappattiyā nimittuppattito dūratarabhāvena “saha nimittuppādenevettha appanaṃ nibbatteti”ti aṭṭhakathāvacanena saha virujjhanato.

Apica vasībhāvappattaṃ jhānaṃ abhībhāvanakāraṇanirapekkham vasībhāvabaleneva sakkaccaṃ samāpajjituṃ na sakkāti na taṃ abhībhāyatanam nāma hoti, tasmā appattavasībhāvā paṭhamuppannāyeva abhībhāyatananti niṭṭhamettha gantabbam. Yadi evaṃ kathaṃ “appamāṇam paritārammaṇam, appamāṇam appamāṇārammaṇa”nti (dha. sa. 212-

213) abhibhāyatanadesanāyaṃ vuttaṃ. Vasibhāvappattañhi jhānaṃ appamāṇanti vuccati. Idañca uppannamattattā parittamevāti? Nāyaṃ doso. Paṭhamaṃ abhibhāyatanavasena paṭiladdhajjhānaṃ pacchā vasibhāvappattampi abhibhāyatananāmameva labhatīti vasibhāvappattamabhibhāyatanāṃ appamāṇaṃ, itaraṃ parittaṃ.

Atha vā vasibhāvappattaṃ appamāṇanti ukkaṃsagatipariggahavasena vuccati. Taṃ pana yaṃ balavataraṃ, taṃ appamāṇanti imassa athassa upalakkhaṇaṃ katvā vadanti. Balavabhāvanibandhanaṃ appamāṇattaṃ. Balavabhāvo ca paṭhamaappanāvārato pacchimapacchimaappanāvārānaṃ balavatāya avasitāpattepi jhāne sambhavaṭīti balavantaṃ appamāṇaṃ, itaraṃ parittanti evaṃ avasitāpattepi jhāne appamāṇādibhāvo vedītabbo. Atha vā appanāya balavabhāvo nāma upacārassa balavatāya satī hotī. Upacārañca taṃ balavaṃ, yaṃ sahasā appanaṃ uppādetuṃ sakkuṇeyya, tasmā khippābhīññānaṃ dvinnaṃ abhibhāyatanajhānānaṃ upacāravīthiyā anantaraṃ dutiyavīthiyaṃ uppannaṃ upacārajjhānassa balavatāya sayampi balavataranti appamāṇaṃ nāma hotī. Dutiyavīthimatikkamītvā tatiyavīthiyaṃ uppannaṃ taditarasabhāvatāya parittaṃ. Tathā dandhābhīññānaṃ catutthavīthiyaṃ uppannaṃ appamāṇaṃ. Pañcamavīthiyaṃ uppannaṃ parittanti. Atha vā yattha katthaci appanāvīthiyaṃ pañcamaṃ uppajjanakaappanāto catutthaṃ uppajjamānāya balavabhāvoti taṃvasenāpettha parittaappamāṇatā vedītabbā.

Taṃ panetaṃ gaṇanato aṭṭhavidhaṃ hotī. Yathāha –

“Ajjhattaṃ arūpasaññī bahiddhā rūpāni passati parittāni, ‘tāni abhibhuyya jānāmi passāmi’ ti evaṃsaññī hotī. Ajjhattaṃ arūpasaññī bahiddhā rūpāni passati parittāni suvaṇṇadubbaṇṇāni. Ajjhattaṃ arūpasaññī bahiddhā rūpāni passati appamāṇāni. Ajjhattaṃ arūpasaññī bahiddhā rūpāni passati appamāṇāni suvaṇṇadubbaṇṇāni, tāni abhibhuyya jānāmi passāmi. Nīlāni nīlavaṇṇāni nīlanidassanāni nīlanibhāsāni, tāni abhibhuyya jānāmi passāmi. Pītāni pītavaṇṇāni pītanidassanāni pītanibhāsāni. Lohitāni lohītavaṇṇāni lohītanidassanāni lohītanibhāsāni. Odātāni odātavaṇṇāni odātānidassanāni odātānibhāsāni, ‘tāni abhibhuyya jānāmi passāmi’ ti evaṃsaññī hotī” ti (dī. ni. 2.173; 3.338; ma. ni. 2.249; a. ni. 1.427-434; 8.65).

Tattha **ajjhattaṃ arūpasaññīti** alābhitāya vā anathikatāya vā ajjhatesu kesādīsu parikkammaappanāsaññāvīrahito. **Bahiddhā rūpāni passatīti** bahiddhā aṭṭhasu kaṣiṇesu, catūsu bhūtakasiṇesu eva vā kataparikkammakatāya parikkammavasena ceva appanāvasena ca tāni bahiddhā aṭṭha, cattāri vā kaṣiṇarūpāni passati. **Parittānīti** amahantāni. **Abhibhuyyāti** yathā mahagghaso sampannagahaṇiko puriso kaṭacchumattaṃ bhattaṃ labhitvā “kiṃ ettha bhuñjitabbaṃ bhattaṃ atthī” ti saṅkaḍḍhitvā sabbaṃ ekakabalaṃeva karoti, evameva ñāṇuttariko puggalo visadaññaṃ “kiṃ ettha parittake ārammaṇe samāpajjitabbaṃ atthi, nāyaṃ mama bhāro” ti tāni rūpāni parikkamma, ñāṇena vā abhibhavitvā samāpajjati. Heṭṭhā vuttanayena sīghaṃ appanaṃ nibbatteti. “**Jānāmi passāmi**” ti iminā panassa pubbābhogo kathito, tadāgamanato ca antosamāpattiyaṃ cittābhīsankhāro. Itarathā anena ābhogamatte kathite tena sādhitabbaṃ jhānaṃ na vuttaṃ hotī, abhibhāyatanadesanāvāyaṃ jhānavīsayaṭī. **Āgamaṭṭhakathāsu** pana samāpattito vuṭṭhitassa pubbabhāgabhāvanāvasena jhānakkhaṇe pavattamabhibhavanākāraṃ gahetvā pavattamābhogaṃ sandhāya –

“Iminā panassa ābhogo kathito. So ca kho samāpattito vuṭṭhitassa, na antosamāpattiya” nti (dī. ni. aṭṭha. 2.173; ma. ni. aṭṭha. 2.249; a. ni. aṭṭha. 3.8.65) vuttaṃ.

Dutiye **suvaṇṇadubbaṇṇānīti** parisuddhāparisuddhavaṇṇāni. Parisuddhāni hi nīlādīni suvaṇṇāni, aparisuddhāni dubbaṇṇānīti idha adhippetāni.

Tatiye **appamāṇānīti** vuddhippamāṇāni vipulāni khalamaṇḍalādīni. Vaḍḍhanavasena panettha appamāṇatā na gahitā kaṣiṇavaḍḍhanassa idha asambhavato. Kaṣiṇassa hi dve vaḍḍhanabhūmiyo upacārabhūmi, appanābhūmi vā. Tattha na tāva idha upacārabhūmiyaṃ vaḍḍhanaṃ sambhavati. Nimituppattiyā samakālaṃ viya uppajjamāne jhāne kuto tassa okāsoṭī, nāpi appanābhūmiyaṃ. Vaḍḍhitassa paṭhamuppannajhānārammaṇatā na yujjati, tasmā sabhāvamahantāneva ālambaṇāni idha appamāṇānīti adhippetāni. Keci pana “vaḍḍhitavaseneva appamāṇānīti gahetvā paṭhamaṃ abhibhavanicchāya abhāvena vaḍḍhetvā pacchā abhibhavanicchāya satī abhibhavanākāreṇa pavatto tasmīṃ appanaṃ nibbatteti appanaṃ paṭilabhītvā vaḍḍhitanimittesu idaṃ abhibhāyatanāṃ vutta” nti vadanti.

Catutthe **abhibhuyyāti** abhibhavitvā. Yathā nāma sampannagahaṇiko mahagghaso puriso ekaṃ bhattavaḍḍhitakaṃ labhitvā “‘aññopi hotu, aññopi hotū’ ti kiṃ esa mayhaṃ karissatī” ti na taṃ mahantato passati, evameva ñāṇuttaro visadaññaṃ puggalo “‘kiṃ ettha samāpajjitabbaṃ, nayidaṃ appamāṇa’ nti mayhaṃ cittaḥkaggatākaraṇe bhāro” ti abhibhavitvā samāpajjati. Vuttanayeneva appanaṃ nibbatteti.

Pañcame **nīlāni...pe... nīlanibhāsānīti** etāni pariyaṇānāmānīti tattha “**nīlāni**” ti sabbasāṅgāhakavasena vuttaṃ. Ettakeyeva pana vutte taṃyogato tabbohāreṇa guṇayuttepi pasaṅgo siyāti tannivāraṇatthaṃ “**nīlavaṇṇāni**” ti

vaṇṇavasena vuttaṃ. Evampi hi bahubbhivāsena guṇopi pasaṅgo hotīti “**nīlanidassanānī**”ti nidassanavasena vuttaṃ. Nidassitabbañhi nidassanaṃ, cakkhunā daṭṭhabbaṃ rūpaṃ. Tato setādinivāraṇatthaṃ nīla-saddena saha samāso katoti apaññāyamānacīvarāni asambhinnavaṇṇāni ekanīlāneva hutvā dissamānānīti vuttaṃ hoti. “**Nīlanibhāsānī**”ti idaṃ pana obhāsavasena vuttaṃ, nīlobhāsāni nīlappabhāyuttānīti attho. Etena tesam suvisuddhattaṃ dasseti. “**Pītānī**”tiādīsipi imināva nayena attho vedītabbo. Aṭṭhasu cetesu purimaṃ abhībhavanākārena vaṇṇābhogarahitāni aṭṭhapi kasiṇāni parittāni ārammaṇaṃ katvā uppannaṃ sandhāya vuttaṃ. Tatiyaṃ tathā appamāṇāni. Dutiyacatutthāniyeva dve vaṇṇābhogarahitāni ārabba uppannaṃ, na pana vaṇṇakasiṇavasena uppannaṃ tassa viṣuṃ vakkhamānattā.

Pañcamādīni pana tesu katādhikāre sandhāya suvisuddhavaṇṇavaseneva desitāni. Na hi tesam abhībhavanassa parittatā, appamāṇatā vā kāraṇaṃ, atha kho suvisuddhanīlādibhāvo. Tattha hi te katādhikārāti. Nanu ca **āgamaṭṭhakathāsu** “suvaṇṇāni vā hontu dubbaṇṇāni vā, parittaappamāṇavaseneva imāni abhībhāyatanāni desitānī”ti (dī. ni. aṭṭha. 2.173; ma. ni. aṭṭha. 2.249; a. ni. aṭṭha. 3.8.65) vuttanti? Saccam, taṃ pana āgame abhībhāyatanānaṃ aññathā āgatattā vuttaṃ. Tattha hi –

“Ajjhattaṃ rūpasaññī eko bahiddhā rūpāni passati parittāni suvaṇṇadubbaṇṇāni, appamāṇāni suvaṇṇadubbaṇṇāni, ajjhattaṃ arūpasaññī eko bahiddhā rūpāni passati parittāni suvaṇṇadubbaṇṇāni, appamāṇāni suvaṇṇadubbaṇṇānī”ti (dī. ni. 2.173; 3.338; ma. ni. 2.249; a. ni. 1.427-434; 8.65) –

Evam cattāriyeva abhībhāyatanāni āgatāni, tasmā **tadaṭṭhakathāsu** vaṇṇābhoge vijjamāne avijjamānepi parittaappamāṇatāvaseneva imesaṃ desitabhāvo vutto. Parittaappamāṇatā hi imesu catūsu abhībhavanassa kāraṇaṃ vaṇṇābhoge vijjamāne avijjamānepīti. Nanu ca sabbattha “suvaṇṇadubbaṇṇānī”ti vacanato vaṇṇābhogarahitāniyeva tattha gahitānīti? Taṃ na, vaṇṇābhogarahitāni, sahitāni ca sabbāni parittāni ekato katvā “parittāni suvaṇṇadubbaṇṇānī”ti vuttāni, tathā “appamāṇāni suvaṇṇadubbaṇṇānī”ti. Yadi evaṃ kathaṃ viṣiṭṭhānaṃ vaṇṇābhogarahitānaṃ, sahitānañca ekajjhaṃ manasikāro, na ekajjhaṃ, viṣuṃyeva tesam manasikāro. Yadi evaṃ viṣuṃ kathamekattanti? Parittabhāvasāmaññato. Yadi evaṃ suvaṇṇadubbaṇṇa-ggahaṇamatiriccati avasiṭṭhoti? Nātiriccati pariyāyadesanābhāvato. Atthi hi esa pariyāyo, yadidaṃ vaṇṇābhogajjanitājanitaṃ viṣesaṃ aggahetvā parittabhāvasāmaññena ekattaṃ netvā “parittāni abhībhuyyā”ti vatvā puna tadantogadhameva pabhedam vineyyavasena dassetuṃ tāni ca kadāci vaṇṇavasena āvajjitāni honti, “suvaṇṇadubbaṇṇāni abhībhuyyā”ti vattabbatāya vaṇṇābhogarahitāni, sahitāni ca viṣuṃ manasi katvā ubhayatthāpi vaṇṇābhogarahitaparittābhībhavane, taṃsahitaparittābhībhavane ca parittābhībhavanasāmaññaṃ gahetvā ekattaṃ katanti. **Abhidhamme** pana nipariyāyadesanattā vaṇṇābhogarahitāni, sahitāni ca viṣuṃ vuttāni. Atthi hi ubhayatthābhībhavanavisesoti. Hotu tāva, evaṃ suttābhīdhammapāṭhavisesaṃ aṭṭhakathāya pāṭhabhede pana ko adhippāyoti? Vuccate – suttante hi pāṭhamavimokkhaṃ dvedhā bhinditvā pāṭhamadutiyaabhībhāyatanāni vuttāni, pariyāyadesanattā vimokkhānampi abhībhavanapariyāyo vijjatīti “ajjhattaṃ rūpasaññī”ti abhībhāyatanadvayaṃ vuttaṃ.

Tatiyacatutthaabhībhāyatanesu dutiyavimokkho, vaṇṇābhībhāyatanesu tatiyavimokkho ca abhībhavanappavattito saṅgahito, idha pana nipariyāyadesanattā vimokkhābhībhāyatanāni asaṅkarato dassetuṃ vimokkhe vajjjetvā abhībhāyatanāni kathitāni. Sabbāni ca vimokkhakiccāni vimokkhadesanāya vuttāni, tadetaṃ “ajjhattaṃ rūpasaññī”ti sutte āgatassa abhībhāyatanadvayassa abhidhamme avacanato “rūpī rūpāni passatī”tiādīnañca sabbavimokkhakiccāsādhāraṇavacanabhāvato vavatthānaṃ katanti viññāyati. Avassañcetaṃ eva sampañcchitabbaṃ, na sampañcchanteṃ suttābhīdhammapāṭhabhede aññaṃ kāraṇaṃ vattabbaṃ. Atha kimetta vattabbaṃ, nanu aṭṭhakathāyameva “kasmā pana yathā suttante ‘ajjhattaṃ rūpasaññī eko bahiddhā rūpāni passati parittānī’tiādī vuttaṃ, evaṃ avatvā idha catūsipi abhībhāyatanesu ajjhattaṃ arūpasaññītāva vuttā”ti vatvā “ajjhatarūpānaṃ anabhībhavanīyato”ti kāraṇaṃ vuttanti? Na taṃ tassa kāraṇavacanāṃ, atha kho katthaci “ajjhattaṃ rūpāni passatī”ti avatvā sabbattha yaṃ vuttaṃ “bahiddhā rūpāni passatī”ti, tassa ca kāraṇavacanāṃ. Teneva hi tattha vā idha vā “bahiddhā rūpāniyeva abhībhavitabbānī”ti tattheva vuttaṃ, anabhībhavanīyatā ca ajjhatarūpānaṃ bahiddhā rūpāni viya avibhūtattā. Na hi suṭṭhu vibhūtabhāvamantarena ñāṇuttarānaṃ ārammaṇābhībhavanāṃ sambhavatīti. Nanu ca aṭṭhakathāyaṃ pāṭhadvayavisesassa desanāvīlāso kāraṇabhāvena vuttoti? Saccam vutto, so ca yathāvuttavavatthānavaseneva vedītabbo. Desanāvīlāso hi nāma vineyyajjhāsāyānurūpaṃ vijjamānasseva pariyāyassa vibhāvanaṃ, na yassa kassacīti. Evaṃ tāva abhībhāyatanāṃ vedītabbaṃ.

Tattha **vimokkhoti** paṭiladdhajjhānassa jhānaṃ samāpajjitukāmatāvasappavattajavanavīthisamanantameva pituañke vissatṭhaṅgapaccāṅgassa viya dāraṅgassa ārammaṇe nirāsankameva hutvā pāṭhamakappanā viya ca lahuṃ avuṭṭhahitvā antamaso catupañcaccittakkaṇato anosakkītvā ārammaṇe abhirativāsena pavattassa vasibhāvappattassa jhānassetaṃ adhivacanāṃ. Tañhi kasiṇāyatanavasena vā abhībhāyatanavasena vā uppannaṃ paccanīkadhammeḥi suṭṭhu vimuttattā, ārammaṇe adhimuttatāya ca “vimokkho”ti vuccati. Vuttampi cetam **aṭṭhakathāyaṃ** –

“Kenatthēna pana vimokkho veditabboti? Adhimuccanatthēna. Ko ayam adhimuccanattho nāma? Paccanīkadhammehi ca suṭṭhu vimuccanattho, ārammaṇe ca abhirativasena suṭṭhu adhimuccanattho”ti (dha. sa. aṭṭha. 248).

Yadi vasibhāvappattameva vimokkho, kathamassa ārammaṇacatukke parittatā **pāliyaṃ** vuttā. Avasitāpattañhi jhānaṃ parittanti vuccatīti? Nāyaṃ doso, paripuṇṇavasibhāvappattaṃ sandhāya aparipuṇṇavasibhāvappattassa parittabhāvena tattha adhippetatā, tasmā vasibhāvappattameva jhānaṃ vimokkho nāma, na itaraṃ. Itaraṃ pana yadi kasiṇāyatana vasena uppannaṃ, kasiṇāyatanaṃ. Atha abhibhāyatana vasena, abhibhāyatana evāti. Keci pana “paṭhama appanāto pacchimacchimāya paṭipakkhato suṭṭhu vimuttatā kasiṇāyatana vasena, abhibhāyatana vasena ca uppannaṃ paṭhamakappanaṃ ṭhapetvā sesaṃ vimokkhoyevā”ti vadanti.

Taṃ panetaṃ gaṇanato tividdhaṃ. Yathāha –

“Rūpī rūpāni passati, ajjhattaṃ arūpasaññī bahiddhā rūpāni passati, subhanteva adhimutto hoti”ti (dī. ni. 2.174; 3.339; paṭi. ma. 1.209).

Tattha **rūpī**ti ajjhattaṃ kesādīsu uppāditaṃ rūpajjhānaṃ rūpaṃ, tadassa atthīti rūpī. **Rūpāni passati**ti bahiddhāpi nīlakasiṇādirūpāni jhānacakkhunā passati. Iminā ajjhatabhiddhavadatthukesu kasiṇesu jhānapaṭilābho dassito. **Ajjhattaṃ arūpasaññī**ti ajjhattaṃ narūpasaññī, attano kesādīsu anuppāditarūpāvacarajjhānoti attho. Iminā bahiddhā parikkammaṃ katvā bahiddhā paṭiladdhajjhānatā dassitā. “**Subha**”nti iminā suvisuddhesu nīlādīsu vaṇṇakasiṇesu jhānāni dassitāni. Tattha kiñcāpi anto appanāyaṃ “subha”nti ābhogo natthi, yo pana suvisuddhaṃ subhakasiṇaṃ ārammaṇaṃ katvā viharati, so yasmā “subha”nti adhimuccanavasena paṭhamajjhānaṃ upasampajjitvā viharati, tathā dutiyādāni, tasmā evaṃ desanā katāti. **Paṭisambhidāmagge** pana “idha bhikkhu mettāsahagatena cetasā ekaṃ disaṃ pharivā viharati”tiādīna (paṭi. ma. 1.212) brahmavihāra vasena subhavamokkho vutto. **Dhammasaṅganiyaṃ** pana brahmavihāraṇaṃ visumyeva āgatatā taṃ nayaṃ paṭikkhipitvā sunīlakādivaseneva subhavamokkho aṭṭhakathāyaṃ anuññatoti idhāpi tattha vuttanayeneva vavatthānaṃ katanti evaṃ tāva vimokkhajjhānaṃ veditabbaṃ.

Yathānurūpanti hīnānūrupaṃ. Paṭhamajjhānañhi hīnaṃ kappassa tatiyabhāgāyuke brahmapārisajje upapattiṃ nipphādeti, majjhimaṃ upaḍḍhakappāyuke brahmapurohite, pañītaṃ ekakappāyuke mahābrahme. Tathā dutiyajjhānaṃ, tatiyajjhānañca hīnaṃ dvikappāyuke parittābhe, majjhimaṃ catukappāyuke appamañābhe, pañītaṃ aṭṭhakappāyuke ābhassare. Catutthajjhānaṃ hīnaṃ soḷasakappāyuke parittāsubhe, majjhimaṃ dvattiṃsakappāyuke appamañasubhe, pañītaṃ catusaṭṭhikappāyuke subhakiṇhe. Pañcamajjhānaṃ pana tividdhampi pañcakappasatāyuke vepapphale upapattiṃ nipphādeti, tadeva titthiyehi saññāvīraḡavasena bhāvitāṃ pañcakappasatāyukeveva asaññasatte. Anāgāmihi pana puthujjanādikāle pacchāpi bhāvitāṃ saddhādiindriyādhimuttatānukkamena yathākkammaṃ sahasadvisahassacatusahassatthasahassasoḷasahasakappāyukesu avihāatapāsupadassāsudassākaniṭṭhanāma kesu pañcasuddhāvāsesu upapattiṃ nipphādeti evametāṃ yathānurūpaṃ soḷasarūpāvacarabrahmalokūpapattinipphādakanti āha “**yathānurūpaṃ...pe... hoti**”ti.

Yasmā pana rūpabhavēpi pavattiyaṃ labhitabbā upabhogasampatti kāmāvacarasseva phalaṃ, tasmā idha “bhavabhogasampattiṃ nipphādeti”ti avatvā upapattinipphādanameva vuttanti daṭṭhabbaṃ. Ettha ca dutiyajjhānabhūmiṃ upādāya sabbattha paripuṇṇassa mahākappassa vasena paricchedo daṭṭhabbo, paṭhamajjhānabhūmiyaṃ pana asaṅkhyeyyakappavasena. Na hi tattha itaravasena paricchedo sambhavati ekakappepi avināsābhāvena mahākappassa catutthabhāgeveva tassa saṅghānato.

Rūpāvacarakusalavaṇṇanā niṭṭhitā.

Arūpāvacarakusalavaṇṇanā

Idāni arūpāvacarakusalassa niddesāvākāso anuppattoti tanniddesatthamāha “**sesesu panā**”tiādī. Ākāsakasiṇavajjitassa yassa kassaci kasiṇassa ugghāṇato laddhamākāsaṃ **kasiṇugghāṭimākāsaṃ**. **Tattha pavattaṃ viññānanti** ākāsānañcāyatana māha. Tañhi dutiyārupassa ārammaṇaṃ hoti. **Sabbasoti** sabbākārena, rūpanimittadaṇḍādānasambhavadassanādinā sabbena rūpadhammesu, pathavīkasiṇādirūpanimittesu tadārammaṇajjhānesu ca dosadassanākārena, tesu eva vā rūpanimittesu nikantippahānaasamāpajjitukāmatādinā ākārenāti attho. Atha vā **sabbasoti** sabbāsaṃ, kusalaḍibhedena anavasānanti attho. **Rūpasaññānanti** saññāsīsenā vuttarūpāvacarajjhānañceva tadārammaṇānañca. Rūpāvacarajjhānampi hi “rūpa”nti vuccati uttarapadalopena “rūpī rūpāni passati”tiādīsu viya. Tadārammaṇampi kasiṇarūpaṃ purimapadalopena “devena dattoti, bahiddhā rūpāni passati”tiādīsu viya, tasmā idha rūpe rūpajjhāne taṃsahagatasaññā rūpasaññāti gahitā, saññāsīsenā vuttarūpāvacarajjhānaṃmetāṃ adhivacanaṃ. “Rūpa”nti saññā assāti rūpasaññaṃ, rūpanānavantanti attho.

Taṃgahitena pathavīkasiṇḍābhedassa tadārammaṇassa cetam nāmantī daṭṭhabbam. “Rūpasaññāna”nti hi sarūpekasesavasena niddeśo kato. **Samatikkamā**ti virāgā, nirodhā ca. Kiṃ vuttaṃ hoti? Etāsaṃ kusalavipākakiriyāvasena pañcadasannaṃ jhānasaṅkhātānaṃ rūpasaññānaṃ, etesañca pathavīkasiṇḍādivasena navannaṃ ārammaṇasaṅkhātānaṃ rūpasaññānaṃ anavasesānaṃ sabbākārena ca, tesu eva vā nīkantiṭṭhānaasamāpajjitukāmatādinā ākārena virāgā, nirodhā ca jigucchanaṭo ceva tappaṭibandhachandarāgavikkhambhanaṭo ca nibbattaṃ ākāsaññāyatanasaññāya sahaḡataṃ arūpāvacaarakusalacittaṃ. Na hi sakkā sabbaso anatikkantarūpasaññena taṃ nibbattetunti.

Na kevalaṃ etāsaṃyeva samatikkamanaṭo idaṃ nibbattaṃ, atha kho paṭighasaññādinamatthaṅgamāditopīti āha “**paṭighasaññāna**”ntīdi. Tatta cakkhādīnaṃ vatthūnaṃ, rūpādīnañca ārammaṇānaṃ paṭighātena aññamaññāsamodhānasaṅkhātēna paṭighanaṇena uppannā saññā **paṭighasaññā**, rūpasaññādivipañcasaññānametaṃ adhivacaṇaṃ. Yathāha –

“Tatta katamā paṭighasaññā? Rūpasaññā saddasaññā gandhasaññā rasasaññā phoṭṭhabbasaññā, imā vuccanti paṭighasaññāyo”ti (vibha. 603).

Tāsaṃ kusalākusalavipākabhūtānaṃ **atthaṅgamā** pahānā asamuppādā appavattikaraṇēnāti vuttaṃ hoti. Nanu ca eṭā rūpāvacaarakjhānasamāpannassāpi na santi. Na hi paṭhamajjhānādisamāpannakāle pañcadvārasena cittaṃ pavattatīti? Saccametaṃ, yathā pana “sukhassa ca pahānā dukkhassa ca pahānā adukkhamasukhaṃ upekkhāsatiṭpārisuddhiṃ catutthajjhānaṃ upasampajja viharatī”ti ettha pasamsāvasena aññattha pahīnānampi sukhadukkhānaṃ catutthajjhāne, “sakkāyadīṭṭhivīcīcīcchānaṃ pahānā rāgadosamohānaṃ tanuttā sakadāgāmiḡgaṃ upasampajja viharatī”ti ettha paṭhamamaḡgeyeva pahīnānaṃ sakkāyadīṭṭhādīnaṃ dutiyamaḡge ca vacanaṃ, evameva imasmiṃ jhāne paṭipajjanakānaṃ ussāhajananaṭtaṃ imassa jhānassa pasamsāvasena etāsaṃ ettha vacanaṇti vedītabbam. Atha vā kiñcāpi tā rūpāvacaarasamāpannassāpi na santi, na pana pahīnattā na santi. Kiñcaraḡhi paccayābhāvena. Na hi rūpāvacaarabhāvanā rūpavirāgāya saṃvattatī, rūpāyattā eva tāsaṃ pavattīti. Arūpabhāvanā pana rūpavirāgāya saṃvattatī, tasmā “tā ettha pahīnā”ti vuttaṃ vaṭṭatī. Tathā hi etāsaṃ ito pubbe appahīnattāyeva “paṭhamajjhānaṃ samāpannassa saddo kaṇṭako”ti vutto bhagavatā. Idaḡ ca pahīnattā eva arūpasamāpattīnaṃ āneñjābhisāṅkhāravacaṇādīhi, “ye te santā vimokkhā atikkamma rūpe arūpā”tiādinā ca āneñjatā, santavimokkhatā ca vuttā.

Nānattasaññānaṇti nānatte gocare pavattānaṃ, nānattānaṃ vā saññānaṃ, vuttāvasesānaṃ catucattālīsakāmāvacaarasaññānaṇti attho. Eṭā eva hi –

“Tatta katamā nānattasaññā? Asamāpannassa manodhātusamaṅgissa vā manovīññādhātusamaṅgissa vā saññā sañjānaṇā sañjānitattaṃ, imā vuccanti nānattasaññāyo”ti (vibha. 604) –

Evaṃ **vibhaṅge** vibhajitvā vuttā. Tā pana yasmā rūpasaddābhedē nānatte nānāsabhāve ārammaṇe pavattanti, yasmā ca aṭṭha kāmāvacaarakusalasaññā, dvādasa akusalasaññā, ekādasa kāmāvacaarakusalavipākasaññā, dve akusalavipākasaññā, ekādasa kāmāvacaarakiriyasaññāti evaṃ catucattālīsappabhedā nānāsabhāvā, aññamaññānaṃ asadisā, tasmā “nānattasaññā”ti vuccanti. **Amanasikārā**ti sabbaso anāvajjanaṇā asamannāhārā apaccavekkhaṇahetu javanaṭaṭipādakena vā bhavaṅgacittassa anto akaraṇā ṭhapetvā kasiṇuḡghāṭimākāsaṃ nānārammaṇe cittassa asaṅkharanaṭoti vuttaṃ hoti. Iminā hi nānattasaññāmanasikārahētūnaṃ rūpadhammānaṃ samatikkamopi vutto, rūpajjhāne pana tadabhāvato “nānattasaññānaṃ amanasikārā”ti na vuttaṃ. Atha samatikkamādīnaṃ kiṃ nānākaraṇaṇti? Vuccate – yasmā rūpasaññā, paṭighasaññā ca iminā jhānena nibbattitabhāvepi na vijjanti, arūpasaññāya bhāvanāya abhāve cutito uddhaṃ uppattirahānaṃ rūpasaññāpaṭighasaññānaṃ yāva attano vipākuppattī, tāva anuppattīdhammataṃ āpādiyamaṇattā, pageva pana imaṃ jhānaṃ samāpannakāle, tasmā “samatikkamā, atthaṅgamā”ti ubhayathāpi tāsaṃ abhāvoyeva dassito. Nānattasaññāsu pana yā tasmīṃ bhāve na uppajjanti ekantaṭarūpanissitattā, tā anokāsātāya na uppajjanti, na arūpabhāvanāya nivāritattā, anivāritattā ca kācī uppajjanti, tasmā tāsaṃ amanasikāro anāvajjanaṃ apaccavekkhaṇaṃ javanaṭaṭipādakena vā bhavaṅgamanassa anto akaraṇaṃ appavesanaṃ vuttaṃ. Tatra pavattamānānampi hi jhānaṃ samāpannassa tāsaṃ amanasikāroyeva itarathā jhānasamāpattiyā abhāvato. Iti saṅkhepaṭo “rūpasaññānaṃ samatikkamā”ti iminā sabbarūpāvacaaradhammānaṃ pahānaṃ vuttaṃ, “paṭighasaññānaṃ atthaṅgamā nānattasaññānaṃ amanasikārā”ti sabbesaṃ kāmāvacaaracittacetasikānaṃ pahānaṃ, amanasikāro ca vutto, tīhi panetehi samādhissa thirabhāvo kathitoti.

Ākāsaññāyatanasaññāsaḡataṇti ettha pana nāssa antoti anantaṃ, anantaṃ ākāsaṃ ākāsaṇantaṃ, kasiṇuḡghāṭimākāsaṃ, anantatā pana uppādavayantābhāvato anantamanasikāravasena vā vedītabbā. Na hi etassa uppādanto, vayanto vā paññāyati asabhāvadhamaṭṭā. Sabhāvadhamaṃ hi ahutvā sambhavanaṭo, hutvā ca vinassanaṭo uppādavayantaparicchinno, netaro. Na ca panetaṃ manasi karonto yogāvacaaro tassa paricchedasaṅkhātamaṃtaṃ

gaṇhāti, atha kho rūpavivekamattasseva gahaṇena anantapharaṇākāreṇeva manasikāraṃ pavatteti, tasmā uppādavayantavirahato manasikāravasena vā etamanantanti vedītabbaṃ. “Anantākāsa”nti ca vattabbe ananta-saddassa paranipātavasena “ākāsānanta”nti vuccati. Ākāsānantameva ākāsānañcaṃ saṃyogaparassa ta-kāraṃ ca-kāraṃ katvā, tadeva āyatanam sasampayuttadhammassa jhānassa ārammaṇabhāvato adhiṭṭhānaṭṭhena devāyatanam viyāti ākāsānañcāyatanam, tasmim appanāpattā saññā ākāsānañcāyatanasaññā, tāya saḥagataṃ viññāṇam **ākāsānañcāyatanasaññāsahagataṃ**. Atha vā ākāsānañcaṃ āyatanamassā sasampayuttadhammāya saññāyāti ākāsānañcāyatanā, sāyeva saññā, tāya jhānam saḥagatanti ākāsānañcāyatanasaññāsahagataṃ.

Viññāṇa...pe... saḥagatanti yadetaṃ paṭhamārūppaviññāṇam, taṃsabhāvadharmattā uppādādiavantampi ārammaṇakaraṇavasena anantākāse pharaṇato attānaṃ ārabha antassa aggahaṇavasena pavattamanasikāro vā anantaṃ viññāṇanti viññāṇānantaṃ, “viññāṇānañca”nti vattabbe viññāṇānañca-saddo tadatthe nirūlho ā-kāra na-kāralopoti vā katvā “viññāṇānañca”micceva vuttaṃ. Evañca katvā vakkhati –

“Viññāṇānantamiccevaṃ, vattabbaṃ panidaṃ siyā”ti.

Atha vā dutiyārūppaviññāṇena añcitabbaṃ ārammaṇavasena pāpuṇitabbanti viññāṇānañcaṃ. Sesam purimasadisameva.

Ākiñcañña...pe... saḥagatanti nāssa paṭhamārūppaviññāṇassa kiñcananti akiñcanaṃ, antamaso bhaṅgamattampi avasiṭṭhaṃ natthīti vuttaṃ hoti. Sati hi bhaṅgamattepi tassa sakiñcanatā siyā. Akiñcanassa bhāvo ākiñcaññaṃ, ākāsānañcāyatanaviññāṇābhāvassetam adhivacanaṃ. Sesam vuttanayameva.

Nevasañña...pe... saḥagatanti heṭṭhimajhānesu viya oḷārikāya saññāya abhāvato nevassa saññā atthīti nevasaññaṃ, sukhumāya ca saññāya atthitāya nāssa saññā natthīti nāsaññaṃ, nevasaññañca taṃ nāsaññañceti nevasaññānāsaññaṃ, catutthārūppajjhānaṃ. Yadi evaṃ “nevasaññānāsañña”nti vattabbaṃ? Saccametaṃ. Vacanasobhanatthaṃ pana dīgham katvā vuttaṃ. Atha vā nevassa saññā nāsaññāti evaṃ ekajjhaṃ bahubbhīhisamāsavasena “nevasaññānāsañña”nti vuttaṃ. Nevasaññānāsaññañca taṃ āyatanañca manāyatanadhammāyatanapariyāpannatāti nevasaññānāsaññāyatanam, tena sampayuttaṃ saññāsahagataṃ **nevasaññānāsaññāyatanasaññāsahagataṃ**. Atha vā saññāyeva paṭusaññākiccakaraṇe asamattatāya nevasaññā, uṇḥodake tejodhātu viya saṅkhārāvasesasukhumabhāvappattiyā nāsaññāti nevasaññānāsaññā, sā eva sesadhammānaṃ nissayapaccayatāya, adhiṭṭhānaṭṭhena dhammāyatanapariyāpannatāya eva vā āyatananti nevasaññānāsaññāyatanam, nevasaññānāsaññāyatanabhūtāya saññāya saḥagatanti nevasaññānāsaññāyatanasaññāsahagataṃ.

Yathānurūpaṃ...pe... nipphādakanti “paṭhamārūppabhūmiyā paṭhamam, dutiyārūppabhūmiyā dutiyā”ntiadinā attano anurūpavasena catūsu arūpabhūmiṃsu upapattisādhakaṃ. Tāsu pana paṭhamā vīsatisahassakappāyukā hoti, dutiyā cattālīsahassakappāyukā, tatiyā satṭhisahassakappāyukā, catutthā pana caturāsītīsahassakappāyukāti vedītabbaṃ.

Arūpāvacharakusalavaṇṇanā niṭṭhitā.

Lokuttarakusalavaṇṇanā

Evaṃ tividhampi lokiyakusalaṃ niddisitivā idāni lokuttarakusalaṃ niddisanto āha “**itaraṃ panā**”tiādi. Lujjanapalujjanaṭṭhena loko, so tividho – saṅkhāraloko sattaloko bhājanalokoti. Tato idaṃ uttaratīti lokuttaram. Cattāropi hi maggā upādānakkhandhasaṅkhātasaṅkhāralokato uttaranti anāsavabhāvena. Sattalokesu ca sotāpattimaggo anariyalokato uttarati, sakadāgāmimaggo sotāpannalokato, anāgāmimaggo sakadāgāmilokato, arahattamaggo anāgāmilokato uttarati. Bhājanalokesu pana paṭhamamaggo apāyalokato uttarati, sakadāgāmimaggo kāmalokekadesato, anāgāmimaggo sakalakāmalokeyo, arahattamaggo rūpārūpalokato uttarati. Iti catubbidhampi maggacittaṃ tividhalokato uttaratīti lokuttaram, kucchitasalanādito pana kusalaṃ, cintanādito cittañcāti **lokuttarakusalacittaṃ**. Phalaṃ pana lokato uttiṇṇatā lokuttaram, ubhayampi vā saha nibbānena upādānakkhandhasaṅkhātalokeyo uttaram visiṭṭhataranti lokuttaram. Yathāha “yāvata, bhikkhave, dhammā saṅkhatā vā asaṅkhatā vā, virāgo tesam dhammānaṃ aggamakkhāyatī”ti (a. ni. 4.34; itivu. 90).

Niyatāniyatavattukabhedatoti sotāpattimaggassa paratoghosapaccayena vinā anuppajjanato arūpabhavo sambhavo natthīti taṃ niyatavattukaṃ, itaraṃ pana sattavidhampi paratoghosaṃ vināpi vipassanābaleneva nipphajjanato tatthāpi sambhavatīti aniyatavattukaṃ.

Tihi...pe... tividhanti lokuttaravimokkhānaṃ dvārabhāvato vimokkhamukhasaṅkhātāhi suññatānupassanādīhi

tīhi vuṭṭhānagāminivipassanāhi pattabbato idaṃ lokuttarakusalāṃ **tividhaṃ** suññataṃ animittaṃ appaṇihitanti. Katame pana te lokuttaravimokkhāti? Nava lokuttaradhammā. Yathāha “cattāro ca ariyamaggā cattāri ca sāmāññaphalāni nibbānañca, ayaṃ anāsavo vimokkho”ti (paṭi. ma. 1.213). Imāni hi saṃkilesadhammehi suṭṭhu vimuttatā **vimokkhā** nāma. Tāni pana paccekaṃ suññato vimokkho, animitto vimokkho, appaṇihito vimokkhoti tividhāni. Yathāha “tayome, bhikkhave, vimokkhā – suññato vimokkho, animitto vimokkho, appaṇihito vimokkho”ti (paṭi. ma. 1.209). Idha pana kusalādhikārattā caturmaggaṃsaṅkhātāyeva lokuttaradhammā adhippetā.

Suññatādināmalābho ca nesaṃ āgamanato, saḡuṇato, ārammaṇato ca veditabbo. Tathā hi āgacchati maggo, phalañca etenāti **āgamaṇaṃ**. Tañhi duvidhaṃ maggāgamaṇaṃ, phalāgamaṇaṃ. Tesu vuṭṭhānagāminivipassanā **maggāgamaṇaṃ**, ariyamaggo **phalāgamaṇaṃ**. Tattha maggassa āgataṭṭhāne maggāgamaṇaṃ gahetabbaṃ, phalassa āgataṭṭhāne phalāgamaṇaṃ. Idha pana maggassa āgatattā maggāgamaṇaṃ gahitanti. Tato **āgamaṇato**. **Saḡuṇatoti** sabhāvato. **Ārammaṇatoti** ārammaṇadhammato.

Yo hi sabbasaṅkhārānaṃ anattalakkhaṇapaṭivedhavasappavattāya anattānupassanāya vasena maggaṃ paṭilabhati, tassa sā anupassanā asuññattakarānaṃ attābhinivesapaccayānaṃ diṭṭhekaṭṭhakilesānaṃ vikkhambhitabhāvena tebhūmakadhammānaṃ attasuññatāya yāthāvato gahaṇato **suññatānupassanā** nāma hoti. Tāya pana paṭiladdhamaggo suññatāya āgatattā **suññato** nāma. Tenāha “anattato manasikaronto suññatavimokkhena vimuccatī”ti (paṭi. ma. 1.227).

Yo pana sabbasaṅkhārānaṃ aniccalakkhaṇapaṭivedhavasappavattāya aniccānupassanāya maggaṃ paṭilabhati, tassa sā anupassanā niccanimittādigāhakarānaṃ kilesānaṃ vikkhambhitattā dhuvabhāvūpaṭṭhānasāṅkhātaniccanimittādinō aggahaṇato **animittānupassanā** nāma. Tāya pana laddhamaggo animittāya āgatattā **animitto** nāma. Tenāha “aniccato manasikaronto animittavimokkhena vimuccatī”ti (paṭi. ma. 1.227).

Yo pana sabbasaṅkhārānaṃ dukkhalakkhaṇapaṭivedhavasappavattāya dukkhānupassanāya vasena maggaṃ paṭilabhati, tassa sā anupassanā taṇhāpaṇidhānassa vikkhambhanena paṇidhivirahitattā **appaṇihitānupassanā** nāma. Tāya pana laddhamaggo appaṇihitāya āgatattā **appaṇihito** nāma. Tenāha “dukkhato manasikaronto appaṇihitavimokkhena vimuccatī”ti. Ayaṃ tāvassa āgamaṇavasena nāmalābho.

Attano pana rāgādīhi suññatattā, niccanimittādivirahitattā, taṇhāpaṇidhiabhāvato ca **saḡuṇato**, rāgādisuññasseva, niccanimittādivirahitassa, paṇidhivippamuttassa ca nibbānassa ārammaṇakaraṇato **ārammaṇato** ca suññatādivimokkho nāma hotīti evamassa saḡuṇārammaṇehi nāmalābho daṭṭhabbo. So ca kho suttantapariyāyeneva, no abhidhammapariyāyena. Suttantakathā hi pariyaṇadesanā, itarā nippariyāyadesanā, tasmā saḡuṇārammaṇato nāmassa sabbasādhāraṇabhāvena avavattānākarattā pariyaṇabhāvato suttantapariyāyeneva lābho, āgamaṇato pana abhidhammapariyāyēnapi vavattānākarabhāvena nippariyāyattā. Teneva hi ācariyena “tīhi vimokkhamukhehi pattabbato tividha”nti vimokkhamukhameva dhuraṃ katvā vuttaṃ, na “suññatādināmato tividha”nti. Animittānāmaṃ panettha āgamaṇatopi suttantapariyāyeneva labbhati abhidhamme maggaṃ pati animittānāmassa anuddhatattā. Anuddhatattānaṃ pana na anuddharitabbatāmattena, atha kho nippariyāyato tassa magge alabbhanato. Kiñcāpi hi ayaṃ vipassanā niccanimittānaṃ ugghāṇentī pavattati, saṅkhāranimittassa pana anissajjanato na nippariyāyato animittānāmaṃ labhati. Yaṃ panetaṃ sutte –

“Animittāñca bhāvehi, mānānusayamujjaha;
Tato mānābhisamayā, upasanto carissasī”ti. (su. ni. 344) –

Maggassa animittabhāvavacanaṃ, taṃ yathāvuttapariyāyavasena labbhamānaṃ gahetvā vuttaṃ. Abhidhamme pana yā sayampi nippariyāyato animittānāmaṃ na labhati, sā kathaṃ maggassa taṃ dadeyyāti maggassa animittānāmaṃ na uddhatānaṃ. Yadi evaṃ suññatānāmenapi idaṃ samānaṃ. Anattānupassanāpi hi kiñcāpi puggalasūññataṃ gaṇhāti, dhammasūññataṃ pana na gaṇhātīti sayāṃ nippariyāyena suññatānupassanā nāma na hotīti suññatānāmaṃpi maggassa na dadeyya. Atha puggalasūññatāggahaṇamattena sayāṃ suññatānupassanā hutvā maggassa taṃ dadeyya, aniccānupassanāpi saṅkhāranimittassa gahaṇepi niccanimittādiugghāṇato sayāṃ animittānupassanā hutvā maggassa animittānāmaṃ dadeyyāti? Na idamevaṃ, niccādinimittugghāṇanena animittabhāvassa nippariyāyena magge alabbhanato niccādinimittugghāṇanassapi pariyaṇabhāvato. Nanu idampi sabbattha samānaṃ. Suññatāappaṇihitabhāvopi hi nippariyāyena amagge na labbhati puggalasūññataggahaṇassa, paṇidhisosanassa ca ujukaṃ maggeneva nipphajjanato, tasmā suññatānupassanāpi appaṇihitānupassanāpi pariyaṇeneva taṃ taṃ nāmaṃ labhantīti maggassa nippariyāyato nāmaṃ na dentīti? Na, tato laddhaariyamaggassa nippariyāyato sampayuttadhammaseneva suññatāappaṇihitānāmasambhavato. Kathaṃ? Ṭhapetvā buddhuppādaṃ sarabhaṅgasatthārādīkālepi dubbijānīyabhāvena sukhumassa anattalakkhaṇassa paññāya eva gocarabhāvato

anattānupassanāya anupassanato maggakkhaṇe paññindriyaṃ adhimattaṃ hoti. Yathāha – “anattato manasikaroto paññindriyaṃ adhimattaṃ hoti”’ti (paṭi. ma. 1.221).

Taṅca pana sayamaṃ attābhīnivesasamugghāṭanato, ariyamaggapariyāpannattā ca nippariyāyatova suññatanāmaṃ labhati. Dukkhaṇupassanāya samādhivipaccanīkassa pañidhisāṅkhātarāgassa sosanato tassā vasena anupassantassa maggakkhaṇe samādhindriyaṃ adhimattaṃ hoti. Yathāha – “dukkhato manasikaroto samādhindriyaṃ adhimattaṃ hoti”’ti. Taṅca pana sayamaṃ pañidhisosanato, ariyamaggapariyāpannattā ca nippariyāyatova appaṇihitanāmaṃ labhati. Sabbasaṅkhārānaṃ pana aniccabhāvaṃ āgamanato sutvā pacchā sayamaṃ paccakkhato passato “aniccaveva vata so bhagavā ‘anicca’nti āhā”’ti bhagavati saddhābhūllapaṭilābhato aniccānupassanāya manasikaroto maggakkhaṇe saddhindriyaṃ adhimattaṃ hoti. Yathāha – “aniccato manasikaroto saddhindriyaṃ adhimattaṃ hoti”’ti. Taṃ pana sayamaṃ saṅkhāranimittato vuṭṭhahantampi ariyamaggapariyāpannaṃ na hotīti nippariyāyato animittanāmaṃ na labhati, tasmā yathā kāyakammādhikaṃ cittaṃ “kāyakamma”nti vuccati, evamaṃ suññatasāṅkhātapaññindriyādhimatto maggo suññatanāmaṃ labhati, appaṇihitasāṅkhātasamādhindriyādhimatto appaṇihitanāmaṃ, saddhindriyādhimatto pana saddhāya animittanāmālābhato sayampi taṃ na labhati. Yadi sampayuttadhamavasena suññatādīnāmālābho, atha kathaṃ “āgamanato”’ti vuttaṃ? Saccamaṃ, āgamanato adhimattassa pana indriyassa vasena laddhanāmaṃpi āgamanatova laddhaṃ hoti.

Atha vā abhidhammapariyāyenapi suññatabhāvo nāma puggalasūññatāyevāti puggalasūññataggāhītāya anattānupassanāya suññatanāmaṃ nippariyāyatova labbhati. Pañidhi nāma rāgādīkā evāti rāgādisositāya dukkhānupassanāya appaṇihitanāmaṃpi nippariyāyatova labbhati.

Nimittanti pana ṭhapetvā suttantapariyāyamaṃ abhidhammapariyāyena saṅkhāranimittamaṃ hotīti saṅkhāranimittaggāhītāya aniccānupassanāya animittanāmaṃ nippariyāyato na labbhati, tasmā nippariyāyato suññataappaṇihitanāmīkānaṃ anattadukkhaṇupassanānaṃ vasena paṭiladdhamaggo āgamanato suññataappaṇihitanāmaṃ labhati, animittanāmaṃ pana pariyaṅyatova labhati. Tena vuttaṃ – “animittanāmaṃ panettha āgamanatopi suttantapariyāyeneva labbhati abhidhamme maggaṃ paṭi animittanāmassa anuddhaṭattā”’ti. Iti imesaṃ tiṇṇamaṃ vimokkhānaṃ pavesanadvārabhāvato suññatānupassanādīnāmīkā anattānupassanādīkā tisso anukkamena balavabhāvaṃ patvā vuṭṭhānagāminivipassanābhūtā tiṇi vimokkhamukhānti veditabbāni. Vuttañhetamaṃ –

“Tiṇi kho panimāni vimokkhamukhāni lokaniyyānāya saṃvattanti, sabbasaṅkhāre paricchedaparivaṭumato samanupassanāyā animittāyā ca dhātuyā cittasampakkhandanāyā, sabbasaṅkhāresu manosamuttejanatāyā appaṇihitāyā ca dhātuyā cittasampakkhandanāyā, sabbadhamme parato samanupassanāyā suññatāyā ca dhātuyā cittasampakkhandanāyā, imāni tiṇi vimokkhamukhāni lokaniyyānāya saṃvattantī”’ti (paṭi. ma. 1.219).

Ettha hi **paricchedaparivaṭumatoti** udayabbayavasena paricchedato ceva parivaṭumato ca. Aniccānupassanā hi “udayato pubbe saṅkhārā natthī”’ti paricchinditvā tesamaṃ gatiṃ samannesamānā vayato paraṃ na gacchanti, ettheva antaradhāyantīti parivaṭumato pariyaṅtato samanupassati. **Samanupassanātāyāti** sammadeva anupassanāyā saṃvattantīti sambandho. **Manosamuttejanatāyāti** cittasamvejanatāyā. Dukkhaṇupassanena hi saṅkhāresu cittaṃ saṃvijjati. **Parato samanupassanātāyāti** “nāmaṃ, na mama”’nti evamaṃ anattato samanupassanāyā. Iti imāni tiṇi padāni aniccānupassanādīnaṃ tiṇṇamaṃ vasena vuttānti veditabbāni. Teneva ca tadanantare pañhāvissajjane –

“Aniccato manasikaroto khayato saṅkhārā upaṭṭhahanti, dukkhato manasikaroto bhayato saṅkhārā upaṭṭhahanti, anattato manasikaroto suññato saṅkhārā upaṭṭhahantī”’ti (paṭi. ma. 1.219) –

Vuttaṃ. Nanu cetta abhidhammāvatarassa bhāsamanāntā abhidhammapariyāyeneva vimokkhamukhāni ca vavattapetumaṃ yuttanti? Saccamaṃ, aniccānupassanāyapi pana maggavuṭṭhānaṃ hotīti pakāsanatthamaṃ suttantapariyāyenapi ekaṃ vavattānaṃ kataṃ, tathā vuṭṭhito pana maggo abhidhammapariyāyena suddhikapaṭipadāyameva saṅgayhatīti daṭṭhabbaṃ.

Catummaggayogabhedatoti sotāpattiādīhi catūhi ariyamaggehi sampayogappabhedato. Ariyamaggānaṃ pana sammādiṭṭhādiṭṭhaṅgasabhāvattā, tesaṅca sabbalokuttare atthitāya bhāṅgavasena abhedepi indriyānaṃ apāṭavapāṭavataratamabhāvena sacchikiriyāvīsesato kilesānaṃ pahānabhedo hotīti taṃvasena catubbidhatā daṭṭhabbā. Tenevāha “**sakkāyadiṭṭhivīkicchā**”’tiādi. Sati vijjamaṇe pañcakkhandhasāṅkhāte kāye diṭṭhi sakkāyadiṭṭhi, sayamaṃ vā tattha sati diṭṭhi sakkāyadiṭṭhi, pañcasu khandhesu attataniyābhīnivesavasena pavattāya micchādiṭṭhiyā etaṃ adhivacanaṃ. Sā pana ekekasmīṃ khandhe catudhā abhinivesanavasena vīsatividhā hoti. Tathā hi koci rūpaṃ attato samanupassati “yamaṃ rūpaṃ, so attā, yo attā, taṃ rūpaṃ, yathā dīpassa vaṇṇoyeva acci, acciyeva vaṇṇo”’ti. Rūpavantaṃ vā attānaṃ samanupassati, chāyāvantaṃ viya rukkamaṃ. Attani vā rūpaṃ, pupphe viya gandhamaṃ.

Rūpasmim vā attānaṃ, samugge viya maṇi. Evaṃ vedanādīsupi “vedanaṃ attato samanupassatī”tiādinaṃ yojetabbaṃ. Tattha yo pañcavidho abyatirittaattābhiniveso, sā ucchedadiṭṭhi. Yo pana pannarasavidho byatirittaattābhiniveso, sā sassatadiṭṭhīti veditabbaṃ.

Sabhāvaṃ vicinanto tāya kicchati kilamatīti vicikicchā, ticicchitūṃ dukkaratāya vā vigatā ciccicchā nāṇapatikāro imissāti vicikicchā. Sā pana –

“Satthari kaṅkhati vicikicchati, dhamme, saṅghe, sikkhāya, pubbante, aparante, pubbantāparante, idappaccayatāpaṭṭicasamuppennesu dhammesu kaṅkhati vicikicchati”ti (dha. sa. 1008 thokaṃ. visadisam) –

Evaṃ buddhādīsū kaṅkhāvasena aṭṭhavatthukā,

“Ahoṣim nu kho ahamatītamaddhānaṃ, na nu kho ahoṣim, kiṃ nu kho ahoṣim, kathaṃ nu kho ahoṣim, kiṃ hutvā kiṃ ahoṣim nu kho ahamatītamaddhānaṃ, bhavissāmi nu kho ahamanāgatamaddhānaṃ, na nu kho bhavissāmi, kiṃ nu kho bhavissāmi, kathaṃ nu kho bhavissāmi, kiṃ hutvā kiṃ bhavissāmi nu kho ahamanāgatamaddhānaṃ, etarahi vā pana paccuppannamaddhānaṃ ajjhataṃ kathaṃkathī hoti, ahaṃ nu khoṣmi, no nu khoṣmi, kiṃ nu khoṣmi, kathaṃ nu khoṣmi, ayaṃ nu kho satto kuto āgato, so kuhiṃ gāmī bhavissati”ti (ma. ni. 1.18; sam. ni. 2.20) –

Evaṃ pubbantādayo ārabba pavattivasena soḷasavatthukā ca niddiṭṭhā.

Tattha satthari kaṅkhanto tassa rūpakāyadhammakāyānaṃ vijjamānataṃ, avijjamānataṃ kaṅkhati, dhamme kaṅkhanto tassa svākkhātadvākkhātābhāve kaṅkhati, saṅghe kaṅkhanto tassa suppaṭipannavipattiṇātibhāve kaṅkhati, sikkhāya kaṅkhanto tassā supaññattaduppaññattābhāvaṃ kaṅkhati, pubbante kaṅkhanto sassatākāraṃ, adhiccasamuppattiākāraṃ nissāya atīte attano vijjamānataṃ, avijjamānataṃ kaṅkhati, aparante kaṅkhanto sassatākāraṃ, ucchedākāraṃ nissāya anāgate attano uppattiṃ, anuppattiṃ kaṅkhati, pubbantāparante kaṅkhanto paccuppanne attano atthibhāvaṃ, natthibhāvaṃ kaṅkhati. Paccuppanno hi addhā pubbhāgāparabhāgakoṭṭhāsavantaṭāya “pubbantāparanto”ti vuccati, yuttaṃ pana taṃ ārabba kaṅkhājanananti? Yuttaṃ, ayuttanti kā ettha cintā. Ummattako viya hi bālaputhujano. Tasmā so yaṃ kiñci kaṅkhatiyeva. Teneva ca soḷasavatthukavvicikicchāniddese “etarahi vā panā”tiādi vuttaṃ. Ācariyā pana “pubbantāparantoti atītānāgate ekajjhaṃ gahetvā tadubhayamārabba kaṅkhanto pubbantāparante kaṅkhati”ti pi vadanti. Idappaccayatāpaṭṭicasamuppennesu dhammesu kaṅkhanto pana avijjādinaṃ paccayānaṃ, saṅkhārādīnaṃ paccayuppannānaṃ hetuhetusamuppannabhāvassa sabbhāvāsabbhāvaṃ kaṅkhatīti evaṃ tāva aṭṭhavatthukakaṅkhāya pavatti veditabbā.

Soḷasavatthukā pana “ahoṣim nu kho...pe... na nu kho ahoṣi”nti kaṅkhanto vuttanayeneva atīte attano vijjamānavijjamānataṃ kaṅkhati. **Kiṃ nu kho ahoṣinti** jātiliṅgupapattiyo nissāya “khattiyo nu kho ahoṣim, brāhmaṇādīsū gahaṭṭhādīsū devādīsū aññataro nu kho”ti kaṅkhati. **Kathaṃ nu khoti** saṅghānākāraṃ nissāya “dīgho nu kho ahoṣim, rassadōṭakāḷādīnaṃ aññataro”ti kaṅkhati. Issaranimmānādīni nissāya “kena nu kho pakārena ahoṣi”nti nibbattanākārato kaṅkhatīti vadanti. **Kiṃ hutvā kiṃ ahoṣinti** jātiādīni nissāya “khattiyo hutvā nu kho brāhmaṇo ahoṣim...pe... devo hutvā nu kho manusso ahoṣi”nti attano aparāparaṃ pavattiṃ kaṅkhati. **Bhavissāmi nu kho, na nu khoti** heṭṭhā vuttanayeneva anāgate attano vijjamānavijjamānataṃ kaṅkhati. “**Kiṃ nu kho bhavissāmi**”tiādi vuttanayameva. **Ahaṃ nu khoṣmi, na nu khoṣmīti** idāni attano atthibhāvaṃ, natthibhāvaṃ kaṅkhati. Tattha kāraṇaṃ vuttameva. **Kiṃ nu khoṣmīti** khattiyādikova samāno attano khattiyādibhāvaṃ kaṅkhati. Eseva nayo sesesupi. **Kathaṃ nu khoṣmīti** “abbhantare jīvo nāma atthī”ti gahetvā tassa dīghādibhāvaṃ kaṅkhati. Paccuppannaṃ pana attano sarīrasaṅghānaṃ ajānanto nāma natthi. **Kuto āgato, kuhiṃ gāmī bhavissati**ti attabhāvassa āgatagataṭṭhānāni kaṅkhatīti veditabbaṃ.

Sīlaṅca vataṅca sīlabbataṃ, tattha gosīlādiasuddhimaggo samādānavasena sīlaṃ, avītikamavasena vataṃ. Ubhayathāpi vā sīlaṃ, tapokammabhāvena gahitattā vataṃ. Gavādiṇipakatibhāvato attano vā gavādiṇibhāvādiṭṭhānaṃ sīlaṃ, “gacchanto bhakkheti, tiṭṭhanto muttetī”tiādinaṃ gavādikiriyāya karaṇaṃ vataṃ. Taṃtaṃakiccassamasato vā nivatti sīlaṃ, taṃsamādānavato vesabhojanakiccacaraṇādivisesapaṭipatti vataṃ. Sabhāvaṃ atikkamma parato āmasanaṃ gahaṇanti parāmāso, sīlabbatassa parāmāso sīlabbataparāmāso. Ito bahiddhā samaṇabrāhmaṇānaṃ sīlena suddhi, vatena suddhi, sīlabbatena suddhīti evaṃ asuddhimagge “suddhimaggo”ti pavattassa micchābhinivesassetam adhivacanaṃ. Sakkāyadīṭṭhi ca vicikicchā ca sīlabbataparāmāso cāti sakkāya...pe... parāmāso, teyeva kammavipākesu, vaṭṭasmim vā satte saṃyojenti bandhantīti saṃyojanāni, tesam diṭṭhivisuddhiādīhi tadanāvāsena pahīnānaṃ anuppattidhammatāpādanena accantasamucchedappahānaṃ karotīti **sakkā...pe...ppahānakaraṃ**.

Nibbānaṃ pati savanato sandanato soto vuccati ariyo aṭṭhaṅgikamaggo, tassa ādito pajjanaṃ sotāpatti, nibbānaṃ

maggati, nibbānatthikehi maggīyati, kilese mārento gacchatīti vā maggo, sotāpatti eva maggo sotāpattimaggo. Atha vā sotam ādīto pajjati adhigacchatīti sotāpatti, paṭhamo ariyapuggalo, tassa maggo sotāpattimaggo, sammādiṭṭhiādīni aṭṭhaṅgāni, tena sampayuttaṃ cittaṃ **sotāpattimaggaḥcittaṃ**.

Rajjati abhisajjati rāgo, so idha pañcakāmapisayā, kāmapisavā ca taṇhā. Dussatīti doso, dasavidhāghātavattupadaṭṭhāno byāpādo. Muiyhatīti moho, dukkhādīsu aṭṭhasu aññāṇaṃ. Etesaṃ kilesānaṃ tanuttaṃ tanubhāvaṃ karotīti **rāga...pe... tanuttakaraṃ**. Tattha dvīhi kāraṇehi tanuttaṃ abhiñhānuppattito, pariyaṭṭhānamandāya cāti. Sakadāgāmissa hi vaṭṭānusārimahājanassa viya kilesā abhiñhaṃ na uppajjanti, kadāci virāḷākārā hutvā uppajjanti, tathā uppajjantāpi maddantā chādentā andhakāraṃ karontā nuppajjanti. Dvīhi pana maggehi pahīnattā mandamandā tanukatanukā uppajjanti. Keci pana sakadāgāmissa kilesā cirena uppajjantāpi bahalāva uppajjanti. Tathā hissa puttadhītarō dissantīti vadanti. Taṃ akāraṇaṃ, vattupāṭisevanena vināpi gabbhaggahaṇasabbhāvato, tasmā vuttanayeneva dvīhi kāraṇehi nesaṃ tanubhāvo vedītabbo. Kasmā panettha mohassa tanubhāvo vutto, nanu tatiyamaggavajjhānameva iminā tanuttakaraṇaṃ vattabbaṃ, itarathā heṭṭhā tīhipi maggehi uparimaggavajjhakilesānaṃ bahalābahalāvattahāya pahīyamānattā idha sabbesameva uddhambhāgiyasamyojanānaṃ tanubhāvo vattabbo, teneva ca **pāliyaṃpi** “kāmarāgabyāpādānaṃ tanubhāvāya dutiyāya bhūmiyā pattiya”ti vuttanti. Saccametam, sutte pana uparimaggavajjhānaṃ tanubhāvapariyāyaṃ gahetvā “rāgadosamohānaṃ tanuttā sakadāgāmī hotī”ti hetuttayatanubhāvassa āgatattā idhāpi tadanulomena vuttaṃ. “Kāmarāgabyāpādāna”micceva vā pāṭho. Tathā hi ettheva upari **dutiyamaggañāniddese** “byāpādakāmarāgānaṃ, tanubhāvaṃ tu sādha”nti (abhidha. 1353) vuttaṃ. Paṭisandhivasena sakideva imaṃ manussalokaṃ āgacchatīti sakadāgāmī, tassa maggo sakadāgāmaggo. Kiñcāpi hi maggaṭṭhassa paṭisandhivasena āgamanāsambhavato phalaṭṭhoyeva sakadāgāmī nāma hoti, tassa pana āgamanabhūto maggo maggantarāvachchedanattaṃ tadāyattabhāvūpanayanena sakadāgāmaggoti vuccati, taṃsampayuttaṃ cittaṃ **sakadāgāmaggaḥcittaṃ**.

Pañcasu kāmaguṇesu, kāmapisave ca rāgo **kāmarāgo**. Byāpajjati tena cittanti **byāpādo**. Paṭisandhivasena imaṃ kāmadhātumaṃ na āgacchatīti **anāgāmī**. Rūpabhāve chandarāgo **rūparāgo**. Arūpabhāve chandarāgo **arūparāgo**. **Māno** idha arahattādhigamaṃ paṭicca uṇṇatimattaṃ. **Uddhaccampi** “ko me bhāro kilesasamucchedane”ti evamākārapavattaṃ cittaṃ avūpasamamattaṃ. **Avijjāpi** asukhe sukhasaññāvipallāso. Ārakattā kilesehi, micchāpaṭipannehi vā, rāgādiarīnaṃ, saṃsāracakkassa arānañca hatattā, paccayādīnaṃ arahattā, rahopi pāpākaraṇena pāpākaraṇe rahassa abhāvā, rahitabbato jahitabbato “rahā”ti laddhanāmānaṃ vā pāpadhammānaṃ abhāvato, sādhuhi arahitabbato apariccajitabbato, rahasañkhātassa vā gamanassa saṃsāre abhāvato **arahā**, aṭṭhamo ariyapuggalo, tassa bhāvo arahattaṃ, aggaphalassetam adhivacanaṃ. Tañhi “arahā”ti abhidhānassa, buddhiyā ca pavattinibandhanattā arahato bhāvoti katvā “arahatta”nti vuccati, tassa āgamanabhūto maggo arahattamaggo, taṃsampayuttaṃ cittaṃ **arahattamaggaḥcittaṃ**.

Jhānaṅgayogabhedatoti rūpāvacaraṃ viya pañcahi jhānaṅgehi sampayogabhedato. Kathaṃ panassa bhedoti? Ettha tāva aṭṭhakathāvādo, tayo ca theravādāti cattāro vādā honti. Tathā hi **aṭṭhakathāyaṃ** tāva “sañkhārupekkabhāvamaṃ patvā vuṭṭhānagāminivipassanāmaggaṃ jhānaṅgaṃ niyameṭī”ti vuttaṃ. **Tipiṭakacūḷānāgatthero** pana “maggāsannavipassanāya padaṭṭhānabhūtaṃ pādakajjhānaṃ niyameṭī”ti āha. **Moravāpivāsīmahādattathero** “vipassanāya ārammaṇabhūtā khandhā niyamenti. Yañhi jhānaṃ sammasitvā vuṭṭhāti, taṃsadisova hotī”ti āha. **Tipiṭakacūḷābhayattthero** pana “puggalajjhāsayaṃ niyameṭī, ‘aho vata pañcaṅgikaṃ, caturaṅgikaṃ vā maggaṃ pāpuṇeyya’ntiādīnaṃ yathā yathāssa ajjhāsayaṃ hoti, tathā tathā maggo hotī”ti āha.

Yasmā pana aṭṭhakathāvādo pamānaṃ, tayo ca therā paṇḍitā byattā, tasmā cattāropi vādā aññamaññaṃ appaṭibhānavasena evamaṃ vedītabbā. Kathaṃ? Kāmapisavaradhamme tāva sammasitvā sukkhavipassakassa uppannamaggopi samāpattīlābhino jhānaṃ pādakaṃ akatvā uppādītamaggopi vipassanāniyāmena paṭhamajjhānikāva hontī. Sace pana kiñci jhānaṃ pādakaṃ katvā uppādīto hoti, tassa vasena aṅgapariṇāmo hotīti taṃtamajjhānasadisova hoti. Yasmā panettha kāmapisavarakkhandhe ārabba pavattā vipassanā kāmapisavaradhammesu ca mahaggatadhammesu viya bhāvanāvisesato jhānaṅgaviseso natthi, tasmā “vipassanāya ārammaṇabhūtā khandhā niyamenti”ti evamaṃ pavatto dutiyattheravādo imaṃ vādaṃ na pavasati. Jhānadhamme sammasitvā uppādītamaggo sace pādakajjhānaṃ natthi, sammasitajjhānaniyāmena taṃtamajjhāniko hoti. Sace paṭhamajjhānato vuṭṭhāya dutiyādījhāne sammasitvā uppādīto, puggalajjhāsayanīyāmena dvīsu aññatarajjhānasadisova hoti. Sace pana puggalassa tathāvidho ajjhāsayaṃ natthi, tadā kathaṃ? Ettha tāva keci “nānāvajjanavīthiyameva nivattamānapādakajjhānato ekāvajjanavīthiyāṃ gotrabhūbhāvamaṃ patvā nivattamānāya vipassanāya ārammaṇabhūtā khandhāyeva balavanto, tasmā sammasitakkhandhaniyāmena taṃsadisova maggo hotī”ti vadanti. Evañca sati “pādakajjhānaniyāmena hotī”ti evamaṃ pavatto paṭhamattheravādo pādakajjhānato vuṭṭhāya kāmapisavarakkhandhe sammasitvā uppādītamaggameva sandhāya tiṭṭhatīti.

Apare pana “pādakajjhānaṃ maggaṃ mūlakāraṇavasena paccayo hoti āsannakāraṇavaseneva, sammasitakkhandhā pana mūlakāraṇavaseneva paccayā hontī, tasmā sammasitakkhandhato pādakajjhānameva

balavataranti pādakajjhānasadiso maggo hotī”ti vadanti. Evaṃ sante pana “sammasitakkhandhaniyāmenā”ti evaṃ pavatto dutiyattheravādo samāpattiṃ pādakaṃ akatvā kevalaṃ jhānadhammeyeva sammasitvā uppāditamaggameva sandhāya tiṭṭhati. Yasmā pana heṭṭhimahēṭṭhimajjhānato uparūparijhānaṃ balappattaṃ hoti, tasmā heṭṭhimahēṭṭhimajjhānato vuṭṭhāya uparūparijhānadhamme vipassato uppannamaggo pādakajjhānaṃ anapekkhitvā sammasitajjhānavasena taṃtaṃjhaniko hoti. Uparūparijhānato pana vuṭṭhāya heṭṭhimahēṭṭhimajjhānadhamme sammasitvā uppāditamaggo sammasitajjhānaṃ anapekkhitvā pādakajjhānasadiso hotīti idametha sārataṃ. Evañhi satī dvinnampi therānaṃ vādā nippadesavisayā samaphalā honti.

Tatīyattheravādo cettha pādakajjhānaṃ, sammasitajjhānaṃ vā vinā ajjhāsāyamatteneva na ijjhati. Tīsupi vādesu ṭhapetvā sesajhānaṅgapaṇiṇāmaṃ vedanāpaṇiṇāmo vipassanāniyāmeneva hoti. Tayopi theravādā vipassanāniyāmena vinā na hontīti daṭṭhabbaṃ. Nanu ca vedanāpi jhānaṅgameva, tasmā tāyapi pādakajjhānaniyāmeneva bhavitabbanti? Taṃ na, vedanāyapi pādakajjhānaniyāmena paṇiṇāme satī vipassanāniyāmaṃ anapekkhitvā pādakajjhānaniyāmeneva maggakkhaṇe sesajhānaṅgāni paṇiṇāmaṭṭhāneyeva vedanāyapi paṇiṇāmo bhavēyya, tathā pana ahutvā ekāvajjanavīthiyā āditova paṇiṇāmanato maggavuṭṭhānavīthiyā āsannatarappavattāya vipassanāya vasena vedanāniyāmo hoti.

Atha vā pādakajjhānasammasitajjhānānaṃ sambhave tesu anuppannā vedanā vipassanāya na hotīti pādakajjhānasammasitajjhānaniyāmena paṇiṇāmatītipi na sakkā vattum. Ettha siyā – yattha tāva pādakajjhānaṃ atthi, tattha taṃ niyāmeti. Yattha pana tikacatukkapādakajjhānaṃ natthi, tasmīṃ arūpabhava kiṃ niyāmetīti? Tatthāpi pādakajjhānameva niyāmeti. Yo hi bhikkhu aṭṭhasamāpattilābhī paṭhamajjhānaṃ pādakaṃ katvā sotāpattimaggaphalāni nibbattetvā aparīhīnajjhāno kālaṃ katvā arūpabhava nibbatta paṭhamajjhānikāya sotāpattiphalasamāpattiyā vuṭṭhāya vipassanaṃ paṭṭhapetvā uparī tīṇi maggaphalāni nibbattetī, tassa tāni paṭhamajjhānikāneva honti. Dutīyajjhānikādīsupi eseva nayo. Arūpepi hi lokuttaraṃ tikacatukkapādakajjhānaṃ uppajjatīti evametha ekekassa lokuttarakusalassa jhānaṅgayogabhedo veditabboti.

Magga...pe... nipphādetīti tebhūmakakusalaṃ viya paṭisandhippavattīsu avipaccavantampi attano attano anurūpassa phalassa nipphādanena taṃtaṃphalappatte sotāpanno sakadāgāmī anāgāmī arahāti sāmāññato cattāro ariyapuggale abhinipphādetīti. Visēsato pana sattaḥkhattuparamatādike anekepi sotāpannādayo nipphādeti.

Lokuttarakusalavaṇṇanā niṭṭhitā.

Catubhūmakakusalavaṇṇanā

28. Evaṃ catubhūmakakusalacittaṃ sarūpato niddisitvā idāni taṃ nigamento āha “**kāme aṭṭhevā**”tiādi. Tattha **kāmeti** kāmabhava. Tathā “**rūpe**”tiādīsu.

29. Kusalākusalāpagatenāti kusalākusalakammato apagatena. Aggammagassa hi uppannakālato paṭṭhāya arahato sabbāni kusalākusalakammāni pahīnāni nāma hontī paccayavekallena paṭisandhidāne asamatthabhāvato. Yato ca ariyamaggañānaṃ “kammakkhayaḥkara”nti vuccati. Atha vā ahetuapaccayavisujjanassa abhāvato kilesasamucchedakena maggakusalena akusalehi apagatena. **Kusale kusalenāti** kucchitānaṃ salanādīhi kusalasankhātāya paṭipattiyāṃ desanuppādanādīsu chekena. **Munināti** ubhayalokamunanakena aggaphalaññāna, sabbaññūtaññāna vā samannāgatattā muninā. Tenāha –

“Yo munāti ubho loke, muni tena pavuccatī”ti.

Vasināti chaḷabhiññatāya paramena cittavasibhāvena samannāgatattā, jhānādīsu pañcavidhavasibhāvato ca vasibhūtena vasibhāvūpagatindriyena.

Catubhūmakakusalavaṇṇanā niṭṭhitā.

Akusalavaṇṇanā

Etāvātā ca yaṃ “kusalākusalābyākatajātītibhedato tividha”nti ettha vuttaṃ kusalaṃ, taṃ sarūpato niddisitvā idāni tadanantaruddiṭṭhaṃ akusalaṃ niddisanto āha “**akusalaṃ panā**”tiādi. “Bhūmito ekavidha”nti vuttamatthaṃ niyāmetvā dassento āha “**kāmāvacaramevā**”ti. Nikāyantarikā pana rūpārūpāvacarampi akusalaṃ icchantīti tesam matinisedhanatthaṃ avadhāraṇaṃ kataṃ. Mahaggatabhūmiyaṃ uppajjantampi hetam tattha rūpadhātuyam pavattivipākaṃ dentampi ekantena kāmāvacaramevāti. Kuto panesa niyamoti? Kāmatanḥhāvisayabhāvato. Kāmatanḥhāvisayatā hi kāmāvacarabhāvassa kāraṇaṃ yathā rūpārūpatanḥhāvisayatā rūpārūpabhāvassa. Ekamsena cetam

evam sampañcchitabbam. Itarathā byāpitalakkhaṇaṃ na siyā. Yadi hi ālambitabbadhamavasena bhūmivavattānaṃ kareyya, evaṃ sati anārammaṇānaṃ saṅgaho na siyā. Atha vipākādānavasena, evampi avipākānaṃ saṅgaho na siyā, tasmā ālambaṇadhamavasena pariyāpannānaṃ sā kātabbā. Apariyāpannānaṃ pana lokato uttiṇṇatāya lokuttaratā, uttaritarābhāvato anuttaratā ca veditabbāti.

Domanassassa anīvaraṇāvattāya abhāvena taṃsahagatacittuppādo kāmabhūmiyaṃyeva pavattatī so niyatavattuko, itare arūpabhūmiyaṃyampi pavattanato aniyatavattukātī āha “**niyatā...pe... duvidha**”nti. Vicikicchuddhaccasahagatānaṃ mohekahetukattā, itaresampi lobhamohadosamohavasena dvihetukattā āha “**ekahetukaduhetukato**”ti. Ādito ekādasannaṃ akusalacittānaṃ paṭisandhijananato, uddhaccasahagatassa tadabhāvato āha “**paṭisandhijanakājanakato**”ti. Uddhaccasahagatāhi pavattivipākāṃ dentampi paṭisandhiṃ nākaḍḍhati. Yato vakkhati –

“Ekādasavidhānaṃ tu, hitvā uddhaccamānaṃ;
Ekādasavidhā ceva, bhavanti paṭisandhiyo”ti. (abhidha. 536);

Yena pana kāraṇena taṃ paṭisandhiṃ nākaḍḍhati, taṃ paṭisandhivinicchayakathāhi imissā gāthāya vaṇṇanāpadeseyeva vakkhāma. **Tiṃhi vedanāhi**ti sukhadukkhopekkhāsāṅkhātāhi tīhi vedanāhi. Yathāha – “tisso imā, bhikkhave, vedanā. Katamā tisso? Sukhā dukkhā adukkhamasukhā”ti (saṃ. ni. 4.249). Yaṃ pana katthaci sutte “dvemā, bhikkhave, vedanā sukhā dukkhā”ti (saṃ. ni. 4.267) vacanaṃ, taṃ kusalapakkhikaṃ upekkhāṃ sukhe, akusalapakkhikaṃ dukkhe pakkhipitvā pariyāyena vuttanti daṭṭhabbāṃ. Suppatiṭṭhitabhāvākāraṇattā mūlamivāti mūlaṃ, lobho mūlaṃ etassāti **lobhamūlaṃ**. Kiñcāpi hi mohopi lobhamūlesu atthi, so pana sabbākusalasādhāraṇattā vavattānakaro na hotīti asādhāraṇadhamavasena “lobhamūla”ntveva vuttaṃ yathā “bherisaddo yavaṅkuro”ti. Tathā “**dosamūla**”nti etthāpi. Mūlantaravirahato moho eva mūlaṃ imassa, nāññanti **mohamūlaṃ**.

Micchāvasena dassanaṃ diṭṭhi, diṭṭhiyeva diṭṭhigataṃ yathā “ākāśagataṃ thāmagata”nti. Atha vā vipariyesaggāhikāya diṭṭhiyā gatameva, na ettha gantabbavattu tathāsabhāvanti diṭṭhigataṃ, dvāsaṭṭhiyā vā diṭṭhisu antogadhanti diṭṭhigataṃ, tena samaṃ pakārehi yuttanti **diṭṭhigatasampayuttaṃ**.

“**Yadā hi**”tiādi lobhamūlacittānaṃ pavattiākāradassanaṃ. **Micchādiṭṭhinti** ucchedadiṭṭhiādiṃ micchādiṭṭhiṃ. Tāya hi vipallattacittā tāva kodhavisayo, yāva indriyagocaroti paralokaṃ paṭikkhipitvā “natthi kāmesu ādīnavo”ti gaṇhanti. **Ādi-saddena** –

“Esa panthovitho devayāne,
Yena yanti puttavanto visokā;
Taṃ passanti pasavo pakkhino ca,
Tena te mātariipi mithunaṃ carantī”ti. –

Ādinā nayena puttamukhadassanaṃ saggamokkhamaggoti evamādikāṃ micchādiṭṭhiṃ saṅgaṇhāti. **Kāme vāti** ettha vā-saddo aniyamattho. Tena “brāhmaṇānaṃ suvaṇṇaharaṇameva adinnādāne sāvajjaṃ, itaraṃ anavajjaṃ, gurūnaṃ, gunnaṃ, attano jīvitassa, vivāhassa ca atthāya musāvādo anavajjo, itaro sāvajjo, guruādīnaṃ atthāya pesuññakaraṇaṃ anavajjaṃ, itaraṃ sāvajjaṃ, bhāratayuddhasītāharaṇādīkathā pāpavūpasamāya hotī”ti evamādike micchāgāhe saṅgaṇhāti. **Diṭṭhamaṅgalādīnīti** diṭṭhasutamūtaṅgalāni. **Sārato paccetīti** vuḍḍhiyā pubbanimittabhāvena aggahetvā “idameva vuḍḍhikāraṇa”nti evaṃ sāravasena gaṇhāti. **Sabhāvatikkhenevāti** lobhassa, micchābhinivesassa vā vasena saraseneva tikhiṇena kururena. **Mandenāti** dandhena atikhiṇena. Tādisaṃ pana attano, parassa vā samussāhanena pavattatī āha “**samussāhitenā**”ti. **Parassa bhaṇḍaṃ vā haratīti vā-saddena** tathāpavattanakamusāvādādīnampi saṅgaho veditabbo. **Kāmānaṃ vāti** anubhuyamānānaṃ kāmagaṇānaṃ. **Vā-saddena** parasantakassa ayathāhippetatāya yaṃ laddhaṃ, taṃ gahetabbanti gahaṇādikaṃ saṅgaṇhāti.

Sampayuttadhamavasena bhedābhāvato dosamūlaṃ asaṅkhārikasasaṅkhārikabhedato duvidhaṃ. Yadi evaṃ kasmā “domanassasahagataṃ paṭighasampayutta”nti vuttaṃ? Asādhāraṇadhammehi tassa cittassa upalakkhaṇatthaṃ. Pāṇassa atīva, atikkamitvā vā pātanaṃ **pāṇātipāto**. **Ādi-saddena** adinnādānaṃ usāvādapesuññapharusasamphappalāpabyāpāde saṅgaṇhāti. Dasaakusalakammāpathesu hi kāmesumicchācāraabhijjhāmicchādiṭṭhisāṅkhātā tayova kammāpathā iminā na sījḥanti. Sabhāvatikkhaṃ hutvā pavattamānaṃ cittaṃ asaṅkhārameva hoti, itaraṃ sasaṅkhāranti adhippāyenāha “**tikkhamandappavattikāle**”ti. Mandāṃ pana hutvā pavattamānaṃ ekaṃsena sasaṅkhāramevāti na sakkāva viññātaṃ. Yaṃ sasaṅkhārena sappayogena pavattati, taṃ mandameva hotīti katvā tathā vuttanti daṭṭhabbāṃ.

Mohamūlaṃ cittaṃ mūlantaravirahato atimūlhaṃ vicikicchuddhaccayogato cañcalañcāti upekkhāsahagatameva

hoti, na tassa kadācīpi sabhāvatikkhatā atthi. Ārammaṇe hi saṃsappanavasena, vikkhipanavasena ca pavattamānassa cittadvayassa kiṃ tādise kicce sabhāvatikkhatāya, ussāhetabbatāya vā bhavitabbaṃ, tasmā na tattha saṅkhārabhedo atthi. Nanu ca uddhaccaṃ sabbākusalasādhāraṇaṃ, kasmā pana etameva tena vīsesetvā vuttaṃ “uddhaccasahagata”nti. Vīsesato balavabhāvato. Idañhi etasmiṃ citte balavaṃ, tasmā sampayuttadhammesu padhānaṃ hutvā pavattatīti idameva tena vīsesitabbaṃ. Teneva hi **pāḷiyam** sesākulesu uddhaccaṃ yevāpanakavasena āgataṃ, idha pana sarūpatoyeva niddiṭṭhaṃ. Evaṃ asādhāraṇappadhānadharmavasena mohamūlaṃ vicikicchāsampayuttaṃ uddhaccasampayuttanti duvidhaṃ vuttanti daṭṭhabbaṃ. **Asanniṭṭhānaṃ** saṃsāyo, **vikkhepo** avūpasamo, bhantatīti attho. Tattha vicikicchāsahagatassa asanniṭṭhānakāle, uddhaccasahagatassa vikkhepakāle ca pavatti veditabbā.

Yathānurūpanti paṭisandhijanakājanakassa, kammaṭṭhābhāvappattāpattassa ca anurūpato. Atha vā **yathānurūpanti** yo yassa hetu, tadanurūpato. Yebhuyyena hi lobhamūlakena khuppiṭṭhādinirantarapetavisāye uppajjanti, dosamūlakena doṣo viya caṇḍajātātāya taṃsarikkhake nirāye, mohamūlakena niccasammūḷhāya tīracchānāyoniyam, tasmā lobhādihetuanurūpato tattha tattha apāye upapattiṃ nippādetīti āha “**yathānurūpaṃ... pe... upapattiyā**”ti. Akusalavipākānaṃ dukkhappadhānatāya “**dukkhavisessā**”ti vuttaṃ.

31. Apāpena alāmakena pāpāpappahīnena **pāpāpāpesu** mānasesu yaṃ pāpamānaṃ vuttaṃ, pāpāpāpesu puggalesu apāpena pāpāpappahīnena yaṃ pāpamānaṃ vuttanti vā sambandho. Atha vā pāpāpāpesu mānasesu pāpena pāpamānaseṇa pāpavasena pāpāpappahīnena yaṃ pāpamānaṃ vuttanti yojanā. Ayaṃ panettha adhippāyo – asammāsambuddhena tāva dhammasabhāvassa dubbijānīyattā kusalampi akusalato, akusalampi kusalato vuccēyya, bhagavato pana saha vāsanāhi viddhaṃsitākusalassa kammakkhayakaraññaṇena paccayavekallato viddhaṃsitakusalakammassa ca sammāsambuddhabhāvato ekanteneva akusaladesanā akusaladhammavasenevāti.

Akusalavaṇṇanā niṭṭhitā.

Abyākatavaṇṇanā

Aññaṃaññaṃvisiṭṭhānaṃ kusalākusalānaṃ pākanti vipākam, vipakkabhāvamāpannāmarūpadhammānametamadhivacanaṃ. Yathā hi loke sālibijādīnaṃ phalāni taṃsādisāni nibbattāni vipakkāni nāma hontī, vipākaniruttiṃca labhanti, na mūlaṅkurapattadaṇḍanaḷādīni, evaṃ kusalākusalānaṃ phalāni arūpadhammabhāvena, sārammaṇabhāvena ca taṃsādisāni vipakkabhāvamāpannānti vipākaniruttiṃ labhanti, na pana kammābhiniṭṭhāpī rūpadhammā kammavisādisattā. Vipākameva cittaṃ **vipākacittaṃ**. Karaṇamattaṃ kiriyā phaladānāsambhavato. Yena pana kāraṇena tassa phaladānaṃ na sambhavatī, taṃ heṭṭhā vuttameva. Kiriyā eva cittaṃ **kiriyacittaṃ**. Vipākassa kāmāvacarādibhāvo kusale vuttanāyena yathāsambhavaṃ veditabbo. Alobhādisampayuttahetūhi saha vattanato **sahetukaṃ**. Tadabhāvato **ahetukaṃ**. Nibbattakahetuvaseṇa sījhamānampi hetam sampayuttahetuvaseṇa “sahetukamahetuka”nti vuccati, itarathā vavattānābhāvato.

Sakakusalaṃ viyāti attano janakaṃ kāmāvacarakusalaṃ viya. Janakajanitabbasambandhavasena hi taṃ taṃ kusalaṃ tassa tassa vipākassa sakaṃ nāmaṃ hoti.

“Sakakusalaṃ viyā”ti vuttattā pavattākāraārammaṇādito cassa taṃsādisatā āpajjeyyāti taṃnivāraṇatthamāha “**yathā panā**”tiādi. **Chasu ārammaṇesūti** parittādiatītādiājhattādibhedesu chasu rūpādiārammaṇesu. Bhavantarapaṭisandhānato **paṭisandhi**. Avicchedappavattihetubhāvena bhavassa ānganti **bhavaṅgaṃ**. Nibbattitabhavato pariḡaññatāya cutihetutāya **cuti**. **Parittadhammapariyāpannesūti** kāmāvacaradhammapariyāpannesu. Kāmāvacaradhammā hi kilesavikkhambhānādīsū asamatthabhāvena parittānubhāvatāya, oḷārikāhi vā kāmataṇhādīhi parito gahitattā “parittā”ti vuccanti. Vipākassa saṅkappetvā ārammaṇaggahaṇābhāvato kammānurūpameva pavattatīti parittakammavipāko parittārammaṇeyeva pavattitumarahati, na mahaggataappamāṇārammaṇeti vuttaṃ “parittadhammapariyāpannesū”ti. Yadi evaṃ mahaggatavipākopi mahaggatārammaṇeyeva āpajjati? Nāpajjati, saññāyattārammaṇassa samādhippadhānassa kammassa appanāpattassa tādiseṇeva vipākena bhavitabbattā. Vaṇṇalakhaṇādikañhi aggahetvā lokasaññānurodheneva gahite pathavādike parikkamasaññāya samuppāditaṃ paṭibhāganimittasāṅkhātāmārammaṇaṃ saññāvasaṃ saññāyattaṃ hoti, tasmā tadārammaṇassa samādhippadhānassa appanāpattassa kammassa vipākena samādhippadhānaappanāpattehi viya saññāyattārammaṇatāya nibbiseṇeva bhavitabbaṃ. Parittavipāko pana mahaggataappamāṇāpaññārammaṇakammaṇibbattopi hoti, so parato āgamissati.

Mukhanimittaṃ viyāti mukhaṃ paṭicca uppānanimittaṃ viya. Yathā hi taṃ nirīhaṃ aparaṃ mukhanimittaṃ uppādetuṃ, aññaṃ vā kiñci attano balena kātuṃ na sakkoti, evametampi vipākuppādanādīsū na ussahati. Tenāha “**nirussāha**”nti. **Ussāhoti** cettha anupacchinnāvijjātaṇhāmānānusayasmim santāne

vipākuppādanasamatthatāsāṅkhāto, āsevanapaccayabhāvasāṅkhāto, viññattijanakatāsāṅkhāto ca byāpāro. So vipāke natthi kammavegukkhittatā patitaṃ viya hutvā pavattamānassa tassa ekantena dubbalabhāvatoti taṃ nirussāhaṃ.

Vipaccanaṭṭhānanti vipaccanavasena pavattanaṭṭhānaṃ, paṭisandhibhavaṅgacutitadārammaṇavasena catukiccāmetesaṃ pavattiokāsoti attho. Tattha cutibhavaṅgānaṃ antarālaṃ paṭisandhikiccānaṃ ṭhānaṃ, paṭisandhiāvajjanānaṃ, tadārammaṇāvajjanānaṃ, javanāvajjanānaṃ, voṭṭhabbanāvajjanānaṃ antarālaṃ bhavaṅgaciccānaṃ ṭhānaṃ, tadārammaṇapaṭisandhīnaṃ, javanapaṭisandhīnaṃ, bhavaṅgapaṭisandhīnaṃ vā antarālaṃ cutikiccānaṃ ṭhānaṃ, javanabhavaṅgānaṃ antarālaṃ tadārammaṇakiccānaṃ ṭhānanti daṭṭhabbaṃ. Yasmā panetaṃ ṭhānaṃ dhammānaṃ taṃtaṃkiccavasena pākaṭaṃ hoti, tasmā ṭhānaṃ veditabbanti ṭhānaṃ uddharitvā pākaṭakiccavaseneva taṃ pakāsetuṃ “**imāni hr**”tiādi vuttaṃ. Atha vā kiccampi kiccavantānaṃ pavattiṭṭhānabhāvena gayhatīti ṭhānantipi kiccomeva uddhaṭanti taṃ sarūpato dassetuṃ “**imāni hr**”tiādi vuttaṃ.

32. Aṇḍajajalābujayonisambhavaṇaṃ manussānaṃ, vinipātikāsuraṇaṃ ahetukapaṭisandhiyāpi sabbhāvato āha “**duhetukatihetūna**”nti. Paṭisandhiviññāsaṃpayuttā dve alobhādayo hetū yesaṃ te **duhetukā**. Esa nayo tihetukesupi. Tattha duhetukānaṃ ṇāṇavippayuttāni cattāri, tihetukānaṃ ṇāṇasampayuttāni cattāri paṭisandhiyo honti, tathā bhavaṅgacutiyoopi. Yena yena hi cittena paṭisandhi hoti, taṃ tadeva bhavaṅgacutivasenapi pavattati. Tadārammaṇaṃ pana avisesena daṭṭhabbaṃ duhetukānampi tihetukatadārammaṇassa icchittatā. Nanu cetam āsamapekkhitābhidhānaṃ ācariyeneva imassa paṭisiddhattā. Tathā hi vakkhati –

“Ahetupaṭisandhissa, na tadārammaṇaṃ bhava;
Duhetukaṃ tihetuṃ vā, duhetupaṭisandhino”ti. (abhidha. 443);

Nayidamasamapekkhitābhidhānaṃ paṭisandhijanakakammaṃ sandhāya tattha paṭisiddhattā. Yena hi kammena yā paṭisandhi ādinnā, na taṃ tato adhikaraṃ tadārammaṇaṃ pavatte abhinipphādeti. Yaṃ pana aññampi kiñci kammaṃ tadāladdhāvākāsaṃ siyā, na taṃ tattha tato adhikarampi vipākaṃ na nibbattetīti atthi. “Sahetukaṃ bhavaṅgaṃ ahetukassa bhavaṅgassa anantarapaccayena paccayo”ti (paṭṭhā. 3.1.102) hi **paṭṭhānavacanena** ahetukassāpi nānākammena sugatīyaṃ sahetukatadārammaṇamanuññātaṃ. Tenāhu ācariyā –

“Hoti aññena kammena, sahetukaṃ ahetuna”nti.

Yathā ca ahetukassa sahetukaṃ, evaṃ duhetukassa tihetukampi icchanti. **Ācariyajotipālatthero** pana “sahetuka”nti avisesena vuttatā ahetukānampi tihetukatadārammaṇaṃ icchati. Vuttañhi tena “sahetuka”nti avisesopadesena duhetukaṃ, tihetukaṃca gahetabbaṃ. Tathā hi aṭṭhakathāyaṃ “ahetukassāpi tihetukatadārammaṇamabhihitam, yañcarahi atthasamāse ahetukānaṃ tihetukaphalāni detī”ti vuttaṃ, taṃ kathaṃ? So eva pucchitabbo, yo tassa kattāti. Apare pana “mūlasandhiyā jaḷattā tassa tihetukatadālambaṇaṃ na labbhatīyevā”ti vadanti.

33-4. Tatoti paṭisandhito paraṃ, dutiyacittato paṭṭhāya. Satipi antarantārā vīthiccittuppāde tadavasāne uppajjamānassa yāvatāyukaṃ anivattanato vuttaṃ “**yāvatāyuka**”nti. **Balavārammaṇeti** atimahantavibhūtārammaṇe. Pañcadvāre hi atimahantārammaṇe manodvāre vibhūtārammaṇe tadārammaṇamuppajjati, na aññesu. Ekārammaṇappavattiyā paṭisandhādīnaṃ tiṇṇampi ekaṭṭhāne dassanattaṃ uddese tadārammaṇassa avasānakaraṇaṃ, idha pana pavattikkamavasena cutiyā avasānakaraṇanti daṭṭhabbaṃ.

35-6. Kammadvāranti kāyavacīkammadvārassa janakavasena na pavattantīti vuttaṃ hoti. Tattha **kāyoti** kāyaviññānti. **Kammanti** taṃsamuttāpikā cetanā, kāyena kataṃ kammaṃ kāyakammaṃ. Kiñcāpi hi kāyo kammassa catuvisatīyā paccayesu na kenaci paccayena paccayo hoti, tathāpi taṃsamuttāhānassa tassa sabbhāveyyeva kāyakammādivohāroti taṃ tena katanti vuccati. Kāyakammassa pavattiṭṭhānabhūtaṃ dvāraṃ **kāyakammadvāraṃ**. Yadi evaṃ kammadvāravatthānaṃ na siyā. Kāyadvārena hi siddhaṃ kammaṃ “kāyakamma”nti vuccati. Taṃ pana “dvāre caranti kammāni”ti (dha. sa. aṭṭha. 1 kāyakammadvāra) vacanato vacīdvārepi sijjhatīti dvārena kammavavattthānaṃ na siyā, tathā vacīkammaṃ kāyadvārepi sijjhatīti kammena dvāravavattthānampi na siyāti? Taṃ na, tabbahulavuttīyā ceva yebhuyyena vuttīyā ca vavattthittā. Kāyakammañhi kāyadvāreyyeva bahulaṃ pavattati, appaṃ vacīdvāre, tasmā kāyadvāre bahulappavattanato etassa kāyakammabhāvo siddho vanacarakādīnaṃ vanacarakādībhāvo viya. Tathā kāyakammameva yebhuyyena kāyadvāre pavattati, na itaraṃ, tasmā kāyakammassa yebhuyyena ettheva pavattito assa kāyakammadvārabhāvo siddho brāhmaṇagāmādīnaṃ brāhmaṇagāmādībhāvo viyāti nettha kammadvāravatthāne koci vibandhoti. **Vacīkammadvārepi** esa pabandho yathāsambhavaṃ daṭṭhabbo.

Manokammadvāraṃ pana sayam manoyeva samānaṃ attanā sahatatācetanānabhijjhādikammānaṃ

pavattidvārabhāvena manodvārasaṅkhaṃ labhatīti na taṃ cittassa uppattidvāravasena gaṇhāti. Na hi sayam attatova pavattati. Yadi pana cittasampayuttā kammadvārabhāvena adhippetā, tadā tesam kammadvārabhāvo manasmiṃ na upacāriyatīti sampayuttadhammānaṃ cittādhipatibhāvo citte viyāti cittaṃ “**manokammadvāra**”nti vuccati. Sabhāvato pana kammadvāraṃ nāma sampayuttadhammāyevāti cittaṃ tato pavattanato manokammadvāravasena pavattati. Anantarapaccayabhūtaṃ pana manokammadvārabhāve vattabbameva natthi. Idha pana “**aviññattijanattā**”ti vacanena kāyavacīkammadvāravasena pavattiyā sādhitattā manokammadvāraṃ na gahitameva. Na hi “**aviññattijanattā**”ti kāraṇaṃ manokammadvāravasena pavattiyā sādheti. Atha vā “**avipākasabhāvato**”ti vacanena manokammadvāravasena pavattiyā sādhitā hoti. “**Kammadvāra**”nti ettha kammaggahanena nānakkhaṇīkammassa adhippetattā tassāpi gahaṇaṃ daṭṭhabbaṃ. Iti imesu kāyavacīkammadvārasaṅkhātesu dvīsu dvāresu, manokammadvārena saha tīsu eva vā yathā kusalaṃ pavattati, na evaṃ vipāko, yathā ca kusalaṃ kāyavacīmanokammassa āyūhanavasena dānādipuññakiriyavattuvasena pavattati, na evamayam. Ayaṃ pana neva kāyavacīkammadvāresu pavattati viññattisamuṭṭhāpakattābhāvato, na kammavasena, manokammadvāravasena ca pavattati vipākuppādanabhāvābhāvato, na puññakiriyavasena pavattati dānādivasena appavattanatoti dassetuṃ “**kammadvāraṇca...pe... no samā**”ti vuttaṃ. **Evanti dānādivasena.**

37. “Parittārammaṇattā”tiādi sampayuttadhammavasena visesadassanaṃ. Yasmā ete parittārammaṇā, karuṇāmudītā ca paññattārammaṇā sattapaññattiyam pavattanato, tasmā dvinnamālambaṇānaṃ ekacittassa visayabhāvānanugamanato na tesu karuṇāmudītā kadācīpi jāyantīti ayamettha paṭhamagāthāya adhippāyo.

38. Dutiyagāthāya pana **hi**-saddo yasmāti imassa atthe. Yasmā “**pañca sikkhāpadā kusalā**”ti (vibha. 715) vuttā, tasmāti attho. Iduṃ vuttaṃ hoti – bhagavatā hi **sikkhāpadavibhaṅge** “**pañca sikkhāpadā kusalā**”ti (vibha. 715) evaṃ “**pāṇātipātā veramaṇī**”tiādīnaṃ pañcannaṃ sikkhāpadānaṃ kusalabhāvo vutto, te ca viratisabhāvā eva ādito tiṇṇaṃ sikkhāpadānaṃ, pacchimassa ca sammākamante, itarassa sammāvācāyaṃ, pañcannampi micchājīvahetukapañcaduccaritato viramaṇavasena pavattānaṃ sammāājīve ca antobhāvato, tasmā tā ekantakusalabhūtaṃ kadācī abyākate labhanti, itarathā saddhāsatiādayo viya “**siyā kusalā, siyā abyākatā**”ti vuccēyyunti. Yadi evaṃ lokuttaraphalesu aṭṭha, satta vā maggaṅgā na labbhanti? No na labbhanti lokiyaviratīnameva tattha ekantakusalabhāvassa vuttattā, lokuttaraviratiyo pana phalassa maggaṇātibimbabhūtatā maggasadisato aṭṭhaṅgikatāya, sattaṅgikatāya ca bhavittabanti na ca ekantakusalabhāvena vavattāpetuṃ yuttā. Evaṇca katvā upari lokuttaraphalesu aṭṭhaṅgikatādibhedo maggo uddhaṭṭoti.

39. “Tathādhipatino”tiādi adhipativasena visesadassanaṃ. Sabbesampi hi tebhūmakakusalānaṃ añño āyūhanakālo, añño vipaccanakālo, tasmā na tāni attano vipākehi adhipatiṃ gāhāpetuṃ sakkontīti na te chandādīni dhuraṃ katvā pavattanti. Lokuttarakusalāni ca pana āyūhanakālassa, vipaccanakālassa ca antarābhāvato attano chandādīnaṃ balassa avūpasantakāleyeva vipākaṃ nibbattenti anantarapaccayā hutvā vipākehi adhipatiṃ gāhāpetuṃ sakkontīti. Evaṇca katvā upari lokuttaravipākānaṃ adhipatiyogaṃ vakkhati.

40. Yasmā **moravāpivāsimahādattattherena** vipākānaṃ āgamanato asaṅkhārikasasaṅkhārikabhāvo icchito, **tipiṭakacūḷanāgattherena** paccayato, tasmā ubhinnampi matidassanattamāha “**asaṅkhārasasaṅkhāravindhāna**”ntiādi. Purimatthero hi yathā mukhe calite ādāsatale mukhanimittaṃ calati, evaṃ asaṅkhārikassa kusalassa vipāko asaṅkhāriko, sasaṅkhārikassa vipāko sasaṅkhārikoti āha, tasmā tassa matidassanattamā “**asaṅkhāra...pe... puññato**”ti vuttaṃ. Dutiyatthero pana asaṅkhārikādīsu yena kenacīpi cittena kamme āyūhite āsannamaraṇassa attano, paresaṃ vā payogena vinā asaṅkhārena appayogena kammakamanimittagatinimittapaccupaṭṭhāne paṭisandhi uppajjamānā asaṅkhārikā. Yassa kassaci sasaṅkhārena sappayogena kammāpaccupaṭṭhāne sasaṅkhārikā. Tathā bhavaṅgacutiyo. Tadārammaṇānaṃ paṇṭītaṇṭītautubhojanādīpaccayavasena, anantararuddhakusalākusalassa vasena vā asaṅkhārasasaṅkhāranti evaṃ paccayato asaṅkhārikādividhānatamāha, tasmā tassa matidassanattamā “**ñeyyaṃ paccayato cevā**”ti vuttaṃ. Idameva ca pana ācariyā pasamsanti.

41-2. Hīnādīnaṃ vipākattāti adhipatiyogābhāvepi hīnamajjhimaṇṭīnaṃ kusalānaṃ vipākattā. Etena āgamanato hīnādībhāvaṃ vibhāveti. Vineyyasantānagatakilesamalavidhāmanena tassa punanato puñño vādo vacīghoso etassa, vuttanayeneva puññaṃ vadatīti vā puññavādī, tena **puññavādīna**. “**Ekantena savatthuka**”nti vuttepi rūpaloke pavatti anivāritāti āha “**kāmalokasmi**”nti. “**Na panaññattha jāyate**”ti iminā pana byatirekato laddhamattamā dassetīti.

Evaṃ tāva sahetukavipāke niddisitvā idāni ahetuke niddisituṃ “**ahetukavipākacittaṃ panā**”tiādi vuttaṃ. Kasmā pana sahetukassa kammassa ahetukavipāko hotīti? Vuccate – cakkhuvīññānādīnaṃ tāva pañcannaṃ ārammaṇābhiniṇṇāpattattā alobhādisampayogo na sambhavati, tathā mandatarakiccesu sampañcchanasantīraṇesūti evaṃ hetūnaṃ uppattiyā asambhavato ca nesaṃ ahetukatā daṭṭhabbā. Upekkhādiyoge pana cakkhuvīññānādīnaṃ tāva

catunnaṃ iṭṭhārammaṇepi pavattamānānaṃ vatthārammaṇasaṅghaṭṭanāya dubbalabhāvato upekkhāsahagatā, kāyaviññāṇassa ca tāya balavabhāvato sukhasahagatā hoti. Sampatiṭṭhānaṃ pana ārammaṇaghaṭṭanayogyabhāvena oḷārikattā, catucittakkhaṇātīvasena cirajātattā ca dubbalamattano nissayena saha asamānājātikaṇca cakkhādivatthum nissāya uppannehi cakkhuvīññāṇādīhi laddhānantarapaccayatāya, apubbanissayatāya ca ārammaṇarasassāde dubbalanti iṭṭhādīsu ārammaṇesu upekkhāsahagatameva. Santīraṇaṃ pana vuttaviparītato iṭṭhārammaṇe sukhasahagataṃ, iṭṭhamajjhate ca upekkhāsahagatanti daṭṭhabbaṃ. Manoviññāṇadhātu viya visiṭṭhamananakiccābhāvato manomattā nissattaniṭṭhādiatthehi dhātu cāti **manodhātu**. Sā hi satipi viññāṇabhāve manoviññāṇato sambhavassa visiṭṭhamananakiccassa akaraṇato mananamattāyeva hoti. Vuttalakkaṇaviparītato pana mano ca taṃ viññāṇaṇcāti manoviññāṇaṃ, tadeva yathāvuttatṭhena dhātūti **manoviññāṇadhātu**.

Viññāṇapañcakaṃ niyatārammaṇaṃ yathākkamaṃ rūpādiekekasēva ārammaṇakaraṇato.
Sesattayamaniyatārammaṇaṃ pañcārammaṇikachalārammaṇikabhāvato.

Daṭṭhabbatāya **diṭṭhaṃ**, rūpāyatanam. Sotabbatāya **sutaṃ**, saddāyatanam. Munitabbatāya **mutaṃ**, sampattasseva gahetabbatāyāti attho, gandhādittayassetam nāmaṃ. Cakkhādīhi vinā kevalaṃ manasā eva vijānitabbatāya **viññātaṃ**, dhammāyatanam. Anāmatṭhakālavisesavacanattā ca nesaṃ atītānāgatāpi rūpādayo diṭṭhādisaddehi vuccanti. Teneva hi “daṭṭhabbatāyā” tiādīnā kālasāmaññena nesaṃ nibbanaṃ vuttaṃ. Diṭṭhaṃ ārammaṇaṃ yassa taṃ **diṭṭhārammaṇaṃ**. Evaṃ **sutārammaṇādīsu**.

Cakkhuto pavattanti cakkhudvāratova pavattaṃ sabbavākyānaṃ avadhāraṇaphalattā. Tena manodhātuādīnaṃ cakkhuvīññāṇabhāvo nivārito hoti tesam dvārantaratopi pavattisambhavato. Atha vā “**cakkhuto pavatta**” nti idaṃ sañjātipavattim sandhāya vuttaṃ, na sañcaraṇappavattim, tasmā yathā kuṇḍamukhato udakaṃ sañcaraṇavasena pavattati, na evaṃ pavattamidha gahitaṃ. Yathā pana candakantapāsāṇato udakaṃ sañjātivaseṇa pavattati, evaṃ pavattameva cakkhuto pavattanti gahitaṃ. Yathā ca kiṃ? Yathā kucchito samuṭṭhitaṃ pittasemharuhirādi mukhato sandantampi “mukhassavo” ti na vuccati, mukhatoyeva pana samuṭṭhahitvā tato savantaṃ khelaṃ “mukhassavo” ti vuccati, evaṃ hadayavatthusannissayato samuṭṭhahitvā cakkhuto pavattamānaṃ cakkhuvīññāṇaṃ nāma na hoti. Cakkhutoyeva pana samuṭṭhahitvā tato pavattamānaṃ cakkhuvīññāṇaṃ nāmāti. Yo pana imamatthaṃ asallakkhetvā byañjanamattasseva abhinivisitvā taṃdvārapavattānaṃ sesānampi cakkhuvīññāṇabhāvaṃ maññeyya, taṃ nivāretum pakārantarenapi viḅgahaṃ dassento āha “**cakkhumhi sannissita**” nti. Yathā cakkhuto pavattaṃ, cakkhusannissitaṃ vā viññāṇaṃ cakkhuvīññāṇaṃ, evaṃ sotaviññāṇādīsopi “sotato pavattaṃ, sotasmim sannissitaṃ vā viññāṇaṃ sotaviññāṇa” ntiādīnā yojanaṃ atidisanto āha “**tathā sotaviññāṇādīni**” ti.

Cakkhusannissitaṃ hutvā rūpassa vijānanalakkhaṇametassāti **cakkhusannissitarūpavijānanalakkhaṇaṃ**. Tattha cakkhusannissitavacanena dibbacakkhādikaṃ aññaṃ rūpārammaṇaṃ viññāṇaṃ nivatteti. Vijānana-ggahaṇena cakkhusannissite phassādiddhamme nivatteti. Cakkhurūpa-ggahaṇena nissayato, ārammaṇato ca cittaṃ vibhāveti ubhayādhīnavuttikattā. Yadi hi cakkhu nāma na siyā, andhāpi rūpaṃ passeyyum, na ca passantī. Yadi ca nīlādirūpaṃ nāma na siyā, desādīniyamena na bhavitabbaṃ, attheva ca niyamo. Ekantasārammaṇatā ca cittassa vuttāti ārammaṇena vinā nīlādiābhāsaṃ cittaṃ pavattatīti evaṃ pavatto vādo micchāvādoti gahetabbo. Tenāha bhagavā “cakkhuṇca paṭicca rūpe ca uppajjati cakkhuvīññāṇa” ntiādi (ma. ni. 1.204, 400; 3.421, 425; saṃ. ni. 4.60; kathā. 465). Ettha siyā – kiṃ panetaṃ cakkhu, rūpaṇca viññāṇassa paccayo hontaṃ ekameva paccayo hoti, udāhu anekanti? Cakkhu tāva ekampi, rūpaṃ pana anekameva saṅgataṃ. Kiṃ kāraṇaṃ? Paccayabhāvavisesato. Cakkhu hi cakkhuvīññāṇassa nissayapurejātaṇḍriyavippayuttapaccayehi paccayo hontaṃ atthibhāveneva hoti tasmim sati tassa bhāvato, asati abhāvato. Yato taṃ atthiavigatapaccayehissa paccayoti vuttaṃ, svāyaṃ paccayabhāvo na ekasmim na sambhavatīti ekampi cakkhuvīññāṇassa paccayo hoti. Rūpaṃ pana yadipi cakkhu viya purejātaatthiavigatapaccayehi paccayo hoti puretaraṃ uppannaṃ hutvā vijjāmānakkhaṇeyeva upakārakattā, tathāpi anekameva saṅgataṃ hutvā paccayo hoti ārammaṇabhāvato. Yañhi taṃ ārammaṇaṃ tassa yathā tathā upalabbhāṇiyavaseneva ārammaṇapaccayabhāvo, viññāṇassa ca indriyādhīnavuttikassa ārammaṇasabhāvūpaladdhi na ekadvikalāpagatavaṇṇavasena hoti, nāpi katipayakalāpagatavaṇṇavasena, atha kho ābhogānurūpaṃ āpāthagatavaṇṇavasenāti anekameva rūpaṃ saṃhaccakāritāya viññāṇassa paccayo hotīti. Amumeva hi visesaṃ vibhāvetum “cakkhuṇca paṭicca rūpe cā” ti (ma. ni. 1.204, 400; 3.421, 425; saṃ. ni. 4.60; kathā. 465) **pāliyaṃ** vacanabhedo katoti. Evaṃ sotaviññāṇepi yathārahaṃ vattabbaṃ. Ghānaviññāṇādīnaṃ pana sampattaggāhatāya attano nissayena saha allīnasseva gahaṇato ekakalāpagatampi gandhādikaṃ tesam uppattiyā paccayo hoti.

Rūpamattārammaṇarasanti rūpāyatanamattasseva ārammaṇakaraṇarasam. **Matta**-saddena yathā ārammaṇantaraṃ nivatteti, evaṃ rūpāyatanepi labbhamāne ekacce visese nivatteti. Na hi cakkhuvīññāṇaṃ vaṇṇamattato aññaṃ kiñci nīlādivisesaṃ tattha gahetum sakkoti. Tenāha bhagavā – “pañcahi viññāṇehi na kiñci dhammaṃ paṭivijānāti aññatra abhinipātamatā” ti. Cakkhuvīññāṇaṃ uppajjamānaṃ rūpārammaṇe eva uppajjanato tadabhimukhabhāvena gaṇhātīti vuttaṃ “**rūpābhimukhabhāvapaccupaṭṭhāna**” nti. Attano anantaraṃ

uppajjamānānaṃ arūpadhammānaṃ samanantaravigatā arūpadhammā pavattiokāsādānena anantarasamanantaratanthivigatapaccayehi upakārakā, nissayārammaṇā dhammā viya āsannakāraṇāti dassento āha “**rūpārammaṇāya kiriyāmanodhātuyā apagamapadaṭṭhāna**”nti. **Sotaviññāṇā**dīsūpi vuttanayeneva attho veditabbo. Kiriyāmanodhātuyā ārammaṇabhedato bhinnasabhāvattā āha “**kiriyāmanodhātūna**”nti. Cakkhuvīññāṇādīhi gahitaṃ rūpādīrammaṇaṃ tadanantameva aparipatantaṃ katvā sampañcchantaṃ gaṇhantaṃ viya hotīti vuttaṃ “**rūpādisampañcchana**rasa”nti. Tathābhāvena sampañcchanaabhāvena paccupaṭṭhātīti **tathābhāvapaccupaṭṭhānaṃ**.

Chasu ārammaṇesu kadāci pañcannaṃ jaccandhādivasena tatopi unānaṃ, brahmaloke ca dvinnameva vijānanaabhāvāpi **chaḷārammaṇavijānana**lakkaṇā vuttā taṃsabhāvānativattanato, chasveva vā itaresaṃ ārammaṇaṃ antogadhattā. **Santīraṇādīrasā**ti yathāsambhavaṃ santīraṇatadārammaṇādīkicca, santīraṇatadārammaṇapaṭisaṃdhibhavaṃgacutikiccāti adhippāyo. “**Hadayavatthupadaṭṭhāna**”ti idaṃ imāsaṃ dvinnāṃ manovīññāṇadhātūnaṃ nibbaddhaṭṭhānatāya nibbaddhakāraṇaṃ dassetuṃ vuttaṃ. Vuttanayena pana “taṃtaṃanantarātīvīññāṇāpagamapadaṭṭhāna”ntipi vattuṃ vaṭṭatiyeva. Ahetukacittānaṃ viṣuṃ viṣuṃ lakkaṇādīkassa dassittatā parisēsato sahetukacittānaṃ ekasadisameva lakkaṇādīkanti viññāyati. Taṃ pana heṭṭhā vibhāvitameva.

Idāni imāsaṃ ārammaṇādīto bhedaṃ dassetuṃ “**tattha paṭhamā**”tiādi vuttaṃ. **Ekantamiṭṭhārammaṇeti** ekanteneva iṭṭhārammaṇe, atīiṭṭhārammaṇeti attho. **Pañcasu ṭhānesū**ti sahetukavipākānaṃ vuttasu catūsū, sampañcchanaavoṭṭhabbanānaṃ antarājasaṅkhātasantīraṇaṭṭhāne cāti pañcasu ṭhānesu, pañcasu kiccesūti vā attho. Kiñcāpi somanassaapaṭisaṃdhiyassa domanassajavanāvasāne tadārammaṇasambhava asati yaṃ kiñci paricitapubbaṃ paritīrammaṇamārabha upekkhāsahagatasantīraṇamuppajjati icchitaṃ, tathā pana uppajjamānassa kadāciyeva sambhavato yebhuyyappavattiṃ gahetvā cha ṭhānāni avatvā pañceva vuttāni. Atha vā taṃ uppajjamānaṃ tadārammaṇaṭṭhāneyeva nibbattatīti taṃvaseneva tassāpi ṭhānaṃ gahitanti daṭṭhabbaṃ. Acakkhusaṃvattanikakammaṇibhattatāya jātiyā andho **jaccandho**. Kiñcāpi hi jātikkaṇe aṇḍajalābujānaṃ sabbesampi cakkhu natthi, yassa bhāvābhāvato andhānandhavicāraṇā bhavye, tathāpi cakkhussa uppajjamānārahakālepi cakkhuvipattivibandhakena kammunā paṭihatasāmatthiyena paṭisaṃdhiyāyakena itarenāpi vā kammaṇa tassa anupādiyamānattā satto “jaccandho”ti vuccatī. Atha vā **jaccandhoti** pasūtiyaṃyeva andho, mātukucchiyaṃyeva andho hutvā nikkhantoti attho. Tena duhetukatīhetukānaṃ mātukucchigatakālepi cakkhussa avipajjanaṃ siddhaṃ hoti, evaṃ **jātibadhirā**dīsūpi yathārahaṃ vattabbaṃ. **Jaccajaḷoti** jātiyā aññānako. Kiñcāpi duhetukapaṭisaṃdhiyāpi jātiyaṃ aññānako, tassa pana pavattiyāṃ paññā sambhavatīti vuttanayena yebhuyyato pavattiyampi paññāyāsambhavato jaccajaḷo veditabbo. **Jaccummattako** surāmerayapānādīummattakabhāvasaṃvattanikakammaṇiparibhāvitena kammaṇa gahitapaṭisaṃdhiyā. **Paṇḍakoti** paradāragamaṇādīkammaṇiparibhāvitena kammunā gahitapaṭisaṃdhiyā. So pañcavidho āsittapaṇḍako usūyapaṇḍako pakkhapaṇḍako opakkamikapaṇḍako napuṃsakapaṇḍakoti. Idha pana opakkamikapaṇḍakassa sahetukassāpi bhāvato, napuṃsakassa ca viṣuṃ gahaṇato tayo paṇḍakā adhippetā. **Ādi**-saddena jātimūgajātīpaṅgulamammaṇādīnaṃ saṅgaho. Keci pana “ekacce ahētukaṇapaṭisaṃdhiyā avikalindriyā hutvā thokaṃ vicāraṇapakatīkāpi honti, tasmā tādisānampi idha ādi-saddena saṅgaho”ti vadanti. Ettha ca jaccandhādīnameva ayaṃ paṭisaṃdhiyā na gahetabbā. Jaccandhādayo pana iminā paṭisaṃdhiyā gaṇhantīti gahetabbā.

43. Tīhetukapuññassāti tīhetukassāpi ukkaṭṭhapuññassa. Duhetukammaṇaṃ pana sabbathāpi soḷasannaṃ vipākānaṃ asambhavato tappaṭikkheparattā cetanāya “tīhetukapuññassā”ti avisesato vuttaṃ.

Kāmāvacaravipākavaṇṇanā niṭṭhitā.

Rūpāvacarārūpāvacaravipākavaṇṇanā

Mahaggatavipākānaṃ taṃtaṃkusalāgamaṇavaseneva jhānaṅgahāni, na pana bhāvanāvisēsāni tesāṃ pahānaṅgāni anuddhaṭṭhāni. **Upapattiyanti** upapattibhave.

Arūpāvacaravipākacittāni vuccantīti sambandho.

44. Kusalānugataṃ katvāti kusalānurūpaṃ kusalasadisāṃ katvā. Yathā kāmāvacaravipākāṃ kusalaṃ visadisampi katvā vibhattaṃ, evamakavā kusalasadisameva katvāti atthaṃ vadanti. Aṭṭhakathāyaṃ pana kusalānantaraṃ katvā mahaggatavipākānaṃ bhājītapāḷiṃ sandhāya “kusalānugataṃ katvā bhājīta”nti vuttaṃ. Pāḷiyaṃhi –

“Katame dhammā abyākātā? Yasmiṃ samaye kāmāvacarassa kusalassa kammaṇa katattā upacittatā

vipākaṃ cakkhuviññāṇaṃ uppannaṃ hotī’ tiādinā (dha. sa. 431) –

Kāmāvacaravipākaṃ vibhajitvā mahaggatavipākaṃ vibhajantena –

“Katame dhammā abyākatā? Yasmiṃ samaye rūpapattiyā maggaṃ bhāveti, vivicceva kāmehi...pe... paṭhamaṃ jhānaṃ upasampajja viharati pathavīkasiṇaṃ, tasmīṃ samaye phasso hoti...pe... avikkhepo hoti, ime dhammā kusalā, tasseva rūpāvacarassa kusalassa kammassa katattā upacittatā vipākaṃ vivicceva kāmehi...pe... paṭhamaṃ jhānaṃ upasampajja viharati pathavīkasiṇaṃ...pe... ime dhammā abyākatā” ti (dha. sa. 498).

Evaṃ kusalaṃ uddisītvā tadanantaraṃ katvā mahaggataṃ vipākaṃ vibhattaṃ, tasmā yathā kāmāvacaravipākaṃ, evaṃ avibhajitvā idaṃ kusalanantaraṃ katvā vibhattanti imamatthaṃ jotetuṃ aṭṭhakathāyaṃ “kusalanugataṃ katvā” ti vuttaṃ. Imināpi ca ācariyena parihāramukhena vakkhamānaatthavisesavacanicchāya tattha vuttanayeneva codanā katā. Evañhi satī kusalanantaraṃyeva phalaṃ uppajjati nāpanaṃ suṭṭhūpapannaṃ hotīti ayamettha amhākaṃ ācariyassa maggo.

Mahaggatanti mahaggatavipākaṃ. Tañhi idha adhigataṃ. **Kāmā...pe... yatoti** yasmā kāmāvacarakusalaṃ asamānaphalaṃ hoti tihetukassa duhetukāhetukavipākānaṃ, duhetukassa ca ahetikavipākānampi janānato, na evamidaṃ, idaṃ pana ekanteneva sadisavipākajananato samānaphalameva, tasmāti attho. Ettha ca “kusala” nti avuttepi kāmāvacarapuññaṃvāti upamittatā upameyyassapi kusalabhāvo viññāyati. Kasmā panetaṃ sadisavipākaṃ, na kāmāvacaraṃ viya visadisavipākampīti? Vuccate – kāmāvacarapuññañhi ācinanto rūpaṇhādīnānāvattukakāmataṇhūpanissayato ācinati, tasmā tadūpanissayakusalaṃ tadanurūpato nānāvattukamaṃ vipākaṃ janeti. Mahaggataṃ pana ācinanto ekavattukāyeva bhavataṇhāya vasena ācinatīti tadanurūpato taṃ nānāvattumaṃ ajanetvā ekavattumeva janetīti.

45-6. Sabbathāti dhammato ārammaṇato paṭipadādito ca. Tathā hi ye phassādayo kusale ca labbhanti, te vipākepi labbhanti, yasmiñca ārammaṇe kusalaṃ pavattati, tattheva idaṃ vipākampi. Yāva paṭipadādayo kusalassa labbhanti, tāva imassa vipākassapīti. Kāmaṃ yassa kassaci chāyā taṃtaṃvatthusadisāva, mahantassa pana kuslavipākassa mahantāhiyeva upamāhi bhavitabbanti “**gajādīna**” ntiādi vuttaṃ. Apare apare attabhāve bhavaṃ vedanamassāti **aparāpariyavedanaṃ**. Yadi aparāpariyavedanaṃ na hoti, kathañcarahi imassa phaluppattīti āha “**jhānā aparihīnassā**” tiādi.

47. Kusalanantaranti kusalabhavānantaraṃ. Yasmiñhi bhava taṃ kusalaṃ kataṃ, so idha kusala-saddena upacārato gahito kammānantaraṃyeva phalassa asambhavato. Na hi taṃ lokuttarakusalaṃ viya anantaraphalanipphādaṃ, atha kho ekaccakāmāvacarakusalaṃ viya aparāpariyavedanaṃ ahutvā satīpi anekeyeva kāmāvacarakamme mahogho viya parittaṃ udakaṃ tamajjhottharivā attanoyeva vipākādānena ekantena anantarabhavayeva phalaṃ nibbatteti. Nanu ca aparihīnājjhānasseva kassaci nikantivasena kāmabhava paṭisandhi hoti. Tathā hi tissamahābrahmā uparibrahmalokūpapattiyā bhāvitamaggo bhikkhūhi yācīto tato cavitvā moggalibrāhmaṇassa gehe paṭisandhiṃ aggahesīti vuttanti taṃ kathanti? Nikantibaleneva jhānaṃ parihāyatīti tato parihīnājjhāno nibbattatīti vadanti. Apare pana ācariyā “anīvaraṇāvattāyā nikantiyā jhānassa parihāni vīmaṃsītvā gahetabbā” ti vatvā “satīpi mahaggatakammuno vipākaṃ paṭibāhanasamatthasseva parittakammassa abhāve ‘ijjhati, bhikkhave, sīlavato cetopañidhi visuddhattā’ ti (a. ni. 8.35) vacanato kāmabhava cetopañidhi mahaggatakammassa vipākaṃ paṭibāhitvā parittakammuno vipākassa okāsaṃ karotī’ ti vadanti, taṃ yuttaṃ. **Etassāti** imassatthassa nāpanatthanti sambandho.

48-9. Evaṃ avisesena kusalasadisataṃ atidisitvā idāni visesaṃ dassetuṃ “**paṭipadākkamo cevā**” tiādi vuttaṃ. Yathā hi dukkhapaṭipadaṃ dandhābhiññaṃ jhānaṃ uppādetvā punappunaṃ samāpajjantassa taṃ jhānaṃ taṃpaṭipadameva hoti, evaṃ tasmīṃ tasmīṃ aparihīne tassa tassa vipāko nibbattamāno taṃtaṃpaṭipadova bhavitum arahati. Chandādhīpateyyādībhāvo pana tasmīṃ khaṇe vijjāmānānaṃ chandādīnaṃ adhipatipaccayabhāvena hoti, na āgamanavasena. Tathā hi ekameva jhānaṃ nānakkhaṇesu nānādhipateyyaṃ hoti, tasmā vipākassa āgamanavasena chandādhīpateyyādītā na gahitā. Tenāha “**abhāvodhipatīna**” nti. Tadabhāvatova sarasato tassa hīnādītā na sambhavatīti sāpi jhānāgamanatova vuttā.

Rūpāvacarārūpāvacaravipākavaṇṇanā niṭṭhitā.

Lokuttaravipākavaṇṇanā

Maggacittassa viya phalacittassa maggayogato bhedābhāvena “catumaggayogato” ti avatvā “**catumaggasampayuttacittaphalattā**” ti vuttaṃ, catūhi ariyamaggehi sampayuttakusalacittassa phalattā catubbidhasāmaññaphalasampayuttacittabhāvatoti attho. Sotāpattimaggassa phalaṃ cittaṃ

soṭāpattimaggaphalacittam. Evaṃ sesesu. Maggavīthiyaṃ dvikkhattuṃ, tikkhattuṃ vā phalasaṃpattiyā aparicchinnaparimāṇaṃ pavattamānampi dvīsveva ṭhānesu pavattiyā duvidhameva hotīti āha “**maggavīthiphalasaṃpattivasena pavattito duvidha**”nti.

50-1. Maggāsānantare phale labbhanti maggāgamanatoti adhippāyo. Maggo hi āgamanato “suññato”ti laddhanāmo sakuṇḍalambaṇavasena animittaappaṇihitanāmampi labhatīti phalassa nāṃattayampi deti, tathā āgamanato appaṇihito maggo sakuṇḍārammaṇavasena animittasuññataappaṇihitanāmakoti phalassa nāṃattayampi deti. Evañca katvā abhidhamme ekekassa phalassa tīṇi tīṇi nāmāni vuttāni. Nanu ca abhidhamme “sakuṇḍārammaṇato nāmaṃ anadhippeta”nti vuttaṃ? Saccam vuttaṃ, taṃ pana nāmalābham sandhāya, na nāmadānaṃ. Tattha hi vavattānākarattābhāvato tathā anadhippetam, na alabbhanato. Idha pana ekekassa phalaṃ nāṃattayampi labhatīti vavattānāppayojanābhāvato sakuṇḍārammaṇehi laddhanāmadānassa adhippetattā tividdhampi nāmaṃ deti. Ekantena cetam evaṃ sampaticchitabbaṃ, itarathā vipassanāpi vipassato laddhanāmaggassa taṃ na dadeyyāti. **Parabhāgasminti** aparabhāge. **Vaḷaṅjanaphalesūti** samāpajjanavasena anubhavittabbaphalesu. “Vaḷaṅjanaphalesu nā”ti maggāgamaṇaṃ sandhāya paṭikkhittanti āha “**vipassanāvasenevā**”tiādi. Vaḷaṅjanaphalañhi visuṃ vipassanāvaseneva nibbattatīti tassa taṃvasena nāmalābho. Yadi evaṃ maggassa viya animittanāmalābho na siyā? Taṃ na, yathā maggānantarassa phalassa viya vaḷaṅjanakaphalasaṃpattiyāpi maggāgamanato ca jhānapaṭipadābhedo hoti, evaṃ animittanāmampi labbhātīti.

52-3. Honti sādhipatīnevāti ettha kāraṇaṃ vuttameva. **Maggabhāvenāti** soḷasahi ākārehi catusaccapaṭivedhakamaggabhāvena, kilesamāraṇavasena gamanasāṅkhātena, nibbānatthikehi maggitabbabhāvasāṅkhātena vā maggabhāvena. **Phalaṃ...pe... vuccatīti** sayam phalabhāvampi maggassa phalattā, taṃsadisatāya vā tamupādāya maggoti vuccati “maggaṅgaṃ maggapariyāpanna”ntiādisūti adhippāyo.

Lokuttaravipākavaṇṇanā niṭṭhitā.

Akusalavipākavaṇṇanā

Yathā atītiṭṭhe iṭṭhamajjhatte ca ārammaṇe vedanābhedasambhavato kusalavipākamanoviññādhātu duvidhā hoti somanassahagatā, upekkhāsahagatā, evaṃ atianiṭṭhe aniṭṭhamajjhatte ca ārammaṇe vedanābhedo natthīti akusalavipākamanoviññādhātu ekavidhāvāti “**sattākusalavipākāni**”ti vuttaṃ. Sati hi tattha vedanābhede atianiṭṭhe domanassena bhavitabbaṃ, na ca paṭighena vinā domanassaṃ uppajjatīti. Kāyaviññāssa dukkhasahagatā kusalavipāke vuttavipariyāyena veditabbā. Ettha ca akusalavipākesu labbhamānadukkhāṃ viya nātikaṭukāpi upekkhā ekantanīhīnassa akusalassa vipākabhāvato dukkhasabhāvattā hīnā eva. Na hi akusalassa vipāko adukkho hoti, upekkhābhāvo panassa balavatā bādhiyamānassa paṭipaharituṃ asakkontassa dubbalapurisassa tena kariyamānabādhasa upekkhānā viyāti daṭṭhabbaṃ. **Imāni...pe... cittāni**ti imāni satta ekekassa akusalassa vipākacittāni, na pana kusalavipāke viya tihetukādipuññavisesena. Uddhaccasahagatassapi hi pavattiyam satteva vipākā labbhanti. Kasmā panettha yathā kusalavipākaṃ sahetukampi uddhaṭṭam, na evaṃ akusalavipākanti? Hetuṇaṃ asambhavato. Lobhādīnañhi ekantasāvajjatāya ayonisomanasikārahetukānaṃ natthi vipākabhāvo, alobhādīnaṃ ekantamanavajjasabhāvānaṃ vā kāraṇassa tabbidūrātāya nattheva akusalavipākabhāvo. Na hi alobhādīnaṃ paṭipakkhalobhādāyo te abhinipphādenti, tasmā idaṃ sabbathā sahetupparivattiyā asambhavato ahētukamevāti.

Kammakammanimittagatinimittesūti ettha atītabhave āyūhitam aparāpariyavedanīyam, upapajjavedanīyam vā kammaṃ **kammaṃ** nāma. Kammakaraṇakāle cetanāya gahitamārammaṇaṃ **kammanimittam** nāma. Upapajjitabbabhavapariyāpanno narakādīsu aggijālādivaṇṇo **gatinimittam** nāma.

54. Imeti akusalavipākā. Tesam aniṭṭhāniṭṭhamajjhattavisayesu pavattivacanena tabbipariyāyena kusalavipākānaṃ iṭṭhaiṭṭhamajjhattavisayesu pavatti atthato āpannāti sā visuṃ na vuttā. **Sukhādittayayuttāti** sukhasomanassupekkhāyuttā.

“Eva”ntiādi yathāvuttavipākānaṃ nigamaṇaṃ.

Akusalavipākavaṇṇanā niṭṭhitā.

Vipākacittavaṇṇanā

55. Pākassa asurakaññānaṃ gabbhāparipākassa sāsānato vināsanato, pākasaṅkhātassa vā asurassa vināsanato pākāsāno vuccati sakko devarājā, tena pūjito **pākāsānapūjito**. Pākam vā paripakkaṃ sāsānametesūti pākāsānā, khīṇāsavā, tehi pūjitoti **pākāsānapūjito**.

Vipākacittavaṇṇanā niṭṭhitā.

Dānādivasenāti pavattākāramattato dānādivasena, na pana puññakiriyavatthuvaseṇa khīṇāsavasantānagatassa puññakiriyabhāvābhavatoti vuttovāyamatto.

Āvajjatīti **āvajjanam**, ābhujjati oṇojeti pariṇāmeti vāretīti vā attho. Tañhi āpāthagataṃ ārammaṇaṃ paṭhamamābhujjati, cakkhuvīññānādīni vīthiccittāni āpāthagatārammaṇābhīmukhaṃ oṇojeti, cittasantānaṃ vā purimākārato aññāthā pariṇāmeti, anuppabandhato pavattanakam bhavaṅgacittasantānaṃ parato pavattitum adatvā āpāthagataṃ vā ārammaṇaṃ aññāthā gantuṃ adatvā vāreti. Hasitaṃ uppajjati, uppādīyati vā etenāti hasituppādaṃ, tadeva cittanti **hasituppādacittam**. Voṭṭhabetīti **voṭṭhabbanam**. Kasmā panettha āvajjanavoṭṭhabbanāni upekkhāsahagatāni, hasituppādañca somanassasahagatāni? Vuccate – āvajjanaṃ tāva apubbārammaṇe sakideva ca pavattamānasantatīvicchedavasena pavattanato, dubbalabhavaṅgappaccayaṃ vā sabbathā visayasamanubhavitum na sakkotiṭi iṭṭhādīsu sabbattha upekkhāyuttameva hoti. Voṭṭhabbanāñca vuttavipariyāyena vedanābhedārāhampi samānaṃ vipākappabandhaṃ vicchindivā visadisacittappabandhassa nibbattanato santatipariṇāmaneyeva kiccantare byāvaṭṭatā vipākam viya ārammaṇarasassāde asamatthamevāti sabbattha upekkhāsahagatameva. Hasituppādaṃ pana vuttaviparītato parihīnavipallāsānaṃ khīṇāsavānaṃ santāne iṭṭhārammaṇeyeva uppajjanato sabbathā somanassasahagatamevāti.

Lakkhānādīto panetāsu purimaṃ cakkhuvīññānādīnaṃ purecaram rūpādivijānanalakkhaṇaṃ, āvajjanarasam, tathābhāvapaccupaṭṭhānaṃ, bhavaṅgavicchedapadaṭṭhānaṃ. Dutiyam chaḷārammaṇavijānanalakkhaṇaṃ, arahataṃ anoḷārikesu vatthūsu hasituppādarasaṃ, tathābhāvapaccupaṭṭhānaṃ, ekantato hadayavatthupadaṭṭhānaṃ. Tatiyampi chaḷārammaṇavijānanalakkhaṇaṃ, pañcadvāraṇanodvāresu voṭṭhabbanāvajjanarasam, tathābhāvapaccupaṭṭhānaṃ, ahētukavipākamanovīññādhātubhavaṅgānaṃ aññatarāpagamaṇapadaṭṭhānanti.

Bhavaṅgam āvaṭṭayamānāti bhavaṅgasantānaṃ āvaṭṭayanti viya. **Sādhāraṇāti** sekkhāsekkhaputhujjanānaṃ sādhāraṇā. **Asādhāraṇāti** asekkhānaṃyeva āveṇikā. Tenāha **“khīṇāsavassā”**ti. **Chasu dvāresu...pe... ārammaṇesu**ti cakkhādīsu chasu dvāresu, padhānasaruppaṭṭhānādīgatesu chasu rūpādīrammaṇesu. Padhānasaruppaṇhi ṭhānaṃ disvā diṭṭhadhammasukhavihāratthāya “sārūppamidaṃ ṭhānaṃ mayā laddha”nti tusantassa cakkhūdvāre rūpārammaṇe, bhaṇḍabhājanatṭhāne mahāsaddaṃ sutvā “evarūpā lolupataṇhā me pahīnā”ti tusantassa sotadvāre saddārammaṇe, gandhehi vā pupphehi vā cetiyapūjanakāle “evarūpena vata sugandhena bhagavantaṃ pūjemi”ti tusantassa ghānavāre gandhārammaṇe, rasasampannaṃ piṇḍapātaṃ sabrahmacārīhi saha bhājetvā paribhuṅganakāle “sāraṇīyadhammo vata me pūrito”ti tusantassa jivhādvāre rasārammaṇe, ābhisamācārikavattapūraṇakāle “kāyena vattapaṭivattaṃ pūremi”ti tusantassa kāyadvāre phoṭṭhabbārammaṇeti evaṃ pañcadvāresu pañcārammaṇesu pavattati.

Manodvāre pana yathāvuttessveva pañcasu paccuppannārammaṇesu **ghaṭikārasuttā**dīsu (ma. ni. 2.282 ādayo) viya bhagavato pubbenivāsaññānaṃ pariññāte atītārammaṇe, “atṭhissaro nāma paccekabuddho bhavissati”ti (dha. pa. atṭha. 1.16 devadattavatthu) āgataṭṭhānādīsu viya anāgataṃsaññānaṃ paricchinne anāgataṃsaññānaṃ cāti evaṃ chasvārammaṇesu hasitaṃ uppādetīti veditabbaṃ. Nanu ca atītaṃsādīsu appaṭihataṭṭhānādīsu appaṭihataññānaṃ vatvā “imehi tīhi dhammehi samannāgatassa buddhassa bhagavato sabbam kāyakammaṃ ṇānapubbaṅgamaṃ ṇāṇānuparivatta”nti vacanato vicāraṇapaññārahitāya etāya kathaṃ bhagavato uppatti yujjeyyāti? Hasituppādacittena pavattiyamānampi bhagavato sitakaraṇaṃ pubbenivāsaṇāgataṃsasabbaññūtaññānaṃ anuvattakattā ṇāṇānuparivattiyeva, evaṃ pana ṇāṇānuparivattibhāve sati na koci pālīvirodho. Evañca katvā **atṭhakathāyam** “tesam ṇāṇānaṃ ciṇṇapariyante idaṃ cittaṃ uppajjati”ti vuttaṃ. Avassañcetaṃ evaṃ icchitabbaṃ, itarathā aññassāpi viññattisamuṭṭhāpakassa ahētukacittassa bhagavato uppatti na yujjeyya. Na hi viññattisamuṭṭhāpakassa taṃsamuṭṭhitāya viññattiyā kāyakammādibhāvaṃ āpajjanabhāvo vibandhatīti. Evañca katvā pañcadvāre iminā cittena somanassuppādanamattaṃ daṭṭhabbaṃ, na hāsūppādanaṃ pañcadvārikacittānaṃ aviññattijanakattā. Manodvāre pana hāsūppādanaṃ. Teneva hi **atṭhakathāyam** pañcadvāre “somanassito hoti”ti (dha. sa. atṭha. 568) ettakameva vuttaṃ, manodvāre ca “hāsāyamaṇā”nti. Idha pana “hasituppādakiccā”ti avisesavacanaṃ pañcadvāre somanassakaraṇavasena pavattassāpi manodvāre hāsajananaṃ paccayabhāvaṃ sandhāya vuttanti veditabbaṃ. **Hasituppādakiccā**ti hasitasseva uppādanakiccā. Teneva hi taṃ “hasituppāda”nti vuccati, na pana aññesaṃ hasituppādacittānaṃ abhāvato. Tathā hi vakkhati “kusalato catūhi”tiādi.

Cha asādhāraṇāññānāti āsayānusayaññānaṃ, indriyaparopariyaññānaṃ, yamakapāṭihāriyaññānaṃ, mahākaruṇāsamāpattiññānaṃ, sabbaññūtaññānaṃ, anāvāraṇāññānanti imāni cha paccekabuddhādīhi asādhāraṇāni ṇāṇāni. Nanu ca sabbaññūtaññānameva anāvāraṇāññānaṃ, itarathā sabbaññūtanāvāraṇāññānaṃ asabbaññūtasāvāraṇāññānatā ca āpajjeyya, tathā hi yadi sabbaññūtaññānato aññāmanāvāraṇāññānaṃ siyā, tassa sāvaraṇatā sāvaraṇe ca visaye sabhāvapaṭivedhābhāvato sabbaññūbhāvaṃ na sījheyya, anāvāraṇāññānaṃ ca

asabbadhammārammaṇabhāvena yattha taṃ na pavattati, tatthāvaraṇasambhavato anāvaraṇabhāvopi na siyāti? Saccametaṃ, ekameva taṃ ñāṇaṃ anavasesasaṅkhatāsaṅkhatasammuditthammavisayattā sabbaññūtaññāṇaṃ, tattha ca āvaraṇabhāvato nissaṅgavāramupādāya anāvaraṇaññānti evaṃ visayapavattibhedena aññehi asādhāraṇabhāvadassanattaṃ dvedhā vuttanti. Yathāha –

“Sabbam saṅkhatamasāṅkhatam anavasesam jānātīti sabbaññūtaññāṇaṃ, tattha āvaraṇam natthīti anāvaraṇañña”ntiādi (paṭi. ma. 1.119).

Idha ṭhatvāti hasitassa uppādanato hasitassa uppādananti vuttacittassa āgataṭṭhāne ṭhatvā. **Pariggaṇhitabbānti** paricchinditvā gaṇhitabbāni. Kiñcāpi rūpāvacarakiriyānaṃ jhānaṅgappahānaṃ vipāke viya āgamanato ahutvā kusale viya bhāvanāvīsesena pavattākāramattaṃva hoti, paṭhamajjhānassa pana pahānaṅgasambhavābhāvato ekassa vaseneva niddisituṃ sesānampi pahānaṅgaṃ avatvā sampayoṅgameva tesu dassitanti.

57. Yasmā pana bhāvanāvasena pavattākāramattaṃ vinā bhāvanāya kātabbassa nīvaraṇappahānādikkicassa abhāvato ujukaṃ bhāvanā nāma na hoti, tasmā “**bhāvanākāravasappavattānī**”ti ākāra-ggahaṇaṃ katanti.

58-9. Nanti taṃ yathāvuttarūpārūpasamāpattiṃ. **Samāpannā sace kriyāti** ettha kiñcāpi sā eva samāpatti samāpajjitum na sakkā, niruddhānaṃ anuppannato, paṭiladdhasamāpattikasveva samāpajjitukāmatāya saddhimyeva samāpajjanato, paṭhamajjhānādikameva paṭilabhitvā dutiyajjhānādikaṃ samāpajjitum asakkuṇeyyabhāvato ca, pubbe paṭiladdhasamāpattisadisam puna samāpajjanato puthujjanakālasmiṃ abhinibbattitasamāpattisadisā ettha sā eva tathā vuttā.

61. **Ekacittakkhaṇattāti** ekacittakkhaṇeyeva pavattanato. Yadi hi so punappunaṃ uppajjeyya, tadāssa arahato uppattiyā kiriyabhāvo icchitabbo siyā. Sakimyeva pana pavattati catusaccapaṭivedhakicassa ekavārenea pariniṭṭhānato, takkiccena ca vinā tassa anupalabbhānīyattā. Tenāha – “na pāraṃ diguṇaṃ yanti”ti (su. ni. 719), tasmā natthi lokuttaraṃ kiriyacittanti ayamettha adhippāyo.

62. **Kriyā...pe... desakoti** yā āpattiyo kāyavācāhi akātabbaṃ katvā āpajjati, tā kiriyā, yā pana āpattiyo kāyavācāhi kātabbaṃ akaronto āpajjati, tā akiriyā, kiriyā ca akiriyā cāti kiriyākiriyā, kiriyākiriyā ca tā āpajjitabbato āpattiyo cāti kiriyākiriyāpattiyo, tāsam vibhāgaṃ desetīti kiriyā...pe... desako. Atha vā kiriyājhānabhūtā samāpattiyo kiriyāpattiyo, kusalabhūtā pana samāpattiyo akiriyāpattiyo, tāsam vibhāgaṃ desetīti **kriyā...pe... desako**. Yaṃ kiriyākiriyaṃ cittanti sambandho. Pañcannaṃ mārānaṃ jītattā **jino**. **Hitāhitānanti** atthānathānaṃ. **Sāti** so jino. **Kriyākriyāratoti** sabbasattānaṃ hitassa karaṇe, ahitassa ca akaraṇe nirato. Atha vā ekantamiṭṭhaviṭṭhāpākattā **hitāti** kusalānametaṃ adhivacanaṃ. Tappaṭipakkhattā **ahitāti** akusalānametaṃ adhivacanaṃ. Yathākkamaṃ tesam kiriyāyaṃ, akiriyāyaṃca ratoti **hitāhitānaṃ...pe... rato**. Atha vā **hitāhitāti** kusalākusalā eva, tesam kiriyākiriyaṃmattamavipākabhāvaṃ kātuṃ icchātīti **hitāhitānaṃ...pe... rato**. Atha vā hitāhitānaṃ puggalānaṃ sakiriyākiriyaṃ attano attano kiccassa idhalokaparalokanipphādanassa karaṇe rato abhiratoti **hitāhitānaṃ...pe... rato**.

64-6. Sabbe lokuttare aṭṭha katvā ye ekūnanavuti cittuppādā vuttā, tāni cittāni mayā niddiṭṭhānti sambandho. Pāṭavaṃ atthenti patthenti, pāṭavasāṅkhāto vā attho etesanti **pāṭavatthino**. **Uggahetabboti** savanaṭṭipucchāvasena uggahitabbo, uggaṇhitvā pana na kevalaṃ uggaṇaṇamatteyeva ṭhātābanti dassento āha “**cintetabbo punappuna**”nti, na hi sakkā uggaṇaṇamattenevettha sabbathā sannīṭṭhānaṃ gantunti adhippāyo. **Abhidhammahodadhinti** dhammasaṅgaṇīdisattappakaraṇavasena ṭhitamābhidhammapīṭakamaṇṇavaṃ, khandhāyatanaṇīdivasena ṭhitam paramatthamaṇṇavaṃ vā. **Tarantīti** atthaggaṇaṇavasena uttaranti, sutamayaññamūlakena vā bhāvanāññāna otarantīti attho. **Imaṃ lokanti** paccuppannabhavaṃ. **Paraṃ lokanti** anāgatabhavaṃ. **Tarantīti** atikkamanti. Idha lokasmiñhi chandarāgappahānavasena imaṃ lokaṃ taranti, āyatim bhavūpapādakassa kammassa kammakkhaya karaññāna vināsanato paralokaṃ taranti, anupādāparinibbānavasena parinibbāyantīti attho.

Iti abhidhammatthavikāsinīyā nāma

Abhidhammāvatārasaṃvaṇṇanāya

Cittaniddesavaṇṇanā niṭṭhitā.

2. Dutīyo paricchedo

Cetasikaniddesavaṇṇanā

67. Ettāvata ca cittaṃ cetasikaṃ rūpaṃ nibbānanti evaṃ uddiṭṭhesu catūsu dhammesu cittaṃ tāva jātibhūmisampayogappavattākārādivasena vibhāgena niddisitvā idāni tadanantaraṃ uddiṭṭhe cetasikadhamme niddisituṃ “**cittānantaramuddiṭṭhā**”tiādi āradhamaṃ. **Vibhājananti** jātibhūmiādivasena vibhāgaṃ, tesu tesu cittesu yathārahaṃ sampayogavasena visuṃ visuṃ bhājanaṃca.

Katame pana cetasikā, yesaṃ vibhājanaṃ vuccatīti te saha nibbacanena sarūpato dassetuṃ “**tattha cittasampayuttā**”tiādi vuttaṃ. Tattha “**cittasampayuttā**”ti idam cetasikalakkhaṇadassanaṃ. Tena ye cittaena saha sampayogalakkhaṇena yuttā, teyeva cetasikāti dasseti. Kiṃ pana taṃ sampayogalakkhaṇanti? Ekuppādaekanirodhaekavattukaekārammaṇasaṅkhātā pakāra. Samaṃ pakārehi yuttāti hi sampayuttā. Tattha yadi ekuppādatāmatteneva ca sampayuttatā adhippetā, sahuppattikānaṃ rūpārūpadhammānaṃ aññamaññasampayuttatā āpajjeyyāti **ekanirodha**-ggahaṇaṃ. Evampi avinibbhogarūpānaṃ aññamaññasampayuttatā āpajjeyyāti **ekavattuka**-ggahaṇaṃ. Evampi “avinibbhogarūpesu ekaṃ mahābhūtaṃ sesamahābhūtopādārūpānaṃ nissayapaccayo hotīti tasmā tāni ekavattukāntī, cakkhādīnaṃ nissayabhūtāni vā bhūtāni ekaṃ vatthu etesu nissitanti ekavattukāntī”ti kappentassa tesam sampayuttatāpatti siyāti tannivāraṇatthaṃ **ekārammaṇa**-ggahaṇaṃ.

Paṭilomato vā “ekārammaṇā”ti vutte ekavīthiyaṃ pañcaviññānasampaṭicchanaḍīnaṃ, nānāvīthiyaṃ parasantāne ca ekasmiṃ ārammaṇe uppajjamānānaṃ bhinnavattukānaṃ sampayuttatā āpajjeyyāti **ekavattuka**-ggahaṇaṃ. Evampi maraṇāsannavīthiyaṃ sampaṭicchanasantīraṇādīnaṃ sampayuttatā āpajjeyyāti **ekanirodha**-ggahaṇaṃ. Kiṃ pana nānuppādāpi evaṃ tividhalakkhaṇā honti, atha ekuppādā evāti vicāraṇāya ekuppādā eva evaṃ tividhalakkhaṇā hontīti dassanatthaṃ “**ekuppādā**”ti vuttaṃ. Iti imehi catūhi sampayogalakkhaṇehi ye cittasampayuttā, te cetasikā nāmāti evaṃ cetasikalakkhaṇaṃ ṭhapitaṃ hoti. Kathaṃ panete cetasikā nāmāti āha “**citte bhavā**”ti. “Cetasi bhavā cetasikā”ti vattabbe citta-saddassapi ceto-saddena saha samānatthatāya atthamattaṃ dassetuṃ “**citte bhavā cetasikā**”ti vuttaṃ.

Niyatāti niyattuppattikā, karuṇāmoditādayo viya kadāci anuppajjitvā yadā yadā taṃ cittaṃ uppajjati, tadā tadāva tena avinibhuttā hutvā jāyamānāti attho. **Sarūpena āgatāti** chandādayo viya “ye vā pana tasmim samaye aññepi atthi paṭiccasamuppannā arūpino dhammā”ti evaṃ yevāpanakavasena anāgantvā “phasso hoti, vedanā hoti”tiādinā (dha. sa. 1) sarūpeneva **pāliyaṃ** āgatā. Yevāpanāti evaṃ desanā etesanti **yevāpanakā**. **Ekūnatimśa dhammāti** kiccabhedam anāmasitvā kevalam asambhinnadhammavaseneva ekenūnā tiṃsa dhammā. Pāliyaṃ pana cittaena saha tiṃsa dhamme gahetvā tesam kiccabhedato gahaṇena chappaññāsa dhammā vuttā. **Seyyathidanti** sarūpapucchā. **Phasso...pe... cittujukatāti** yathāpucchitānaṃ sarūpadassanaṃ. **Iti**-saddo parisamāpane, nidassane vā. Puna tettiṃsa hontīti sambandho. **Tettiṃsa hontīti** teyeva ekūnatimśa dhammāti adhippāyo.

“Kadāci uppajjantī”ti vuttaṃ, taṃ kathaṃ daṭṭhabbanti āha “**imesū**”tiādi. **Karuṇāmoditāvaseṇāti** paṭhamasamannāhārato paṭṭhāya gotrabhupariyosānappavattitaruṇāmoditāparikammavasena. **Karuṇāpubbabhāgoti** karuṇāya pubbabhāgo, parikammappanāvasena pavattakarūṇābhāvanāya appanākoṭṭhāsato purimakotṭhāso, paṭhamasamannāhārato paṭṭhāya gotrabhupariyosānappavattaparikammakotṭhāso hutvāti attho. Evam “**muditāpubbabhāgo**”ti etthāpi. Bhāga-saddassa drabyavuttitāya tappurisassa ca uttarapadattappadhānatāya “karuṇāpubbabhāgo”tiādinā pullīgena vuttaṃ. Eta-saddassa pana guṇavuttitāya guṇavisesavati vattamāno tassa liṅgavasena pariṇamatīti karuṇāmoditāpekkhāya “**etā**”ti itthiliṅgavasena vuttanti. **Na panekato uppajjanti**, kiñcarahi visuṃ visuṃyevāti attho. Teneva hi “karuṇāpubbabhāgo vā muditāpubbabhāgo vā”ti vikappo vuttoti. Kasmā panetā dve ekato nuppajjantīti? Bhinnārammaṇattā. Karuṇā hi dukkhitasatte ārabha tesam dukkhāpanayanakāmatāvaseṇa pavattati, muditā sukhitasatte ārabha tesam sukhānumodanavasena, tasmā ubhinnaṃpi bhinnavisayattā na ekasmiṃ citta uppatti sambhavatīti. **Micchākammantādīhīti ādi**-saddena micchāvācāmicchājīvanam gahaṇaṃ. **Sammākammantādīni paripūrentīti** sammākammantasammāvācāsamāājīvanī paripūrentī. **Ko viratīti** tīsu ekā viratī uppajjati, sammākammantaṃ pūrentī paṭhamā, sammāvācaṃ pūrentī dutiyā, sammāājīvaṃ pūrentī tatiyā viratī uppajjati attho. **Karuṇāmoditāhi saha na uppajjanti** tāsam paññattārammaṇattā, viratiyā ca ekantaparitārammaṇattā. **Aññamaññena ca na uppajjanti** aññamaññassapi bhinnavisayattā. **Micchākammantādīnaḥi** ārammaṇāneva yathākkamaṃ sammākammantādīnaṃ ārammaṇāni tato viratibhāvato. **Etesūti** imesu pañcasu.

68. Viratīnaṃpi saṅgahaṇatthaṃ “karuṇāmoditādisū”ti vattabbe gāthābandhasukhatthaṃ ādi-saddalopavasena “**karuṇāmoditāsū**”ti vuttaṃ. Evañca katvā vuttaṃ “**ekenā**”ti, itarathā “ekāyā”ti vattabbanti.

69-71. Kiṃ panettha kāraṇaṃ, catūsu brahmavihāresu dve idha niddiṭṭhā, na itarāti codento āha “**kasmā panā**”tiādi. Upekkhā ca na uddhaṭṭati sambandho. Navahi lokuttaradhammehi janaṃ rañjetīti **dhammarājā**.

Diṭṭhadhammikasamparāyikatthehi sadevakaṃ lokaṃ anusāsati **satthā. Abyāpādena mettā gahitā** tasseva hitākārapavattikāle mettābhāvūpagamanato. Teneva hesa “mettā mettāyanā” tiadinā niddiṭṭho. **Tatramajjhataṭṭāya upekkhā gahitā** tāveva sattesu majjhataṭṭākārapavattāya upekkhābrahmavihārabhāvato. Ādiccena saha samānagottatāya, ariyasāvaka bhāvena vā tassa bhagavato puttatāya ādicco bandhu imassa, ādiccassa vā bandhūti **ādiccabandhu.**

72. Rāsinti phassapañcakādīsattarasarāsīm. Paṭhamamahācittuppādavasena hi –

“Phasso hoti, vedanā hoti, saññā hoti, cetanā hoti, cittaṃ hoti, vitakko hoti, vicāro hoti, pīti hoti, sukhaṃ hoti, cittassekaggatā hoti, saddhindriyaṃ hoti, vīriyindriyaṃ hoti, satindriyaṃ hoti, samādhindriyaṃ hoti, paññindriyaṃ hoti, manindriyaṃ hoti, somanassindriyaṃ hoti, jīvitindriyaṃ hoti, sammādiṭṭhi hoti, sammāsaṅkappo hoti, sammāvāyāmo hoti, sammāsati hoti, sammāsamādhī hoti, saddhābalaṃ hoti, vīriyabalaṃ hoti, satibalaṃ hoti, samādhībalaṃ hoti, paññābalaṃ hoti, hiribalaṃ hoti, ottappabalaṃ hoti, alobo hoti, adoso hoti, amoho hoti, anabhijjhā hoti, abyāpādo hoti, sammādiṭṭhi hoti, hirī hoti, ottappaṃ hoti, kāyapassaddhi hoti, cittapassaddhi hoti, kāyalahutā hoti, cittalahutā hoti, kāyamudutā hoti, cittamudutā hoti, kāyakammaññatā hoti, cittakammaññatā hoti, kāyapāguññatā hoti, cittapāguññatā hoti, kāyujukatā hoti, cittujukatā hoti, sati hoti, sampajaññaṃ hoti, samatho hoti, vipassanā hoti, paggāho hoti, avikkhepo hoti” ti (dha. sa. 1) –

Evam dhammuddhāraṃ karontena bhagavatā phassādayo tiṃsa dhamme chappaññāsa katvā phassapañcakarāsi jhānapañcakarāsi indriyaṭṭhakarāsi maggapañcakarāsi balasattakarāsi hetuttakarāsi kamma pathatīkarāsi lokapālādukarāsi chayugaḷadukarāsi upakāradukarāsi yuganandhadukarāsi vīriyasamathadukarāsīti sattarasannaṃ rāsīnaṃ vasena vibhāgo kato.

Kathaṃ? Etesupi cittaṃ tāva phassapañcakaṃ patvā “cittaṃ hoti” ti vuttaṃ, indriyāni patvā “manindriya” nti. Vitakko jhānaṅgāni patvā “vitakko hoti” ti vutto, maggaṅgāni patvā “sammāsaṅkappo” ti. Saddhā indriyāni patvā “saddhindriyaṃ hoti” ti vuttā, balāni patvā “saddhābala” nti. Hirī balāni patvā “hiribalaṃ hoti” ti vuttā, lokapālādukaṃ patvā “hirī” ti. Ottappepi ese va nayo. Alobo mūlaṃ patvā “alobho hoti” ti vutto, kamma pathaṃ patvā “anabhijjhā” ti. Adoso mūlaṃ patvā “adoso hoti” ti vutto, kamma pathaṃ patvā “abyāpādo” ti. Ime satta dvīsu ṭhānesu vibhattā. Vedanā pana phassapañcakaṃ patvā “vedanā hoti” ti vuttā, jhānaṅgāni patvā “sukha” nti, indriyāni patvā “somanassindriya” nti. Evamayaṃ eko dhammo tīsu ṭhānesu vibhatto. Vīriyaṃ pana indriyāni patvā “vīriyindriyaṃ hoti” ti vuttaṃ, maggaṅgāni patvā “sammāvāyāmo” ti, balāni patvā “vīriyabala” nti, vīriyasamathaṃ patvā “paggāho” ti. Satipi indriyāni patvā “satindriyaṃ hoti” ti vuttā, maggaṅgāni patvā “sammāsati” ti, balāni patvā “satibala” nti, upakāradukaṃ patvā “sati hoti” ti. Evam ime dve dhammā catīsu ṭhānesu vibhattā. Samādhī pana jhānaṅgāni patvā “cittassekaggatā hoti” ti vutto, indriyāni patvā “samādhindriya” nti, maggaṅgāni patvā “sammāsamādhī” ti, balāni patvā “samādhībala” nti, yuganandhadukaṃ patvā “samatho” ti, vīriyasamathaṃ patvā “avikkhepo hoti” ti. Evamayaṃ eko dhammo chasu ṭhānesu vibhatto. Paññā pana indriyāni patvā “paññindriyaṃ hoti” ti vuttā, maggaṅgāni patvā “sammādiṭṭhi” ti, balāni patvā “paññābala” nti, mūlāni patvā “amoho” ti, kamma pathaṃ patvā “sammādiṭṭhi” ti, upakāradukaṃ patvā “sampajañña” nti, yuganandhadukaṃ patvā “vipassanā” ti. Evamayaṃ eko dhammo sattasu ṭhānesu vibhattoti evamete dvādasa dhammā indriyāditaṃṭaṃkiccavantaṭṭāya dviṭṭhānikādhedena sattarasasu rāsīsu vibhattā. Itare aṭṭhārasa kiccavasena bhedābhāvato ekaṭṭhānikāyevāti imesu sattarasasu rāsīsu yevāpanakadhammā ekarāsīpi na bhajanti taṃṭaṃkiccabhāvatoṭi katvā vuttaṃ “**rāsīm bhajanti nā**” ti.

Nanu cete kiñcāpi sesarāsayo na bhajanti tesam sadisakiccasaṅgahavasena ṭhitattā. Phassapañcakarāsi pana khandhasaṅgahavasena ṭhapitoti cetanāya viya nesaṃ saṅkhārakkhandhasaṅgahato tattha samavarodho yuttoti? Taṃ na, khandhasaṅgahavasena ṭhapitopi hi phassapañcakarāsi sabbacittasādhāraṇadhamme saṅgahetvā ṭhapitoti chandādīnaṃ tiṇṇaṃ pakiṇṇakavasena uppajjamānānaṃ sabbacittasādhāraṇatāya abhāvato, manasikārassa ca satipi sabbacittasādhāraṇatte nipariyāyato saṅkhārakkhandhasaṅgahābhāvato na etesaṃ phassapañcakarāsibhajanampi yuttanti. Kasmā pana manasikārassa nipariyāyato saṅkhārakkhandhasaṅgahābhāvoti? Vuccate – ṭhapetvā cetanaṃ sesadhammānaṃ sakasakakicesupi parādhīnabhāvena pavattanato abhisāṅkharaṇalakkhaṇaṃ nipariyāyato na labbhati. Yadi labheyya, cittekaggatājīvitindriyaṇaṃ sabbacittasādhāraṇatā vedanāvīññānāni viya tāni phassapañcaka vattabbāni siyuṃ, na panevaṃ vuttā, tasmā ṭhapetvā cetanaṃ sesadhammānaṃ abhisāṅkharaṇalakkhaṇaṃ nipariyāyato na labbhatīti na tesam nipariyāyato khandhasaṅgaho labbhati. Cetanāyaveva pana sakiccaparakiccāsādhavasena pavattanato nipariyāyato abhisāṅkharaṇalakkhaṇassa atthitāya khandhasaṅgaho labbhatīti. Yadi evaṃ kathaṃ phasso phassapañcaka vuttoti? “Phassapaccayā vedanā (vibha. 225), phuṭṭho vedeti, phuṭṭho sañjānātī” tiādivacanato (saṃ. ni. 4.93) vedanā saññā cetanā viññānanti imesaṃ arūpakkhandhānaṃ uddesaṭṭhāne ṭhatvā tesam paccayassapi uddisitukāmatāya phasso tattha vutto. **Dubbalāti** sakavisayepi parāyattabhāveneva pavattanato dubbalā. Adhimokkho hi samādhissa pariyaṭṭabhāve pariyaṭṭabhāvato

samādhāyattavuttī, manasikāropi cetanāya paribyattabhāvato cetanāyattavuttīti parāyattāva te honti.

73. Manasī ca kāroti manasikāro ca. Manasikārasaddassa hi atthamattasandassanavasena gāthābandhasukhatthaṃ asamāsaniddeso, dīghakāraṇaṃ, majjhe ca ca-saddavacananti. Tena munivarenāti sambandho.

74-80. Paṭhamābhiniṭattāti ārammaṇe phusanavasena paṭhamameva abhinipatanato. Sabbepi cetasikā cittāyattā cittakiriyabhāvena vuccantīti “**cittassā**”ti vuttaṃ. **Kirāti** arucisūcanaṃ. Evaṃ mahāsaṃghikamataṃ dassetvā idāni tameva vitthāretuṃ “**phusitvā panā**”tiādi vuttaṃ. Mahāsaṃghikā hi “paṭhamaṃ phasso ārammaṇaṃ phusati, atha tena phuṭṭhaṃ dutiyaṃ vedanā vediyati, evaṃ etehi phuṭṭhaveditaṃ tatiyaṃ saññā saññānāti, tehi pana phuṭṭhaveditasaññāte catutthaṃ cetanāya sampayuttadhamme abhisandahatī”tiādinā vadanti. **Balavapaccayattāti** yathā pāsādaṃ patvā thambhā sesadabbasambhāraṇaṃ balavapaccayā, evamesa yasmā sesasampayuttānaṃ balavapaccayo, tasmāti attho. **Tasmāti** hetunigamaṇaṃ.

Saheva cāti ca-saddo aṭṭhānappayutto, so “cittajāna”nti imassa anantaraṃ daṭṭhabbo. Kasmā? Cittānaṃ, cittajānaṃ ekuppādābhāvena saheva pavattitoti evamettha padasambandho veditabbo. **Idanti** idaṃ yathāvuttavidhānaṃ, evaṃ “paṭhamābhiniṭattā”ti kāraṇaṃ pariharitvā idāni “balavapaccayattā”ti idaṃ pariharanto āha “**balava...pe... dissati**”ti. **Ca-saddo** avadhāraṇe, neva dissatīti attho. Sesadhammānampi hi saḥajātapaccayabhāvassa sādharmaṇatā tasseva balavapaccayabhāve na kiñci kāraṇaṃ dissatīti. Yadi sabbamidamakāraṇaṃ, kathaṅcarahi phasso paṭhamaṃ vuttoti āha “**desanākkamato**”tiādi. “Vedanā hoti, phasso hoti, saññā hoti, phasso hoti, cetanā hoti, phasso hoti, cittaṃ hoti, phasso hoti, vedanā hoti, saññā hoti, cetanā hoti, vitakko hoti”tiādihi āharitumpi vaṭṭeyya, desanāvārena pana phasso paṭhamaṃ vuttoti veditabbo. Yathā cettha, evaṃ sesadhammesupi pubbāparakkamo nāma na pariyesitabbo. **Vacanatthalakkhaṇādīhi** vacanatthato ca lakkhaṇādito ca.

Phusatīti kattuniddeso. Tattha kāraṇaṃ heṭṭhā vuttameva, phusanti etena vāti phasso. Sampayuttadhammā hi ārammaṇe pavattamānā taṃ phusanalakkhaṇena phassena phusantā viya honti, ārammaṇaphusanamattaṃ vā phassotipi sādhanattayampi yujjateva. Phusanaṃ lakkhaṇametassāti **phusanalakkhaṇo**, vedanāya paccayabhāvavattena ārammaṇaphusanalakkhaṇoti attho. **Samghaṭṭanarasoti** manodvāre cittārammaṇaṇaṃ samghaṭṭanato samghaṭṭanakicco. Ayañhi ārammaṇe anallīyamānopi rūpaṃ viya cakkhuṃ, saddo viya ca sotaṃ cittamārammaṇaṇaṃ ghaṭṭeti. Pañcadvāresu vā vatthārammaṇasaṃghaṭṭanena sampajjatīti samghaṭṭanasampattiko phasso “**samghaṭṭanaraso**”ti vutto. Yathā “dve paṇī vajjeyyu”ntiādisu paṇimhi ghaṭṭanaṃ tabbisesabhūtā rūpadhammā, evaṃ cittassa ārammaṇe samghaṭṭanaṃ tabbisesabhūto eko cetasikadhammo daṭṭhabbo. Tiṇṇaṃ sannipātasāṅkhātassa attano kāraṇassa vasena paveditattā **sannipātapaccupaṭṭhāno**. “Cakkhuṇca paṭicca rūpe ca uppajjati cakkhuvīññānaṃ, tiṇṇaṃ saṅgati phasso”ti (ma. ni. 1.204, 400; 3.421, 425; sam. ni 2.4.60; kathā. 465) hi vacanato cakkhurūpaviññānādīnaṃ tiṇṇaṃ sannipātavasena gahetabbatāya upaṭṭhānato sannipātasāṅkhātassa kāraṇassa vasena upaṭṭhānamassāti upaṭṭhānavattena paccupaṭṭhānena sannipātapaccupaṭṭhānatā vuttā. “Phassapaccayā vedanā”ti (vibha. 225) vacanato vedanā phalamassāti **vedanāpaccupaṭṭhāno**. Tajjasamannāhārena ceva indriyena ca parikkhate visaye anantarāyeneva uppajjanato **āpāthagatavisayapadaṭṭhāno**. Ayañhi tassa phassassa kāraṇabhūto tadanurūpabhūto samannāhāroti tajjasamannāhārasāṅkhātena āvajjanena ceva cakkhādiindriyena ca yathākkamaṃ ārammaṇakāraṇatadabhimukhabhāvavasena parikkhate abhisāṅkhāte āpāthagateyeva visaye ekantena uppajjanato āpāthagato visayo padaṭṭhānaṃ āsanna kāraṇaṃ imassāti āpāthagatavisayapadaṭṭhāno.

Nanu cāyaṃ dhammo cetasiko, svāyaṃ arūpadhammo samāno kathaṃ phusanalakkhaṇo hotīti antolīnacodanaṃ manasi katvā tassā sodhanatthaṃ “**arūpadhammopi samāno**”tiādi vuttaṃ. Tattha “**phusanākāreneva pavattati**”ti iminā arūpassāpi sato tassa dhammassa ayaṃ sabhāvoti dasseti. Sā ca tassa phusanākārappavatti ambilaṃ ambapakkādiṃ khādantaṃ passantassa parassa kheluppattiparaṃ bādhiyamānaṃ disvā dayālukassa sarīrakampanaṃ, rukkhasākhagge duṭṭhitāṃ purisaṃ disvā bhūmiyaṃ ṭhitassa purisassa jaṅghacalanāṃ, piśācādi bhāyitabbaṃ disvā ūrupatthambhoti evamādi viya daṭṭhabbā. **Soti** so yathāvuttalakkhaṇādiko phasso.

Sundaranti sukhavedanāsampayuttattā pasatthaṃ. **Manoti** viññānaṃ. **Sumanassa bhāvoti** sumanasāṅkhātassa viññānaṃ bhāvo. Yvāyaṃ saddappavattinibandhanaṃ attho, so somanassaṃ. Somanassavedanāsampayuttattā hi sumana-saddo tasmim viññāne pavattati. Vedena anubhavanākārena ayitaṃ pavattaṃ vedayitaṃ, taṃ lakkhaṇamassāti **vedayitalakkhaṇā**. Itthassa itthākāratova anubhavanaṃ kiccamaṃsāti **itthākārānubhavanarasā**. Sā hi sabhāvato itthamārammaṇaṃ itthavasena, itaraṇca itthākāreneva anubhavati, tattha itthākārānubhavanaṃ kusalākusalacittasampayuttavedanāya labbhati tassā aniṭṭhassapi kappanāvasena itthākārena gahaṇato, sabhāvato pana itthānubhavanaṃ abyākatacittasampayuttāyapi labbhati tassā vipallāsaggābhāvato. “**Rājā viya subhojanarasa**”nti iminā imaṃ dīpeti – phassassa phusanamattameva hoti, saññāya saññānamattameva, cetanāya saññācetanānamattameva, viññānaṃ vijānaṇamattameva, ekamaṃsato pana issaravatāya sāmibhāvena vedanāya ārammaṇarasam anubhavati, rājā

viya sūdakārena sampāditasubhojanarasanti. Assādīyatīti assādo, sukhavedanā. Tenāha bhagavā – ‘yaṃ, bhikkhave, pañcupādānakkhandhe paṭicca uppajjati sukhaṃ somanassaṃ, ayaṃ vuccati, bhikkhave, pañcupādānakkhandhesu assādo’ ti. Cetosannissitattā cetasi bhavo assādoti cetasikaassādo, tathā paccupaṭṭhātīti **cetasikaassādapaccupaṭṭhānā**. Passaddhakāyo sukhaṃ vediyatīti āha “**passaddhipadaṭṭhānā**” ti. Idaṃ pana nirāmisasomanassavasena veditabbaṃ.

Nīlādibhedassa ārammaṇassa sañjānaṃ tameva saññaṃ katvā jānaṃ lakkhaṇaṃ etassāti **sañjānalakkhaṇā**. **Paccābhīññānakaraṇarasāti** pati abhiññāyati etenāti paccābhīññāṇaṃ, tadevetanti puna paccābhīññāṇanimittam saññānādiko ākāro, tassa karaṇaso kiccamaṣṣāti paccābhīññānakaraṇarasā. Sā hi uppajjamānā pacchā sañjānaṃ kārāṇabhūtaṃ saññānādikaṃ ākāraṃ gahetvā uppajjati. Idañca nimittakārikāya nimittena sañjānantiyā ca sabbāya samānasaññāya yojetabbaṃ. Nimittena sañjānantīpi hi puna aparāya saññāya ca sañjānaṃ nimittam karotīti. Tañca kusalākusalakiriyājavanasaññaṃ dhuraṃ katvā veditabbaṃ. Taṃ panetaṃ abhiññānakaraṇaṃ kathaṃ daṭṭhabbanti āha “**vaḍḍhakissa abhiññānakaraṇamivā**” ti. Yathā vaḍḍhakissa dārūso “idaṃ uddhaṃ, idaṃ adho” ti evaṃ pacchā sañjānaṃ paccayabhūtaṃ saññāṇassa karaṇaṃ, evamaṣṣā puna sañjānaṃ paccayanimittakaraṇanti vuttaṃ hoti. Hatthidassakaandho viya “idameva sacca” nti saññāya yathāgahitanimittasena abhinivesakaraṇato **yathā...pe... paccupaṭṭhānā**. Etena saññāya ākāraggaṇaṃ katvā tṭhitaṃ dīṭṭhiādīnaṃ uppajjanato akusalasaññāya anurūpavasena phalapaccupaṭṭhānaṃ dassitaṃ hoti. Atha vā **abhinivesakaraṇanti** “idameva sacca” nti saññābhinivesamattameva, tasmā upaparikkhābhāvena yathāgahitanimittasena abhinivesakārena upaṭṭhānato ākārapaccupaṭṭhānaṃ vuttaṃ. Tiṇapurisakesu migapotakānaṃ “purisā” ti uppannasaññā viya avikappasabhāvattā **yathāupaṭṭhitavisayapadaṭṭhānā**. Ettha ca ñāṇavippayuttasaññāya ākāraggaṇavasena uppajjanakāle cittaṃ abbohārikaṃ saññānugatikaṃ hoti. Ñāṇasampayutte citte pana sasambhārapathaviyā anugatā sesadhātuyo viya saññācittañca abbohārikaṃ ñāṇanugatikaṃ hoti.

Abhisandahatī pabandhati pavatteti, “gañhatha gañhathā” ti vadanti viya sampayuttadhamme ārammaṇe payojeti, sakasakakicce ca paṭṭhāpetīti attho. **Cetayitalakkhaṇā**ti niddokkantassa pabuddhakkhaṇe sambhamappavatti viya cetaso ussāhatāva lakkhaṇā. Atha vā “**abhisandahati**” ti vuttatā payojanalakkhaṇātveva attho. **Āyūhanarasā**ti cetasikairiyānarasā, payogarasāti vuttaṃ hoti. Kusalākusalakiriyājavanasampayuttāyayeva panetaṃ labbhati. **Samvidahanapaccupaṭṭhānā**ti “tvam idaṃ karohī” ti vicārentī viya hotīti vicāraṇapaccupaṭṭhānā. Etāya hi pavattamānāya sabbepi sampayuttadhammā yathā sakiccapasutā honti, teneva hesā **sakiccaparakkiccasādhikā** vuttā. Jeṭṭhasisso pare sajjhāyane uyyojento sayampi sajjhāyati. Tasmīñhi sajjhāyitum āradde sesasissāpi sajjhāyanti. Mahāvaḍḍhakismimpi vaḍḍhakikammaṃ kātum āradde itarepi karonti yevāti āha “**jeṭṭhasissamahāvaḍḍhakiādayo viyā**” ti. **Ādi**-saddena jeṭṭhantevāsikādīnaṃ gahaṇaṃ.

Yathāpaccayaṃ pavattamānānaṃ dhammānaṃ natthi kāci vasavattitāti vasavattibhāvanivāraṇatthaṃ “**vitakkaṃ vitakko**” ti vuttaṃ. Ūhanaṃ ārammaṇassa parikkappaṇaṃ, tasmīñ abhiniropananti vā vuttaṃ hoti. Yasmā cittaṃ vitakkabalena ārammaṇaṃ abhiruḷhaṃ viya hoti, tasmā vuttaṃ “**ārammaṇe cittaṃ abhiniropanalakkhaṇo**” ti. Yathā hi koci gāmaṃ puriso rājavallabhaṃ, taṃ sambandhinaṃ mittam vā nissāya rājagehaṃ ārohati anupavisati, evaṃ vitakkaṃ nissāya cittaṃ ārammaṇaṃ ārohati. Yadi evaṃ kathaṃ avitakkacittaṃ ārammaṇaṃ ārohati, na hi dvipañcaviññānadutiyajjhānādike vitakko upalabbhati, yassa balena taṃ ārammaṇaṃ ārohati, tasmā sabhāvato bhāvanābalena tattha anuppajjanako? Saccam, tampi vitakkabalena ārohati. Yathā hi so puriso paricayena tena vināpi nirāsaṅko rājagehaṃ pavisati, evaṃ paricayena vitakkena vināpi avitakkacittaṃ ārammaṇaṃ ārohati. **Paricayoti** cettha santāne abhiññaṃ pavattacittabhāvanāsaṅkhāto paricayo. Vitakkassa hi santāne abhiññaṃ pavattassa vasena cittaṃ ārammaṇābhiraṇaṃ ciraparicitaṃ, tena taṃ cittaṃ kadāci vitakkena vināpi tattha vattateva. Yathā taṃ ñāṇasahitaṃ hutvā sammāsanavasena ciraparicitaṃ kadāci ñāṇarahitampi sammāsanavasena pavattati, yathā vā kilesasahitaṃ hutvā pavattam sabbaso kilesarahitampi paricayena kilesavāsānavasena pavattati, evaṃ sampadamidaṃ daṭṭhabbaṃ.

Atha vā dvipañcaviññāṇaṃ avitakkampi vatthārammaṇaghaṭṭanaṃ balavatāya, dutiyajjhānādīni ca heṭṭhimahēṭṭhimabhāvanāya balavatāya ārammaṇaṃ ārohatīti. Ādito, abhimukhaṃ vā hananaṃ paharaṇamattaṃ āhananaṃ, parito, parivattetvā vā hananaṃ visesena paharaṇaṃ pariāhananaṃ, taṃ kiccamaṣṣāti **āhananaṃ pariāhananaṃ**. Tathā hi tena yogāvacaro ārammaṇaṃ vitakkāhataṃ vitakkaṃ pariāhataṃ karotīti vuccati. Ānayaṇaṃ cittaṃ ārammaṇe upanayaṇaṃ, ākaḍḍhanaṃ vā, tathā hutvā paccupaṭṭhānamassāti **ānayaṇapaccupaṭṭhāno**.

Tenāti tena vicārena karaṇabhūtena, hetubhūtena vā cittaṃ ārammaṇe vicarati anuvicarati, avicāracittassa pana avitakkacitte vuttānusārena pavatti veditabbā. **Vicaraṇaṃ** anusañcaraṇaṃ anuparigamaṇaṃ. Svāyaṃ viseso santānamhi labbhamāno javanasantāne pākāto hotīti daṭṭhabbo. Esa nayo sesesupi. Ārammaṇassa anumajjanaṃ anumasaṇaṃ parimajjanaṃ lakkhaṇanti **ārammaṇānumajjanalakkhaṇo**. Tathā hi vicāro parimajjanahattho viya,

saṃsaraṇahattho viyāti vuccati. **Tatthāti** ārammaṇe. Sahajātānaṃ anuyojanaṃ ārammaṇe anuvicāraṇasaṅkhātānumajjanavasena veditabbaṃ. Dhammānaṃhi sabhāvavinimuttā kāci kiriyā nāma natthi. Tathāgahetabbākāro bodhaneyyajanānurodhena paramatthato ekasabhāvopi sabhāvadhammo pariyāyavacanehi visayasamāropitarūpehi bahūhi pakārehi pakāsiyati. Evaṃhi so suṭṭhu pakāsito hotīti. **Anupabandhapaccupaṭṭhānoti** ārammaṇe cittaassa avicchinna viya pavattipaccupaṭṭhāno. Tathā hi so anusandhānatāti niddiṭṭho.

Ettha ca vicārato oḷārikaṭṭhena tasseva pubbaṅgamaṭṭhena paṭhamaghaṇṭābhiraṇṇa viya cetaso paṭhamābhiniṇipāto vitakko, anuravo viya anusaṅcaraṇaṃ vicāro. Yathā hi ghaṇṭābhigghātaṃ paṭhamābhiraṇṇa anuravato oḷāriko, pubbaṅgamo ca hoti, evaṃ ārammaṇābhiraṇṇa vitakko oḷāriko, pubbaṅgamo viya ca hoti. Tato sukhumaṭṭhena anumajjanasabhāvena ca ghaṇṭānuravo viya anupabandho vicāro. Vipphāravā cettha vitakko cittaassa paṭhamuppattikāle cittaassa paripphandaṇṇa ākāse uppatitukāmassa sakuṇassa pakkhāvikkhepo viya, padumābhimukhapāto viya ca gandhānubandhacetaso bhamarassa. Santavutti vicāro cittaassa nātiparipphandaṇṇa ākāse uppatitassa sakuṇassa pakkhappasāraṇaṃ viya, padumassa uparibhāge paribbhamanaṃ viya ca padumābhimukhapatitassa bhamarassa. Āgamaṭṭhakathāyaṃ pana vipariyāyena āgataṃ. Tathā ca vuttaṃ **dukanipātaṭṭhakathāyaṃ** –

“Ākāse gacchato mahāsakuṇassa ubhohi pakkhehi vātaṃ gahetvā pakkhe sannisīdāpetvā gamaṇaṃ viya ārammaṇe cetaso abhiniropanabhāvena pavatto vitakko, vātaggaṇṇaṭṭhaṃ pakkhe phandāpayamānassa gamaṇaṃ viya anumajjanabhāvena pavatto vicāro”ti.

Tampi anupabandhena pavattiyaṃ yujjati. Tathā hi upacāre, appanāyaṃ vā santānena pavattiyaṃ vitakko niccalo hutvā ārammaṇaṃ anupavisitvā viya pavattati, na paṭhamābhiniṇipāte viya pakāto hotīti.

Pinayatīti kāyacittaṃ appeti, vadḍheti vā. **Sampiyāyanalakkhaṇāti** ārammaṇaṃ kallato gahaṇalakkhaṇā. **Piṇanarasāti** kāyacittānaṃ paribrūhanakiccā. **Pharaṇarasāti** paṇitarūpehi kāyassa byāpanarasā, attanā sampayuttacittasamuṭṭhānehi rūpehi sakalarūpakāyabyāpanaṃ karotīti vuttaṃ hoti. Na hi aññathā imissā pharaṇaṃ hoti, dhammānaṃ abyāpāratāya kesaggamattampi saṅkamaṇābhāvato. Udaggabhāvo **odagyaṃ**.

Ekam ārammaṇaṃ aggametassāti ekaggaṃ, cittaṃ, yena pana dhammena yogato taṃ ekaggaṃ nāma hoti, so **ekaggabhāvo**. So pana cittaṃseva hoti, na yassa kassacīti āha “**cittaṃ ekaggabhāvo**”ti, nivāte dīpasikhāya ṭhiti viya cittaṃ ṭhiti vuttaṃ hoti. Visāraṇaṃ byaggabhāvassa paṭipakkho sabhāvo avisāro, na visāraṇabhāvamattaṃ, taṃ imassa lakkhaṇanti āha “**avisāralakkhaṇo**”ti. **Avikkhepo** sampayuttadhammānaṃ avikkhittatā, avisāravikkhepānaṃ samādhānabhāvato atthato visesābhāvepi samukhena, sampayuttamukhena ca ubhayaṃ vuttanti daṭṭhabbaṃ. Avūpasamalakkhaṇassa vikkhepassa paṭipakkhatāya cittaṃ upasamaṇākena paccupaṭṭhāti **upasamaṇapaccupaṭṭhāno**. **Visesatoti** yebhuyyena. Sukhavirahitopi hi atthi samādhīti so yebhuyyena sukhapadaṭṭhāno hoti. Atha vā **visesatoti** atisayena. “Sukhino cittaṃ samādhīyatī”ti (a. ni. 11.11) vacanato hi sukhaṃ samādhissa visesakāraṇaṃ sukhavirahitassapi tadupanissayeneva samijjhanato.

Saddahanti etāyāti kammaphalādisaddahanakiriyāya pavattamānānaṃ dhammānaṃ tattha ādhipaccabhāvena saddhāya paccayataṃ dasseti. Tassā hi dhammānaṃ tathā paccayabhāve sati taṃsamaṅgipuggalo “saddahatī”ti voharīyati. Saddhanaṃ saddheyyavattuno pattiyaṇaṃ, taṃ lakkhaṇametissāti **saddahanalakkhaṇā**. Kālusiyamaṇaṃ vidhametvā sampayuttānaṃ, puggalasseva vā pasādaṃ anāvilabhāvakāraṇaṃ kiccametissāti **pasādanarasā**. Yathā kathaṃ viyāti āha “**udakappasādakamaṇi viyā**”ti. **Akālusiyapaccupaṭṭhānāti** anāvilabhāvapaccupaṭṭhānā. Ratanattaṃ kammaṃ kammaphalaṇca saddheyyavattu, taṃ imissā āsannaṇānaṃ **saddheyyavattupadaṭṭhānā**. Na hi saddhāya avatthubhūtesu titthiyādīsu sā uppajjati. Sā panāyaṃ kusalaḍḍhamānaṃ ādāne hattho viya, sabbasampattisampadāne vittaṃ viya, amatakasiphalaḍḍhalane bījaṃ viya ca daṭṭhabbā. “Saddhāhattho, mahānāma, ariyasāvako, saddhīdha vittaṃ purisassa seṭṭhaṃ (saṃ. ni. 1.246; su. ni. 184), saddhā bījaṃ tapo vuṭṭhī”tiādivacanaṇhettha (saṃ. ni. 1.197; su. ni. 77) sādhaṃ.

Saranti 237 etāyāti saraṇakiriyāya pavattamānānaṃ dhammānaṃ tattha ādhipaccabhāvena satiyā paccayataṃ dasseti. Tassā hi dhammānaṃ tathā paccayabhāve sati taṃsamaṅgipuggalo “sarati”ti voharīyati. Udaḍḍhaṃ viya pilavivā gantuṃ adatvā pasānaṃ viya niccalassa ārammaṇassa ṭhapanānaṃ asamuṭṭhataḍḍhānaṃ apilāpanaṃ, taṃ lakkhaṇametissāti **apilāpanalakkhaṇā**. Sā hi ārammaṇe daḍḍhaṃ patiṭṭhitatā esikā viya vuccati. Sammosapaccanīkiccaṃ asammosaraso, na sammosābhāvamattaṃ. “Satārakkhena cetasā viharatī”ti (a. ni. 10.20) vuttatā cetogūṇaratanahārakānaṃ kilesacorānaṃ nivāraṇato āha “**ārakkhapaccupaṭṭhānā**”ti. Tathā hesā cakkhudvārādirakkhanato dovāriko viyāti vuccati. Paṭhamam saṇṇāya thiruppanabhāve pacchā satiyā patiṭṭhānabhāvato āha “**thirasāṇṇāpadaṭṭhānā**”ti. Atha satisaṇṇānaṃ kiṃ nānākaṇānti? Saṇṇā tāva paṭhamam aggahitanimittaṃ saṇṇānāti, gahitanimitte puna paccābhīṇṇāpaccayanimittaṃ karoti, paṭhamam aggahite pana

saññākiccaṃ appadhānaṃ hoti, sati pana paṭhamañ agghānimitampi sarati gahānimitampi, gahānimitte pana satikiccaṃ guṇabhūtaṃ hotīti idameva tāsañ nānattaṃ.

Vīrabhāvoti yena vīriyena vīro nāma hoti, so dhammo. **Vīrānaṃ vā kammanti** yena kammena vīro nāma hoti, taṃ vīrānaṃ kammaṃ nāma. Vīriyaṃ panassa sādhakabhāvato tathā vuttaṃ. Dhammavinimuttaṃ vā kiñci kammaṃ natthīti vīriyameva kammabhāvena vuttanti daṭṭhabbaṃ. Vidhinā īretabbaṃ pavattetabbanti vā **vīriyaṃ**. **Ussāho** taṃ taṃ kiccaṃ samārambho, parakkamo vā. **Upatthambhanaṃ** pana sampayuttadhammānaṃ kosajjapakkhe patitūṃ adatvā dhāraṇaṃ anubalappadānaṃ. Sampayuttadhammānaṃ saṃsīdanabhāvanivārako dhammo, na saṃsīdanābhāvamattaṃ, asaṃsīdanabhāvena paccupaṭṭhātīti **asaṃsīdanabhāvapaccupaṭṭhānaṃ**. “Saṃviggo yoniso padahaṭī”ti (a. ni. 4.113) vacanato **saṃvegapadaṭṭhānaṃ**. **Saṃvegoti** cettha saṃvegamaṃ nānaṃ. Asaṃvegapubbikāya pana kusalakiriyāya vīriyārambhavatthupadaṭṭhānaṃ. Tattha **vīriyārambhavatthūni** nāma –

“Maggo gantabbo hoti, maggo gato. Kammaṃ kātabbaṃ hoti, kammaṃ kataṃ. Appamattako ābādo uppanno hoti, gilānā vuṭṭhito hoti, aciravuṭṭhito gelaññā. Gāmaṃ vā nigamaṃ vā piṇḍāya caranto na labhati, lūkhassa vā paṇīṭassa vā bhojanassa yāvadatthaṃ pāripūriṃ labhati...pe... pāripūri”nti –

Evaṃ vuttāni etāni anurūpapaccavekkhaṇasahitāni aṭṭha vīriyārambhavatthūni, tammūlakāni vā paccavekkhaṇāni. Ettha ca vitakko sampayuttadhamme ārammaṇaṃ āropeti. Cetanā te taṃtaṃkiccesu niyojēti. Vīriyaṃ pana te saṃsīditūṃ adatvā ussāhetīti ayaṃ vitakkacetanāvīriyānaṃ viseso.

Vijānanalakkhaṇāti visesena jānanalakkhaṇā, yathāsabhāvapaṭivedhalakkhaṇāti attho. Visayassa ārammaṇassa obhāsanāṃ pakāsanāṃ tappaṭicchādakasammohandhakārassa vidhamanatotī visayobhāsanāṃ, taṃ kiccamaṃsāti **visayobhāsanarasā**. Katthaci visaye asaṃmuyhanākārena sammohapaṭipakkhatāya vā paccupaṭṭhānato sammohābhāvassa paccupaṭṭhānato vā **asammohapaccupaṭṭhānā**.

Attanā anupāletabbānaṃ sahaṃjātadhammānaṃ anupālanāṃ jīvitassa byāpāro, tañca tesañ jīvananti taṃ tassa kāraṇabhāvaṃ purakkhatvā vuttaṃ **“jīvanti tenā”**ti. Rūpārūpajīvitindriyassa anurūpato lakkhaṇādikaṃ dassetuṃ **“attanā avinibhuttāna”**nti vuttaṃ. “Sampayuttāna”nti hi vuccamāne rūpadhammānaṃ sampayogābhāvato rūpajīvitindriyassa saṅgaho na siyā. “Avinibhuttāna”nti pana vuttatā yāni avinibhogarūpāni rūpajīvitindriyena saddhīṃ avinibhuttāni avisaṃsaṭṭhāni. Ye ca arūpadhammā arūpajīvitindriyena sampayuttā, tesañ sabbesaṃ saṅgaho hotīti. **Pavattanarasanti** uppādato yāva bhaṅgā anupālanato antarā anivattanasabhāvasādhanena tesañ pavattanakiccaṃ. Keci pana “rūpajīvitindriyaṃ tesañ ṭhitikkhaṇato paṭṭhāya, arūpajīvitindriyaṃ uppādato paṭṭhāya pavattiyā paccayo”ti vadanti, taṃ na yuttaṃ. **Paṭṭhāne** hi “abyākataṃ dhammaṃ paṭicca asaṅgāsattānaṃ ekaṃ mahābhūtaṃ paṭicca indriyapaccayaṃ kammaṃpaccayasadisā”nti asaṅgāsattānaṃ indriyapaccayo kammaṃpaccayasadisāṃ katvā vutto, tasmā rūpajīvitindriyampi uppādato paṭṭhāya paccayo hotīti daṭṭhabbaṃ. Uppādato yāva bhaṅgā ṭhapanato **ṭhapanapaccupaṭṭhānaṃ**. Anupālanavasena yāpayitabbā pavattetabbā dhammā padaṭṭhānamassaṭī **yāpayitabbadhammapadaṭṭhānaṃ**. Yadi evañ tesañ anupālanādisādhaṃ, kathaṃ tesañ nirodho hoti. Evañhi sabbakālaṃ ṭhātābanti āha **“santepi cā”**tiādi. **Anupālanalakkhaṇādīdhīti ādi**-saddena pavattanarasādimeva saṅgaṇhāti. **Atthikkhaṇeyevāti** attanā anupāletabbānaṃ, attano vā atthikkhaṇeyeva. **Udakanti** taḷākagatajalaṃ, daṇḍagatajalaṃ vā. Tattha taḷākagataudakassa gahaṇe attanā anupāletabbadhammānaṃ atthikkhaṇe anupālanāṃ sādhitāṃ hoti, daṇḍagatajalaṃ pana gahaṇe attano atthikkhaṇe anupālanāṃ. Attanā anuppāditadhamme kathaṃ pāletīti āha **“dhāti viya kumāra”**nti. Yadi sesadhammānaṃ pavattikāraṇena kenaci bhavitabbaṃ, jīvitassa pana kiṃ pavattikāraṇanti āha **“sayam...pe... pavattatī”**ti. Yathā kathaṃ viyāti āha **“niyamako viyā”**ti. Sopi attanā pavattitanāvāsambandhena pavattati. Yadi dhammānaṃ pavatti jīvitindriyapaṭibaddhaṃ, bhaṅgato uddhampi kiṃ pana pavattetīti āha **“na bhaṅgato uddha”**nti. Kasmāti āha **“attano ca pavattetabbānañca bhāvā”**ti. Bhaṅgakkhaṇe pana kathanti āha **“na bhaṅgakkhaṇe ṭhapatī”**ti.

Yasmā pana lobhapaṭipakkho alobho hoti, ye dhammā tena sampayuttā, taṃsamaṅgino vā sattā, te na lubbhanti, sayampi kadāci na lubbhateva, atthato vā alubbhanākāro eva ca so hoti, tasmā vuttaṃ **“na lubbhanti tenā”**tiādi. Esa nayo **“na dussanti tenā”**tiādisupī. **Alaggabhāvo** ārammaṇaṃ nissāya pavattantassapi tattha anāsattatā. Tenāha **“kamaladale jalabindu viyā”**ti. **Apariggaho** kassaci vatthuno mamattavasena asaṅgaho. **Muttabhikkhu viyāti** khīṇāsavabhikkhu viya. So hi muttarāgattā katthaci mamāyanarahito hoti. Anallīno bhāvo adhippāyo etassaṭī **anallīnabhāvo**. Evañhi “asucimhi patitapuriso viyā”ti upamāya sameti. Yathā hi tassa purisassa satīpi kāyena allīyane bhāvo anallīno, evañ alobhōpi ārammaṇakaraṇavasena gahitepi ārammaṇe alaggabhāvena anallīnabhāvo anallīnākāroyeva pavattati. Evaṃsabhāvo hi so dhammoti.

Caṇḍikassa bhāvo caṇḍikkaṃ, pharusabhāvo, atthato pana kopoyeva, tappaṭipakkho aphaṃsabhāvo **acaṇḍikkaṃ**. **Avirodho** aviggaho appaṭipakkho sabhāvo. **Āghātavinayanarasoti** ettha **āghāto** nāma parassa attānaṃ, attano param

uddissa, parasseva ca param uddissa pavatto upanāho balavakopo. Tassa vinayanaraso apanayanaraso. **Sommabhāvo** majjanavasena hilādaniyatā sītalabhāvo. Tenāha “**puṇṇacando viyā**”ti.

Kāyaduccarītādihīti hetumhi karaṇavacanamaṃ. **Hiriyati** lajjanākārena jigucchiyati. **Tehiyevāti** kāyaduccarītādihīyeva. **Ottappatīti** ubbijjati. Hirī pāpe gūthe viya passantī jigucchatīti āha “**pāpato jigucchanalakkhaṇā hirī**”ti. Ottappamaṃ te uṇhaṃ viya passantamaṃ tato uttasatīti vuttamaṃ “**uttāsālakkaṇamaṃ ottappa**”nti. **Ubhopi pāpānaṃ akaraṇarasāti** lajjanākārena pāpānaṃ akaraṇarasā hirī, uttāsākārena ottappamaṃ. **Pāpato saṅkocanapaccupaṭṭhānāti** vuttappakāreneva pāpato saṅkocanākārena paccupaṭṭhānā. **Attagāravaparagāravapadaṭṭhānāti** attagāravapadaṭṭhānā hirī ajjhattasamuṭṭhānatāya, attādhipatitāya ca. Paragāravapadaṭṭhānaṃ ottappamaṃ bahiddhāsamuṭṭhānatāya, lokādhipatitāya ca. Attānañhi garuṃ katvā hiriyā pāpamaṃ pajahati kulavadhū viya. Paraṃ garuṃ katvā ottappena pāpamaṃ pajahati vesiyā viya. Ajjhattasamuṭṭhānādītā ca nesamaṃ tattha tattha pākaṭabhāvena vedītabbā, na pana tesamaṃ kadāci aññamaññaviyogato. Na hi lajjanamaṃ nibbhayaṃ vā pāpabhayaṃ vā alajjanamaṃ atthīti. Hiriyā balavabhāve pana ottappamaṃ abbohārikaṃ hoti, ottappassa balavabhāve hirī abbohārikā. Ime ca dve dhammā “lokāpālā”ti vuccanti. Yathāha –

“Dveme, bhikkhave, sukkā dhammā lokaṃ pārenti. Katame dve? Hirī ca ottappañca, ime kho, bhikkhave, dve sukkā dhammā lokaṃ na pāleyyumaṃ, nayidha paññāyetha ‘mātā’ti vā ‘mātucchā’ti vā ‘mātulāni’ti vā”tiādi (a. ni. 2.9).

Passambhanaṃ darathavūpasamo, **kāya**-saddo samūhavacono. So cettha vedanādikkhandhattayaṃ. Vatticchāvasena hi saddo visiṭṭhavutti hotīti āha “**kāyoti cetthā**”tiādi. **Vedanādayoti** vedanākkhandho saññākkhandho saṅkhārakkhandhoti tayo khandhā. Tathā ca vuttamaṃ tattha “katamā tasmīṃ samaye kāyapassaddhi hoti, yā tasmīṃ samaye vedanākkhandhassā”tiādi (dha. sa. 40). Daratho sārāmbho domanassapaccayānaṃ uddhaccādīnaṃ kilesānaṃ, tathā pavattānaṃ vā catunnaṃ khandhānametaṃ adhivacanamaṃ. Tassa vūpasamaṃ lakkhaṇamaṃ **kāyacittadarathavūpasamalakkhaṇā**. **Kāyacitta...pe...rasāti** yathāvuttānameva paṭipakkhadhammānaṃ abhibhavanarasā. Darathanimmaddanena pariṭāhāparipphandanavirahito sītibhāvo **aparipphandanasītibhāvo**. **Avūpasamo** paripphandanaṃ asantavuttitā. **Uddhaccādīkilesāti** uddhaccappadhānā uddhaccādīkacittupādāsampayuttā kilesā. Tepi hi uddhaccavasena avūpasamakarā. Uddhaccaṃ vā ādīmaṃ katvā sabbeyeva kilesā **uddhaccādīkilesā**. Evaṃ sesesupi.

Garubhāvo dandhatā, thinamiddhādīkīnaṃ tathā pavattānaṃ vā catunnaṃ khandhānametaṃ adhivacanamaṃ. Dandhatāya paṭipakkho **adandhatā** agarubhāvo.

Thaddhabhāvo thambho. Diṭṭhimānādīkīnaṃ, tappadhānānaṃ vā catunnaṃ khandhānaṃ etaṃ nāmaṃ. Thaddhabhāvanimmaddanato yeva katthaci ārammaṇe appaṭīhatākārena paccupaṭṭhanti, sampayuttānaṃ vā tattha appaṭīghātaṃ paccupaṭṭhāpentīti **appaṭīghātapaccupaṭṭhānā**.

Kammaṃ sādhu kammaññaṃ, na kammaññaṃ akammaññaṃ, tassa bhāvo **akammaññabhāvo**, dānasīlādīpuññakiriyāya asamatthātā. Atthato kāmācchāndādisaṃkilesadhammā, tappadhānā vā cattāro akusalakkhandhā. Akammaññabhāvanimmaddaneneva sampannākārena ārammaṇassa gahaṇamaṃ **ārammaṇakaraṇasampattī**. Vuttāvasesā kāmācchāndādayo, tadekaṭṭhā ca saṃkilesadhammā sesanīvaraṇādayo. Imā pana dve vinibandhanimmaddanena pasādanīyavatthūsu pasādāvahā, hitakiriyāsu viniyogakkhamabhāvāvahā suvaṇṇavisuddhi viyāti daṭṭhabbā.

Gelaññaṃ assaddhiyādayo, tadekaṭṭhā ca pāpadhammā, tappaṭipakkho agelaññabhāvo lakkhaṇamaṃ etāsanti **agelaññabhāvalakkhaṇā**. Gelaññanimmaddaneneva natthi etāsaṃ ādīnavaṃ doso upaddavo vā, na vā etā ādīnaṃ kapaṇamaṃ vanti pavattantīti nirādīnavā, tenākārena paccupaṭṭhanti, taṃ vā sampayuttesu paccupaṭṭhāpentīti **nirādīnavapaccupaṭṭhānā**.

Kāyasambandhī, cittasambandhī ca ujubhāvoti lakkhitabbatāya **kāyacittānaṃ ajjavalakkhaṇā**. Kāyacittānaṃ naṅgalasīsaṇḍakotiṅgomuttavaṅkatāsāṅkhātānaṃ kuṭīlabhāvānaṃ atthato māyāsāṭṭheyyādībhūtānaṃ nimmaddanato **kāyacittānaṃ kuṭīlabhāvanimmaddanarasā**. Tatoyeva sabbathāpi ajimhabhāvena paccupaṭṭhanti, sampayuttānaṃ vā ajimhatamaṃ paccupaṭṭhāpentīti **ajimhatāpaccupaṭṭhānā**.

Nanu ca kāyapassaddhiādīnaṃ dvinnaṃ dvinnaṃ dhammānaṃ ekekaṭipakkhattā darathanimmaddanādīkīcaṃ ekekameva karoti. Kasmā pana dve dve dhammā vuttātī? Na kho panevaṃ cintitabbaṃ bhagavatāpi tatheva desitattā. Kasmā pana bhagavatā tathā desitā? Sabhāvadhammabhāvato. Na hi bhagavatā pubbe avijjamānā ete dhammā desanāvasena uppādītā, atha kho sabhāvato vijjamānāyeva sayambhuññaṇena sammā sacchikatvā yathāsabhāvā desitā,

tasmā kathametta bhagavatā sabhāvato vijjamānassa hāpanaṃ kātuṃ sakkā. Sabhāvato vijjamānatāya cettha bhagavato vacanameva pamāṇaṃ. Na hi bhagavā yathādhammasāsanādhikāre ayathādhammaṃ katheyvāti, yassa pana vijjamānassāpi akathanāṃ, taṃ aññahetukaṃ. Na cettha tādiso hetu upalabbhati, yena imesu ekekadhammassa akathananti. Yathā pana dvinnāṃ purisānaṃ ekoyeva veriko hoti, tassa te purisā otāraṃ disvā ekato hutvāva hananti, evameva dve dve dhammā ekato hutvā ekaṃ paṭipakkhadhammaṃ hananti, yathā ca panete visuṃ disvāpi taṃ verim hananti, na evamete taṃ visuṃ hananti tesam aññamaññaṃ avinābhāvatoti, tasmā ete paṭipakkhadhammānaṃ ekekabhāvepi dve dveveva vuttāti, apica cittapassaddhiādīhi cittameva passaddhi lahu mudu kammaññaṃ paguṇaṃ ujuṇca hoti. Kāyapassaddhiādīhi pana rūpakāyopīti tadatthadassanattaṃ bhagavatā ettheva duvidhatā vuttā, na samādhīdīsu.

Chandanaṃ **chando**, ārammaṇena atthikatā. “Chando kāmo”tiādīsu (mahāni. 1) pana taṇhāpi chandoti vuccati. “Chandaṃ janeti vāyamaṭ”tiādīsu vīriyampīti tato nivattanattaṃ vuttaṃ **“kattukamyatāyetaṃ adhivacana”**nti. Kattukamyatā vuccati karaṇicchā. Cetasikassa dhammassa sārammaṇattā karaṇicchā nāma ārammaṇassa ālambitukāmatāmukheneva hotīti ārammaṇakaraṇicchālakkhaṇo chando **“kattukamyatālakkhaṇo”**ti vutto. Tenevāha “ārammaṇapariyesanaraso, ārammaṇena atthikatāpaccupaṭṭhāno”ti ca. Yadaggena panāyaṃ attano ārammaṇapariyesanaraso, tadaggena sampayuttadhammānampi hotiyeva ekārammaṇatāya. Tena tesam ārammaṇaggahaṇe cetaso hatthappasāraṇaṃ viyāti vuccati. Kathaṃ pana dānavatthuvissajjanavasena pavattamānacetanāsampayutto chando ārammaṇena atthiko hotīti? Nanu avocumhā “ārammaṇakaraṇicchālakkhaṇo”ti, tasmā saṅgāmagataissāsassa khipitabbausūnaṃ gahaṇe atthikatā viya dānavatthuvissajjanavasena pavattacchandopi vissajjītabbena tena atthikoyevāti. Svāyaṃ kusalesu uppanno kusalacchando nāma hoti yonisomanasikārasamuṭṭhānatā. Tabbiparītato pana akusalesu uppanno akusalacchando.

Adhimuccanaṃ ārammaṇe sannīṭṭhānavasena veditabbaṃ, na pasādanavasena. Tenāha **“sannīṭṭhānalakkhaṇo”**ti. Yathā tathā hi ārammaṇe nicchayanaṃ adhimuccanaṃ anadhimuccantassa pāṇātipātādīsu, dānādīsu vā pavattiyā abhāvato, saddhā pana pasādānīyesu pasādādhimokkhoti ayametesam viseso. Voṭṭhabbaṃ pana yathā santīrite atthe nicchayanākārena pavattivā parato pavattamānānaṃ tathā pavattiyā paccayo hoti. Yadi evaṃ vicikicchāsampayutesu dhammesu kathanti? Tesampi ekaṃseneva saṃsappanākārassa paccayatāya daṭṭhabbaṃ, dārakassa viya ito cito ca saṃsappanassa “karissāmi, na karissāmi”ti anicchayassa paṭipakkhākiriyaṃ asamsappanaṃ. Yesu cittuppādesu ayaṃ sannīṭṭhānalakkhaṇo adhimokkho, tesam ārammaṇadhammoyeva sannīṭṭhātabbattā sannīṭṭheyvadhammo. So padaṭṭhānamassāti **sannīṭṭheyvadhammapadaṭṭhāno**. **Indakhiloti** esikāthambho vuccati.

Tesu tesu dhammesūti yesu dhammesu sayam uppannā, tesu attanā sampayutesu cittacetasikadhammesu. Anārammaṇattepi hi tesu samappavattesu udāsīnabhāvo **“tatramajjhataṭā”**ti vuccati. Samaṃ avisamaṃ vāhitam attanā pavattitasampayuttānaṃ vā yathāsakakicesu pavattanaṃ lakkhaṇametissāti **samavāhitalakkhaṇā**. Tattha samaṃ hutvā pavattanalakkhaṇāti atthe apakkhapatītabhāvo vutto hoti, avisamaṃ katvā pavattanalakkhaṇāti atthe ūnādhikatānīvaraṇaṃ. Udāsīnabhāvena pavattamānāpi hi eṣā sampayuttadhamme samaṃ katvā yathāsakakicesu pavatteti, yathā rājā tuṇhī nisinnopi adhikaraṇadhammaṭṭhe yathāsakakicesu samaṃ appamatte pavatteti. Alīnānuddhatappavattipaccayānaṃ dhammānaṃ ūnādhikatāya līnuddhatabhāvassa nivāraṇakiccāti vuttaṃ **“ūnādhikatānīvaraṇarasā”**ti. Yadi evaṃ kathaṃ sahaṃjātādhipatīnaṃ adhipatībhāvo. Adhipaccañhi tesam kiccato adhikabhāvoti? Nāyaṃ doso. Tampi tassa kicameva, yaṃ sahaṃjātadhammānaṃ adhipatībhāve pavattāpanaṃ. Yathā hi raṅgamaṇḍalaṃ gato naṭakācariyo te te naṭake yathāsakaṃ anurūpaṃ bhūmiyaṃ yojeti, evamesāpi attanā sampayuttadhammesu adhipatībhāve ṭhite adhipatībhāve yojeti, indriyatte ṭhite indriyatte, na pana sakasakakiccato ūnataṃ, adhikataṃ vā pattuṃ detīti. “Idaṃ nihīnakiccaṃ hotu, idaṃ atirekakicca”nti evaṃ pakkhapātavasena viya pavatti pakkhapāto. Taṃ upacchindantī viya hotīti **pakkhapātupacchedanarasā**. Sā cittacetasikānaṃ ajjuhekkhanaena samappavattesu ājānīyesu sārathi viya daṭṭhabbā.

Kiriyaṃ kāroti kāra-saddassa bhāvasādhanataṃ āha. Tena kāroti nāññaṃ, kiriyaevēvāti dīpitaṃ hoti. **Manasimī kāroti** manasi ārammaṇassa karaṇaṃ. Yena hi mano ārammaṇe kariyati ārammaṇenassa saṃyojanato, tato eva tena ārammaṇampi manasi kariyatīti. **Manasikāroti** cettha aluttasamāso daṭṭhabbo. **Purimamanatoti** bhavaṅgamanato. **Visadisam mananti** vīthijavanamanaṃ, taṃ karotīti manasikāro, manasikārasāmaññaena vīthijavanapaṭipādake dasseti. Ettha pana upayogathabhumavacane samāso daṭṭhabbo. Sampayuttadhamme ārammaṇābhīmukhaṃ sārento payojento viya hotīti manasikāro **sāraṇalakkhaṇoti** vutto. **Saṃyojanarasoti** payojanaraso. **Vitakko** sampayuttānaṃ ārammaṇe abhiniropanasabhāvattā ārammaṇe cittaṃ pakkhipanto viya hoti. **Cetanā** attano ārammaṇaṃ gaṇhantī sampayuttepi sakasakakiccaṃ kāretīti attanā karaṇena balaṃ niyojento balanāyako viya hoti. **Manasikāro** sampayutte ārammaṇe payojētīti ājānīyappayojanakasārathi viyāti ayametesam viseso.

Ārammaṇābhīmukhabhāvapaccupaṭṭhānoti ārammaṇe saṃyojanavasena tadabhimukhabhāvapaccupaṭṭhāno. Ettha **satiyā** appamussanacchandatā visayābhīmukhapaccupaṭṭhānatā, **manasikārassa** pana saṃyojanavasenaṇāti

ayametesam viseso. Ārammaṇapaṭipādakassa saṅkhārakkhandhapariyāpannatāvacaṇaṃ itaramanasikārānaṃ viññāṇakkhandhapariyāpannataṃ dasseti. Mahisāsakā pana “āvajjanassa viññāṇabhāve sabbaññutaññāṇassa sabbavisayatā parihāyeyya, tasmā taṃ javanasampayuttasaṅkhārakkhandhapariyāpannamevā”ti vadanti. Tesañhi ayamadhippāyo – yadi taṃ visuṃ cittasabhāvaṃ siyā, paccuppannacittaṃ ārammaṇaṃ katvā pavattassa tassa anantaraṃ uppajjamānājavānānaṃ paccuppannārammaṇatā na bhavyeyya, aññadatthu atīṭārammaṇatāva siyā, evañca sati sabbaññutaññāṇassāpi paccuppannacittārammaṇatāya abhāvato asabbavisayatā āpajjeyya, yadaggena ca taṃ asabbavisayaṃ, tadaggena sāvaraṇampi hoti yattha na pavattati, tatha āvaraṇasambhāvato, tasmāssa sakalalokasiddho sabbaññubhāvo, anāvāraṇabhāvo ca parihāyeyya, javanasampayuttabhāve pana sati āvajjanassa nāyaṃ iṭṭhavighāto āpajjatīti. Tayidaṃ tesamabhinivesamattaṃ “āvajjanā kusalānaṃ khandhānaṃ, akusalānaṃ khandhānaṃ anantarapaccayena paccayo”ti (paṭṭhā. 1.1.417) vacanena tassānantaraṃ kusalākusaluppattiyā dīpitattā. Sabbaññutaññāṇassa pana paccuppannacittārammaṇabhāvo evaṃ veditabbo – atīṭādivasena hi vibhāgamakatvā “imassa cittaṃ jānāmī”ti pavattassa āvajjanaṃ sāmāññena yaṃ kiñci abhimukhībhūtaṃ cittaṃāvajjati, tato javānāni attano attano abhimukhībhūtaṃ cittaṃārammaṇaṃ katvā pavattanti, na cettha javānānaṃ bhinnārammaṇatā āsaṅkitabbā cittasāmāññena ārammaṇassa abhinnattā, tasmā sabbaññutaññāṇassa paccuppannacittārammaṇataṃ paṭicca na kāci vihesā anubhavitabbāti. Kiṃ vā etena yuttivādena, nanu vuttaṃ bhagavatā – “acinteyyo buddhavisayo”ti (a. ni. 4.77), tasmā aparimitapuññasambhārekaphalassa acinteyyasabhāvattā āvajjanena vināpi visayaggahaṇe vibandhanābhāvato yattha katthaci pavatti appaṭihatāyevāti. Keci panettha “āvajjanaṃ anāgatacittārammaṇaṃ katvā nirujjhati, javanameva pana paccuppannamārammaṇaṃ gaṇhāti”ti vadanti. Yasmā pana “anāgatārammaṇā āvajjanā paccuppannārammaṇānaṃ khandhānaṃ anantarapaccayena paccayo”ti pāli natthi, tasmā taṃ appamāṇaṃ.

Karotīti **karuṇā**. Kiṃ karoti, kesam kiṃ nimittanti āha “**paradukkhe sati sādhuṇaṃ hadayakampana**”nti. **Kampananti** ca paresam dukkhaṃ disvā tassa asahanākārena cittassa aññathattaṃ, tadidaṃ sappurisānaṃyeva hotīti āha “**sādhuṇa**”nti. Sappurisā hi attahitaparahitasāadhanena “sādhu”ti vuccanti. “Kiṇāti”ti imassa atthamāha “**vināseti**”ti, adassanaṃ gameti apānetīti attho. Tenāha “**paradukkhāpanayanākārappavattilakkhaṇā**”ti. Paresam dukkhassa apānayaṇaṃ hotu vā, mā vā, so paradukkhāpanayanākāro, tathāpavattilakkhaṇāti **para...pe... lakkhaṇā**. Apānetukāmatāya paresam dukkhassa asahaṇaṃ anadhivāsanaṃ **paradukkhāsahaṇaṃ**. Na vihiṃsā avihiṃsā, sattānaṃ aviheṭhanaṃ, taṃ paccupaṭṭhāpeti, vihiṃsāya vā paṭipakkhabhāvena paccupaṭṭhātīti **avihiṃsāpaccupaṭṭhānā**.

Pamodanalakkhaṇāti parasampattiyā pamodanalakkhaṇā. **Anissāyanarasāti** issāyanassa usūyanassa paṭipakkhabhāvakkicā. Pantasenāsanesu, adhikusalahammesu ca aramaṇaṃ arati. Sā atthato issādhikaṃ domanassasahagataṃ, thinamiddhādhikaṃ uddhaccaṃ. Tatha purimaṃ parasampattivisaṃyaṃ, dutiyaṃ pantasenāsanādivisaṃyanti daṭṭhabbaṃ. Aratiyā vihananākārena paccupaṭṭhāti, tassā vighātaṃ vā vūpasamaṃ paccupaṭṭhāpetīti **arativighātapaccupaṭṭhānā**. “**Aniyate icchanti**”ti iminā cetasikantarabhāvena icchantīti dasseti.

Kāyaduccaritatoti vatthuvītikamasāṅkhātaduccaritato. **Kāyaduccaritādivatthūnanti** parapānaparadhanaparaitthiādīnaṃ kāyaduccaritādīnaṃālambaṇabhūtānameva vatthūnaṃ. **Avītikamalakkhaṇāti** amaddanalakkhaṇā. Kāyaduccaritādivatthuto saṅkocanakiriyāpadesena kāyaduccaritādītoyeva saṅkocanakiriyā vuttāti daṭṭhabbaṃ. Na hi viratiyo duccaritavatthuno akiriyapaccupaṭṭhānā yujjanti, atha kho duccaritasseva, viratīnaṃ saraccavasena saṅkocanaṃ, akiriyā ca hirottappānaṃ jigucchādivasenāti ayametesam viseso. **Saddhā...pe... padaṭṭhānāti** ettha saddhādayo sabbeva dhammā kāyasucaritādīnaṃ padaṭṭhānāti eke. Apāre pana “kammaṃ kammaphalaṃ saddahantassa kāyaduccaritādiakaraṇato, hirottappasampannassa musāvādādiakathanato, appicchasantuṭṭhīsallekhaguṇasamannāgatassa micchājīvaṃvivaṃjanato ca saddhādayo tiṇṇaṃ dhammānaṃ yathākkamena padaṭṭhānā”ti vadanti. **Kecīti** abhayagirivāsino. **Imāsūti** imāsu tīsu viratīsu. **Ekekaṃ niyataṃ viratimicchanti**ti aññaṃ ekaṃ catutthaniyataviratimicchanti. Atha vā niddhāraṇatthe bhummavasena imāsaṃ antare ekaṃ niyataṃ viratimicchanti attho. Ubhayathāpi pana tesam icchā na yujjati aparāya viratiyā dhammasenāpatināpi adesitattā, visayassa ca sadā sannihitattābhāvena niyatāya eva ekissā abhāvato. Teneva hi abhayagirivāsino yeva ca keci imāsaṃ tividdhattaṃ aniyatattameva ca icchanti. Vuttañhi tehi –

“Karuṇāmudītā sammāvācākamantaājīvā;
Yebhuyato aniyatā, honti gocarabhedato”ti. –

Ettha pana “yebhuyato”ti vacanaṃ lokuttaracittesu sabbadā ekatoyeva ca labbhamānataṃ sandhāya vuttaṃ.

Dutiyacittena sampayogaṃ gacchantīti sambandho. Yathā cittaṃ, evaṃ taṃsampayuttadhammāpīti dutiye sasāṅkhārā evāti āha “**sasāṅkhārābhāvamattameva hettha viseso**”ti. **Tathāti** yathā tatiye, tathā catutthe pi pītiyā sukhapadaṭṭhānattā. Sukhassa cettha abhāvato āha “**ṭhapetvā pīti**”nti. Nanu ca “karuṇāmudītā upekkhāsahagata na

sambhavanti’’ti vadanti, tasmā yathā pītiyā, evaṃ tāsampi paṭikkhepo kātabboti? Na kātabbo, appanāpattito pubbe karuṇāmoditānaṃ upekkhāsahagatānaṃ sambhavato. Karuṇāmoditābhāvanākāle hi appanāvīthito pubbe upekkhāsahagatacittenaṃ parikkammaṃ hoti, appanāvīthiyaṃ pana somanassasahagatacitteneva ekāvajjanavīthiyā vedanāparivattanābhāvato, tasmā pubbabhāgavaseneva karuṇāmoditānaṃ upekkhāsahagatesu sambhavo hotīti ācariyā. Apare pana sabbadāpi tāsāṃ upekkhāsahagatesu sambhavaṃ na icchanti. ‘‘Avasesā pañcamena sampayogaṃ gacchanti’’ti avisesena vuttatā idāni visesadassanattamāha ‘‘**somanassaṭṭhāne cā**’’tiādi.

81. Karuṇāmoditādayoti karuṇāmoditā ceva viratittayañca. Tenāha ‘‘**pañcā**’’ti.

Evaṃ kāmāvacarakusalacittasampayutte dassetvā idāni rūpāvacarakusalacittasampayuttadhamme dassetuṃ ‘‘**avasesesu panā**’’tiādimāha. Tattha **ṭhapetvā viratittayanti** viratittayaṃ vajjetvā. Kasmā panettha viratittayaṃ pariccattanti? Vuccate – suvisuddhakāyakammādikassa cittasamādhānavasena rūpārūpāvacarakusalappavatti, na kāyakammādināṃ sodhanavasena, nāpi duccharitadurājīvānaṃ samucchindanavasena. Tathā hi nīvaraṇādīdhammānaṃ avatthattayaṃ hoti vītikkamāvattā pariyuṭṭhānāvattā anusayāvattāti. Tattha vītikkamāvattāya paṭipakkhaṃ kāmāvacarakusalaṃ pariyuṭṭhānāvattāya rūpārūpāvacaraṃ, anusayāvattāya lokuttarakusalaṃ. Duccharitadurājīvānaṃ pana ṭhapetvā vītikkamāvattānaṃ, anusayāvattānaṃ vītikkamāvattāya visuṃ pariyuṭṭhānāvattā na upalabbhati. Yassā vipaccanīkaṃ rūpārūpāvacarakusalaṃ siyā, tasmā taṃ neva kāmāvacarakusalaṃ viya tesāṃ vītikkamāvattānaṃ sodheti, na ca lokuttaraṃ viya anusayāvattānaṃ samucchindati, paṭipassambheti vā. Sīlavissuddhiyaṃ sīlasodhanavasena kāmāvacarakusaleneva vigatavītikkamassa parisuddhakāyakammādikassa yogino cittasamādhānavasena pavattatīti mahaggatacittuppāde viratīnaṃ asambhavoyeva. Imameva hi atthaṃ sādhetuṃ ‘‘**viratiyo panā**’’tiādi āradhamaṃ. **Tettiṃsa vā** karuṇādījhānavasena pavattanākāle. **Tatoti** tato tatiye vuttacetāsikato. Karuṇāmoditānaṃ appanāpattānamekantasomanassasahagatattā āha ‘‘**pañcamena...pe... karuṇāmoditāvajjā**’’ti.

Rūpāvacarapañcame vuttanayenāti tiṃsevāti adhippāyo. Yadi evaṃ rūpāvacarato ko visesoti āha ‘‘**arūpāvacarabhāvovettha viseso**’’ti, pañcame rūpasāññābhāvato rūpāvacarabhāvo, idha pana rūpasāññāsamatikkamena pattabbattā arūpāvacarabhāvoti ayamevassa tato visesoti attho.

Paṭhamajjhāniketi paṭhamajjhānavati. **Maggacitteti** catubbidhepi maggañāṇe. **Dutiyaajjhānikādibhedeti** dutiyatatiyacatutthapañcamajjhānike. **Vuttanayenāti** ‘‘dutiya vitakkavajjā’’tiādinā vuttanayena. Kiṃ avisesenāti ce, notī āha ‘‘**karuṇāmoditāna**’’ntiādi. Maggadhammesu pādakajjhānādivasena kadāci sammāsāṅkappaviraḥo siyā, na pana virativiraḥo, kāyaduccharitādināṃ samucchinnavaseneva ariyamaggassa pavattanatoti āha ‘‘**niyataviratibhāvo**’’ti. **Lokuttarabhāvoti** chabbisuddhiparamparāya pattabbattā lokato uttarañabhāvo.

Evaṃ kusalacetāsikānaṃ sampayogavacanattalakkhaṇādīni dassetvā idāni akusalacetāsikāni dassetuṃ ‘‘**akusalā panā**’’tiādi āradhamaṃ. **Cha yevāpanakāti** kiñcāpi paṭhame aniyatayevāpanakā na labbhanti, akusalesu pana labbhamānakayevāpanadhamme ekattha dassetuṃ tesampi idheva vacanaṃ daṭṭhabbaṃ. Evañca katvā upari dhammānaṃ uddesānantaraṃ ‘‘evaṃ yevāpanā’’tiādi vuttaṃ. Vicikicchāsahagata chandādhimokkhānaṃ, uddhaccasahagata chandassa ca bhāvato vuttaṃ ‘‘**paṭipāṭiyā dasasu cittesū**’’ti.

82. **Niddiṭṭhāti** nissesena dassitā. Hatā vihatā viddhastā pāpā apāyādidukkhapāpanato ‘‘pāpā’’ti saṅkhātā akusaladhammā yena so bhagavā **hatapāpo**, tena. Lābho alābho, yaso ayaso, nindā pasamsā, sukhaṃ dukkhanti imesu aṭṭhasu lokadhammesu akampanaṭṭhena **tādinā** sammāsambuddhena. So hi lābhādīsu yādīso, alābhādīsupi tādisoyevāti ‘‘tādī’’ti vuccati.

Na hiriyatīti na lajjati. **Ahrikoti** puggalo dhammasamūho vā. ‘‘Ahirikka’’nti vattabbe ekassa ka-kārassa loṇaṃ katvā ‘‘**ahirika**’’nti vuttaṃ. **Na ottappanti** ottappassa paṭipakkhabhūtaṃ dhammāha. **Ajjucchanāṃ** ahīṇaṃ. **Alajjanāṃ** avilā. **Ajjucchanalakkhaṇanti** sabhāvasasena vuttaṃ, **alajjanalakkhaṇanti** kusalābyākatassa sādharmaṇāya hiriyā paṭipakkhasasena. **Tehevāti** kāyaduccharitādīhi eva. **Asārajjanaṃ** nibbhayatā. **Anuttāso** asambhamo. Rasādīni hiriottappesu vuttapaṭipakkhasasena gahetabbānīti na tāni idha vuttāni. Tesu hi alajjanākārena pāpānaṃ karaṇasasāṃ ahirikaṃ. Anuttāsākārena anottappaṃ. Vuttapakāreneva pāpato asaṅkocanapaccupaṭṭhānāni. Attani, paresu ca agāravapadaṭṭhānāni. Gāmasūkarassa viya asucito kilesāsucito ajjucchanāṃ ahirikenā hoti. Salabhassa viya aggīto pāpato anuttāso anottappena hoti. Yathāhu porāṇā –

‘‘Jigucchati nāhiriko, pāpā gūthāva sūkarō;
Na bhāyati anottappo, salabho viya pāvakā’’ti.

Ettha ca yathā hiriyā balavabhāve ottappaṃ abbohārikaṃ hoti, ottappassa balavabhāve hirī abbohārikā, evaṃ ahirikassa balavabhāve anottappaṃ abbohārikaṃ, anottappassa balavabhāve ahirikaṃ abbohārikaṃ hotīti keci, taṃ na

yujjati. Yathā hi asucinā attānaṃ makkhento, sappamukhe hatthaṃ pavesento bāladārako tattha paṭikkūlabhāvassa, ādīnavassa ca anupaparikkhanato neva jigucchati, na ca uttasati, evamevaṃ dhammasabhāvassa aññānato moho pāpato neva jigucchati, na uttasati, tasmā taṃsampayuttacittuppāde ubhayampi balavataraṃ hotīti.

Lubbhantīti abhigijjhanti, allīyantīti vuttaṃ hoti. **Ārammaṇaggahaṇalakkhaṇoti** ettha **ārammaṇaggahaṇaṃ** nāma “mama ida”nti taṇhābhīnivesavasena abhinivīṭṭhassa ārammaṇassa avissajjanaṃ, na ārammaṇakaraṇamattaṃ. **Abhisāṅgo** atisayavatāya āsattiyā dummočanīyabhāvo. **Apariccāgo** avijahanaṃ. **Telañjanarāgo viyāti** dhovivāpi pariccajituṃ asakkuṇeyyo telamakkhitaañjanarāgo viya. “Assādānupassino taṇhā pavaḍḍhatī”ti vacanato vuttaṃ “**assādadassanapadaṭṭhāno**”ti. Tattha assādavasena dassanaṃ assādadassanaṃ. Nanu ca assādadassanampi atthato lobhoyevāti kathaṃ sayāṃ attano padaṭṭhānaṃ hotīti? Saccāṃ, paṭhamaṃ nātibalavalobhavasena assādadassano pacchā balavalobho hotīti tassa taṃpadaṭṭhānatā vuttā. Teneva ca “taṇhā pavaḍḍhatī”ti vuttaṃ. Apare pana “assādo nāma sukhavedanā, assādadassananti assādadiṭṭhī”ti vadanti. Sukhavedanāya vā kāraṇabhūtaṃ subhanimittaṃ assādo nāma, asubhe “subha”nti pavattā tayo vipallāsā assādadassanaṃ nāmāti keci.

Muyhantīti na bujjhanti. Dhammasabhāvassa yāthāvato adassanaṃ **cittassa andhabhāvo. Aññānaṃ** ñāṇapaṭipakkho dhammo. Tattha purimalakkhaṇaṃ sabhāvavasena vuttaṃ, itaraṃ paṭipakkhavasena. Atha vā **aññānalakkhaṇoti** kiccavasena vuttaṃ. So hi asampaṭivedharasoti vutto. Dhammasabhāvaṃ paṭivijjhitaṃ asamattatā **asampaṭivedho. Ārammaṇasabhāvachhādanarasoti** yathā aññānaṃ, mohasamaṅgipuggalo vā ārammaṇasabhāvaṃ paṭivijjhitaṃ na labhati, mohassa tathā pavatti ārammaṇasabhāvachhādanaṃ. Ettha ca ñāṇaṃ ārammaṇaṃ yathāsabhāvato jānāti, diṭṭhi yathāsabhāvaṃ vijahitvā ayāthāvato gaṇhāti, moho pana na kathaṅci vijānāti. Yadi evaṃ ārammaṇaggahaṇakālo kathaṃ tadā so ārammaṇaṃ jānātevāti? Tadāpi na jānāti. Yathā pana phassādayo phusanākārādimmattavaseneva ārammaṇaṃ gaṇhanti, na jānāvasena, evamayaṃ ārammaṇaṃ gahetvā uppajjamāno paṭicchhādanākāreneva gaṇhāti, na pana jānānākārenāti. Yassa uppajjati, tassa andhakaraṇaṃ andhakāro, tathā paccupaṭṭhāti, taṃ vā paccupaṭṭhāpetīti **andhakārapaccupaṭṭhāno**.

Micchā passantīti dhammasabhāvassa viparītavasena aniccādiṃ niccādivasena passantīti. **Ayoniso abhiniveso** uppathābhīniveso. Dhammasabhāvaṃ atikkamitvā parato niccādito vā parappaccayato vā āmasanaṃ **parāmāso**, viparītaggāhavasena “idameva saccāṃ, moghamañña”nti abhinivesanaṃ **micchābhīniveso. Ariyānaṃ adassanakāmatādīti ādi**-saddena saddhammasotukāmatādīṃ saṅgaṇhāti.

Yassa dhammassa vasena uddhataṃ hoti cittaṃ, taṃsampayuttadhammā vā, so dhammo uddhaccaṃ. Tenāha “**uddhatabhāvo**”ti. **Avūpasamoti** asannisinnabhāvo. **Vātā...pe... paṭākā viyāti** yathā paṭākā yottabalena dhajayaṭṭhiṃ amuñcantīpi vātābhighātena ettha avatṭhātuṃ na sakkotī, evamidampi adhimokkhabalena ārammaṇaṃ amuñcantampi ayonisomanasikārabalena ārammaṇe acalaṃ avatṭhātuṃ na sakkotīti vātappahāreneva caladhajapaṭākā viya anavaṭṭhānakiccaṃ. **Bhantattam** paribbhamanākāro. Uddhaccassa sabbākusalasādhāraṇatā, aññesaṅca akusalasādhāraṇānaṃ viṣuṃ padaṭṭhānassa labbhamānatā vuttaṃ “**ayoniso...pe... padaṭṭhāna**”nti. Yenākārena vā manasikaroto uddhaccaṃ uppajjati, tenākārena manasikaraṇaṃ idha **ayonisomanasikāro**. Atha vā uddhaccanimittassa ārammaṇassa manasikaraṇaṃ idha **ayonisomanasikāro**.

Maññatīti abhimaññati, ahaṃkāraṃ karotīti attho. Seyyādivasena uccato namanāṃ **uṇṇati. Sampaggaharasoti** uṇṇativaseneva attano, sampayuttadhammānaṃ vā sampaggaṇhanakicco, na vīriyaṃ viya taṃtaṃkiccāsādhanaṃ. Abhibhussahanavasena hīnassa attānaṃ nīcaṃ katvā gahaṇampi paggaṇhanavasenevāti veditabbaṃ. **Ketu...pe... paccupaṭṭhānoti** ettha ketu vuccati accuggatadhajo, idha pana ketu viyāti ketu, uḷāratamādibhāvo, taṃ ketubhāvasaṅkhātaṃ ketuṃ kamyatīti ketukamyāṃ, yassa dhammassa vasena taṃ ketukamyāṃ, so **ketukamyatā**. “Aha”nti pavattanato mānassa diṭṭhisadisī pavattatīti diṭṭhimānā ekacittuppāde na pavattanti, dve kesarasīhā viya ekaguhāyaṃ, tasmā māno diṭṭhivippayuttacitte sabbadā anuppajjamānopi diṭṭhisampayuttacitte niyamena anuppajjanato **diṭṭhivippayuttalobhapadaṭṭhāno**. Māno dhammasamūhaggahaṇe balavaṃ hutvā attukkamaṇasabhāvena pavattati, diṭṭhi ekekadhammampi niccādiākārena gaṇhantī pavattati. Attasinehasannissayo vā māno, attakilamathānuyogasannissayā diṭṭhīti ayametesāṃ viṣeso.

Issatīti usūyati. **Tatthevāti** parasampattīsuyeva. Issāvasena parasampattīsu atussanato vuttaṃ “**anabhiratirasā**”ti. Tenevetam vuccati –

“Issānalasikhā yesaṃ, hadaye jalatīdha te;
Neva vindanti pāmojjaṃ, sambuddhādīhi sevita”nti.

Maccharayogena maccharini pavattaṃ macchara-saddaṃ gahetvā āha “**maccharabhāvo macchariya**”nti. Niruttinayena pana “mā idaṃ acchariyaṃ aññesaṃ hotu, mayhaṃva hotū”ti macchariyanti porāṇā. **Niguhaṇaṃ**

attano sampattiyā paresaṃ adassanaṃ. **Saṅkocanaṃ** attasampattīnaṃ parehi sādharmaṇabhāvakaraṇassa aruccanākārena paṭikuṭanaṃ. “Mā idaṃ parassa hotū”ti paresu paṭihananasena attasantakassa ārammaṇakaraṇato maccheraṃ paṭighacittesveva labbhatīti vadanti, taṃ na yuttaṃ ekasseva dhammassa aññattha paṭihaññitvā aññārammaṇabhāvappasaṅgato. Parehi sādharmaṇabhāve paṭihananasena pana taṃ ārabha pavattanato maccheraṃ paṭighacittesu uppajjati yuttaṃ. **Attasampattīti** āvāsādisampatti.

Kucchitaṃ katanti ettha katampi akatampi garahitabbatā kucchitaṃ kataṃ nāma hoti. Evañhi vattāro honti “yaṃ mayā na kataṃ, taṃ kukata”nti. Tathā hi vakkhati “katākatānusocanarasa”nti. Evaṃ katākataṃ duccharitaṃ sucaritampi kucchitaṃ kataṃ nāma. Sucaritampi hi garahantassa kucchitaṃ katanti hoti. Yathā pana pathavīkasiṇārammaṇaṃ jhānaṃ pathavīkasiṇaṃ, evaṃ kukataṃ ārabha vipaṭisāravasena pavattaṃ cittaṃ taṃsahacaritāya idha kukatanti gahetabbaṃ. Atha vā katākataṃ ārabha uppajjanakavipaṭisāracittamaṃ yeva garahitabbato “kucchitaṃ kataṃ kukata”nti vuccati. Yassa dhammassa vasena taṃ cittaṃ kukataṃ nāma hoti, so dhammo kukuccaṃ. Tenāha “**kukataṃ, tassa bhāvo**”ti. Pacchā anutappaṇaṃ vihetṭhanaṃ **pacchānutāpo**. **Katākatānusocanaṃ** katākatassa sucaritaduccharitassa anusocanaṃ, “akatamaṃ vata me kalyāṇa”ntiādinā anutappaṇaṃ, “akatamaṃ mayā pubbe kalyāṇakammaṃ, ito dāni paṭṭhāya karomī”ti pavattaṃ pana kusalapakkhikaṃ vīriyameva, na katākatānusocanaṃ, katākatākāraṇavisaṭṭhassa sucaritaduccharitassa anusocanavasena virūpaṃ paṭisaraṇaṃ **vipaṭisāro**. Katākatānusocanañhi avaḍḍhisampādanato virūpaṃ paṭisaraṇaṃ, taṃ parāyattatāhetutāya dāsabyaṃ viya daṭṭhabbaṃ. Yathā hi dāsabye sati dāso parāyatto hoti, evaṃ kukucce sati taṃsamaṅgīpuggalo. Na hi so attano dhammatāya kusale pavattitumaṃ sakkoti. Atha vā katākatakusalākusalānusocanavasena āyattatāya tadubhayavasena kukkucena taṃsamaṅgī hotīti taṃ dāsabyaṃ viya hoti.

Anussāhanāvasādanavasena saṃhatabhāvo thinamaṃ, tena yogato cittaṃ thinamaṃ, tassa bhāvo **thinatā**. Tenāha “anussāhasaṃhananātā”ti. Asamatthātvighātavasena akammaññatā **middhaṃ**. Tenāha “asattivighāto”ti. Yasmā middhavaseneva tena sampayuttadhammā medhitā vihatasāmatthiyā honti, tasmā “**middhatā middha**”nti vuttaṃ. Na vijjati ussāho assāti anussāhaṃ, tabbhāvopi anussāhaṃ. Anussāhasaṅkhāto saṃhananabhāvo **anussāhasaṃsīdanatā**, kusītabhāvoti vuttaṃ hoti. **Asattivighātoti** yasmā taṃ middhaṃ uppajjamānameva sattivināsavasena uppajjati, tasmā natthi etassa sattīti taṃ sampayuttacittaṃ asattī, tassa bhāvopi, asattiyeva vighātoti asattivighāto.

Anussāhanalakkhaṇanti ussāhapaṭipakkhalakkhaṇaṃ. Vīriyassa vinodanaṃ khepanaṃ **vīriyavinodanaṃ**. Sampayuttadhammānaṃ saṃsīdanākārena paccupaṭṭhāti, tesamaṃ vā saṃsīdanaṃ paccupaṭṭhāpetīti **saṃsīdanapaccupaṭṭhānaṃ**. **Akammaññatālakkaṇanti** ettha kāmaṃ thinampi akammaññatāsabhāvameva, taṃ pana cittassa akammaññaṃ, middhaṃ vedanādikkhandhattayassāti ayamettha viseso. Tathā hi pāliyaṃ “tattha katamaṃ thinamaṃ? Yā cittassa akallatā akammaññatā. Katamaṃ middhaṃ? Yā kāyassa akallatā akammaññatā”ti (dha. sa. 1162) ca ādinā imesaṃ niddeso pavatto. **Oṇahanaṃ** viññānavārānaṃ pidhanaṃ, sampayuttānaṃ bandhanaṃ vā. **Līnatā** līnākāro, ārammaṇaggahaṇe saṅkoco. Yasmā thinena cittasseva saṃhananaṃ hoti, middhena pana vedanādikkhandhattayassa viya rūpakāyassapi, tasmā taṃ pacalāyikānidamaṃ paccupaṭṭhāpetīti pacalāyikānidāpaccupaṭṭhānantipi vaṭṭati. Pottharūpapaṭicchādakapaṭo viya ārammaṇasabhāvāvacchādako moho. Mukhe bandhapaṭo viya sampayuttadhamme pattharitumaṃ adentaṃ middhanti ayametesamaṃ viseso.

Sesāti idha lakkhaṇādivasena vuttāvasesā phassādayo. **Kusalesu vuttanayenāti** lakkhaṇādito vuttanayena. Na koci ettha viseso atthīti ce, no natthīti āha “**ettha panā**”tiādi, vitakkādīnaṃ tiṇṇaṃ yathākkamaṃ micchāsāṅkappādināmatameva visesoti attho. **Ekūnavīsattīti** ṭhapetvā mānādayo cha aniyatavevāpanake sesā sarūpenāgatā pannarasa chandādayo ca cattāro niyatavevāpanakāti ime ekena ūnā vīsati cetasiḷā. Aniyatavevāpanakānaṃ pana idha alabhantānampi ettha vacane kāraṇaṃ vuttameva.

Thinamiddhassa aniyatabhāvoti thinamiddhassa aniyatassa idha uppajjanakabhāvamaṃ, na pana paṭhame niyatabhāvaṃ tattha sabbasova anuppajjanato. Na hi sabhāvatikhiṇaṃ cittaṃ thinamiddhayogī hotīti. Tatiye mānassa aniyatassa sambhavepi niyatadhamme sandhāya “**aṭṭhārasā**”ti vuttaṃ. Tenāha “**māno panettha aniyato**”ti. **Diṭṭhiyā saha na uppajjati** ettha kāraṇaṃ vuttameva. Catutthe **avasesāti** aṭṭhāraseva, pañcame ṭhapetvā pītiṃ diṭṭhiyā saha aṭṭhāraseva, tathā chaṭṭhepi. Sattame pītiyā, diṭṭhiyā ca abhāvato sattarasa, tathā aṭṭhamepi.

Etepi tayoti na kevalamaṃ karuṇāmuditā eva, etepi tayo ekato na uppajjanti aññamaññaṃ visayabhedatoyeva. Tathā hi issā parasampattivisayā, macchariyaṃ attasampattiyā parehi sādharmaṇabhāvavisayaṃ, kukkucamaṃ katākatavisayanti, tasmā yaṃ abhayagirivāsino vadanti “issāmaccheraṃ yadicchāvasena ekatopi uppajjati”ti, na taṃ gahetabbaṃ.

Sabhāvato, parikkappanato vā anīṭṭhassa ārammaṇassa anīṭṭhākāraṃ vā ārammaṇassa anubhavanaṃ sambhuñjanaṃ anīṭṭhārammaṇānubhavanaṃ, taṃ lakkhaṇamaṃsāti **anīṭṭhārammaṇānubhavanalakkhaṇaṃ**. Tenāha “**anīṭṭhākārasambhogarasa**”nti, yathābhūtena vā ayathābhūtena vā anīṭṭhākārena ārammaṇassa sambhuñjanarasaṃ,

paccānubhavanakiccanti attho. Titthiyādīnañhi sabhāvato iṭṭhe buddhādīrammaṇepi anīṭṭhākārato gahaṇavasena domanassaṃ uppajjati. Domanassassa ekantena kāmadhātuyamyeva pavattanato āha “**hadayavatthupadaṭṭhāna**”nti. Tassa hi anīvaraṇāvattthāya abhāvato rūpārūpadhātuyam asambhavo.

Attano pavattiākāravasena anīṭṭharūpasamuṭṭhāpanavasena vā virūpaṃ sappanaṃ visappanaṃ, anīṭṭharūpasamuṭṭhāpanavaseneva vā visappanaṃ sarīrakampanaṃ, taṃ raso kiccaṃ, sampatti vā assāti **visappanaraso**, nissayassa hadayavatthuno, sakalasseva vā kāyassa vijjhatabhāvāpādanato āha “**attano nissayadaharaso vā**”ti, **vijjhatabhāvāpādanatoti** ca milātabhāvāpādanatoti attho. Yathā kathaṃ viyāti āha “**dāvaggi viyā**”ti. So hi vanaghaṭṭeyeva uppanno tameva dahati. **Dussanapaccupaṭṭhānoti** attano, parassa ca dūsanākārena paccupaṭṭhāno. So hi yassa santāne uppanno, taṃ ekantena antamaso virūpabhāvāpādanenepi dūseti, paraṃ pana dūsetu vā, mā vā hatthena gahitaasuci viya. “Anatthaṃ me acar”tiādīni nava āghātavatthūni padaṭṭhānamassāti **āghātavatthupadaṭṭhāno**. So upayogaphalakālesu anīṭṭhattā visasaṃsaṭṭhapūtimuttaṃ viya daṭṭhabbo. **Aṭṭhārasa vāti** issādīsu aniyatesu ekena saddhiṃ aṭṭhārasa vā.

Pavattiṭṭhitimattāti cetaso pavattisaṅkhātā ṭhitimattā, maggaṅgādibhāvaṃ na gacchati adhimokkhavirahatoti attho. Atha vā **pavattiṭṭhitimattāti** khaṇaṭṭhitimattā. “Nivāte dīpaccaṇaṃ ṭhiti viyā”ti hi vuttaṃ. Cittaṭṭhiti viya santānaṭṭhitiyā paccayo bhavituṃ asamattattā nicchayābhāvena asaṅghahanato cetaso pavattipaccayamattatāya pavattiṭṭhitimattā khaṇaṭṭhitimattā pavattipaccayamattā ṭhiti pavattiṭṭhitī katvā. **Vigatā cikicchāti** nissakke paccattavacanaṃ “pisuṇā vācā paṭivirato”tiādīsu viya, vigatā tikicchāyāti attho. Ayameva vā pāṭho. “Vigatā cikicchā”ti cikicchituṃ dukkaratāya cetam vuttaṃ, na sabbathā cikicchāya abhāvato. “Evaṃ nu kho, na nu kho”tiādīni saṃsappanavasena seti, samantato vā setīti **saṃsayo**. **Kampanarasāti** cittassa kampanakiccā. Uddhaccañhi attanā gahitākāreyeva ṭhatvā bhamaṭīti ekārammaṇasmim eva vipphandanavasena pavattati, vicikicchā pana yadipi ekasmim ārammaṇe uppajjati, tathāpi “evaṃ nu kho, na nu kho”ti aññaṃ gahetabbākāraṃ apekkhatīti nānārammaṇe kampanaṃ hoti. Anicchayākārena dvelhakākārena paccupaṭṭhāti, anicchayaṃ vā paccupaṭṭhāpetīti **anicchayapaccupaṭṭhānā**.

Adhimokkhavicikicchānaṃ aññaṃaññaṃ viparītakiccatāya āha “**vicikicchāya abhāvenā**”ti. **Samādhīti** cītekkaggatā. Sā hi ārammaṇe cittassa sammā ādhānato “samādhī”ti vuccati. **Balavā hotīti** balavamittena dinnapiṭṭhibalo puriso viya balavā hoti, balādībhāvaṃ gacchatīti adhippāyo.

Sattārammaṇattāti sattapaññattārammaṇattā. Nanu paññattārammaṇāpi vipākā hontīti codanaṃ sandhāyāha “**kāmāvacaravipākānaṃ ekantaparittārammaṇattā**”ti. Kuto pana viratīnaṃ kusallatamevāti cāritanti āha “**pañca sikkhāpadā kusalāti** (vibha. 715) **hi vutta**”nti. Yadi evaṃ lokuttaravipākesu viratiyo na labbhanti? No na labbhanti sikkhāpadavibhaṅge lokiyaviratiyo yeva sandhāya vuttattā. Tena lokiyavipākesuyeva viratiyo na sambhavantīti gahetabbam.

Kāyapasādasannissittatā kāye bhavo sātabhāvo lakkhaṇamassāti **kāyikasātalakkhaṇā**. Cetasikasukhe vuttanayena paccupaṭṭhānādayo netabbāti āha “**sesā vuttanayā evā**”ti.

84-6. Nanu ca iṭṭhe ārammaṇe sukhavedanā uppajjati, anīṭṭhe dukkhavedanā, iṭṭhānīṭṭhamajjhatte upekkhāvedanā, cakkhuviññādayo ca kuslavipākā iṭṭhe, iṭṭhamajjhatte vā ārammaṇe uppajjanti, tattha yutto tāva iṭṭhamajjhatte upekkhāvedanāyogo, na pana iṭṭhārammaṇe, na cāpi etaṃ sakkā vattuṃ parikkappaṇavasena iṭṭhārammaṇampi iṭṭhamajjhattato gaṇhanti yathā “kammaviññāṇa”nti vipākānaṃ avañcanīyabhāvato, tasmā kathaṃ iṭṭhe, iṭṭhamajjhatte ca uppajjamānesu cakkhusotaghāṇajivhāviññāṇesu upekkhāvedanāyeva sambhavati, na sukhavedanā, yato tesu upekkhāvedanā vuttāti imaṃ codanaṃ saṅkhepato dassetuṃ “**iṭṭhārammaṇayogasmī**”ntiādīm vatvā puna tassā sodhanatthaṃ “**upādāya ca rūpenā**”tiādī vuttaṃ. Bhūtarūpaṃ upādāya nissāya pavattaṃ rūpaṃ upādāyarūpaṃ. “**Upādāya ca rūpenā**”ti pana “manasī ca kāro”ti ettha vuttanayameva. “**Upādāyakarūpenā**”ti vā pāṭho, cakkhuviññāṇassa vatthubhūtena cakkhupasādena, tathā sotaviññāṇādīnaṃ vatthubhūtena sotapasādādīnā ca upādāyarūpenāti attho. **Upādārūpake panāti** ya-kāralopaṃ katvā niddeso “paṭisaṅkhā yoniso”tiādīsu viya, yathākkamaṃ cakkhuviññāṇādīnaṃ ārammaṇabhūte rūpasaddārike upādāyarūpeti attho. **Samghaṭṭanānighamsassāti** samghaṭṭanāsaṅkhātassa nighamsassa. Samghaṭṭanāyeva aññaṃaññaṃavisayavisayābhāvassa anurūpadessuppattisaṅkhātānighaṃso viyāti nighamsoti vuccati. Atha vā sampattāsampattaggahaṇavasena samghaṭṭanāya nighamsassa cāti attho. Cakkhurūpasotasaddā hi aññaṃaññaṃ asampattāyeva anurūpadessuppattiyā aññaṃaññaṃ ghaṭṭanti nāma. Tato tesam vasena ghaṭṭanākārabhūto aññaṃaññaṃbhīmukhabhāvo “samghaṭṭanā”ti vutto. Ghānagandhā, pana jivhārasā ca aññaṃaññaṃ sampattāyeva āsannataradese uppannā aññaṃaññaṃ nighamsenti āhacca tiṭṭhanti. Tato tesam vasena nighaṃso vuttoti. **Dubbalattāti** adhikaraṇimattake picupiṇḍakaṃ ṭhapetvā picupiṇḍeneva pahatakāle viya phuṭṭhamattabhāvena dubbalattā. **Dīpayeti** evaṃ samghaṭṭanānighamsassa dubbalattā vedanā majjhattatṭhāne tiṭṭhatīti upekkhāyogaṃ pakāseyya. Yadi evaṃ kāyaviññāṇepi idaṃ samānanti, notī āha

“**pasādaṃ paṇā**”tiādi. Yathā hi adhikaraṇīmatthake kappāsapicupiṇḍaṃ ṭhapetvā kūṭena paharantassa kūṭaṃ picupiṇḍamatikkamma adhikaraṇiṃ gaṇhāti, evamevaṃ kāyadvāre bahiddhā mahābhūtārammaṇaṃ ajjhattakakāyapasādaṃ ghaṭṭetvā taṃ atikkamma pasādapaccayesu mahābhūtesu paṭihaññāti, nighaṃso balavā hoti, tasmā iṭṭhārammaṇe kāyaviññāsaṃpayuttā sukhavedanā hoti, aniṭṭhārammaṇe pana vuttanayena dukkhavedanāti vuttaṃ hoti.

Manodhātunāti ettha kiñcāpi dhātu-saddo idha itthilingeyeva dissati, imināyeva pana ācariyassa vacanena pulliṅgo atthīti siddhaṃ. Keci pana “sakkāṭavohārena vutta”nti vadanti. Sampayuttā dasa dhammāti sambandho. **Tasmāvetthāti** ettha va-kāro padasandhimattakaro.

Kāyaviññāṇe dukkhavedanāti kiñcāpi sukhādikanti ādi-saddena akusalavipākakāyaviññāṇassa dukkhavedanāsampayogo vutto, idha panassā lakkhaṇādidassanattaṃ puna “kāyaviññāṇe dukkhavedanā”ti upaṇñāso kato, rasādayo panassa kuslavipāke sukhavedanāya vuttavipariyāyena yojetabbāti idha na vuttā. **Sesāti** sesacetasiḱā.

Balappattoti sesāhetukacittasampayuttasamādhito ayaṃ vīriyindriyayogena balavabhāvappatto, na pana balarāsippattoti attho. Yadi evaṃ kasmā cetasiḱavibhāganiddese “balāni dve dvicittesū”ti vuttaṃ? Tattha hi kiriyāhetukamanoviññāyugaḷaṃ sandhāya tathā vuttaṃ. Sabbaṃ sesāhetukacittesu cittekaggaṭāya vibhaṅge –

“Katamā tasmim̐ samaye cittassa ekaggaṭā hoti? Yā tasmim̐ samaye cittassa ṭhiti”ti (dha. sa. 11) –

Ettakameva vatvā kiriyāhetukamanoviññādhātusampayuttāya ekaggaṭāya vibhaṅge –

“Katamā tasmim̐ samaye cittassa ekaggaṭā hoti? Yā tasmim̐ samaye cittassa ṭhiti saṅṭhiti avatṭhiti avisāhāro avikkhepo avisāhaṭamānasatā samatho samādhindriyaṃ samādhibala”nti (dha. sa. 11) –

Balapariyosānaṃ katvā vibhajitattā vīriyavibhaṅge ca –

“Katamaṃ tasmim̐ samaye vīriyindriyaṃ hoti? Yo tasmim̐ samaye cetasiḱo vīriyārambho nikkamo parakkamo uyyāmo vāyāmo ussāho ussoḷhī thāmo dhiti asithilaparakkamatā anikkhittachandatā anikkhittadhuratā dhurasampaggāho vīriyaṃ vīriyindriyaṃ vīriyabala”nti (dha. sa. 13) –

Balapariyosānaṃ katvā vibhajitattā vibhaṅgavāre āgataṃ samādhibalaṃ, vīriyabalaṅca sandhāya “balāni dve dvicittesū”ti vuttaṃ, na pana dhammuddeṣavāre balarāsīyaṃ āgatabalaṃ sandhāya sabbāhetukacittesu dhammuddeṣassa maggarāsito paṭṭhāya parihīnatā.

87. Vipākakiriyāhadayehīti vipākakiriyacittehi. Hodayaṃ mano mānaṃ cittanti hi pariyaṅgavacanaṃ. Sobhanaṃ gataṃ gamanamassāti sugato. Bhagavato hi vineyyajanūpasankamaṇaṃ ekantena tesam̐ hitasukhanipphādanato sobhanaṃ, tathā lakkhaṇānubyañjanapaṭimaṇḍitarūpakāyātāya dhutavilambitādidosaṛahitaṃ avahasitarājahaṃsavasabhavāraṇamīgarājagamaṇaṃ kāyagamaṇaṃ, ñāṇagamaṇaṅca nimmalavipulakaruṇāsativīriyādiguṇavisesasamaṅgībhūtamaḥbhīhārato yāva mahābodhiṃ anavajjatāya sobhānamevāti. Atha vā sakalampi lokaṃ pariññābhisamayavasena sayambhuññaṇa pariṅgānto sammā gato avagatoti sugato, tathā lokasamudayaṃ pahānābhisamayavasena pajahanto anuppattidhammataṃ āpādentō sammā gato atṭhoti sugato, lokanīrodhasaṅkhātāṃ nibbānaṃ sacchikiriyābhisamayavasena sammā gato adhigatoti sugato, lokanīrodhagāminipaṭipadāsāṅkhātāṃ maggaṃ bhāvanābhisamayavasena sammā gato pattoti sugato. Atha vā sammā gadatīti sugato. Bhagavā hi bhūtaṃ tacchaṃ atthasamhitaṃ vineyyānaṃ yathārahaṃ kālayuttameva dhammaṃ bhāsati, tasmā sammā gadatīti da-kārassa ta-kāraṃ katvā “sugato”ti vutto. Atha vā sundaraṃ ṭhānaṃ sammāsambodhiṃ, nibbānameva vā gatoti sugato, tena **sugatena**.

88. “Avagacchati”tiādīsu yo bhikkhu **anūnaṃ** atthato vā byañjanato vā anūnaṃ suparipuṇṇaṃ tatoyeva **paramaṃ** viṭṭhaṃ **imaṃ** abhidhammāvātāraṃ nāma pakaraṇaṃ **avagacchati** avabujjhāti, sammāuggahaṇadhāraṇādisampādanavasena ogāhitvā jānāti. Atha vā paramanayadīpanato **paramaṃ imaṃ** pakaraṇaṃ yo anūnaṃ katvā **avagacchati** jānāti, **tassevaṃ** avagacchato yathāsabhāvaṃ mananato **matisaṅkhātā** paññā durāsade maṃsacakkhunā paramāṇu viya lokiyaññaṇa **durāsade** durādhigantabbe adhigantaṃ dukkaratare, atigambhīraṭṭhāne ṭhapetvā sinerupabbatarājānaṃ rāhuādīhi mahākāyehipi sabbena sabbam̐ ajjhogāhitaṃ asakkuṇeyyatāya mahāsamudde viya ṭhapetvā sammāsambuddhaṃ sārīputtādīhipi mahāññaṇehi sāvakehi sabbena sabbam̐ ajjhogāhitaṃ asakkuṇeyyarūpe abhidhammanaye **vijambhate** hemantasālapanti viya pattharati, abhimukhābhīmukheyyeva dhamme pavattatīti vā attho.

Iti abhidhammatthavikāsinīyā nāma

Abhidhammāvatārasaṃvaṇṇanāya

Cetasikaniddesavaṇṇanā niṭṭhitā.

3. Tatiyo paricchedo

Cetasikavibhāganiddesavaṇṇanā

89. Nāmasāmaññatoyeva dvepaññāsāti phassādīnāmasāmaññena dvīhi adhikā paṇṇāsa honti, sampayuttadhammabhedato pana ekūnanavuticittasampayutto phasso ekūnanavutividhoti evamādinā bahuvīdhāpi hontīti attho.

Nanu ca phassādayo heṭṭhā pāḷikkamena dassitā, idha pana kasmā na tathā vuttāti? Ekekasabhāvavantānaṃ taṃtaṃsāmaññāpekkhāya ekasmiṃ ṭhāne niddisitukāmatā. Phassādayo hi manakkārāvasānā terasa kusalākusalābyākatasāmaññato ekato vuttā, majjhātādayo muditāvasānā pañcavīsati kusalābyākatasāmaññato, lobhādayo pana anottappāvasānā akusalabhāvasāmaññatoti evaṃ taṃtaṃsāmaññāpekkhāya samānasabhāvā dhammā ekato vuttāti.

90. Evaṃ phassādayo dhamme uddisitvā idāni “ettakesu ayaṃ dhammo samupalabbhatī”ti cittuppādesu tesāṃ payogaṃ dassetuṃ paṭhamāṃ tāva cittaṅgaṇaṃ dassento āha “**catupaññāsadhā**”tiādī. **Kāmeti** kāmāvacaretī vuttāṃ hoti. Evaṃ “**rūpe arūpe**”ti etthāpi. Āsavavisayattābhāvato na vijjanti etesu āsavāti **anāsavā**.

91-2. Samāsotī vitthārāpekkhāya vuttāṃ, na itopi samāsassa abhāvato. Atisaṅkhepatō pana ekūnanavutī cittuppādā hontī. **Etesūti** imesu cittuppādesu. Tesāṃ phassādīnaṃ dhammānaṃ uppattīṃ ekekaṃ uddharitvā cittacetāsikesu bhikkhūnaṃ pāṭavathāya pavakkhāmīti sambandho. **Ekakanti** ekekaṃ, gāthābandhavasena e-kāralopo.

93. Cetasikavibhāgaṃ vattukāropi avinibbhogadhamme dassetuṃ cittena saha ekato katvā āha “**phassapañcaka**”ntī. Ekato uppādo etesanti **ekuppādā**, saha khīyantīti **sahakkhayā**, ekato uppajjitvā ekato nirujjhanakāti attho.

94. Sabbesveva ekavīsasatesu cittesu samupalabbhanato **sabbasādhāraṇā**. Kiñcāpi anantaragāthāya cittena saha ekuppādādībhāvakathaneneva imesaṃ sabbasādhāraṇatā vuttā, tattha pana ekuppādādīmattakathanameva icchitāṃ, na sabbasādhāraṇatā. Vuttopi vāyamattho tattha apākaṭattā puna pākaṭaṃ katvā idha vuttoti.

95-100. Dvipañcaviññānavajjitacattālīsakāmāvacaracittesu, lokiya lokuttaravasena ekādasasu paṭhamajjhānikacittesu cāti pañcapaññāsacittesu vitakkassa desitattā āha “**vitakko...pe... samudīrito**”ti. Vicāro pañcapaññāsavitakkacittesu ceva ekādasasu dutiyajjhānikacittesu cāti chasatṭhicittesu uppajjatīti āha “**cāro...pe... jāyate**”ti.

Ekapaññāsacittesu pīṭīti kāyaviññānavajjitesu aṭṭhārasasu somanassasahagatakāmāvacaracittesu ceva catutthapañcamajjhānavajjitattēṃsarūpajjhānikacittesu cāti ekapaññāsacittesu pīṭī jāyati. **Tesaṭṭhiyā sukhanti** ekapaññāsasappītikacittesu ceva ekādasasu catutthajjhānikacittesu, kusalavipākakāyaviññāṇe cāti tesaṭṭhiyā cittesu sukhaṃ jāyati. Tesaṭṭhisukhasahagatacittāni ceva tīṇi ca dukkhasahagatānīti chasatṭhicitte vajjetvā avasesapañcapanñāsacittesu upekkhā uppajjatīti āha “**upekkhā pañcapanñāsacittesū**”ti. **Dukkhaṃ tīsūti** dvīsū paṭighacittesu ceva akusalavipākakāyaviññāṇe cāti tīsū cittesu dukkhaṃ jāyati. **Hoti...pe... somanassindriyanti** tesaṭṭhiyā sukhahagatacittesu ekameva kāyaviññāṇaṃ apanetvā avasesesu somanassindriyaṃ hoti. Akusalavipākakāyaviññāṇavasena ekameva dukkhindriyasahagataṃ, tathā kusalavipākakāyaviññāṇameva sukkhindriyasampayuttanti āha “**dukkhindriyaṃ...pe... sukhindriya**”ntī.

Ahetukavipākakiriyāmanodhātuvajjitesu majjhimagāṇanāya pañcādhikasataparimitesu kusalākusalavipākakiriyācittesu vīriyaṃ desitanti āha “**pañcuttara...pe... āhā**”ti. Diṭṭhadhammikasamparāyikatthesu satte vineti, vīgato vā nāyako imassa, viṣiṭṭho vā sabbalokassa nāyako sāmi, viśesena vā vineyyasatte nibbānapuraṃ netīti **vināyako**. Samādhindriyaṃ vicikicchāvajjitavīriyasahagatacittesu vuttanti āha “**catuttarasate**”tiādī.

Aṭṭhārasa ahētukacittāni, dve ekahētukacittāni ca vajjetvā avasesaekuttarasate citte chando uppajjatīti dassetuṃ

“**sabbāhetukacittāni**”tiādi vuttaṃ. **Dasa viññāṇeti** kusalākusalavipākavasena dviguṇite cakkhādike pañcaviññāṇe.

102-6. Niyatā na yevāpanakā viya kadācīti attho. Kathaṃ panete ekanavutiyā cittesveva jāyantīti āha “**ahetukesū**”tiādi. **Ekūnāsītiyā**ti dvādasa ṇāṇasampayuttakāmāvacarāni, pañcadasa rūpāvacarāni, dvādasa arūpāvacarāni, samacattālīsa lokuttaracittāni evaṃ ekūnāsītiyā tihetukacittesu. **Aṭṭhavisatiyā citti**ti soḷasasu kāmāvacarakusalamahākiriyaṣu, dvādasasu ca lokiyacattutthajjhānacittesu cāti aṭṭhavisaticittesu. **Sāṭṭhake cattālīsavidheti** aṭṭhasahite cattālīsavidhe, aṭṭhacattālīsavidheti vuttaṃ hoti. **Cha yugaḷānī**ti kāyapassaddhicittapassaddhādīni cha yugaḷāni. **Kusalābyākatā cāti** kusalacittasampayogato kusalā, abyākatacittasampayogato abyākatāti **kusalenapakāsanavidhānesu** chekena satthunā **pakāsītā** desitāti attho.

108-111. Saṃsayoti vicikicchā. Sā hi saṃsetī samantato seti, “evaṃ nu kho, no nu kho”ti parisappatīti saṃsayo. Mahante sīlakkhandhādike esatī gavesatīti mahesī. Tena **mahesinā** sammāsambuddhena. **Aṭṭhasūti** aṭṭhalobhasahagacittesu. **Catūsūti** tesveva diṭṭhisahagacittesu. Diṭṭhiviyuttesu catūsūti sambandho. **Dvīsvevāti** dvīsū dosamūlakacittesu. **Dvīsū jāyanti no saḥāti** dosamūlesveva dvīsū jāyanti, saha pana na uppajjanti, usūyanakāle issā, maccharaṇakāle maccherantiādinā nānā hutvāva uppajjanti. **Pañcasūti** pañcasu sasaṅkhārikacittesu.

112. Cittassa cetasikattābhāvepi kusalākusalābyākatadhammānaṃ gaṇanaṭṭhānato “**mano**”ti cittampi vuttaṃ.

114-5. Ettāvātā cetasikavibhāgaṃ dassetvā idāni ekekasmimṃ cittuppāde labbhamānarāsīsu aṅgavibhāgadassanattaṃ “**ekūnatimsacittesu**”tiādi vuttaṃ. Nanu ca phassapañcamakarāsi sabbapaṭṭhamāṃ āgatā, sā kasmā na vuttāti? Sabbasādhāraṇabhāvato. Na hi so cittuppādo atthi, yo phassapañcamakavinimuttoti. Ekādasa paṭṭhamajjhānikāni somanassasahagatāni, dvādasa sahetukakāmāvacarāni, tathā cattāri akusalāni, sukhasantīraṇahasituppādāni dveti ekūnatimsacittesu pañcaṅgikāṃ jhānaṃ pañcakarāsisaṅkhātāṃ matāṃ. **Catu... pe... niddiseti** ekādasa dutiyajjhānikāni, kusalavipākakiriyaṣasena dvādasa upekkhāsahagatasahetukakāmāvacarāni, upekkhādomanassasahagatāni aṭṭha akusalāni, dvipañcaviññāṇavajjitaupekkhāsahagatāni cha ahelikacittāni cāti imāni sattatimsa cittāni yathāyogaṃ catūhi jhānaṅgehi yuttāni. Ettha hi ekādasa dutiyajjhānikāni vicārapītisukhasamādhīhi saḥagatāni, itarāni yathāyogaṃ upekkhādomanassesu ekekena vitakkavicārasamādhīhi catūhi sampayuttāni.

Ekādasavidhanti ekādasavidhaṃ tatiyajjhānikacittaṃ pītisukhacittakaggatāyogato **tivaṅgikamudīritāṃ. Catuttimsa...pe... mudīritanti** dvādasa arūpāvacaracittāni, dvāvīsati catutthapañcamajjhānikāni sāsavānāsavānīti catuttimsa cittāni yathāyogaṃ upekkhekaggatāyogato, sukhekaggatāyogato ca duvaṅgikamudīritāṃ. Catutthajjhānikāni hi ekādasa sukhekaggatāsahitāni, sesāni tevīsati upekkhekaggatāsahitāni.

116. Sabhāvenāvītakkesūti dutiyajjhānādayo viya bhāvanābalena vinā sabhāveneva avitakkesu dvipañcaviññāṇesu. Tesu hi vijjānānīpi sesajjhānaṅgāni vitakkavirahena upanijjhānakicesu asamattāni. Teneva hi **aṭṭhakathāyampi** “vitakkapacchimakaṅhi jhānaṅgaṃ nāmā”ti vuttaṃ. Bhāvanāya avitakkabhāvappattāni pana bhāvanābaleneva upanijjhānakicesu paṭutarā, tasmā sabhāvenāvītakkesu jhānaṅgāni na uddhareyya. “**Na uddhaṭṭā**”ti vā paṭṭho, na uddhaṭṭānīti attho.

Yadi evaṃ kasmā dvipañcaviññāṇesu sarūpeneva cittelkaggatā vuttā, nanu tassā vitakkavirahena jhānaṅgacicce asamattatāya rāsibhājanābhāvato yevāpanakavasena vacanaṃ yuttanti? Vuccate – kusalākusalesu avijjānānādhāmmassa vipākesupi anupalabbhanato jhānaṅgaciccessa akaraṇepi kusalākusalesu desitanīyāmeneva sarūpena idhāpi vuttā. Hotu tāva etaṃ, jhānarāsīyaṃ vedanā kasmā vuttā. Sā hi sabbacittasādhāraṇabhāvato phassapañcakarāsīmhi ceva, upekkhādiindriyabhāvato indriyarāsīmhiyeva vattabbā, na itarattha tadabhāvato? Saccāṃ, vedanā pana sabbavedanānaṃ sāmāññasabhāvena phassapañcake āgatavedanā ca aparena visesavacanena tattha niddiṭṭhā, na tattha antokaraṇattaṃ. Teneva hi **dhammasaṅgaṇīyaṃ** dvipañcaviññāṇesu saṅgahavāre jhānaṅgarāsi na uddhaṭṭāti rūpadhātuyaṃ tiṇṇaṃ mahābhūtānaṃ appaṭiḡhabhāvepi kāmādhātuyaṃ sappaṭiḡhamahābhūtehi samānabhāvato tatthāpi sappaṭiḡhabhāvo viya dvipañcaviññāṇesu vedanācittelkaggatānaṃ vitakkaviyogena jhānakicākarāṇepi savitakkacittesu jhānacittasamaṅgīvedanādīhi samānattā jhānaṅgabhāvena vacanaṃ nāma yuttaṃ. Teneva ca **nāmarūpasamāse** “phassapañcakarāsījhānadukarāsīindriyattikarāsī”ti vuttanti. Atha vā kiṃ eṭāya yutticintāya, dhammasabhāvavedinā tathāgatena dhammasabhāvaṃ avirajjhītvā desitanti na ettha anuyogo kātabboti. Ahelikacittānaṃ ārammaṇe suppaṭiḡhitatābhāvena anīyānikattā vuttaṃ “**sabbā...pe... na uddhare**”ti. Vuttañhetāṃ **aṭṭhakathāyampi** “hetupacchimako maggo”ti.

117. Tīpi soḷasacittesūti pannarasasu ahelikavipākacittesu ceva kiriyāmanodhātumhi cāti soḷasasu cittesu. Manindriyaṃ jīvitindriyaṃ vedanindriyesu labbhamānamekanti **tīpindriyāni honti**. Imesupi kusalavipākakāyaviññānādhātuyaṃ manindriyasukhindriyājīvitindriyavasena tīpindriyāni,

akusalavipākakāyaviññādhātuyam dukkhindriyena saha tñi, sukhasantīraṇe somanassindriyena saha tñi, avasesaterasacittesu upekkhindriyena saha tñi. Ettha cittanti sasampayuttadhammassa cittuppādassa adhippetattā manindriyassāpi ādhārabhāvo yujjeyya. Itarathā hi manindriyanti cittasseva gahaṇe tassa attano ca ādhārabhāvo na yujjatīti. **Ekasmim pana cattārīti** ekasmim vicikicchāsahagata vīriyindriyamanindriyajīvitindriyaupekkhindriyavasena cattārī. **Pañca terasasūti** t̥hapetvā vicikicchāsahagatam avasesāni ekādasa akusalacittāni, kiriyāhetukamanoviññādhātudvayanti terasasu cittesu vīriyindriyādāni tñi, samādhindriyam, vedanindriyesu labbhamānam ekanti pañcindriyāni. Ettha hi dvīsu dosamūlesu vīriyindriyasamādhindriyamanindriyajīvitindriyadomanassindriyavasena pañca, pañcasu somanassasahagatesu purimāni cattārī somanassindriyena saddhim pañca, sesesu upekkhindriyena saddhim pañca honti.

118. Satta dvādasacittesūti dvādasasu nāṇavippayuttacittesu saddhāsatisamādhivīriyajīvitamanindriyāni ca vedanindriyesu labbhamānamekanti satta indriyāni. Tattha hi chasu somanassasahagatesu saddhindriyādāni cha somanassindriyena saddhim satta, itaresu chasu upekkhindriyena saddhim satta honti. **Ekenūnesu...pe... manesu cāti** dvādasu nāṇasampayuttāni kāmāvacarāni, sattavīsati lokiyajjhānacittāni cāti ekūnacattālīsavidhesu lokiyacittesu purimāni satta, paññindriyācāti aṭṭheva indriyāni. Ettha hi somanassasahagatesu chasu kāmāvacaresu, dvādasasu rūpāvacaracattakajjhānesu cāti aṭṭhārasacittesu somanassindriyena, sesesu ca upekkhindriyena saddhim yojetvā aṭṭhindriyāni veditabbāni.

119. Cattālīsāya cittesu navakanti samacattālīsavidhesu lokuttaracittesu purimāni aṭṭhindriyāni, anaññātaññassāmītindriyam aññindriyam aññātāvindriyanti imesu labbhamānamekanti indriyānam navakā. Soṭāpattimaggesu hi anaññātaññassāmītindriyam labbhati. Soṭāpattiphalato paṭṭhāya arahattamaggapariyosānesu tam na labbhati. Tassa thāne aññindriyam. Arahattaphale tampi na labbhati. Tassa thāne aññātāvindriyam tiṭṭhatīti. **Evanti** chahi indriyehi sampayuttassa abhāvato katthaci tñi, katthaci cattārī, katthaci pañca, katthaci satta, katthaci aṭṭha, katthaci navindriyānti evam chahi ākārehi **indriyayogopi**, na kevalam jhānaṅgayogova, atha kho indriyehi saha cittuppādānam sampayogopi veditabboti.

120-3. Idāni maggaṅgasampayogaṃ dassento paṭhamam tava yesu cittesu maggaṅgāni na labbhanti, tāni dassetvā pacchā maggaṅgayogacittuppāde dassetum **“amaggaṅgāni”**tiādimāha. **Etthāti** etasmim ekavīsasatappabhede cittasmim, imasmim maggaṅgādhikāre vā. **Viññānesu dvipañcasūti** sabhāvāvitakkesu cakkhādīsu dvipañcaviññānesu. Kiñcāpi heṭṭhā dvipañcaviññānesu jhānaṅgābhāvo, ahetukesu ca maggaṅgābhāvo vuttova, ajjhānaṅgāni pana tattha adhikārasena vuttāni, idha pasaṅgāgatavasena. Amaggaṅgāni tattha pasaṅgāgatavasena, idha adhikārasenāni na koci punaruttidoso.

Ekanti vicikicchāsampayuttam cittaṃ. Tañhi micchāsaṅkappamicchāvāyāmayogato dve maggaṅgāni etthāti **dumaggaṅgam**. **Timaggaṅgāni sattasūti** cattārī diṭṭhivippayuttāni, dve dosamūlāni, uddhaccasahagatacittanti sattasu micchāsaṅkappamicchāvāyāmamicchāsamādhivyogato timaggaṅgāni. **Cattālīsā...pe... caturaṅgikoti** dvādasu nāṇavippayuttāni, cattārī diṭṭhisampayuttāni, paṭhamajjhānikavajjāni catuvīsati mahaggatacittānti cattālīsacittesu yo maggo labbhati, so yathāyogaṃ sammāsaṅkappasammāvāyāmasammāsatisammāsamādhivyogato, micchādiṭṭhimicchāsaṅkappamicchāvāyāmamicchāsamādhivyogato, sammādiṭṭhisammāvāyāmasammāsatisammāsamādhivyogato ca caturaṅgiko mato. Tattha nāṇavippayuttasu dvādasasu paṭhamāni cattārī, diṭṭhisampayuttasu majjhimāni, sesesu pacchimāni labbhanti.

Pañcaddasasu...pe... pañcaṅgikoti dvādasasu nāṇasampayuttakāmāvacaresu ceva tīsu lokiyapaṭhamajjhānikesu cāti pannarasasu cittesu sammādiṭṭhisammāsaṅkappasammāvāyāmasammāsatisammāsamādhivasena pañcaṅgiko maggo. Nanu ca sammāvācādayo kāmāvacaresu labbhanti? Saccam labbhanti, pāṭhe pana anāgatattā idha pariccattāti. **Dvattimsacittesūti** paṭhamajjhānikavajjesu dvattimsalokuttaracittesu. **Sattaṅgikoti** avitakkattā sammāsaṅkappo na labhatīti tam pariccajivā avasesasattamaggaṅgavasena sattaṅgiko vutto.

Yattha pana sammāsaṅkappo labbhati, tattha tena saha aṭṭhaṅgikoti āha **“maggo aṭṭhasū”**tiādi. Tattha **aṭṭhasū cittesūti** paṭhamajjhānikesu aṭṭhasū lokuttaracittesu. **Evanti** chahi maggaṅgehi sampayuttassa abhāvato katthaci dve maggaṅgāni, katthaci tñi, katthaci cattārī, katthaci pañca, katthaci satta, katthaci aṭṭhāti evam chahi pakārehi.

124-6. Idāni balasampayogaṃ dassento āha **“balāni dve”**tiādi. Tattha vīriyabalasamādhibalavasena dve balāni kiriyāhetukamanoviññādhātudvaye vibhaṅgavāre āgatāni vīriyabalasamādhibalāni paccekam labbhanti **“dve dvicittesū”**ti vuttam. **Ekasmim tñi** ekasmim vicikicchāsahagata vīriyabalaahirikabalaanottappabalavasena tñi balāni. **Ekādadasu cattārīti** vicikicchāsahagatavajjesu ekādadasu akusalacittesu samādhibalañceva pubbe vuttāni tñi cattāribalāni. **Cha dvādasasūti** dvādasasu nāṇavippayuttacittesu saddhāvīriyasatisamādhihiriottappavasena cha balāni.

Ekūnāsītiyā sattāti dvādasasu ñāṇasampayuttakāmāvacaracittesu ceva sattavīsati mahaggatacittesu ca cattālīsāya lokuttaracittesu cāti ekūnāsīti vidhesu cittesu saddhāvīriyasatisamādhipaññāhiriottappavasena satta balāni. **Soḷasevābalānīti** pañcadasa ahētukavipākāni, kiriyāmanodhātuāvajjanañcāti soḷasa balavippayogato abalacittāni. **Evanti** pañcahi balehi sampayuttassa abhāvato katthaci dve, katthaci tīṇi, katthaci cattāri, katthaci cha, katthaci sattāti pañcahi ākārehi **sabalamaṃ**, imesu ekassāpi abhāvato abalampi ca **viññeyyamaṃ**, vijānitabbanti attho. Heturāsīdayo vinicchayabhāvato na vuttāti vedittabbaṃ. Yesu cittesu yāni jhānaṅgamaggaṅgabālindriyāni jāyantīti sambandho. Gāthābandhasukhatthaṃ indriyānaṃ osānakaraṇaṃ.

Iti abhidhammatthavikāsiniyā nāma

Abhidhammāvatārasaṃvaṇṇanāya

Cetasikavibhāganiddesavaṇṇanā niṭṭhitā.

4. Catuttho paricchedo

Ekavidhādiniddesavaṇṇanā

128-30. Vijānanasabhāvatoti ārammaṇavijānanasabhāvattā. Nanu ca heṭṭhā sārammaṇato ekavidhabhāvo vuttoti? Saccaṃ vutto, so pana cetasikānañca sādharmaṇoti idha tabbivajjanatthaṃ vijānanalakkhaṇatāva vuttā. Sañkhepaṇavasena ca sahetukānaṃ ekasattatividhatā vuttā. **Hetuvādināti** kusalākusalābyākatahetuṇaṃ byākaraṇakusalena. Atha vā “ye dhammā hetuppabhavā, tesamaṃ hetumaṃ tathāgato āhā”ti (apa. thera 1.1.286; mahāva. 60) vacanato taṃtaṃpacayuppannadhammānaṃ taṃtaṃpacayavādinā.

131-4. Savatthukāvattukatotī ekantena sabbavattunissitabhāvato ceva tadabhāvato ca. Keci pana hadaya vatthuvaseṇa savatthukāvattukataṃ vaṇṇenti, taṃ na yujjati savatthukaniddese “sabbo kāmavipāko”ti pasādanissitānaṃpi saṅgahittatā. **Ubhayavaseṇāti** savatthukāvattukavaseṇa. Kānici hi cittāni ekantena savatthukāni, kānici avatthukāneva, kānici ubhayasabhāvāni. Tathā ceva niddisati “**sabbo kāmavipāko ca**”tiādi.

Sabbo kāmavipāko cāti sahetukāhetukabhinno sabbo tevīsatividho kāmāvacaravipāko ca. **Ādimaggoti** sotāpattimaggo. So hi sabbalokuttareṇa ādito uppajjanato, aṭṭhasu ariyapuggalesu ādipuggalassa sambandhīti vā “ādimaggo”ti vuccati. **Vinā vatthuntī** sakasakavatthumaṃ vinā nuppajjanti. Teneva hetāni arūpabhava nuppajjanti tattha vatthūnaṃ abhāvato. “Nuppajjanti vinā vatthu”nti ca idaṃ antobhāvitakāraṇatthaṃ katvā vuttamaṃ. Tena yasmā vatthumaṃ vinā nuppajjanti, tasmā ekantena savatthukāti vuttamaṃ hoti.

Ekantena avatthukā arūpabhavyeva paṭisandhādivaseṇa pavattanato. Kathamaṃ pana rūpasannissayena vinā tattha arūpaṃ pavattati, kasmā na pavattati pañcavokāreti? Tathā adassanato. Yadi evamaṃ kabalīkārāhāreṇapi vinā rūpadhātuyamaṃ rūpeṇa pavattitabbaṃ, kiṃ kāraṇā? Kāmādhātuyamaṃ tathā adassanato. Api tu yassa cittasantānassa pavattikāraṇamaṃ rūpe avigatataṇhaṃ, tassa saha rūpeṇa pavattati. Yassa pana nibbattikāraṇamaṃ rūpe vigatataṇhaṃ, tassa vinā rūpeṇa pavattati kāraṇassa taṃvimukhatāyāti rūpasannissayena vinā tattha arūpaṃ pavattati. **Dvecattālīsa sesānīti** manodvārāvajjanaṃ kusalakiriyāvaseṇa soḷasa kāmāvacarāni, tatheva aṭṭha arūpāvacarāni, paṭhamamaggavajjāni satta lokuttarāni, paṭighadvayavajjitadasaakusalāni ceti dvecattālīsa vuttāvasesacittāni.

135-7. Rūpādīsū ekekameva ārammaṇamaṃ imassāti **ekekārammaṇamaṃ**. Tassa tassa ārammaṇassa āpāthagatakāle taṃtaṃvijānanavaseṇa pañcapi ārammaṇāni imassāti **pañcārammaṇamaṃ**. **Evampīti** na kevalamaṃ savatthukādivaseṇeva, atha kho ekekārammaṇāditopi. Abhiññāvajjitānaṃ sabbamahaggatānaṃpi dhammārammaṇabhāvena ekārammaṇattā āha “**sabbaṃ mahaggata**”nti. Paṇṇatārammaṇato ekārammaṇanti keci. Taṃ arūpāvacaradutiyacatutthajjhānāni patvā na yujjati tesamaṃ mahaggatārammaṇattā. Abhiññādvayassa chaḷārammaṇikabhāvena, tassa ca rūpāvacarapañcamajjhānato abhinnattā taṃ pahāya “**tecattālīsā**”ti vuttamaṃ.

141. Puññavipākakiriyato kāme dvādasāti sambandho. **Dhāti** nipātamaṃtaṃ. **Puññavipākakriyatoti** ñāṇavippayuttakusalavipākakiriyato.

143-9. Iriyāya kāyikāya kiriyāya pavattipathabhāvato **iriyāpatho**, gamanādi. Atthato tadavatthā rūpappavattī. Kāmañcetta rūpavinimutto iriyāpatho, viññattī vā natthi, tathāpi sabbaṃ rūpasamuṭṭhāpakacittamaṃ iriyāpathupatthambhakaṃ, viññattīvikāruppādanañca hoti. Yamaṃ pana cittaṃ viññattījanakaṃ, taṃ ekamaṃsato itaradvayassa janakaṃ avinābhāvato, tathā iriyāpathupatthambhakaṃ rūpassāti imassa visesassa dassanatthaṃ

“**rūpīriyāpathaviññatti-janakājanakādito**”ti iriyāpathaviññattīnaṃ viṣuṃ gahaṇaṃ. **Janakājanakādito** tiṇṇampi janakato, kassaciṇi ajanakato, dvinnaṃ ekassa ca janakato. Kānici hi cittāni rūpaṃ samuṭṭhāpentī, iriyāpathaṃ kappenti, viññattiṃ janayanti. Kānici rūpaṃ samuṭṭhāpentī, iriyāpathaṃ kappenti, viññattiṃ na janayanti. Kānici rūpameva samuṭṭhāpentī, itaradvayaṃ na karonti. Kānici tiṇi na karonteva. Tathā ceva dasseti “**dvādasākusalā**”tiādi. **Evañcāpi hi taṃ cittanti** na kevalaṃ ahētukādītova, evaṃ rūpādījanakādītopi taṃ catubbidhaṃ. “Evañcādīmihi ta”ntipi likhanti. Tassa pana ādīmihi nikkhittaṃ cittaṃ evañca catubbidhanti atthaṃ vadanti. **Tatthāti** tesu rūpajanakādīsu. **Dasa kiriyāti** manodhātuvaṃjā dasa kiriyā.

Samuṭṭhāpentī rūpānī attano uppādakkhaṇeyeva attanā janetabbarūpāni samuṭṭhāpentī. **Kappentī** sannāmenti. Yathāpavattaṃ iriyāpathaṃ upatthambhenti. Yathā hi antarantarā uppajjamānehi vīthicittehi abbokiṇṇe bhavaṅge pavattamāne aṅgāni osīdanti, pavedhantā viya honti, na evaṃ dvattiṃsavidhesu vakkhamānesu ca chabbīsatividhesu jāgaraṇacittesu pavattamānesu. Tadā pana aṅgāni upatthaddhāni yathāpavattairiyāpathabhāveṇeva pavattanti. **Janayanti ca viññattinti** manodvāre pavattā eva viññattiṃ janayanti, na pana pañcadvāre pavattāti daṭṭhabbaṃ.

Dvipañcaviññāṇānaṃ jhānaṅgayogābhāveṇa rūpājanakattā āha “**dvepañcaviññāṇā**”ti. Jhānaṅgāni hi cittena saha rūpasamuṭṭhāpakāni, tesam anubalappadāyakāni maggaṅgādīni tesu vijjamānesu savisesaṃ rūpappavattidassanato. Arūpavipākā pana rūpavirāgabhāvanāya nibbattattā hetuno taṃvimukhatāya rūpaṃ na samuṭṭhāpentīti āha “**vipākā ca arūpisū**”ti.

150. Sabbesaṃ sandhicittanti sabbesaṃ sattānaṃ paṭisandhicittaṃ. Tañhi vatthudubbalatāya, appatiṭṭhitatāya, paccayavekallato, āgantukatāya ca rūpaṃ na samuṭṭhāpeti. Tathā hi paṭisandhiviññāṇena sahaṃjātaṃ vatthu pacchājātapaccayarahitaṃ, āhārādīhi ca anupatthaddhaṃ dubbalaṃ, tassa ca dubbalattā tannissitaviññāṇampi dubbalanti. Yathā ca papāte patito aññassa nissayo bhavituṃ na sakkoti, evaṃ tampi bhinnasantatiyaṃ kammakkhittatāya papāte patitaṃ viya appatiṭṭhitaṃ na rūpasamuṭṭhāpane ussahati ca vatthuno ca attanā saha apacchā apure uppajjamānattā purejātapaccayassa alābhato. Yathā pana āgantuko puriso agatapubbaṃ desaṃ gato aññesaṃ “etha bho antogāme vo annapānagandhamālādīni dassāmi”ti vattuṃ na sakkoti attano avisayatāya, appahutāya ca, evamevaṃ paṭisandhicittampi āgantukanti. Evaṃ vatthudubbalatādīhi kāraṇehi rūpaṃ na samuṭṭhāpeti. Apica āhārindriyādivasena yehākārehi cittasamuṭṭhānarūpānaṃ cittacetasikā paccayā honti, tehi sabbehi paṭisandhiyaṃ cittacetasikā samatiṃsakammajarūpānaṃ yathāyogaṃ paccayā honti. Vuttañhetam **paṭṭhāne** –

“Paṭisandhikkhaṇe vipākābyākata āhārā sampayuttānaṃ khandhānaṃ kaṭattā ca rūpānaṃ āhārapaccayena paccayo”tiādi (paṭṭhā. 1.1.429).

Tasmā samatiṃsakammajarūpāni cittasamuṭṭhānarūpānaṃ ṭhānaṃ gahetvā ṭhitānīti paṭisandhicittaṃ rūpaṃ na samuṭṭhāpetīti veditabbaṃ.

Cuticittañcārahatoti ettha khīṇāsavassa cuticittaṃ upasantavaṭṭamūlasmiṃ santāne sātisayaṃ santavuttitāya rūpaṃ na samuṭṭhāpeti, anāgāmiādīnaṃ tadabhāvato vadanti. Ṭīkākāro pana **ānandācariyo** bhaṇati –

“Kāmāvacarānaṃ pacchimakittassa uppādakkhaṇe yassa cittassa anantarā kāmāvacarānaṃ pacchimakittaṃ uppajjissati, rūpāvacare, arūpāvacare pacchimabhavikānaṃ, ye ca rūpāvacaraṃ, arūpāvacaraṃ upapajjitvā parinibbāyissanti, tesam cavantānaṃ, tesam vacīsaṅkhāro nirujjhissati, no ca tesam kāyasaṅkhāro nirujjhissatīti vacanato aññesaṃpi cuticittaṃ rūpaṃ na samuṭṭhāpetī”ti.

Ācariyassa hi ayamadhippāyo – “**kāmāvacarānaṃ pacchimakittassā**”ti etena avisesena kāmāvacarasattānaṃ cuticittassa, “**ye ca rūpāvacaraṃ...pe... nirujjhissatī**”ti iminā kāmabhavato cavitvā rūpārūpabhavūpapajjanakānaṃ kāmāvacaracuticittassāpi uppādakkhaṇato uddhaṃ vacīsaṅkhārassa nirodhaṃ vatvā kāyasaṅkhārassa tadabhāvavacanato cuticittassa kāyasaṅkhārāsamuṭṭhāpanaṃ siddhaṃ. Yadaggena ca taṃ kāyasaṅkhāraṃ na samuṭṭhāpeti, tadaggena taṃ sesarūpampi na janeti. Na hi rūpasamuṭṭhāpakassa gabbhagatatādivibandhābhāve kāyasaṅkhārāsamuṭṭhāpane kāraṇaṃ atthi. Na ca yuttaṃ cutito uddhaṃ cittasamuṭṭhānañcassa rūpaṃ pavattatīti, nāpi “cuticittaṃ rūpaṃ samuṭṭhāpetī”ti pāḷi atthi, na cāpi vaṭṭamūlānupasamo cuticittassa rūpuppādane kāraṇaṃ cuticittena na upannānampi tato purimatārehi upannānaṃ viya bhavantare anuppajjanato, tasmā sabbesaṃpi cuticittaṃ rūpaṃ na samuṭṭhāpetīti. Yadi kāyasaṅkhārāsamuṭṭhāpanameva rūpajanānārahābhāvaṃ sādheti, tadā catutthajjhāne kathanti? Nāyaṃ doṣo, tassa bhāvanābalena sātisayaṃ santavuttitāya kāyasaṅkhārāsamuṭṭhāpanepi maraṇāsannacittānaṃ viya paridubbalattābhāvato rūpasamuṭṭhāpane vibandho natthīti. Kuto pana paṭṭhāya cittajarūpaṃ nuppajjatīti? Yato paṭṭhāya kāyasaṅkhāre nuppajjati. Kadā ca kāyasaṅkhāro nuppajjatīti? Cutito pubbe dvattiṃsamacittakkhaṇato paṭṭhāya nuppajjati, tetthiṃsamacittakkhaṇe uppannaṃ pacchimasolaṣakato puretāreva nirujjhatīti vadanti. “Yassa

kāyasaṅkhāro na nirujjhati, tassa cittasaṅkhāro na nirujjhissatī”ti (yama. 2.saṅkhārayamaka.113) pañhe “pacchimacittassa bhaṅgakkhaṇe tesam kāyasaṅkhāro ca na nirujjhati, cittasaṅkhāro ca na nirujjhissatī”ti pacchimacittasseva vajjitattā cutito dutiyatatiyacittenti saha nirujjhātī apare. **Yassa cittassa anantarā kāmāvacarānaṃ pacchimacittaṃ uppajjātī** ettha “yassā”ti kāmāvacaracutticittassa anantarapaccayabhūtaṃ cittaṃ sandhāya vuttanti tassa uppādatopi uddhaṃ kāyasaṅkhārābhāvavacanena heṭṭhimakoṭṭiyā cutito tatiyacitteneva saha nirujjhati. Dutiyacittaṃ na pāpuṇātīti eke.

151-7. Ekaṃ dve tīṇi cattāri ṭhānāni imassāti **ekadvitīcatuṭṭhānaṃ**, ekadvitīcatuṭṭhānantāti attho. **Ṭhānanti** ca idha kiccamaḍḍhippetam. Tañhi tiṭṭhanti ettha dhammā avaṭṭhitā viya hontīti “ṭhāna”nti vuccati. Maṃsacakkhudibbacakkhuññācakkhubuddhacakkhusamantacakkhavasena pañca nimmalāni locanāni imassāti **pañcanimmalalocano**.

Nippapañcenāti rāgādīpapañcarahitena. Rāgādayo hi saṃsāre papañcato “papañcā”ti vuccanti.

Āvajjane paṭicchane ṭhāne manodhātuttikanti sambandho, kiriyāmanodhātu āvajjanaṭṭhāne, vipākadvayaṃ sampaṭicchanaṭṭhāneti attho.

“Somanassayuttasantīraṇaṃ pañcadvāre santīraṇaṃ siyā”ti vattabbe “santīraṇa”nti adhikāratova labbhatīti gāthābandhasukhatthaṃ “**somanassayuta**”nti ettakameva vuttaṃ.

Balavārammaṇe satīti tadārammaṇakiccassa balavārammaṇeyeva labbhanato vuttaṃ, na imasseva āveṇikabhāvena sabbesampi tadārammaṇānaṃ balavārammaṇeyeva uppajjanato. **Voṭṭhabbananti** kiriyāmanoviññādhātusaṅkhātāṃ voṭṭhabbanakiccaṃ cittaṃ.

158-9. Sabbesanti sabbesaṃ kāmarūpārūpabhavikasattānaṃ. Iminā idam dasseti – pañcadvāresu voṭṭhabbanakiccaṃ kesañcīdeva sattānaṃ arūpabhāve sabbaso pañcadvārikacittappavattiyā, rūpabhāve ca dvārattayappavattiyā abhāvato. Manodvāre āvajjanakiccaṃ pana sabbesameva sacittakasattānaṃ karotīti. **Dviṭṭhānikam nāma hotīti** yathāvuttaṭṭhānadvayavantatāya dviṭṭhānikacittaṃ nāma hoti. Keci pana “somanassasahagatasantīraṇaṃ kāmasugatiyaṃ paṭisandhiṃ ākaḍḍhati, tasmā taṃ pañcaṭṭhānika”nti vadanti, taṃ tesam matimattaṃ **paṭṭhāne** tathā adīpitattā. Tattha hi –

“Upekkhāsahagataṃ dhammaṃ paṭicca upekkhāsahagato dhammo uppajjati nahetupaccayā”ti ettha (paṭṭhā. 2.7.8) “ahetukaṃ upekkhāsahagataṃ ekaṃ khandhaṃ paṭicca tayo khandhā, tayo khandhe paṭicca eko khandho, dve khandhe paṭicca dve khandhā, ahetukaṃ paṭisandhikkhaṇe upekkhāsahagataṃ ekaṃ khandhaṃ paṭicca tayo khandhā, tayo khandhe paṭicca eko khandho, dve khandhe paṭicca dve khandhā”ti (paṭṭhā. 2.7.8) –

Evam upekkhāsahagata-padassa pavattipaṭisandhivasena paṭiccanayo uddhaṭo. Pītisahagatasukhasahagata-padānaṃ pana –

“Pītisahagataṃ dhammaṃ paṭicca pītisahagato dhammo uppajjati nahetupaccayā. Ahetukaṃ pītisahagataṃ ekaṃ khandhaṃ paṭicca tayo khandhā, tayo khandhe paṭicca eko khandho, dve khandhe paṭicca dve khandhā. Sukhasahagataṃ dhammaṃ paṭicca sukhasahagato dhammo uppajjati nahetupaccayā. Ahetukaṃ sukhasahagataṃ ekaṃ khandhaṃ paṭicca tayo khandhā, tayo khandhe paṭicca eko khandho, dve khandhe paṭicca dve khandhā”ti (paṭṭhā. 2.7.6) –

Evam pavattivaseneva uddhaṭo, na “ahetukaṃ paṭisandhikkhaṇe”tiādīnā paṭisandhivasena, tasmā yathādhammasāsane avacanampi abhāvameva dīpetīti na tassa paṭisandhidānaṃ atthīti dviṭṭhānikatāva vuttāti. Te mahaggaṭavipākā navāti sambandho.

162. Chadvārā eva **chadvārikā**. Atha vā **chadvārikesūti** chadvārikacittesūti attho.

164-6. “Pañcakicca”ntiādi yathāvuttānameva nigamaṇaṃ. **Sesanti** aṭṭhasaṭṭhividhaṃ cittaṃ. Ekakiccayogato, ekaṃ kiccamaḍḍhi vā ekaṃ, ekameva **ekakaṃ**. Sabbacittānaṃ kiccavasena niddesaṭṭhāneyeva kiccānaṃ paṭipāṭimpi dassetuṃ “**bhavaṅgāvajjana**”ntiādi vuttaṃ. Yadi evaṃ paṭisandhito paṭṭhāya cutipariyosānaṃ vattabbanti? Saccam, cutipaṭisandhīnaṃ pana pākaṭattā tathā na vuttaṃ. Bhavassa hi paṭisandhi ādi, cuti pariyoṣānanti pākaṭameva, tasmā pākaṭaṭṭhānaṃ pahāya apākaṭaṭṭhānato paṭṭhāya dassetuṃ bhavaṅgameva ādito vuttaṃ. Tadārammaṇaṃ pana kiñcāpi apākaṭaṃ, atha kho anekantikaṃ kismiñci bhāve katthaci javanavīthiyaṃ alabbhanatoti ekantalabbhamānaparidīpanatthaṃ taṃ na vuttaṃ. Atha vā tadārammaṇacittampi yebhuyyena bhavaṅganāmaṃ

labhatīti purimajavanavīthiyaṃ tadārammaṇaṃ pacchimajavanavīthiyā āvajjanaṃ purecarabhūtaṃ bhavaṅga-ggaḥaṇeṇeva saṅgahitanti viṣuṃ na vuttaṃ. Keci pana ‘pañcadvāresu pavattivasena pañcavidhatāya dassanattaṃ ‘bhavaṅgāvajjana’ntiādi vutta’nti vadanti, tatta pana appavattamānānaṃ kesañci sabbhāvato taṃ na yujjati, chadvārappavattivasena chabbidhātanaṃ yadassanattanti vuttaṃ vaṭṭati. Yathā cettha ‘bhavaṅgāvajjana’ntiādinā cakkhuvāre vuttaṃ, evaṃ sotadvārādīsipi dassanādiṃ apantvā savanādiṃ pakkhipitvā kiccappavatti yojetabbā. Manodvāre pana –

‘‘Bhavaṅgaṃ paṭhamaṃ hoti, tato āvajjanaṃ mataṃ;
Dutiyaṃ tamatikamma, javanaṃ tatiyaṃ siyā’’ti. –

Yojanā daṭṭhabbā. **Channaṃ viññāṇānaṃ** cakkhuvīññāṇādīnaṃ pañcannaṃ, manovīññāṇassa ca. **Sattaviññāṇadhātūnaṃ** cakkhuvīññāṇadhātādīnaṃ pañcannaṃ, manodhātumanovīññāṇadhātudvayassāti sattannaṃ viññāṇadhātūnaṃ.

169-71. Pañcābhiññāvivajjanti –

‘‘Iddhividhaṃ dibbasoto, paracittavijānaṃ;
Pubbenivāsānussati, dibbacakkhūti pañcadhā’’ti. –

Evamāgatāhi pañcahi abhiññāhi yuttana rūpāvacarapañcamajjhānacittena vajjitaṃ. Dibbasotādīnaṃ ekekārammaṇatṭepi pañcannampi abhiññānaṃ ekasseva cittassa avatthābhedaḥāvato vuttaṃ ‘‘pañcābhiññāvivajjita’’nti. Keci pana ‘‘idha ekantena dhammārammaṇikacittānameva vacanato paracittavijānaṃ vajjetvā anāgataṃsaññāna saha pañcābhiññānaṃ paṭikkhepo’’ti vadanti.

Dvipañcaviññāṇānaṃ, manodhātuttayassa ca pariccāgena ekacattālīsa hontīti āha ‘‘**cattālīsaṃ tathekaka**’’nti. **Abhiññāni cāti ca**-saddo aṭṭhānappayutto, so ‘‘cattālīsaṃ tathekaka’’nti imassānantaraṃ daṭṭhabbo, tena pana abhiññācittadvayaṃ saṅgaṇhāti. Atha vā abhiññā nāma heṭṭhā ekekārammaṇikesu vuttassa pañcamajjhānasseva avatthāvisesoti abhiññācittānaṃ chaḷārammaṇikesu aggahaṇanti daṭṭhabbaṃ.

172-3. Tidhā katvāti tidhā karaṇahetu. Hetvattho hi ayaṃ tvā-saddo yathā ‘‘sīhaṃ disvā bhayaṃ chambhitattaṃ uppajjati, paññāya cassa disvā āsavā parikkhīṇā hontī’’ti. ‘‘**Puññāpuññavasena**’’tiādinā jātibhūmihetuvedanādivasena yāva chasattavidho bhedo, tāva manovīññādhātuṃ bhinditvā taṃvasena cittavibhāgadassanattaṃ nayadānaṃ katanti veditabbaṃ.

175. Tidhā katvāti paṭhamaṃ vipākadvayakiriyābhedato, dutiyaṃ kusalākusalāditoti evaṃ dhātudvayaṃ paccemaṃ tidhā katvā.

180. Bhūmi...pe... vibhāvayeti tiṃsabhūmīnaṃ nānattavasena pavattito tiṃsavidhaṃ, tatheva tiṃsapuggalānaṃ nānattavasena pavattito ca tiṃsavidhantiādinā idaṃ yathāniddiṭṭhacittaṃ bahudhā hotīti ca vibhāveyyāti attho.

181. Idhāti imasmim sāsane. **Hatthagatāmalakā viya hontīti** yathā hatthagataṃ āmalakaṃ cakkhumato supākaṭaṃ hoti, evamimassa matimato bhikkhuno abhidhammapīṭakagatā atthā supākaṭā hontī, āvajjitāvajjitakkhaṇe suvisadāva paññāyantīti attho.

Iti abhidhammatthavikāsinīyā nāma

Abhidhammāvatārasaṃvaṇṇanāya

Ekavidhādiniddesavaṇṇanā niṭṭhitā.

5. Pañcama paricchedo

Bhūmipuggalacittuppattiniddesavaṇṇanā

182-8. Buddhiyā vuddhiṃ viruḷhiṃ karotīti **buddhivuddhikaraṃ**. Yassa yassa nayassa kathanāṃ paṭiññātaṃ, taṃ taṃ dassento āha ‘‘**cittānaṃ bhūmisuppatti**’’nti. Taṃ vatvā bhūmīnaṃ ādhārasena pasaṅgāgataṃ gatibhedam, bhavabhedaṅca dassetaṃ ‘‘**devā cevā**’’tiādi vuttaṃ. ‘‘Catassopāyabhūmiyo’’ti vatvā asuragatiyā petagatiyaṃyeva

saṅgahitattā “**gatiyo pañcā**”ti vuttanti vadanti. Mayaṃ pana “tissovāpāyabhūmiyo”ti pāṭhena bhavitabbanti maññāma. Na hi esa anākulavacano ācariyo īdisaṃ pubbāparaviruddhaṃ viya sammohajanakaṃ vacanaṃ bhāsati. **Pāḷiyampi** hi –

“Pañca kho imā, sārīputta, gatiyo. Katamā pañca? Nirayo tiracchānayoṇi pettivisayo manussā devā”ti (a. ni. 9.68) –

Evaṃ tiṇṇameva apāyānaṃ vasena vuttaṃ. Kāmarūpārūpavasena **tayo bhavā. Tatthāti** tesu tīsu bhavesu. **Timsevāti** catasso apāyabhūmiyo, sattavidhā kāmasugatibhūmi, soḷasa rūpībrahmalokā, catasso arūpabhūmiyoti ekatiṃsabhūmīnamantare cittappavattiadhikārattā asaṅṅabhūmiṃ apanetvā avasesā tiṃseva bhūmiyoti attho. **Tāsu tiṃseva puggalāti** tāsu bhūmiṃsu uppannā puggalā bhūmigaṇanavasena tiṃseva honti. Bhūmivasena tiṃsavidhāpi pana paṭisandhicittaṅgaṇānya ekūnavīsati hontīti dassento āha “**bhūmīsvetāsū**”tiādi.

Paṭisandhikacittānanti dasa kāmāvacarapaṭisandhicittāni, pañca rūpāvacarapaṭisandhicittāni, cattāri arūpāvacarapaṭisandhicittānīti imesaṃ ekūnavīsatiṃpaṭisandhicittānaṃ vasena. **Asaṅṅinamacittakāti** asaṅṅasattānaṃ acittakā paṭisandhi. Vuttañhettaṃ –

“Asaṅṅasattā devā ahetukā anāhārakā aphaṣṣakā avedanakā asaṅṅakā acetanakā acittakā pātubhavantī”ti.

Yadi paṭisandhivasena vīsati puggalā, kathaṃ bhūmivasena tiṃsāti vuttā. Ekatiṃsāti hi vattabbanti āha “**idhā**”tiādi.

Na vijjati hetu imesanti **ahetū**, duve, tīṇi ca hetū imesanti **dvitihetū**, paṭisandhivasena ahetukā, duhetukā, tihetukā cāti attho. Tattha **ahetukā** āpāyikā ca, ekacce bhūmadevā, manussesu jaccandhājaccabhadhirajaccummattakanapuṃsakaubhatobyañjanakādayo ca. Vuttāvasesā kāmasugatīvāsīnava **duhetukā. Tihetukā** pana kāmasugatīvāsīnava. **Ariyā pana aṭṭhāti** catunnaṃ ariyamaggasamaṅgīnaṃ, catunnañca ariyaphalasamaṅgīnaṃ vasena aṭṭha ariyapuggalā. Nanu ca ariyāpi tihetukāyevāti? Saccamaṃ, cittuppādaṃ pana patvā tesamaṃ vīsesasabbhāvato viṣumyeva uddhaṭṭhāti daṭṭhabbaṃ.

189-92. “Bhūmīsuppattiṃ bhāṇato me nibodhathā”ti sutvā codako “**tiṃsabhūmīsū**”tiādinā sabbesaṃ bhūmīnaṃ sādharmaṇacittāni pucchati, itaro “**cuddasevā**”ti viṣajjeti. Tattha aṭṭha parittakusalāni, cattāri diṭṭhivippayuttāni, uddhaccasahagataṃ, manodvārāvajjanañcāti cuddaseva, na ūnāni nādhikāni, sabbāsu tiṃsabhūmīsū honti, sabbabhūmīnaṃ sādharmaṇānīti attho.

Sadā...pe... siyunti dve dosamūlāni, kuslavipākacakkhusotaviññānasampañcchānasantīraṇadvayavajjitāni aṭṭhārāsa kāmāvacaravipākacittānīti vīsati cittāni sadā kāmeyeva bhave siyumaṃ, na kadāci aññattha uppajjantīti attho. Nanu ca brahmūnampi akusalavipākāni uppajjantīti? Saccamaṃ uppajjanti, tāni kāmabhāve anīṭṭharūpādayo ārabba uppajjanti brahmaloke tesamaṃ abhāvato kāmabhāveyaṃ niyamitāni. Rūpāvacaravipākacittāni pañca rūpāvacarabhāveyaṃ siyumaṃ, cattāro ca arūpāvacaravipākā arūpīsūti āha “**pañca rūpabhāve**”tiādi.

Kāma ...pe... bhavantīti rūpāvacarakusalakiriyacittāni ceva kuslavipākāni ca cakkhusotaviññānasampañcchānasantīraṇāni voṭṭhabbanavajjāni ca dve ahetukakiriyacittāni paṭhamamaggaviññānanti aṭṭhārāsa cittāni kāmarūpabhāveyaṃ bhavanti, na arūpabhāve. Tattha hi sabbaso rūpasāññānaṃ samatikkantattā rūpāvacarakusalakiriyā nuppajjanti. Cakkhuvīññāṇāḍṇīni vatthudvāravirahato, hasituppādo ekantavattunissayattā, sotāpattimaggo paratoghosaṃpaccayāyeva nibbattanato na uppajjati. **Dvecattālīsāti** aṭṭha parittakusalāni, cattāri arūpakusalāni, paṭhamamaggavajjāni satta lokuttaracittāni, paṭighadvayavajjitāni ca dasa akusalacittāni, pubbe vuttaahetukakiriyādvayavajjitāni nava kāmāvacarakiriyacittāni, cattāri arūpāvacarakiriyacittānīti evamaṃ dvecattālīsā cittāni tīsu bhavesu honti.

193-204. Evaṃ bhavavasena cittuppattiṃ dassetvā idāni kālavasena dassento āha “**ṭhapetvā panā**”tiādi. **Sabbāsanti** niddhāraṇatthe sāmivacanaṃ. Aṭṭha mahākiriyaṃ, arahattamaggaphalacittāni, anāgāmiṃphalaṃ, nevasāññānāsāññāyatanakusalakiriyaṃ **teraseva cittāni** apāyarahitāsu **chabbīsabhūmīsū honti** apāyesu vipākāvaraṇasabbhāve etesaṃ anuppajjanato. Aparāni cha cittānīti sambandho. Tāni pana rūpabhāvasādharmaṇānaṃ pañcaparittavipākānaṃ, kiriyamanodhātuyā ca vasena veditabbāni.

Pañca cittānīti diṭṭhisampayuttavicikicchāvasena pañca cittāni. Tāni hi pañcasu suddhāvāsabhūmīsū na labbhanti. Tattha anāgāmiṃhīnāsavānameva adhivutthattā, tesaṃca paṭhamamaggeneva imesaṃ pañcannaṃ viññānaṃ anuppādadhammataṃ āpāditattā.

Aparāni duveti tatiyāruppakusalakiriyacittāni. Tāni hi nevasaññānāsaññāyatanesu atikkantārammaṇattā, apāyesu ca ahetukapaṭisandhikattā nuppajjanti. **Catuvīsati bhūmisu dve cāti** viññāṇaṅcāyatanakusalakiriyāvasena dve cittāni. **Tevisabhūmisu dve yevāti** ākāsānaṅcāyatanakusalakiriyacittāni.

Ekādasavidhanti rūpāvacarakusalakiriyā hasituppādoti ekādasā. Sotāpattiphalaṃ yāva anāgāmi maggo cattāri ca cittāni suddhāvāsaapāyavajjāsu ekavīsati bhūmisu bhavanti. Ekaṃ sotāpattimagga cittaṃ suddhāvāsaapāyārupabhūmivajjesu sattarasasu bhūmisu jāyati. Dve dosamūlāni, kusalavipākaghāṇajivhākāyaviññāṇāni, satta akusalavipākāti dvādasa cittāni mahaggatabhūmivajjāsu ekādasasu kāmabhūmisu jāyanti. Aṭṭha mahāvīpākacittāni kāmāvacaradevamanussavasena sattabhūmisu jāyanti. **Chasu bhūmisūti** vehapphalasuddhāvāsasaṅkhātāsu chasu pañcamajjhānabhūmisu.

Cattāri...pe... bhūmisūti catutthajjhānavipāko parittasubhaappamāṇasubhasubhakiṇhavasena tīsu bhūmisu jāyati, dutiyajjhānavipāko, tatiyajjhānavipāko ca parittabhāppamāṇābhābhassaravasena tīsu bhūmisu, paṭhamajjhānavipāko brahmapārisajjabrahmapurohitamahābrahmāvasena tīsu bhūmisu hotīti evaṃ cattāri cittāni ekekavasena tīsu tīsu bhūmisu jāyanti.

206-9. Evaṃ ettakāneva cittāni ettakāsu bhūmisu uppajjantīti cittaniyamavasena uppattiṃ dassetvā idāni ettakāsu eva bhūmisu ettakāneva cittāni uppajjantīti bhūminiyamavasena dassetuṃ “**kusalākusalā kāme**”tiādi āraddhaṃ. Tattha kāme kusalākusalā vīsati, tesam pannaṇasa ahetukā pākā, āvajjanadvayaṅcāti sattatiṃseva mānasā narakādīsū catūsūpi apāyesu jāyare. Avasesāni pana sattarasa kāmāvacaravipākakiriyacittāni, pañcatiṃsa mahaggatalokuttarānīti dve paññāsa mānasā kadācīpi tesu nuppajjanti abhūmibhāvatoti attho.

Asīti hadayāti vuttāvasesāni asīti cittāni. **Ghānādiviññāṇattayanti** kusalavipākaghāṇādiviññāṇattayaṃ. “**Apuññajā pākā**”ti akusalavipākānaṃ sabbesameva gahitattā ghānādiviññāṇattayaṃ aggahitavisesampi pārisesaññāyena kusalavipākameva viññāyati.

213. Domanassanti domanassasahagataṃ. **Kriyā ca dveti** voṭṭhabbanavajjitā dve ahetukakiriyā.

214. Bhūmivasenevāti puggale anāmasitvā kevalaṃ bhūmivasena. Puggalānaṃ vasena ca bhūmivasena ca cittuppattiṃ vibhāvayeti sambandho.

216-8. Pañcabhūmisūti caturāpāyamanussavasena pañcabhūmisu. Ahetukānaṃ paṭisandhisadisatadārammaṇavasena “sattatiṃsevā”ti vuttaṃ, aññakammaṇa pana dvihetukatadārammaṇassāpi sambhavato ekacattālīsa hontī. **Ācariyajotipālattherassa** adhippāyena tihetukavipākehipi saddhiṃ pañcacattālīsevāti daṭṭhabbaṃ. **Ahetukassa vuttehīti** ahetukasattassa vuttehīti sattatiṃsamānasehi saha. **Nava kriyāti** aṭṭha mahākiriyā, hasituppādo cāti imāni asādhāraṇakiriyacittāni nava.

220-1. “Catupaññāsa mānasā”ti vatvā tesam sarūpato dassanattaṃ āha “**dvihetukassā**”tiādi. Puna “**catupaññāsā**”tiādi pana nigamaṇaṃ.

223-4. Paññāsevassa cittānīti tihetukassa puthujjanassa vuttacatupaññāsacittesu diṭṭhivicikicchāsahagatavajjāni ekūnapaññāsa, sotāpattiphalaṇṭi imāni paññāseva cittāni **assa** kāmāvacarassa sotāpannadehino jāyante. **Navatiṃsevāti** ekūnacattālīsacittāni. **Paṭhamam phalanti** sotāpattiphalaṃ.

225-8. Dutiyāṇca phalaṃ hitvāti sakadāgāmi phalaṃ hitvā. **Ca-saddena** sotāpattiphalaṇca hitvāti attho. Attano phalena saha **yāni** aṭṭhacattālīsa **cittāni**, tāni anāgāmiṃsa satta jāyanti. **Cattālīsaṇca cattārīti** tevīsati kāmāvacaravipākacittāni, vīsati kiriyacittāni, arahattaphalaṅcāti catucattālīsa cittāni. **Sakam sakanti** “sotāpannassa sotāpattimagga cittaṃ, sakadāgāmino sakadāgāmi magga cittaṃ”ntiādinā attano attano magga cittaṃ. Kasmā pana tesam ekekameva cittaṃ hotīti āha “**ekacittakkhaṇāhi te**”ti. **Pañcatiṃsevāti** sattarasa kāmārupārupakusalacittāni, paṭighadvayavajjāni dasa akusalāni, rūpabhava labbhamānakāni pañca ahetukavipākāni, āvajjanadvayaṃ, paṭhamajjhānavipāko cāti pañcatiṃsa cittāni tīsu paṭhamajjhānabhūmisu puthujjanassa jāyanti.

232-5. Hitvā cāti ettha **ca-saddena** paṭhamaphalassa gahaṇaṃ dasseti. Tena apuññapañcakaṃ hitvā paṭhamam phalaṃ gahetvā cāti attho. **Apuññapañcakanti** diṭṭhisampayuttavicikicchāsahagatavasena pañca akusalacittāni. **Tatthāti** tesu sotāpannassa vuttasu. **Tatthevāti** sakadāgāmiṃsa vuttasu. Puññajaṃ sampaṭicchanaṃ santīraṇadvayaṅcēvāti sambandho.

237. Evaṃ paṭhamajjhānabhūmiyaṃ puthujjanasotāpannādivasena cittasambhavaṃ dassetvā idāni tesameva vasena dutiyajjhānabhūmiyaṃ dassetuṃ “**puthujjanassā**”tiādi āradhamaṃ. Dutiyajjhānatatiyajjhānavipākānaṃ ekasattasseva asambhavepi dutiyajjhānatale nibbatte puthujjanādayo puthujjanādibhāvasāmaññena ekato gahetvā “**dutiyajjhānatatiyajjhānapākato**”ti vuttaṃ.

242. Parittasubhādito paṭṭhāya yāva akaniṭṭhā tatiyacatutthajjhānabhūmiṃsu paṭhamajjhānabhūmiyaṃ vuttagaṇanāya cittappavatti veditabbā. Tenāha “**parittakasubhādīna**”ntiādi.

247. **Catuvīsati cittānī**ti aṭṭhaparittakusalāni, cattāri arūpakusalāni, paṭighadvayavajjitāni dasa akusalacittāni, paṭhamārūppavipāko, manodvārāvajjanañcāti catuvīsati cittāni paṭhamārūppabhūmiyaṃ puthujjanassa jāyanti.

250-3. **Dasa pañcāti** aṭṭha mahākiriya, catasso arūpakiriya, manodvārāvajjanaṃ, paṭhamārūppavipāko, arahattaphalañcāti pannarasa cittāni paṭhamārūppabhūmiyaṃ arahato hontī.

Tevisāti paṭhamārūppabhūmiyaṃ puthujjanassa vuttasu catuvīsaticittesu ākāsānañcāyatanakusalavipākavajjā bāvīsati ca dutiyārūppavipāko cāti tevīsati dutiyārūppabhūmiyaṃ puthujjanassa hontī. Tattheva tiṇṇaṃ phalaṭṭhasekhānaṃ puthujjanassa vuttasu akusalapañcakavajjāni aṭṭhārasa, taṃtaṃphalañcāti ekūnavīsati cittāni hontī.

Kriyā dvādasāti aṭṭha mahākiriya, ākāsānañcāyatanavajjitā tisso arūpakiriya, manodvārāvajjananti dvādasā kiriyacittāni. **Pākekoti** eko arūpavipāko.

Dutiyārūppabhūmiyaṃ puthujjanassa vuttasu viññānañcāyatanakusalavipākavajjāni ekavīsati, ākiñcaññāyatanavipāko cāti **bāvīsati cittāni** tatiyārūppabhūmiyaṃ puthujjanassa uppajjanti.

254-60. Puthujjanassa vuttasu apuññapañcakavajjāni sattarasa, paṭhamaphalañcāti **aṭṭhārasa** tatiyārūppabhūmiyaṃ sotāpannassa uppajjanti. **Tānī**ti tāneva aṭṭhārasa cittāni. “Ṭhapetvā paṭhamaṃ phala”nti hi vacanato dutiyaphalaṃ pakkhipitvāti ayamatto avuttasiddho. Na hi sakadāgāmino sakadāgāmiphalañca nuppajjati. Evañca katvā vuttaṃ “**ṭhapetvā dutiyaṃ phala**”nti. Etthāpi anāgāmiphalaṃ pakaraṇasiddhamevāti daṭṭhabbaṃ. Aṭṭha mahākiriya, dve tatiyacatutthārūppakiriya, manodvārāvajjanaṃ, ākiñcaññāyatanavipāko, arahattaphalanti **terasa cittāni** tatiyārūppabhūmiyaṃ khīṇāsavassa jāyanti. Tatiyārūppabhūmiyaṃ puthujjanassa vuttasu dvāvīsaticittesu ākiñcaññāyatanakusalavipākavajjāni vīsati, nevasaññānāsāññāyatanavipākoti **ekavīsati cittāni** catutthārūppabhūmiyaṃ puthujjanassa jāyanti. Puthujjanassa vuttasu apuññapañcakavajjāni soḷasa, sotāpattiphalañcāti **sattarasa** tattheva sotāpannassa hontī. Aṭṭha mahākiriya, dve ca nevasaññānāsāññāyatanavipākakiriya, manodvārāvajjanaṃ, arahattaphalañcāti **dvādasā cittāni** tattheva arahato uppajjanti.

261-3. Arūpakusalā ceva kiriyāpi ca uppajjanti, na pana vipākāti adhippāyo. **Uddhamuddhamarūpīnanti** viññānañcāyatanādīsu arūpīnaṃ. **Heṭṭhimāti** viññānañcāyatanikānaṃ ākāsānañcāyatanakusalavipākā nuppajjanti, ākiñcaññāyatanikānaṃ ākāsānañcāyatanaviññānañcāyatanakusalavipākāti evamādinā heṭṭhimā heṭṭhimā arūpā nuppajjanti. Kasmāti āha “**diṭṭhādīnavato kirā**”ti. **Kirāti** anussutiyāṃ. **Diṭṭhādīnavatoti** ārammaṇe, jhāne ca diṭṭhadosattā. **Kusalānuttarāti** lokuttarakusalā.

266. **Sabbo rūpo mahaggaṭoti** sabbo rūpāvacaamahaggatacittuppādo. **Manodhātūti** kiriyāmanodhātuvipākamanodhātūnaṃ kāmavipāka-ggaṇaṇena gahitattā.

269-73. **Evaṃ...pe... heṭṭhimanti** dutiyārūppabhūmiyaṃ vuttasu dutiyārūppattayaṃ ṭhapetvā attano pākena saha tatiyārūppabhūmiyaṃ ekūnacattālīsa cittāni tathavuttasu tatiyārūppattayaṃ ṭhapetvā attano pākena saha sattatīmsāti evaṃ sesadvayepi heṭṭhimahēṭṭhimaṃ hitvā cittagaṇanā ñeyyā. **Attano attanoti** paṭhamārūppabhūmiyaṃ paṭhamārūppavipāko, dutiyārūppabhūmiyaṃ dutiyārūppavipākoti evaṃ attano attano vipākā cattāro ca anāsavā lokuttaravipākāti evaṃ catūsu arūpabhūmiṃsu ekekāya bhūmiyā pañca pañca vipākā jāyanti. Yā kiriyā teraseva siyuṃ, tā sabbapaṭhamārūppabhūmiyaṃ khīṇāsavassa jāyanteti sambandho. Dutiyārūppabhūmiyaṃ khīṇāsavassa paṭhamārūppakiriyacittaṃ vajjetvā **dvādasēva kriyā** hontī. Tatiyārūppabhūmiyaṃ dutiyārūppakiriyacittaṃ vajjetvā **ekādasa**. Catutthārūppabhūmiyaṃ tatiyārūppakiriyacittaṃ vajjetvā **daseva** viññeyyā.

274-5. Idāni kevalaṃ puggalavasena tesameva puggalānaṃ āveṇikacittaṃ dassetuṃ “**arahato panā**”tiādinā arahatoyeva uppajjanakacittaṃ dassetvā anāgāmiādīnaṃ pāṭipuggalikaṃ sakasakaphalacittaṃ pākāṭamevāti saṃkhittāṃ. **Arahatotī** khīṇāsavassa. Arahato bhāvo arahattaṃ, arahattaphalanti attho. Tañhi “**arīnaṃ hatattā arahā**”tiādinā arahanta-saddassa pavattinimittabhāvena “**arahatta**”nti vuccati. Idāni tesāṃ tesāṃ puggalānaṃ

sādhāraṇacittāni dassetuṃ “**catunnaṅca phalaṭṭhāna**”ntiādi vuttaṃ.

290. Susāranti atthabyañjanavasena pariccajitabbassa pheggussa abhāvato suṭṭhu sāraṃ, sabbaso sāranti attho. **Paranti** susārattā eva paraṃ. Sattānaṃ idhalokaparalokahitapaṭicchādakassa avijjandhakārassa vidhamanato **mohandhakārappadīpaṃ. Cinteti**ti atthavasena cinteti. **Vāceti**ti byañjanavasena sajjhāyati. Rāgadosānaṃ mohena saha avinābhāvato tassa anupagamaṇaṃ atthasiddhamevāti “mohandhakārappadīpa”nti vatvāpi “**naraṃ...pe...nopayanti**”ti rāgadosānupagamaṇameva vuttaṃ. “Mohandhakārappadīpa”nti vā vacaneneva mohassa anupagamo vutto hotīti rāgadosānameva anupagamaṇaṃ vuttaṃ. Mūlabhūtānaṃ pana tiṇṇaṃ anupagamaṇavacanena sesakilesānampi anupagamaṇaṃ vuttamevāti daṭṭhabbaṃ.

Iti abhidhammatthavikāsinīyā nāma

Abhidhammāvatārasaṃvaṇṇanāya

Bhūmipuggalacittupattiniddesavaṇṇanā niṭṭhitā.

Paṭhamo bhāgo niṭṭhito.

Namo tassa bhagavato arahato sammāsambuddhassa

Abhidhammāvatāra-abhinavaṭṭikā

(Dutiyo bhāgo)

6. Chaṭṭho paricchedo

Ārammaṇavibhāganiddesavaṇṇanā

291-3. Etesanti yathāvuttappabhedānaṃ. Nanu ca “cittaṃ cetasika”ntiādinā cittādīniyeva uddiṭṭhānīti tāneva niddisittabbāni, ārammaṇaṃ pana appakataṃ, taṃ kasmā idha vuccatīti codanaṃ manasi karitvā āha “**tena vinā natthi hi sambhavo**”ti. Yasmā ārammaṇena vinā cittasambhavo natthi, na hi anārammaṇaṃ cittaṃ nāma atthi, tasmā “tayidaṃ cittaṃ kaṃ ārabba uppajati”ti āsaṅkānivāraṇatthaṃ ito paraṃ ārammaṇaṃ dassayissāmīti attho. Katividhaṃ pana taṃ ārammaṇaṃ, kiṃ sarūpaṅcāti āha “**rūpaṃ sadda**”ntiādi. Vacanatthaṃ pana nesam sayameva vakkhati. **Chaḷārammaṇakovidāti** channaṃ ārammaṇānaṃ byākaraṇakusalā buddhādayo.

Bhūtetī cattāro mahābhūte. **Upādāyāti** nissāya. **Catusamuṭṭhitoti** kammādīhi catūhi paccayehi samuṭṭhito. Nidassitabbaṃ nidassanaṃ. Kiṃ taṃ? Daṭṭhabbabbhāvo cakkhuvīññāṇassa gocarabhāvo, saha nidassanenāti sanidassano. Paṭihaññati, paṭihanananti vā paṭigho, yena byāpārādivikārapaccayantarasaḥitesu cakkhādīnaṃ nissayesu vikāruppatti, so sayam nissayavasena ca sampattānaṃ, asampattānaṅca paṭimukhabhāvo aññamaññapātanaṃ paṭighoti attho. Tatha sayam sampattiṃ phoṭṭhabbassa nissayavasena sampatti gandharasaghānājivhākāyānaṃ. Itaresam ubhayathāpi asampatti, tasmā idha asampattānaṃ paṭimukhabhāvo “paṭigho”ti vuccati. Saha paṭighenāti sappatiṅgho, sanidassano ca so sappatiṅgho cāti **sanidassanasappaṭigho**. Etthāha – yassa daṭṭhabbabbhāvo atthi, so sanidassano, cakkhuvīññāṇagocarabhāvova daṭṭhabbabbhāvo. Tassa ca rūpāyatanato anaññattā kathaṃ saha nidassanena sanidassanoti yujjati? Vuccate – anaññattepi tassa aññehi dhammehi rūpāyatanam visesetum aññaṃ viya katvā vuttaṃ “saha nidassanena sanidassana”nti. Dhammasabhāvasāmaññaṇa hi ekībhūtesu dhammesu yo nānattakaro viseso, so aññaṃ viya katvā upacārituṃ yutto. Evañhi atthavisesāvabodho hoti. **Rūpārammaṇasaññitoti** ayaṃ evarūpo vaṇṇo rūpārammaṇanti saññito. Idaṃ vuttaṃ hoti – cattāro mahābhūte upādāya te amuñcitvā pavattamāno kammamuṭṭhāno cittamuṭṭhāno utusamuṭṭhāno āhārasamuṭṭhāno ca nīlādivasena dissamāno indriyehi ghaṭṭento ca vaṇṇo rūpārammaṇaṃ nāmāti.

294-7. Cittaṅca utu ca cittotu, tehi sambhavati, te vā sambhavā paccayā imassāti **cittotusambhavo**. Saha viññattisamuṭṭhāpakaviññāṇena pavatto saddo **saviññāṇakasaddo**, saviññāṇakasaddo pana na kevalaṃ saviññāṇakasantānappavattova kucchisaddādivasena tassa utusamuṭṭhitassāpi sambhavato.

Dharīyatīti kalāpaparamparāya sandhārīyati. **Sūcanatoti** attano vatthussa supākaṭakaraṇato. Gandho hi “idaṃ sugandhaṃ, idaṃ duggandha”nti pakāseti, paṭicchannapupphaphalādīni “idamettha atthi”ti pesuññaṃ karontaṃ viya

hotīti.

Rasamānāti assādasasena tussamānā. **Rasantī**ti asanti, anubhavantīti attho. Ettha ra-kāro padasandhikaro. Evañhi “rasamānā naṃ asantīti raso”ti niruttinayo sundaro hoti. Itarathā “rasanti assādentī”ti vuccamāne “rasamānā”ti idaṃ niraṭṭhakameva siyā. Atha vā “rasamānā”ti ito ra-kāraṃ, “rasantī”ti ito sa-kāraṇa gahetvā “raso”ti niruttinayo daṭṭhabbo.

298. Phusiyatīti ghaṭṭiyati. Kiṃ taṃ phoṭṭhabbaṃ nāmāti āha “**pathavītejavāyavo**”ti. Iminā dhātuttayameva kāyaviññānaviññeyyabhāvasaṅkhātaphoṭṭhabbaṃ nāma, na aññanti dasseti. Kasmā panettha āpodhātu na gahitā, nanu sītātā phusitvā gayhati, sā ca āpodhātu evāti? Saccam gayhati, na pana āpodhātu, kiñcarahi tejodhātu eva. Mande hi uṇhabhāve sītavuddhi, na sītātā nāma koci guṇo atthi. Kevalaṃ pana uṇhabhāvassa mandatāya sītābhīmāno. Kathaṃ panetaṃ viññātabbanti ce? Sītavuddhiyā anavaṭṭhitabhāvato pārāpāre viya. Tathā hi ghammakāle ātape ṭhatvā chāyaṃ pavittānaṃ sītavuddhi hoti, tattheva pathavīgabbhato uṭṭhitānaṃ uṇhavuddhi ca. Kiñcarahi himapātasamayādīsu sītassa paripācakattadassanato ca tejodhātu eva sītātāti daṭṭhabbaṃ. Yadi ca sītātā āpodhātu siyā, ekasmiṃ kalāpe uṇhabhāvena saddhiṃ upalabbheyya dvinnāṃ dhātūnaṃ avinibbhogavuttitaṃ icchantānaṃ uttaraṃ, anicchantānampi pana catunnaṃ mahābhūtānaṃ ekasmiṃ kalāpe kiccadassanena sabhāgavuttitāya sādhitāya idameva uttaraṃ. Keci pana “vāyodhātu sītātā”ti vadanti, tesampi idameva uttaraṃ. Yadi vāyodhātu sītātā siyā, ekasmiṃ kalāpe uṇhabhāvena saddhiṃ upalabbheyya, na ca panevaṃ upalabbhati, tasmā viññāyati “na vāyodhātu sītātā”ti. Ye pana vadanti “dravatā āpodhātu, sā ca phusitvā gayhati”ti, te vattabbā “dravabhāvopi nāma phusiyatīti idaṃ āyasmantānaṃ adhimānamattaṃ saṅghāne viyā”ti. Vuttañhetāṃ porāṇehi –

“Dravabhāsahavuttīni, tīṇi bhūtāni samphusaṃ;
Dravataṃ samphusāmīti, lokoyamabhimaññāti.

“Bhūte phusitvā saṅghānaṃ, manasā gayhate yathā;
Paccakkhato phusāmīti, ñātabbā dravatā tathā”ti.

299. Sabbaṃ nāmanti sabbaṃ cittacetāsikanibbānasammatāṃ nāmaṃ. Cittacetāsikañhi ārammaṇaṃ pati namanato nāmaṃ. Nibbānaṃ pana cittacetāsikassa attānaṃ pati nāmanato nāmaṃ. **Rūpanti** nipphannarūpaṃ. Kiṃ avisesenāti ce, notī āha “**hitvā rūpādīpaṅcaka**”nti. **Lakkhaṇānti** niccādīlakkhaṇāni. **Paññattīti** nāmapādāyavasena duvidhā paññattīti.

300. Imāni pana chabbidhāni ārammaṇāni sabbāni sabbattha labbhanti, udāhu katthaci kānicīti āha “**chālārammaṇāni**”tiādi. **Tīṇi rūpeti** rūpāvacarabhūmiyaṃ rūpasaddadhamavasena tīṇi ārammaṇāni labbhanti. Ghānādittayassa pana tattha abhāvato gandhārammaṇādīni dhammārammaṇato visuṃ na labbhanti. Arūpabhāve pana sabbaso rūpānaṃ abhāvato ekaṃ dhammārammaṇameva labbhanti, na aññanti āha “**arūpe dhammārammaṇamekaka**”nti. Nanu ca arūpabhāvato cavitvā kāmabhāve nibbantānaṃ arūpabhāveyyeva gatinimittavasena rūpārammaṇaṃ upaṭṭhātīti? Saccam upaṭṭhātīti, taṃ pana kāmabhāveyyeva ārammaṇaṃ. Upapajjitabbabhavasmiñhi vaṇṇo gatinimittavasena upaṭṭhātīti.

301-2. Evaṃ cha ārammaṇāni sarūpato, pavattippabhedato ca dassetvā idāni tesu abhayagirivāsīnaṃ kiñci vipaṭṭipattim dassetvā taṃ paṭikkhipitum “**khaṇavattuparittattā**”tiādi vuttaṃ. Tattha **khaṇavattuparittattāti** khaṇassa ceva vatthuno ca parittattā. Ye rūpādayoti sambandho. **Yesanti** yesaṃ ācariyānaṃ laddhi. **Yesanti** vā dhammārammaṇena saha sambandhībhāvato, vuttaṃ vavatthāpakattā ca. Te hi dhammārammaṇaṃ vavatthāpento attanā saha taṃ sambandhenti, tasmā dhammārammaṇena saha sambandhībhāvāpekkhāya “yesa”nti sāmivacananti. Iminā pana idaṃ vuttaṃ hoti – ye rūpādayo pañca ārammaṇā santattaayogule patitajalabindu viya parittakkhaṇikā, dibbacakkhunā asakkuṇeyyaggahaṇā paramāṇu viya parittavattukā, tato ca sakasakaviññānaṃ āpāthaṃ na gacchanti, kevalaṃ pana manoviññāsseva gocarā, te dhammārammaṇaṃ nāmāti yesaṃ laddhi, te yesaṃ vā dhammārammaṇaṃ nāmāti. Eteneva ca atītānāgatabhāvena atidūraaccāsannabhāvena, kuṭṭādiantaritābhāvena ca āpāthaṃ anāgacchantānampi rūpādīnaṃ saṅgaho kato hotīti. Evaṃladdhikā pana te –

“Imesaṃ kho, āvuso, pañcannaṃ indriyānaṃ nānāvisayānaṃ nānāgocarānaṃ na aññamaññassa gocaravisayaṃ paccanubhontānaṃ mano paṭissaraṇaṃ, mano ca nesaṃ gocaravisayaṃ paccanubhotī”ti (ma. ni. 1.455) –

Idaṃ suttaṃ āharitvā paṭikkhipitabbāti dassento āha “**te paṭikkhipitabbāvā**”tiādi. Tattha **paṭikkhipitabbāvāti** na anuvattitabbā. **Aññamañña...pe... bhontānanti** cakkhundriyaṃ sotindriyassa gocarāṃ na paccanubhoti, tathā

“sotindriyaṃ cakkhundriyassā”tiādinā aññamaññassa ārammaṇaṃ neva paccanubhontānaṃ nānubhavatānaṃ na gaṇhantānaṃ. **Tesanti** tesam pañcannaṃ indriyānaṃ.

303. Tañca gocaraṃ mano paccanubhotīti sambandho. **Taṃ** rūpādipañcavidhaṃ ārammaṇaṃ **ca**-saddena dhammārammaṇañca mano paccanubhoti, cittaṃ ārammaṇaṃ karotīti attho. Ayaṃ panettha adhippāyo – yadi cakkhādīnaṃ anāpāthagatāni vinā avasesā dhammārammaṇā honti, tadā taṃvisayaṃ cittaṃ pañcindriyānaṃ visayaṃ paccanubhontaṃ nāma na hoti, attanoyeva pana visayaṃ paccanubhontaṃ nāma hoti. Evañca satī manova tesam gocaravisayaṃ paccanubhotīti dupparihāriyaṃ bhavyeva, na ca taṃ suttavacanaṃ sakkā atikkametum, tasmā vuttanayena cakkhādīnaṃ anāpāthagatāpi manogocarā rūpādayo rūpādīarammaṇāneva honti, na dhammārammaṇāti. Yadi rūpārammaṇaṃ cittaṃ attano visayaṃ nānubhoti, paravisayameva anubhoti, kathaṃ dassanādikiccaṃ na karotī? Taṃtaṃkiccānaṃ nissayabhūtaṃ vattuṃ anissittā. Kathañcarahi pañcindriyānaṃ visayaṃ paccanubhoti nāma? Dassanādikiccassa akaraṇepi cakkhaviññānādīhi diṭṭhādīakārasseva gahaṇato pañcindriyānaṃ visayaṃ paccanubhoti nāma. Yadi hi cakkhaviññānādīhi diṭṭhādīakāraṃ na gaṇhāti, rūpādīnaṃ nīlattādivasena jānanaṃ manoviññāneva karotī, na pañcaviññānānīti tathā jānaneva na hoti. Tassa pana atthitāyevetaṃ viññātabbaṃ – anāpāthagatarūpādārammaṇaṃ cittaṃ attano visayaṃ na paccanubhoti nāma. Atha kho pañcindriyānaṃ visayameva paccanubhotīti. Atha siyā, na mayaṃ cittaṃ pañcindriyavisayānubhavanaṃ paṭikkhipāma, tassa pana anubhavanaṃ dassanādikiccavirahena dhammārammaṇavasenevāti ce? Tampi na, sutte tathā āgataṭṭhānassa abhāvato. Yadi hi cittaṃ dassanādikiccavirahena pañcindriyavisayaṃ dhammārammaṇavaseneva paccanubhoti, pañcindriyānaṃ visayaṃ paccanubhavamānā manodhātumanoviññānadhātupi dhammārammaṇāyeva siyā, evañca satī “dhammāyatanaṃ manodhātuyā ca manoviññānadhātuyā ca taṃsampayuttakānañca dhammānaṃ ārammaṇapaccayena paccayo”ti **paṭṭhāne** vattabbaṃ siyā, tathā pana avatvā –

“Rūpāyatanaṃ saddāyatanaṃ gandhāyatanaṃ rasāyatanaṃ phoṭṭhabbāyatanaṃ manodhātuyā taṃsampayuttakānañca dhammānaṃ ārammaṇapaccayena paccayo”ti (paṭṭhā. 1.1.2),

“Rūpāyatanaṃ...pe... dhammāyatanaṃ manoviññānadhātuyā taṃsampayuttakānañca dhammānaṃ ārammaṇapaccayena paccayo”ti ca (paṭṭhā. 1.1.2) –

Vuttatā pañcindriyānaṃ visayaṃ paccanubhotī manodhātumanoviññānadhātu taṃpañcindriyānaṃ visayavasena paccanubhoti, na dhammāyatanaṃ nānubhoti niṭṭhamettha gantabbaṃ.

304-5. Evaṃ ekenākārena paṭikkhepavidhiṃ dassetvā puna aparenapi kāraṇena dassento āha “**dibbacakkhādī**”tiādi. **Ādi**-ggahaṇena dibbasotañāṇaggahaṇaṃ. **Itipi na yujjati** na kevalaṃ pubbe vutteneva kāraṇena, atha kho imināpi kāraṇena na yujjati vuttaṃ hoti. Yadi cakkhādīnaṃ anāpāthagatarūpādīni dhammārammaṇā nāma honti, tadā dibbacakkhādīni rūpādīarammaṇāni na siyumu tesam pasādivisayānaṃ rūpasaddānaṃ pariggahaṇato, evañca satī suttesu dibbacakkhudibbasotānaṃ dhammārammaṇatāva vattabā, na rūpādīarammaṇatā, vuttā ca sā, tasmā cakkhādīnaṃ avisayā rūpādayo rūpādārammaṇāneva, na dhammārammaṇāti. Teneva ca **dhammasaṅgahepi** –

“Yasmiṃ samaye kāmāvacaraṃ kusalaṃ cittaṃ uppannaṃ hoti somanassasahagataṃ nāṇasampayuttaṃ rūpārammaṇaṃ vā saddārammaṇaṃ vā gandhārammaṇaṃ vā rasārammaṇaṃ vā phoṭṭhabbārammaṇaṃ vā dhammārammaṇaṃ vā, yaṃ yaṃ vā panārabbha, tasmīṃ samaye phasso hoti...pe... avikkhepo hoti”ti (dha. sa. 1) –

Vuttaṃ. Kiñca anāpāthagatānaṃ dhammārammaṇatte sabbaññūtaññānaṃ rūpādīarammaṇaṃ na hotīti āpajjati. **Evaṃ satī** yadi kadāci rūpādīarammaṇaṃ hutvā kadāci dhammārammaṇaṃ hoti, kadāci dhammārammaṇaṃ hutvā kadāci rūpādīarammaṇaṃ hoti, tadā tesam rūpādīarammaṇānaṃ niyamopi kathaṃ bhava “idaṃ rūpādīarammaṇaṃ, idaṃ dhammārammaṇaṃ”nti niyamo na bhavyeva, ārammaṇasaṅkaro bhavyyāti attho.

306. Evaṃ chabbidhaṃ ārammaṇaṃ dassetvā idānissa anantarabhedhaṃ parittārammaṇādittikavasena dassento āha “**sabbaṃ ārammaṇa**”ntiādi. Chabbidhaṃ parittattikādikaṃ taṃ etaṃ sabbaṃ ārammaṇanti sambandho. **Parittattikādīnaṃ** parittārammaṇattikādīnaṃ. Parittārammaṇattiko hi idha “parittattiko”ti vutto majjhapaḍalopavasena. **Ādi**-ggahaṇena maggārammaṇattiko atītārammaṇattiko ajjhattārammaṇattikoti imesaṃ tiṇṇaṃ tikānaṃ saṅgaho. Tattha “parittārammaṇā dhammā, mahaggaṭārammaṇā dhammā, appamañārammaṇā dhammā”ti evamāgato parittārammaṇattiko. Ādipadavasena “maggārammaṇā dhammā, maggaṭārammaṇā dhammā, maggaḍhipatino dhammā”ti evamāgato maggārammaṇattiko. “Atītārammaṇā dhammā, anāggaṭārammaṇā dhammā, paccuppannārammaṇā dhammā”ti evamāgato atītārammaṇattiko. “Ajjhattārammaṇā dhammā, bahiddhārammaṇā dhammā, ajjhatabhiddhārammaṇā dhammā”ti evamāgato ajjhattārammaṇattikoti veditabbaṃ.

307-9. Kriyāhetudvayanti ahetukakiriyadvayaṃ hasituppādamanodhātu itarassa mahaggatādiārammaṇatāvasenāpi vakkhamānattā. **“Iṭṭhādibhedā”**tiādi parittārammaṇabhāvavibhāvanāṃ. **Iṭṭhādibhedāti** iṭṭhaiṭṭhamajjhāttaaniṭṭhaaniṭṭhamajjhāttabhedā. **Paṭipāṭiyāti** “rūpaṃ cakkhuvīññāṇassa, saddo sotavīññāṇassa”tiādinā anukkamoto. **Rūpādi...pe... ttayassa tūti** kiriyāmanodhātuyā ceva kusalākusalavipākavibhāgavasena dvinnāṃ manodhātūnañca sabbāṃ rūpādiṭṭhācācagocaraṃ. Tā hi hadayavatthūṃ nissāya cakkhuvīññāṇādīnaṃ purimapaṇḍimā hutvā niyatā rūpādīneva ārabha pavattanti.

311. Kāmadhātuyanti kāmabhava. Tattha hi nesāṃ sabbesaṃ vatthārammaṇāni upalabbhanti. **Cattāriti** tesveva kiriyāmanodhātu, kusalavipākacakkhusotavīññāṇāni, tathā sampaṭicchānanti imāni cattāri cittāni. Sesāni pana vatthārammaṇābhāvena tattha nuppajjanti. **Neva kiñcīti** vatthārammaṇānaṃ sabbaso abhāvato etesu kiñcī na jāyati.

312-3. “Mahāpākāna”ntiādi paṭhamaparicchede vuttatthameva. **Paṭuppannāti** paccuppannā.

314. Evaṃ parittārammaṇe dassetvā idāni mahaggatārammaṇe appamāṇārammaṇe ca dassetuṃ **“dutiārūppacittañcā”**tiādi vuttaṃ. Tattha dutiārūppacittaṃ paṭhamārūppārammaṇato, catutthārūppaṃ tatiārūppārammaṇato mahaggatārammaṇaṃ. **Chabbidhanti** kusalavipākakiriyāvasena paccemaṃ tividhatāya chappakāraṃ.

316-20. Ñāṇaṃ parihīnaṃ etesaṃ, ñāṇato parihīnāti vā **ñāṇahīnā. Parittārammaṇā...pe... honti** teti aṭṭha ñāṇavippayuttacittuppādā sekhaputhujjanakhīṇāsavānaṃ kadāci nirussukkabhāvena ādarākaraṇavasena akammaññasarīratāññāvihitātāhi vā asakkaccadānapaccavekkhaṇadhammassavanādīsu atipaguṇavipassanāya ca kāmāvacaradhamme ārabha pavattikāle parittārammaṇā. Atipaguṇānaṃ paṭhamajjhānādīnaṃ paccavekkhaṇakāle mahaggatārammaṇā. Kasiṇanimittādiṭṭhāpaññattipaccavekkhaṇakāle parittārammaṇādivasena navattabbā. Akusalesu cattāro diṭṭhisampayuttacittuppādā catupaññāsakāmāvacaradhammānaṃ, rūpassa ca “attā satto”ti parāmasanaassādanābhinandanakāle parittārammaṇā. Tenevākārena sattavīsati mahaggatadhamme ārabha pavattakāle mahaggatārammaṇā. Paṇṇattidhamme ārabha pavattanakāle siyā navattabbā parittārammaṇādivasena. Diṭṭhivippayuttāni teyeva dhamme ārabha vinā parāmāseṇa assādanābhinandanavasena pavattiyāṃ, paṭighasampayuttāni domanassavasena pavattiyāṃ, vicikicchāsampayuttaṃ dveḷḷhakabhāvena, uddhaccasahagataṃ vikkhipanavasena, avūpasamavasena ca pavattiyāṃ parittamahaggatanavattabbārammaṇāti veditabbā. **Kriyatopi ca tathāti** kiriyacittatopi ñāṇasampayuttā cattāroti attho. **Kriyāvoṭṭhabbananti** sarūpakathanametāṃ, na pana kusalākusalavipākavoṭṭhabbanassa vijjāmānattā.

Tividho hoti gocaroti parittamahaggataappamāṇavasena tividhopi gocaro hoti. Kathaṃ? Kusalakiriyāvasena aṭṭha ñāṇasampayuttacittuppādā sekhaputhujjanakhīṇāsavānaṃ sakkaccadānapaccavekkhaṇadhammassavanavipassanādīsu kāmāvacaradhamme ārabha pavattakāle kāmāvacarārammaṇikaabhiññāya parikkammānulomakāle ca parittārammaṇā. Paṭhamajjhānādiṭṭhāpaccavekkhaṇakāle mahaggatārammaṇajjhānādīnaṃ parikkammakāle mahaggatadhamme ārabha sammasanakāle ca mahaggatārammaṇā honti. Yathālābhaṃ gotrabhuvodānakāle pana lokuttaraṃ dhammaṃ paccavekkhaṇakāle ca nibbānārammaṇābhīññāya parikkammakāle ca appamāṇārammaṇā. Paṇṇattipaccavekkhaṇakāle paṇṇattārammaṇajjhānābhīññānaṃ parikkammakāle ca navattabbā. Abhiññādvayassa parittādiārammaṇataṃ sattarasamaparicchede vakkhati. Kiriyāvoṭṭhabbanampi yathāvuttadhammānaṃ taṃtaṃārammaṇe pavattamānānaṃ purecaraṃ hutvā taṃ tadeva āvajjantaṃ pavattatīti parittādiārammaṇaṃ. Pañcadvāre voṭṭhabbanavasena pavattiyāṃ parittārammaṇameva.

Vuttāvasenānti yathāvuttehi avasiṭṭhāni pannarasa rūpāvacarāni paṭhamatatiyāni, cha arūpāvacarakusalavipākakiriyacittānti ekavīsati cittāni. **Navattabbārammaṇānti** parittādivasena navattabbassa kasiṇādīnimittasattapaññāntiācāvīññābhāvassa ārammaṇakaraṇato navattabbārammaṇāni.

Parittārammaṇattikaṃ samattaṃ.

321-2. Evaṃ parittārammaṇattikavasena visayīvibhāgaṃ dassetvā idāni yasmā appamāṇārammaṇaniddeseneva maggārammaṇattikasaṅgahitopi visayīvibhāgo niddiṭṭho hoti, tasmā taṃ pahāya atītārammaṇattikavasena dassetuṃ **“dutiārūppacittañcā”**tiādi vuttaṃ. Tattha dutiārūppacittaṃ atītassa paṭhamārūppavīññāṇassa ārammaṇakaraṇato, catutthārūppaṃ tatiārūppassa ārammaṇakaraṇato **ekantaatītārammaṇaṃ. Paccuppannāva gocarāti** rūpādīmihi dharamāneyeva pañcadvārikacittānaṃ uppajjanato. Anāgatārammaṇaṃ pana niyataṃ kiñcī natthi anāgataṃsaññāṇassapi pañcamajjhānato abhinnattā.

324-6. Siyā...pe... nāgatagocarāti aṭṭha tāva mahāvīpākā devamanussānaṃ paṭisandhiggahaṇakāle kammaṃ vā kammanimittaṃ vā ārabha pavattiyāṃ atītārammaṇā. Bhavaṅgacutikālepi eseva nayo. Gatīnimittaṃ pana kadāci

kammanimittaṅca ārabha paṭisandhiggahaṅakāle, tadanantaraṃ bhavaṅgakāle ca paccuppannārammaṇā, tathā pañcadvāre tadārammaṇavasena pavattiyam. Manodvāre pana atītānāgatapaccuppannārammaṇānaṃ javanānaṃ ārammaṇaṃ gahetvā pavattiyam atītānāgatapaccuppannārammaṇā.

Kusalākusalavipākāhetukaupekkhāsahagatamanoviññādhātudvayepi eseva nayo. Kevalaṅhi tā yathākkamaṃ manussesu jaccandhādīnaṃ, apāyesu ca sabbesaṃ paṭisandhi honti. Pañcadvāre ca santīraṅgakāle paccuppannārammaṇāva hontīti ayametesam viseso. Somanassasahagatā pana pañcadvāre santīraṅgasena, tadārammaṇavasena ca pavattikāle paccuppannārammaṇā, manodvāre ca tadārammaṅgakāle atītānāgatapaccuppannārammaṇāti veditabbā. Hasituppādacittaṃ pana khīṇāsavānaṃ pañcadvāre haṭṭhapahaṭṭhākāraṃ kurumānānaṃ paccuppannārammaṇaṃ hoti, manodvāre atītādibhede dhamme ārabha hasituppādavasena pavattiyam atītānāgatapaccuppannārammaṇaṃ. “**Kusalākusala**”tiādīsu kusalesu tāva cattāro ñāṇasampayuttacittuppādā sekhaputhujjanānaṃ, atītādibhedāni khandhadhātuāyatanāni sammasanakāle, paccavekkhaṅgakāle, atītādiārammaṇikaabhiññānaṃ parikkammakāle ca atītānāgatapaccuppannārammaṇā.

Paññattinibbānapaccavekkhaṅgakāle, gotrabhuvodānakāle, paññattinibbānārammaṇikaabhiññānaṃ parikkammādikāle ca navattabbārammaṇā. Paññattinibbānāni hi idha atītādikālavasena navattabbānīti tadārammaṇāni atītārammaṇādivasena navattabbāni. Tenāha “**santapaññattikālepi**”ti, yathāsambhavaṃ santassa nibbānassa, paññattiyā ca ārammaṅkaraṅgakāletī attho. Potthakesu pana “sante paññattikālesū”ti likhanti, so apāṭho. Tassa pana apāṭhabhāvaṃ aḷānanta atthahānimpī asallakkhetvā vacanavipallāsavasena paññattikālasmiṃ satīti atthaṃ likhanti. Ñāṇavippayuttānīpi vuttanayeneva veditabbāni. Kevalaṅhi tesam maggaphalanibbānapaccavekkhaṅgāni natthi. Ñāṇavirahena lokuttaradhammārammaṇe asamattabhabhāvatoṭi ayameva viseso.

Akusalesu cattāro diṭṭhisampayuttacittuppādā atītādibhedānaṃ tebhūmakadhammānaṃ assādanābhinandanaparāmasanakāle atītādiārammaṇā. Tattheva paññattim ārabha pavattikāle navattabbārammaṇā. Diṭṭhivippayuttesupī eseva nayo. Kevalaṅhi tattha parāmāsaggahaṅgaṃ natthi. Dve paṭighasampayuttacittuppādā atītādibhede dhamme ārabha dussanakāle atītādiārammaṇā, paṇṇattim ārabha dussanakāle navattabbārammaṇā. Vicicchuddhaccasampayuttā tesu dhammesu anīṭṭhaṅgatabhāvena ca avūpasamavikkhepavasena ca pavattiyam atītānāgatapaccuppannavattabbārammaṇā. Kiriyāsu aṭṭha sahetukacittuppādā kusalacittuppādagatikā eva. Tattha hi ñāṇasampayuttā kusalesu ñāṇasampayuttehi, ñāṇavippayuttā ñāṇavippayuttehi samānā. Kevalam pana te sekhaputhujjanānaṃ uppajjanti, ime khīṇāsavānanti ayamevettha viseso. Kiriyāhetukamanoviññādhātu pana upekkhāsahagatā pañcadvāre voṭṭhabbanavasena pavattiyam paccuppannārammaṇā, manodvāre atītānāgatapaccuppannārammaṇānaṅceva paññattinibbānārammaṇānaṅca javanānaṃ purecārikakāle atītānāgatapaccuppannavattabbārammaṇā. Abhiññādvayassa atītādiārammaṇataṃ vakkhati. **Navattabbā...pe...ādināti** kasiṇanimittdīpaññattārammaṇattā atītārammaṇādinā navattabbā.

327. Kriyā pañcāti ñāṇasampayuttā catasso, ahetukamanoviññādhātu upekkhāsahagatāti imā pañca kiriyā. **Rūpato pañcamī kriyāti** rūpāvacarapañcamajjhānasāṅkhātā kiriyābhīññā ca. **Natthi kiñci agocaranti** atītādibhedesu, kālavimuttetu ca agocaraṃ nāma kiñci natthi, sabbameva nesaṃ gocaraṃ hotīti attho.

Atītārammaṇattikaṃ.

Vuttanayānusārenea ajjhattārammaṇattikasaṅgahitopi visayīvibhāgo sakkā viññātunti so visuṃ na uddhaṭo. Sarūpato panesa evaṃ veditabbo – viññāṅcaḷāyatanam nevasaṅñāṅcaḷāyatananti ime tāva kusalavipākakiriyāvasena cha cittuppādā attano santānasambandham heṭṭhimam samāpattim ārabha pavattanato ajjhattārammaṇā. Rūpāvacaracattukajjhānāni, paṭhamatatiyārūppāni, lokuttarakusalavipākāni ca niyakajjhattato bahibhāvena bahiddhābhūtāni pathavīkasiṇādīni ārabha pavattito bahiddhārammaṇāni. Sabbeva kāmāvacarakusalākusalābyākatā dhammā rūpāvacarapañcamajjhānaṅca ajjhattabahiddhārammaṇāni. Tattha kāmāvacarakusalato cattāro ñāṇasampayuttacittuppādā attano khandhādīni paccavekkhantassa ajjhattārammaṇā, pasesam khandhādīpaccavekkhaṇe, paṇṇattinibbānapaccavekkhaṇe ca bahiddhārammaṇā, tadubhayavasena ajjhattabahiddhārammaṇā. Ñāṇavippayuttesupī eseva nayo. Kevalaṅhi tesam nibbānapaccavekkhaṇā natthi. Akusalāpi attano khandhādīnaṃ assādanābhinandanaparāmāsādikāle ajjhattārammaṇā, parassa khandhādīsu ceva anindriyabaddharūpakasiṇādīsu ca tattheva pavattikāle bahiddhārammaṇā, tadubhayavasena ajjhattabahiddhārammaṇā. Dvepañcaviññāṅgāni, tisso ca manodhātuyoti ime terasa cittuppādā attano rūpādīni ārabha pavattiyam ajjhattārammaṇā, parassa rūpādīsu pavattā bahiddhārammaṇā, tadubhayavasena ajjhattabahiddhārammaṇā, somanassasahagataṃ santīraṅgaṃ pañcadvāre santīraṅgatadārammaṇavasena attano pañcarūpādīdhamme manodvāre tadārammaṇavasena aññepī ajjhattike kāmāvacaradhamme ārabha pavattiyam ajjhattārammaṇā, pasesam dhammesu pavattamānā bahiddhārammaṇā, tadubhayavasena ajjhattabahiddhārammaṇā. Upekkhāsahagatasantīraṅgadvayepi eseva nayo.

Kevalam pana tam sugatiduggatīsu paṭisandhibhavaṅgacutivasenāpi ajjhattādibhedesu kammādīsu pavattati. Aṭṭha

mahāvīpākāni paṭisandhibhavaṅgacutitadārammaṇavasena ajjhattādibhedesu dhammesu pavattanato ajjhattādiālambaṇāni. Hasituppādampi attano rūpādīni ārabha pahaṭṭhākāraṇavasena pavattiyam ajjhattārammaṇam, parassa rūpādīsu pavattam bahiddhārammaṇam. Manodvārepi attano katakiriyapaccavekkhaṇena hasituppādane ajjhattārammaṇam, paresam katakiriyapaccavekkhaṇena bahiddhārammaṇam, tadubhayavasena ajjhattabahiddhārammaṇam. Manodvārāvajjanam pana manodvāre āvajjanavasena, pañcadvāre ca voṭṭhabbanavasena pavattiyam ajjhattādiārammaṇam. Aṭṭha mahākiriya kusalaḡatikāyeva. Kevalaṅhi tā khīṅāsavānaṃ uppajanti, kusalāni sekhaputhujjanānanti ettakameva nānattaṃ. Rūpāvacarapañcamajjhānassa ajjhattādiārammaṇataṃ vakkhati.

329. “Phalaṃ, magga”nti ca sāmāññena pucchitattā āha “**cattāro...pe... puññato**”ti.

332-4. Arahattamaggaphalāni pana te jānituṃ na sakkonti, tathā kusalābhiññā ca. Tenāha “**sabbesu panā**”tiādi. Voṭṭhabbanassa āvajjanakiccasamayaṃ sandhāya gāthābandhasukhatthaṃ “**voṭṭhabbanampi cā**”ti vuttaṃ. “**Cattāro...pe... puññato**”ti idaṃ ṅāṇasampayuttassāpi sekhaputhujjanasantānappavattassa aggamaggaphalajānane asamatthātāya nidassanamattaṃ. Kusalābhiññācittampi pana taṃ gocaraṃ kātumasamatthameva. Evaṅca katvā heṭṭhā “kriyābhiññā manodhātū”ti vuttaṃ.

335-8. Kasmāti kāraṇapucchā. “**Arahato**”tiādi vissajjanam. **Hi**-saddo “yasmā”ti imassa atthe. Yasmā puthujjanā vā sekha vā arahato maggacittaṃ, phalaṃnasaṅca jānituṃ na sakkonti, tasmāti attho. Ayaṅca nesam asamatthātā anadhigatattā anadhigate ca visaye sabbesampi moho atthevāti dassetuṃ “**puthujjano na jānāti**”tiādi vuttaṃ. **Sotāpannassa mānasanti** sotāpannassa pāṭipuggalikaṃ maggaphalasaṅkhātalokuttaramānasam. Evaṃ “**sakadāgāmissa mānasa**”ntiādisupi. Lokiyamānasam pana arahantassāpi jānāti. Tathā hi vuttaṃ “atha kho māro pāpimā bhagavato cetasā cetoparivittakamaññāyā”ti. Vuttamevatthaṃ saṅkhipitvā dassento āha “**heṭṭhimo heṭṭhimo**”tiādi. Yatheva heṭṭhimo heṭṭhimo puggalo uparūpari cittaṃ na jānāti, evaṃ uparimo uparimopi heṭṭhimassa heṭṭhimassa cittaṃ na jānāti ce? No na jānāti, so pana attanā adhigatavisayattā jānātiyevāti dassento āha “**uparūpari**”tiādi. Yathā “uparūpari”ti vuttaṃ, evaṃ “heṭṭhimassa heṭṭhimassā”ti vattabbe ekaṃ heṭṭhima-saddam ca-saddena saṅgahetvā “**heṭṭhimassa ca mānasa**”nti vuttaṃ.

339-41. Evampi visayīpadhānavasena vibhāgaṃ dassetvā idāni visayappadhānavasena dassetuṃ “**yo dhammo**”tiādi vuttaṃ. Kusalameva ārammaṇanti **kusalārammaṇam**. **Kāmeti** padaṃ ubhayattha sambandhitabbaṃ “kāme kusalārammaṇam kāme kusalākusalassā”ti. Kiñcāpi hi akusalassa ekantakāmāvacarattā na etassa visesitabbatā atthi, kusalam pana visesitabbamevāti taṃ apekkhāya “**kāme**”ti uparipadena sambandhitabbameva. Atha vā akusalasahacariyato kusalampi kāmāvacarameva gayhatṭi “kāme”ti idaṃ purimapadasseva visesaṃ daṭṭhabbaṃ.

Kāmāvacarapakassāti pañcaviññāṇasampaṭicchānānaṃ ekantena rūpakkhādhārammaṇattā tadavasesassa ekādasavidhassa kāmāvacaravīpākassa. **Kāmakriyassāti** vuttanayeneva manodhātuvajjitassa dasavidhakāmāvacarakiriyacittassa. **Etesam...pe... ārammaṇam siyāti** ettha kusalassa tāva attanā katassa dānādīkāmāvacarakusalassa pasannacittena anussaraṇakāle, tatheva parehi katassa anumodanakāle, tasseva duvidhassāpi aniccādivasena paccavekkhaṇakāle, cetopariyaññādinam parittakusalārammaṇikaabhiññānaṃ parikkammādīkale ca ārammaṇam hoti. Akusalesu ca catunnam diṭṭhigatasampayuttānaṃ kāmāvacarakusalam ārabha assādanābhinandanaparāmasanakāle, diṭṭhivippayuttānaṃ kevalam assādanādīkale ca dvinnam paṭighasampayuttānaṃ attanā, parehi ca katakusalamārabha vipaṭisāradussanakāle, vicikicchācittassa asanniṭṭhānakāle, uddhaccasahagatassa avūpasamavikkhepakāle ca ārammaṇam hoti. Abhiññācittadvaye kusalassa sekhaputhujjanānaṃ attanā, parehi vā katakusalassa anussaraṇakāle, paracittavijānanakāle, “iminā puññakammena manussesu, kāmāvacaradevesu ca nibbattati”ti jānanakāle, “anāgate dānādīni puññāni karomi, karissati”ti jānanakāle ca kiriyacittassāpi khīṅāsavānaṃ attanā, parehi vā katakammānussaraṇakālādisu ārammaṇam hoti. Kāmāvacaravīpākesu navannaṃ sugatipaṭisandhīnaṃ kammakammanimittārammaṇikapāṭisandhikāle, sabbesampi tadārammaṇānaṃ kāmāvacarakusalārammaṇikajavanānantaram tadārammaṇakāle ca ārammaṇam hotīti. Dasavidhakāmāvacarakiriyāsu ca aṭṭhannaṃ mahākiriyaṅcittānaṃ khīṅāsavānaṃ kāmāvacarakusalapaccavekkhaṇasammanakāle, parittārammaṇikakiriyābhiññānaṃ parikkammādīkale, hasituppādassa dānādīṃ paccavekkhitvā tussanakāle, manodvārāvajjanassa pana kāmāvacarakusalārammaṇikajavanānaṃ purecārikakāle ca ārammaṇam hotīti evaṃ kāmāvacarakusalam channaṃ rāsīnaṃ ārammaṇam hoti.

342. **Tatoti** yathāvuttarāsīto. Tenāha “**pañcannaṃ pana rāsīna**”nti. Ettha ca kiriyacittesu hasituppādo na sambhavati ekantaparittārammaṇattā. Tattha kāmāvacarakusalassa tāva sekhaputhujjanānaṃ jhānapaccavekkhaṇasammanakāle, rūpāvacararakusalārammaṇikaabhiññānaṃ parikkammādīkale, akusalassa vuttanayena parāmasanādīkale, abhiññāsu kusalābhiññāya sekhaputhujjanānaṃ attanā, parehi vā atītabhave uppāditajhānānussaraṇakāle, paresam rūpāvacaracittaparicchindanakāle, “iminā kammena imasmim brahmaloke nibbattissati”ti jānanakāle ca “anāgate jhānaṃ bhāvessati”ti vā jānanakāle, kiriyābhiññāya ca khīṅāsavānaṃ

yathāvuttavasena pavattikāle ca navavidhassa pana kiriyacittassa khīṇāsavānaṃ heṭṭhā vuttanayena rūpāvacarakusalapaccavekkhaṇakāleti evaṃ rūpāvacarakusalāṃ pañcannaṃ rāsīnaṃ ārammaṇaṃ hoti.

343-7. Āruppakusalañcāpi ārammaṇapaccayo hotīti sambandho. **Tebhūmakakusalassāti** sabbassa kāmāvacarakusalassa, rūpāvacarakusalesu kusalābhiññāya, arūpāvacarakusalesu dutiyacatutthakusalassa cāti imassa tebhūmakakusalassa. Esa nayo “**tebhūmakakriyassā**”ti ethhāpi. “Catutthadūna”nti vā “catutthadutiyaṇa”nti vā vattabbe gāthābandhavasena vibhattiyā, savibhattissa vā tiya-saddassa lopaṃ katvā “**catutthadū**”ti vuttaṃ. **Imesaṃ...pe... paccayoti** kāmāvacarakusalassa, tāva abhiññākusalassa ca rūpāvacarārammaṇesu vuttanayena dutiyacatutthārūppassa paṭhamatatiyavasenāti evaṃ tebhūmakakusalassa tathā sekhaputhujjanakāle attano santānagatassa, parasantānagatassa vā āruppakusalassa pajānanakāle kāmāvacararūpāvacarakiriyacittassa sekhaputhujjanakāleyeva attanā nibbattitaṃ paṭhamatatiyārūppaṃ ārabha khīṇāsavakāle dutiyacatutthārūppanibbattane arūpakiriyacittassāti evaṃ tebhūmakakiriyassa heṭṭhā vuttanayeneva akusalassa, catutthadutiyaṇaṃca arūpāvacaravipākānanti evametesāṃ aṭṭhannaṃ rāsīnaṃ arūpakusalāmārammaṇaṃ hoti.

Paricchijja gāhikāya taṇhāya āpannanti pariyāpannaṃ, tebhūmakadhammajātaṃ, na pariyāpannanti apariyāpannaṃ, tadeva puññañcāti **apariyāpannapuññaṃ**. Kāmāvacaratopi kusalassa kiriyassāti sambandho.

Rūpatoti rūpāvacarato. **Catunnaṃ...pe... sadāti** sekhānaṃ maggapaccavekkhaṇakāle maggārammaṇikakusalābhiññāya parikammādikāle ñāṇasampayuttakusalassa, khīṇāsavānaṃ maggapaccavekkhaṇakāle maggārammaṇikakiriyābhiññāya ca parikammakāle ñāṇasampayuttakiriyacittassa, tesāṃ tesāṃ javanānaṃ purecaravasena pavattikāle manodvārāvajanassa, sekhānaṃ attano, paresāṃ vā maggajānanakāle abhiññādvayassāti evametesāṃ catunnaṃ rāsīnaṃ apariyāpannakusalāmārammaṇaṃ hoti.

Tathevākusalāṃ...pe... iritanti sekhānaṃ pahīnāvāsītṭhakilesapaccavekkhaṇakāle, sekhaputhujjanānaṃ attano, paresāṃ vā santānappavattākusalasammasanakāle, akusalārammaṇikakusalābhiññāya parikammādikāle kāmāvacarakusalassa, attano, paresāṃ vā pavattaakusalānussaraṇādīsu rūpāvacarakusalassa, khīṇāsavānaṃ pahīnakilesapaccavekkhaṇaṇāññasantānagataakusalasammasanādikāle, pahīnakilesapaccavekkhaṇena tussanakāle, sabbesampi taṃtaṃjavānānaṃ purecarakāle ca kāmāvacarakiriyacittassa, kusalābhiññāya vuttanayena rūpāvacarakiriyacittassa, parāmāsaassādanābhinandanādivasena pavattiyāṃ akusalassa, uddhaccarahitakammārammaṇavasena akusalavipākasantīraṇassa, kāmāvacarajavanānaṃ anussaraṇakāle sabbampi ekādasatadārammaṇavipākassāti evaṃ kāmāvacaravipākānanti evametesāṃ channaṃ rāsīnaṃ akusalāmārammaṇaṃ hoti.

348-56. Vipākārammaṇaṃ...pe... paccayoti sekhaputhujjanānaṃ vipākāsammasanādikāle kāmāvacarakusalassa, vipākakkhandhānussaraṇādīsu rūpāvacarakusalassa, vuttanayeneva khīṇāsavānaṃ vipākāsammasanādikāle, puthujjanakāle anīṭṭhavipākābhāvaṃ ārabha tussanakāle, yathāvuttajavanānaṃ purecarakāle kāmāvacarakiriyacittassa, kusalesu vuttanayeneva rūpāvacarakiriyacittassa, vipākāṃ ārabha tadārammaṇappavattiyāṃ vipākārammaṇikakammunā paṭisandhiṃ gaṇhantassa kammanimittavasena pavattiyāṃca kāmāvacaravipākassa, assādanābhinandanaparāmāsādivasena pavattiyāṃ akusalassāti evametesāṃ channaṃ rāsīnaṃ kāmāvacaravipākārammaṇapaccayo hotīti. Rūpāvacaravipākārammaṇepi imināva nayena yojanā kātābba. Kevalaṇhi taṃ kāmāvacaravipākānaṃ kiriyacittesu ca hasituppādassārammaṇaṃ na hotīti ayamettha viseso. Lokuttaravipākassa kāmāvacarakusalakiriyānamārammaṇakkamo appamāṇārammaṇaniddese vuttanayena veditabbo.

Kāmāvacarakiriyacittassa kāmāvacarakusalādīnaṃ channaṃ rāsīnamārammaṇakkamo kusalārammaṇe vuttasadiṣova. Kevalaṇhi etha yadetaṃ khīṇāsavasantānasseva niyataṃ navavidhaṃ kiriyacittaṃ, taṃ parasantānappavattākusalākusalassa, sasantāneva sekhaputhujjanakāle anāgatārammaṇikaabhiññāya parikammādivasappavattākusalassa ārammaṇaṃ hoti. Vipākesu ca paṭisandhibhavaṅgacutisaṅkhātānaṃ vipākānaṃ kammārammaṇavasena ārammaṇaṃ na hotīti ayameva viseso.

Rūpāvacarakiriyacittassa pañcannaṃ rāsīnaṃ ārammaṇakkamo kusalārammaṇe vuttasadiṣova. Visesopi kāmāvacarakiriyārammaṇe vuttanayeneva veditabbo. Āruppakiriyacittassāpi tesāṃ pañcannaṃ rāsīnaṃ gocarabhāvo vuttasadiṣova. Āruppakiriyassa pana paṭhamatatiyāṃ dutiyacatutthasseva gocaro hoti.

357-8. Evaṃ rūpanibbānavajjitamārammaṇaṃ dassetvā idāni rūpārammaṇaṃ, nibbānārammaṇaṃca dassetuṃ “**rūpaṃ catusamuṭṭhāna**”ntiādi āradhaṃ. **Rūpanti** aṭṭhavīsatividho bhūtopādāyabhedabhinno rūpakkhando. Kiñcāpi na sabbameva rūpaṃ paccekaṃ catusamuṭṭhānaṃ, samudito pana rūpakkhando catūhi eva samuṭṭhānehi samuṭṭhātīti katvā vuttaṃ “**catusamuṭṭhāna**”nti. **Kāmapākakiriyassāti** kāmāvacaravipākassa, kāmāvacarakiriyacittassa ca, tattha ca kāmāvacarakusalassa tāva vaṇṇadānādipuññakiriyakāle, vaṇṇadīnaṃ aniccādivasena sammasanakāle, abhiññāya parikammādikāle, akusalassa assādanābhinandanaparāmāsādikāle,

abhiññādvayassa iddhiḍḍhabhūtaṣṣa suvaṇṇadubbaṇṇādirūpanimmānakāle, pubbenivāsānussatibhūtaṣṣa “purimabhāve evaṃvaṇṇo ahoṣi”ntiādinā anussaraṇakāle, dibbacakkhubhūtaṣṣa cavamānaupapajjamānasattānaṃ vaṇṇadassanākāle, dibbasotabhūtaṣṣa saddasavanākāle, anāgataṃsaññābhūtaṣṣa “anāgate evaṃvaṇṇo bhavissāmī”tiādinā jānanākāle, kāmāvacaravipākesu dvipaṇcaviññānasampañcchanadvayassa yathāyogaṃ rūpādivijānanākāle, sukhasantīraṇassa santīraṇatadārammaṇakāle, upekkhāsantīraṇadvayassa santīraṇatadārammaṇakammanimittagatinimittārammaṇakāle, sahetukavipākassa kammanimittagatinimittārammaṇakāle, tadārammaṇakāle ca, kāmāvacarakiriyāsu pana kusale vuttanayānusārena aṭṭhamahākiriyaḍḍhassa, “evarūpaṃ vaṇṇādimadāsi”nti tussanākāle hasituppādassa, paṇcadvāraṇanodvāresu voṭṭhabbanāvajjanākāle manodvārāvajjanassa, paṇcadvāre āvajjanākāle paṇcadvārāvajjanassa ca ārammaṇaṃ hotīti evaṃ catusamuttāhānikaṃ rūpaṃ channaṃ rāsīnamārammaṇaṃ hoti.

359-60. Nibbānaṃ pana gotrabhuvodānakāle, nibbānārammaṇikaabhiññāya parikammādikāle ca kāmāvacaratihetukakusalassa, atītabhāve sacchikatanirodhānussaraṇakālaḍḍisu rūpāvacarakusalassa, vuttanayeneva kāmārūpāvacarakiriyacittassa, maggaṭṭhānaṃ tadanantaraphalavalañjanaphalakālesu apaniyāpannakusalavipākassa cāti evaṃ channaṃ rāsīnaṃ ārammaṇaṃ hotīti dassetuṃ “**nibbānārammaṇa**”ntiādi vuttaṃ. **Ubhayassāti** kāmāvacararūpāvacaravasena duvidhassa.

361-2. **Nānappakārakanti** dvādasamaparicchede vakkhamānanayena nānāvidhappakāraṃ. **Navannaṃ...pe... paccayoti** kāmāvacarakusalassa, akusalassa, hasituppādamanodhātuvajjitakāmāvacarakiriyacittānañceva dvinnaṃ abhiññācittānañca sabbāpi paññatti, rūpāvacarakusalavipākakiriyānaṃ kasiṇanimittādikā, paṭhamārūppakusalavipākakiriyānaṃ ākāsapaññatti, tatiyārūppakusalādināṃ tiṇṇaṃ abhāvapaññattīti evaṃ paññatti navannaṃ rāsīnaṃ ārammaṇapaccayo hotīti.

363-5. Evaṃ yo dhammo yassa dhammassa ārammaṇaṃ hoti, taṃ ekekuddhāravasena dassetvā idāni sabbe catubhūmakacittuppāde chahi ārammaṇehi yojetvā dassetuṃ “**rūpārammaṇikā dve**”tiādi gāthāttayaṃ vuttaṃ. Taṃ heṭṭhā vuttatthameva.

366-9. “**Paṭhamārūppakusala**”ntiādi pana heṭṭhā vuttanayampi arūpāvacarārammaṇesu arūpāvacaradhammānaṃ sekhāsekhavasena nānappakārato pavattīākāraṃ pakāsetuṃ vuttaṃ. **Kusalassāti** sekhaputhujjanānaṃ dutiyārūppakusalassa. Vipākassa pana khīṇāsavānaṃ pavattamānassāpi ārammaṇaṃ hoti tassa purimabhāve kammanimittārammaṇattā. Arūpabhāve atisantabhāvena pavattamānaṃ bhavaṅgacittaṃ na bhāvanāya parisuddhaṃ upaṭṭhātīti āha “**paṭhamārūppapāko**”tiādi. Paṭhamāṃ tu kiriyacittaṃ puññassa dutiyārūppacetaso ārammaṇaṃ na hoti, vipākassa dutiyārūppacetaso ārammaṇaṃ na hotīti sambandho. Tattha khīṇāsavakāle kassaci kusalassa abhāvato “**na puññassā**”ti vuttaṃ. Ākāsānañcāyatanakiriyāsamaṅgissa viññānañcāyatanavipākacittaṃ na pavattatīti “**na pākassā**”ti vuttaṃ. Khīṇāsavassa diṭṭhadhammasukhavihāratthaṃ, nirodhasamāpajjanatthañca samāpattiyo samāpajjantassa paṭhamārūppakiriyacittaṃ dutiyassa ārammaṇaṃ hotīti āha “**paṭhamāṃ tu kriyācitta**”ntiādi.

370-3. “Dvidhā”ti ca vatvā tameva duvidhataṃ, tividhatañca dassetuṃ “**kusalaṃ kusalassā**”ti, “**kriyassāpi kriyā hotī**”ti ca ādi vuttaṃ. Taṃ vuttanayameva. **Evameva ...pe... siyāti** paṭhamārūppacitte vuttanayena sekhaputhujjanānaṃ dvidhā, khīṇāsavānañca tidhā ārammaṇaṃ bhavatīti attho.

374-5. **Yaṃ yaṃ gocaraṃ ārabhāti** rūpārūpanibbānapaññattīsu yaṃ yaṃ gocaraṃ ārabhā. **Ye yeti** arūpadhammā. **Yo naroti** yo gahaṭṭho, pabbajito vā māṇavo. **Kirāti** anumatiyaṃ. Tassa “uttaratevā”ti iminā sambandho. **Pāranti** avasānaṃ. Taṃ imassa paramanipuṇagambhīranayasamaṅgitāya yāthāvato otarantehi akasirena taritūṃ asakkuṇeyyattā duppāpuṇeyyanti katvā āha “**duttara**”nti. **Uttaranti** uttamaṃ. Abhidhammāvatārassa hi uttamāyā tadekadesabhūtapāraṃpi uttamameva hoti. **Soti** so samuttīṇṇābhidhammāvatārapāro naro. **Uttarateva**, na pana na sakkoti taṃ uttaritunti attho.

Iti abhidhammatthavikāsinīyā nāma

Abhidhammāvatārasaṃvaṇṇanāya

Ārammaṇavibhāganiddesavaṇṇanā niṭṭhitā.

7. Sattamo paricchedo

Vipākacittappavattiniddesaṅgaṇā

376. Anantañāṇenāti anantārammaṇe pavattañāṇena. **Niraṅgaṇenāti** ettha rāgādayo akusalā aṅganti etehi taṃsamaṅgino puggalā nihīnabhāvaṃ gacchantīti **aṅgaṇāti** vuccanti. Yathāha –

“Rāgo aṅgaṇaṃ, doso aṅgaṇaṃ, moho aṅgaṇaṃ, pāpakānaṃ kho, āvuso, akusalānaṃ icchāvacaṛānaṃ adhivacaṇaṃ yadidaṃ aṅgaṇa”nti ca ādi (vibha. 924).

Attano santāne sīlādiguṇe esī gavesīti guṇesī, tena **guṇesinā**. Karuṇāyaṃ niyutto, sā assa atthīti vā kāruṇiko, tena **kāruṇikena**. Ettha ca “anantañāṇenā”ti iminā bhagavato sabbaññubhāvamaṃ, “niraṅgaṇenā”ti khīṇāsavabhāvaṃ, “guṇesinā”ti pubbacariyaṃ, “kāruṇikena”ti mahākāruṇāsamaṅgibhāvaṃ. Ettakena pana thomanena bhagavato vipākadesanāya niyyānikādiabhāvaṃ dīpeti. Asabbaññunā hi desitaṃ aniyyānikaṃ hoti, akhīṇāsavena desitaṃ na pākaṭaṃ, apuññavatā desitaṃ nappatīṭhāti, akāruṇikena vuttaṃ sukhadāyakaṃ na hoti. Bhagavato pana sabbaññubhāvato tena desitaṃ niyyānikaṃ, khīṇāsavattā pākaṭaṃ, puññavantatāya patīṭhāti, mahākāruṇāsamaṅgitāya sukhadāyakanti. **Cittappabhavanti** vipākacittānaṃ uppattim.

377-86. Idāni vipākakathāya mātīkāvasena aṭṭhakathāya ṭhapite dasappakāre dassetuṃ “**ekūnatimṣa kammāni**”tiādi vuttaṃ. Tattha yathāraddhāya vipākakathāya mūlakāraṇabhāvato “**ekūnatimṣa kammāni**”ti paṭhamaṃ kammavavattānaṃ kataṃ. Kamme pana kathite vipākakathāya adhiṭṭhānabhūtā vipākāpi kathetabbāti “**pākā dvattimṣa dassitā**”ti dutiyaṃ vipākavavattānaṃ kataṃ. Kammavipākānaṃ advāresu adissanato “**tīsu... pe... dissare**”ti tatiyaṃ kammadvāravipākadvārā vuttā. Kammavipākānaṃ vacanappasaṅgeyeva ekasseva kammassa taṃ taṃ paccayamāgamaṃ anekaphalanipphādanam dassetuṃ “**kusalaṃ...pe... vividhaṃ phala**”nti catutthaṃ kāmavacaṛakusalassa pavattipaṭisaṅghāsu nānāphalanipphādanam vuttaṃ. Evaṃ vutte pana pavattipaṭisaṅghānaṃ labbhamānavipākavasena vuttabhāvaṃ ajānantā –

“Tasseva kammassa vipākāvasesenā”ti;
 “Ekaṃ pupphaṃ cajitvāna, asītikappakoṭiyo;
 Duggatiṃ nābhijānāmi”ti. ca –

Evaṃādivacaṇassa byañjanacchāyāya atthaṃ gahetvā dinnapaṭisaṅghikāyapi cetanāya puna paṭisaṅghidānaṃ maññeyyunti “**ekāya...pe... pakāsītā**”ti pañcamaṃ ekena kammena ekissāyeva paṭisaṅghiyā nibbattanaṃ vuttaṃ. Ekasmiṃ bhava nānākammassa vipākappavattim suṇantā “disvā kumāraṃ satapuññalakkhaṇa”ntiādivacaṇassa atthaṃ ajānantā “nānākammassa ekāya paṭisaṅghiyā hoti”ti cinteyyunti “**nānā...pe... paṭisaṅghiyā**”ti chaṭṭhaṃ nānākammassa nānāpaṭisaṅghidānaṃ vuttaṃ. Tathā vipaccantassa ca ekassa kammassa soḷasa vipākāni dvādasamaggo ahetaṭṭhakampīti ayaṃ vipākavibhāgo hetubhedavasena hotīti dassanattaṃ “**tihetukaṃ...pe... na ca hoti tihetukā**”ti sattamaṃ aṭṭhakathāya āgatahetukittanaṃ dassitaṃ. Taṃ pana hetukittanaṃ ekekassa kammassa vipākavibhāgadassanattanti. Idāni **tipiṭakacūlanāgattarassa**, **moravāpivāsimahādattattherassa**, **tipiṭakamahādhammarakkhitattherassa**ti tiṇṇaṃ therānaṃ vādesu “ekāya cetanāya dvādasā vipākāni ettheva dasakamaggo ahetaṭṭhakampī”ti āgatassa dutiyattheravādassa, “ekāya cetanāya dasā vipākāni ettheva ahetaṭṭhakampī”ti āgatassa tatiyattherassa vādassa ca na sammāpatīṭhitattā suppatīṭhitassa paṭhamattheravādassa vasena dassetuṃ vipākesu asaṅkhārasasaṅkhāraṇānaṃ paccayabalena hoti, no kammabalenāti dīpanattaṃ aṭṭhamaṃ, “**asaṅkhārasasaṅkhāra**”ntiādinā kammena saha asamānampi katvā saṅkhārabhedo vutto. Kammassa somanassupekkhāsahagatabhāvepi ārammaṇavaseneva vipākavedanāya parivattanaṃ dassetuṃ “**ārammaṇena...pe... parivattana**”nti navamaṃ ārammaṇena vedanāparivattanaṃ vuttaṃ. Kammavasena ceva ārammaṇavasena ca aniyatassa tadārammaṇassa javanavasena niyamadassanattaṃ “**tadārammaṇa...pe... niyāmita**”nti dasamaṃ javanena tadārammaṇaniyamo vuttoti.

Ekūnatimṣa kammāniti kusalākusalavasena vīsati parittāni, nava mahaggatāni ekūnatimṣa kammāni. Yasmā panesā vaṭṭavasena vipākakathā, tasmā lokuttarakusalaṃ vajjetvā ekūnatimṣeva kammāni vuttāni. Evaṃ “**pākā dvattimṣā**”ti etthāpi tevīsati parittā, nava mahaggatāni pākā dvattimṣa. **Tīsu dvāresūti** kāyavacīmanodvāravasena tīsu kammadvāresu. Kammadvāravavattānaṃ heṭṭhā saṅkhepato dassitameva. Vitthārato panetaṃ **aṭṭhasāliniyā** dhammasaṅgahaṭṭhakathāya (dha. sa. aṭṭha. 1 kāyakammadvāra), taṃsaṃvaṇṇanādīto ca gahetabbaṃ. Kāmaṃ kammāni chasu dvāresu pavattanti, pañcadvārapavattāni pana avipākāni, manodvāradvāratayavasena bhinnānaṃ vipākadāyakanameva saṅgaṇhanattaṃ “tīsu dvāresū”ti vuttaṃ. **Chasūti** cakkhudvārādīni pañca, manodvārañcāti chasu vipākadvāresu.

Taṃ taṃ paccayamāgammāti kālasampadādikaṃ taṃ taṃ paccayamāgama. Tenāhu porāṇā –

“Kālopadhippayogānaṃ, gatiyā ca yathārahaṃ;
Sampattiṇca vipattiṇca, kammamāgama paccatī”ti.

Atha vā **taṃ taṃ paccayanti** somanassādihetubhūtaṃ taṃ taṃ sahakāripaccayaṃ. **Vividhaṃ phalanti** somanassupekkhāsahagatasahetukāhetukaasaṅkhārasasaṅkhāravasena nānappakāraphalaṃ. **Ekāya cetanāyāti** upapajjavedanīyabhūtāya, aparāpariyavedanīyabhūtāya vā ekāya cetanāya. Diṭṭhadhammavedanīyabhūtā pana pavattivipākameva nibbatteti, no paṭisandhiṃ.

Kiñcāpi “**tihetuka**”nti avisesena vuttaṃ, ukkaṭṭhameva pana tihetukakammaṃ tihetukavipākaṃ deti, tathā duhetukampi ukkaṭṭhameva duhetukavipākaṃ deti. Omakaṃ pana tihetukakammaṃ duhetukukkaṭṭhasadisam, duhetukāhetukameva vipākaṃ deti. Tathā duhetukampi ahetakameva vipākaṃ detīti. Ukkaṭṭhomakavibhāgo ca panesa kusalākusalapariivāralābhato, āsevanavippaṭisārappavattiyā vā daṭṭhabbo. Yañhi kammaṃ attano pavattikāle purimacchābhāgappavattehi kusaladhammehi parivāritaṃ, pacchā vā āsevanalābhena samudāciṇṇaṃ, taṃ ukkaṭṭhaṃ. Yaṃ pana karaṇakāle akusaladhammehi parivāritaṃ, pacchā vā “dukkaṭṭhaṃ mayā”ti vippaṭisāruppādanena paribhāvitaṃ, taṃ omakaṃ nāma hoti.

Athettha yathāvuttavidhānaṃ kiṃ paṭisandhipavattīnaṃ avisesena, udāhu pavattivasenevāti ce? Pavattivaseneva, paṭisandhiyaṃ pana ayaṃ visesoti dassento āha “**tihetukena**”tiādi. Etthāpi tihetukukkaṭṭhakammeneva tihetukapaṭisandhi hoti, omakena pana duhetukukkaṭṭhena ca duhetukā paṭisandhi, duhetukomakena pana ahetakāvāti ayaṃ viseso vedītabbo. Yasmā panettha ñāṇaṃ jaccandhādivipattinimittassa mohassa, sabbākusalassa vā paṭipakkhaṃ, tasmā taṃsampayuttaṃ kammaṃ jaccandhādivipattipaccayaṃ na hotīti tihetukaṃ atidubbalaṃ samānaṃ duhetukapaṭisandhimeva ākaḍḍhati, nāhetukanti āha “**na ca hoti ahetakā**”ti. Yasmā **paṭisambhidāmagge** sugatiyaṃ jaccandhabadhirādivipattiyā ahetakūpapattiṃ vajjetvā gatisampattiyā ahetakūpapattiṃ dassentena dhammasenāpatinā

“Gatisampattiyā ñāṇasampayutte aṭṭhannaṃ hetūnaṃ paccayā upapatti hoti, gatisampattiyā ñāṇasampayutte katamesaṃ aṭṭhannaṃ hetūnaṃ paccayā upapatti hoti? Kusalassa kammaṃ javanakkhaṇe tayo hetū kusalā tasmīṃ khaṇe jātacetanāya sahaajātapaccayā honti, tena vuccati kusalamūlapaccayāpi saṅkhārā. Nikantikkhaṇe dve hetū akusalā tasmīṃ khaṇe jātacetanāya sahaajātapaccayā honti, tena vuccati akusalāmūlapaccayāpi saṅkhārā. Paṭisandhikkhaṇe tayo hetū abyākatā tasmīṃ khaṇe jātacetanāya sahaajātapaccayā honti, tena vuccati nāmarūpapaccayāpi viññāṇaṃ, viññāṇapaccayāpi nāmarūpa”nti (paṭi. ma. 1.231-232) –

Evam javanakkhaṇe tiṇṇaṃ hetūnaṃ paccayā ñāṇasampayuttavipākupatti vuttā, na pana “javanakkhaṇe dvinnam hetūnaṃ paccayā”ti, tasmā tihetukakammeneva tihetukapaṭisandhi hoti, na duhetukenāti āha “**duhetukena...pe... na ca hoti tihetukā**”ti. Yadi hi duhetukakammena tihetukapaṭisandhi siyā, yathā “aṭṭhannaṃ hetūnaṃ paccayā upapatti hoti”ti vatvā tassa vibhaṅgo kato, evaṃ “gatisampattiyā ñāṇasampayutte sattannaṃ hetūnaṃ paccayā upapatti hoti. Gatisampattiyā ñāṇasampayutte katamesaṃ sattannaṃ hetūnaṃ paccayā upapatti hoti? Kusalassa kammaṃ javanakkhaṇe dve hetū kusalā tasmīṃ khaṇe...pe... saṅkhārā, nikantikkhaṇe dve hetū akusalā tasmīṃ khaṇe...pe... saṅkhārā, paṭisandhikkhaṇe tayo hetū abyākatā tasmīṃ khaṇe...pe... nāmarūpa”nti sattannaṃ hetūnaṃ paccayā ñāṇasampayuttupapattiṃ vatvā tassa vibhaṅgo kātabbo siyā, na ca panevaṃ atthi, tasmā viññāyati “duhetukakammena tihetukapaṭisandhi na hoti”ti.

Yadi evaṃ –

“Gatisampattiyā ñāṇavippayutte channaṃ hetūnaṃ paccayā upapatti hoti. Gatisampattiyā ñāṇavippayutte katamesaṃ...pe... hoti? Kusalassa kammaṃ javanakkhaṇe dve hetū kusalā tasmīṃ khaṇe...pe... saṅkhārā. Nikantikkhaṇe dve hetū akusalā tasmīṃ khaṇe...pe... saṅkhārā. Paṭisandhikkhaṇe dve hetū abyākatā tasmīṃ khaṇe...pe... nāmarūpa”nti –

Evam duhetukakammena duhetukūpapattiṃ uddharitvā “gatisampattiyā ñāṇavippayutte sattannaṃ hetūnaṃ paccayā upapatti hoti. Gatisampattiyā ñāṇavippayutte katamesaṃ sattannaṃ hetūnaṃ paccayā upapatti hoti? Kusalassa kammaṃ javanakkhaṇe tayo hetū kusalā tasmīṃ khaṇe...pe... saṅkhārā. Nikantikkhaṇe dve hetū akusalā tasmīṃ khaṇe...pe... saṅkhārā. Paṭisandhikkhaṇe dve hetū abyākatā tasmīṃ khaṇe...pe... nāmarūpa”nti evaṃ tihetukakammena duhetukapaṭisandhiyāpi anuddhaṭṭā sāpi na hotīti ce? No na hoti, duhetukomakakammena ahetakapaṭisandhiyā viya tihetukomakena duhetukapaṭisandhiyā vā dātabbattā, kammaṃ sarikkhakavipākadassanattamaṃ pana mahātherena pāṭho sāvaseso kato.

Yadi evaṃ purimavutthehi idaṃ samānaṃ kamma sarikkhakatābhāvato ti hetukakammaena ti hetukapaṭisandhi na uddaḥā, na pana alabbhanatoti? Taṃ na, akusalakammaassa alobhasampayogābhāvato, alobhaphaluppādane viya ñānavippayuttassa ñānaphaluppādane asamattabhāvato. Paññābalasampayogato hi taṃñānaphaluppādane samattham hoti.

Etthāha – kiṃ panetaṃ kammameva paṭisandhiṃ dentaṃ attanā sadisavedanameva deti, udāhu visadisavedanampīti? Duhetukomakameva visadisavedanaṃ deti, itaraṃ pana sadisavedanameva. Tathā hi **papañcasūdaniyā** majjhimaṭṭhakathāya mahākammavibhaṅgasutte sukhavedanīyādikammavaṇṇanāya –

“Kāmāvacarakusalato somanassasahagatacittasampayuttā catasso cetanā, rūpāvacarakusalato catukkajjhānacetanāti evaṃ paṭisandhipavattesu sukhavedanāya jananato sukhavedanīyaṃ kammaṃ nāma. Kāmāvacarañcetha paṭisandhiyaṃveva ekantena sukhaṃ janeti, pavatte pana iṭṭhamajjhāttārammaṇe adukkhamasukhampi.

“Akusalacetanā pavatte kāyadvārappavattadukkhassa jananato dukkhavedanīyaṃ kammaṃ nāma.

“Kāmāvacarakusalato pana upekkhāsahagatacittasampayuttā catasso cetanā, rūpāvacarakusalato catuttajjhānacetanāti evaṃ paṭisandhipavattesu tatiyavedanāya jananato adukkhamasukhavedanīyaṃ kammaṃ nāma. Ettha ca “kāmāvacaraṃ paṭisandhiyaṃveva ekantena adukkhamasukhaṃ janeti, pavatte iṭṭhārammaṇe sukhampī”ti (ma. ni. aṭṭha. 3.300) –

Vuttaṃ. Nanu ca “ārammaṇena hoteva, vedanāparivattana”nti vacanato ārammaṇavasena vedanāniyamo hoti, na ca somanassasahagatakammaena paṭisandhiṃ gaṇhantassa iṭṭhārammaṇameva kammanimittādikamāpāthamāgacchatīti niyamo atthi, upekkhāsahagatakammaena vā iṭṭhamajjhāttārammaṇanti na sakkā vattaṃ, tasmā kathaṃ kammavaseneva vedanāniyamoti? Vuccate – iṭṭhādiārammaṇampi āpāthamāgacchantam kammabaleneva āgacchatīti somanassasahagatakammaena paṭisandhiggaṇakāle tassa balena iṭṭhārammaṇamāpāthamāgacchati, upekkhāsahagatakammaena iṭṭhamajjhāttārammaṇanti na na sakkā vattaṃ, tasmā kammavasena paṭisandhiyā ārammaṇaniyamo, ārammaṇavasena vedanāniyamoti. Apica “ārammaṇena hoteva, vedanāparivattana”nti idaṃ tadārammaṇam sandhāya vuttanti na tena paṭisandhiyā kamma sarikkhakavedanābhāvo paṭikkhipitaṃ sakkā, duhetukomakaṃ pana somanassasahagatampi attano niḥinatāya duhetukaphaluppādane asamattattā, aheta kāya ca attanā sadisavedanāya paṭisandhiyā asambhavato upekkhāsahagatapaṭisandhiyā anurūpato iṭṭhamajjhāttārammaṇamupaṭṭhapetvā tadārammaṇam upekkhāsahagatameva paṭisandhiṃ deti.

Nanu ca “pacchimabhavikamahābodhisattānaṃ mettāpubbabhāgaṃ somanassakammaṃ paṭisandhiṃ detī”ti **aṭṭhakathāsu** vuttaṃ, mahāsivatthero ca upekkhāsahagatañānasampayuttaasaṅkhārikavipākacittena paṭisandhiṃ icchati. Vuttañhi tena “somanassasahagatato upekkhāsahagataṃ balavataṃ, tena paṭisandhiṃ gaṇhanti, tena gahitapaṭisandhikā hi mahājjhāsāyā honti tipītakacūlanāgatthero viyā”ti, tasmā somanassasahagatakusalo upekkhāsahagatapaṭisandhipi labbhati yathā ca, evaṃ tathā upekkhāsahagatato somanassasahagatāpīti kathaṃ kamma sadisavedanā paṭisandhīti? Etthāpi ca kammampi upekkhāsahagatamevāti therassa adhippāyo siyāti sakkā vattaṃ. Apicāyaṃ vādo mahāaṭṭhakathāyaṃ paṭikkhittova. Tathā hi vuttaṃ saṅgahakārehi “aṭṭhakathāyaṃ pana ayaṃ therassa manoratho, natthi eta”nti paṭikkhipitvā sabbaññubodhisattānaṃ hitūpacāro balavā hoti, tasmā mettāpubbabhāgakāmāvacarakusalavipākaso manassasahagatati hetukaasaṅkhārikacittena paṭisandhiṃ gaṇhantīti vuttanti, tasmā paṭikkhittavādaṃ gahetvā na sakkā aṭṭhakathāvacanaṃ cāletunti sampatiṅcchitabbamevetam kamma sadisavedanā paṭisandhīti. Asampatiṅcchantehi vā aṭṭhakathāya adhippāyo sādhu kaṃ kathettabboti.

Asaṅkhāraṇti asaṅkhārikakammaṃ. Asaṅkhāraṃ sasaṅkhāraṃpi phalaṃ detīti sambandho.

Ārammaṇenāti iṭṭhādiārammaṇena. **Vedanāparivattananti** tassa tassa ārammaṇassa anurūpato somanassādivedanāya parivattanaṃ, kusala vipākasantīraṇatadārammaṇāni sandhāya cetam vuttaṃ. Tāni hi iṭṭhārammaṇe somanassasahagatāni, iṭṭhamajjhāte upekkhāsahagatāni. Akusalavipākaṃ pana santīraṇatadārammaṇam anīṭṭhe, anīṭṭhamajjhāte ca ārammaṇe upekkhāsahagatameva. Na hi tassa ārammaṇavasena vedanābhedo atthi, heṭṭhā vuttanayena dvīsupi upekkhāsahagatameva. Dvipācaviññānasampatiṅcchanesu ca ṭhapetvā kāyaviññānavayaṃ sesāni iṭṭhādīsu sabbattha heṭṭhā vuttakāraṇavaseneva upekkhāsahagatāni, tathā kāyaviññānaṃ iṭṭhādīsu sukhasahagataṃ, anīṭṭhādīsu dukkhasahagatanti. Javanena niyamitaṃ aṭṭhakathāyanti adhippāyo. Hetuniyamaṃveva cettha javanavasena hoti vedanābhedassa ārammaṇeneva, saṅkhārabhedassa ca paccayavaseneva niyamitattā. Ettha ca akusalavipākānaṃ vibhāgābhāvato kusala vipākata dārammaṇānameva ārammaṇajavanapaccayavasena niyamaṃ hoti. Taṃ pana sarūpato evaṃ veditabbaṃ – ti hetukukkaṭṭhakammaena hi tadārammaṇam pavattamānaṃ kammavasena niyamābhāvato sabbesupi kusala vipākata dārammaṇesu sampattesu ārammaṇajavanapaccayavasena,

ārammaṇajavanavaseneva vā niyataṃ ekameva uppajjati. Kathaṃ? Tadārammaṇesu hi ārammaṇavasena vedanāniyamo hoti, javanavasena hetuniyamo, paccayavasena saṅkhāranīyamo. Ahetukesu pana saṅkhārabhedābhāvato paccayavasena niyamaṇaṃ natthi. Tattha ārammaṇena vedanāniyamaṇaṃ heṭṭhā vuttanayena veditabbaṃ. Javanavasena hetuniyamaṇe pana kammaṣarikkhakahetuvaseṇa tihetukāni duhetukāni ahētukānīti tīṇi javanāni veditabbāni. Tattha kammaṣarikkhakahetuvaseṇa tihetukajavanāni nāma kāmāvacarakusalakiriyaṣu ñāṇasampayuttajavanāni, duhetukajavanāni nāma ñāṇavippayuttajavanāni, ahētukāni nāma akusalajavanāni ceva kiriyaṇetukajavanaṇca. Akusalajavanānīpi hi kusalakammaṣarikkhakahetuvaseṇa ahētukāni kusalahētūnaṃ tesu abhāvato.

Tattha kammaṣa javanasadisatadārammaṇābhiniṣṭhādanasāmatthiye sati tihetukajavane javite tihetukatadārammaṇaṃ hoti, duhetukajavane javite duhetukatadārammaṇaṃ, ahētukajavane javite ahētukatadārammaṇaṃ hotīti. Evaṃ javanavasena hetuniyamaṇaṃ daṭṭhabbaṃ. Kathaṃ paccayavasena saṅkhāranīyamoti? Kālasampadādīnaṃ, utusampadādīnaṇca paccayānaṃ balavabhāve sati asaṅkhārikatadārammaṇaṃ hoti, dubbalabhāve sasaṅkhārikaṃ. Ahētukatadārammaṇassa pana paccayavasena niyamo natthi, tasmā yadi iṭṭhārammaṇaṃ hoti, tadā upekkhāsahagataṃ tadārammaṇaṃ paṭibāhitvā somanassasahagatatadārammaṇameva hoti. Somanassasahagatatadārammaṇesupi aniyamaṇe ārammaṇavasena sabbesu sampattesu javanassa tihetukabhāve duhetukāhetuke paṭibāhitvā tihetukameva tadārammaṇaṃ hoti. Tihetukatadārammaṇesupi aniyamaṇe javanavasena sabbesu sampattesu paccayassa balavabhāve sati sasaṅkhārikatadārammaṇaṃ paṭibāhitvā asaṅkhārikameva tadārammaṇaṃ hoti. Eteneva nayena sesaṃ tadārammaṇampi taṃtaṃjavānānurūpato niyamaṇaṃ daṭṭhabbaṃ.

Ahētukatadārammaṇaṃ pana paccayaṃ anapekkhitvā ārammaṇavasena ceva javanavasena ca niyamaṇaṃ hoti. Idametha yebhuyyappavattivasena niyamaṇaṃ. Kadāci pana ārammaṇavasena, paccayavasena, paricitavasena ca tadārammaṇaniyamo hoti. Tattha ārammaṇavasena ceva paccayavasena ca niyamaṇaṃ heṭṭhā vuttanayameva. Paricitavasena pana niyamaṇe yebhuyyena tihetukakusalappavattiyā tesu paricitassa kadāci duhetuke, ahētuke vā javane javite paricayavasena tihetukatadārammaṇameva hoti. Yebhuyyena ca duhetukajavanappavattiyā tattha paricitassa kadāci tihetuke, ahētuke vā javane javite paricayavasena duhetukatadārammaṇameva hoti. Tatheva akusalesu paricitassa kadāci tihetukaduhetukesupi javanesu javitesu paricayavasena ahētukatadārammaṇameva hotīti. Evaṇca katvā **paṭṭhāne** –

“Kusalākusale niruddhe sahetuko vipāko tadārammaṇatā uppajjati, sahetuke khandhe aniccato dukkhato anattato vipassati, kusalākusale niruddhe ahētuko vipāko tadārammaṇatā uppajjati” ti –

Avisesena akusalajavanānantarampi sahetukatadārammaṇaṃ, tihetukajavanānantaraṇca ahētukatadārammaṇaṃ vuttaṃ. Tihetukomakena, pana duhetukukkaṭṭhena ca kammaṇa tadārammaṇappavattiyāṃ kammaṣa tihetukavipākādāne asamattatāya tihetukajavanepi javite duhetukatadārammaṇameva hoti. Sesaṃ vuttanayameva. Duhetukomakena pana kammaṇa tadārammaṇappavattiyāṃ kammaṣa sahetukatadārammaṇanibbattane asamattatāya sahetukajavanepi javite ahētukatadārammaṇameva hoti. Sesaṃ vuttanayameva.

387-91. Tulyena pākacittenāti somanassasahagatañāṇasampayuttaasaṅkhārikena mahāvīpākacittena.

Balavārammaṇeti atimahantārammaṇe. Catubbidhaṇhi ārammaṇaṃ atimahantaṃ mahantaṃ parittaṃ atiparittanti. Vuttaṇca –

“Tathā hi visayaṃ āhu, catudhā ettha paṇḍitā;
Mahantātimahantato, parittātiparittato” ti.

Atimahantādibhāvo cassa āpāthagatakāle uppajjanakacittakkhaṇavasena veditabbo. Tathā hi āpāthagatakkhaṇato paṭṭhāya yāva soḷasacittakkhaṇā, tāva vijjānāyukaārammaṇaṃ **atimahantaṃ** nāma. Pannarasacuddasacittakkhaṇāyukaṃ **mahantaṃ** nāma. Terasacittakkhaṇato paṭṭhāya aṭṭhacittakkhaṇāyukaṃ **parittaṃ** nāma. Tato paraṃ **atiparittaṃ** nāma. Tattha atimahantārammaṇe tadārammaṇapariyosānāni vīthicittāni uppajjanti. Mahante javanapariyosānāni, natthi tadārammaṇuppādo. Paritte javanampi na uppajjati, santīrañānantaraṃ voṭṭhabbanameva dvattikkhattuṃ pavattati. Atiparitte bhavaṅgacalanamattameva. Kathaṃ? Atimahante hi ārammaṇe pañcadvāresu yathānurūpaṃ aññatarasmiṃ dvāre āpāthagate pasādaghaṭṭanānubhāvena hadayavatthusannissitā bhavaṅgasantati vocchijjati, vocchijjānā ca sahasā na occhijjati. Yathā pana vegena dhāvanto puriso antarā ṭhātukāmopi ekadvepadavāre atikkamitvāva ṭhātuṃ sakkoti, na pana ṭhātukāmatāya saddhimyeva, evameva dīpasikhā viya, gaṅgāsoto viya, vegena javamānā bhavaṅgasantati antarā occhijjānāpi pasādaghaṭṭanato paraṃ dvattikkhattuṃ uppajjitvāva occhijjati. Tattha paṭhamacittaṃ bhavaṅgasantatiyā calanākārena uppajjanato **bhavaṅgacalanaṃ** nāma, dutiyaṃ upacchijjanavasena uppajjanato **bhavaṅgupacchedo** nāma. **Calanañcetha** visadisacittassa upanissayabhāvagamaṇaṃ. Vuttaṇca –

“Ārammaṇantarāpāthe, dvikkhattuṃ calite mano;
Cittantarassa hetuttaṃ, yānaṃ calanamīrita”nti.

Yadi evaṃ dutiyassapi taṃ atthīti tampi bhavaṅgacalanamicceva vattabbanti? Saccaṃ, bhavaṅgassa pana upacchijjanavasena pavattivisesaṃ gahetvā purimassa nāmato visadisaṇāmaṃ kātuṃ “bhavaṅgupacchedo”ti vuccatīti. Nanu ca rūpādīhi pasāde ghaṭṭite pasādanissitasseva calanaṃ yuttaṃ, kathaṃ pana hadayavatthusannissitāya bhavaṅgasantatiyā calananti? Santativasena ekābaddhattā. Yathā hi bheriyā ekasmiṃ tale ʒitasakkharāya makkhikāya nipannāya aparasmiṃ tale daṇḍādīnā pahaṭe anukkamena bhericammavarattādīnaṃ calanena sakkharāya calitāya makkhikāya palāyanaṃ hoti, evameva rūpādīhi pasāde ghaṭṭite tannissayesu mahābhūtesu calitesu anukkamena taṃsambandhānaṃ sesarūpānampi calanena hadayavatthumhi calite tannissitassa bhavaṅgassa calanākārena pavatti hoti. Vuttañca –

“Ghaṭṭite aññavatthumhi, aññanissitakampanaṃ;
Ekābaddhena hotīti, sakkharopamayā vade”ti. (sa. sa. 176);

Evaṃ bhavaṅgacalanabhavaṅgupacchedesu uppajjitvā niruddhesu “kiṃ nāmeta”nti vadantī viya vīthiccittāni ārammaṇābhimukhaṃ paṭipādentī kiriyāmanodhātu uppajjati, tassānantaraṃ yathārahaṃ dassanādikkiccam sādhamānā pañcaviññādhātūsu aññatarā uppajjati, tadanantaraṃ tāya gahitamevārammaṇaṃ sampaṭicchamānā vipākāhetukamanodhātu uppajjati, tadanantaraṃ tadevārammaṇaṃ santīrayamānā vipākāhetukamanoviññādhātu uppajjati, tadanantaraṃ tamevārammaṇaṃ vavattāpayamānā kiriyāhetukamanoviññādhātu uppajjati, tadanantaraṃ kāmāvacarakusalākusalakiriyajavanesu yaṃ kiñci laddhapaccayaṃ tadevārammaṇaṃ ārabha javanaṃ hutvā yebhuyyena sattakkhattuṃ javati, tadanantaraṃ ekādasatadārammaṇacittesu aññatarāṃ kammaṃ ārammaṇaṃ javanaṃ paccayo paricitatīti imesaṃ anurūpavasena dvikkhattuṃ uppajjati, tadanantaraṃ bhavaṅgapāto hoti.

Idha ʒatvā imissā cittaparamparāya sukhaggahaṇatthaṃ **ambopamā** veditabbā. Kathaṃ? Eko kira puriso phalītarukkhassa heṭṭhā sasīsaṃ pārupitvā nipanno niddāyati, athekaṃ ambapakkaṃ vaṇṭato mucctivā tassa kaṇṇasakkhalīṃ puñchamānaṃ viya “ʒha”nti bhūmiyaṃ patati, so tassa saddena pabujjhitvā sīsato vatthaṃ apantvā cakkhuṃ ummīletvā olokesi, tato hatthaṃ pasāretvā phalaṃ gahetvā madditvā upasiṅghitvā pakkabhāvaṃ ʒatvā paribhuñjitvā mukhagataṃ saha semhena assādetvā puna tatheva niddāyati. Tattha tassa purisassa ambarukkhamaṇe niddāyanakālo viya bhavaṅgasamaṅgikālo, ambapakkassa patitakālo viya ārammaṇassa pasādaghaṭṭanakālo, patanasaddena pabuddhakālo viya manodhātuyā bhavaṅgassa āvaṭṭitakālo, ummīletvā olokitakālo viya cakkhuvīññāssa dassanakiccam sādhanakālo, hatthaṃ pasāretvā gahitakālo viya vipākamanodhātuyā ārammaṇasampaṭicchanaṃ, gahetvā madditakālo viya vipākamanoviññādhātuyā ārammaṇassa santīritakālo, upasiṅghitakālo viya kiriyāmanoviññādhātuyā vavattāpitakālo, paribhuttakālo viya javanassa ārammaṇarasānubhavitakālo, mukhagataṃ saha semhena assāditakālo viya tadārammaṇassa javanena anubhūtārammaṇaṇanubhavanakālo, puna niddāyanaṃ viya puna bhavaṅgakāloti evamettha upamāsaṃsandanaṃ veditabbāṃ.

Ayaṃ pana upamā kiṃ dīpeti? Ārammaṇassa pasādaghaṭṭanameva kiccaṃ, kiriyāmanodhātuyā bhavaṅgāvaṭṭanameva kiccaṃ, pañcaviññādhātūnaṃ dassanādikameva kiccaṃ, vipākamanoviññādhātuyā sampaṭicchanameva kiccaṃ, vipākamanoviññādhātuyā santīraṇameva kiccaṃ, kiriyāmanoviññādhātuyā vavattāpanameva kiccaṃ, javanasseva pana ārammaṇarasānubhavanaṃ tadārammaṇassa etena anubhūtasseva anubhavananti evaṃ kiccavasena dhammānaṃ aññamaññāsaṃkiṇṇataṃ dīpeti, evaṃ pavattamānaṃ pana cittaṃ “tvam āvajjanaṃ nāma hohi, tvam dassanādīsū aññatarāṃ, tvam sampaṭicchanaṃ nāmā”tiādinā niyuñjake kārake asatīpi cittaniyāmaseneva pavattatīti veditabbāṃ. Taṃ pana cittaniyāmaṃ saddhiṃ utuniyāmādīhi paricchedāvasāne vakkhati. Ayaṃ tāva atimahantārammaṇe cittappavattivibhāvanā.

Mahantārammaṇe pana tadārammaṇuppādassa abhāvato tasmīṃ āpāthagate vuttanayena javanapariyosānesu vīthiccittesu uppannesu bhavaṅgapātova hoti, ārammaṇassa pana parikkhīṇāyukattā ekacittakkhaṇikappamāṇepi vā āyumi sati samāsannamaraṇo viya puriso dubbalabhāvato tadārammaṇaṃ nuppajjati. Apica tadārammaṇamuppajjantaṃ niyamato dvikkhattumeva uppajjati, na ekavāraṃ. Ekacittakkhaṇāvasiṭṭhe ca ārammaṇe ekasmiṃ tadārammaṇe uppannesu dutiyassa uppajjanakāle tassa niruddhattā nuppajjati. Na hi dvīsū tadārammaṇesu ekaṃ paccuppannārammaṇaṃ, ekaṃ atītārammaṇaṃ hoti, tasmā dutiyassa anuppattiyā paṭhamampi nuppajjatīti. **Majjhimaṭṭhakathāyaṃ** pana sakimpī tadārammaṇassa pavatti vuttā. **Paramatthavinicchayepi** ca tameva vādaṃ sampaṭicchitvā “sakiṃ dve vā tadālamba”nti (parama. vi. 116) vuttaṃ. **Abhidhammaṭṭhakathāyaṃ** pana “cittappavattigaṇaṇāyaṃ sabbavāresu dve eva cittavārāni āgatāni”ti vatvā taṃ na sampaṭicchitaṃ, tasmā mahantārammaṇe javanāvāsāne bhavaṅgapātova hoti, natthi tadārammaṇuppādo, ayañca tadārammaṇehi tucchatāya “**moghavāro**”ti vuccati.

Parittārammaṇe javanuppādassapi abhāvato santīraṇāvasānesu vīthiccittesu uppannesu tadanantaram voṭṭhabbanameva āsevanam labhitvā javanaṭṭhāne ṭhatvā dvikkhattum pavattati, tato bhavaṅgapāto hoti. Voṭṭhabbanam pana appatvā antarā cakkhuvīññāṇādikam patvā nivattissatīti netam ṭhānam vijjati. Javanam pana ārammaṇassa appāyukabhāvena paridubbalatā nuppajjati. Tañhi uppajjamānam sattacittakkhaṇāyukeveva uppajjati, katīpayaccittakkhaṇāyuke pana paṭhamajavanameva nuppajjati. Tadanuppattiyāñhi itarānīpi nuppajjanti, tasmā parittārammaṇe natthi javanuppādoti ayam dutiyo moghavāro aṭṭhakathāya vutto. Ṭṭkākāro pana tathā asampaṭicchitvā aññathā dutiyamoghavāram pakappeti. Vuttañhi tena tīsu moghavāresu dutiyamoghavāro upaparikkhitvā gahetabbo.

Yadi hi anulome vedanāttike paṭiccavārādīsu “āsevanapaccayā na magge dve, namaggapaccayā āsevane dve”ti ca vuttam siyā, sopi moghavāro labbheyya. Yadi ca voṭṭhabbanampi āsevanapaccayo siyā, kusalākusalānampi siyā. Na hi āsevanapaccayam laddhum yuttassa āsevanapaccayabhāvī dhammo āsevanapaccayo hotīti avutto atthi. Voṭṭhabbanassa pana kusalākusalānam āsevanapaccayabhāvo na vutto. “Kusalam dhammam paṭicca kusalo dhammo uppajjati nāsevanapaccayā. Akusalam dhammam paṭicca akusalo dhammo uppajjati nāsevanapaccayā”ti vacanato paṭikkhittova. Athāpi siyā “asamānavedanānam vasenevam vutta”nti, evampi yathā “āvajjanā kusalānam khandhānam, akusalānam khandhānam anantarapaccayena paccayo”ti (paṭṭhā. 1.1.417) vuttam, evam “āsevanapaccayena paccayo”tipi vattabam siyā. Jātibhedā na vuttanti ce, “bhūmibhinnassa kāmāvacarassa rūpāvacarādīnam āsevanapaccayabhāvo viya jātibhinnassapi bhaveyyā”ti vattabbo eva siyā, abhinnajātikassa ca vasena yathā “āvajjanā sahetukānam khandhānam anantarapaccayena paccayo”ti vuttam, evam “āsevanapaccayena paccayo”tipi vattabam siyā, na tu vuttam, tasmā vedanāttikepi samkhittāya gaṇanāya “āsevanapaccayā namagge ekam, namaggapaccayā āsevane eka”nti evam gaṇanāya niddhāriyamānāya voṭṭhabbanassa āsevanapaccayattābhāvā yathāvuttappakāro dutiyo moghavāro vīmaṃsitvā gahetabbo. Voṭṭhabbanam pana vīthivipākasantīyā āvaṭṭanato “āvajjanā”icceva vuttam. Tato visadisassa javanassa karaṇato manasikāro ca. Evañca katvā paṭṭhāne “voṭṭhabbanam kusalānam khandhānam anantarapaccayena paccayo”tiādi na vuttam, “āvajjanā”icceva vuttam, tasmā voṭṭhabbanato catunnam vā pañcannam vā javanānam ārammaṇapurejātam bhavitum asakkontam rūpādiāvajjanādīnam paccayo bhavitum na sakkoti, ayametassa sabhāvoti javanāpāripūriyā dutiyo moghavāro dassetum yutto siyāti.

Ayañhi ācariyassa adhippāyo – yadi voṭṭhabbanampi āsevanapaccayo siyā, yathā “sukhāya vedanāya sampayuttam dhammam paṭicca sukhāya vedanāya sampayutto dhammo uppajjati āsevanapaccayā namaggapaccayā”ti anulomapaccaniye, paccaniyānulome ca “sukhā...pe... namaggapaccayā āsevanapaccayā”ti ca vuttam hasituppādacittavasena, evampi voṭṭhabbanavasena “adukkhamasukhāya vedanāya sampayuttam dhammam paṭiccā”tiādinā pubbe vuttanayena pāṭho siyā. Tathā ca satī vāradvayavasena gaṇanāya “āsevanapaccayā namagge dve, namaggapaccayā āsevane dve”ti ca vattabam siyā, na pana vuttam, “āsevanapaccayā namagge ekam, namaggapaccayā āsevane eka”nticceva vuttam. Apica yadi hi voṭṭhabbanampi āsevanapaccayo siyā, dutiyamoghavāro viya purimavāresupi siyā. Tathā ca satī attano viya kusalākusalānampi siyā. Na hi āsevanapaccayam laddhum yuttassa āsevanapaccayabhāvī dhammo āsevanapaccayo hotīti avutto atthi “purimā purimā kusalā khandhā”tiādinā anavasesato vuttattā, voṭṭhabbanassa pana avutto “abyākato dhammo kusalassa dhammassa āsevanapaccayena paccayo”tiādivacanassa abhāvato. Na kevalam avuttova, atha kho “kusalam dhammam paṭicca kusalo dhammo uppajjati, akusalam dhammam paṭicca akusalo dhammo uppajjati”ti phassādikusalākusaladhamme paṭicca sahaṇātipaccayavasena kusalākusalassa uppattim vatvā paṭhamajavanassa voṭṭhabbanato āsevanapaccayālābham sandhāya “nāsevanapaccayā”ti paṭikkhittova.

Athāpettha samodhānam siyā, samānavedanānam eva āsevanapaccayabhāvassa dassanato voṭṭhabbanena asamānavedanānam kusalākusalānam vasenāyam paṭikkhepo katoti. Evampi satī yathā “āvajjanā kusalānam khandhānam akusalānam khandhānam anantarapaccayena paccayo”ti vuttam, evam samānavedanāvasena “āsevanapaccayena paccayo”tipi vattabam siyā. Atha voṭṭhabbanassa kusalākusalehi bhinnajātikattā tassa tesam āsevanapaccayabhāvo na vuttoti ce. Yathā bhūmivasena bhinnassa gotrabhuvodānavasena ṭhitassa kāmāvacarassa rūpāvacarādīnam āsevanabhāvo dissati, evam jātivāsena bhinnassa voṭṭhabbanassa āsevanapaccayabhāve na koci vibandho, apica abhinnavedanassa, abhinnajātikassa ca upekkhāsahagatamahākīriyacittassa vasena yathā “āvajjanā sahetukānam khandhānam anantarapaccayena paccayo”ti vuttam, evam “āsevanapaccayena paccayo”tipi vattabam siyā, na tu vuttam, tasmā vedanāttikepi voṭṭhabbanassa āsevanapaccayattassa abhāvā voṭṭhabbanassa āsevanabhāvadassanavasena vutto dutiyo moghavāro vīmaṃsitvā gahetabbo. Voṭṭhabbanāvajjanānam pana anathantarabhāvato āvajjanāya ca kusalākusalānam anantarapaccayabhāvassa vuttattā satī uppattiyam voṭṭhabbanam kāmāvacarakusalākusalakīriyājavānānam ekantato anantarapaccayabhāveneva vatteyya, na pana aññathāti muñchāmarāṇasannavelādīsu javanāpāripūriyā mandībhūtavagatāya ayam dassetabboti.

Ācariyadhammapālattherena panettha idaṃ vuttam – “yam javanabhāvappattam, tam chinamūlarukkhapuppham viyā”ti vakkhamānattā anupacchinnabhavamūlānam pavattassa voṭṭhabbanassa kiriyabhāvo na siyā, vutto ca “yasmim samaye manoviññādhātu uppannā kiriyā nevakusalā, nākusalā, na ca

kammavipākā upekkhāsahagatā”ti, tasmā aṭṭhakathāyaṃ “javanaṭṭhāne ṭhatvā”ti vacanaṃ javanassa uppajjanaṭṭhāne dvikkhattuṃ pavattitvā na javanabhāvenāti adhippāyena vuttaṃ, “āsevanaṃ labhitvā”ti ca “āsevanaṃ viya āsevana”nti vutte na koci virodhoti. Vipphārikassa pana sato dvikkhattuṃ pavattiyevettha āsevanasadisatā. Vipphārikatāya hi viññattisamuttāpakkatāñcassa vuccati. Vipphārikampi javanaṃ viya anekakkhattuṃ appavattiyā dubbalattā na nippariyāyato āsevanapaccayabhāvena pavatteyyāti na imassa pāṭhe āsevanattaṃ vuttaṃ. Aṭṭhakathāyaṃ pana pariyāyato vuttaṃ, yathā phalacittesu maggaṅgaṃ maggapariyāpannanti. Yadipi “javanāparipūriyā...pe... yutto”ti vuttaṃ, “āvajjanādīnaṃ paccayo bhavituṃ na sakkotī”ti pana vuttattā cittappavattivasena paṭhamamoghavārato etassa na koci visesoti.

Cakkhussāpāthamāgateti cakkhudvārassa yogyadesāvattāhānavasena āpāthamāgate. **Tāyāti** manodhātuyā bhavaṅgāvattāne pākaṭatāya kiriyāmanodhātuṃ paccāmasati. **Āvaṭṭiteti** santativasena pavattituṃ adatvā nivattite, pariñāmite vā. Jātesu jāyateti sambandho. **Gateti** niruddhe. **Tadevāti** javanānubhūtaeva iṭṭhārammaṇaṃ. **Tenevāti** javanaṃ hutvā niruddhena tena kāmāvacarakusalacittena. **Tadārammaṇasaññitanti** javanaggahiteyeva ārammaṇe pavattanato “brahmassarō”tiādīsu viya tassa ārammaṇaṃ ārammaṇamassāti majjhapaḍalopavasena tadārammaṇanti saññitaṃ. **Tulyatoti** ārammaṇato visadisabhāvepi somanassasahagatādīnā sadisattā. Mūlasadisam bhavaṅgaṃ **mūlabhavaṅgaṃ**. Tadārammaṇampi bhavaṅgasabhāvattā “bhavaṅga”nti vuccati yathā “sahetukaṃ bhavaṅgaṃ ahetukassa bhavaṅgassa anantarapaccayena paccayo”ti (paṭṭhā. 3.1.102). Ettha hi paṭisandhicitte eva pavattiyam “bhavaṅga”nti vuccamāne na tassa hetuvasena bhedoti “sahetukaṃ bhavaṅgaṃ ahetukassa bhavaṅgassa anantarapaccayena paccayo”ti na sakkā vuttaṃ. Nāpi cetam “sahetukaṃ cutim ahetukapaṭisandhiṅca sandhāya vutta”nti sakkā viññātuṃ. Bhavassa aṅgabhāvābhāvato cuticittassa bhavaṅgavohārālābhatoti “sahetukaṃ bhavaṅga”nti tadārammaṇaṃ vuttanti viññāyati. “Tadārammaṇasaññita”nti vatvā “mūlabhavaṅganti vuccatī”ti vuttattā nāmadvayampi imassa labbhatīti dīpitaṃ hoti.

392. Tañcāti tadārammaṇaṅca. **Etthāti** imesu vīthicittesu. **Gaṇanūpagacittānti** vipākagaṇanūpagacittāni.

394. Asamānattāti asaṅkhārikabhāvena asamānattā.

396. Purimāni pañca vipākacittāni iminā saddhiṃ cha hontīti sambandho. Ettha ca yebhuyyato iṭṭhārammaṇe somanassappavattivasena somanassasahagatajavānānantarameva somanassatadārammaṇaṃ vuttaṃ. Javanassa pana pakappetvā ārammaṇaggahaṇasabbhāvato, vipākassa ca tadabhāvato iṭṭhārammaṇe upekkhāsahagatajavanesupi javitesu somanassasahagatameva tadārammaṇaṃ hoti.

399-403. Tasmim dvāreti tasmimyeva cakkhudvāre. **Vedanā parivattatīti** kammaṃ somanassasahagatabhāvepi ārammaṇassa iṭṭhamajjhattatāya somanassavedanā parivattitvā upekkhāvedanā hoti. Atha vā heṭṭhā vipākavedanāya somanassabhāvepi iṭṭhārammaṇassa majjhattabhāvena taṃvasena vedanā parivattatīti attho.

Javanesu javitesūti sambandho. “Javitesu catūsvapī”ti vā pāṭho. **Jāyareti** tadārammaṇavasena jāyanti. **Vedanāyāti** vedanāya karaṇabhūtāya. **Asamānattāti** paṭisandhiyā saha asamānattā. **Purimehīti** heṭṭhā vuttatadārammaṇacattukato. Atha vā “purimehi asamānattā” icceva yojanā. Purimehi saha asamānabhāve vutte tesam sandhiyā saha asamānabhāvopi vuttova hotīti cattāri nāmato piṭṭhibhavaṅgāni ca hontīti yojanā. **Ca-saddena** āgantukabhavaṅgāni, tadārammaṇāni ca hontīti dasseti. Etthāpi ca yebhuyyena iṭṭhamajjhattārammaṇe upekkhāsahagatajavānassa uppajjanato upekkhāsahagatajavānānantarameva upekkhāsahagatatadārammaṇaṃ vuttaṃ, heṭṭhā vuttanayena pana upekkhāsahagatatadārammaṇaṃ hoti. Nānasampayuttādīsu javitesu nānavippayuttatadārammaṇānaṃ sambhavo heṭṭhā vuttanayena veditabbo. Kiñcāpi asaṅkhārasasaṅkhāraviddhānaṃ javānavasena vuttaṃ, tathāpi utubhojanādipaccayānaṃ dubbalabhāve javānasseva asaṅkhārikattābhāvato asaṅkhārajavanāvasāne asaṅkhārameva tadārammaṇaṃ hoti, na sasaṅkhāranti niyamo. Paccayassa pana balavabhāve satīpi paresam ussāhabalena sasaṅkhārassa javānassa sambhavato sasaṅkhārajavanāvasāne sasaṅkhārameva tadārammaṇaṃ hoti, sasaṅkhārikattābhāvato asaṅkhārajavanāvasāne asaṅkhāramevāti niyamo natthīti asaṅkhārajavanāvasāne asaṅkhārampi sasaṅkhārampi tadārammaṇaṃ hoti, sasaṅkhārajavanāvasāne sasaṅkhārampi asaṅkhārampi tadārammaṇaṃ hoti.

Pañcimānti iṭṭhamajjhattārammaṇe vuttāni upekkhāsahagatasantīraṇādīni pañca vipākāni. **Purimehi sattahīti** iṭṭhārammaṇe vuttehi cakkhuvīññānādīhi sattahi viniddise cakkhudvārasminti adhippāyo.

405-6. Ekāya cetanāyāti ekāya tihetukasomanassasahagataasaṅkhārikacetanāya. Evaṃ samasaṭṭhi vipākāni uppajjantīti sambandho. Yasmā pana cakkhudvārādīsu anuppajjitvā sotadvārādīsuyeva uppajjamānā sotaviññāṇādayo viya pañcasu dvāresu anuppajjitvā manodvāreyeva uppajjamāno kāmāvacaravipāko natthi, tasmā manodvāre vipākappavatti na vuttā. Atha vā cakkhudvāre gahitānameva manodhātumanoviññāṇadhātūnaṃ sotadvārādīsuyeva

gahaṇena pañcadvāresu gahitāya manoviññādhātuyā manodvārepi gahaṇanayadassanaṃ kataṃ hoti, evaṃ sati chasu dvāresupi samasattati vipākāni honti. Atha vā manodvāre labbhamānāyapi pañcadvārappavattāya manoviññādhātuyā manodvāre aggahaṇena sotadvārādīsu labbhamānānampi cakkhudvāre gahitamanodhātumanoviññādhātūnaṃ sotadvārādīsu aggahaṇassa nayadassanaṃ kataṃ hoti, evaṃ sati pañcadvāresu soḷasa vipākāni honti. Evañca katvā vuttaṃ “**gahitāggahaṇena**”tiādi.

408-9. Tīhi vipākehīti tehi tīhi kusalacittehi samānehi tīhi vipākehi dinnāya paṭisandhiyāti sambandho. **Upekkhāsahitadvayeti** upekkhāsahagatapaṭisandhiyugaḷe. Idha ṭhatvā nāḷiyantūpamā veditabbā. Kathaṃ? Uccupīḷanasamaye kira ekasmā gāmā ekādasa yantavāhā nikkhamitvā ekaṃ ucchuvāṭaṃ disvā tassa pariṭṭhābhāvāya ṇatvā ucchusāmikaṃ upasaṅkamtivā “yantavāhā maya”nti ārocesuṃ. So “ahaṃ tumheyyeva pariyesissāmī”ti ucchusālaṃ gahetvā agamāsi. Te tattha nāḷiyantaṃ yojetvā “mayaṃ ekādasa janā aparampi ekaṃ laddhuṃ vaṭṭati, vattanena gaṇhathā”ti āhaṃsu. Ucchusāmiko “ahameva sahāyo bhavissāmī”ti ucchusālaṃ pūrāpetvā tesāṃ sahāyo ahosi. Te attano attano kiccāni katvā phāṇitapācakena ucchurase pakke guḷe baddhe ucchusāmikena tulayitvā bhāgesu dinnesu attano attano bhāgaṃ ādāya sālaṃ sālāsāmikaṃ paṭicchāpetvā eteneva upāyena aparāsupi catūsu sālāsu kammaṃ katvā pakkamiṃsu. Tattha pañca yantasālā viya pañca pasādā daṭṭhabbā, pañca ucchuvāṭā viya pañca ārammaṇāni, ekādasa vicaraṇakayantavāhā viya ekādasa vipākacittāni, pañca ucchusālasāmīno viya pañca viññāṇāni, paṭhamakasālāya sālāsāmikena saddhiṃ dvādasannaṃ janānaṃ ekato hutvā katakammānaṃ bhāgaggahaṇakālo viya ekādasannaṃ vipākacittānaṃ cakkhuvīññāṇena saddhiṃ ekato hutvā cakkhudvāre rūpārammaṇe sakasakakiccakaraṇakālo, sālāsāmikassa sālāya sampaṭicchitakālo viya cakkhuvīññāṇassa dvārasaṅkantiakaraṇaṃ, dutiyatatiyacatutthapañcamasālāya dvādasannaṃ ekato hutvā katakammānaṃ bhāgaggahaṇakālo viya ekādasannaṃ vipākacittānaṃ kāyaviññāṇena saddhiṃ ekato hutvā kāyadvāre phoṭṭhabbārammaṇe sakasakakiccakaraṇakālo, sāmikassa sampaṭicchitakālo viya kāyaviññāṇassa dvārasaṅkantiakaraṇaṃ veditabbāṃ.

414. Assāti imassa bījassa. **Hetupavattitoti** paccayappavattito.

415. Idāni tihetukomakakammena gahitaduhetukapaṭisandhikassa vipākappavatti duhetukukkaṭṭhena gahitaduhetukapaṭisandhikassa vipākappavattiyā samānāti taṃ ṭhapetvā duhetukakammena gahitaduhetukapaṭisandhikasseva vipākappavattiṃ dassetuṃ “**duhetukena kammenā**”tiādi vuttaṃ.

418-9. Duhetukapaṭisandhikassa kāmāvacaratihetukajavanānaṃ sambhavepi kamma sarikkhakāneva javanāni dassetuṃ “**somanassa...pe... duhetuke**”ti vuttaṃ. Tihetukajavanāvasānepi paṇassa paṭisandhidāyakaṃ kammaṃ tihetukavipākādāne asamatthanti tihetukatadārammaṇābhāvato, javanassa ca kamma sarikkhakahetuvāsena duhetukabhāvato duhetukatadārammaṇameva hoti.

424. Imāni ca bhavaṅgānīti imāni cattāri mūlāgantukapiṭṭhibhavaṅgāni. **Aṭṭha hīti** aṭṭheva.

426. Sotaghānādināti sotaghānādiviññāṇehi. Etthāpi ambopamā pākāṭikāva. Yantavāhopamāya panettha satta yantavāhā tehi hatthayante nāma sajjite sālāsāmikaṃ aṭṭhamaṃ katvā vuttanayānusāreva yojanā veditabbā.

434-6. Vuddhimupetassāti mātukucchito nikkhamitvā saṃvarāsaṃvare paṭṭhapetuṃ samatthabhāvena vuḍḍhippattassa. Kiñcāpi ahetukapaṭisandhikassa kamma sarikkhakajavanameva dassetuṃ “**duhetūnaṃ...pe... vasānasmī**”nti vuttaṃ. Tihetukajavanampi pana tesāṃ javati, javanassa duhetukabhāvepi kammaassa duhetukavipākādāne asamatthatāya “**ahetuka...pe... jāyate**”ti vuttaṃ.

443-8. “**Ahetupaṭisandhissā**”tiādīsu adhippāyo heṭṭhā āgatova. Apāyesu paṭisandhidāyakaṃ kammaṃ paṭisandhito hīnatadārammaṇassa anipphannato tassa labbhamānaṭṭhānameva dassetuṃ “**sugatiya**”nti vuttaṃ, kāmāvacarasugatiyanti attho. **Tenāti** tena jātapaṭisandhivipākena. “Catūsu apāyesu labbhatī”ti vatvā tassa visayadassanaṭṭhaṃ “**thero nerayikāna**”ntiādi vuttaṃ. **Theroti** nirayacārikāya pākāṭattā mahāmogallānattheramāha. Niraye bhavā **nerayikā**. **Dhammaṃ deseti**ti niraye padumaṃ māpetvā padumakaṇṇikāya nisinnā dhammaṃ deseti. **Vassatīti** antohetvatthamaṃ katvā vuttaṃ, vassāpetīti attho. **Theraṃ disvāti** therassa dassanaṭṭhaṃ. Iminā indanīlapaṭimāvaṇṇassa therassa iṭṭhārammaṇābhāvena kusalavipākacakkhuvīññāṇuppattiyā kāraṇaṃ dasseti. Esa nayo “**dhammaṃ sutvā**”tiādīsupi. **Gandhanti** tena māpitagandhaṃ. **Aṭṭhakathāyaṃ** pana “candanavane divāvihāraṃ nisinnassa cīvaragandha”nti (dha. sa. aṭṭha. 498 vipākuddhārakathā) vuttaṃ. **Ghāyatanti** ghāyantānaṃ. **Santīraṇadvayanti** atīṭṭhamajjhataṭṭhaṃ gandhādīno vasena santīraṇadvayaṃ. Kusalavipākānaṃ, iṭṭhārammaṇassa ca niraye sambhavādinānaṃ sesāpāyattayepi sambhavo dassitova hoti.

450. Niyamoyeva **niyamattaṃ**, tadārammaṇacittampi javanena niyāmitanti vuttaniyamoti attho. **Kusalaṃ pana**

sandhāyāti kusalajavanam sandhāya dīpitaṃ aṭṭhakathāyaṃ, kusalassa viya akusalassa sadisavipākābhāvatoti adhippāyo. Ettha ca kusalajavanānantaram sahetukatadārammaṇasseva vacanam. Javanassa kammasarikkhakahetuvaseṇa sahetukattā javanānurūpato vuttaṃ. Paricitavaseṇa pana aññakammenāpi taṃ ahetukatadārammaṇam na hotīti na vattabbaṃ. Na hi paṭisandhijanakameva kammaṃ tadārammaṇam janeti, atha kho aññakammampi paṭisandhidāyakakammena nibbattetabattadārammaṇato visadisampi nibbattetīti. Akusalajavanānantarañca ahetukatadārammaṇampi javanassa kammasarikkhakahetukattā tadanurūpato vuttaṃ. Yathāvuttanayena pana sahetukatadārammaṇampi na hotīti natthi.

456-7. Ettāvata **tipīṭakacūlanāga**ttheravāde soḷasa vipākacittāni saddhiṃ dvādasakamaggena ceva ahetukaṭṭhakena ca vibhāvetvā **moravāpivāsimahādatta**ttheravāde visesābhāvato taṃ anāmasitvā **mahādhammarakkhita**ttheravāde kusalākusalakiriyavasena piṇḍitvā dassitānaṃ piṇḍajavanānaṃ vaseṇa tadārammaṇam dassetuṃ “**somanassayute citte**”tiādi vuttaṃ. **Somanassa...pe... javiteti** iṭṭhārammaṇe kusalākusalakiriyābyākatavasena somanassayutesu terasasu javanacittesu javitesu. **Gavesitabbā...pe... mānasāti** heṭṭhā vuttanayena somanassasahagatāni pañceva tadārammaṇacittāni gavesitabbāni. **Upekkhā...pe... javitesūti** kusalākusalakiriyavasena cuddasasu upekkhāsahagatajavanicittesu javitesu. **Cha gavesitabbānīti** upekkhāsahagatāni cha eva gavesitabbāni. Khīṇāsavānaṃ pahīnavipallāsātāya kiriyājavanaṃ iṭṭhārammaṇe upekkhāsahagataṃ na hotīti somanassasahagatakiriyājavanesu javitesu somanassasahagatatadārammaṇameva hoti. Iṭṭhamajjhatte, aniṭṭhādīsu ca somanassabhāvato upekkhāsahagatakiriyājavanesu javitesu upekkhāsahagatatadārammaṇamevāti idametta sannīṭṭhānaṃ. Sekhaputhujanānaṃ pana appahīnavipallāsātāya iṭṭhamajjhatte, aniṭṭhaaniṭṭhamajjhāttārammaṇe ca somanassasahagatajavanaṃ uppajjatīti somanassasahagatajavānasāne somanassasahagatatadārammaṇameva hoti, natthi upekkhāsahagatanti nāyaṃ niyamo. Iṭṭhārammaṇepi vuttanayānusāreṇa yojetabbaṃ. Tenetaṃ vuccati –

“Parittakusalādosa-pāpasātakriyājavā;
Pañcasvekaṃ tadālambaṃ, sukhitesu yathārahaṃ.

“Pāpā kāmasubhā ceva, sopekkhā ca kriyājavā;
Sopekkhesu tadālambaṃ, chasvekamanurūpato”ti.

458-62. Duhetukāhetukānaṃ vipākāvaraṇehi samannāgatattā jhānuppādoyeva natthīti āha “**tīhetusomanassenā**”ti. **Jhānato parihīnassāti** uppāditalokiyajjhānato parihīnassa. **Vippaṭisārīnoti** “mahantena vāyāmena uppādīto me paṇītatthamho nattho”ti uppannavippaṭisāravantassa. **Kim...pe... mānasanti** ayaṃ anumatipecchā, tadārammaṇamānasam jāyate kiṃ, na vāti ayañhettha attho. Bhavaṅgapāto vā hotu tadārammaṇam vā, ko ettha vibandhoti āha “**paṭṭhāne paṭisiddhā**”tiādi. Avacanameva paṭisedhoti katvā āha “**paṭisiddhā**”ti. Yadi somanassānantaram domanassam, domanassānantaram somanassam vā uppajjeyya, tadā “sukhāya vedanāya sampayutto dhammo adukkhamasukhāya vedanāya sampayuttassa dhammassa anantarapaccayena paccayo”tiādi (paṭṭhā. 1.2.45) viya “sukhāya vedanāya sampayutto dhammo dukkhāya vedanāya sampayuttassa dhammassa anantarapaccayena paccayo, dukkhāya vedanāya...pe... sukhāya vedanāya...pe... paccayo”ti vattabbaṃ siyā, tathā gaṇanavāre ekekavedanāsampayuttassa attanā samānavedanāsampayuttassa, itaravedanādvayasamaṅgissa ca paccayabhāvaṃ sandhāya “anantare navā”ti vattabbaṃ siyā, na ca panevaṃ pāḷi āgatā. Domanassasomanassavedanāya sampayuttānaṃ pana aññamaññānantarapaccayavasena gaṇanadvayaṃ parihāpetvā “anantare sattā”ti vuttaṃ, tasmā yathādhammasāsane avacanampi paṭisedhasadisam abhāvasseva dīpanatoti vuttaṃ “paṭisiddhā”ti. Assa vā anantaram domanassassa uppattīti sambandho. **Assāti** somanassassa.

Evaṃ bhavaṅgapātābhāve kāraṇam vatvā puna tadārammaṇābhāvaṃ dassento āha “**mahaggata**”ntiādi. **Tattheva paṭisiddhanti** “parittārammaṇo dhammo mahaggatārammaṇassa dhammassa kammappaccayena paccayo”ti vacanābhāvato tattheva paṭṭhāne paṭisiddham. **Kim nu kātabbanti** kiṃ kātabbaṃ. Na hi sakkā ettakena “acittako”ti vattanti adhippāyo. Ettha ca mahaggatārammaṇameva domanassajavanaṃ nidassanavasena vuttaṃ. Iṭṭhārammaṇabhūte pana buddhādīārammaṇepi domanassajavane javite somanassapaṭisandhikassa tadārammaṇasambhavo, bhavaṅgapāto vā natthi.

464-5. Iṭṭhārammaṇe upekkhāsahagatatadārammaṇassa domanassānantarañca somanassassa abhāvato “upekkhāsahitā hetū”tiādinā ācariyena vutte puna codako anubandhanto āha “**āvajjanaṃ kimassā**”ti. Ācariyo pana kimettha āvajjanagavesanena, tena vināva idaṃ cittaṃ uppajjatīti dīpento āha “**natthi ta**”nti. Puna codako āvajjanena vinā cittappavattīṃ avisahanto āha “**taṃ jāyate katha**”nti. Evaṃ pana vutte ācariyo kimettha āvajjanena, kiñca āvajjanena vinā cittappavatti natthīti idaṃ na ekantikanti dīpetuṃ nirāvajanacittānaṃ sambhavaṃ dassento āha “**bhavaṅgāvajjanāna**”ntiādi, bhavaṅgāvajjanānaṃ kiṃ āvajjanaṃ, nanu natthevāti adhippāyo. Nanu ca bhavaṅgāvajjanāni tāva sakasakavisayesu ninnattā āvajjanena vinā uppattiyam bahulaṃ ciṇṇattāva uppajjanti, ayaṃ pana kathaṃ uppajjatīti idaṃ anuyogaṃ sandhāya puna nirāvajanacittāni dassento āha “**maggassā**”tiādi. **Maggassa**

lokuttaramaggassa cittassa. **Anantarassa phalassa cāti** maggānantarassa phalassa ca atthāya kiṃ āvajjananti sambandho. **Evam natthīti** yathā etesaṃ, evametassāpi natthi.

Ānandācariyo panettha ariyamaggacittaṃ, maggānantarāni phalāni ca parikammāvajjanena sāvajjanāni samānāni asatipi nirāvajjanupattiyaṃ ninnādi bhāve upattiyā nidassanamattavasena vuttānīti vaṇṇeti. Ayaṃ hissa adhippāyo – yadi hi nibbānārammaṇāvajjanābhāvaṃ sandhāya vuttāni siyuṃ, gotrabhuvodānāni dassitabbāni siyuṃ teheva etesaṃ nirāvajjanatāsiddhito, phalasaṃpattikāle ca “parittārammaṇaṃ mahaggaṭārammaṇaṃ anulomaṃ phalasaṃpattiyā anantarapaccayena paccayo”ti vacanato samānārammaṇāvajjanarahitattā maggānantarāni phalacittānīti evaṃ samāpatti phalacittāni na vajjetabbāni siyuṃ, gotrabhuvodānāni pana yadipi nibbāne ciṅṅāni, samudācītāni ca na honti, ārammaṇantare ciṅṅasamudācītāneva. Phalasaṃpatticittāni ca maggavīthito uddhaṃ tadatthaṃ parikamma sabbhāvāti tesam gahaṇaṃ na kataṃ. Anulomānantaraṇca phalasaṃpatticittaṃ ciṅṅasamudācittaṃ, na nevasaññānāsaññānantaraṃ maggānantarassa viya tadatthaṃ parikammābhāvāti “nirodhā vuṭṭhahantassā”ti taṅca nidassanti.

467. “Kimassārammaṇa”nti vatvā nirāvajjanabhāvaṃ viya anārammaṇabhāvampi vadeyyāti tabbhāvadassanena attano vacanaṃ sādiento āha “**vinā ārammaṇena**”tiādi. **Yaṃ kiñcīti** yaṃ kiñci paricitapubbaṃ ārammaṇaṃ ārabha. Nanu ca tadārammaṇikaṃ siyāti vuttaṃ, tadārammaṇaṇca javanārammaṇameva gaṇhāti itarathā tadārammaṇabhāvāyogatoṭi kathamassā parittārammaṇanti? Saccam, kāmvācaravipākacittānaṃ ekantaparittārammaṇattā nāssā mahaggaṭārammaṇabhāvo yutto, “tadārammaṇa”nti ca tadārammaṇaṭṭhāne upattim gahetvā vuttaṃ, na tassā tadārammaṇakiccasaṃbhavato. Kena carahi kiccenāyaṃ uppajjati? Tadārammaṇakiccaṃ tāva yathāvuttakāraṇatova natthi, nāpi santīraṇakiccaṃ tathā appavattanato. Paṭisandhicutīsu vattabbameva natthi. Pārisesato pana bhavassa aṅgabhāvato bhavaṅgakiccanti yuttaṃ siyā, paṭisandhibhūtaṃ eva cittaṃ bhavaṅganti idaṃ yebhuyyavasena vuccati. **Ācariyadhammapāl**attherenāpi hi ayamatto dassitova.

468-73. Avijjamāne kārake kathaṃ kassaci nirāvajjanappavattikassa sāvajjanabhāvenāti codanaṃ sandhāya cittaniyāmanibbattametaṃti dassetuṃ “**utubjaniyāmo cā**”tiādi vuttaṃ. **Utubjaniyāmo cāti** utuniyāmo ceva bījaniyāmo ca, utusabhāvaniyāmo bījasabhāvaniyāmoti vuttaṃ hoti. Kammadhammānaṃ niyāmo eva **kammadhammaniyāmāta**. **Ekappahārenāti** taṃ taṃ utusamayamanatikkamitvā ekasmiṃyeva kāle. **Phalapupphādīti ādi**-saddena pallavādīnaṃ saṅgaho. **Sabbesanti** tasmim samaye phalādinibbattanākānaṃ sabbesaṃ. **Taṃtaṃtulyaphalubbhavoti** tehi tehi bījehi sadisānaṃ phalānaṃ nibbatti, tesam tesam bījanaṃ anurūpaphalanibbattīti attho. “Kulatthagacchassa uttaraggabhāvo, dakkhiṇavalliyā dakkhiṇarukkhariparaṇaṃ, sūriyāvattapupphānaṃ sūriyābhimukhabhāvo, māluvalatāya rukkhābhimukhagamana”nti evamādinipi ettheva samodhānaṃ gacchanti. **Chiddattanti** chiddavantabhāvo, chiddaṃyeva vā. **Bījajoti** bījasambhavo niyāmo. **Yato detīti** yato yato paccayabhāvaniyāmato deti. **Ayanti** ayaṃ attano anurūpassa, sadisassa, visadisassa ca phalassa nibbattane niyāmo. Apica –

“Na antalikkhe na samuddamajjhe,
Na pabbatānaṃ vivaraṃ pavissa;
Na vijjati so jagatippadeso,
Yatthaṭṭhito mucceyya pāpakammā”ti. (dha. pa. 127) –

Imissā gāthāya aṭṭhupattiyaṃ āgataṃ tiṅgalāpessa gahitaaggino uṭṭhahitvā ākāse gacchato kākassa gīvāya paṭimuccanaṃ, nāvīkassa bhariyāya vālukaghaṭaṃ kaṇṭhe bandhitvā samuddudake pakkhipanaṃ, pabbatakūṭassa patitvā leṇe vasantānaṃ bhikkhūnaṃ dvārapidahananti taṃtaṃkamma sarikkhakavipākanibbattanampi kammaniyaṃmoyevāti veditabbaṃ. **Jātiyanti** paṭisandhiggaṇe ceva mātukucchito nikkhamane ca, nidassanamattañcetaṃ abhisambodhidhammacakkappavattanādīsipi medianīkampanādīkassa sambhavato. **Bodhisattassāti** pacchimabhavikabodhisattassa. **Medianīkampanādīkanti** pathavīkampanādīkaṃ dvattiṃsapubbanimittaṃ. **Visesattamanekampi** pubbanimittato aññaṃ tadā pātubhūtaṃ sabbam acchariyaṃ. **Uppattāvajjanādīnanti** “tvaṃ āvajjanaṃ hohi, tvaṃ dassana”ntiādinā niyuñjakassa abhāvepi taṃtaṃkiccavasena tesam tesam uppati.

474. Hadaye andhakāro viyāti hadayandhakāro, sammohoti attho, tassa viddhaṃsaṇaṃ pahānakaraṇanti **hadayandhakāra viddhaṃsaṇaṃ**. **Payuttoti** anupādāparinibbānaṃ appatvā anosakkamānena vīriyena vīriyavā. **Mohandhakārāpagamanti** arahattamāha.

Iti abhidhammatthavikāsiniyā nāma

Abhidhammāvatārasaṃvaṇṇanāya

Vipākacittappavattiniddesavaṇṇanā niṭṭhitā.

8. Aṭṭhamo paricchedo

Pakiṇṇakaniddesavaṇṇanā

475-6. Idāni yathāvuttānaṃ sabbesampi cittānaṃ pākaṭabhāvattamaṃ –

“Suttaṃ dovāriko ceva,
Gāmillo ambagoḷiyo;
Jaccandho pīṭhasappī ca,
Upanissayamatthaso”ti. (dha. sa. aṭṭha. 498 vipākuddhārahāthā) –

Aṭṭhakathāya āgamamātikāya vasena pakiṇṇakanayaṃ dassetuṃ “**idāni panā**”tiādi āraddhaṃ. Tattha **manasanti** cittānaṃ. “Mānasa”ntipi paṭhanti, taṃ na sundaraṃ. **Panthamakkaṭako**ti pāṇakapaṭaṅgādīnaṃ sañcaraṇaṭṭhāne jālaṃ pasāretvā tesam maggarakkhaṇato “**panthamakkaṭako**”ti laddhanāmo uṇṇanābhi. **Disāsu pana pañcasūti** upametabbānaṃ pañcapasādānaṃ vasena vuttaṃ. **Tatthāti** magge, tattha jālamajjheti vā sambandho. **Suttaṃ pasāretvāti** jālabandhanamāha.

478-80. Nti rudhiramāha. Disāsu dutiyādīsu sutte...pe... ghaṭṭiteti sambandho. “**Pasādā pañca daṭṭhabbā**”tiādi upamāsaṃsandanaṃ. **Cittaṃ...pe... viyāti** hadayavatthumaṃ nissāya pavattamānacittaṃ jālamajjhe nipannamakkaṭako viya daṭṭhabbamaṃ.

482-5. **Pasādaghaṭṭananti** pasāde ghaṭṭitaṃ. **Bhavaṅgāvaṭṭananti** bhavaṅgaṃ āvaṭṭentaṃ. Dhammato aññā kāci kiriyā nāma natthīti dhammameva calanena saha upameti. **Suttānusāramvāti** suttānusārena gamanaṃ viya. Javanassa ārammaṇarasānubhavanato tassa pavatti yūsapānena saddhiṃ upamētvā vuttā. **Vatthumyevāti** yathā purimacittāni hadayavatthunissitāni pasādavatthumaṃ anugatāni aññārammaṇāni ca honti, na evaṃ bhavaṅgaṃ. Taṃ pana vatthārammaṇantararaitaṃ kevalaṃ hadayavatthumeva nissāya pavattatīti dīpeti. **Parivattananti** puna bhavaṅgabhāvena parivattanaṃ. Bhavaṅgāvajjanādīnaṃ dhammato bhedepe santativasena ekattaṃ gahetvā ekeneva makkaṭakena upamāsaṃsandanaṃ vuttaṃ.

486-90. Upamā eva **opammaṃ**. Tato pasādavatthuto cittāti sambandho. **Dīpitaṃ** iminā opammaena. **Ekekārammaṇanti** rūpādīsu pañcasu ekekaṃ ārammaṇaṃ. **Sabbasoti** sabbesu cakkhādīsu yattha katthacīti attho. Idāni ekekārammaṇassa dvīsu dvīsu āpāthagamaṇaṃ pakāsetuṃ “**rūpaṃ cakkhupasādamaḥi**”tiādi vuttaṃ. Khe ākāse gacchatīti **khago**, pakkhi. **Sākhinoti** rukkhasa.

492-3. **Rūpassāti** sambandhe sāmivacanaṃ, tassa pana ghaṭṭanaṃ, āpāthagamaṇampi cāti dvīhi saha sambandho. **Pasādassāti** kammatthe sāmivacanaṃ, atthato āpāthagamaṇampi cāti sambandho. Ārammaṇavasena, āpāthaṃ āgacchantassapi pasādaghaṭṭanena ca bhavaṅgacalanassa paccayabhāvena āpāthaṃ viya upagamaṇanti attho.

494-5. **Tatoti** bhavaṅgacalanato paraṃ, **kusalaṃ javanaṃ cittanti** kāmāvacarakusalajavanacittaṃ. **Akusalameva vāti vā**-saddena kiriyābyākatacittampi saṅgaṇhāti. Ettha siyā – ko panetaṃ javanaṃ kusalatāya vā akusalatāya vā niyamēti? Yonisomanasikāro ceva ayonisomanasikāro ca. Yassa hi catucakkasampadāvasena yonisomanasikāro pavattati, āvajjanaṃ, voṭṭhabbanaṃca yonisova āvaṭṭeti, vavatthāpeti ca, tassa akusaluppatti natthi. Yassa pana vuttavipariyāyena ayonisomanasikāro ca hoti, āvajjanaṃ, voṭṭhabbanaṃca ayoniso ca āvaṭṭeti, vavatthāpeti ca, tassa kusalajavanuppatti natthi, tasmā yonisomanasikāro kusalatāya, ayonisomanasikāro akusalatāya ca niyamēti daṭṭhabbamaṃ. Kiriyājavanaṃ pana arahattameva niyamēti. Keci pana “kiriyājavanaṃ pana manasikāro ca niyamēti. Yathā hi āvajjanaṃ kusalākusalānaṃ visuṃ visuṃ paccayo hoti, evaṃ kiriyājavanassāpi”ti vadanti.

497. **Dovārikopamādīnīti** ettha eko rājā sayanagato niddāyati, tassa paricārako pāde parimajjanto nisīdi, badhiradovāriko dvāre ṭhito, tayo paṭihārā sayanassa, dvārassa ca majjhe paṭipāṭiyā ṭhitā. Atheko paccantavāsī manusso paṇṇākāraṃ ādāya dvāraṃ ākoṭesi, badhiradovāriko saddaṃ na suṇāti, pādaparimajjako saññānaṃ akāsi, tāya saññāya dvāraṃ vivarivā passi, paṭhamapaṭihāro paṇṇākāraṃ gahetvā dutiyassa adāsi, dutiyo tatiyassa, tatiyo rañño, rājā paribhuñji. Tattha rājā viya javanaṃ daṭṭhabbamaṃ, pādaparimajjako viya āvajjanaṃ, badhiradovāriko viya cakkhuvīññānaṃ, tayo paṭihārā viya sampaṭicchanaṇādīni tīni vīthiccittāni, paccantavāsino paṇṇākāraṃ ādāya dvārakoṭanaṃ viya ārammaṇassa pasādaghaṭṭanaṃ, pādaparimajjakena saññāya dinnakālo viya kiriyāmanodhātuyā bhavaṅgassa āvaṭṭitakālo, tena dinnasaññāya badhiradovārikassa dvāravivarakālo viya cakkhuvīññānaṃ ārammaṇe

dassanakiccasādhanakālo, paṭhamapaṭihārena paṇṇākārassa gahitakālo viya vipākamanodhātuyā ārammaṇassa sampaṭicchitakālo, paṭhamena dutiyassa dinnakālo viya vipākamanoviññādhātuyā ārammaṇassa santūritakālo, dutiyena tatiyassa dinnakālo viya kiriyāmanoviññādhātuyā ārammaṇassa vavatthāpitakālo, tatiyena rañño dinnakālo viya voṭṭhabbanena javanassa niyyātitakālo, rañño paribhogakālo viya javanassa ārammaṇarasānubhavanakāloti ayam dovārikopamā.

“Idaṃ pana opammaṃ kiṃ dīpeti”tiādi ucchuyantūpamāya vuttanayena veditabbā. Sambahulā gāmadārakā antaravīthiyam paṃsum kīlanti, tatthekassa hatthe kahāpaṇo paṭihaññi. So “mayhaṃ hatthe paṭihataṃ, kiṃ nu kho eta”nti āha. Atheko “paṇḍaram eta”nti āha. Aparo saha paṃsunā gāḷhaṃ gaṇhi. Añño “puthulaṃ caturassaṃ eta”nti āha. Aparo “kahāpaṇo eso”ti āha. Atha āharitvā mātu adamsu, sā kamme upanesi. Tattha sambahulānaṃ dārakānaṃ antaravīthiyam kīlantānaṃ sannisinnakālo viya cittappavatti daṭṭhabbā, kahāpaṇassa hatthe paṭihatakālo viya ārammaṇena pasādassa ghaṭṭitakālo, “kiṃ nu kho eta”nti vuttakālo viya taṃ ārammaṇam gahetvā kiriyāmanodhātuyā bhavaṅgassa āvaṭṭitakālo, “paṇḍaram eta”nti vuttakālo viya cakkhuvīññāṇena dassanakiccassa sādhitakālo, saha paṃsunā gāḷhaṃ gahitakālo viya vipākamanodhātuyā ārammaṇassa sampaṭicchitakālo, “puthulaṃ caturassaṃ eta”nti vuttakālo viya vipākamanoviññādhātuyā ārammaṇassa santūritakālo, “kahāpaṇo eso”ti vuttakālo viya kiriyāmanoviññādhātuyā ārammaṇassa vavatthāpitakālo, mātaraṃ kamme upanītakālo viya javanassa ārammaṇarasānubhavanam veditabbanti ayam gāmadārakopamā.

Idaṃ opammaṃ kiṃ dīpeti? Kiriyāmanodhātu adisvāva bhavaṅgam āvaṭṭeti, vipākamanodhātu adisvāva sampaṭicchati, vipākamanoviññādhātu adisvāva santūreti, kiriyāmanoviññādhātu adisvāva vavatthāpeti, javanam adisvāva ārammaṇarasam anubhavati, ekantena pana cakkhuvīññāṇameva dassanakiccam sādhetīti dīpeti. Jaccandhapīṭhasappūpamā upari āgamissati.

498-509. Ettakā upamā saṅgahetvā “dovārikopamādīnī”ti vatvā “upanissayamatthaso”ti ettha upanissayabhāvaṃ pakāsetuṃ “**asambhedenā**”tiādīmāha. **Asambhedenā**ti avinaṭṭhabhāvena, vātapittādīhi anupahatabhāvena ca. Vātapittādiupahatampi hi cakkhuvīññāṇassa paccayabhāvānupagamanato sambhinnameva nāma hoti, pañcindriyānaṃ atthikkhaṇeyeva nissayabhāvūpagamanato khaṇavasena asambhedopi yujjati. Esa nayo sotapasādādisupi. **Rūpāpāthagamenā**ti dūre ṭhitassa phalīkādihi antaritassa cakkhuvīññāṇupattiyā paccayo bhavituṃ yogyadesa avatṭhitavasena rūpassa āpāthagamanena. Evañca katvā dūre ṭhitaṃ, parammukhe ṭhitampi dibbacakkhussa āpāthagatameva nāma hoti. **Ālokanissayenāpīti** rūpāvabhāsanamasatthaālokasaṅkhātanissayena. Āloke sati sambhavo cettha ālokanissayā, na ālokassa nissayapaccayā. Manakkārova hetu manakkārahetu, tena saha vattatīti **samanakkārahetu**. Tena ālokanissitam dasseti. **Sameteḥīti** saṃyuttehi ekībḥūtehi, na ekassapi virahenāti attho.

Ākāsanissayenāti kaṇṇacchiddasaṅkhātaākāsanissayena. Teneva hi **aṭṭhakathāyam** “na hi pihitakaṇṇacchiddassa sotavīññāṇam pavattati”ti vuttaṃ. Bāhirākāsampi pana icchitameva. Tathā hi avivare gehe nisīditvā vuccamānānaṃ bahi ṭhitā na suṇanti. **Vāyosannissayenā**ti nāsīkacchidaṃ pavisanavāyusannissayena. **Āposannissayenā**ti kheḷasaṅkhātaāposannissayena. **Pathavīsannissayenā**ti kāyapasādavatthussa pathavīdhātusannissayena. **Manoviññāṇanti** javanamanoviññāṇam.

510-11. Mano...pe... veditabbanti “asambhedā manassā”ti ettha vuttaṃ mano bhavaṅgacittanti veditabbam. Taṃ pana cutivasena niruddhampi kiriyāmayacittassa paccayabhāvaṃ anupagantvā kevalam bhavaṅgappavattivasena mandathāmagataṃ hutvā pavattanampi sambhinnamevāti daṭṭhabbam. **Nāyam sabbattha gacchatīti** catuvokāre alabbhanato. Tenāha “**bhavam tu pañcavokāra**”ntiādi. Tattha pañcannaṃ khandhānaṃ vokāro ethāti **pañcavokāro**. Hoti hi bhinnādhikaraṇampi aññapadatthasamāso yathā “urasilomo”ti. Atha vā yathāpaccayam pañcahi khandhehi vokarīyatīti **pañcavokāro**. “Atthato”ti evamādikaṃ padaṃ cakkhādīni dassanādīkicānīti ettakameva sandhāya vuttaṃ, na aññam kīnci visesananti na tattha vinicchayo vutto.

512-4. Sabbānīti kāmāvacarādibhedam anāmasitvā sabbāni. **Kammanti** paṭisandhinibbattakā upapajjavedanīyabhūtā, aparāpariyavedanīyabhūtā vā cetanā. **Kammanimittanti** yaṃ vatthum ārammaṇam katvā āyūhanakāle kammaṃ āyūhati, taṃ dānūpakaraṇādikaṃ, paṇaghātopakaraṇādikañca. **Gatinimittanti** bhavantaramupapajjitabbabhavapariyāpannavāṇāyatanam, taṃ pana sugatiyam manussaloke nibbantantassa rattakambalasadisamātukucchiyaṇavasena, devaloke nibbantantassa uyyānakapparukkhaṇavasena, duggatiyam nibbantantassa aggijālādivaṇavasena, petatiracchānayonīsu petatiracchānānaṃ nibaddhasañcaraṇaṭṭhānapariyāpannatāvaṇavasena ca daṭṭhabbam. “**Tividha**”nti idaṃ yathāsambhavavasena vuttaṃ, rūpārūpasambandhīnaṃ pana kammanimittameva ārammaṇam hoti. Tathā hi mahaggatavipākāni ekantena kammāsadisārammaṇāni vuttāni.

Paccuppannamatītam vāti khaṇavasena paccuppannamatītam vā. Tattha gatinimittam ekantena

paccuppannameva, kammanimittam paccuppannamatītam vā, kammaṃ pana atītameva. Anāgatārammaṇaṃ pana paccuppannakammanimittagatinimittam viya anāpāthagatattā, atītakammakammanimittam viya ananubhūtattā ca vibhūtam hutvā nopatiṭṭhātīti atisantabhāvena pavattamānā paṭisandhi tam ārabba pavattitum na sakkoṭīti vuttam “**natthi anāgata**”nti. Mahaggatapaṭisandhīnaṃ ekantena kammāsādisārammaṇabhāvena kammassa viya atītanavattabbārammaṇattā na tāsam visum ārammaṇam uddhaṭam. Tattha dutiyacatutthārūpapaṭisandhīnaṃ atītameva ārammaṇam itarāsam navattabbanti daṭṭhabbam.

517-20. Mahāvīpākānaṃ paṭisandhādicatukicavaseneva pavattanato rūpārūpabhava paṭisandhibhavaṅgacutivasena tamtamvipākasēva pavattito, tadārammaṇassa ca abhāvena tattha na labbhatīti āha “**mahāpākā...pe... dvaye**”ti. Aniṭṭharūpānaṃ brahmaloke asambhavepi tattha ṭhatvā idha aniṭṭhārammaṇam passantānaṃ akusalavīpākāni na uppajjantīti na vattabbanti rūpabhavaṃ santīraṇattayaṃ vuttam. Abhidhammatthasaṅgahasaccasaṅkhepādīsūpi hi imināva adhippāyena rūpaloke akusalavīpākappavatti dassitā. Apara pana “**kāmabhava santīraṇattayaṃ, rūpabhava santīraṇadvayanti yathālābhavasena yojetabba**”nti vadanti.

Kadācipīti parittārammaṇesu parittajavanānaṃ uppādepi. “**Bījassābhāvato**”ti rūpārūpabhavadvaye tadārammaṇābhāvassa kāraṇaṃ vatvā tameva pakāsetum “**paṭisandhibīja**”ntiādi vuttam. Paṭisandhiyeva bījabhūtanti **paṭisandhibījam. Tassāti** tadārammaṇassa.

521. Yadi evaṃ cakkhuvīññānādīnampi kāmāvacarapaṭisandhibījattā tattha abhāvo āpajjati codento āha “**cakkhuvīññānādīna**”ntiādi. **Indriyānanti** cakkhuvīññānādīnaṃ vatthudvārabhūtānaṃ cakkhādīnamindriyānaṃ. **Pavattānubhāvato**ti tesam tattha atthitānubhāvato. Ayañhettha adhippāyo – cakkhusotaviññānānaṃ vatthubhūtāni cakkhusotindriyāni tattha pavattantīti tesam pavattānubhāvato cakkhusotaviññānāni pavattanti. Sati ca tesam pavattiyam vīthiccittuppādo niyatoti cakkhuvīññānādīnaṃ viya sampañicchanasantīraṇānampi tattha sambhavo siddhoti.

523-4. Akāmāvacaradhammeti kāmāvacaradhammato aññe mahaggatalokuttaradhamme. **Nānubandhatīti** nānūvattati. **Janakaṃ...pe... anubandhatīti** yathā nāma gehato nikkhamitvā bahi gantukāmo taruṇadārako attano janakaṃ pitaraṃ vā aññaṃ vā pitusadisam hitakāmaṃ nītiṃ aṅguliyaṃ gahetvā anubandhati, na aññaṃ rājapurisādīṃ, tathā etampi bhavaṅgārammaṇato bahi nikkhamitukāmasabhāgatāya attano janakaṃ paṭhamakusalādikaṃ sadisaṃ vā dutiyakusalādīkāmāvacarajavanameva anubandhati, na aññaṃ mahaggataṃ lokuttaranti ayamettha attho. **Kusalākusalādīnti ādi**-ggahaṇena kiriyābyākatam saṅgaṇhātī. **Anandācariyo** pana **paṭṭhāne** “**kusalākusale niruddhe vipāko tadārammaṇatā uppajjati**”ti (paṭṭhā. 3.1.98) vipākadhammadhammānamevānantaraṃ tadārammaṇam vuttam. Vipphāravantañhi javanaṃ nāvaṃ viya nadīsoto bhavaṅgaṃ anubandhati, na pana chaḷaṅgupekkhāvato santavuttiṃ kiriyājavanaṃ paṇṇapuṭam viya nadīsototi kiriyājavānāntaraṃ tadārammaṇam na icchatī, **ācariyajotipālatherādayo** pana “**labbhāmānassapi kenaci adhippāyena katthaci avacanaṃ dissati, yathā tam dhammasaṅgahe akusalānidese labbhamānopi adhipati na vutto, tasmā yadi abyākatānantarampi tadārammaṇam vuceyya, tadā voṭṭhabbanānantarampi tassa pavattiṃ maññeyyunti kiriyājavānānantaraṃ tadārammaṇam na vuttam, na pana alabbhanato. Yañcettha paṇṇapuṭam nidassitam, tam nidassitabbena samānaṃ na hoti, nāvāpaṇṇapuṭānañhi nadīsotassa āvaṭṭanaṃ gati ca visadisīti nāvāyaṃ nadīsotassa anubandhanaṃ, paṇṇapuṭassa ananubandhanañca yujjati, idha pana kiriyājavānetarajavanānaṃ bhavaṅgasotassa āvaṭṭanaṃ gati ca sadisīti etassa ananubandhanaṃ, itarassa anubandhanañca na yujjati, tasmā vicāretabbameva ta**”nti vadanti.

525-6. Yathā cetam mahaggatalokuttaradhamme nānūvattati, tathā yadā ete kāmāvacaradhammāpi mahaggatānuttaradhammārammaṇā hutvā pavattanti, tadā tepi nānubandhatīti āha “**kāmāvacaradhammāpi**”tiādi. Mahaggatā-ggahaṇena cettha lokuttarānampi saṅgaho daṭṭhabbo. **Te cāpīti ca**-saddena lokuttarārammaṇānaṃ gahaṇam. Kasmā nānubandhatīti āha “**parittārammaṇattā**”tiādi. **Parittārammaṇattāti** heṭṭhā vuttanayena kāmāvacaravīpākānaṃ ekantena parittārammaṇattā. **Tathāparicitattāti** yathā javanaṃ, evaṃ aparicitattā. Idam vuttam hoti – yathā hi so pitaraṃ, pitusadisam vā kañci anubandhanto taruṇadārako gharadvārantaravīthicatukkādimhi pariciteyeva dese anugacchati, na araññaṃ vā rakkhasabhūmiṃ vā gacchantam, evaṃ kāmāvacaradhamme anubandhantampi parittamhi pariciteyeva dese pavattamāne te dhamme anubandhati, na mahaggatalokuttaradhamme ārabba pavattamānēpi.

527-32. Idāni kiṃ imāya yuttikathāya, aṭṭhakathāpamāṇato cetam gahetabbanti dassento āha “**kiṃ tenā**”tiādi. **Javaneti** kāmāvacarajavane. **Tadārammaṇacittāni** “**tadārammaṇa**”nti laddhanāmāni cittāni tadārammaṇabhāvaṃ na gaṇhanti, tadārammaṇabhāvena na pavattantīti attho. Atha vā nāmagottaṃ ārabba javane javite **tadārammaṇam** tassa javanassa ārammaṇam **na gaṇhanti** na labbhantīti attho. **Rūpārūpabhavesu vāti vā**-saddena “**javane javitepi tadārammaṇam na gaṇhanti**”ti ākaḍḍhati. **Paṇṇattiṃ ārabbhātīti** kāmabhavaṃ paṇṇattiṃ ārabba. **Lakkhaṇārammaṇāyāti** aniccādīlakkhaṇattayārammaṇāya, balavavipassanāyāti attho. “**Tiṇi lakkhaṇāni, tisso ca paññattiyō kusalattike na labbhanti**”ti **aṭṭhakathāya** vuttattā tiṇṇam lakkhaṇānaṃ dhammato abhāvena tam ārabba

pavattāya vipassanāya tadārammaṇāni na labbhanti. **Paṭṭhāne** pana “sekhā vā puthujjanā vā kusalaṃ aniccato dukkhato anattato vipassanti, kusalākusale niruddhe vipāko tadārammaṇatā uppajjati”ti (paṭṭhā. 1.1.406) vacanato khandhārammaṇikavipassanāya tadārammaṇaṃ labbhatīti daṭṭhabbaṃ. **Micchattaniyatesūti** “katame dhammā micchattaniyatā? Cattāro diṭṭhigatasampayuttacittuppādā”ti (dha. sa. 1426) evamāgatesu micchāgāhavasena pavattesu dhammesu javanaṃ hutvā javitesu. Kasmā pana tesu javitesu tadārammaṇaṃ na labbhatīti? Kāmāvacaravipākānañhi niyatamicchādīṭṭhiviasappavattesu tesu javitesu tadanantaraṃ tadārammaṇāni na uppajjanti, aniyatamicchādīṭṭhiviasappavattesu pana javitesu tadārammaṇaṃ nuppajjatiṭi natthi. Atha vā **micchattaniyatesūti** micchābhāvaniyatasabhāvesu taṃvisayesūti attho. Micchattaniyatadhammānaṃ dhammasabhāvaṃ aggahetvā micchattaniyatasaṃbhāvasseva gahaṇato, tassa ca vipākānaṃ avibhūtattā micchattaniyatasaṃbhāve ārabha tadārammaṇā na labbhanti. **Pi**-saddena sammattaniyatesupīti sampiṇḍeti, “lokuttaradhamme ārabbhā”ti vā etena siddhattā na tesam visuṃ uddharaṇaṃ kataṃ. Aṭṭhakathāyaṃ pana micchattaniyatasaṃmattaniyatānaṃ aññamaññapaṭipakkhabhāvena balavabhāvato tadārammaṇassa avatthubhāvadassanattaṃ micchattaniyatānantaraṃ sammattaniyatāpi uddhaṭā. Micchattaniyatasaṃbhāvassa viya paṭisambhidāsabhāvassapi kāmāvacaravipākānaṃ avibhūtabhāvena paṭisambhidāññāni ārabha javane javite tadārammaṇaṃ na labbhatīti āha “**paṭisambhidāññāni**”tiādi. **Manodvārepi**ti na kevalaṃ pañcadvāresuyeva, atha kho manodvārepi. **Sabbesanti** aheta kadu hetu kadīnaṃ sabbesaṃ. **Anupubbato**ti heṭṭhā vuttaanukkamato.

533. Na vijjatiti manodvārassa appaṭighabhāvena na vijjati. **Bhavaṅgatoti** bhavaṅgasantānato, tassa ārammaṇato vā. **Vuṭṭhānanti** bhavaṅgasantāne, tassārammaṇe vā sati tassa vuṭṭhānaṃ.

535-6. Satta sattāti ekekassa satta sattāti katvā. **Pāpapākāti** akusalavipākā. “Dvādasāpuññacittāna”nti vatvā “pāpapākā”ti vacanaṃ “tatriḍaṃ sugatassa sugatacivarappamāṇa”ntiādisu viya saññāsaddavasena vuttaṃ. Evaṃ pavattiyaṃ akusalavipākānaṃ pavattiṃ dassetvā idāni paṭisandhiyaṃ dassetuṃ “**ekādasavidhāna**”ntiādi vuttaṃ. Uddhaccetanāya pavattivipākādānamattaṃ vinā paṭisandhidānābhāvato āha “**hitvā uddhaccamānasa**”nti. Kiṃ panettha kāraṇaṃ, adhimokkavirahena sabbadubbalaṃpi vicikicchāsahagataṃ paṭisandhiṃ ākaḍḍhati, adhimokkhasabhāvato tato balavataṃpi uddhaccasahagataṃ nākaḍḍhati? Paṭisandhidānasabhāvābhāvato. “Balavaṃ ākaḍḍhati, dubbalaṃ nākaḍḍhati”ti hi ayaṃ vicāraṇā paṭisandhidānasabhāvesuyeva. Yassa pana paṭisandhidānasabhāvo eva natthi, na tassa balavabhāvo paṭisandhiākaḍḍhane kāraṇanti.

Kathaṃ panetaṃ viññātabbaṃ “uddhaccasahagatassa paṭisandhidānasabhāvo natthi”ti? Dassanenapahātabbesu anāgatattā. Tividhā hi akusalā dassanenapahātabbā, bhāvanāyapahātabbā, siyā dassanenapahātabbā siyā bhāvanāyapahātabbāti. Tattha diṭṭhisampayuttavicikicchāsahagatacittuppādā **dassanenapahātabbā** nāma. Yathāha “katame dhammā dassanenapahātabbā? Cattāro diṭṭhigatasampayuttacittuppādā vicikicchāsahagato cittuppādo”ti (dha. sa. 1408). Te hi paṭṭhamam nibbānadassanato “dassana”nti laddhanāmena sotāpattimaggeneva pahātabbattā “dassanenapahātabbā”ti vuccanti. Uddhaccasahagatacittuppādo **bhāvanāyapahātabbo** nāma. Yathāha “katame dhammā bhāvanāyapahātabbā? Uddhaccasahagato cittuppādo”ti. So hi aggamaggena pahātabbattā “bhāvanāyapahātabbo”ti vutto. Uparimaggattayañhi paṭṭhamamaggena diṭṭhasmiṃyeva bhāvanāvasena uppajjati, na adiṭṭhapubbaṃ kiñci passati, tasmā “bhāvanā”ti vuccati. Diṭṭhivippayuttadomanassasahagatacittuppādā pana **siyā dassanenapahātabbā siyā bhāvanāyapahātabbā** nāma. Yathāha “cattāro diṭṭhigatavippayuttā lobhasahagatacittuppādā dve domanassasahagatacittuppādā. Ime dhammā siyā dassanenapahātabbā siyā bhāvanāyapahātabbā”ti (dha. sa. 1409). Te hi apāyanibbattakāvattāya paṭṭhamamaggena, sesāvattāya uparimaggehi dassanenapahātabbā siyā dassanenapahātabbā siyā bhāvanāyapahātabbā nāma. Tattha siyā dassanenapahātabbampi dassanenapahātabbasāmaññena idha “dassanenapahātabbā”tveva voharanti. Yadi ca uddhaccasahagataṃ paṭisandhiṃ dadeyya, tadā akusalapaṭisandhiyā sugatiyaṃ asambhavato apāyesveva dadeyya, apāyagamanīyaṃ ekantena dassanenapahātabbā siyā, itarathā apāyagamanīyassa appahinattā sekhānaṃ apāyuppatti āpajjati, na ca panetaṃ yuttaṃ, “catūhapāyehi ca vippamutto (khu. pā. 6.11; su. ni. 234), avinipātadhammo”tiādivacanehi saha virujjhanato, sati ca panetassa dassanenapahātabbābhāve “siyā dassanenapahātabbā”ti imassa vibhaṅge vattabbaṃ siyā, na ca panetaṃ vuttanti. Atha siyā “apāyagamanīyo rāgo doso moho tadekaṭṭhā ca kilesā”ti evaṃ dassanenapahātabbesu vuttattā uddhaccasahagatassāpi tattha saṅgaho sakkā kātunti? Taṃ na, tassa niyāmato bhāvanāyapahātabbābhāvena vuttattāti tasmā dassanenapahātabbesu avacanameva paṭisandhidānābhāvaṃ sādhetīti.

Nanu ca **paṭisambhidāvibhaṅge** –

“Yasmiṃ samaye akusalaṃ cittaṃ uppannaṃ hoti upekkhāsahagataṃ uddhaccasampayuttaṃ, rūpārammaṇaṃ vā...pe... dhammārammaṇaṃ vā yaṃ yaṃ vā panārabha, tasmīṃ samaye phasso hoti...pe... avikkhepo hoti, ime dhammā akusalā. Imesu dhammesu ñāṇaṃ dhammapaṭisambhidā, tesam vipāke ñāṇaṃ atthapaṭisambhidā”ti (vibha. 731) –

Evam uddhaccasahagatacittuppādaṃ uddharitvā tassa vipākopi uddhaṭoti kathamassa paṭisandhidānābhāvo sampaṭicchitabboti? Na idaṃ paṭisandhidānaṃ sandhāya uddhaṭaṃ, atha kho pavattivipākaṃ sandhāya. **Paṭṭhāne** pana –

“Sahajātaṃ dassanenapahātabbā cetanā cittasamuṭṭhānānaṃ rūpānaṃ kammaṃpaccayena paccayo, nānakkhaṇikā dassanenapahātabbā cetanā vipākānaṃ khandhānaṃ kaṭattā ca rūpānaṃ kammaṃpaccayena paccayo”ti (paṭṭhā. 2.8.89) –

Dassanenapahātabbacetanāya eva sahajātanānakkhaṇikakammaṃpaccayabhāvaṃ uddharitvāya “sahajātaṃ bhāvanāyapahātabbā cetanā cittasamuṭṭhānānaṃ rūpānaṃ kammaṃpaccayena paccayo”ti bhāvanāyapahātabbacetanāya sahajātakammaṃpaccayabhāvova uddhaṭo, na pana nānakkhaṇikakammaṃpaccayabhāvo. Tathā **paccaniyanayepi** –

“Dassanenapahātabbo dhammo nevadassanenabhāvanāyapahātabbassa dhammassa ārammaṇapaccayena paccayo, sahajāta... upanissaya...pe... pacchājāta... kammaṃpaccayena paccayo”ti (paṭṭhā. 2.8.98) –

Dassanenapahātabbasseva kammaṃpaccayabhāvaṃ uddharitvā –

“Bhāvanāyapahātabbo dhammo nevadassanenabhāvanāyapahātabbassa dhammassa ārammaṇapaccayena paccayo, sahajāta... upanissaya... pacchājātapaccayena paccayo”ti (paṭṭhā. 2.8.99) –

Bhāvanāyapahātabbassa dhammassa sahajātādipaccayabhāvova vutto, na pana kammaṃpaccayabhāvo, na ca nānakkhaṇikakammaṃpaccayaṃ vinā paṭisandhiākaḍḍhanaṃ atthi, tasmā natthi tassa sabbathāpi paṭisandhidānaṃ. Pavattivipākaṃ panassa na sakkā nivāretuṃ paṭisambhidāvibhaṅge uddhaccasahagatānaṃpi vipākassa uddhaṭattā, nānakkhaṇikakammaṃpaccayassa ca paṭisandhivipākameva sandhāya anuddhaṭattā. Evañca pana katvā yadeke ācariyā vadanti “uddhaccacetanā ubhayavipākampi na deti paṭṭhāne nānakkhaṇikakammaṃpaccayassa anuddhaṭattā”ti, taṃ tesam abhinivesamattamevāti daṭṭhabbaṃ.

Yadi ca te vadeyyuṃ – yathā “vipākadhammadhammā”ti ettha vipāka-saddena vipākārahataṃ vuccati, evaṃ idhāpi uddhaccasahagatānaṃ vipākārahataṃ sandhāya “tesam vipāke ñāṇa”nti vuttaṃ. Yathā saddhindriyavinimuttassa adhimuccanaṭṭhassa abhāvepi saddhindriyassa adhimuccanasattivisesaṃ gahetvā saddhindriyadhammo adhimuccanaṭṭho atthoti vuccati, evamidhāpi dhammavinimuttassa vipākārahabhāvassa abhāvepi dhammānameva vipākārahāsamattiyam gahetvā tassa atthibhāvo vutto. Yadi ca te pavattivipākaṃ dadeyyuṃ, yathā –

“Sukhāya vedanāya sampayutto dhammo dukkhāya vedanāya sampayuttassa dhammassa kammaṃpaccayena paccayo, nānakkhaṇikā”ti (paṭṭhā. 1.2.57) –

Pavattivipākassapi vasena nānakkhaṇikakammaṃpaccayo vutto, evametthāpi nānakkhaṇikakammaṃpaccayabhāvo vattabbo siyā. Na hi labbhamānassa avacane kāraṇaṃ atthīti tasmā yathādhhammasāsane avacanampi abhāvameva dīpeti. Apica yadi uddhaccasahagatassa pavattivipākādānaṃ adhippetam siyā, tadā “anupādinupādāniyo dhammo upādinupādāniyassa dhammassa na kammaṃpaccayena paccayo”ti paṭisedho na kātabbo siyā. Na hi ṭhapetvā uddhaccaṃ aṅño koci anupādinupādāniyo dhammo upādinupādāniyassa dhammassa paccayo bhavituṃ asamatto atthīti, tayidametesam abhilāpamattaṃ. Tathā hi yaṃ tāva vuttaṃ “vipākārahabhāvaṃ gahetvā tesam vipāketi vutta”nti, tadeva tassa vipākasabbhāvaṃ dīpeti. Na hi vipākārahabhāve sati abhiññādīnaṃ viya tassa avipākatāya kāraṇaṃ atthīti. Yampi vuttaṃ “nānakkhaṇikakammaṃpaccayassa avacanaṃ vipākabhāvaṃ dīpeti”ti, tampi na sundaraṃ, labbhamānassāpi katthaci kenaci adhippāyena avacanaṃ. Tathā hi dhammasaṅgaṇiyam labbhamānampi hadayavatthu na vuttaṃ. Tasmā yadi pavattivipākaṃ sandhāya nānakkhaṇikakammaṃpaccayabhāvo vucceyya, tadā paṭisandhivipākādānaṃpissa maññeyyunti labbhamānassāpi pavattivipākassa vasena nānakkhaṇikakammaṃpaccayabhāvo na vuttoti. Yaṃ pana anupādinupādāniyassa upādinupādāniyam pati kammaṃpaccayaṇaṭṭhapaṇaṃ, taṃ abhiññākusalādike sandhāyāti na ettāvataṃ uddhaccasahagatassa pavattivipākādānaṃ sabbathāpi paṭikkhipitum sakkāti. Yampi **aṭṭhakathāyam** “yathā ca abhiññācetanā, evamuddhaccacetanāpi ‘saṅkhārapaccayā viññāṇa’nti ettha apānetabbā”ti vuttaṃ, tampi uddhaccacetanāya tattha niddisiyamānāya yathā itarā paṭisandhipavattivavasena duvidhassāpi vipākaviññāṇassa paccayo, evamuddhaccacetanāpīti gaṇheyyunti vuttaṃ, na tassa pavattivipākābhāvatoti.

Ācariyabuddhamittādayo pana uddhaccasahagataṃ dvidhā vibhajitvā ekassa ubhayavipākādānaṃ, ekassa sabbathāpi vipākābhāvaṃ vaṇṇenti. Tesāñhi ayaṃ vinicchayo – atthi uddhaccaṃ bhāvanāyapahātabbampi, atthi nabhāvanāyapahātabbampi. Tesu bhāvanāyapahātabbaṃ sekhasantānappavattaṃ, itaraṃ puthujjanasantānappavattaṃ.

Phaladānañca puthujjanasantāne pavattasseva, netarassa. Tathā hi dassanabhāvanānaṃ abhāvepi yesaṃ puthujjanānaṃ, sekhānañca dassanabhāvanāhi bhavitabbaṃ, tesam taduppattikāle tāhi pahātuṃ sakkuṇeyyā akusalā “dassanenapahātabbā, bhāvanāyapahātabbā”ti ca vuccanti. Puthujjanānaṃ pana bhāvanāya abhāvato bhāvanāyapahātabbacintā natthi, tena tesam pavattamānā te dassanena pahātuṃ asakkuṇeyyāpi “bhāvanāyapahātabbā”ti na vuccanti. Yadi vucceyyuṃ, dassanenapahātabbā bhāvanāyapahātabbānaṃ kesañci keci kadāci ārammaṇārammaṇādhipatiupanissayapaccayehi paccayā bhaveyyuṃ. Sakabhaṇḍe chandarāgādīnañhi kesañci sakkāyaditṭhādayo keci atītādīsu kismiñci kāle ārammaṇādhipatiupanissayehi paccayā hontīti natthi, na ca paṭṭhāne “dassanenapahātabbā bhāvanāyapahātabbānaṃ kenaci paccayena paccayo”ti vuttā, tasmā natthi puthujjanesu pavattamānānamakusalānaṃ bhāvanāyapahātabbapariyāyo. Yadi tattha avacanameva pamāṇaṃ, evaṃ sati sekhasantānapavattānaṃpi akusalānaṃ bhāvanāyapahātabbapariyāyo natthīti āpajjati? Nāpajjati, sekhasantānapavattānaṃ bhāvanāya pahātuṃ sakkuṇeyyattā. Teneva ca kiñci katvā sekhānaṃ dassanenapahātabbānaṃ akusalānaṃ pahīnabhāvena assādanābhinandanaṃ vatthūni na honti. Pahīnatāya eva somanassassa hetubhūtā, avikkhepahetubhūtā ca na domanassaṃ, uddhaccañca uppādentīti na tesam ārammaṇārammaṇādhipatipakatūpanissayabhāvaṃ gacchanti. Na hi pahīnakilese upanissāya ariyā rāgadosavikkhepe uppādentī. Vuttañca “sotāpattimaggena ye kilesā pahīnā, te kilese na puneti, na pacceci, na paccāgacchatīti sugato, sakadāgāmi...pe... arahattamaggena...pe... sugato”ti. Puthujjanānaṃ pana dassanena pahātuṃ sakkuṇeyyā dassanena pahātuṃ asakkuṇeyyānaṃ kenaci paccayena paccayā na hontīti na sakkā vattuṃ, “diṭṭhiṃ assādeti abhinandati, taṃ ārabba rāgo uppajjati, diṭṭhi uppajjati, vicikicchā uppajjati, uddhaccaṃ uppajjati, vicikicchaṃ ārabba vicikicchā uppajjati, diṭṭhi uppajjati, uddhaccaṃ uppajjati”ti (paṭṭhā. 1.1.407) diṭṭhivicikicchānaṃ uddhaccārammaṇabhāvassa vuttattā. Ettha hi **uddhaccanti** uddhaccasahagataṃ cittuppādaṃ sandhāya vuttaṃ, na dassanenapahātabbesupi labbhamānacetasikaṃ uddhaccaṃ. Evañca katvā **adhipatipaccayaniddese** “diṭṭhiṃ garuṃ katvā assādeti abhinandati, taṃ garuṃ katvā rāgo uppajjati, diṭṭhi uppajjati”ti (paṭṭhā. 1.1.415) ettakameva vuttaṃ, na vuttaṃ “uddhaccaṃ uppajjati”ti, tasmā sekhasantānapavattānaṃ akusalānaṃ dassanenapahātabbānaṃ kenaci paccayena paccayattābhāvato puthujjanānaṃ santāneva dassanenapahātabbānaṃ akusalānaṃ paccayā na hontīti na sakkā vattuntī paṭṭhāne dassanenapahātabbānaṃ bhāvanāyapahātabbassa ārammaṇārammaṇādhipatiupanissayapaccayattānaṃ uddharaṇaṃ sekhasantānapavattānaṃ bhāvanāyapahātabbapariyāyabhāvaṃ sādheti, puthujjanasantāneyeva nadassanenapahātabbānaṃ akusalānaṃ bhāvanāyapahātabbapariyāyabhāvaṃ na sādheti, tasmā dassanabhāvanāhi pahātabbānaṃ atītādibhāvena navattabbatēpi yādisānaṃ tāhi anuppattidhammatā āpādetabbā, te puthujjanesu pavattamānā dassanena pahātuṃ sakkuṇeyyā dassanamaggāpekkhāya tadappavattiyampi dassanenapahātabbā nāma. Sekhesu pavattamānā bhāvanāya pahātuṃ sakkuṇeyyā tadappavattiyampi tadapekkhāya bhāvanāyapahātabbā nāma. Dassanena pahātuṃ asakkuṇeyyā pana puthujjanesu pavattamānā heṭṭhā vuttanayena nevadassanenapahātabbā nabhāvanāyapahātabbā, tesu bhāvanāyapahātabbā sahāyavirahato vipākaṃ na janenti. Tathā hi tesam dassanenapahātabbānaṃ nabhāvanāyapahātabbānaṃ sahaṅgārahitaṃ sahāyabhūtaṃ natthīti bhāvanāyapahātabbānaṃ nānakkaṅkamaṃ paccayabhāvo na vutto. Apekkhitabbadassanabhāvanārahitaṃ pana puthujjanesu uppajjamānaṃ sakabhaṇḍe chandarāgādīnaṃ, uddhaccasahagatacittuppādassa ca saṃyojanattayatadekaṭṭhakilesānaṃ anupacchinnatāya aparikkhīnaṃ sahāyānaṃ vipākuppādanaṃ na sakkā paṭikkhipituntī uddhaccasahagatacittuppādānaṃ vipāko vibhaṅge vuttoti.

Yadi evaṃ, apekkhitabbadassanabhāvanārahitaṃ akusalānaṃ “nevadassanenapahāvanāyapahātabbā”ti vattabbatā āpajjati? Nāpajjati, appahātabbasabhāvānaṃ kusalādīnaṃ “nevadassanenapahāvanāyapahātabbā”ti vuttattā, appahātabbaviruddhasabhāvattā ca akusalānaṃ. Yadi evaṃ te imasmiṃ tike navattabbāti vattabbā āpajjanti? Nāpajjanti, cittuppādakaṇḍe dassitānaṃ dvādasākusalacittuppādānaṃ dvīhi padehi saṅgahitattā. Yathā hi uppannattike dhammavasena sabbesaṃ saṅkhatadhammānaṃ saṅgahitattā kālavasena asaṅgahitāpi atītā “navattabbā”ti na vuttā cittuppādānurūpena saṅgahitesu navattabbassa abhāvā, evaṃ idhāpi cittuppādabhāvena saṅgahitesu navattabbassa abhāvā “navattabbā”ti na vuttā. Sabbena sabbañhi dhammavasena asaṅgahitassa tikadukesu navattabbatāpatti. Yattha hi cittuppādo koci niyogato navattabbo atthi, tattha tesam catuttho koṭṭhāso atthīti yathāvuttapadesu viya tatthāpi bhinditvā bhājetebbe cittuppāde bhinditvā bhājeti “siyā navattabbāparittārammaṇā”tiādīna, tadabhāvā uppannattike, idha ca tathā na vuttanti.

Atha vā yathā sappaṭighehi samānasabhāvattā rūpadhātuyam “tayo mahābhūtā sappaṭighā”ti vuttā, yathāha “asaññasattānaṃ anidassanasappaṭighaṃ ekaṃ mahābhūtā”nti, evaṃ puthujjanānaṃ pavattamānā bhāvanāyapahātabbasamānasabhāvā “bhāvanāyapahātabbā”ti vucceyyuntī natthi navattabbatāpasāngo. Evañca sati puthujjanānaṃ pavattamānāpi bhāvanāyapahātabbā sakabhaṇḍe chandarāgādāyo parabhaṇḍe chandarāgādīnaṃ upanissayapaccayo, rāgo ca rāgadiṭṭhīnaṃ adhipatipaccayoti ayamatto laddho hoti. Teneva hi –

“Bhāvanāyapahātabbo dhammo dassanenapahātabbassa dhammassa upanissayapaccayena paccayo, ārammaṇūpanissayo, pakatūpanissayo”ti (paṭṭhā. 2.8.84) –

Imissā niddese dassanenapahātabbānaṃ upanissayapaccayabhāvīdhamme niddisantena bhagavatā –

“Pakatūpanissayo – patthanam upanissāya pāṇam hanati...pe... saṅgham bhindati, bhāvanāyapahātabbo rāgo doso moho māno patthanā dassanenapahātabbassa rāgassa dosassa mohassa mānassa diṭṭhiyā patthanāya upanissayapaccayena paccayo. Sakabhaṇḍe chandarāgo parabhaṇḍe chandarāgassa upa...pe... sakapariggahe chandarāgo parapariggahe chandarāgassa upanissayapaccayena paccayo”ti (paṭṭhā. 2.8.84) –

Puthujjanasantāne patthanādayo niddiṭṭhā.

Evampi yathā aphoṭṭhabbattā rūpadhātuyam tayo mahābhūtā na paramatthato sappatiṅghā, evam apekkhitabbabhāvanārahitā puthujjanesu pavattamānā sakabhaṇḍe chandarāgādayo pana paramatthato bhāvanāya pahātabbātī bhāvanāyapahātabbānaṃ nānakkaṇṇakakammapaccayatā na vuttā, na ca “dassanenapahātabbā bhāvanāyapahātabbānaṃ kenaci paccayena paccayo”ti vuttā. Ye hi dassanenapahātabbapaccayā kilesā, na te dassanato uddham pavattanti. Dassanenapahātabbapaccayassāpi pana uddhaccasahagatassa sahāyavekallamattameva dassanena kataṃ, na tassa koci bhāvo dassanena anuppattidhammatam āpāditoti tassa ekantabhāvanāyapahātabbatā vuttā, tasmā uddhaccabhāvena ekasabhāvasseva tassa sati sahāye vipākuppādanavacanam, asati ca vipākānuppādanavacanam na virujjhati. Tayidaṃ sabbametesam ācariyānam ahopurisikāramattam. Kasmā? Uddhaccasahagatassa ekantabhāvanāyapahātabbabhāvena vuttattā. Evañhi vuttam bhagavatā “katame dhammā bhāvanāyapahātabbā. Uddhaccasahagato cittuppādo”ti (dha. sa. 1406). Yadi ca uddhaccasahagatam nabhāvanāyapahātabbam abhavissa, yathā **atītarammaṇattike** “niyogā anāgatārammaṇā natthī”ti (dha. sa. 1433) vatvā vibhajja vuttam, evamidhāpi “niyogā bhāvanāyapahātabbā natthī”ti vatvā “uddhaccasahagato siyā bhāvanāyapahātabbo siyā navattabbo ‘dassanenapahātabbo’tipi ‘bhāvanāyapahātabbo’tipi”tiādi vattabam siyā, na ca tathā vuttam. Yā ca “tamattam paṭipādentehi yadi vucceyyu”ntiādinā yutti vuttā, sāpi ayutti. Kasmā? Dassanenapahātabbārammaṇānam rāgadiṭṭhivicikicchāuddhaccānam tena tena pahātabbabhāvavasena icchitattā. Yañca “uddham uppajjati”ti uddhaccasahagatacittuppādo vuttoti dassetuṃ adhipatipaccayaniddese uddhaccassa anuddharaṇam kāraṇavasena vuttam, tampi akāraṇam aññatthāpi sāvasapāṭhānam dassanato. Tathā hi “atīto dhammo paccuppanassa dhammassa, anāgato dhammo paccuppanassa dhammassa ārammaṇapaccayena paccayo”ti etesam vibhaṅge cetopariyañāggaṇam katvā “paccuppano dhammo paccuppanassa dhammassā”ti imassa vibhaṅge labbhamānampi cetopariyañāṇam na gahitam. Yampi bhāvanāyapahātabbassa vipākādānamhi dassanenapahātabbassa sahāyabhāvūpagamanam vuttam, tampi vicāretabam – kiṃ avijjādi viya dānasilādīnam upapattiyamyeva vipākādānasāmatthiyā thānavasena dassanenapahātabbā bhāvanāyapahātabbānaṃ sahaṅkārikāraṇam hoti, udāhu kilesa viya kammaṃ paṭisandhidānamhīti? Kiñcettha – yadi tāva purimo nayo, sekhasantāne bhāvanāyapahātabbassa akiriyaṃbhāvo āpajjati, pahīnāvijjāmanātanāhānusayasmim santāne dānādi viya sahāyavekallena avipākabhāvataṃ āpannattā. Atha dutiyo, bhāvanāyapahātabbattena abhimatassāpi dassanenapahātabbabhāvo āpajjati, paṭisandhidāne sati apāyagamaniyasabhāvanativattanato, tasmā amhehi heṭṭhā vuttanayeneva uddhaccasahagatassa vipākādānam sampaṭicchitabam, na yesam kesañci vacanam. Paṭṭhānānusārīhi bhavitābanti.

537-8. Yanti yaṃ āvajjanadvayaṃ. **Karaṇamattattāti** karaṇamattameva ṭhapetvā phaladānābhāvato.

Vātapupphasamanti moghapupphasamaṃ, yathā taṃ paṭhamasañjātam acchinnamūlepi rukkhe nibbattaṃ purimehi adinnaphalattā phalanibbattakaṃ na hoti, evamidaṃ anupacchinnabhavamūlepi santāne nibbattaṃ anāsevanabhāvena phaladāyakaṃ na hotīti adhippāyo. **Javanattam tu sampattanti** atṭhārasavidham khīṇāsavaveṇikaṃ viññāṇamāha. **Kiccāsādhanaṇoti** bhavataṇhāmūlassa avocchinnabhāve sati kusalākusalakammakiccassa sādhanato, dānādītamāṅkiccāsādhanaṇavasena vā. Idaṃ vuttam hoti – yathā hi chinnamūlassa rukkhasa pupham pupphanamattam ṭhapetvā aphaḷameva hoti, evametampi tamāṅkiccāsādhanaṇamattam ṭhapetvā samucchinnabhavataṇhāmūle santāne pavattanato aphaḷamevāti.

539-40. Paṭiccati hetudhammassa paṭimukham gantvā taṃ apaccakkhāya. **Etīti** pavattati, tiṭṭhati uppajjati vāti vuttam hoti. “Etī”ti hi idaṃ uppattitṭhitinam sādharāṇavasena pavattiparidīpakaṃ. Tenevāha “**ṭhitiyuppattiyāpi vā**”ti. Ekacco hi paccayo ṭhitiyā eva upakāro hoti yathā pacchājātapaccayo, ekacco uppattiyā eva yathā anantarādiko, ekacco ubhayassa yathā hetuādayo. Evaṃ paccaya-saddassa vacanattam dassetvā idāni paccayalakkhaṇam dassento āha “**yo dhammo**”tiādi. **Yoti** hetudhammo. **Yassāti** yassa phaladhammassa. **ṭhitiyuppattiyāpi vāti** ṭhitittham, uppattittham vā. **ṭhitiyāti** vā ṭhitikkhaṇe, **uppattiyāti** uppādakkhaṇe. Yassa dhammassa upakāro, yassa dhammassa ṭhitiyuppattiyāti vā sambandho. “**Upakāro**”ti iminā dhammena dhammasattiupakāraṃ dasseti. “**Sambhavo**”tiādi paccayasseva pariyāyadassanaṃ. Sambhavati etasmāti **sambhavo**. Tathā **pabhavo**. Hinoti patiṭṭhāti etthāti **hetu**. Anekattattā dhātusaddānam **hi**-saddo mūla-saddo viya patiṭṭhattho veditabbo. Hinoti vā etena kammanidānabhūtena uddham ojaṃ abhiharantena mūlena viya pādapo tappaccayam phalaṃ gacchati, vuddhim viruḷhim āpajjati **hetu**. Attano phalaṃ karoti **kāraṇam**. **Paccayo matoti** paccayova “sambhavo”tiādito mato. Atthato ete samānā, byañjanamattamyeva nesam nānantanti vuttam hoti.

541-5. Evaṃ paṭṭhāne āgatasabbapaccayānaṃ sādhanānavasena atthaṃ vatvā idhādhippetassa hetupaccayasessa sarūpaṃ dassetuṃ **“lobhādi pana yo dhammo”**tiādi vuttaṃ. **Mūlaṭṭhenā**ti sampayuttānaṃ suppaṭiṭṭhitabhāvasādhanasāṅkhātāmūlaṭṭhena. **Chalevā**ti mūlaṭṭhenūpakārahābhāvassa tesameva āveṇikabhāvena ete chāleva. **Jātī**ti kusalākusalābyākatajātīti. **Navadhā**ti tayo kusalahetū, tayo akusalahetū, tayo abyākatahetūti navadhā. **Dhammānaṃ...pe... sādhakoti** yathā sālivīhibijādīni sālivīhiādibhāvassa sādhakāni, maṇiādiṭṭhitabhāvathūnaṃ nīlādīvaṇṇāni nīlādīmaṇiṭṭhitabhāvā sādhakāni, evaṃ hetupaccayo yathārahaṃ attano sampayuttānaṃ kusalādittasādhakoti kusalākusalābyākataḍḍhammānaṃ yathākkamaṃ kusalākusalābyākatabhāvasādhakoti mūlaṭṭhoti ayamettha attho. **Eke ācariyā**ti revatācariyaṃ, tassa sissānusisṣe ca sandhāyāha. Atha vā garumhi bahuvacanampi yujjati revatācariyameva sandhāyā **“eke ācariyā”**ti vuttaṃ.

Evaṃ santeti yadi mūlaṭṭho kusalādibhāvasādhakoti, evaṃ sati. Yathā cittaṃ cittajarūpānaṃ paccayo hoti, evaṃ taṃsāmpayuttadhammāpīti āha **“taṃsamūṭṭhānarūpisū”**ti, hetusamūṭṭhānarūpesūti attho. **Neva sampajjati** na sījjhati, “hetū hetusāmpayuttakānaṃ dhammānaṃ taṃsamūṭṭhānānaṃ rūpānaṃ hetupaccayena paccayo”ti vutto hetupaccayabhāvo na sampajjati vuttaṃ hoti. Yathā kusalākusalā hetū taṃsamūṭṭhānarūpassa kusalādibhāvāya na pariyaṭṭā, evaṃ abyākatopi hetu taṃsamūṭṭhānassa rūpassa abyākatabhāvāya na pariyaṭṭo. Sabhāvena hi taṃ abyākatanti āha **“na hi”**tiādi. Yadi kusalādibhāvaṃ na sādheti, paccayāpi na hontīti vadeyyati āha **“na tesa”**ntiādi. “Hetū hetusāmpayuttakānaṃ dhammānaṃ taṃsamūṭṭhānānaṃ rūpānaṃ hetupaccayena paccayo”ti (paṭṭhā. 1.1.1) vacanato te alobhādayo tesāṃ rūpānaṃ paccayā na na honti, bhavantevāti attho.

546-7. Na gantabboti na paccetabbo. Idaṃ vuttaṃ hoti – yadi kusalādihetuyo attano viya attahetukānaṃ dhammānaṃ kusalādibhāvaṃ sādheti, kusalākusalahetupaccayasambhūtā rūpadhammāpi te viya kusalādayo siyūṃ, hetuyo vā rūpānaṃ paccayā na siyūṃ, na ca panetaṃ ubhayampi atthi, tasmā kusalādīnaṃ kusalādibhāvasādhakoti mūlaṭṭhoti na viññātabbanti. Apica yadi hetupaṭiṭṭhitabhāvo, tadā abyākatabhāvopi tappaṭiṭṭhitabhāvo, ahētukānaṃ abyākatabhāvo na sījjhati. Yadi ca hetupaṭiṭṭhitabhāvo, hetūnampi kusalādibhāvo appaṭiṭṭhitabhāvo siyā. Atha tesampi sesahetupaṭiṭṭhitabhāvo, evampi momūhacittasāmpayuttassa hetuno akusalabhāvo na sījheyya. Atha tassa so aññahetuko siyā, evaṃ sati sesahetūnampi taṃhetukova siyā. Yathā ca sesahetūnaṃ, evaṃ avasesasāmpayuttadhammānampi taṃhetukova siyā. Atha siyā hetūnaṃ sabhāvatova kusalādibhāvo, sampayuttānaṃ pana hetupaṭiṭṭhitabhāvoti, evaṃ satī alobho kusalo vā siyā abyākato vā. Yadi hi so sabhāvato kusalo, taṃsābhāvattā abyākato na siyā. Atha abyākato, taṃsābhāvattā kusalo na siyā alohasābhāvassa adosattābhāvo viya. Yasmā pana ubhayathāpi hoti, tasmā yathā ubhayathā hontesu saddhādīsu sampayuttessu hetupaṭiṭṭhitabhāvaṃ kusalādibhāvaṃ pariyesatha, na sabhāvato, evaṃ hetūsupi kusalādītā aññapaṭiṭṭhitabhāvaṃ pariyesitabbā, na sabhāvato. Sā pana pariyesiyamānā yonisomanasikārādīpaṭiṭṭhitabhāvaṃ hotīti hetūsu viya hetusāmpayuttadhammesupi yonisomanasikārādīpaṭiṭṭhitabhāvo, na hetupaṭiṭṭhitabhāvoti. Tenevāha –

“Yoniso, bhikkhave, manasi karoto anuppannā ceva kusalā dhammā uppajjanti, uppannā ca kusalā dhammā abhivaḍḍhanti”tiādi (a. ni. 1.67).

Samayaññunāti ābhidhammikamatavedinā. **Suppaṭiṭṭhitabhāvassa sādhanenā**ti attahetukānaṃ dhammānaṃ sammā paṭiṭṭhitabhāvassa thirabhāvassa sādhanena. Laddhahetupaccayā hi dhammā viruḷhamulā viya pādapā thirā honti suppaṭiṭṭhitā, ahētukā tilabijādisevālā viya na suppaṭiṭṭhitāti.

548. Sabbasoti kāmāvacarādisabbabhāgena.

550-1. Paṭisandhikkhaṇe cittasāmpayuttānaṃ rūpānaṃ bhāvato attanā sampayuttānaṃ, kaṭattārūpānameva ca paccayabhāvoti āha **“attanā...pe... jātāna”**nti. Kammaṃ katattā eva ca upacittā ca na issarādīhetuno sambhūtāni rūpāni kaṭattārūpāni, kammaṃ samūṭṭhānarūpāni attho, kaṭattārūpāneva jātāni bhūtāni nibbattāni **kaṭattārūpajātāni**. **Tathevā**ti yathā paṭisandhiyaṃ kaṭattārūpānaṃ, evanti attho. **Cittajānañcā**ti ca-saddena “attanā sampayuttāna”nti ākaḍḍhati.

553. Lokuttaravipākānaṃ paṭisandhivasena appavattanato natthi kammaṃ samūṭṭhānassa paccayabhāvoti āha **“cittajāna”**ntiādi.

555. Hetupaccayasambhavoti hetupaccayasāmbhūtaḍḍhammo, hetupaccayato paccayuppannadhammānaṃ sambhavākāro vā. **Sañjātasukhahetunā**ti sañjātaññena, sampajāññenāti attho. Nāññāhi “sukhino cittaṃ samādhiyati, samāhito yathābhūtaṃ pajānāti”tiādivacanato sukhaṃ hetu etassāti,

“Diṭṭhe dhamme ca yo attho,
Yo cattho samparāyiko;

Atthābhisamayā dhīro,
Paṇḍitoti pavuccatī”ti. (saṃ. ni. 1.129) –

Ādivacanato sukhasa hetūti vā “sukhahetū”ti vuccati.

556. Lokassa adhipati **lokādhipati**, sakalalokanāyakenāti attho. Attādhiñānaṃ patinoti **adhipati**. **Chandaṃ tu jeṭṭhakaṃ katvā**ti “chandavato kiṃ nāma na sījhatī”tiādikaṃ purimābhisaṅkhārūpanissayaṃ labhivā uppajjamāne cittuppāde chando jeṭṭhakabhūto sampayuttadhamme vase vattamāno hutvā pavattati, sampayuttadhammā ca tassa vase pavattanti hīnādibhāvena tadanuvattanatoti āha “chandaṃ tu jeṭṭhakaṃ katvā”tiādi. **Katvā dhuranti** saha jātapubbaṅgama vasena pubbaṅgamaṃ katvā. **Chandādhipati nāma so** vā cittuppādo chandādhipati nāma “chando adhipati imassā”ti katvā. **Esevāti** “cittaṃ dhuraṃ katvā...pe... kālasmiṃ cittādhipati nāma”tiādinā yathāvutto va nayo. **Sesesūti** cittādīsu. Ettha ca “chandaṃ...pe... kālasmiṃ”ntiādinā kālassa niyamitattā cattārope ekakkhaṇe adhipatī na hontīti daṭṭhabbaṃ. Evañca katvā **paṭṭhāne** “chandādhipati chandasampayuttakānaṃ dhammānaṃ taṃsamuttāhānañca rūpānaṃ adhipatipaccayena paccayo”tiādinā (paṭṭhā. 1.1.3) catunnampi adhipatīnaṃ paccayabhāvo viṣuṃ viṣuṃyeva uddhaṭo. Yadi hi te ekakkhaṇeyeva adhipatipaccayā siyuṃ, tadā yathā **hetupaccayaniddese** “hetū hetusampayuttakāna”ntiādinā avisesena vuttaṃ mūlaṭṭhena upakārahābhāvassa vijjamānena dvinnāṃ, tiṇṇampi hetūnaṃ ekakkhaṇe paccayabhāvūpagamanato, evaṃ ekakkhaṇeyeva bahūnaṃ jeṭṭhakabhāve sati adhipatipaccayaniddese pi “adhipatī adhipatisampayuttakāna”ntiādinā vattabbaṃ siyā. Yasmā pana evaṃ avatvā “chandādhipati chandasampayuttakāna”ntiādinā cattāro va visesetvā vuttā, tasmā ekeka dhammoyeva ekakkhaṇe adhipatipaccayo hotīti daṭṭhabbaṃ. **Jeṭṭhaṭṭhenāti** pamukhabhāvena.

Sobhanā mati, sobhanaṃ vā matam etesaṃ atthīti sumatino, sammādiṭṭhikāti attho, tesam matim vibodheti pabodhetīti **sumatimativibodhanaṃ**. Kucchitā mati, kucchitam vā matam etesanti kumatino, micchādiṭṭhikā, tesam matibhūtā matibhāvena parikkappitattāti kumatimati, micchādiṭṭhi, sāyeva indhanasadisatāya indhanaṃ tassa pāvakaṃ aggi viyāti **kumati...pe... pāvakaṃ**. **Atimadhuranti** nipuṇagambhīrena attharasena ceva suvimalasakhilena byañjanarasena ca madhuraṃ. **Avedīti** ogāhetvā jānāti. **Yo yoti** theranavamajjhimesu yo koci. **Jinavacanaṃ sakalaṃ vedīti** tepiṭakassapi sakalajinavacanaṃ gahaṇasamatthāpaṭilābhena taṃ avagacchati.

Iti abhidhammatthavikāsinīyā nāma

Abhidhammāvatārasaṃvaṇṇanāya

Pakiṇṇakaniddesavaṇṇanā niṭṭhitā.

9. Navamo paricchedo

Puññavipākappaccayaniddesavaṇṇanā

560-1. Vaṭṭakathāya lokuttaravipākānaṃ alabbhanato “**lokiyānevā**”ti vuttaṃ. **Puññāpuññādisaṅkhārāti** puññābhisaṅkhāro apuññābhisaṅkhāro āneñjābhisaṅkhārōti tayo saṅkhārā. Tattha punāti attano santānaṃ apuññāphalato, dukkhasaṃkilesato ca sodheti, puṃjāṃ bhavaphalaṃ nibbatetīti vā puññam, attano phalassa abhisaṅkharaṇaṭṭhena abhisaṅkhāro cāti **puññābhisaṅkhāro**, puññapaṭipakkhato apuññam, vuttanayena abhisaṅkhāro cāti **apuññābhisaṅkhāro**. Samādhipaccanīkānaṃ atidūratāya na iñjati na kampaṭīti āneñjāṃ, taṃ abhisaṅkharōtīti **āneñjābhisaṅkhāro**. Tattha dānasīlādivasena pavattā aṭṭha kāmāvacarakusalacetanā, bhāvanāvaseneva pavattā rūpāvacarakusalacetanā cāti terasa cetanā puññābhisaṅkhāro nāma. Pāṇātipātādivasena pavattā dvādasa akusalacetanā apuññābhisaṅkhāro nāma. Bhāvanāvaseneva pavattā catasso arūpāvacarakusalacetanā āneñjābhisaṅkhāro nāma. Bhavādīsu yathā paccayā, tathā yesaṃca vipākānaṃ paccayā, tepi viññātabbātī sambandho. Keci pana “**tepi**ti saṅkhārānaṃ gahaṇa”nti vadanti, taṃ na yuttaṃ, evaṃ sati “yesa”nti aniyamaniddesassa niyamakavacanaṃ bhāvato.

562. Katame pana te bhavādayoti āha “**tayo bhavā**”tiādi. Tattha kāmarūpārūpavasena **tayo bhavā**. Saññībhavaasaññībhavanevasaññīnāsaññībhavavasena, pana ekavokārahavacatuvokārahavapañcavokārahavavasena ca tayo bhavā etheva samodhānaṃ gacchanti. **Catasso yoniyoti** aṇḍajalābujasamsedajaopapātikavasena cattāro sattanikāyā. Tattha bījakapāle nibbato sattanikāyo **aṇḍajayoni** nāma. Mātugabbhe jalābujas nibbattasattanikāyo **jalābujayoni** nāma. Padumagabbhamānusakagabbhamalādisamsedūpanissayena uppajjanakasattanikāyo **samsedajayoni** nāma. Kutoci anuppajjitvā kevalam tattha tattha paripuṇṇaṅgapaccāṅgo hutvā uppajjanakasattanikāyo **opapātikayoni** nāma. **Gatipaṅcakaṃ** heṭṭhā vibhāvitameva. Paṭisandhiviññāṇassa vatthubhūtā ca viññāṇakkhandhā cha viññāṇaṭṭhitiyo

nāma. Tā pana nānattakāyādivasena sattavidhāti āha “**viññāṇaṭṭhitiyo satta**”ti. Vuttañhetam –

“Sattimā, bhikkhave, viññāṇaṭṭhitiyo. Katamā satta? Santi, bhikkhave, satta nānattakāyā nānattasaññino. Seyyathāpi manussā ekacce ca devā ekacce ca vinipātikā, ayaṃ paṭhamā viññāṇaṭṭhiti. Santi, bhikkhave, satta nānattakāyā ekattasaññino. Seyyathāpi devā brahmakāyikā paṭhamābhiniḃbattā, ayaṃ dutiyā viññāṇaṭṭhiti. Santi, bhikkhave, satta ekattakāyā nānattasaññino. Seyyathāpi devā ābhassarā, ayaṃ tatiyā viññāṇaṭṭhiti. Santi, bhikkhave, satta ekattakāyā ekattasaññino. Seyyathāpi devā subhakiṇhā, ayaṃ catutthī viññāṇaṭṭhiti. Santi, bhikkhave, satta sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā ‘ananto ākaso’ti ākāsānañcāyatanūpagā, ayaṃ pañcamī viññāṇaṭṭhiti. Santi, bhikkhave, satta sabbaso ākāsānañcāyatanāṃ samatikkamma ‘anantaṃ viññāṇa’nti viññāṇañcāyatanūpagā, ayaṃ chaṭṭhī viññāṇaṭṭhiti. Santi, bhikkhave, satta sabbaso viññāṇañcāyatanāṃ samatikkamma ‘natthi kiñcī’ti ākiñcaññāyatanūpagā, ayaṃ sattamī viññāṇaṭṭhiti’”ti (dī. ni. 3.332; a. ni. 7.44).

Ettha hi aparimāṇacakkavālavāsino manussā kāmāvacaradevā punabbasumātupiyānkaramātādayo vinipātikāsūrā ca kuslavipākapaṭisandhikā vemānikapetā ceti ime dīgharassakisathūlakāḷaodātādivaṇṇasaṅghānavasena rūpakāyassa, ahetuduhetutihetuvāsena paṭisandhisaññāya ca nānābhāvato **nānattakāyanānattasaññino** nāma, ayaṃ paṭhamā viññāṇaṭṭhiti. Paṭhamajjhānatalavāsino pana tayo devā uparūparivāsīnaṃ vaṇṇādikamapekhitvā attano vaṇṇādīnaṃ nihīnatāya rūpakāyassa nānābhāvato, paṭhamajjhānavipākaviññāṇavasena samānasaññitāya ca **nānattakāyaekattasaññino** nāma, ayaṃ dutiyā viññāṇaṭṭhiti, caturāpāyavāsīnopi vaṇṇasaṅghānavasena rūpakāyassa nānāsabhāvattā, akusalavipākasaññāvasena saññāya ekasabhāvattā ca dutiyaviññāṇaṭṭhitiyaṃveva samodhānaṃ gacchantīti veditabbaṃ. Dutiyajjhānatalavāsino tayo devā vaṇṇasaṅghānādivasena samānattā rūpakāyassa visesābhāvato pañcakanāye dutiyatatiyājjhānasaññāvasena paṭisandhisaññāya nānābhāvato **ekattakāyanānattasaññino** nāma, ayaṃ tatiyā viññāṇaṭṭhiti. Tatiyājjhānatalavāsino pana tayo devā rūpakāyavasena samānattā, pañcakanāye catutthajjhānavipākasaññāvasena paṭisandhisaññāya ca ekattā **ekattakāyaekattasaññino** nāma, ayaṃ catutthī viññāṇaṭṭhiti. Vehapphalavāsino ceva pañca suddhāvāsavāsino ca vaṇṇasaṅghānavasena rūpakāyassa, pañcamajjhānavipākasaññāvasena paṭisandhisaññāya ca samānattā catutthaviññāṇaṭṭhitimeva bhajanti. Ākāsānañcāyatanādayo tisso viññāṇaṭṭhitiyo pāḷivaseneva pākaṭā. Asaññasattā pana viññāṇābhāvena nevasaññānāsaññāyatanavāsino ca saññāya viya viññāṇassa sukhumabhāveneva viññāṇaṭṭhitisu na gahitā, sattānaṃ nivāsatāya pana “**sattāvāsā**”ti vuccanti. Evañca katvā tehi satta viññāṇaṭṭhitiyo samodhānetvā nava sattāvāsā vuttā.

563-4. Idāni evaṃ vuttesu bhavādīsu dvattiṃsavipākānaṃ tiṇṇaṃ abhisankhārānaṃ paccayabhāvaṃ dassetuṃ “**kāme puññābhisañkhārāsāññitā**”tiādi āradhamaṃ. **Navannaṃ pākacittānanti** sahetukāhetukavasena navannaṃ sugatipaṭisandhivipākacittānaṃ. **Nānakkhaṇika...pe... paccayehi cāti** kusalākusalakammaṃ atītasseeva attanā janetabbavipākānaṃ paccayabhāvato nānakkhaṇikakammaṃpaccayena, tesameva balavakāraṇabhāvato upanissayapaccayena ca. Vuttañhi tassa upanissayattaṃ “kusalākusalaṃ kammaṃ vipākassa upanissayapaccayena paccayo”ti (paṭṭhā. 1.1.423). Sabbattha upanissayabhāvo balavakammavasena yojetabbo. Dubbalañhi kammaṃ upanissayo na hotīti **paṭṭhānavāṇanāyaṃ** dassitametaṃ.

566-8. **Pañcannanti** kuslavipākacakkhusotaviññāṇasampatiṇṇānantīraṇadvayavasena pañcannaṃ. Duggatīyaṃ kuslavipākapaṭisandhiyā abhāvato āha “**na honti paṭisandhiya**”nti. Evaṃ paṭisandhipavattīnaṃ asaṅkaravasena paccayavidhiṃ dassetvā idāni samodhānetvā dassetuṃ “**hontī**”tiādi vuttaṃ. Soḷasannaṃ pavatte, paṭisandhiyaṃ navannanti yathālābhavasena yojetabbaṃ.

569-74. **Rūpe puññābhisañkhārāti** abhiññāvajjitā pañca rūpāvacarapuññābhisañkhārā. Kasmā pana abhiññāya parivajjananti? Vipākādānābhāvato, tañca kho panassā vipākassa asambhavato, na pana vipākuppādanasabhāvābhāvato. Yadi hi abhiññācetanā vipākāṃ uppādeyya, aññābhūmikakammaṃsa aññābhūmikavipākuppādanāyogato sabhūmikameva uppādeyya. Taṃ pana kiṃ navattabbārammaṇaṃ vā uppādeyya parittādiārammaṇaṃ vā? Kiñcetta – yadi tāva navattabbārammaṇaṃ uppādeti, taṃ na yuttaṃ rūpāvacaravipākānaṃ ekantena kammaṃsamānārammaṇatāya dassitattā, abhiññācetanāya ca sayāṃ parittādiārammaṇattā. Atha parittādiārammaṇaṃ uppādeti, tampi na yujjati rūpāvacaravipākānaṃ ekanteneva navattabbārammaṇabhāvato. Tathā hi vuttaṃ cittuppādakaṇḍe –

“Rūpāvacaratikacatukkajjhānā kusalato ca vipākato ca kiriyato ca catutthassa jhānassa vipāko ākāsānañcāyatanāṃ ākiñcaññāyatanāṃ. Ime dhammā navattabbā ‘parittārammaṇā’tipi ‘mahaggatārammaṇā’tipi ‘appamāṇārammaṇā’tipi’”ti (dha. sa. 1422).

Apica samādhivijjāsambhārahūtā abhiññā samādhissa ānisaṃsamattaṃ samādhiphalasādisā. Tassa tassa hi adhiṭṭhānavikubbanadibbasaddasavanādikassa yathicchitassa kiccassa nipphādanamattaphalā abhiññācetanā. Tenāha

“so evaṃ samāhite citte”tiādi (pārā. 12-13) tasmā samādhissa phalasadisā abhiññācetanā na ca phalaṃ deti, dānasīlānisamsabhūto tasmīṃ bhavē paccayalābho viya natthi tassa vipākuppādananti. Keci pana “samānabhūmikato āsevanalābhena balavantāni jhānāni vipākaṃ uppādentī samāpattibhāvato, abhiññā pana satipi jhānabhāve tadabhāvato tasmīṃ tasmīṃ ārammaṇe āgantukāyevāti dubbalā, tasmā vipākaṃ na detī”ti vadanti. Evañca katvā vuttaṃ anuruddhācariyena –

“Samānāsevane laddhe, vijjāmāne mahabbale;
Aladdhā tādisaṃ hetuṃ, abhiññā na vipaccatī”ti. (nāma. pari. 474);

Tayidamakāraṇaṃ, parittajhānassa avisesena brahmapārisajjādīsu vipākādānavacanato. Na hi parittaṃ laddhāsevanameva tatha vipākaṃ detīti aṭṭhakathāyaṃ vuttaṃ, tasmā samānāsevane laddheya jhānassa vipākādānaṃ na sakkā vuttuṃ. Apica punappunaṃ parikkammavasena abhiññāyapi vasibhāvasabbhāvā tassāpi ca balavabhāvo atthevāti vipākaṃ uppādeyya.

Pañcannaṃ pākacittānanti pañcannaṃ rūpāvacaravipākacittānaṃ. **Māpuññasankhārāti** apuññābhisaṅkhārā. “Ime apuññasankhārā”ti vā padacchedo. **Ekassāti** ekassa akusalavipākasantīraṇassa. **Channanti** santīraṇavajjānaṃ channaṃ akusalavipākānaṃ. **Pavatte paccayā honti** aniṭṭharūpādiāpāthāgateti adhippāyo. Sugatiyaṃ akusalavipākapaṭisandhiyā abhāvato āha “**na honti paṭisandhiya**”nti. **Catunnanti** akusalavipākacakkhusotaviññānasamapaṭicchanasantīraṇavasena catunnaṃ. Tāni pana ekantato aniṭṭhārammaṇāni. Rūpabhāve ca kathaṃ aniṭṭhārammaṇasamāyogoti āha “**so ca**”tiādi. **Soti** so paccayabhāvo. “**Kāmabhāve**”ti idaṃ aniṭṭharūpādīnaṃ viśesanaṃ, na pana “upaladdhiya”nti imassa. Tenāha “**aniṭṭha...pe... na vijjare**”ti. Keci pana “upaladdhiyanti imasseva viśesanabhāvena gahetvā brahmūnaṃ kāmabhāvaṃ āgatakkhaṇe rūpādiupaladdhiya”nti vadanti. **Aniṭṭha...pe... na vijjare** ekantasukhavatthubhūte tatha vokiṇṇasukhadukkhakāraṇassa abhāvato.

576. “Evaṃ tāvā”tiādi yathāvuttassevatthassa appanaṃ. **Yathā cāti ca-saddena** “yesañcā”ti saṅgaṇhāti. **Tathāti** etthāpi “te”ti saṅgaṇhitabbaṃ.

577-81. Yattha vitthārappakāsaṇaṃ kataṃ, tato bhavato paṭṭhāya mukhamattappakāsaṇaṃ kātukāmo āha “**tatrida**”ntiādi. **Tatratī** tesu bhavādīsu. **Idanti** nidassitabbabhāvena āsannaṃpaccakkhamāha. **Ādīto pana paṭṭhāyāti** bhavato paṭṭhāya. **Avisesenāti** kāmāvacararūpāvacaravasena viśesābhāvena terasa puññābhisaṅkhārā. **Dvibhavesūti** kāmarūpabhavesu. Kesañci manussānaṃ, bhummadevānañca aṇḍajajalābujānampi sambhavato tadapekkhāya “**catūsu...pe... yonisū**”ti vuttaṃ. **Nānatta...pe... ṭhitīsupīti** aluttasamāsavasena vuttaṃ, nānattakāyanānattasaññādīsu catūsu viññāṇaṭṭhitīsūti attho. **Vuttappakārasminti** nānattakāyādike, puññābhisaṅkhārassa bhavādīsu ekavīsativipākānaṃ ekāvattthāya paccayo ahutvā duggatipariyāpannesu bhavayonigativīññāṇaṭṭhitīsattāvāsesu paṭisandhiṃ adatvā pavatteyeva aṭṭhannaṃ vipākānaṃ paccayabhāvato, kāmāvacarasugatipariyāpannesu paṭisandhiṃ datvā pavatte soḷasannaṃ vipākānaṃ paccayabhāvato, rūpāvacarabhūmipariyāpannesu paṭisandhiṃ datvā pavatte dasannaṃ vipākānaṃ paccayabhāvato vuttaṃ “**yathāraha**”nti.

582-3. Kāme bhavē, rūpe bhaveti sambandho. **Tīsu gatīsūti** devamanussavajjesu tīsu gatīsu. **Ekissāti** nānattakāyaekattasaññāsankhātāya ekissā viññāṇaṭṭhitīyā. **Ekasminti** nānattakāyaekattasaññāsankhātēyeva ekasmiṃ sattāvāse.

584-6. **Ekārūpabhaveti** ekasmiṃ arūpabhāve. **Ekissā yoniyāti** ekissāyeva opapātikayoniyā. **Tīsu cittaṭṭhitīsūti** ākāsānañcāyatanādīsu tīsu viññāṇaṭṭhitīsu. **Sattāvāse catubbidheti** ākāsānañcāyatanādikeyeva catubbidhe sattāvāse. **Vijānitabbā...pe... paccayāti** sankhārā yathā paccayā yesañca paccayā, tathā tepi viññātābbāti attho.

587-90. Nanu ca sankhārānaṃ paṭisandhipavattīsūpi vipākānaṃ paccayabhāvo vutto. Tatha paṭisandhiyeva tāva na sakkā viññātuṃ. Yadi hi purimabhāvato paṭisandhivīññāṇaṃ idhāgacchatīti vucceyya, taṃ na yuttaṃ, rūpārūpadhammānaṃ kesaggamattampi desantarasānkamanābhāvato. Atha atītabhavanibbattasankhārato na nibbattati, tampi na yujjati ahetakadosāpattitoti iminā adhippāyena codento āha “**na rūpārūpadhammāna**”ntiādi. Ācariyo tassādhippāyaṃ samapaṭicchitvā taṃ saññāpetukāmo āha “**natthi cittassā**”tiādi. **Tato hetuṃ vināti** tatha hetuṃ vinā, atītabhavanibbattakammasānkhāranikantiārammaṇaṃ vināti attho. **Suladdhapaccayanti** avijjādisahakārīkāraṇasahitassa sankhārassa vasena suṭṭhu avekallato paṭiladdhapaccayaṃ. **Rūpārūpamattanti** bāhirakaparikkappitassa adhiṭṭhanakassa sattajivādino abhāvato rūpārūpadhammattaṃ. Tenāha “**na ca satto**”tiādi. **Bhavantara...pe... pavuccatīti** vohāramattena bhavantarāmupeṭīti pavuccatī. Atthato pana paccayasāmaggiyā bhavantarabhāvena uppajjanamattanti adhippāyo.

591. Idāni taṃ paṭisandhikkamaṃ pākāṭāya manussapaṭisandhiyā vasena pakāsetuṃ samārabhanto āha “**tayida**”ntiādi. **Sudubbudhanti** atidubbijāniyaṃ. Tenāhu porāṇā –

“Saccaṃ satto paṭisandhi, paccayākārameva ca;
Duddasā caturo dhammā, desetuṇca sudukkarā”ti.

592-3. **Āsannamaraṇassāti** parūpakkamena vā āyukkhayādivasena vā samāsannamaraṇassa. **Sussamāneti** anukkamena upasussamāne. Gabbhaseyyakassa āyatanānaṃ anupubbupatti viya nirodhopi anupubbato hotīti vuttaṃ “**naṭṭhe cakkhundriyādike**”ti. Keci pana “nānākammasamuṭṭhitesu cakkhundriyādīsu naṭṭhesū”ti vadanti. “**Hadaya...pe... ke**”ti iminā sesakāye kāyindriyassa niruddhabhāvo vuttoti ekakammasamuṭṭhitampi nassatevāti apare. **Ānandācariyo** pana “**yamake**” yassa cakkhāyatanāṃ nirujjhati, tassa manāyatanāṃ nirujjhatīti. Āmantā. Yassa vā pana manāyatanāṃ nirujjhati, tassa cakkhāyatanāṃ nirujjhatīti. Sacittakānaṃ acakkhukānaṃ cavantānaṃ tesam manāyatanāṃ nirujjhati, no ca tesam cakkhāyatanāṃ nirujjhati. Sacakkhukānaṃ cavantānaṃ tesam manāyatanāṃ nirujjhati, cakkhāyatanāṃ nirujjhatīti tiādīnā (yama. 1.āyatanayamaka.120) cakkhāyatanādīnaṃ cuticcittena saha nirodho vuttoti cakkhundriyādīni cutito pubbe na nassanti. Atimandabhāvūpagamaṃ pana sandhāya aṭṭhakathāya ‘niruddhesu indriyesū’ti vuttaṃ, na anavasesanirodhaṃ sandhāya. Pañcadvārikajavanānantarampi cuti aṭṭhakathāyaṃ dassitā”ti vadati. **Hadayavatthumattasminti** hadayavatthupadesamatte. Na hi hadayavatthuṃ nissāya kāyindriyaṃ pavattati.

594-7. **Vatthusannissitanti** sesindriyānaṃ niruddhattā viññāṇassa nissayabhāvūpagamaṃ samatthiyāyogena mandabhāvato vā hadayavatthumattasannissitaṃ. **Cittanti** tadā kammakammanimittādīni ārabha pavattajavanaviññāṇaṃ. Taṃ pana sugatiyaṃ nibbattamānassa kusalaṃ hoti, duggatiyaṃ nibbattamānassa akusalaṃ. Tenāha bhagavā –

“Nimittassādagadhitam vā, bhikkhave, viññāṇaṃ tiṭṭhamānaṃ tiṭṭhati anubyañjanassādagadhitam vā, tasmim ce samaye kālaṃ karoti, ṭhānametaṃ vijjati, yaṃ dvinnaṃ gatīnaṃ aññataram gatiṃ upapajjeyya niraṃyaṃ vā tiracchānayaṇiṃ vā”tiādi (saṃ. ni. 4.235).

Yadi evaṃ –

“Gatisampattiyaṃ nāṇasampayutte katamesaṃ aṭṭhannaṃ hetūnaṃ paccayā upapatti hoti, kusalassa kammaṃ javanakkhaṇe tayo hetū kusalā tasmim khaṇe jātacetanāya saha jātapaccayā honti, tena vuccati kusalamūlapaccayāpi saṅkhārā. Nikantikkhāṇe dve hetū akusalā tasmim khaṇe jātacetanāya saha jātapaccayā honti, tena vuccati akusalamūlapaccayāpi saṅkhārā. Paṭisandhikkhaṇe tayo hetū abyākatā tasmim khaṇe jātacetanāya saha jātapaccayā honti, tena vuccati nāmarūpapaccayāpi viññāṇaṃ, viññāṇapaccayāpi nāmarūpa”nti (paṭi. ma. 1.232) –

Nikantikkhāṇe hetudvayapaccayāpi sugatipaṭisandhikassa kathaṃ dassitāti? Nayidaṃ maraṇāsannajavanasampayuttahetuyo sandhāya vuttaṃ, atha kho katakammaṃ taṃ kammaṃ ārabha assādasena pavattajavanasampayuttahetuyo sandhāya. Katūpacitampi hi kammaṃ taṃ kammaṃ assāditaṃ vipākābhiniṃpḥādane samatthanti. Keci pana “kammakaraṇakāle appahīnāvathāya santāne anusayitahetuyo sandhāya nikantikkhāṇe dve hetuyoti vutta”nti vadanti, taṃ na yujjati, tesam saha jātapaccayattāyogato. Pubbānusevitaṃ puññaṃ vā apuññaṃ vā kammaṃ, kammanimittaṃ vā ālambitvā cittaṃ pavattatīti sambandho. **Pubbānusevanti** pubbe āsevitaṃ. “Katattā upacittā”ti hi vuttaṃ. Taṃ kammaṃ anusevitabhāvaṃ sandhāya vā “**pubbānusevita**”nti vuttaṃ. “Anupubbāsevita”ntipi pāṭhaṃ vadanti, paṭisandhivasena pubbe āsevitaṃ, pubbe dinnapaṭisandhikanti attho. Dinnapaṭisandhikampi pana aparajātīsu pavattivipākaṃ na nibbattetīti natthi. Puññāpuññaggahaṇena yathākammaṃ sugatiduggatipaṭisandhīnaṃ ārammaṇaṃ dasseti. **Kammaṃ kammanimittaṃ vāti vā**-saddena gatinimittaṃ saṅgaṇhāti. Tattha kammaṃ, gatinimittaṃ manodvāreyeva āpāthamāgacchatī, kammanimittaṃ pana pañcadvārepi. Evañca katvā pañcadvāraggahitepi ārammaṇe paṭisandhi hoti. Apare pana gatinimittampi chadvāresu labbhatīti vaṇṇenti. Evañca katvā vuttaṃ **saccasaṅkhepe** –

“Pañcadvāre siyā sandhi, vinā kammaṃ dvigocare”ti. (Sa. sa. 173).

Aṭṭhakathāyaṃ pana “gatinimittaṃ manodvāre āpāthamāgacchatī”ti vuttatā, tadārammaṇāya ca pañcadvārikapaṭisandhiyā adassitattā, **mūlaṭṭikā**disu ca “kammabalaṇa upaṭṭhāpitaṃ vaṇṇāyatanāṃ supinaṃ passantassa viya, dibbacakkhukassa viya ca manodvāre eva gocarabhāvaṃ gacchatī”ti niyamtvā vuttatā tesam vacanaṃ na sampācchanti ācariyā. Kammanimittaṃ panettha paccuppannaṃ pañcadvāre āpāthamāgacchantam cutikālāsanne katakammaṃ ārammaṇasantāne uppannaṃ taṃsaṃsanti datṭhabbaṃ, itarathā tadeva paṭisandhiyā

ārammaṇupaṭṭhāpakam tadeva paṭisandhijanakaṃ bhavyeṃ, na ca paṭisandhiyā upacārabhūtāni viya, “etasmim tayā pavattitabba”nti paṭisandhiyā ārammaṇam anuppadentāni viya ca pavattāni cutiāsannajavanāni paṭisandhijanakāni bhavyeyyūṃ. “Katattā upacitattā”ti hi vuttaṃ. Tadā ca paṭisandhiyā ekavīthiyam viya pavattamānāni katham katūpacitāni siyūṃ, assādanabhūtāya taṇhāya aparāmaṭṭhāni katham paṭisandhinibbattakāni, na ca lokiyāni lokuttarāni viya samānavīthiphalāni hontīti. **Taṃ viññāṇanti** taṃ javanaviññāṇam. Ekattanayena paṭisandhiviññāṇaṃ sandhāya vuttaṃ. Cutipaṭisandhitadāsannaviññāṇānihi santativasena viññāṇanti upanītekattaṃ idha taṃ viññāṇanti adhippetam.

Avijjāya paṭicchannādīnaveti anusayavasena pavattāya bhavataṇhāya, cittasampayuttāya vā avijjāya chādīdadukkhādīnave. Tathābhūte pana kammādivisaye paṭisandhiviññāṇassa ārammaṇabhāvena uppattiṭṭhānabhūte. Taṇhāya appahīnattā eva purimuppannāya ca santatiyā tathāpariṇatattā paṭisandhiṭṭhānābhimukham viññāṇam ninnapoṇapabbhāram hutvā pavattatīti āha “**taṇhā nameti**”ti. **Sahajā pana saṅkhārāti** cutiāsannajavanaviññāṇasahajātacetanā, sabbepe vā phassādayo. **Khipantīti** khipantā viya tasmim visaye paṭisandhivasena viññāṇapaṭiṭṭhānassa hetubhāvena pavattanti. **Tanti** taṃ viññāṇam. “**Santativasā**”ti vadanto tadeva viññāṇam sandhāvati saṃsarati, na aññanti imaṃ micchāvādam paṭikkhipati. Sati hi nānattanaye santativasena ekattanayo hotīti.

599. Ārammaṇādīhi...pe... pavattatīti ārammaṇanissayapaccayādīhi pavattati. Kathaṃ? Āsannamaraṇassa hi kammabalena manodvāre upaṭṭhāpitaṃ avijjāya paṭicchannādīnavam kammādivisayam ārabha manodvārāvajjanam uppajjati, tato maraṇāsannavīthiyā vatthudubbalabhāvena mandappavattiyā cattāri, pañca vā javanāni pavattanti, tadanantaram tadārammaṇe sati, asati vā bhavaṅgavisayamāmbitvā cuticittam uppajjati. Bhavaṅgānantarampi cuti hotīti vadanti. Cuticitte pana niruddhe tadeva āpāthagataṃ kammakammanimittādiṃ ārabha anupacchinnakilesabalavanimittam saḥajātasāṅkhārehi kammādiārammaṇe khipiyamānam orimaṭṭirarukkhavinibandham rajjuṃ āmbitvā mātikkātikāmakko viya purimaṃ nissayam jahati, aparāṇca kammasamutṭhitam nissayam assādayamānam vā anassādayamānam vā ārammaṇādīhi paccayehi pavattati. Ettha ca orimaṭṭiram viya purimabhavo daṭṭhabbo, tattha ṭhitarukkho viya purimabhavo pavattamānakkhandhā, rajju viya kammādiārammaṇam. Keci pana “rajju viya hadayavattū”ti vadanti, “rajju viya taṇhā”tipi apare. Puriso viya viññāṇam, tassa rajjuggahaṇam viya taṇhāya ārammaṇābhimukhanamanam, payogo viya khipanakasaṅkhārā, mātikkā viya cuticittam, paratiram viya paraloko.

600. Yathā puriso paratīre paṭiṭṭhahamāno paratīrarukkhavinibandham kiñci assādayamāno vā anassādayamāno vā kevalam pathaviyam sakabalappayogeheva paṭiṭṭhāti, evamidampi bhavantarattabhāvavinibandhadayavattusāṅkhātam nissayam pañcavokārabhave assādayamānam vā catuvokārabhave anassādayamānam vā kevalam ārammaṇanissayasampayuttadhammeheva pavattatīti **taṃ** viññāṇam **nāpi idhāgataṃ** imasmimyeva bhavo nibbattattā. **Kammādinti** atītabhavanibbattakammādiṃ. **Ādi-saddena** khipanakasaṅkhārānam, namanavasena pavattataṇhāya, kammādivisayā ādīnavapaṭicchādīkāya ca avijjāya, daḷhaggāhādīkarānam upādānādīnaṃ gahaṇam daṭṭhabbam. Tattha kammam nāma upapajjedanīyabhūtam, aparāpariyavedanīyabhūtam vā paṭisandhinibbattakammam. Khipanakasaṅkhārā nāma cutiāsannajavanasahajātasāṅkhārā, paṭisandhijanakakammasahagatasāṅkhārā vā, tato purimajavanasahagatasāṅkhārāti vā keci. Namanavasena pavattataṇhā nāma anusayāvattāya pavattataṇhā. Esa nayo ādīnavapaṭicchādīkāavijjāyapi. Kammādivisayā pubbe vuttāyeva. Daḷhaggāhakarapādānā nāma maṇḍukaṃ pannago viya upapattibhavassa daḷhaggahaṇavasena pavattā kāmupādānādayo.

601-5. Saddapaṭighosādīnam satipi paccayapaccayuppannabhāve santānabandho na pākāṭoti tesam ekattanānattabhāvam anāmasitvā anāgatamaṭṭahetusamuppādameva dassento “**ettha cā**”tiādīmāha. **Etthāti** imasmim cutipaṭisandhādīkāre. **Paṭighosādīpamuddādīti ādi-saddena** ādāsatalagatamukhanimittādīnam gahaṇam. **Aññattha agantvāti** saddādīpaccayadesam anupagantvā. Idaṃ vuttaṃ hoti – yathā saddādīnam uppattipadesam anupagantvā paṭighoso saddahetuko, padīpo padīpantarādīhetuko, muddā lañchanahetuko, mukhanimittādīkam ādāsādībhimukhādīhetukam hoti tato pubbe abhāvā, evamidampi paṭisandhiviññāṇam na hetudesam gantvā taṃhetukam hoti tato pubbe abhāvā, tasmā na idaṃ hetudesato purimabhavato idhāgataṃ paṭighosādayo viya saddādīdesato, nāpi tato hetum vinā uppannam saddādīhi vinā paṭighosādayo viyāti. Atha vā **aññatra agantvāti** pubbe paccayapadeso sannihitā hutvā tato aññatra gantvā tappaccayā na honti uppattito pubbe abhāvā, nāpi saddādīpaccayā na honti, evam idampīti vuttanayena yojetabbam. **Santānabandhato natthīti** santānappabandhato natthi ekatā santānekattepi aññasseva viññāṇassa pātubhavanato, nāpi nānatā apubbānam apubbānam uppādepi paṭhamuppannam dhammam vinā pacchimassa anuppajjanato, padīpassa viya nānatā na siyā. Khaṇīkāpi hi padīpajālā santānekattaṃ upādāya sā evāti vuccati, attakiccaṃ sādheti. “**Sati santānabandhe**”tiādīnā santānabandhe ekantaṃ ekattāya ca nānatāya ca aggahetabbam, gahaṇe ca dosaṃ dasseti. Idaṃ vuttaṃ hoti – santānabandhe sati yadi ekantena ekatā siyā, khīradadhīnampi anaññabhāvato, attatoyeva ca sayam anuppajjanato khīrato dadhisambhūtam na bhavyeṃ.

Athāpi santānabandhe sati ekantaṃ nānatā bhavēyya, khīradadhīnampi nānatā, aññassa ca sāmibhāvamattena aparassa sāmibhāvāyogato khīrasāmi naro dadhisāmi na bhavēyya, na ca panevaṃ loke dissatīti.

606. Tasmāti yasmā evaṃ lokavohāraparicchedo hoti, tasmā ekantaṃ ekatā, nānatāpi vā na ceva upagantabbā. Ekatte pana adhippete dhammato aggahetvā santānatova gahetabbaṃ, nānatte adhippete santānavasena aggahetvā dhammatova gahetabbanti adhippāyo. Tenāhu porāṇā –

“Diṭṭhasantānabandhasmiṃ, ekaññattavicāraṇe;
Sabhāguppattiyekatta-maññattaṃ khaṇabhedato”ti.

Ettha ca ekantaṃ ekatāpaṭisedhena “sayamkataṃ sukhadukkha”nti imaṃ diṭṭhiṃ nivāreti, ekantaṃ nānatāpaṭisedhena “paramkataṃ sukhadukkha”nti.

607-9. Nanu na sundaraṃ, nanu siyāti vā sambandho. **Asāṅkantipātubhāveti** saṅkantipātubhāvarahite, asāṅkantivasena vā pātubhāve, asāṅkamitvāva pātubhāveti attho. **Khandhābhisambhavāti** abhisambhūtakkhandhā, atha vā abhisambhavati kammaṃ etesūti **abhisambhavā**, khandhā, evaṃ abhisambhavā kammādhīṭṭhānabhūtā khandhāti attho. **Idha niruddhattāti** phalādhīṭṭhānabhūtāṃ paralokaṃ agantvā idheva niruddhattā. **Paratthāgamatoti** paralokaṃ agamanato. **Tassāti** kammaṃ. **Aññassāti** yena taṃ kammaṃ kataṃ, tato aññassa. **Aññatoti** yaṃ taṃ kammaṃ nibbattaṃ, tato aññato. **Etam vidhānanti** idhalokato paralokaṃ gantvā natthi, tattha “aññeva khandhā nibbattanti”ti idaṃ sabbaṃ yathāvuttavidhānaṃ.

611-4. “Santāne...pe... sādako”ti saṅkhepato vuttamatthaṃ pakāsetuṃ “**ekasmim panā**”tiādi vuttaṃ. **Ekasmim santāneti** yasmim dhammapuñje kammaṃ nibbattaṃ, tasseva santāneti attho. Aññassātipi vā...pe... hoti. Tattha ekantaṃ ekattanānattānaṃ paṭisiddhattāti adhippāyo. **Etassatthassāti** hetuphalānaṃ atthato aññattepi teneva hetuphalabhāvena sambandhattā taṃ phalaṃ aññassa, aññatoti vā na vattabbanti etassa atthassa. **Bījananti** ambamātuluṅgabījānaṃ. **Abhisāṅkhāroti** madhuādīparibhāvanaṃ. **Madhuādināti** madhucatumadhuraalattakarasādinā. **Tassāti** tassa paribhāvītabījassa. **Paṭhamaṃ laddhapaccayoti** madhurabhāvūpagamanato paṭhamameva laddhapaccayo. **Kālantareti** phalakāle. **Evaṃ ñeyyamidampi cāti** yathā etaṃ, evaṃ idampi ñātābbaṃ. Idaṃ vuttaṃ hoti – yathā hi ambabījādīsū madhunā, catumadhurena vā yojetvā ropitesu phalaraso madhuro hoti, mātuluṅgabīje ca alattakarasena rajitvā ropite ambulabhaṇḍo ratto hoti, na ca taṃ bījaṃ abhisāṅkharānaṃ vā phalaṭṭhānaṃ pāpuṇāti, evaṃ santepi kālantare phalaviseso na aññabījasantāne hoti, na ca aññasmim bīje abhisāṅkhārapaccayato hoti, evameva ye idha loke nibbattakkhandhā, tesu nipphannaṃ kammaṃ vā paralokaṃ na gacchanti. Evampi kālantare vipākakkhandhā aññasmim santāne na nibbattanti, na ca aññakammappaccayato hontīti.

Ettha hi abhisāṅkhatāṃ bījaṃ viya kammaṃ vā satto, abhisāṅkhāro viya kammaṃ, bījassa aṅkurādippabandho viya sattassa paṭisandhivīññāḍippabandho. Tathuppannaṃ madhurarassassa ambulabhaṇḍe rattassa ca tasseva bījassa tato eva ca abhisāṅkhāro bhāvo viya kammakārasseva sattassa tato eva ca abhisāṅkharāṇato bhāvo vedītabbo.

615. Bālakāle...pe... phaladāyināti bālasarīre kataṃ vijjāpariyāpuṇaṃ, sippasikkhanaṃ, osadhūpayogo ca na vuḍḍhasarīraṃ gacchati, atha ca tannimittaṃ vijjāpāvaṃ, sippajānaṃ, anāmayatādi ca vuḍḍhasarīre honti, na ca tāni aññassa honti taṃsantatipariyāpanne eva sadise uppajjanato. Na ca yathā payuttana vijjāpariyāpuṇādinā vinā tāni aññato honti tadabhāve abhāvato, evaṃ idhāpi santāne yaṃ phalaṃ, etaṃ nāññassa, na ca aññatoti yojetabbaṃ. Etena ca saṅkhārābhāve phalābhāvameva dasseti, na aññapaccayanivāraṇaṃ karoti.

616-8. Evaṃ santepīti asāṅkantipātubhāve. Tattha ca yathāvuttadosapariharaṇe sati siddhepīti attho. **Vijjamānanti** paṭipassa vaṭṭikāsneho viya vijjamānaṃ aniruddhanti attho. **Avijjamānanti** vaṭṭadukkabhāvassa arahato cuticittaṃ viya avijjamānaṃ niruddhanti attho. **Tappavattikkhaṇeti** kammaṃ pavattamānakkhaṇeyeva. Tenāha “**saddhimeva ca hetunā**”ti. **Avijjamānanti** pavattikkhaṇato pubbe vijjamānataṃ asampattaṃ. **Niruddhanti** khaṇattayaṃ patvā niruddhaṃ. Tenāha –

“Pavattikkhaṇato pubbe, pacchā niccaphalaṃ siyā”ti.

Pubbeti kammāyūhanaṃ pubbe. Avijjamānatāsāmaññena hetam vuttaṃ. **Pacchāti** vipākappavattito pacchā ca.

619-20. Kaṭattāpaccayoti kaṭattā eva paccayo, na vijjamānatāya avijjamānatāya vāti attho. Tenāha “kāmāvacarassa kusalassa kammaṃ katattā upacittā vipākaṃ cakkhuvināṇaṃ uppannaṃ hoti”tiādi (dha. sa. 431).

Yadi evaṃ arahatā katakammampi kaṭattāpaccayo siyāti? Nayidamevaṃ. Yathā hi acchinnamūlasmiṃ rukkhe pupphitaṃ bījasamatthampi kusumaṃ mūle chinnamate phaladāyakaṃ na hoti, evaṃ arahatopi kilesamūlassa abbochinnakāle santāne pavattampi kammaṃ kilesamūlacchinnamatteyeva phaladāne asamatthabhāvaṃ āpananti. Tenāhu porāṇā –

“Bālayanajjhāruḷho,
Jātiratho kammakilesacakkoyaṃ;
Kilesacakkavidhamano,
Na yāti kammekacakkeṭṭi”ti.

Kaṭattā ce paccayo, niccaphaladāyako vibandhoti āha “**pāṭibhogādika**”ntiādi. **Pāṭibhogādikanti** mūlabhāvūpagamanādikaṃ. **Ādi**-ggahaṇena “pacchā mūlaṃ dassāmi”ti bhaṇḍaggahaṇaṃ, iṇaggahaṇaṃ saṅgaṇhāti. Ayaṃ panettha adhippāyo – pāṭibhogakiriyādīnaṃ vijjamānatā, avijjamānatā vā niyyātane, paṭibhaṇḍadāne, iṇadāne ca paccayo na hoti, atha kho karaṇamattaṃ, na ca taṃ niyyātanādīnaṃ niccameva paccayo hoti niyyātanādīnaṃ kate paccayattābhāvato, evameva vipākuppādanepi kammaṃ vijjamānatā, avijjamānatā vā paccayo na hoti, atha kho karaṇamattameva, karaṇamate ca sati vipakkavipākānaṃ paccayo na hotīti.

621. Paramassa uttamassa atthassa pakāsanato **paramatthappakāsano**. **Pītibuddhivivaḍḍhanoti** pītiyā, nīṇassa ca, pītisahagatassa vā nīṇassa vivaḍḍhano.

Iti abhidhammatthavikāsinīyā nāma

Abhidhammāvatārasaṃvaṇṇanāya

Puñṇavipākappaccayaniddesavaṇṇanā niṭṭhitā.

10. Dasamo paricchedo

Rūpavibhāgavaṇṇanā

622. **Ādimhīti** uddesagāthāyaṃ. **Idānīti** cittacetasikavibhāvanānantaraṃ. **Vibhāvananti** niddesapaṭiniddesavasena sarūpato pakāsaṃ.

623. **Ruppatīti** sītuṇhādīhi vikāramāpajjati, āpādīyatīti vā attho. Vikārāpatti ca sītādivirodhipaccayasannidhāne visadisuppattiyeva. Na hi yathāsakaṃ paccayehi uppajjitvā ṭhitadhammānaṃ aññena kenaci vikārāpādanāṃ sakkā kātuṃ, tasmā purimuppannarūpasantati viya ahutvā pacchā uppajjamānānaṃ visabhāgapaccayasamavāyena visadisuppattiyeva idha “ruppāna”nti datṭhabbaṃ. Evañca katvā saṅghiyānaṃ vipariṇāmaṃ paccakkhato hoti. Nanu ca arūpadhammānampi virodhipaccayasamavāye visadisuppatti labbhatīti? Saccāṃ labbhati, na pana vibhūtatarā. Vibhūtatarā hettha visadisuppatti adhippetā ukkaṭṭhagatīvasena yathā “abhirūpassa kaññā dātābbā”ti (saṃ. ni. 3.78).

Kuto etaṃ viññāyatīti ce? Sītādiggaṇato. Tathā hi vuttaṃ –

“Kiñca, bhikkhave, rūpaṃ vadetha, ruppattīti kho, bhikkhave, tasmā rūpanti vuccati. Kena ruppatti? Sītenapi ruppatti, uñhenapi ruppatti, jighacchāyapi ruppatti, pipāsāyapi ruppatti, ḍaṃsamakasavātātapasarīsapasamphassenapi ruppatti, ruppattīti kho, bhikkhave, tasmā rūpanti vuccati”ti (saṃ. ni. 3.79).

Ettha hi sītādiggaṇaṃ sītādīnā phuṭṭhassa ruppanaṃ vibhūtatarāṃ, tasmā tadevettha gahitanti nīpanatthaṃ. Itarathā ruppattīti sāmāññavacaneneva siddhe sītādiggaṇaṃ niratthakaṃ siyāti.

Yadi evaṃ, kathaṃ brahmaloke rūpasamaññā? Na hi tattha upaghātako sītādiḥpassaviseso labbhatīti? Saccāṃ, tatthāpi taṃsabhāvānavattanato. Aruppanassāpi hi ruppanasabhāvānavattanato rūpasamaññā hoti. Yathā aduddhampi khīraṃ taṃsabhāvānavattanato “duddha”nti vuccatīti. Atha vā kiñcāpi tattha upaghātako sītādiḥpassaviseso natthi, anuggāhako pana atthi. Tathā hi brahmānaṃ utujarūpaṃ atthi, tasmā attheva tattha ruppananti na koci tattha rūpasamaññāya vibandhoti.

Rūpayatīti vāti sayāṃ vijjamānameva attano santānaṃ vikāramāpādayatīti attho. Iti purimaviggahena

vikāruppatti “ruppana”nti dīpitaṃ. Iminā pana virodhipaccayasannipāte vijjamānasseva yo attano santāne visadisuppattihetubhāvo, taṃ ruppananti dīpitaṃ hoti. Imasmim pakkhe arūpassa rūpasamaññāpasaṅgo eva natthi. Niruddhameva hi taṃ anantarādīpaccayehi arūpaṃ uppādeti, na vijjamānanti. Ghaṭṭane vikārapattiyāṃ rūpa-saddassa ruḷhī, tasmā arūpadhammānaṃ ghaṭṭanābhāvato na tesu rūpasamaññāti keci. Paṭiḅhāto ruppananti apare, tesāṃ matena kiñcāpi sappatiḅharūpānameva rūpasamaññāpasaṅgo, atha kho avayavavohārena samudāyopi voharīyatīti sabbameva rūpaṃ rūpasamaññāṃ labhati. Keci panettha “rūpayatīti vaṇṇāyatana vasena vutta”nti vadanti. Tañhi vaṇṇavikāraṃ āpajjamānaṃ rūpayati, hadayaṅgatabhāvaṃ pakāseṭṭi. Tayidaṃ upari vaṇṇāyatana niddese visumyeva vuccatīti na tassa idha saṃvaṇṇane payojanaṃ atthi. **Surūpoti** dvattiṃsamahāpurisalakkhaṇaasītanubyañjanabyāmapabhāketumālādīhi alaṅkatattā sobhanarūpakāyo, sabhāvatto vā rūpa-saddo “yaṃ loke piyarūpaṃ sātārūpa”ntiādīsu (paṭi. ma. 1.114) viya, tasmā **surūpoti** sobhanasabhāvo, tena dasabalacatuvesārājādiasādhāraṇaguṇavisesasamāyogadīpanato satthu dhammakāyasampattiyāpi sobhanatā dassitā hoti.

624. Bhūtopādāyabhedatoti ettha tadadhīnavuttitāya bhavati ettha upādārūpanti bhūtaṃ. Atha vā mahābhūtāyeva idha purimapadalopavasena bhūta-saddena vuttā. Tenāha “catubbidhā mahābhūtā”ti. Bhūtāni upādiyateva, na pana sayāṃ tehi aññehi vā upādiyatīti **upādāyaṃ**. Evañca katvā catunnaṃ mahābhūtānaṃ aññamaññāṃ nissāya pavattamānānampi upādāyarūpatāpasaṅgo natthi. Na hi te kevalaṃ aññamaññāṃ upādiyanteva, atha kho sayāṃ upādāyarūpehi upādiyanti, tasmā upādāya-saddaggaṇasāmatthiyato na mahābhūtānaṃ upādāyarūpatāpasaṅgoti. Atha vā “catunnaṃ mahābhūtānaṃ upādāyarūpa”nti (dha. sa. 584) vacanato catumahābhūtasannissitatāva upādāyarūpalakkhaṇaṃ, na bhūtattayādisannissitatāpīti na tesāṃ upādāyarūpatāti. Bhūtañca upādāyañca **bhūtopādāyaṃ**, tesāṃ vasena bhedatoti **bhūtopādāyabhedato**. Bhūtasaddassa ubhayalingattā āha “**mahābhūtā**”ti. **Upādāti** upādāyarūpāni “paṭisaṅkhā yoniso”tiādīsu viya ettha ya-kāralopo daṭṭhabbo.

625. Katame pana cattāro mahābhūtā, kathañca te mahābhūtasaññitā, kāni ca upādāyarūpāni, kathañca tāni “upādāyarūpāni”ti vuccantīti idaṃ codanaṃ hadaye katvā kamena sodhento āha “**pathavidhātū**”tiādi. **Cattārometi** cattāro ime. Mahā ca so bhūto cāti mahābhūto, tena **mahābhūtena** sadevake loke mahantabhāvena pātubhūtena sammāsambuddhenāti attho. Atha vā –

“Kālo ghasati bhūtāni,
Sabbāneva sahattanā;
Yo ca kālaghaso bhūto,
Sa bhūtapacaniṃ paci”ti. (jā. 1.2.190) –

Ādīsu viya bhūta-saddassa sattesu, khīṇāsavesu ca pavattanato **mahābhūtenāti** mahatā sattena, mahākhīṇāsavenāti vā attho. Khīṇāsavopi hi parikkhīṇapaṭisaṅghikattā bhūtoyeva na bhavati, na ca bhavissatīti bhūtoti vuccatīti.

626. Mahantā pātubhūtāti upādinnakasantānēpi anupādinnakasantānēpi sasambhāradhātuvāsena mahantā hutvā bhūtā jātā nibbattātīti attho. Tesāṃ anupādinnakasantāne –

“Duve satahassāni, cattāri nahutāni ca;
Ettakaṃ bahalattena, saṅkhātāyaṃ vasundharā”ti. (dha. sa. aṭṭha. 584) –

Ādinā nāyena mahantapātubhūtātā vuttā. Upādinnakasantānēpi anekayojanasatikamacchakacchapatiḅvutappamāṇadevadānavādisarīravasena daṭṭhabbā. Vuttampi hetamaṃ “santi, bhikkhave, mahāsamudde yojanasatikāpi attabhāvā”tiādi (a. ni. 8.20; cūḷava. 385; udā. 45).

Mahābhūtasamāti anekabbhutavisesadassanena, anekabhūtaḍassanena ca mahantā bhūtā, mahantāni abbhūtāni vā etesūti mahābhūtā, māyākārā, yakkhādayo vā jātivāseneva mahantā bhūtātīti mahābhūtā, tehi ete samāti mahābhūtasamā. Ete hi yathā māyākārā amaṇiṃ eva udakaṃ maṇiṃ katvā dassenti, asuvaṇṇaṃyeva leḍḍuādikaṃ suvaṇṇaṃ katvā dassenti, yathā ca sayāṃ neva yakkhā na pakkhīno samānā yakkhādibhāvampi dassenti, evamevaṃ sayāṃ anīlāneva hutvā nīlaṃ upādāyarūpaṃ dassenti, sayāṃ apītāyeva...pe... sayāṃ anodātāyeva hutvā odātamaṃ upādāyarūpaṃ dassenti māyākāramahābhūtasamaññāto mahābhūtā.

Yathā ca yakkhā mahābhūtā yaṃ gaṇhanti, nevassa antosarīre ṭhānaṃ upalabbhati, na sarīrato bahi, na ca tassa aṅgamaṅgaṃ nissāya na ṭiṭṭhanti. Yadi hi sarīrassa anto ṭhitā, sakalasarīre byāpanaṃ na siyā. Atha bahi ṭhitā, yakkhaggahitakena katakusalākusalaṃ yakkhassa na siyā. Yadi cassa aṅgamaṅgaṃ nissāya na ṭhitā, yakkhaggahitake paḷaṭe yakkhassa dukkhavedanuppatti na siyā, na ca sarīre rājiuṭṭhānaṃ bhavēyya. Yasmā panetaṃ sabbaṃ atthi, tasmā te aniddisibbaṭṭhānā, evametepi na aññamaññassa anto na bahi ṭhitā upalabbhanti, na ca aññamaññāṃ nissāya

na tiṭṭhanti. Yadi hi te aññamaññassa anto ʒhitā, na sakasakakiccarā siyuṃ aññamaññam anupavesanato. Atha aññamaññato bahi ʒhitā, vinibbhuttā siyuṃ, tathā ca sati avinibbhuttavādo parihāyeyya, tasmā aniddisitabbaṭṭhānāti. Yakkhamahābhūtasamānatāya mahābhūtasamā. Aniddisitabbaṭṭhānāpi cete patiṭṭhānādīnā yathāsakakiccavisesena sesānam tiṇṇam upakārakā hontā sahaṅgātādīnā paccayena paccayo hutvā aññamaññam nissāyeva tiṭṭhanti.

Vañcakattā abhūtenāti yakkhinīdayo viya abhūtena atacchena manāpavaṇṇasaṅgāṭṭhānādīnā sattānam vañcakattā mahantāni abhūtāni etesūti mahābhūtāti sammadā. Yathā hi yakkhinīdayo manāpehi kālasāmādivaṇṇehi, puthulapīvarakisādisaṅgāṭṭhānehi, hatthabhamuādivikkhepehi ca attano bhayānakabhāvam paṭicchādetvā satte vañcenti, attano vasaṃ nenti, evametepi itthipurisādisu manāpena chavivaṇṇena, manāpena aṅgapaccāṅgasaṅgāṭṭhānena, manāpena ca hatthapādaaṅgulibhamukavikkhepena attano kakkhaḷattādisarīralakkhaṇam paṭicchādetvā bālayanam vañcenti, attano sabhāvam daṭṭhum na dentā tam attano vasaṃ nenti.

627-30. Cakkhusotantiādisu rūpameva rūpatā. Hadayañca tam vatthu ca manodhātumanoviññādhātūnanti hadayavatthu, hadayassa vā viññāssa vatthūti hadayavatthu, purimapadalopena pana “**vatthu**”nti vuttam. Kabaḷikāro āhāroyeva **āhāratā**. Kiñcāpi **dhammasaṅganiyam** rūpaniddese kabaḷikāro āhāro osāne uddiṭṭho, idha pana nipphanarūpānam ekaṭṭhāne dassanattham hadayavatthuanantaram uddiṭṭhoti. Lahutā ādi yasaṃ mudutākammaññātānanti lahutādayo, tāsam tayaṃ **lahutādittayam**, tattha lahubhāvo lahutā, tathā mudutāpi. Kammani sādhu kammaññam, tassa bhāvo kammaññatā. Lahutādīnam sayam anipphanattā nipphanarūpavikārabhāvam dassetuṃ “**rūpassā**”ti visesanam kataṃ. **Catuvīsattī** gaṇanaparicchedo, balavarūpādīnam nisedhanattho. Tattha yam vattabham, tam parato āvi bhavissati. **Nissāyāti** nissāya eva, na pana nissayavasenapi. Catūhi upādānehi nimuttatāya nikkhantam upādānato mānasam etassāti **nirupādānamānaso**.

631-2. Patthaṭṭāti puthuttā, tena puthubhāvato puthavī, puthavī eva pathavīti niruttinayena saddasiddhi dīpitā hoti. Ayam pana sambhārapathaviyā vasena yujjati. Sā hi puthubhūtā patthaṭṭāti. Lakkhaṇapathaviyā vasena pana pathanaṭṭhena pathavī, sahararūpānam patiṭṭhābhāvena pakkhāyati upaṭṭhātīti attho. Purimopi vā attho lakkhaṇapathaviyā vasena labbhati. **Vāyanatoti** samudīraṇato, desantaruppattihetubhāvena bhūtasāṅghāssa pāpanatoti attho. **Tejeti** paripāceti, niseti vā, tikkhabhāvena sesabhūtattayam usmāpetīti attho. Gāthābandhavasena cettha iti-saddalopato “tejeti”ceva vuttam. Evaṃ “āpetī”ti etthāpi. Tasmā tejetīti **tejo**, āpetīti **āpoti** vuttam hoti. **Āpeti pālanāti** anupāletabarūpapariyosānam āpeti pattharati. Tathā hetam “ābandhanakicca”nti vuccati. Āpiyātīti **āpo**. Sosīyati pivīyātīti atthoti keci. Ayam panattho sasambhāraṇe yujjātīti vadanti, lakkhaṇāpepi yujjateva. Sopi hi pharusapācanavisosānākārena sesabhūtattayena piyamāno viya pavattatīti. Āpāyātīti vā **āpo**, brūheti vaḍḍhetīti attho. Tathā hesa paribrūhanaraso. **Tesanti** yathāvuttānam bhūtopādāyabhedānam rūpānam. **Vakkhāmīti** kathessāmi. Kim kāraṇāti āha “**lakkhaṇādīsū**”tiādi. **Hi**-saddo hetuattho. Yasmā lakkhaṇādīsū nītesu dhammā āvi bhavissanti, tasmā tesam parato āvibhāvahetūti attho.

633-4. Kāni pana tāni lakkhaṇarasapaccupaṭṭhānapadaṭṭhānāni nāma, yesu nītesu dhammā āvi bhavissantīti imam codanam sodhetum lakkhaṇarasapaccupaṭṭhānapadaṭṭhānāni sarūpato kathento āha “**sāmaññam vā**”tiādi. **Sāmaññam** sādharāṇo aniccādiko. **Sabhāvo** kakkhaḷādiphusanādiko asādharāṇabhāvo. **Kiccanti** sandhāraṇādikiccam. **Sampattīti** sampannabhāvo. “Suraso gandhabbo”tiādisu hi gandhabbasampattiyā rasa-saddena vuccamānattā **sampatti rasoti**. **Phalanti** sahaṅgātānakkhaṇikavasena ʒhitam phalam. **Upaṭṭhānanayoti** gahetabbabhāvena nīṇassa upaṭṭhānākāro. **Āsannakāraṇanti** padhānakāraṇam.

Lakkhīyati etenāti lakkhaṇam, kakkhaḷattam lakkhaṇametissāti **kakkhaḷattalakkhaṇā**. Nanu ca kakkhaḷattameva pathavīdhātūti? Saccametam. Tathā hi viññātāviññātasaddatthāvasena asambhinnepi dhamme kappanāsiddhena bhedena evam niddeso kato. Evañhi atthavisesāvabodho hotīti. Atha vā lakkhīyatīti lakkhaṇam, kakkhaḷā hutvā lakkhiyamānā dhātu **kakkhaḷattalakkhaṇāti** evamettha attho daṭṭhabbo. Sesāsupi eseva nayo. **Patiṭṭhānasāti** sahaṅgātadhammānam patiṭṭhānabhāvakiccā. Asahaṅgātānampi santativasena patiṭṭhānabhāvo hoteva. Tato eva nesam sampaṭicchānākārena nīṇassa paccupaṭṭhātīti **sampaṭicchānapaccupaṭṭhānā**. Iminā kiccavasenevettha “paccupaṭṭhāna”nti dasseti. **Padaṭṭhānam** panettha catunnampi ekato katvā vakkhati.

Paggharaṇalakkhaṇāti dravatābhāvato vissandanalakkhaṇā. **Brūhanarasāti** sahaṅgātadhammānam milātabhāvūpagamanam adatvā vaḍḍhanakiccā. Tathā hi sā tesam piṇitabhāvam dassetīti vuccati. **Saṅgahapaccupaṭṭhānāti** bāhiraṅgānam viya nahāniyacunṇassa sahaṅgātadhammānam vipakīritum adatvā sampiḍḍanavasena saṅgāhanapaccupaṭṭhānā. **Paripācanarasāti** pariṇatabhāvakarāṇarasā. **Maddavānuppadaṇapaccupaṭṭhānāti** bāhiraggi viya jatulohādīnam sahaṅgātadhammānam mudubhāvānuppadaṇapaccupaṭṭhānā. **Vitthambhanalakkhaṇāti** pūraṇalakkhaṇā. **Samudīraṇarasāti** kampanarasā. **Abhinīhāro** bhūtattayassa desantaruppattihetubhāvo, nīharaṇam vā bījato ānkurādīkassa viya. **Ekekā...pe... tabbāti** pathavīdhātu āpādiḥhūtattayapadaṭṭhānā, āpodhātu pathavītejādībhūtattayapadaṭṭhānāti evam ekekā dhātu

avasitthabhūtattayapadaṭṭhānā.

Ārohapariṇāhavasena hi majjhime imasmiṃ sarīre pariggayhamānā paramānubhedasañcupṇā sukhumarajabhūtā pathavīdhātu doṇamattā siyā. Sā ca tato upaḍḍhappamāṇāya āpodhātuyā yathā na vikirati, evaṃ ābandhanavasena saṅgahitā. Yathā pana paggharaṇasabhāvāya āpodhātuyā vasena kilinnabhāvaṃ picchalabhāvaṃ nāpajjati, evaṃ tejodhātuyā anupālītā. Yathā pana tassā vasena na vikiriyati, evaṃ vāyodhātuyā vitthambhitā saṅghātabhāvaṃ pāpitā. Evaṃ sukhumarajabhūtāpi ābandhanaparipācanasamudīraṇakiccāhi āpotejovāyodhātūhi laddhapaccayā sinehena temitā, tejasā paripakkā, vāyunā vitthambhitā piṭṭhacuṇṇāni viya na ito cito ca vikiriyati viddhamṣiyati, avikiriyamānā aviddhamṣiyamānā nānappakārakaṃ itthipurisalingādibhāvavibhāgaṃ upagacchati, aṇuthūladīgharasathirakathinādibhāvaṃca pakāseti.

Yūsagatā ābandhanākārabhūtā panettha āpodhātu pathavīpatiṭṭhitā tejānupālītā vāyovitthambhitā na gaḷati, na paggharati, na parissavati. Evaṃ tīhi dhātūhi anupālītā apaggharamānā aparissavamānā piṇḍitabhāvaṃ dasseti. Esā hi anubrūhanarāsā.

Asitapītādiparipācitā cettha usumākārabhūtā uṇhattalakkhaṇā tejodhātu pathavīpatiṭṭhitā āposāṅgahitā vāyovitthambhitā imaṃ kāyaṃ paripāceti, vaṇṇasampattiñcassa āvahati. Sā hi yathānubhuttassa āhārassa sammā pariṇāmanena rasādisampattiyā hetubhāvaṃ gacchantī imaṃ kāyaṃ paripāceti, vaṇṇasampattiñca āvahati. Kammūpanissayāya hi cittapasādahetukāya ca sarīre vaṇṇasampadāya tejodhātu visesapaccayo, pageva utuāhārasamuṭṭhānāya rūpasampattiyāti. Tāya ca pana paripācito ayaṃ kāyo na pūtibhāvaṃ gacchati.

Āngamaṅgānusaṭṭā cettha samudīraṇavitthambhanalakkhaṇā vāyodhātu pathavīdhātuyā attani patiṭṭhāpīyati. Yathā saḥajātadhammehi viṣuṃ na hoti, evaṃ āpodhātuyā saṅgayhati. Yathā saḥajātadhammā na parissavanti, evaṃ tejodhātuyā anupālīyati. Sā evaṃ tīhi dhātūhi yathārahaṃ anupāliyamānā imaṃ kāyaṃ vitthambheti. Tāya pana vitthambhito ayaṃ kāyo na paripatati, ujukaṃ tiṭṭhati, iccevaṃ ekekāya dhātuyā tissannaṃ dhātūnaṃ vaseneva pavattanato vuttaṃ “ekekā cettha sesabhūtattayapadaṭṭhānāti veditabbā”ti.

Evaṃ bhūtarūpānaṃ saddhiṃ vacanathehi lakkhaṇādayo dassetvā idāni upādāyarūpāni dassento āha “**cakkhati**”tiādi. Anekatthattā dhātūnaṃ cakkhati-saddassa vibhāvanatthātāpi sambhavatīti katvā vuttaṃ “**vibhāvetīti attho**”ti. **Cakkhati**ti pana viññāṇadhiṭṭhitaṃ samavisamaṃ ācikkhantaṃ viya, abhiyattaṃ vadantaṃ viya hotīti attho. Atha vā **cakkhati**ti viññāṇadhiṭṭhitaṃ rūpaṃ assādentāṃ viya hotīti attho. Cakkhati ti ayaṃ saddo “madhuṃ cakkhati, byañjanaṃ cakkhati”tiādīsu viya assādattho. Vuttañhetā – “cakkhuṃ kho, māgaṇḍiya, rūpārāmaṃ rūparataṃ rūpasamudita”nti (ma. ni. 2.209). Vakkhati ca “rūpesu āviñchanarasa”nti. Yadi evaṃ “sotaṃ kho, māgaṇḍiya, saddārāma”ntiādivacanato (ma. ni. 2.209) sotādinampi saddādiassādakabhāvo atthīti tesampi cakkhusaddābhidheyyatā āpajjati? Nāpajjati niruḷhattā. Niruḷho hi esa cakkhu-saddo locaneyeva padumādīsu pañkajādisaddā viyāti.

635-6. Cakkhurūpassa niddesappakaraṇepi cakkhu-saddasāmaññīto āgataṃ sabbampi cakkhuṃ pabhedato dassetuṃ “**tattha cakkhū**”tiādi vuttaṃ. **Tatthā**ti tasmīṃ cakkhuniddese. **Paññāmaṃsappabhedatoti** paññācakkhu maṃsacakkhūti evaṃ paññāmaṃsānaṃ vasena pabhedato. **Tatthā**ti tasmīṃ duvidhe cakkhumhi. Paññāyeva **paññāmayāṃ**. **Nāmatoti** nāmehi pañcavidhanti sambandho. Katamehi nāmeḥīti āha “**buddhadhammā**”tiādi. Tattha **buddhadhammasamantehīti** buddhacakkhu dhammacakkhu samantacakkhūti imehi nāmehi. **Ñānadibbehīti** ñānacakkhu dibbacakkhūti ca nāmehi. **Yathānukkamatoti** yathāvuttaanukkamato. **Nānattanti** bhedaṃ. **Meti** mayhaṃ santikā, mayhaṃ vacanatoti vā attho. **Nibodhatha** jānātha.

637. Tattha “addasaṃ kho ahaṃ, bhikkhave, buddhacakkhunā lokaṃ volokento satte apparajakkhe mahārajakkhe tikkhindriye”tiādinā (ma. ni. 1.283) āgataṃ buddhacakkhu nāmāti dassento āha “**āsayanusaye**”tiādi. Tattha **āsayanusayeti** sattānaṃ āsaye ceva anusaye ca, tasmīṃ pavattanti attho. Tattha āgantvā seti cittaṃ etthāti āsayo. Byagghāsayo viya. Yathā hi byaggho gocarathāya pakkantopi puna āgantvā vanagahaneyeva sayati, teneva ca taṃ tassa āsayoti vuccati, evaṃ aññatthāpi pavattaṃ cittaṃ āgantvā yattha sayati, taṃ tassa āsayoti veditabbaṃ. So pana sassatadassanādivasena catubbidho hoti. Vuttañhetā –

“Sassatucchedadīṭṭhī ca, khanti cevānulomikā;
Yathābhūtañca yaṃ ñāṇaṃ, etaṃ āsayasaññīta”nti. (visuddhi. mahā. 1.136; dī. ni. 1.
1.paṭṭhamamahāsāṅgītikathāvaṇṇanā; sāratta. 1. paṭṭhamamahāsāṅgītivaṇṇanā; vi. vi. 1.
1.verañjakaṇḍavaṇṇanā)

Anusayakathā upari āgamissati. **Indriyānaṃ paropareti** saddhāpañcamakānaṃ indriyānaṃ tikkhamudubhāve.

Tikkhañhi indriyaṃ ukkaṭṭhagattā paraṃ, mudu aparaṃ anukkaṭṭhagattā. Idaṃ pana **buddhacakkhu** chasu asādhāraṇaññesu purimadvayanti daṭṭhabbaṃ.

638. Heṭṭhā...pe... saññīti “tasmiṃyeva āsane virajaṃ vītamalaṃ dhammacakkhuṃ udapādī”ti evaṃ vuttaṃ heṭṭhā tīsu maggesu ñāṇaṃ dhammacakkhūti saññītaṃ. **Ñāṇaṃ sabbaññūtā panāti** sabbaññubhāvasaṅkhātāṃ ñāṇaṃ. Tañhi sabbaññūti abhidhānassa, buddhiyā ca pavattinimittatāya sabbaññubhāvo nāma hoti. **Ñeyyaṃ samantacakkhūti** khandhādivasena samantato sabbaso dassanaṭṭhena samantacakkhūti ñeyyaṃ. Tenevāha –

“Na tassa addiṭṭhamidhatthi kiñci,
Atha aviññātamajānitabbaṃ;
Sabbāṃ abhiññāsi yadatthi ñeyyaṃ,
Tathāgato tena samantacakkhū”ti. (cūḷani. mogharājamāṇavapucchāniddeśa 85);

639. Yaṃ cakkhuṃ udapādīti āgatanti yaṃ ñāṇaṃ “idaṃ dukkhanti, bhikkhave, pubbe ananussutesu dhammesu cakkhuṃ udapādī, ñāṇaṃ udapādī”ti (mahāva. 15) evaṃ tatha tatha suttesu āgatāṃ, catūsū saccesu teparivaṭṭavasena “dukkhaṃ pariññeyyaṃ pariññāta”nti evamādinā dvādasavidhena ākārena pavattaṃ, idaṃ **ñāṇacakkhu**. Yā pana “addasaṃ kho ahaṃ, bhikkhave, dibbena cakkhunā visuddhenā”tiādinā (ma. ni. 1.284) āgatā pañcamajjhānasāṅkhātābhiññācittasampayuttā paññā, ayaṃ **dibbacakkhūti** dassetuṃ “**abhiññācittajā**”tiādi vuttaṃ. Ettha ca paṭhamatīyañāṇāni kāmāvacarāniyeva. Catutthampi pana purimadvayamiva kāmāvacaranti **ānandācariyena** vuttaṃ. **Ñāṇacakkhuṃ** sahaariyamaggavipassanāññāntipi yujjati apare. Aggamaggena saha vipassanāpaccavekkhaṇaññānti pana yuttaṃ viya dissati.

640-4. Evaṃ paññācakkhussa pabhedāṃ dassetvā puna maṃsacakkhussāpi pabhedāṃ dassetuṃ “**maṃsacakkhupī**”tiādi vuttaṃ. **Sasambhārapasādatoti** sasambhāracakkhu pasādacakkhūti imesaṃ dvinnāṃ vasena sambharīyati etehīti sambhārā, avayavā. Te pana upatthambhakabhūtā catusamuṭṭhānikarūpasantatiyo daṭṭhabbā. Saha sambhārehīti **sasambhāraṃ**. Sasambhārañca nāma maṃsapiṇḍo pavuccatīti sambandho. **Akkhikūpaṭṭhinā heṭṭhāti** heṭṭhāgataakkhikūpassa aṭṭhinā paricchinnoti sambandho. **Uddhanti** akkhikūpato uddhaṃ. **Ubhato akkhikoṭṭhīti** akkhikūpassa ubhayabhāge akkhikoṭṭhī. **Matthaluṅgena antatoti** akkhikūpassa abbhantare ṭhitena matthaluṅgena. **Nhārusuttana ābandhoti** nahāsurajjūhi anto matthaluṅgena saha ābandho. **Sakalopi ca lokoti** sakalopi bālaputhujjanaloko. **Yanti** yaṃ maṃsapiṇḍaṃ. **Kamalassa dalaṃ viyāti** puthulavipulanīlatāya nīluppaladalaṃ viya. **Jānāti** gaṇhāti. **Cakkhu nāma na taṃ hoti** tathā gayhamānaṃ taṃ cakkhu nāma na hoti. Kiñcarahi tantī āha “**vattu tassāti vuccatī**”ti. **Tassāti** tassa yathādhippetassa paramatthacakkhuno. **Idaṃ panāti** nigamaṇaṃ.

645-7. Taṃ pana sasambhāracakkhu yehi sambhārehi sambharīyati, te sarūpato, gaṇanato ca dassetuṃ “**vaṇṇo gandho**”tiādi vuttaṃ. **Bhāvoti** itthiyā itthibhāvo, purisassa pumbhāvoti labbhamānakabhāvo. **Sambhavoti** āpodhātumeva sambhavabhūtamaṃ. **Sanṭhānanti** ca tena tenākārena sanniviṭṭhesu mahābhūtesu taṃtaṃsanṭhānavasena viññāyamānaṃ vaṇṇāyatanaṃ. Āpodhātuvāṇṇāyatanehi ca anattantārahūtānampi sambhavasāṅhānānaṃ viṣuṃ vacanaṃ tathābhūtānaṃ, atathābhūtānañca āpādīnaṃ yathāvuttamaṃsapiṇḍe vijjānāntā. Āpodhātuvāṇṇāyatanañāñhi santānavasena pavattamānānaṃ avatthāviseso sambhavo saṅhānañcāti. **Daseteti** catasso dhātuyo, tannissitā vaṇṇādayo cāti ime dasa. **Catusamuṭṭhānāti** antogatahetvatthamidaṃ viṣesaṇaṃ, catusamuṭṭhānikattāti vuttaṃ hoti.

648. Cakkhu...pe... jīvīteva cāti imāni ekantakammasamuṭṭhānāni, purimāni ca catusamuṭṭhānāni **cattālisañca cattāri ca** rūpāni bhavanti, catucattālisa rūpāni hontīti attho.

649-52. **Imesaṃ pana rūpānaṃ vasaṇāti** yathāvuttānaṃ saṅkhepato cuddasannaṃ, vitthārato catucattālīsānañca rūpānaṃ vasena. **Paripiṇḍanti** samantato piṇḍitaṃ. Yattha setampi atthi, kaṇhampi lohitampi pathavīpi āpopi tejopi vāyopi, idaṃ pana semhussadattā setaṃ hoti, pittussadattā kaṇhaṃ, ruhirussadattā lohitakaṃ, pathavussadattā patthinaṃ hoti, āpussadattā paggharati, tejussadattā pariḍāyati, vāyussadattā sambhamati. Idaṃ sambhāravantatāya sambhāracakkhūti **paṇḍitehi** buddhādīhi **pakāsitaṃ** pariḍīpitaṃ. **Ettha sitoti** etaṃ sasambhāracakkhuṃ nissito tadāyattabhūto. Tenāha “ettha paṭibaddho”ti. **Catunnaṃ pana bhūtānaṃ pasādoti** catunnaṃ bhūtānaṃ pasannatāsabhāvo pasādo, “setena maṇḍalenassā”ti pāṭho yujjati. Potthakesu pana “sete tu maṇḍale tassā”ti likhanti. **Kaṇhamaṇḍalamajjheti** idhāpi “kaṇhamaṇḍalassa majjhe”ti vattabbe “catutthadū”tiādīsu viya chandānurakkhaṇattham vibhattilopaṃ katvā “kaṇhamaṇḍalamajjhe”ti vuttaṃ. Evañhi attho ca yojanā ca suṭṭhu upapannā honti. **Aṭṭhakathāyampi** hi “setamaṇḍalaparikkhittassa kaṇhamaṇḍalassa majjhe”ti (dha. sa. aṭṭha. 596) vuttaṃ. Apare pana yathāṭṭhitavaseneva pāṭhaṃ gahetvā “sabbaso parikkhittassa tassa sasambhārassa cakkhuno majjhe setamaṇḍale kaṇhamaṇḍale majjhe”ti yojenti. **Diṭṭhamaṇḍaleti** abhimukhe ṭhitānaṃ sarīrasaṅhānuppattidesabhūte

diṭṭhamaṇḍale.

653-5. Sandhāraṇā...pe... hutvānāti sandhāraṇānahāpanamaṇḍanabījanakiccāhi catūhi dhātūhi khattiyakumāro viya sandhāraṇābandhanaparipācanasamudīraṇakiccāhi attanissayabhūtāhi catūhi dhātūhi katūpakāraṃ hutvā. **Utucittādināti** tīhi santatisamuṭṭhāpakehi utucittāhārehi. Ettha ca kalāpantaragatā utuāhārā adhippetāti vadanti. **Āyunā katapālananti** catudhātunissiteneva jīvitindriyena rakkhiyamānaṃ. Tathā hetamaṃ kammajarūpaparipālanalakkhaṇaṃ. **Vaṇṇagandharasādihīti ādi-**ggahaṇena ojaṃ saṅgaṇhāti, “vaṇṇagandharasojāhī”ti vā pāṭho. **Vatthudvāraṇca sādhayanti** yathāyogaṃ vatthudvārabhāvaṃ sādhayamānaṃ. Cakkhuvīññāssa hi nissayabhāvato vatthubhāvaṃ, pavattimukhabhāvato dvārabhāvaṇca sādheti. Sampatiṇṇanādīnaṃ pana tadārammaṇāvasānānaṃ aññanissittatā dvārabhāvameva sādheti, na vatthubhāvaṃ. **Ūkāsirasamānena pamāṇenāti** ūkāsirasamānena padesappamāṇena lakkhitaṃ hutvā ūkāsirasamānappamāṇe ṭhāneti vā attho. **Tiṭṭhatīti** satta akkhipaṭalāni byāpetvā sattasu picupaṭalesu āsittatelaṃ viya tiṭṭhati. Evaṇca katvā cakkhussa anekakalāpagatā siddhā hoti. Upaddavānaṃ paṭalanirākarāṇepi hi cakkhu vijjatevāti. Yathā ca cakkhu, evamimassa nissayabhūtā catasso dhātuyo, āyuvanṇādīni ca satta akkhipaṭalāni byāpetvā ṭhitāneva avinibbhogavuttittāti gahettabbaṃ.

656. Vuttanti dhammasenāpatinā vuttaṃ. **Rūpāni manupassatīti** ma-kāro padasandhikaro “aññamaññāma samaṇamacalo”tiādīsu viya. Atha vā **manūti** maccoti attho. Kiñcāpi cakkhu rūpaṃ na passati, kiñcarahi tannissitaṃ viññānameva. Tathā hi “mañcā ukkuṭṭhiṃ karontī”tiādīsu viya nissitakiriyaṃ nissaye viya katvā vohārasambhavato “cakkhupasādena passatī”ti vuttaṃ. **Ācariyajotipālattherenāpi** hi imināva adhippāyena idaṃ vuttaṃ. Idamettha sannīṭṭhānaṃ, kiṃ cakkhu rūpaṃ passati, udāhu viññānanti, kiñcettha – yadi cakkhu passeyya, aññaviññānasamaṅginopi cakkhu passeyya. Atha viññānaṃ, kuṭṭādiantaritampi passeyya tassa appaṭighātattā? Nāyaṃ doso. Yassa “cakkhu passatī”ti mataṃ, tassāpi na sabbamaṃ cakkhu passati, atha kho viññāṇadhīṭṭhitameva. Yassa pana viññānaṃ passatīti mataṃ, tassāpi na sabbamaṃ viññānaṃ passati, atha kho cakkhunissitameva, taṇca antarite nuppajjati. Yattha ālokassa kuṭṭādīhi vinibandho, yattha pana so natthi phalikaabbhapaṭalādīmhi, tattha antaritepi uppajjati eva, tasmā taṃ anuppannatā antaritaṃ na passati. Idameva ca sannīṭṭhānaṃ, yaṃ kho cakkhuvīññānaṃ passatīti. Tañhi dassanakiccaṃ. Yadi evamaṃ kathaṃ cakkhunā rūpaṃ disvāti. Tena dvārena karaṇabhūtenāti ayamettha abhisandhi. Atha vā nissitakiriyaṃ nissayassa pavuccati yathā “mañcā ukkuṭṭhiṃ karontī”ti. **Ūkāsirasamūpamanti** ūkāsirasamānūpamaṃ, ūkāsirappamāṇanti vuttaṃ hoti. Idañcassa patiṭṭhānokāsavasena vuttaṃ, na pana attano pamāṇavasena. Tañhi paramāṇupariyantena pamāṇena atisukhumamevāti. Ūkāsirappamāṇe pana padese idaṃ pavattati. Na kevalaṇca idameva, sabbānīpi sabbatṭhānikarūpāni tattha pavattanteva. Idañca tattha nibbattantaṃ taṃ padesaṃ pūretvā eva nibbattati. Ekūnapaṇṇāsakalāpavasena ca saheva pavattati, sattarasacittakkhaṇāyukattā rūpānaṃ, ekekassa ca cittassa tīsu tīsu khaṇesu kammajarūpānaṃ uppajjamānattā.

657. Suṇātīti sotanti ettha kiṃ sotaṃ suṇāti, udāhu viññānantiādīnā heṭṭhā vuttanayena yathāsambhavaṃ yojetabbaṃ. **Tanutambalomācīceti** sasambhārasotabilassa anto sukhumehi tambavaṇṇalomehi sañcīte. **Āṅguledhakasaṅṭhāne padeseti** āṅgulimuddikāsaṅṭhānamasayutte padese. **Vuttappakārāhīti** sandhāraṇādīkiccāhi. **Āyunā paripāliyamānanti** ettha vaṇṇādīhi parivāritanti sambandhitabbaṃ. **Tiṭṭhatīti** pubbe vuttanayena taṃ padesaṃ pūretvā tiṭṭhati. Sesamaṃ vuttanayena vedītabbaṃ. **Ghāyatīti** gandhopādānaṃ karoti. **Sāyatīti** rasaṃ vīdati. **Jīvitamavhāyatīti** ettha rasaggahaṇamūlakattā ajjhoharaṇassa jīvitanimittaṃ ajjhoharaṇaraso jīvitaṃ, taṃ avhāyati tasmīṃ ninnatāya avhāyantamiva hoti. **Uppaladalaggasaṅṭhāne padeseti** majjhe chinnassa uppaladalassa aggabhāgasāṅṭhāne padese. **Malānanti** kilesādimalānañceva malavisayānañca sāsavadhammānaṃ anuttariyabhāvaṃ gacchantesu kāmarāganidānakammajanītesu kāmarāgassa ca visesapaccayesu ghānajivhākāyesu kāyassa visesato sāsavapaccayattā soyeva tesamaṃ āyoti vuccati. Tena hi phoṭṭhabbasukhaṃ assādentā sattā methunampi sevanti. Atha vā kāyindriyavattukā cattāro khandhā balavakāmarāgādīhetubhāvato visesato malā, tesamayaṃ āyo hetūti kāyoti vutto. **Imasmiṃ kāyēti** imasmiṃ sasambhārakāye. Sopi hi kucchitānaṃ kesādimalānaṃ āyabhāvato kāyoti vuccati. **Yāvataṃ upādinnakaṃ atthīti** iminā kesaggaṇakhaṅgādīsu kāyapasādassa abhāvamaṃ. **Kappāsapaṭale sneho viyāti** imināssa nirantarabhāvaṃ. Ime ca pana cakkhādayo rūpādīgocaraninnatāya vammikaudakaāksagāmasivathikāsaṅkhātāgocaraninnatāya ahisumsumārapakkhikukkurasiṅgālā viya daṭṭhabbā. Visamajjhāsayaṭāya hi cakkhu vammikacchiddābhiratasappo viya, bilajjhāsayaṭāya sotaṃ udakabilābhiratasumsumāro viya, ākāsaṅgajjhāsayaṭāya ghānaṃ ajaṭākāsābhiratapakkhi viya, gāmajjhāsayaṭāya jivhā gāmābhiratakukuro viya, upādinnakajjhāsayaṭāya kāyo āmakasusānābhiratasigālā viyāti. **Visamajjhāsayaṭāyāti** cakkhussa visamajjhāsayaṃ viya hotīti katvā vuttā. Cakkhumato vā puggalassa ajjhāsayaṃ cakkhu visamajjhāsayaṃ. Esa nayo sesesupi.

Daṭṭhu...pe... lakkhaṇanti ettha daṭṭhumaṃ kāmetīti daṭṭhukāmo tassa bhāvo daṭṭhukāmatā, rūpaṇhāyetaṃ adhivacanaṃ. Sā pana anāgate cakkhādīsu ādīnavapaṭicchādīkāvijjāmūlapatthanāsabhāvā pākāṭā apākāṭāti duvidhā. Tattha yā ayaṃ “īdisaṃ īdisaṇca sukhumatamavisayaggahaṇasamatthaṃ cakkhu hotū”ti evamaṃ kammāyūhanato pubbe, pacchā vā uppannā pākāṭā. Indriyavisesaṃ pana anāmasitvā avisesena paripuṇṇāyatanabhavasampattim patthetvā, apatthetvā vā tattha avigatataṇhāvasena kammaṃ karontassa appahīnabhāvena anusayitā api

kammasāmatthiyavicittahetubhūtā apākaṭā. Sā duvidhāpi nidānaṃ upanissayo yassa taṃ daṭṭhukāmatānidānaṃ, tadeva kammaṃ, taṃ samuṭṭhānametesanti daṭṭhukāmatānidānakammasamuṭṭhānāni, evaṃvidhānaṃ bhūtānaṃ pasādo daṭṭhukāmatā...pe... pasādo, taṃ lakkhaṇamassa, tathā hutvā lakkhīyatīti vā **daṭṭhukāmatānidānakammasamuṭṭhānabhūtapasādalakkaṇaṃ.**

Ettha ca gabbhaseyyakānaṃ dinnapaṭisandhikaṃ, aññaṃ vā kammaṃ cakkhādīni nibbatteti. Opapātikānaṃ pana paṭisandhikkhaṇeva paripuṇṇāyatanānaṃ nibbattamānānaṃ paṭisandhijanakameva kammaṃ paripuṇṇasakalamattabhāvaṃ nibbatteti gahetabbaṃ. Kathaṃ pana ekakammunā nibbattamānānaṃ cakkhādīnaṃ visesotī? Kāraṇassa bhinnattā. Taṃtaṃbhavapatthanābhūtā hi taṃhā taṃtaṃbhavapariyāpannāyatanābhilāsātāya sayā vicittarūpā upanissayabhāvena taṃtaṃbhavanibbattakakammassapi vicittabhedataṃ vidahati. Yato tadāhitavisesaṃ tathāvidhasamatthātāyogena anekarūpāpannaṃ viya anekavisitṭhasabhāvaṃ phalaṃ nibbatteti, na cettha samatthātāsamatthātāsabhāvato aññā veditabbā. Kāraṇavisesena āhitavisesassa viṣitṭhaphalanipphādanasamatthātābhāvato ekasseva kammaṃ soḷasādivipākānibbattanahetubhāvena ca ayamatto sampaṭicchitabbo. Lokepi ekasseva sālibhijassa paripuṇṇāparipuṇṇaṇḍulaphalanibbattihetutā dissateva. Kiṃ vā etāya yutticintāya, na cintitabbamevetam. Yato kammaphalaṃ cakkhādīni, kammavipāko ca sabbaso buddhānaṃyeva ñānaṃ visayo, na aññesaṃ atakkāvacarattā. Teneva bhagavatā ‘kammavipāko acinteyyo, na cintetabbo, yo cinteyya, ummādaṃ vighātassa bhāgī assā’ tiādīnaṃ (a. ni. 4.77) dassetvā paṭikkhittaṃ.

Rūpesu āviñchanarasanti āviñchanānaṃ puggalassa, āvajjanādiviññānaṃ vā tanninnabhāvappattiyā hetubhāvo. Ādhārabhāvapaccupaṭṭhānanti nissayapaccayabhāvato. Ālokādisannissayena kadāci uppajjamānānaṃ pi cakkhuvīññānaṃ uppajjanakāle cakkhuṃ nissāya eva uppajjatīti. Etthāha – cakkhuvīññānuppattisamaye sambhavantesu mandāmandamajjhimāyukesu ekūnapaṇṇāsacakkhūsu katamaṃ cakkhuvīññānaṃ sambhāvānaṃ paccanubhotīti? Vuccate –

‘Paṭisandhicittassa uppādakkhaṇe uppannaṃ ṭhānappattaṃ purejātaṃ vatthuṃ nissāya dutiyabhavaṅgaṃ uppajjati, tena saddhīṃ uppannaṃ ṭhānappattaṃ purejātaṃ vatthuṃ nissāya tatiyabhavaṅgaṃ uppajjati, iminā nayena yāvātāyukaṃ cittappavatti veditabbā’ ti (visuddhi. 2.700) –

Maggāmaggañāniddese vuttanayena ekacittakkhaṇātītaṃ cakkhu rūpe ghaṭṭitvā viññānaṃ nissayo hoti, tasmā dvīsu bhavaṅgalanesu purimassa anantarapaccayabhūtena bhavaṅgacittena saha uppannanti ayamatto idha sīhaḷasaṃvaṇṇanāyaṃ, visuddhimaggassa sīhaḷasaṃvaṇṇanāyaṃca vutto.

Taḷākagāmamūlavāsīdāṭṭhānāgatttherena pana ‘āvajjanena, tassa anantarapaccayabhūtena bhavaṅgena vā saha uppannaṃ cakkhu’nti vuttaṃ, taṃ duvuttaṃ. Evañhi sati aññasmiṃ ghaṭṭite aññaṃ cakkhuvīññānaṃ nissayo hotīti vuttaṃ hoti, evaṃca bhavaṅgalanato heṭṭhā tatiyacatutthehi yāva terasamacittena saha uppannampi nissayo hotīti āpajjeyya, na cetam vattabbaṃ, tatiyacatutthacittato paṭṭhāya uppannaṃ kesañci vīthiccittānaṃ dvārabhāvaṃ na gacchati niruddhattā, manodvārassa niruddhasseva dvārabhāvassa dassanato. Yadi siyā ‘paṭisandhicittassa uppādakkhaṇe uppannaṃ vatthuṃ nissāya dutiyabhavaṅgaṃ uppajjati’ tiādivacanato ‘ekacittakkhaṇātītameva nissayoti adhippeta’nti idampi ekacittakkhaṇātītaṃ nissayoti yujjatīti, evaṃ sati ‘tassa anantarapaccayabhūtena bhavaṅgena vā’ ti vacanaṃ yujjeyya, tena hi ‘cittakkhaṇadvayātītampi nissayo’ ti paṭiññātaṃ siyā, tasmā nāyaṃ therassa adhippāyoti dissati. ‘Ekacittakkhaṇātītikamo’ ti ca anāṭṭekacittakkhaṇassa dubbalatāya ekacittakkhaṇātītikamena tassa balavabhāvadvāpanatthaṃ vuccati, na pana dvitacucittakkhaṇātītaṃ nissayabhāvabhāvato. Evañca katvā vuttaṃ **ācariyadhammapālatttherena** ‘sampaṭicchānādīni cutiāsannāni taduddhaṃ kammajarūpassa anuppattito ekasmiṃyeva hadayavattusmiṃ vattantī’ ti, tasmā taṃ therassa manorathamevāti na sārato paccetabbaṃ.

Sahajātesu bahūsu pasādesu kiṃ eko nissayo hoti, udāhu sabbeyevāti? Nanu vuttaṃ ‘pubbe ekampi cakkhu viññānaṃ paccayo hotī’ ti, katamaṃ pana tanti? Yaṃ tattha visadaṃ hutvā rūpābhiggaṭṭanārahaṃ. **Visuddhimaggasīhaḷasaṃvaṇṇanāyaṃ** pana ‘sabbeyeva nissayā hontī’ ti vatvā ‘yadi evaṃ ‘cakkhuñca paṭicca rūpe ca uppajjati cakkhuvīññāna’nti ettha ‘rūpe cā’ ti vacanaṃ viya ‘cakkhūnī’ tipī bahuvacanaṃ kattabanti anuyogaṃ katvā taṃvisodhanatthaṃ ‘sasambhāracakkhudvayanissitaṃ pasādadvayaṃ nissāya ekameva viññānaṃ uppajjatīti gaṇheyyu’nti imaṃ vipaṭṭipattim nirākarontena bhagavatā bahuvacanamakatvā ‘rūpāyatanam cakkhuvīññānadhātuyā taṃsampayuttakānañca dhammānaṃ ārammaṇapaccayena paccayo’ tiādisu (paṭṭhā. 1.1.2) viya sāmāññavasena ekavacanaṃ kata’nti vuttaṃ. **Ācariyadhammapālatttherena** pana tadeva sīhaḷasaṃvaṇṇanāvacanaṃ anicchantena ‘ekampi cakkhu viññānaṃ paccayo hoti, rūpaṃ pana anekameva paccayabhāvavisesato’ ti vuttaṃ. Tathā ceva amhehipi heṭṭhā vibhāvanti. Yesaṃ bhūtānamayaṃ pasādo, teyeva imassa āsannakāraṇanti vuttaṃ ‘daṭṭhu...pe... padaṭṭhāna’nti. Sotapasādādīnampi lakkhaṇādīniddese vuttanayānusārena attha yojetabbo.

658. **Kecīti** mahāsaṅghiyesu ekacce. Cakkhādīsu tejādiadhikāṭā nāma tannissayabhūtānaṃ tadadhikāṭāyāti dassento “**tejādhikāna**”ntiādīmāha. Tattha **tejādhikāna**nti pamāṇavasena catunnaṃ dhātūnaṃ samānabhāvepi kiccavasena tejodhātuadhikānaṃ. Evaṃ sesesupi. **Ākāsa ...pe... sesakāti** ākāśadhikānaṃ bhūtānaṃ pasādo sotam, vāyuadhikānaṃ ghānaṃ, toyādhikānaṃ jivhā, phoṭṭhabbasāṅkhātapathavādhikānaṃ kāyoti attho.

659. Evaṃ pana vadantānaṃ kiṃ uttaranti āha “**te panā**”tiādi. **Suttaṃ āharathāti** na tumhākaṃ vacanamatteneva ayamatto sakkā saddhātuṃ, tassa pana paridīpakaṃ suttamāharatha. Sutte hi āhaṭe tassa neyyatthataṃ nītatthataṃ vicāretvā yadi tassa vasena ayamatto paññāyetha, gaṇheyyāma nanti adhippāyo. **Suttameva...pe... kiñcipīti** ito cito ca suttaṃ gavesamānāpi addhā ekantena kiñcipi ekagāthāpadamattampi tadatthaparidīpakaṃ suttaṃ na dakkhissanteva teṭṭhake buddhavacane tādisasseva suttantassa abhāvato.

660. Kiñcāpi suttantavasena ayamatto na dissatī, yuttito pana dissatī ce, tampi natthīti dassento āha “**visese sati**”tiādi. Bhūtānañhi visese sati pasādo kathaṃ bhava, neva bhaveyya, na ca bhaveyya, kiṃ kāraṇanti āha “**samānānañhi bhūtānaṃ, pasādo paridīpito**”ti. Yasmā samānānameva bhūtānaṃ pasādo porāṇehi paridīpito, na visamānānaṃ. Pathavīdhātuadhikakalāpassa hi kakkhāṭattā, āpodhātuadhikakalāpassa vissandanato, tejodhātuadhikakalāpassa pariggayhamānattā, vāyodhātuadhikakalāpassa ca vissaraṇato na tesu pasādo patiṭṭhātuṃ sakkoti, tasmā tesam kiccato samānānaṃyeva pasādo uppajjeyya, na visamānānanti.

661-2. Yadi evaṃ kathaṃ pasādānaṃ visesatīti āha “**tasmā**”tiādi. Yasmā vuttappakārena pasādavatthukānaṃ bhūtānaṃ visesena na bhavitabbaṃ, tasmā **etesam** pasādaniṣṣayabhūtānaṃ idamūnaṃ, idamadhikanti etaṃ **visesaparikkappaṇaṃ sabbaso** sabbākārena **pahāya ñeyyā kammavisesena pasādānaṃ visesatā**. Yathā avisesepi bhūtānaṃ rūpānaṃ rasādayo aññamaññavisadisā honti, evaṃ cakkhādayopi bhūtavisesābhāvepi aññamaññavisadisā honti. So panāyaṃ visiṭṭhabhāvo kammavisesena viññātabbo. Ekampi hi kammaṃ pañcāyatanikattabhāvapathanānippannaṃ cakkhādivisesahetutāya aññamaññassa asādhāraṇavisitṭhaṃ sāmattiyaṃvisesato. Na hi yena visesena cakkhussa paccayo, teneva sotassa hoti indriyantarabhāvappattito. “Paṭisandhikkhaṇe mahaggatā cetanā kaṭattārūpānaṃ kammaṃpaccayo”ti vacanato paṭisandhikkhaṇe vijjamaññānaṃ sabbesaṃyeva kaṭattārūpānaṃ ekā cetanā kammaṃpaccayo hotīti viññāyati. Nānācetanāya hi tadā indriyupattiyaṃ sati parittena ca mahaggatena ca kammaṃ kaṭattārūpaṃ āpajjeyya, na cekā paṭisandhi anekakammaṃnibbattā hotīti siddhamekena kammaṃ anekindriyupatti hotīti. “**Na hi bhūtavisesena, hoti tesam visesatā**”ti idaṃ nigamanavasena vuttaṃ.

663. Evaṃ kammavisesato visiṭṭhesu ca etesu ārammaṇaggahaṇepi ayaṃ visesoti dassetuṃ “**evametesū**”tiādi vuttaṃ. **Appattagāhaka**nti asampattagāhakaṃ attano nissayena saha anallīyananissaye eva rūpādivisaye viññāṇupattihetubhāvato. Keci pana tampi “**sampattagāhakevā**”ti vadanti, taṃ na sundaraṃ sātāre adhike ca visaye viññāṇupattihetubhāvato. Yadi hi cakkhusotāni sampattavisayameva gaṇhanti, cakkhupasādato vicchinnadesse ṭhitesu tārakādīsu nissayavasena ca pamāṇato adhikesu candamaṇḍalādīsu rūpāyatanesu sotapasādato ca vicchinnadesasambhūtesu udaracammaṃsandhicammādiantaritesu kucchisaddasandhisaddādīsu puthulesu ca samuddasaddādīsu saddāyatanesu viññāṇupatti na siyā sampattagāhakaṃ kāyindriyādīnaṃ tathā adassanato.

Ettha ca vadeyya – adhiṭṭhānato bahindriyassa pavatti hotīti sampattavisayameva yattakaṃ visayaṃ, tattakaṃ visayaṃ gahaṇākāraṃ pharivā gaṇhāti, tasmā asiddhametaṃ “**sātāre adhike ca visaye viññāṇupattihetubhāvato**”ti? Taṃ na, adhiṭṭhānato bahi indriyupattiyā eva abhāvā. Adhiṭṭhānadese eva hi indriyaṃ pavattati tattha kiccādiṭṭhāyogadassanato. Sati ca etassa bahi pavattiyaṃ adhiṭṭhāne pihitepi visayaggahaṇaṃ siyā, tasmā adhiṭṭhānadese ṭhitānaṃyeva cakkhusotānaṃ asampattavisayasseva gahaṇato nāsiddhametaṃ “**sātāre adhike ca viññāṇupattihetubhāvato**”ti. Tenāhu porāṇā –

“Sabbagocarayogepi, diṭṭhaṃ rūparavesu yaṃ;
Vicchinnaputhuviññāṇaṃ, sampattagāhabādhaka”nti.

Tassattho – sabbesaṃ cakkhādīnaṃ gocarena rūpādīnā yoge ekakāriyasādhakattā sambandhe ghaṭṭane vā samāne sati **rūparavesu** rūpasaddāyatanesu visayabhūtesu cakkhādīto dūrabhāvena ceva kenaci anantaritabhāvena ca vicchinnesu pamāṇato puthulesu ca visayesu uppajjamānaṃ yaṃ viññāṇaṃ, taṃ cakkhusotānaṃ sampattagāhassa sampattagāhassa bādhakanti.

Apica yadi cakkhu sampattagāhakaṃ siyā, attano maṇḍale ṭhitaṃ vaṇṇampi passeyya. Tathā akkhipuṭe añjanaṃ pakhumamūle akkhivaṇṇaṃ pakhumamūle ghaṭṭiyamānaṃ añjanasālākampi passeyya, na ca panetaṃ dissati, tasmā tannissaye dese ṭhitameva visayaṃ gaṇhāti. Soṭāyatanampi yadi sampattagāhakaṃ abhavissa, cittasamuṭṭhānaṃ saddāyatanam sotaviññāṇassa kadācipi ārammaṇapaccayo na siyā. Na hi bahiddhā cittasamuṭṭhānaṃ uppatti atthi.

Paṭṭhāne ca “saddāyatanam sotaviññānadhātuyā ārammaṇapaccayena paccayo”ti (paṭṭhā. 1.1.2) aviseseneva saddassa sotaviññānārammaṇabhāvo vutto. Kiñca yadi sotaṃ sampattaggāhakaṃ siyā, attano visayapadeseyeva gahetabbato gandhassa viya saddassāpi disādesavavathānaṃ na siyā. Evañca saddānusārena kaṇḍaṃ pātentassa saddavedhino attano kaṇḍabileyeva sarapātaṇaṃ siyā, tasmā yattha uppanno saddo, tattheva ṭhito sotapathe āpāthamāgacchati.

Yadi evaṃ kathaṃ dūre ṭhitehi rajakādisaddā cirena suyyanti. Asampattaggāhakatte hi dūrāsannadesavattīnaṃ samakameva savanena bhavitabbanti? Nayidamevaṃ dūrāsannānaṃ yathāpākaṭṭe sadde gahaṇavisesato. Yathā hi dūrāsannānaṃ vacanasadde yathāpākaṭṭe gahaṇavisesato akkharavisesanaṃ gahaṇaṃ, aggahaṇaṃ hoti, evaṃ rajakādisaddepi āsanassa ādito pabhuti yāva avasānā kamena pākaṭṭbhūte, dūrassa ca avasāne, majjhe vā piṇḍavasena pavattipākaṭṭbhūte yathāpākaṭṭaṃ nicchayaggāhakaṇaṃ sotaviññānaviṭhiyā parato pavattānaṃ manodvārikajavanānaṃ gahaṇavisesato lahukaṃ suto, cirena sutoti abhimāno hoti. Sotaviññānappavatti pana ubhayattha samānā saddassa uppannadese ṭhitassa attano vijjāmānakkhaṇeyeva sotāpāthagamanato. Yadi saddassa bhūtaparamparāya samantato pavatti natthi, kathaṃ paṭighosuppattīti? Dūre ṭhitopi saddo aññattha paṭighosuppattiyā, bhājanādicalanassa ca paccayo hoti ayokanto viya ayocalanassāti daṭṭhabbaṃ.

Sesaṃ...pe... gāhakanti yaṃ pana avasesaṃ ghānajivhākāyasaṅkhātāṃ pasādattayaṃ, taṃ sampattaggāhakaṃ hoti nissayavasena ceva sayañca attano nissaye allīneyeva visaye viññānuppattihetubhāvato. Gandharasānaṃ nissayesu ghānajivhānissayehi saha allīnāyeva gandharasā viññāyanti. Phoṭṭhabbañca bhūttattayarūpaṃ kāyanissayena allīnameva viññāyati.

Vaṇṇavikāramāpajjamānanti dosādīhi kāraṇehi amanāpavaṇṇassa uppattivaseṇa vaṇṇavikāraṃ āpajjamānaṃ. **Hadayaṅgatabhāvanti** cittagataṃ ajjhāsayaṃ. **Pakāsetīti** rūpamiva pakāsaṃ karoti, saviggahamiva dassetīti attho. Anekathattā hi dhātūnaṃ pakāsanattho eva rūpa-saddo daṭṭhabbo. Taṃ pana rūpanti sambandho. Cakkhumhi, cakkhussa vā paṭihananaṃ lakkhaṇametassāti **cakkhupaṭihananalakkhaṇaṃ**. Evaṃ **sotapaṭihananalakkhaṇanti**ādīsūpi. Paṭihananañcettha visayavisayānaṃ aññamaññābhimukhabhāvo yogyadesāvattīhānaṃ paṭighāto viyāti katvā. Yathā paṭighāte sati dubbalassa calanaṃ hoti, evaṃ visayābhimukhabhāve sati visayino taṃsambandhassa ca vatthurūpassa, tannissitassa ca bhavaṅgassa calanaṃ hoti. So rūpassa cakkhumhi, cakkhussa vā rūpe hoti. Tenāha “yamhi cakkhumhi anidassanaṃ sappaṭighaṃhi rūpaṃ sanidassanaṃ sappaṭighaṃ paṭihaññi vā, yaṃ cakkhu anidassanaṃ sappaṭighaṃ rūpaṃhi sanidassanaṃhi sappaṭighaṃhi paṭihaññi vā”ti (dha. sa. 597) ca ādi. **Visayabhāvo** ārammaṇapaccayatā. **Gocarabhāvapaccupaṭṭhānanti** ettha anaññāthābhāvo visayatā, tabbahulatā gocarabhāvoti ayaṃ visayagocarānaṃ viseso. **Saddāyatīti** udāharīyati, sakehi vā paccayehi sotaviññeyyabhāvaṃ upanīyatīti attho. **Attānaṃ gandhayatīti** sugandhaṃ, duggandhanti vā attānaṃ pakāseti. Tenāha “**sūcayati**”ti.

664. Itthiyā eva indriyaṃ **itthindriyaṃ**. Yathā cakkhādīni indriyāni purisassapi honti, nayidaṃ tathā. Idaṃ pana niyamena itthiyā eva hoti, tasmā “itthindriya”nti vuccati. Evaṃ purisindriyepi. Itthiyā bhāvo, itthīti bhavati etena cittaṃ, abhidhānaṃ vāti **itthibhāvo**. **Paṭisandhisamuṭṭhitoti** paṭisandhiyaṃyeva samuṭṭhito, paṭisandhicittena saha ekakkhaṇe samuṭṭhito. Etena ṭhapetvā līngaparivattanaṃ cakkhundriyādīni viya imassa apātubhāvamāha. **Yañcetam itthilīṅgādīti** yaṃ panetaṃ indriyaphalabhūtaṃ itthilīṅgādī. **Ādi**-ggahaṇena itthinimittaitthikuttaitthākappānaṃ saṅgaho. Tattha visadaavisadahatthapādādītā saṅghānaṃ **itthilīṅgaṃ**. Itthīnañhi hatthapādagīvāuraādisaṅghānaṃ na purisānaṃ viya hoti. Tathā hi tāsāṃ heṭṭhimakāyo visado, uparimakāyo avisado, hatthapādā khuddakā, mukhaṃ khuddakaṃ, thanamaṃsā avisadā, tā nimmassudāṭṭhikā. Kesabandhavatthaggahaṇaṃ **itthinimittam**. Daharakālepi suppakamusalakādīhi kīḷā makacivākena suttakantananti ca evamādi **itthikuttaṃ**, itthikiriyāti attho. Avisadaṭṭhānagamanādiākāro **itthākappo**. Purisampi hi avisadaṃ disvā mātugāmo viya tiṭṭhati nipajjati nisīdati khādāti bhuñjatīti vadanti. Idaṃ pana itthilīṅgādīparidīpanaṃ akusalanti vatvā aññāthāpi vaṇṇenti ācariyā. Kathaṃ? Yonipadeso itthilīṅgaṃ, sarādhīppāyā itthinimittam, avisadaṭṭhānagamanādayo itthikuttaṃ, itthisaṅghānaṃ itthākappoti. Ettha ca adhippāyo nāma purisasmim methunataṅhā. Sā hi tāsāṃ niccaṃ balavataṛā pavattati, ato sāpi itthīti sañjānanassa nimittatāya “itthinimitta”nti vuccati. Kiñcāpi itthīti saññānaṃ nimittatāya kuttākappānampi nimittēyeva antogadhatā, tathāpi tesāṃ visuṃ gahaṇato sarādhīppāyā eva nimittabhāvena adhippetā.

665. Kiṃ panetaṃ itthilīṅgādī itthindriyaṃ viya paṭisandhisamuṭṭhitam hotīti āha “**itthindriyaṃ paṭicevā**”tiādi. Kiñcāpi hi itthilīṅgādīni yathāsakaṃ kammādīnā paccayena samuṭṭhahanti, yebhuyyena pana itthindriyasahiteyeva santāne taṃtadākārā hutvā sambhavanti, itarattha ca na bhavanti tesāṃ tabbhāvabhāvitam upādāya “itthindriyaṃ paṭiceva jāyanti”ti vuttāni. Evañca katvā vakkhati “itthi...pe... kāraṇabhāvapaccupaṭṭhāna”nti. Idīseneva kāraṇabhāvasaṅkhātēna adhipatibhāvena tassa indriyatā vuttā indriyasahite santāne itthilīṅgādīākārārūpapaccayānaṃ aññāthā anuppādanato, na pana indriyādipaccayasambhavato. Tathā hetam jīvitindriyaṃ viya ekakalāpagatānaṃ āhāro viya kalāpantararūpānaṃ upatthambhakamanupālakaṃ vā na hoti. Evañca

katvā jīvitindriyāāhārānaṃ viya imassa indriyapaccayatā, atthiavigatapaccayatā ca pāliyaṃ na vuttā. Yasmā paccayantarādhīnāni itthiliṅgādīni, tasmā yatthassa ādhipaccaṃ, taṃsadisesu matacittakatarūpesupi taṃsaṅghānātaṃ dissati. Yasmā panete itthindriyaṃ paṭicca jāyantāpi gabbhaseyyakānaṃ paṭisandhiyaṃ na samuṭṭhahanti, pavatteyeva samuṭṭhahanti, tasmā āha “**pavatte...pe... paṭisandhiya**”nti.

666-7. Saṃsedajaopapātikānaṃ pana kiñci itthindriyena saha paṭisandhiyameva nibbattati. **Na cāti** ca-kāro vacanīyantarasamuccaye. “Kiñcā”ti imassa atthe daṭṭhabbo. Yasmā liṅgādīākāresu rūpesu rūpāyatanaṃ cakkhuvīññeyyaṃ, tasmā āha “**itthiliṅgādayo cakkhuvīññeyyā hontī**”ti. Yasmā pana tato aññāni yathāyogaṃ sotavīññeyyāni ceva manovīññeyyāni ca, tasmā vuttaṃ “**na vā**”ti. Yathāvutto papañco purisindriyepi yathāsambhavaṃ yojettabboti atidesaṃ karonto āha “**esevā**”tiādi. **Sesepīti** ettakeyeva vutte ito sesesu sabbesupīti kadāci koci cinteyyāti āha “**purisindriye**”ti. **Paṭhamakappānanti** paṭhamakappikanarānaṃ. Tesāñhi ābhassaralokato cavivā idhūpapannānaṃ dīghassa kālassa accayena oḷārikaṃ āhāraṃ āharataṃ muttakārīsesu sañjātesu tesāṃ nikkhamaṇatthāya vaṇamukhāni bhijjanti, purisassa purisabhāvo, itthiyā ca itthibhāvo pāturahosi. Tathā hi purimattabhāvesu pavattaupacārajhānānubhāvena yāva sattasāntāne kāmarāgavikkhambhanavego na paṭipassambhati, na tāva balavakāmarāgūpanissayāni itthipurisindriyāni pāturahesuṃ. Yadā panassa vicchinatāya balavakāmarāgo laddhāvasaro ahosi, tadā tadūpanissayāni tāni sattānaṃ santāne sañjāyanti.

668. Paratoti paṭhamakappato aparabhāge. **Pavatte...pe... parivattatīti** yathā taṃ soreyyakaseṭṭhiputtassa viyāti adhippāyo. Api-saddena paṭhamapārājikāyaṃ vinītavatthupāliyaṃ āgatabhikkhussa, bhikkhuniyā viya ca paṭisandhiyaṃ samuṭṭhitassapi pavatte parivattanaṃ dīpeti. Yathāha –

“Tena kho pana samayena aññatarassa bhikkhuno itthiliṅgaṃ pātubhūtaṃ hoti. Tena kho pana samayena aññatarissā bhikkhuniyā purisalīngaṃ pātubhūtaṃ hotī”ti (pārā. 69).

Yassa pana paṭisandhiyaṃ dvīsu ekampi na samuṭṭhitaṃ, so abhāvako nāma, tassa pavattiyampi indriyuppatti na hotīti daṭṭhabbaṃ.

669. Kiṃ panetassa ubhayassapi nibbattiyā, vināsanassa ca kāraṇaṃ, yato idaṃ samuṭṭhāti, parivattatīti ca vuccatīti imaṃ anuyogaṃ manasi katvā āha “**mahatā pāpakammenā**”tiādi. Tattha **mahatāti** paradārikakammādinā mahābalena. **Pāpakammena** upanissayabhūtena. **Mahatā kusalenevāti** idaṃ sugatiṃ sandhāya vuttaṃ. Duggatiyaṃ pana ubhayampi akusalakammeneva jāyati.

670. Indriye vinaṭṭhe ekanteneva liṅgampi vinassatevāti āha “**itthiliṅgaṃ vinassatī**”ti. Ayaṃ panettha adhippāyo daṭṭhabbo – imesu dvīsu purisindriyaṃ uttamaṃ, itthindriyaṃ hīnaṃ, purisindriyassa antaradhānaṃ mahantena akusalena kammaṃ hoti, samuṭṭhānaṃ mahantena kusalakammaṃ, itthindriyassa antaradhānaṃ dubbalākusalena, samuṭṭhānampi dubbalakusalena, duggatiyaṃ pana ubhayassāpi antaradhānaṃ, samuṭṭhānañca akusaleneva hotīti. Yadi sugatiyaṃ itthindriyampi kusaleneva nibbattati, kathañcarahi “paradārikakammaṃ katvā niraye paccitvā teneva pāpakammena pañcasatakkhattuṃ manussaloke itthī hutvā nibbattatī”tiādivacananti? Nāyaṃ virodho nissandaphalavasena vuttattā. Tathā hi paṭisandhiyaṃ tāva purisindriyanibbattanārahampi kammaṃ kadāci paradārikādinā balavapāpakammaṃ paṭibāhitasāmatthiyaṃ assa, tadā attano purisindriyanibbattane asamattatāya itthindriyameva nibbatteti. Pavattiyaṃ pana attano balavabhāvena itthindriyūpanissayaṃ paradārikamakusalakammaṃ paṭibāhitvā paṭisandhito paṭṭhāya purisindriyaṃ samuṭṭhāpentaṃ kadāci laddhasāmaggitāsañjātabalavisesena paradārikādinā kammaṃ paṭibāhitasāmatthiyaṃ bhavēyya, tadā attano dubbalatāya purisindriyaṃ na nibbatteti, itthindriyameva nibbatteti. Evaṃ paradārikādīkammūpanissayena itthindriyassa nibbattanato taṃ tena nibbattitaṃ katvā vuccati.

671-2. Yadā pana taṃ kammaṃ puna sāmaggipaṭilābhato, parikkhīṇapāpakammaṃ tāya vā balavappattaṃ abhaviṣṣa, tadā dinnavedhaṃ viya rukkhaṃ tadapagame attano balānurūpaṃ purisindriyaṃ nibbatteti, itthindriyaṃ pana attano kāraṇābhāvato nuppajjati. Ubhayassa pana nibbattiyampi visadisindriyanibbattanato pure sattarasamacittassa ṭhītikālamupādāya taṃtaṃsamuṭṭhāpakakammaṃ taṃ taṃ indriyaṃ na janeti. Sattarasamacittena saha uppannaṃ visadisindriyuppattito purimacittena saha nirujjhati. Yadi hi sattarasamacittuppādato parampi uppajjēyya, itaraṃ nuppajjati ekasmiṃ santāne dvinnāṃ sahuṃpattiyā anicchittatā. Teneva hi “yassa vā pana purisindriyaṃ uppajjati, tassa itthindriyaṃ uppajjati”ti (yama. 3.indriyayamaka.188) imasmiṃ pañhe “no”ti (yama. 3.indriyayamaka.188) paṭikkhepo katoti. Evañca katvā vakkhati “**ubhatobyañjanassāpi**”tiādi. Ekasmiñca niruddhe tappaṭibaddhāni liṅgādīni katipayadivasehi nirujjhanti, tesu niruddhesu itarāni anukkamaṃ jāyantīti ācariyā. Itthinimittuppādakakammato, purisanimittuppādakakammato vāti ubhato duvidhaṃ byañjanamassāti ubhatobyañjano. **Tassāpīti** yassa duvidhaṃ byañjanamatthi, tassāpi ekameva indriyaṃ siyā, kiṃ pana itarassāti dasseti.

Nanu ca duvidhe byañjane sati indriyadvayenāpi bhavitabbaṃ, byañjanañhi taṃ taṃ indriyaṃ paṭicca jāyatīti? Saccam jāyati, etthāpi itthiubhatobyañjanassa itthindriyaṃ paṭicca itthinimittameva yāvajīvaṃ pavattati, purisaubhatobyañjanassa purisindriyaṃ paṭicca purisanimittameva, itaraṃ pana na tassa itthindriyapurisindriyahetuto jāyati. Taṃ pana yena kāraṇena hoti, taṃ dassetuṃ “evaṃ sante”ti anuyogaṃ katvā “**na cābhāvo**”tiadinā sodhanaṃ tu vuttaṃ. **Evam sante**ti ekasmiṃyeva indriye sati. **Abhāvo cāti** yaṃ paṭicca jāyati, tassa abhāvato purisaubhatobyañjanassa itthibyañjanābhāvo, itthiubhatobyañjanassa purisabyañjanābhāvoti attho. **Na cābhāvo siyāti** neva dutiyabyañjanassa abhāvo siyā. **Na taṃ byañjanakāraṇanti** taṃ indriyaṃ dutiyabyañjanakāraṇam na hoti. Kasmā? Sadā abhāvato. Itthiubhatobyañjanassa hi yadā itthiyā rāgacittam uppajjati, tadā purisabyañjanam pākātam hoti, itthibyañjanam paṭicchannaṃ gulhaṃ hoti, tathā itarassa itaraṃ. Yadi ca tesam indriyaṃ dutiyabyañjanakāraṇam bhaveyya, sadāpi byañjanadvayaṃ tiṭṭheyya, na pana tiṭṭhati, tasmā veditabbametam “na tassa taṃ byañjanakāraṇa”nti. Kiñcaraḥi kāraṇanti ce? Āha “**tassā...pe... kāraṇa**”nti. Tattha **kammasahāyanti** purimabhavasiddhassa indriyanibbattakammassa sahāyam. **Rāgacittanti** itthiyā purisasmim, purisassa itthiyaṃ vā uppannam methunarāgacittam. Tasmīñhi uppanne taṃ pākātam hoti, tasmim paṭippassaddhe paṭicchannaṃ hoti. Yasmā panimassa ekameva indriyaṃ hoti, tasmā itthiubhatobyañjanako sayampi paraṃ uddissa gabbham gaṇhāti, attānam uddissa parampi gaṇhāpeti. So hi itthindriyavantatāya sayam gaṇhāti, paresu upakkamakaraṇato paraṃ gaṇhāpeti. Purisaubhatobyañjanako paresu upakkamakaraṇato paraṃ gabbham gaṇhāpeti, sayam pana purisindriyavantatāya gabbham na gaṇhāti.

Yasmā itthindriye sati itthilingādayo honti, tesu ca santesu itthīti pakāso hoti, tasmā taṃ tassa pakāsanakāraṇanti āha “**itthīti pakāsanarasa**”nti. Duvidhampi panetaṃ indriyaṃ kāyapasādo viya sakalasarīrabhyāpakameva, na cassa kāyapasādena saṅkaro lakkhaṇabhedato, nissayabhedato ca.

673. Sahajarūpaparipālanalakkhaṇanti yathā attanā sahajātarūpāni tīsu khaṇesu pavattanti, evam anupālanalakkhaṇam. Jīvitindriyassa ekantakammajattā sahajaggahaṇeneva anupāletabbānampi kammajabhāvova siddhoti kammajaggahaṇam na kataṃ. Yathāsakaṃ khaṇattayamattaṭṭhāyīnampi kammajarūpānam pavattihetubhāveneva taṃ anupālakaṃ. Tenāha “**tesam pavattanarasa**”nti. Pavattanañcettha vuttanayena tesam yāpanam ṭhapanam ṭhitihetukatā. Na hi kammajānam kammameva ṭhitihetu bhavitum sakkoti āhārajādīnam āhārādi viya. Kiṃ kāraṇam? Tañkhaṇābhāvato. Kammañhi niruddham rūpassa paccayo hoti, tato taṃsamuṭṭhānarūpāni matapitikā viya puttā cūlapitūādinissayena aññanissayeneva pavattanti, aññāñca tesam yāpanasamattham natthi aññatra jīvitindriyenāti tadeva tesam pavattanarasam. Āhārajādayo pana dharamānakapitikā viya puttā aññanirapekkhā sakasakapaccayavaseneva pavattanti. Āhārādayo hi attano atthikkhaṇeyeva rūpāni samuṭṭhāpetvā tesam ṭhitipavattiyāva tiṭṭhanti, tato taṃsamuṭṭhānāni jīvitindriyanirapekkhāni. Sesānipi taṃtaṃpaccayavaseneva tiṭṭhantīti na aññam ṭhapanakāraṇam paccāsīnti. Kammasamuṭṭhānampi cetam uppādato paṭṭhāyeva anupālakaṃ. Yāpetabbāni pavattetabbāni sahajātabhūtāni padaṭṭhānametassāti **yāpetabbabhūtapadaṭṭhānam**.

674. Manoviññāṇadhātūti ṭhāpetvā arūpāvacaravipākamanoviññāṇadhātum avasesā manoviññāṇadhātu. Tenāha “**pañcavokāre**”ti. Pañcavokāre manodhātu, manoviññāṇadhātuyo ca yaṃ rūpaṃ nissāya pavattanti, taṃ “vatthū”ti pavuccatīti sambandho. **Pañcavokāreti** ca visesanaṃ manoviññāṇadhātuvaseṇa kataṃ, manodhātu pana catuvokārabhave nattheva. Pāḷiyam anāgatassāpi hadayavatthuno āgamato, yuttito ca atthibhāvo viññātabbo. Tattha āgamo tāva –

“Yaṃ rūpaṃ nissāya manodhātu ca manoviññāṇadhātu ca pavattanti, taṃ rūpaṃ manodhātuyā ca manoviññāṇadhātuyā ca taṃsamyuttakāñāñca dhammānam nissayapaccayena paccayo”ti (paṭṭhā. 1.1.8) –

Evamādi paṭṭhānavacanaṃ. Yutti pana evam veditabbā – nipphannaupādāyarūpanissayam dhātudvayaṃ pañcavokārabhave rūpaṭṭhābaddhavuttittā. Yaṃ yañhi rūpaṭṭhābaddhavutti, taṃ taṃ nipphannaupādāyarūpanissayam dissati yathā cakkhuvīññāṇadhātu. Tattha na tāva rūpātanādīnam, oḷāya ca tannissayatā yujjati indriyapaṭṭhābaddhato bahipi tesam pavattidassanato, nāpi itthindriyapurisindriyānam tadubhayavirahite abhāvakasantānēpi dhātudvayadassanato. Jīvitindriyassāpi sahajaparipālanalakkhaṇakiccantaram vijjati na tannissayatā yujjati. Tañhi kiccantare pasutaṃ na imāsam nissayo bhavitum sakkoti, tasmā pārisesato tesam nissayo hadayavatthu nāma atthīti viññātabbam. Hotu tāva dhātudvayanissayo vatthu, upādāyarūpañca, taṃ panetaṃ kammasamuṭṭhānam paṭṭhāyatakiccaṃ hadayappadesa ṭhitamekanti daṭṭhabbam. Kathametaṃ viññāyatīti? Vuccate – vatthurūpabhāvato kammasamuṭṭhānam cakkhu viya. Yañhi viññāṇassa vatthubhūtam rūpaṃ, taṃ kammasamuṭṭhānam yathā cakkhupasādo, tato eva paṭṭhāyatakiccaṃ aṭṭhim katvā manasi katvā sabbam cetasā samannāharitvā kiñci cintentassa hadayappadesassa khijjanato tatthedaṃ tiṭṭhatīti viññāyati. Yathāhu ācariyā –

“Kammajam vatthubhāvā taṃ, cakkhumva niyatakriyam;
Cintāya ca urokhedā, tatra tiṭṭhanti vijāniya”nti.

Yadi manodhātumanoviññādhātūnaṃ nissayabhūtaṃ hadayavatthu nāma atthi, kasmā panetaṃ rūpakaṇḍe na vuttaṃ. Na hi labbhamānassa avacane kāraṇaṃ atthīti? No natthi kāraṇantarasambhavato. Kiṃ pana taṃ kāraṇaṃ? Desanābhedo. Yathā hi cakkhuvīññāḍīni ekantato cakkhādinissayāni, na evaṃ manoviññāṇaṃ ekantena hadayavatthunissitaṃ pañcavokārabhaveyeva tannissayattā, ekantena nissitavaseneva ca vatthudesanā pavattā. “Atthi rūpaṃ cakkhuvīññāṇassa vatthu, atthi rūpaṃ cakkhuvīññāṇassa na vatthū” tiādinā (dha. sa. 584) cakkhuvīññāḍīhi nissitehi visesitattā. Yampi ekantena hadayavatthunissayaṃ tassa vasena “atthi rūpaṃ manoviññāṇassa vatthū” tiādinā dukāḍīsu vuccamānesu na tadanugunā ārammaṇadukādayo sambhavanti. Na hi “atthi rūpaṃ manoviññāṇassa ārammaṇaṃ, atthi rūpaṃ na manoviññāṇassa ārammaṇa” nti sakkā vattunti vatthārammaṇadukā bhinnagatikā siyūṃ, na ekarasaṃ desanā bhaveyya, ekarasaṃca desanaṃ desetūṃ tattha bhagavato ajjhāsayo, tasmā tattha hadayavatthu na vuttaṃ, na alabbhamānattā. Esā hi bhagavato pakati, yaṃ ekaraseneva desanaṃ desetūṃ labbhamānassāpi kassaci aggahaṇaṃ. Tathā hi nikkhepakaṇḍepi cittuppāḍavibhāgena avuccamānattā avitakkāvicārapadavisajjane vitakko vicāro cāti vattūṃ na sakkāti avitakkāvicāramattapadavisajjane labbhamānopi vitakko na uddhaṭṭo, aññāthā “vitakko cā” ti vattabbaṃ siyāti. Nissayabhāvato upari āropetvā vahantaṃ viya paccupaṭṭhātīti **ubbāhanapaccupaṭṭhānaṃ**.

675. Catūsu āhāresu idha rūpādhikāro kabaḷīkāro āhāro gahettabboti āha “**āhāratāti kabaḷīkāro āhāro**” ti. Tattha kabaḷaṃ karīyatīti **kabaḷīkāro**. Āharīyatīti **āhāro**, kabaḷaṃ katvā ajjhoharīyatīti attho. Idañca savatthukaṃ katvā āhāraṃ dassetuṃ vuttaṃ. Kabaḷīkārahārassa pana oḷā idha āhāro nāma. Tenāha “**yāya oḷāyā**” tiādi. So ca rūpāharaṇasabhāvo upatthambhanabalakaro aṅgamaṅgānusārīrasāharaṇabhūto bhūtanissito eko viseso. Bāhirāhārapaccayaṃ paṭilabhītvā eva ajjhattikāhāro rūpaṃ uppādetīti ayaṃ ajjhattikāhārassa upanissayabhāvenāpi rūpaṃ āharatīti āha “**oḷāṭṭhamakaṃ rūpaṃ āharatī**” ti. Oḷā aṭṭhamā yassa taṃ **oḷāṭṭhamakaṃ**. **Yāya oḷāyāti** attano udayānantaraṃ rūpajananato oḷāsāṅkhātāya odanakummāsādivatthugātāya yāya pharaṇaoḷāya. **Yattha yatthāti** yamhi yamhi janapade, nagarāḍīsu ca. “**Kabaḷīkāro āhāro**” ti **pavuccati** tabbatthukattāti adhippāyo.

676. Kiṃ pana vatthuno kiccaṃ, kiṃ oḷāyāti ce? Parissayaharaṇaṃ vatthussa kiccaṃ, pālaṇaṃ oḷāyāti dassento āha “**annapānādika**” tiādi. **Aggiṃ haratī kammajanti** kammajatejaṃ gaṇhāti. Antokucchiyañhi odanādivatthusmiṃ asatī kammajatejo uṭṭhahītvā udarapaṭalasaṅkhātāmuḍādinnaṃ rūpaṃ gaṇhāti, “chātomhi, āhāraṃ me dethā” ti vadāpeti, bhuttakāle udarapaṭalaṃ muñcītvā anupādinnaṃ kavatthūṃ gaṇhāti, atha satto ekaggo hoti. Yathā hi chāyārakkhaso chāyāpaviṭṭhaṃ disvā gahetvā devasaṅkhalikāya bandhītvā attano bhavane modanto chātakāle āgantvā sīse dāmsati, so datṭhattā viravati, taṃ viravaṃ sutvā sace aññepi manussā āgacchanti, so āgatāgate gahetvā khādītvā sakabhavane modati, evaṃ yaṃ yaṃ annapānādikaṃ vatthu, taṃ taṃ kammajatejo gahetvā jīrāpetvā puna udarapaṭalaṃ gaṇhāti, tasmā annapānādikaṃ vatthu attano udarapaṭalaṃ paviṭṭhakāle upādinnaṃ kāyaṃ gahetvā ṭhitaṃ tato mocetvā attānaṃ gaṇhāpanavasena taṃ attano santikaṃ haratī. **Kevalanti** oḷāviyuttaṃ vatthu jīvitāṃ kammajabhūtaṃ taṃ pāletuṃ na sakkoti.

677. **Oḷā...pe... pācakanti** oḷā jīvitāṃ pāletuṃ sakkoti, kammajaṃ tejaṃ harituṃ na sakkoti āmāsayaṃ apuññatoti adhippāyo. **Upatthambhanapaccupaṭṭhānoti** oḷāṭṭhamakarūpāharaṇavaseneva imassa kāyassa upatthambhanavasena paccupaṭṭhāti. **Kāyenāti** rūpakāyena. **Attano bhāvanti** attano adhippāyaṃ. **Viññāpentānanti** paresaṃ saññāpentānaṃ. **Kāyaggahaṇānusārenāti** phandamānakāyagatavaṇṇassa gahaṇabhūtaṃ cakkhuvārikajavanānantarappavattānaṃ nicchayaggahaṇasaṅkhātānaṃ manodvārikajavanānaṃ anussaraṇena tesāṃ anantaranti attho. Pañcadvāre hi rūpādiārammaṇe āpāthagate yathāpaccayaṃ kusalākusalajavane uppajjītvā bhavaṅgaṃ oṭiṇṇe manodvārikajavanaṃ tadevārammaṇaṃ katvā bhavaṅgaṃ otarati, puna tasmīmyeva dvāre visayaṃ vavathāpetvā javanaṃ bhavaṅgaṃ otarati, tasmā cakkhuvārikajavanānantarappavattānaṃ dvinnāṃ javanavārānaṃ antaraṃ tatiyavāre pavattāya manodvārajavanavīthiyā eva **gahīyā etāya** karaṇabhūtaṃ catutthavāre manodvāre javaneneva bhāvo viññāyati. Etena viññāti-saddassa karaṇasādhanatā vuttā. **Sayaṃ vāti** tiādinā pana kammaśādhanaṃ.

Evaṃ viññāti-saddassa kārakadvāye sambhavaṃ dassetvā idāni kāya-saddena saha kammadhārayasamāsaṃ dassetuṃ, “kāyo” ti vohārassa viññātiyampi ca pavattīṃ dassento “**kāyena saṃvaro**” tiādisuttamāha. **Kāyavipphandanena adhippāyaviññāpanahetuttāti** vipphandamānakāyena karaṇabhūtena adhippāyaviññāpanahetubhāvato kāyena viññātiṭṭipi kāyaviññātiṭṭi sambandho. Ayaṃ panettha attho – viññātiyā kāyavipphandanassa hetubhāvato taṃhetukaṃ kāyavipphandanasaṅkhātāṃ kāyaṃ gahetvā adhippāyajānanato viññāti adhippāyaviññāpanassa karaṇabhāvena gayhatīti kāyena adhippāyaṃ viññāpetīti. Tathā kāyavipphandaṃ gahetvā tassa kāraṇamettha atthīti viññātiyā gayhamānattā sayañca kāyena viññāyati, tasmā kāyena viññātiṭṭipi kāyaviññātiṭṭi.

678. **Cittajāniladhātuyāti** abhikkamāḍipavattakacittasamuṭṭhānavāyodhātuyā. **Ākāravikāratāti** ākārabhūto vikāro. Kassa pana sā ākāravikāratāti? Sāmatthiyato vāyodhātuadhikānaṃ cittajamāhābhūtānaṃ. Kiṃ taṃ sāmatthiyaṃ? Calanahetutā, cittajatā, upādāyarūpatā ca. Atha vā cittajāniladhātuyā ekā ākāravikāratāti sambandho. Na kevalañhi sāmivacanaṃ calanasambandhāpekkhāya eva, atha kho ākāravikārasambandhāpekkhāyapīti.

Yadi evaṃ, kathaṃ viññattiyā upādāyarūpattaṃ. “Cittajāniladhātuyā”ti hi vacanena vāyodhātuyāva ākāravikāratā viññatti āpajjati, na ca ekabhūtanissitaṃ upādāyarūpaṃ nāma atthi “catunnaṃ mahābhūtānaṃ upādāyarūpa”nti (dha. sa. 584) vacanatoti? Nāyaṃ doso, catunnaṃ vikāratā catūsu ekassapi hoti catusādhāraṇadhaṇaṃ viya. Aniladhātuadhikakalāpo vā idha “aniladhātu”ti vuccati, tadadhike taṃvohārato yathā sambhāradhātuyā adhikabhāvena pathavīvohāro, tasmā vāyodhātuadhikānaṃ cittajamaḥbhūtānaṃ ekā ākāravikāratā kāyaviññattīti na koci virodho. Adhikātaṃ cassā sāmattthiyato daṭṭhabbā, na pamāṇato. Itarathā hi tesam avinibbhogavuttitā na yujjeyya. Adhikātaṃ hi attano adhikavasena itarehi vinibbhogappavattito hoti. Sāmattthiyādhikañca kāraṇānukāritāya. Kāraṇaṃhi abhikkamānipavattakaṃ cittaṃ, taṃ calanādhīppāyasabhāvaṃ tato samuṭṭhite kalāpe anukaronte vāyodhātuyā eva adhikattaṃ yuttanti. Keci pana “vāyodhātuyā eva ākāravikāratā”ti gaṇhanti, tesam matena upādārūpattaṃ durūpapannaṃ. Na hi ekassa vikāro catunnaṃ upādārūpanti sakkā vattaṃ.

Kīdisī panāyaṃ vikāratāti āha “**sahajātassa rūpassa calane hetu**”ti. Tattha **sahajātassā**ti attanā sahajātassa. Yasmā utucittāhārājānaṃ calanaṃ cittajarūpasambandheneva hoti, nadīsotacalanena tattha pakkhittasukkhagomayapiṇḍādināṃ viya. Viññattivasena pana cittajānameva calanaṃ, tasmā vuttaṃ “sahajātassā”ti. **Rūpassā**ti rūpakāyassa. **Calaneti** santhambhanasandhāraṇacalanasaṅkhāte calitabhāve. Santhambhanādīkampi hi calanābhīmukhatāya calananti yujjati. **Hetu**ti hetubhūtā sahakārīkāraṇabhūtā. Ettāvataṃ ca kiṃ vuttaṃ hoti? Kāyaviññatti nāma neva phandamānarūpakāyo, na ca phandamānā vāyodhātu, atha kho mahantaṃ pāsānaṃ ukkhipantassa sabbathāmena gahaṇakāle sarīrassa ussāhanavikāro viya rūpakāyassa paripphandaṇapaccayabhāvena labbhamāno eko ākāravikāro kāyaviññatti nāmāti vuttaṃ hoti.

Nanu ca phandamānavañṇādivinimutto koci vikāro atthi, tassa vaṇṇaggahaṇānantaraṃ gahaṇaṃ hotīti kathametaṃ viññāyatīti? Adhīppāyaggahaṇato. Na hi viññattīvikārahitesu rukkhacalanādīsū adhīppāyaggahaṇaṃ dīṭṭhaṃ, hatthacalanādīsū pana dīṭṭhaṃ, tasmā phandamānavañṇādivinimutto koci vikāro atthi adhīppāyassa viññāpakoti sampañcchītabbameṭaṃ ekantena. Nāpako ca hetu sayam gahitoyeva attano nāpetabbamatthaṃ nāpeti, na vijjamaṇamattenāti. Nāpetabbavaṇṇaggahaṇānantaraṃ vikāraggahaṇampi anumānato siddhaṃ. Tathā hi vadanti –

“Visayattamanāpanā,
Saddā nevatthabodhakā;
Na sattāmatto atthe,
Te aññatā pakāsakā”ti.

Yadi vikāraggahaṇameva kāraṇamadhīppāyaggahaṇassa, kasmā aggahitasāṅketānaṃ adhīppāyaggahaṇaṃ na hotīti? Na kevalaṃ vikāraggahaṇameva adhīppāyassa gahaṇassa kāraṇaṃ, atha kho purimasiddhasambandhaggahaṇaṃ imassa upanissayoti daṭṭhabbaṃ. Yathā hi araṇṇī udakatithe ussāpetvā ṭhapitagosīsādīni udakanimittāni disvā tadanantarappavattāya aviññāyamānantarāya manodvārajavanavīthiyā gosīsādīnaṃ udakasahacārīpakārasaññānākāraṃ gahetvā “udakametta atthī”ti jānanaṃ, evaṃ phandamānavañṇaṃ gahetvā tadanantappavattāya aviññāyamānantarāya manodvāravīthiyā purimaggahitasambandhūpanissayasahitāya sādhippāyavikāraggahaṇaṃ hotīti.

681-2. Sahajarūpacalanassa viññattīvikārasahitāya vāyodhātuyā hetubhāvo yutto, kiṃ sabbā eva vāyodhātu saharūpaṃ cāletīti imaṃ codanaṃ sodhetuṃ “**labhītvā panupatthambha**”ntīdi vuttaṃ. Upatthambhetīti **upatthambhaṃ**, upatthambhakapaccayanti attho. **Ekāvajjanavīthiyanti** manodvārikajavanavīthiṃ sandhāyāha pañcadvārikavīthiyā viññattisamuṭṭhāpakattābhāvato. **Heṭṭhāhi chahi ca cittehi**ti sattu javanesu heṭṭhimehi chahi javanehi samuṭṭhitaṃ vāyodhātuṃ upatthambhaṃ labhītvāti sambandho. Keci pana potthakesu “vāyodhātusamuṭṭhita”nti pāṭhaṃ disvā upatthambhanti bhāvasādhanavasena gahetvā heṭṭhā chahi cittehi uppannavāyodhātusamuṭṭhitaṃ upatthambhaṃ labhītvāti yojenti. **Viññattisahitattanā**ti sayam viññattisahitā attanā saharūpaṃ cittajarūpaṃ desantaruppattīhetubhāvena calayati, na itarāti attho.

Ayam panethādhīppāyo – yathā nāma sattahi yugehi ākaḍḍhitabbasakāṭe sattamayugayuttā eva goṇā heṭṭhā chasu yugesu yuttagoṇehi laddhupatthambhā sakaṭaṃ cāleti, paṭhamayugādiyuttā pana santhambhanasandhāraṇamattameva sādhetā tesam upatthambhakā honti, evamevaṃ sattamajavanasamuṭṭhitā vāyodhātu heṭṭhā chahi javanehi samuṭṭhitavāyodhātuto laddhupatthambhā cittajarūpaṃ cāleti. Paṭhamajavanādisamuṭṭhitā pana santhambhanasandhāraṇamattaṃ sādhetā tassa upatthambhakā honti, desantaruppattīyeva cettha calanaṃ uppannadesato kesaggamattaṃ dhammānaṃ calanābhāvato, itarathā dhammānaṃ abyāpāratā, khaṇikatā ca na siyā. Kathaṃ panassa saharūpānaṃ desantaruppattīyā hetubhāvoti? Yathā attanā saharūpāni heṭṭhimajavanādisamuṭṭhitārūpehi patiṭṭhitatṭhānato aññattha uppajjanti, evaṃ tehi saha tattha uppattīyevassa desantaruppattīhetubhāvoti daṭṭhabbaṃ.

Atha phandamānavañṇaggahaṇānantaraṃ viññattiggahaṇassa vuttattā viññattisahitāti sattamajavanasamuṭṭhitāya eva ca visesitattā calanākārasahitāyeva vāyodhātu vikārasahitāti? Nayidamevaṃ desantaruppattihetubhāvena calayitumasakkontiyopi santhambhanasandhāraṇamattakaraṇena paṭhamajavanādīsamuṭṭhānavāyodhātuyopi viññattivikārasahitā eva. Yena disābhāgena gantvā abhikkamādinī pavattetukāmo tadabhimukhabhāvavikārasambhavato. Adhippāyasahabhāvīnaṃhi vikāraṃ viññattimācikkhanti. Teneva hi bhagavatā “katamaṃ taṃ rūpaṃ kāyaviññatti? Yā kusalacittassa vā...pe... abyākatacittassa vā abhikkamantassa vā...pe... pasārentassa vā kāyassa thambhanā santhambhanā santhambhitattaṃ viññatti viññāpanā viññāpitattaṃ. Idaṃ taṃ rūpaṃ kāyaviññatti”ti (dha. sa. 720) santhambhanasandhāraṇānampi paccayabhāvākāro kāyaviññattīti vutto. Evañca katvā manodvārāvajanassāpi viññattisamuṭṭhāpakatāvacaṇaṃ suṭṭhu upapannaṃ hoti.

683-4. Cittajātāya pathavīdhātuyā upādinnakaghaṭṭane paccayo yo ākāravikāro, ayaṃ vacīviññatti viññeyyāti sambandho. Tattha **cittajātāyāti** vacībhedaṃpavattakacittasamuṭṭhānāya. **Upādinnakaghaṭṭaneti** upādinnakakalāpasānkhātassa akkharuppattiṭṭhānassa ghaṭṭanasāññite kicca ghaṭṭanassāti attho. **Paccayoti** tassa sahaṅkārikāraṇabhūto. **Eko ākāravikāro**ti ghaṭṭiyamānaupādinnaṃrūpato, ghaṭṭanti yā pathavīdhātuto ca vinivaṭṭo pathavīdhātuyā upādinnaṃghaṭṭanapaccayasabhāvarūpo eko ākāravikāravisesoti attho. **Pathavīdhātuyāti** sāmivacaṇaṃ “ubhayasambandhāpekkha”ntiādi kāyaviññattiyam vuttanayena veditabbaṃ. Ayaṃ pana viseso – yathā tattha phandamānavañṇaggahaṇānantaraṃ gayhati, evamidha suyyamānasaddasavanānantaranti daṭṭhabbaṃ. Idañca santhambhanādīnaṃ abhāvena ghaṭṭanena saddhimyeva saddassa uppajjanato “labhitvā panupatthambha”ntiādinayo na labbhati. Ghaṭṭanañhi paṭhamajavanādīsopi labbhateva. Tenāha “**saddavasā**”ti. Atha ghaṭṭanacalanānaṃ ko visesoti? Ghaṭṭanaṃ paccayavisesena bhūtakalāpānaṃ aññamaññaṃ āsannataruppādātā, calanaṃ ekassāpi desantaruppādanaparamparatāti ayametesam viseso. Gosīsādiupamāpettha yathāsambhavaṃ yojetabbā. **Sāvāti** sā eva sahasaddā viññatti. **Sakyakulindunāti** suparisuddhagaganatalassa sakkarājakulassa avabhāsakaṭṭhena tassa nisākarabhūtena. Atha vā indati paramissariyaṃ karotīti indu. Indu-saddassa uttamavācakattā sakkakuluttamenāti attho.

685. Atha viññatti tāva sahasaddāva, saddo pana cittajo aviññattiko atthīti ce? Natthīti dassento āha “**saddo na cittajo**”tiādi. **Viññattighaṭṭananti** viññattipaccayaṃ pathavīdhātuyā ghaṭṭanaṃ. **Dhātusaṅghaṭṭanenevāti**ādinā vuttamevatthaṃ samattheti. Yasmā dhātusaṅghaṭṭaneneva saddo jāyati, na tena vinā, tasmāti attho. Anena ca ye vadanti “vitakkavipphārasaddo na sotaviññeyyoti mahāatṭhakathāyaṃ vuttattā cittasamuṭṭhāno vitakkavipphārasaddo viññattiyā vināpi uppajjati. ‘Yā tāya vācāya viññatti viññāpanā’ti (dha. sa. 636) hi vacanato asotaviññeyyena saddena saha viññatti na uppajjati, tatova cittajopi saddanavako atthī”ti, tesam vādaṃ paṭikkhipati. Mahāatṭhakathāvādopi hi saddova hoti, na sotaviññeyyoti viruddhametanti maññaṃānehi saṅgahakārehi paṭikkhittova. Ānandācariyo pana mahāatṭhakathāvādaṃ appaṭikkhipitvāva tattha adhippāyaṃ vaṇṇeti. Kathaṃ? “Jivhātālucalanādīkaravitakkasamuṭṭhitaṃ viññattisahajameva sukhumasaddaṃ dibbasotena sutvā ādisati”ti sutte, paṭṭhāne ca oḷārikaṃ saddaṃ sandhāya sotaviññānaṃ ārammaṇapaccayabhāvo vuttoti iminā adhippāyena vitakkavipphārasaddassa asotaviññeyyatā vuttāti.

686-7. Viññāpanatoti vacīghosena adhippāyaviññāpanahetuttā. **Sayaṃ viññeyyatoti** gahaṇānusārena vacīghosena vā hetunā sayaṃ viññeyyatā. **Tassāti** viññattisaddassa. **Sambhavo kārakadvayeti** viññāpayatīti viññatti, viññāyatīti viññattīti evaṃ hetumhi, kammani vā tassa sambhavo nibbatti hotīti attho. Kiṃ panetaṃ viññattidvayaṃ cittasamuṭṭhānaṃ, udāhu kammādisamuṭṭhānanti āha “**na viññattidvaya**”ntiādi. **Aṭṭha rūpāni viyāti** sakasakakalāpagataatṭharūpāni viya, viññattidvayassa ekato vuccamānattā kāyaviññattisahajakalāpe saddo na labbhatīti vacīviññattikalāpe labbhamānampi taṃ hitvā “**aṭṭha**”iceva vuttaṃ.

Yathāvuttavikāraggaṇamukhena “ayaṃ idaṃ nāma kātukāmo”ti taṃsamaṅgino adhippāyo viññāyatīti āha “**adhippāyappakāsanarasā**”ti. Kāyavipphandaṇahetubhūṭāya vāyodhātuyā vikāratā tassā kāyavipphandaṇassa hetubhāvākārena paccupaṭṭhānanti vuttaṃ “**kāya...pe... paccupaṭṭhānā**”ti. Vāyodhātuyā kiccādhikatāya āha “**cittasamuṭṭhānavāyodhātupadaṭṭhānā**”ti. **Vacīghosassa hetubhāvapaccupaṭṭhānāti** vuttanayeneva vacīghosasaṅkhātassa cittajasaddassa hetubhāvapaccupaṭṭhānā.

Keci panettha “ghaṭṭane paccayoti vuttattā ghaṭṭanānantaraṃ saddassa uppatti hotīti gahetvā cittasamuṭṭhānopathavīdhātu upādinnaṃghaṭṭanamattaṃ karoti, ghaṭṭitakkhaṇe utusamuṭṭhānova saddo uppajjati, so pana cittaṃpaccayattā pariyaṇena cittasamuṭṭhānoti vuccati”ti vadanti. Tesam matena cittajasaddoyeva na labbhati, tasmā evaṃ aggahetvā udakatāpanakāle antoudakeyeva uppajjanakasaddo viya upādinne ghaṭṭetvā uppajjamānacittasamuṭṭhānopathavīdhātuyā uppattisamakārameva tasmim kalāpe navamaṃ hutvā antoyeva bhūtikasaddo uppajjatīti gahetabbaṃ, tasmā cittasamuṭṭhānasaddopi vacīviññattivaseneva uppajjati, accharāpaharaṇādīsaddo pana vacīviññattiyā abhāvato cittaṃpaccayautusamuṭṭhānoyevāti.

688. Viggahābhāvato na kassati, kasituṃ chindituṃ na sakkotīti akāso, soyeva ākāsoti āha “**na kassatīti ākāso**”ti, ko panesoti āha “**rūpānaṃ vivaro**”ti, kaṇṇacchiddādirūpānaṃ antaranti attho. Anena ajaṭākāsamāha. **Yo... pe... paricchodoti** pana iminā idhāhippetamākāsaṃ, so pana ruḥhīvasena ākāsoti pavuccati.

Rūpāni paricchindati, sayaṃ vā tehi paricchijjati, tesam vā paricchadamattanti rūpaparicchedo, taṃ lakkhaṇametassāti **rūpaparicchedalakkhaṇo**. Ayañhi taṃ taṃ rūpakalāpaṃ paricchindanto viya hoti. Tenāha “**rūpapariyantappakāsanaṃ**”ti. “Ayaṃ rūpānaṃ heṭṭhimo pariyanto, ayaṃ uparimo”ti evaṃ vibhāvanakiccoti attho. Atthato pana yasmā rūpānaṃ paricchadamattaṃ hutvā gayhati, tasmā vuttaṃ “**rūpamariyādapaccupaṭṭhāno**”ti. Etthāha – kiṃ panesa rūpe paricchindanto catusamuṭṭhānakalāpato paricchindati, atha ekasamuṭṭhānahukalāpato, udāhu ekekasamuṭṭhānaekakalāpato, ekekarūpato vāti? Ekekasamuṭṭhānaekakalāpatoti daṭṭhabbaṃ.

Yadi hi catusamuṭṭhānakalāpato, ekasamuṭṭhānahukalāpato vā paricchindati, evaṃ sati samphuṭṭhabhāvapaccupaṭṭhāno vā paricchindeyya, ekakalāpagatarūpānaṃ viya nānākalāpagatarūpānampi avinibbhogavuttitā vā āpajjeyya. Atha vā ekekarūpato paricchindati, evaṃ sati ekekalāpagatarūpānampi nānākalāpagatarūpānaṃ viya aññamaññavinibbhogavuttitāpasāṅgo siyā, ubhayampi panetaṃ aniṭṭhaṃ, tasmā ekekasamuṭṭhānaekakalāpato paricchindatīti daṭṭhabbaṃ.

Asamphuṭṭhabhāvachiddavivarabhāvapaccupaṭṭhāno vāti asamphuṭṭhabhāvapaccupaṭṭhāno vā chiddavivarabhāvapaccupaṭṭhāno vāti vuttaṃ hoti. Tattha yasmiṃ kalāpe bhūtānaṃ paricchedo, teheva asamphuṭṭhabhāvena paccupaṭṭhānato asamphuṭṭhabhāvapaccupaṭṭhāno. Kiñcāpi hi kalāpantarabhūtā kalāpantarabhūtehi samphuṭṭhāva ekaghanapiṇḍabhāvena pavattatā, tathāpi dhammato aññamaññaṃ vivittatā asaṃkiṇṇā eva. Tesam yā vivittatā aññamaññaṃ asaṃkiṇṇatā, ayaṃ paricchedo. Bhūtantarehi viya tehi so asamphuṭṭhova, itarathā paricchinnatā na siyā tesam bhūtānaṃ byāpibhāvāpattito. Abyāpibhāvo hi asamphuṭṭhatā. Tenāha bhagavā imassa niddese “**asamphuṭṭhaṃ catūhi mahābhūtehi**”ti (dha. sa. 637).

Atha vā kalāpantarabhūtānaṃ aññamaññaṃ asaṃkiṇṇabhāvena paccupaṭṭhānato asamphuṭṭhatāpaccupaṭṭhānabhāvo vutto, kaṇṇacchiddamukhavivarādivasena chiddavivarabhāvassa paccupaṭṭhānato chiddavivarabhāvapaccupaṭṭhānatā vuttā. Rūpaparicchede hi sati chiddavivarabhāvo hoti. Yesam rūpānaṃ paricchedo, tattheva tesam paricchedabhāvena labbhatīti vuttaṃ “**paricchinnarūpapadaṭṭhāno**”ti.

689-91. Rūpassalahutādittayaniddeseti rūpassalahutā rūpassamudutā rūpassakammaññatāti imassa rūpalahutādittayassa niddese sampatte idaṃ vuccatīti adhippāyo. **Heṭṭhā vuttanayenevāti** arūpassa lahutādīsu “**kāyalahubhāvo kāyalahutā**”tiādīnā vuttanayānusārenea “**rūpassa lahubhāvo lahutā**”tiādīnā rūpasambandhībhāvena rūpavikārāpi viññātābā. Rūpassa lahubhāvo lahutā, sā rūpassa garubhāvavūpasamalakkhaṇā, garubhāvanimmaddanarasā, adandhatāpaccupaṭṭhānā, lahurūpapadaṭṭhānā. Rūpassa mudubhāvo mudutā, sā rūpassa thaddhabhāvavūpasamalakkhaṇā, thaddhabhāvanimmaddanarasā, sabbakiriyāsu avirodhitāpaccupaṭṭhānā, mudurūpapadaṭṭhānā. Rūpassa kammaññabhāvo kammaññatā, sā rūpassa akammaññabhāvavūpasamalakkhaṇā, akammaññabhāvanimmaddanarasā, sarīrakiriyāsu anukūlabhāvapaccupaṭṭhānā, kammaññārūpapadaṭṭhānāti. Attho panettha tattha tattha amhehi vuttānusārena veditabbo. Imā pana tisso rūpānaṃ vikārabhāvato “**rūpavikārā**”ti vuccantīti dassetuṃ “**tisso...pe... vibhāvinā**”ti vuttaṃ.

Yathākkamaṃ panetā rūpassa dandhattakaradhātukkhobhapaṭipakkhapaccayasamuṭṭhānā, thaddhattakaradhātukkhobhapaṭipakkhapaccayasamuṭṭhānā, rūpānaṃ sarīrakiriyāsu ananukūlabhāvakaradhātukkhobhapaṭipakkhapaccayasamuṭṭhānāti veditabbam. Tattha **dhātukkhobhoti** vātapittasemhapakopo, rasādīdhātūnaṃ vā vikārāvathā, dvidhā vuttāpi atthato pathavīdhātuādīnaṃyeva vikāroti daṭṭhabbaṃ. Paṭipakkhapaccayā sappāyautuāhārāvikkhittacittatā, sā ca taṃtaṃvikārassa visesapaccayabhāvato vuttā, avisesena pana sabbesaṃ paccayā, tathā hi te kadācīpi aññamaññaṃ na vijahanti. Tathā avijahantānaṃ pana dubbijāṇīyaṃ nānantanti taṃpakāsanaṭṭhaṃ “**etāsa**”ntiādi vuttaṃ. Kamatova nidassananti sambandho. Lahutāya hi **arogī nidassanaṃ**, mudutāya **madditacammaṃ**, kammaññatāya **sudhantasuvaṇṇaṃ**.

Nanu cetta arogino tāva nidassanaṃ yuttaṃ tassa indriyabaddhasantānattā, suparimadditacamasudhantasuvaṇṇaṃ pana kathaṃ. Na hi anindriyabaddharūpasantāne lahutādīni sambhavanti tathā dhātukkhobhapaṭipakkhapaccayābhāvato? Saccam, mudukammaññasādisarūpanidassanamattamaṃ, na pana tattha idhāhippetamudutākammaññatāsabhāvato. Yadi evaṃ, kathaṃ tūlapicuādīsu lahubhāvādikanti? Na tattha paramatthato lahubhāvādikam atthi, garubhāvādihetūnaṃ pana bhāvato tattha lahubhāvādivohāro.

Kammaṃ kātuṃ na sakkoti ekantena tāsam paccuppannapaccayāpekkhattā, itarathā sabbadābhāvinīhi

lahutādīhi bhavitabbaṃ siyāti. **Adandhatālakkaṇā**ti agarubhāvalakkaṇā. Garubhāvassa vinodanaṃ khipanaṃ apanayanaṃ kiccametissāti **garubhāvavinodanarasā**. Kiñcāpi hi ayaṃ rūpānaṃ garubhāvaṃ vinodetuṃ na sakkoti, garurūpaṭipakkhānaṃ pana adandharūpānaṃ vikāratā “jāti naṃ uppādeti” tiādīsu viya pariyāyena garubhāvaṃ vinodeti nāma. Tassañhi vijjamañāyaṃ uppannarūpānaṃ agarubhāvovevāti. Esa nayo **mudutākammaññātasu**. Cetasikalahutādayo pana attano attano paccanīkānaṃ taṃtaṃakusaladhammānaṃ viddhaṃsakabhāvena pavattantīti vikāramattabhāvato nippariyāyeneva tesaṃ taṃkiccatā labbhatīti daṭṭhabbaṃ. **Lahuparivattitapaccupaṭṭhānā**ti adandhassa aroḡipurisassa aparāparaṃ saṅkanti parivattanaṃ viya adandhaparivattanaṃ hutvā paccupaṭṭhānāti attho. Yassa rūpassa lahutā, tattheva vikārabhāvena upalabbhanato **lahurūpapadaṭṭhānā**. Evamitarāsupi. **Athaddhatā**ti akathinatā. Attano mudubhāveveva sabbakiriyāsu aviruddhā hutvā paccupaṭṭhāntīti **avirodhitāpaccupaṭṭhānā**. Mudu hi katthaci na virujjhati. Tīsupi ṭhānesu paṭipakkhatthe a-kāro. Dandhatādīhetūnaṃ paṭipakkhasamuttāhantā lahutādīnanti keci. Apare pana sattāpaṭisedheti vadanti. Sarīrena kattabbakiriyānaṃ anukūlatāsaṅkhāto kammaññabhāvo lakkaṇametissāti **sarīrakiriyānukūlakammaññabhāvalakkaṇā**. Akammaññaṃ dubbalaṃ nāma hotīti kammaññatā **adubbalabhāvapaccupaṭṭhānā** vuttā.

692. Rūpānamācayo yotiādīsu yo nipphanarūpānaṃ ādīto cayo, yathāpaccayaṃ tato tato āgatassa viya cayoti vā ācayasaṅkhāto rūpānaṃ paṭhamuppādo vaḍḍhi ca, so **upacayoti** uddese vutto “upaññattaṃ upasitta” ntiādīsu viya upa-saddassa paṭhamūpariatthadassanato. Yā pana **tesaṃ**veva rūpānaṃ **anuppabandhatā** anuppabandhavasena pavatti, sā **santatīti pavuccati**. Paṭisandhikkhaṇe hi rūpuppattīdicayabhāvato ācayo nāma, tato paraṃ yāva sattarasamacittuppādā vaḍḍhibhāvato upacayo nāma. Tadā hi rūpassa kammacittautūhi cayoyeva, na hāni. Atha vā yāva āhārasamuṭṭhāna rūpuppādo, cakkhādiuppādo vā, tāva upacayo nāma, tato paraṃ pana cutipariyosānaṃ santati nāma. Evañca katvā –

“Yo āyatanānaṃ ācayo, so rūpassa upacayo. Yo rūpassa upacayo, sā rūpassa santatī” ti (dha. sa. 641-642)

Evam upacayasantatīnaṃ atthato nānattābhāvādīpanatthaṃ vuttāya **pāliya aṭṭhakathāyaṃ** –

“Ācayo nāma nibbatti, upacayo nāma vaḍḍhi, santati nāma pavattī” ti vatvā “nadīṭre khatakūpasmiñhi udakuggamanakālo viya ācayo nibbatti, paripuñṇakālo viya upacayo vaḍḍhi, ajjhottharivā gamanakālo viya santati pavattī” ti (dha. sa. aṭṭha. 641; visuddhi. 2.444) –

Upamā vuttā. “Rūpānamācayo” ti cettha bahuvacananiddesena uppādo nāma uppajjamānānaṃ vikāro. Vikāratte ca satī attano vikāravantadhammabhedabhinnattā ekakkaṇepi uppajjamānānaṃ bahūnampi rūpānaṃ viṣuṃ viṣuṃveva uppādavikārabhāvo, na piñḍassevāti dīpitaṃ hoti. Na kevalaṅca rūpānameva uppattīti idisī, atha kho arūpadhammānampi uppādo rūpārūpadhammānaṃ jaratā, aniccata, rūpassa lahumudukammaññatā cāti daṭṭhabbaṃ.

693. Jātirūpanti dīpitaṃ aṭṭhakathāsu ubhayassapi rūpuppādasabhāvattāti adhippāyo. Yadi evaṃ, kasmā vibhajja vuttaṃ? Bhagavatā tattheva desitattā. Bhagavatāpi kasmā tathā desitanti āha “**vuttamākāranānattā**” tiādī. Ākāranānattaṃ heṭṭhā vibhāvitameva. Akkharassa paṭhamuppattī upacayo, punappunaṃ uppattī santati. Evam tisamuṭṭhānarūpānampi daṭṭhabbanti evaṃ tesaṃ ākāranānattaṃ vaṇṇenti. **Veneyyānaṃ vasena vāti** tadā kira sotūnaṃ evaṃ cittaṃ uppannaṃ, ayaṃ jāti sabbesaṃ dhammānaṃ pabhavo, sayāṃ pana na kutoci jāyati, yathā taṃ “pakativādīnaṃ pakatī” ti. Tesaṃ micchāgāhaṃ vidhamento “jāti nāma na aññā, upacayasantativasena ṭhitā rūpuppattīveva pana tathā vuccati, sā ca yassa uppādo, tassa paccayeveva jātapariyāyaṃ labbhatī” ti dassanattaṃ upacayo santatīti dvidhā bhindivā desētīti ācariyā.

Pubbantato pubbaḷḷhāsato, anāgatabhāvatoti attho. Uppajjamāne rūpadhamme uppādo anāgatakkhaṇato ummujjāpento viya hotīti vuttaṃ “**ummujjāpanaraso**” ti. “Ime rūpadhammā sampācicchatha ne” ti niyyātentō viya gayhatīti vuttaṃ “**niyyātanapaccupaṭṭhāno**” ti. **Paripuñṇabhāvapaccupaṭṭhānatā** upari cayo upacayoti imassa atthassa vasena veditabbā. Yathā uppādakkhaṇappattaṃ uppannaṃ nāma hoti ādikamme tappaccayavasena, evaṃ uppādakkhaṇagataṃ upacitaṃ nāma hotīti vuttaṃ “**upacitarūpapadaṭṭhāno**” ti.

Pavattīlakkaṇāti anuppabandhato uppattivasena pavattamānarūpānaṃ pavattananti lakkaṇitabbā. **Anuppabandhanarasā**ti pubbāparavasena anuppabandhanakiccā. Asatī hi uppāde pubbāparavasena anuppabandho na siyā. Anuppabandharasattāveva anupacchedavasena gahetabbato āha “**anupacchedapaccupaṭṭhānā**” ti. Pubbāparavasena ghaṭītarūpesu upalabbhanato vuttaṃ “**anuppabandharūpapadaṭṭhānā**” ti.

694. Jīraṇanti jiñṇabhāvo, abhinavabhāvahāntī attho.

Pākaṭā rūpadhammesu khaṇḍiccādhāvena dantādīsu vikāradassanato, itarā tadabhāvato **apākaṭā**. Kāmaṃ rūpadhammānaṃpi khaṇikajarā paṭicchannā eva, yā “avācījarā”ti vā vuccati. Arūpadhammānaṃ pana jarāya suṭṭhu paṭicchannabhāvadassanattamaṃ “pākaṭā rūpadhammesu”ti avisesena vuttaṃ. Khaṇḍiccādivikāro pana khaṇikajarāya natthi. Rūpaparipāko rūpadhammānaṃ jīṇṇatā, jaraṃ pattassa bhaṅgo avassaṃbhāvīti vuttaṃ “**upanayanarasā**”ti, bhaṅgūpanayanakiccāti attho. **Sabhāvānapagamepī**ti kakkhaḷattādisabhāvānapagamepi, ṭhitikkhaṇe hi jarā nāma, na ca tadā dhammasabhāvaṃ vijahati. Navabhāvo uppādāvattā, tassā apagamabhāvena gayhatīti āha “**navabhāvāpagamapaccupaṭṭhānā**”ti. **Vihipurāṇabhāvo** viyāti vihibhāvānapagamepi abhinavabhāvāpagamanakaro vihipurāṇabhāvo viya. Vihipurāṇabhāvo sabbāvattāni apaneti, ayaṃ pana kevalaṃ uppādāvattameva apaneti. Parito sabbato bhijjananti lakkhitabbāti **paribhedalakkhaṇā**. Niccaṃ nāma dhavaṃ, rūpaṃ pana khaṇabhāṅgīyā na niccanti aniccaṃ, tassa bhāvo **aniccatā**. Sā pana ṭhitippattarūpaṃ ṭhitiyameva vināsanabhāvena saṃsidentī viya hotīti **saṃsīdanarasā**. Yasmā ca sā bhaṅgabhāvato khayavayākārenea gayhati, tasmā vuttaṃ “**khayavayabhāvapaccupaṭṭhānā**”ti. Anukkamena vināso **khayo** nāma, dīpavaṭṭikāya saha telassa viya saha nirodho **vayoti** vadanti.

696-7. Samodhānatoti rāsito. **Kecīti** abhayaḡirivāsino. Middharūpassa vadanasilā, middhavādo vā etesanti **middhavādino**. **Middharūpaṃ nāmāti** utucittāhārasena tisamuṭṭhānaṃ middhaṃ nāma rūpaṃ. Te paṭikkhipitabbāti sambandho. Kathaṃ paṭikkhipitabbāti āha “**munīsī**”tiādi. **Natthi nīvaraṇāti** sotāpattimaggena vicikicchānīvaraṇassa, anāḡāmimaggena kāmacchandabyāpādakukkucanīvaraṇānaṃ, arahattamaggena thinamiddhanīvaraṇānaṃca pahīnattā. Ayañhettha adhippāyo – yadi middhaṃ rūpaṃ siyā, appahātabbaṃ bhavēya. Rūpakkhandho abhiññēyyo pariññēyyo na pahātabbo na bhāvetabbo na sacchikātabbo. “Katame dhammā nevadassanenanabhāvānāyapahātabbā. Catūsu bhūmīsū kusalaṃ, catūsu bhūmīsū vipāko, tīsū bhūmīsū kiriyābyākataṃ, rūpaṃca nibbānaṃca, ime dhammā nevadassanenanabhāvānāyapahātabbā”ti (dha. sa. 1407) vacanena rūpadhammānaṃ pahānābhāvato. Evañca sati tassa nīvaraṇabhāvo virujjheyya nīvaraṇānaṃ pahātabbattā. Na hi nīvaraṇānaṃ appahātabbatte –

“Yā me kaṅkhā pure āsi, taṃ me akkhāsi cakkhumā;
Addhā munīsī sambuddho, natthi nīvaraṇā tavā”ti. (su. nī. 546) –

Nīvaraṇappahānena bhagavato thomaṃ yujjēya. Yadi siyā, “rūpaṃ, bhikkhave, na tumhākaṃ, taṃ pajahatthātiādivacanato (ma. nī. 1.247; saṃ. nī. 3.33-34) rūpassa pahātabbatāpi paññāyatīti? Taṃ na, tabbisayachandarāḡappahānassa tattha adhippetattā. Tenāha bhagavā “yo, bhikkhave, rūpe chandarāḡavinayo, taṃ tattha pahāna”nti. Na ca panetaṃ na sakkā vattaṃ etthāpi “tabbisayachandarāḡappahānavaseneva vutta”nti sādhakavacanabhāvato, kāmacchandādīnaṃ tattha pahānassa anadhippetattā ca, tasmā “natthi nīvaraṇā tavā”tiādivacanehi virujjhanato na middhaṃ rūpanti.

Yadi pana paro daḷhamūḷhaggāhitāya taṃvisayachandarāḡappahānavaseneva nīvaraṇappahānaṃ adhippetanti sakavādaṃ oḍḍēya, tassa tannisedhanattamaṃ puna thinamiddhanīvaraṇassa avijjānīvaraṇena saha sampayogavacanaṃca āharanto āha “**thinamiddhanīvaraṇā**”ntiādi. Thinamiddhanīvaraṇānaṃca avijjānīvaraṇānaṃca nīvaraṇena sampayuttanti sambandho. Iduṃ vuttaṃ hoti – “catūhi sampayogo”ti (dhātu. 3) vacanato arūpadhammānameva aññamaññassa sampayogo labbhati, na rūpadhammānaṃ aññamaññaṃ arūpena vā, tasmā yadi middhaṃ rūpaṃ siyā, na taṃ sampayogavacanamarahatīti. Atha siyā – yathālābhavacanamettha sakkā viññātuṃ, “sakkharakathalampi macchagumbampi carantampi tiṭṭhantampi”tiādisu (dī. nī. 1.249) viya. Yathā hi “sakkharakathalikaṃ macchagumbampi carantampi tiṭṭhantampi”tiādisu sakkharakathalikassa caraṇāyogato macchagumbāpekkhāya caraṇaṃ, ubhayāpekkhāya ṭhānanti evaṃ yathālābho yojīyati, evamidhāpi thināpekkhāya sampayogavacanaṃ, ubhayāpekkhāya nīvaraṇavacananti? Tampi na, rūpabhāvassava asiddhattā. Siddhe hi rūpabhāve asambhavato yathālābhayojanā yujjēyati. Ettakeneva middhassa arūpabhāve siddhepi yathā dvikkhattuṃ bandhaṃ subandhaṃ hoti, evamanekasuttasādhitamaṃ appadhamasiyaṃ hotīti **paṭṭhānappakarāṇe** “nīvaraṇaṃ dhammaṃ paṭicca...pe... paccayā”ti (paṭṭhā. 3.8.8) imassa vibhaṅge “arūpe...pe... uppajjati”ti (paṭṭhā. 3.8.8) vuttaṃ arūpabhavuppattimpī āharanto āha “**mahāpakaraṇapaṭṭhāne**”tiādi. Jhānanikantiādinampi dhammato lobhādibhāvato kāmacchandānīvaraṇādīhi abhinattā vuttaṃ “**kāmacchandānīvaraṇā**”ntiādi.

Ettha siyā – “pañcime, bhikkhave, āvaraṇā nīvaraṇā”tiādisu (a. nī. 5.51) thinamiddhassa nīvaraṇabhāvena ekato āgatattā idhāpi “thinamiddhanīvaraṇā”nti ekato vuttaṃ, thinameva ca pana arūpabhāve uppajjati thinamiddhanti? Tayidamasāraṃ, kukkuccassa na gahitattā. Yadi hi ekato gahitamatteneva idhāpi ekato gahaṇaṃ siyā, kukkuccassapi tattha ekato vuttassa idha gahaṇaṃ sambhaveyya, na ca panevaṃ atthi uddhaccanīvaraṇantveva vuttattā, tasmā na tassa arūpabhavuppattim sakkā paṭibāhitunti. Ādi-saddena “kevalo hāyaṃ, bhikkhave, akusalarāsi, yadidaṃ pañca nīvaraṇā (a. nī. 5.52), ime pañca nīvaraṇe pahāya, vigatathinamidhoti tassa thinamiddhassa cattattā vantattā muttattā pahīnattā paṇinissatṭhattā, tena vuccati vigatathinamidhoti, iduṃ cittaṃ imamaḡ thinamiddhamhā sodheti visodheti parisodheti

moceti vimoceti parimoceti vā”ti (vibha. 551) evamādiṃ pālīṃ saṅgaṇhāti.

Yadipi siyā duvidhaṃ middhaṃ rūpaṃ, arūpañca. Tattha yaṃ arūpaṃ, taṃ nīvaraṇesu desitaṃ, na rūpanti? Tampi na, visesavacanābhāvato. Na hi visesetvā middhaṃ nīvaraṇesu desitaṃ “yadapi, bhikkhave, thinā, tadapi nīvaraṇaṃ, yadapi middhaṃ, tadapi nīvaraṇaṃ, thinamiddhaṃ nīvaraṇanti iti hidaṃ uddesaṃ āgacchatī”ti avisesena vuttattā, tasmā middhassa duvidhataṃ parikappetvāpi na sakkā nīvaraṇabhāvaṃ nivattetuṃ. Sakkā hi vattuṃ yaṃ taṃ arūpaṃ aññaṃ middhaṃ parikappitaṃ, tampi nīvaraṇaṃ middhasabhāvattā itaraṃ nīvaraṇaṃ viyāti. Yadi middhassa rūpabhāvaṃ na sampaṭicchatha, kathaṃ bhagavato niddā hoti, nanu middhassa “niddā pacalāyikā”tiādīnā vibhaṅge vuttattā niddābhāvo siddhoti? Nayidamevaṃ, itthilīṅgādīsu viya niddāhetuno middhassa niddābhāvena vibhattattā. Evampi niddāhetuno middhassa abhāvato kathaṃ bhagavato niddāti ce? Sā bhagavato natthīti na sakkā vattuṃ “abhijānāmi kho panāhaṃ aggivessana...pe... divā supitā”tiādivacanato (ma. ni. 1.387) na niddā bhagavato middhena, atha kho sarīragelañña, tañca bhagavato natthīti na sakkā vattuṃ “piṭṭhi me āgilāyati, tamahaṃ āyamissāmi”ti (ma. ni. 2.22; sam. ni. 4.243) vacanato. Na cettha evamavadhāraṇaṃ daṭṭhabbaṃ “middhameva niddāhetū”ti, tasmā aññopi atthi niddāhetu. Ko pana soti? Sarīragelañña, tasmā na bhagavato niddā middhahetukāti daṭṭhabbaṃ.

698. Visuṃ visuṃ abhāvaṃ dassetvāti vāyodhātuādīto visuṃ visuṃ natthibhāvaṃ dassetvā. Kathaṃ pana so dassitabboti āha “**vāyodhātuyā**”tiādi. Tattha kāyabalaṃ nāma atthato vāyodhātuyā pavattiākāraviseso tassā vipphārabhāvato. Yato bālānaṃ balanti vadantīti vuttaṃ “**vāyodhātuyā gahitāya balarūpaṃ gahitamevā**”ti. Sambhavo kāmadhātuyā ekaccasattānaṃ indriyaparipākapaccayo āpodhātuyā pavattiākāravisesoti āha “**āpodhātuyā sambhavarūpa**”nti. Gahitāya gahitamevāti sambandho. Upacayasantativinimutto rūpuppādo natthi, uppādāvattthāya ca aññā jāti nāma natthevāti vuttaṃ “**upacayasantatīhi jātirūpa**”nti. Kammasamuṭṭhānassapi rogassa visabhāgapaccayasamuppanno dhātukkabhavo āsanna-kāraṇaṃ, pageva itarassa. So atthato rūpadhamānaṃ pākāvattthā ṭhitibhaṅgakkaṇesu eva siyāti vuttaṃ “**jaratāaniccatādīhi rogarūpaṃ gahita**”nti.

699-704. Rūpāni samuṭṭhahanti jāyanti etehīti **rūpasamuṭṭhānāni**. Kāni pana tānīti āha “**utucittāhārakammāni**”ti.

Āhāro rūpahetuyoti ettha iti-saddo pakkhipitabbo, kammaṃ, utu ca cittañca āhāroti ime rūpahetuyoti. **Rūpahetuyoti** ca rūpassa janakapaccayāti attho. Tenāha “**etehevā**”tiādi. Ekamekaṃyeva samuṭṭhānaṃ etesanti **ekasamuṭṭhānā**. Nanu ekato eva paccayato paccayuppannassa uppattī natthīti? Saccāṃ natthi, rūpajanakapaccayesu ekatoti ayamettha abhisandhi. **Aṭṭhindriyānīti** cakkhādīni pañca, itthipurisindriyadvayaṃ, jīvitañcāti aṭṭhindriyāni. Kāyavacīviññattivasena **viññattidvayaṃ**.

Dvihīti koci **cittena**, koci **utunā cāti** evaṃ dvīhi. Na hi ekasseva dve ekakkhaṇe paccayā honti. Evaṃ sesesupi. **Utuāhāra...pe... katanti** ekekaṃ utunā, āhārena, cittena cāti tīhi kataṃ. **Catasso cāpi dhātuyoti** cattāri mahābhūtāni. Tāni hi nissattanijjivattthena dhātūti vuccanti. Kammādīhi catūhi bhavantīti **catubbhavā**. **Dveti** jaratā aniccatā.

705-6. Idāni missakasamuṭṭhānānīpi gahetvā taṃtaṃpaccayajātānaṃ gaṇanaparicchedaṃ dassetuṃ “**kammenā**”tiādi vuttaṃ. Tattha aṭṭhindriyāni vatthu suddhaṭṭhakaṃ santatyūpacayākāsāti **visati** kammajā. Viññattidvayaṃ saddo lahutādittayaṃ suddhaṭṭhakādayo ekādasāti **sattarasa cetasā** jāyare, cittajāti attho. Saddo lahutādittayaṃ suddhaṭṭhakādayo ekādasāti **dasapañceva** pannarasa **utunā** jāyare. Lahutādittayaṃ suddhaṭṭhakādayo ekādasāti **cuddasa āhāro**. Jaratāaniccatāhi te **aṭṭhasaṭṭhi ca** hontevāti sambandho.

707-8. “Jaratā...pe... samuṭṭhitā”ti vatvā puna tattha kāraṇaṃ dassetuṃ “**jātassā**”tiādi vuttaṃ. Tattha **jātassa pākabhedattāti** jaratāya jātadhammassa pākattā, aniccatāya ca bhedattāti attho. Idaṃ vuttaṃ hoti – jaratāaniccatā nāma uppannadhammassa honti, no uppajjamānassa. Yadi hi uppajjamānassa siyuṃ, tadā tāsampi jāyamānattapariyāyo yujjeyya. Uppannadhammassa pana jātito paraṃ imāsaṃ sambhavato na jāyantīti vattuṃ vaṭṭatīti. Yadi pana koci tesampi jātabhāve ko virodhoti paṭipajjeyya, tassa taṃ duggāhaṃ vidhamento āha “**jāyeyyu**”ntiādi. Hontu nāma **tesampi pākabhedā**, tadāpi ko virodhoti āha “**na hi**”tiādi. Pāko na paripaccatīti sambandho, etena na bhijjatīti dīpitaṃ hoti. Pakkassa hi bhaṅgo niyato. **Bhedo vā na ca bhijjatīti** etthāpi pākabhāvopi vuttova. Na hi apakkaṃ bhijjatīti, aññathā uppādabhaṅgānaṃ anaññattappasaṅgato. **Natthi tanti** pākabhedānaṃ paccanaṃ bhijjanaṃ natthīti vuttamevatthaṃ saṅkhipitvā āha.

Ettāvatā ca kiṃ vuttaṃ hoti? Yadi jaratāaniccatā kenaci paccayena jāyeyyuṃ, tadā uppannassa nāma jarāya, bhaṅgena ca bhavitabbanti tesāṃ jaratāaniccatāpi siyuṃ, na ca panetā upalabbhanti. Kasmā? Yasmā na jaratā aññajarāya jīrati, bhijjati vā, na ca bhaṅgo aññena bhaṅgena bhijjati, jīrati vā, itarathā sāpi jarā aparāya jarāya, bhaṅgena ca jīrati, bhijjati, so ca bhaṅgo aññāya jarāya, aññena bhaṅgena jīrati, bhijjati anavattthānappasaṅgatoti

vuttam hoti.

709-10. “Jātassā”tiādi nigamanam. Atha vā uttari vattabbacodanāya phalaṭṭhapanam. **“Siyā katthaci”**tiādi paramatāsaṅkanam. **Etthāti** etasmiṃ “jaratāaniccatādvayam na paccati, na bhijjati vā”ti adhikāre. **Rūpassūpacayotīti** itti-saddo ādiattho, tena “rūpassa upacayo santati”ti vacanenāti attho. Evaṃ pākopi paccatu, bhedopi paribhijjatūti sambandho. Ayaṃ panettha adhippāyo – yathā kammādīhi uppajjanakarūpaniddese “katamam tam rūpam upādinnaṃ? Cakkhāyatanaṃ...pe... kāyāyatanaṃ itthindriyam purisindriyam jīvitindriyam, yaṃ vā panaññampi atthi rūpam kammassa katattā rūpāyatanaṃ...pe... phoṭṭhabbāyatanaṃ ākāsadhātu rūpassa upacayo rūpassa santati kabaḷkāro āhāro”tiādinā (dha. sa. 652) upacayasantaṭṭhānaṃ niddiṭṭhattā jāti jāyatīti dīpitaṃ hoti tassā aparajātiyā abhāvepi. Evaṃ jarābhaṅgānaṃ aparajarābhaṅgābhāvepi jīraṇam, bhijjanaṅca sampaṭicchitabbaṃ, itarathā jātiyāpi bhedanā tadavatthāyevāti.

711. “Na cevā”tiādi yathāsaṅkitaparamatassa paṭikkhipanam. Yadi jāyatīti na viññātabbaṃ, evaṅca sati niddese kasmā vuttanti āha **“jāyamānassā”**tiādi. Idaṃ vuttam hoti – asatipi jātiyā jāyamānante jāyamānaṃ dhammānaṃ abhinibbattibhāvato tassā tappaccayabhāvavohāro anumatoti tattha vuttā, na pana paramatthato jāyamānattā. Jāyamānassa hi abhinibbattimattaṃ jāti, tasmā asiddhena asiddhasādhanaṃmetanti.

712-7. “Tatthā”tiādinā punapi paramatāsaṅkam katvā paṭikkhipati. Tattha yesam dhammānaṃ yā jāti, sā tappaccayattavohāraṃ, abhinibbattisammutiṅca labhatevāti sambandho. **Tathāti** yathā labhateva, tathā. Yaṃtam-saddā hi abyabhicāritasambandhā. Tesam dhammānaṃ paccayā etissāti tappaccayā, tassā bhāvo tappaccayattaṃ, tappaccayattena pavatto vohāro **tappaccayattavohāro**, tam kammaṃpaccayabhāvādivohāranti attho. **Abhinibbattisammuti**ti abhinibbattati jāyatīti evaṃ abhinibbattivasena pavattasammutiṃ. **Kammādisambhavanti** kammādicatupaccayasamuṭṭhānaṃ. Janakānaṃ paccayānaṃ ānubhāvakkhaṇupāde abhāvatoti sambandho. Ayaṃ panettha attho – ye te rūpānaṃ janakapaccayā, tesam taduppādanam pati anuparatabyāpārānaṃ yo so paccayūpalakkaṇiyo kiccānubhāvakkhaṇo, tadā jāyamānaṃ dhammānaṃ vikārabhāvena labbhamānataṃ sandhāya vineyyapuggalavasena jātiyā paccayato jātattaṃ anuññātaṃ tato pure, pacchā ca anupalabbhamānattā, evaṅca katvā vuttam **“jātiyā pana labbhati”**ti. Jarābhaṅgānaṃ pana paccayānubhāvakkhaṇato uttari ṭhitibhaṅgakkhaṇesu labbhamānattā na evaṃ anuññātaṃ sakkāti, jātiyā pana labbhati so vohāroti adhippāyo. Tappaccayattavohārantiādigāthādvayam nigamanavasena vuttam.

718-9. Atha kiṃ imāya gīvakaṇḍūyāya, nanu vuttam bhagavatā suttante “jarāmaṇam, bhikkhave, aniccaṃ saṅkhatam paṭiccasamuppanna”nti (saṃ. ni. 2.20), tasmā kathametaṃ vuccati, jaratā aniccatā ceva na kehici samuṭṭhiāti yo vadeyya, tassa vitakkaṃ dassavā paṭikkhipitum **“anicca”**ntiādi vuttam. Kasmā na vattabbanti āha **“sā hi pariyāyadesanā”**ti. Pariyāyadesanattameva vibhāvetum **“aniccāna”**ntiādi vuttam. **Tathā**-saddena “saṅkhatāna”nti saṅgaṇhāti.

720-3. Aniccaṃ saṅkhatāncāti ca-saddena “paṭiccasamuppanna”nti saṅgaṇhāti. Ayañhettha adhippāyo – aniccasaṅkhatadharmānaṃ jarāmaṇattā tesu santesu hoti, asantesu na hoti. Na hi ajātam paripaccati, bhijjati vā, tasmā tam jātipaccayataṃ sandhāya “jarāmaṇam saṅkhatam paṭiccasamuppannam, tatoyeva ca anicca”nti pariyāyena sutte āgataṃ. Yathā viññātiādinam nippariyāyato cittasamuṭṭhānatābhāvepi cittajānaṃ vikāratā cittasamuṭṭhānabhāvoti. **Viññātiyo viyāti** ca nidassanamattaṃ daṭṭhabbaṃ lahutādinampi cittajādivhāvassa pariyāyeneva icchitattā. Nippariyāyena aṭṭhāraseva nipphannarūpāni kammādisamuṭṭhānānīti. **Tayanti** jātijarābhaṅgasāṅkhātānaṃ lakkhaṇarūpattayam.

Khampupphamvāti ākāsakusumam viya. Yathā ākāsakusumam sabbaso ajātattā natthi, evamidampi natthīti attho. **Niccaṃ vasaṅkhatam viyāti** yathā asaṅkhatam nibbānaṃ kenaci asaṅkhatattā niccaṃ dhuvam, evamidampi kenaci asaṅkhatattā niccaṃ sassataṃ vāti attho. **Nobhayam panidanti** idaṃ pana ubhayampi khampuppham viya no natthi, na ca nibbānaṃ viya asaṅkhatam vāti attho. **Nissayāyattavuttitoti** jāyamānaparipaccamānabhijjamānaṃ jātiādimattabhāvena jāyamānādinissayapaṭibaddhavuttitā. Tameva nissayāyattavuttitam samatthetum **“bhāve pathaviyādina”**ntiādi vuttam. Ayaṃ panettha saṅkhepattho – pathaviyādinaṃ nissayānaṃ bhāve jātiāditayam paññāyati, tasmā **no natthi**, yasmā ca tesam bhāve na paññāyati, **tasmā na niccanti** imameva ca abhinivesam nisedhetum bhagavatā jātiyā catujattam, jarāmaṇassa ca aniccādiariyāyo vuttoti daṭṭhabbam.

724-5. Nipphannāni nāmāti “rūpassa paricchedo, rūpassa vikāro, rūpassa lakkhaṇa”ntiādinā paricchedādivhāvam atikkamivā attano kakkhaḷattādinā sabhāvena paricchijja gahetabbattā, ariyāyeneva kammādiṭṭhāyehi nipphannattā vā nipphannāni nāma. Tabbiparītato **anipphannā**.

Sesakā anipphannāti sutvā paro anitṭham āpādentō āha **“yadi hontī”**tiādi. **“Tesamevā”**tiādinā pana tam

paṭikkhipati. Kāyavikāro kāyaviññatti nāma, vacīvikāro vacīviññatti nāma, chiddaṃ vivaraṃ ākāsadhātu nāma, lahubhāvo lahutā nāma, mudubhāvo mudutā nāma, kammaññabhāvo kammaññatā nāma, nibbatti upacayo nāma, pavatti santati nāma, jīraṇākāro jaratā nāma, hutvā abhāvākāro aniccatā nāmāti evaṃ tesamyeva aṭṭhārasannaṃ nipphannarūpānaṃ vikārabhūtattā nipphannā ceva saṅkhatā ca, tesamyeva ca rūpānaṃ vikāratā te asaṅkhatā nāma kathaṃ bhavēyyuṃ, nipphannā ceva saṅkhatāti sambandhaṃ katvā yadi anipphannarūpānaṃ nissayabhūtā nipphannarūpā saṅkhatā, tesamā pana vikārabhūtā kathaṃ asaṅkhatā nāma hontīti atthaṃ vaṇṇenti. Tesamā adhippāyena nipphannā cevāti va-kāro āgamasiddhoti daṭṭhabbaṃ.

726-7. Itthibhāvo...pe... vaṇṇitāti phalaṭṭhapanam. “Evaṃ sante”tiādi codanā. **“Aññaṃ panā”**tiādi parihāro. Tattha **cakkhukāyapasādānaṃ, ekattaṃ upapajjati** cakkhupasāde kāyapasādabhāvassa, kāyapasāde cakkhupasādabhāvassa sabbhāvato purimassa phoṭṭhabbāvabhāsanam, itarassa ca rūpāvabhāsanam hoṭīti cakkhukāyapasādānaṃ ekībhāvo bhavēyyāti attho. Nidassanamattañcetaṃ. Sotakāyapasādādīnampi hi vuttanayena ekattaṃyevāti.

728-30. Aññaṃ pana aññasmiṃ na catthīti ṭhapetvā aññaṃaññāvinibbhogavasena pavattiṃ aññaṃ rūpaṃ aññasmiṃ rūpe paramatthato nevatthi bhinnanissayabhāvena kalāpantaragatattā. Cakkhupasādo hi daṭṭhukāmatānidānakammasamuṭṭhitabhūtanissito, kāyapasādo phusitukāmatānidānakammajabhūtanissito. **Asaṅkaranti** asaṃkiṇṇam. Yadi evaṃ, na sabbattha kāyāyatanādīkanti? Tampi natthi paramatthato. Vinibbhujitvā hi nesamā nānākaraṇam paññāpetuṃ na sakkā, taṃ dassetuṃ **“aññaṃaññāvinibbhogavasena”**tiādi vuttaṃ. **Aññaṃaññā...pe... pavattitoti** aññaṃaññaṃ santānato avinibbhujjanavasena avisaṃsaṭṭhavasena pavattanato. Avinibbhogarūpavasenāti pana attho na hoti. Na hi cakkhukāyapasādānaṃ ekakalāpagataavinibbhogarūpā ṭhānantaram vattuṃ sakkāti. Yathā rūparasādīnaṃ vivecetūṃ asakkuṇeyyatāya aññaṃaññābyāpitā vuccati, na ca paramatthato rūpe raso atthi. Yadi siyā, rūpaggaṇeṇeva rasaggaṇam gaccheyya. Evaṃ kāyāyatanādīnampi paramatthato na sabbattha atthitā, “idaṃ ettha, idaṃ etthā”ti ṭhānantaram pana samayaññunā kenaci na sakkā vattuntī. **Atthi kāyapasādotīti** itisaddo “tasmā”ti imassa atthe. Tenāha “tasmā”ti. **Evamudīritanti** sabbatṭhānikanti evamudīritam.

731-2. Lakkhaṇādivasenāpīti yathāvuttalakkhaṇarasapaccupaṭṭhānapadaṭṭhānavasenāpi. **Dhajānaṃ ...pe... gatāti** pañcavaṇṇānaṃ nīlādīpañcavaṇṇasuttamayānaṃ ekamekassa vā ekekavaṇṇavasena dhajānaṃ chāyā tesamā upamataṃ upamābhāvaṃ gatā sampattāti attho. Keci pana “chāyā upamā etesanti chāyāupamā, chāyāupamānaṃ bhāvo chāyāupamatā, taṃ gatā ete dhammā”ti vadanti. Taṃ pana tehi “chāyāupamataṃ gatā”ti ettha bahubbīhivaseneva rassattanti maññaṃānehi vuttaṃ bhavēyya. Gāthābandhatthaṃ pana rassattanti daṭṭhabbaṃ. “Catutthadū”tiādisu hi vibhattilopampi katvā dassento ācariyo na īdisesu ṭhānesu byañjane ādaram janeti. Yaṃ pana “tesa”nti heṭṭhāpadaṃ, “dhammāna”nti uparipadaṃ vā sambandhituṃ anicchantehi vuccati tattha **“nānattaṃ samupāgata”**nti. Taṃ ettha akāmāpi sambandhitabbameva. Na hi nānattaṃ samupāgataṃ tesanti nāpekkhatīti. Athāpi tattha “nānattaṃ samupāgata”ti pāṭhaṃ parikappeyyuṃ, hotu tāva potthakesu adissamānampi pāṭhaṃ parikappetvā tesamā tuṭṭhi. Ayaṃ panettha adhippāyo – yathā pañcavaṇṇānaṃ dhajānaṃ ekato katvā ussāpitānaṃ kiñcāpi chāyā ekābaddhā viya hoti, aññaṃaññaṃ pana asammissāva, evameva ime sabbatṭhānikarūpā kiñcāpi ekābaddhā viya honti, lakkhaṇato pana aññaṃaññaṃ bhinnasabhāvā asammissāyeva. Ekakalāpaṭṭhāpi hi lakkhaṇato bhinnasabhāvā, kiṃ pana nānākalāpaṭṭhāti.

733. Attano paccayehi loke niyuttaṃ, viditanti vā lokikaṃ, tassa bhāvo **lokikattaṃ**. Hinoti patiṭṭhahati sampayuttadhammarāsi etenāti hetu, mūlaṭṭhena upakārako lobhādiko ca alobhādiko ca, tādiso hetu na hoṭīti **nahetu**. Attano paccayehi saṅkhatam abhisāṅkhatanti **saṅkhatam**. Ābhavaggā, āgotrabhu vā savantīti āsavā, saha āsavehīti **sāsavam**, āsavehi ālambitabbanti attho. **Paccayāyattavuttitoti** attano attano paccayādhīnappavattitāya sappaccayattāti vuttaṃ hoti. Nidassanamattametam. Kāmāvacarattā ahetukattā hetuvippayuttattā saṃyojanīyattā ganthaniyattā upādānīyattā oghanīyattā yoganiyattā nīvaraṇīyattā saṃkilesikattā parāmaṭṭhattā cīttavippayuttattā na rūpāvacarattā na arūpāvacarattā na apariyāpannattā anīyānikattā aniccattāti evamādināpi kāraṇena ekavidhamevāti.

734-8. Evaṃ ekavidhanayaṃ dassetvā idāni ādi-saddena saṅgahitaduvidhatādīnayaṃ dassetuṃ **“ajjhattikabahiddhā”**tiādinā ajjhattikadukādayo āradhā. Tattha ajjhattikaduke tāva āhito aham māno etthāti attā, attabhāvo, taṃ attānaṃ adhīkicca uddissa pavattattā ajjhattā, indriyabaddhadhammā, tesu bhavāni, attani vā bhavāni **ajjhattikāni**. Kāmaṃ aññepi ajjhattasambhūtā atthi, ruḥhīvasena pana cakkhādīneva **“ajjhattikāni”**ti vuccanti. Atha vā “yadi mayaṃ na homa, tvamā kaṭṭhakalīngarūpamo bhavissasi”ti vadantā viya attabhāvassa sātīsaṃ upakārakānīti tāneva visesato ajjhattikanāmaṃ labhanti. **Indriyānindriyāti** ādhipaccaṭṭhena **indriyāni**, sesamā tadabhāvato **anindriyam**. Tattha cakkhādīnaṃ pañcannaṃ cakkhuvīññāññādisu adhipateyyam tesamā paṭumandabhāvādiyanuvattanato, itthindriyapurisindriyadvayassa itthilīngādīhetubhāve, jīvitindriyassa ca saharūpānupālaneti daṭṭhabbaṃ. Visayavisayībhāvato ghaṭṭanavasena gaṭhetabbattā **oḷārikam**, tabbiparītattā **sukhumam**. **Upādīnanti** kammunā gahitaṃ. Kammanibbattañhi “mamaṃ phala”nti tena kammunā gahitaṃ viya

hoti.

Ekādasa...pe... sappatighanti cakkhuviññānaviññeyyattā sanidassanattābhāvato anidassanaṃ, aññamaññaṃ patanavasena pana paṭighasabbhāvato sappatighaṃ, ubhayapaṭikkhepena **anidassanaappaṭighaṃ. Kammato jātanti** ettha yaṃ ekantato kammamuṭṭhānaṃ aṭṭhindriyāni, vatthu cāti navavidhaṃ rūpaṃ. Yañca ekādasavidhe catusamuṭṭhāne kammamuṭṭhānaṃ ekādasavidhameva rūpanti evaṃ vīsatividhampi kammato uppajjanato **kammajaṃ**. Yañhi jātaṃ, yañca jāyati, yañca jāyissati, taṃ sabbampi “kammaja”nti vuccati yathā “duddha”nti. Kammato aññaṃ akammaṃ, akammato jātaṃ **akammajaṃ**. Aññatthe hi ayaṃ a-kāro. Tenāha “**tadaññapaccayājāta**”nti. Kammato aññapaccayato jātaṃ, utucittāhārajanti attho. Cittajattikādīni vuttānusārena yojetuṃ sakkāti na dassitāni.

Diṭṭhacatukke daṭṭhabbanti diṭṭhaṃ. Yaṃ rūpāyatanaṃ adakkhi, yañca dakkhissati, yañca dakkhati, yañca passeyya, taṃ sabbhaṃ **diṭṭhaṃ** nāma taṃsabhāvānavattanato yathā “iṭṭha”nti. Esa nayo **sutā**dīsupi. **Diṭṭhaṃ nāma rūpāyatanaṃ** cakkhuviññānaviññeyyattā. **Sutaṃ nāma saddāyatanaṃ** sotaviññānaviññeyyattā. **Mutaṃ nāma gandharasaphoṭṭhabbāyatanaṃ** mutvā patvā gahetabbato, pasādena saha sambandhanato vā. Tathā hetuṃ sampattaggāhakavisayaṃ vuttaṃ. **Viññātaṃ nāma avasesaṃ** kevalaṃ manoviññānaviññeyyattā.

Dvārañceva vatthu cāti attanissitānaṃ cakkhuviññānādīnaṃ, aññanissitānaṃ sampaṭicchanaādīnañca pavattimukhabhāvato dvārañceva attanissitānaṃ ādhārabhāvato vatthu ca. **Dvārameva hutvā na vatthūti** kevalaṃ kammadvārabhāvato dvārameva, tannissitassa cittuppādassa abhāvato na vatthu. **Vatthumeva hutvā na dvāranti** manodhātumanoviññādhātūnaṃ nissayabhāvato vatthumeva, cakkhādayo viya saparanissitānaṃ pavattidvārabhāvato na dvāraṃ. Sesam ekavīsatividhaṃ rūpaṃ vuttavipariyāyato **neva dvāraṃ na vatthu ca. Catutthacatukketi** vatthucatukke. **Tatiyapadanti** “vatthumeva hutvā nevindriya”nti padaṃ.

739-40. Puna pañcavidhanti sambandho. **Catujanti** pakāsitaṃ catūhiyeva samuṭṭhānato.

Cakkhuviññānaviññeyyaṃ rūpāyatanaṃ tena gahetabbato, na pana cakkhuviññāneva viññeyyato. Tathā hetuṃ āvajjanādīhi ceva manodvārikajavanehi ca viññāyatīti. Esa nayo sotaviññeyyādīsupi. Manoviññānaviññeyyaṃ pana kevalaṃ manoviññāneva viññātabbaṃ. Na hi rūpādito aññattha cakkhuviññānādīni pavattanti.

Chavatthuavatthubhedatoti channaṃ vatthūnaṃ, avatthussa ca bhedato. Manodhātuvivāyānaṃ rūpādipañcakaṃ.

Manāyatanaṃ arūpattā, dhammāyatanaṃ ca ekadesato rūpattā āha “**āyatanabhedato ekādasavidha**”nti.

743-5. Arūpabhava rūpuppattiyā abhāvato, asaññībhavassa ca rūpabhavapariyāpannattā vuttaṃ “**kāmarūpabhavadvaye**”ti. **Bhummavajjesūti** bhummadevānaṃ vajjanaṃ yonivibhāgaṃ patvā tesam manussasadisattā. **Purimā tisso**ti aṇḍajalābujasaṃsedajayoniyo. Tā hi yathāvuttappabhedesu na labbhanti, tāsāñca paṭikkhepena pacchimā opapātikayoni anuññātāti atthato āpannameva hotīti. Tattha **nirayeti** ussādānampi gahaṇato avīcimahāniraye kīṭapānakānampi sarīraṃ pacchā vaḍḍhanakaṃ hutvāva nibbattati, nijjhāmatāṇhikapetānaṃ niccāturatāya kāmassa abhāvato gabbhaggahaṇaṃ na hoti, tasmā aṇḍajalābujayoniyo tattha na santi, ādittattā kucchiyaṃ gabbhaṃ na patiṭṭhātīti keci. Nibbattamānānañca pāpakammānubhāvena mahādukkhassa pattabbatāya mahanteneva sarīrena bhavitābanti saṃsedajayonipi tesam na hoti, aggijālāya santappamānasarīrattā tesam nibbattakāle allaṭṭhāne pupphādīsū sambhavābhāvato saṃsedajātā natthevātīpi vadanti. Tena tesam opapātikāva yonīti āha “**nijjhāmatāṇhike**”ti. Atha saṃsedajaopapātikayonīnaṃ ko visesoti? Saṃsedajo tāva khuddakasārīro hutvā padumagabbhādīṃ nissāya nibbatta kamena vaḍḍhati. Itaro pana yattha yattha nibbattati, tattha tattha paricchinnappamānasarīrova soḷasavassuddesiko viya paripuññaṅgapaccaṅgo pāturahosi.

Sese gatittayeti ṭhapetvā devagatiṃ, nirayagatiñca avasesamanussapetatiracchānasaññite gatittaye. Manussesu hi keci aṇḍajāpi honti kuntaputtadvebhātikattherā viya, keci saṃsedajāpi honti padumagabbhe nibbattapokkharasātibrahmaṇādayo viya, keci opapātikāpi honti ambapālīgaṇikādayo viya. Nijjhāmatāṇhikāvasesapetā pana sabbacatuppadaḍḍhijātīdīghajātīdayo sabbepi tiracchānā ca catuyonikāvāti.

746-7. Gabbhe mātukucchiyaṃ setīti gabbhaseyyako, soyeva rūpādīsū sattatāya gabbhaseyyakasatto. Tassa **gabbhaseyyakasattassa. Timsa rūpānīti** kāyabhāvavattudasaḷasena samatiṃsa kammajarūpāniyeva. Tadā hi neva cittajarūpamatti paṭisandhiccittassa rūpasamuṭṭhāpakattābhāvato, nāpi utujaṃ purimuppānautuno abhāvā. Utu hi ṭhānappattaṃ rūpaṃ samuṭṭhāpeti, na ca āhārajaṃ tasmīṃ kāye ajjhohaṭṭassa abhāvato, tasmā kammamuṭṭhānāniyeva timsa rūpāni paṭisandhikkhaṇe nibbattanti, yānī “kalalarūpa”nti pavuccanti, paripuñḍitāni ca tāni jātiyūṇāya ekassa

aṃsuno pasannatilatele pakkhipitvā uddhaṭṭassa paggharivā agge ʈitabindumattāni acchāni vipasannāni pasannatelabindusamānāni honti. Yathāhu –

“Tilatelassa yathā bindu,
Sappimaṇḍo anāvilo;
Evaṃ vaṇṇapaṭibhāgaṃ,
Kalalanti pavuccatī”ti. (vibha. aṭṭha. 26);

Sabhāvassevatī avadhāraṇena abhāvakassa bhāvadasakābhāvato timsarūpānaṃ asambhavaṃ dīpeti. Tenāha “**abhāva...pe... kāyavattuvasena tū**”ti. **Abhāvagabbhaseyyānanti** iminā abhāvaopapātikānaṃ na evanti dasseṭṭi keci. Pubbe sabhāvakagabbhaseyyakassa pana vatvā tato nivattanatthaṃ “abhāvagabbhaseyyakasattāna”nti vuttanti daṭṭhabbaṃ. Pubbe gabbhaseyyaka-ggahaṇena aṇḍajānampi gahaṇe idha viṣuṃ vacanaṃ gobalībaddaṇāyavasenaṭi daṭṭhabbaṃ, na pana tesam abhāvakabhāvanivattanatthanti. Itarathā hi viṣatirūpānaṃ vacanaṃ virujjhati. Abhāvakabhāvo panettha aṇḍajānaṃ pakaraṇato daṭṭhabbo. Na hi gabbhaseyyaka-saddena samāsabhūtaṃ abhāva-saddaṃ idha ānetuṃ sakkāti.

748. Gahitāgahaṇenettha, ekādasa bhavanti teti ekasmiṃ kalāpe gahitarūpānaṃ aparakalāpe aggahaṇavasena suddhaṭṭhakaṃ, jīvitam, kāyapasādo, vatthurūpanti abhāvakassa paṭisandhikkhaṇe ekādasa rūpāni bhavanti, sabhāvakassa pana dvīsu bhāvesu ekena saha dvādasa rūpāni honti. **Eseva ca nayoti** vuttetu, vakkhamānesu ca paṭisandhikkhaṇikakalāpesu aggahitaggahaṇena rūpaggaṇe nayo eseva ñeyyo.

749. Nanu ca “sabbesu dasakesū”ti vuttaṃ, kathaṃ pana te dasakā jānitabbāti āha “**jīvitena**”tiādi. **Suddhakamaṭṭhakanti** cattāri mahābhūtāni, tannissitā ca vaṇṇagandharasaojāti idaṃ jīvitādinā asammissaṃ suddhaṭṭhakaṃ. Imāniyeva hi aṭṭha katthaci avinibbhogavasenaṇi pavattito avinibbhogarūpāni avakāṃsato eko kalāpoti ca vuccati. **Ācariyajotipālattherena** pana “nippahānānippahnavasena dasa rūpāni avinibbhogavuttikāni eko kalāpo”ti vatvā puna taṃsamatthanatthaṃ idaṃ vuttaṃ –

“Avinibbhogavuttīni, catujānekalakkhaṇā;
Nippahānānaṭṭha vā tesu, hitvāna kāyalakkhaṇe”ti.

750. Kāyadasakanti kāyo dasamo etthāti kāyadasakaṃ, asādhāraṇena vā kāyena lakkhitaṃ dasakaṃ kāyadasakaṃ. Esa nayo cakkhudasakādīsu. **Pariyāpuṭaṃ** ñātaṃ, kathitanti vā attho.

752-3. Kāmāvacaradevesu sabbakālaṃ paṭisandhipavattīsu sattatiyā rūpānaṃ labbhanato vuttaṃ “**niccaṃ rūpāni sattatī**”ti. Na hi te kadācīpi vikalindriyā, abhāvakā vā honti. “Manussesu opapātikasattāna”nti avisesena vuttepi ādikappikānaṃ bhāvadasakassa paṭisandhikkhaṇe abhāvato tesam saṭṭhi rūpāni veditabbaṃ. Jīvitānavakampi opapātikānaṃ, saṃsedajānaṇca kāmāvacarasattānaṃ pavatteyeva hoti tassa pācakagginā sahaṇvuttitā, tassa ca ajjhoḥaṭṭhārasannissayena sambhavato. Saṃsedajānampi paripuṇṇaṇgapaccaṅgānaṃ nibbattanato opapātikēhi viṣeso natthīti tesam viṣuṃ aggaṇaṃ. **Vibhaṅgepi** hi –

“Kāmadhātuyā upapattikkhaṇe kassaci ekādasāyatanāni pātubhavanti, kassaci dasāyatanāni, kassaci aparāni dasāyatanāni, kassaci navāyatanāni, kassaci sattāyatanāni pātubhavanti”ti (vibha. 1009) –

Imassa niddese “opapātikasattāna”ntiādinā opapātika-ggahaṇameva kataṃ, na saṃsedaja-ggahaṇaṃ. Taṇca paripuṇṇāyatanānaṃ saṃsedajānaṃ opapātikesu saṅgaṇhanato. Tathā hi vuttaṃ **aṭṭhakathāyaṃ** “saṃsedajayonikā paripuṇṇāyatanabhāvena opapātikasaṅgaṇaṃ katvā vuttā”ti. Padhānāya vā yoniyā sabbaparipuṇṇāyatanayonim dassetuṃ “**opapātikasattāna**”nti vuttaṃ.

754-5. Cakkhusotavattuvasatī cakkhudasakasotadasakavattuvasakavasā. **Ānandācariyo** panettha “rūpadhātuyam paṭisandhiviniñāṇena saha cakkhusotavattuvasattakānaṃ jīvitachakkassatī catunnaṃ kalāpānaṃ vasaṇa sattavīsati rūpāni uppajjanti, tattha gandharasāhārānaṃ paṭikkhattatā”ti vatvā puna taṃ samatthento “**pāḷiyaṇhi** ‘rūpadhātuyā upapattikkhaṇe ʈapetvā asaṇṇāsattānaṃ devānaṃ pañcāyatanāni pātubhavanti, paṇca dhātuyo pātubhavanti”ti (vibha. 1015) vuttaṃ. Tathā ‘rūpadhātuyā cha āyatanāni nava dhātuyo’ti (vibha. 994) sabbasaṅgāhakavasena tattha vijjamānāyatanadhātuyo dassetuṃ vuttaṃ. **Kathāvattthumbi** ca ghānāyatanādīnaṃ viya gandhāyatanādīnaṇca tattha bhāvo paṭikkhitto ‘atthi tattha ghānāyatananti? Āmantā. Atthi tattha gandhāyatananti? Na hevaṃ vattabbe’tiādinā (kathā. 520). Na ca aphoṭṭhabbāyatanānaṃ pathavīdhātuādīnaṃ viya agandharasāyatanānaṃ gandharasānaṃ tattha bhāvo sakkā vattuṃ phusituṃ sakkuṇeyyatāvinimuttassa pathavīdisabhāvassa viya gandharasāyatanabhāvavinimuttassa gandharasabhāvassa abhāvā. Yadi ca ghānasamphassādīnaṃ kāraṇabhāvo natthīti

tāni āyatanānīti na vucceyyum, dhātusaddo pana nissattanijjivavibhāvakoṭi gandhadhāturasadhātūti avacane kāraṇaṃ natthi. Dhammasabhāvo ca nesaṃ ekantena icchitabbo sabhāvadhāraṇādīlakkhaṇato aññaṣṣa abhāvā. Dhammānaṃcā āyatanabhāvo ekantato **yamake** vutto ‘dhammo āyatananti? Āmantā’ti (yama. 1.āyatanayamaka.13), tasmā tesam gandharasāyatanabhāvābhāvepi koci āyatanabhāvo vattabbo. Yadi ca phoṭṭhabbābhāvato añño pathavīdībhāvo viya gandharasabhāvato añño tesam koci sabhāvo siyā, tesam dhammāyatanasāṅgaho. Gandharasabhāve, pana āyatanabhāve ca satī gandho ca so āyatanaṃcā gandhāyatanam, raso ca so āyatanaṃcā rasāyatananti idamāpannamevāti gandharasāyatanabhāvo ca na sakkā nivāretum, ‘tayo āhārā’ti (vibha. 1015) vacanato kabaḷīkārahārassa tattha abhāvo viññāyati, tasmā yathā pāḷiyā avirodho hoti, tathā gandharasoja hitvā rūpaḅaṇānā kātabbā. Evañhi dhammatā na vilomatā hoti’ ti vadati.

Ācariyajotipāladhammapālattherā pana taṃ paṭikkhipanti. Tathā ca vuttaṃ tehi “rūpāvacarassattānaṃ ghānājivhāyatanābhāvato vijjānānāpi gandharasā āyatanakiccaṃ na karontī’ ti, te anāmasitvā **pāḷiyam** “pañcāyatanāni pātubhavanti’ ti “cha āyatanāni’ ti (vibha. 993-994) ca ādi vuttaṃ. “Tayo āhārā’ ti ca ajjhoharītabbassa āhārassa abhāvena ojaṭṭhamakarūpasamuṭṭhāpanasankhātassa āhārikicassa akaraṇato, na sabbena sabbaṃ gandharasānaṃ, ojāya ca abhāvato. Iti visayino kiccassa abhāvena visayo kiccabhāvadhammo na vutto. Yasmiñhi bhava visayī natthi, tasmim taṃhetuko nipariyāyena visayassa āyatanabhāvo natthīti vijjānānānāpi avacanaṃ, yathā tattheva rūpabhāve pathavītejovāyodhātūnaṃ phoṭṭhabbāyatanabhāvena. Yassa pana yattha vacanaṃ, tassa tattha visayīsabbhāvahetuko nipariyāyena āyatanabhāvo vutto, yathā tattheva rūpāyatanassa. Yadi visayīsabbhāvahetuko visayassa nipariyāyena āyatanabhāvo, kathamasaññasattānaṃ dve āyatanāni pātubhavanti. Asaññasattānāhi cakkhāyatanam natthi. Atha tadabhāvena rūpāyatanam aññesaṃ avisayoti? Nāyaṃ virodho. Yena adhippāyena rūpadhātuyam saññīnaṃ gandhāyatanādīnaṃ avacanaṃ, tena na rūpāyatanānāpi avacanaṃcā asaññīnaṃ ekaṃ āyatanam na vattabbaṃ. Yathāsakañhi indriyagocarabhāvāpekkhāya yesam nipariyāyena āyatanabhāvo atthi, tesu niddisiyamānesu tadabhāvato rūpadhātuyam saññīnaṃ gandhādike visum āyatanabhāvena avatvā dhammasabhāvānativattanato, manoviññāṇassa ca visayabhāvūpagamanato dhammāyatanantogadhe katvā “pañcāyatanāni’ ti **pāḷiyam** vuttaṃ. Etadatthañhi dhammāyatananti sāmāññato nāmakaraṇam piṭṭhivattakāni vā tāni katvā “pañcāyatanāni’ ti vuttaṃ. Yena ca pana adhippāyena asaññīnaṃ rūpāyatanam vuttaṃ, tena saññīnaṃ, asaññīnaṃpi gandhāyatanādīnaṃ visum gahaṇam kātabbanti imassa nayassa dassanattam “asaññasattānaṃ devānaṃ dve āyatanāni pātubhavanti’ ti (vibha. 1017) vuttaṃ.

Asatipi hi tattha attano indriyesu rūpassa vaṇṇāyatanasabhāvātikkamo natthevāti taṃ rūpāyatanantveva vuccati. Iminā ca nayadassanena gandhādīni tīni pakkhipitvā saññīnaṃ aṭṭha āyatanāni, asaññīnaṃ pañcāti ayamatto dassito hoti. Evañcetam sampaṭicchitabbaṃ, aññathā rūpaloke phusitum asakkuṇeyyatāya pathavīdīnaṃ brahmūnaṃ vacīghoso eva ca na siyā. Na hi paṭighaṭṭananighamaṣanāmantarena saddappavatti atthi, na ca phusanasabhāvānaṃ katthaci aphanasabhāvātā sakkā viññātum, phoṭṭhabbāyatanassa ca bhūtattayassa abhāve rūpabhāve rūpāyatanādīnaṃpi sambhavo eva na siyā, tasmā phusitum sakkuṇeyyatāyapi pathavīdīnaṃ tattha kāyindriyābhāvena tesam phoṭṭhabbābhāvo na vutto. Evañca katvā rūpadhātuyam tesam sappaṭighatāvacaṇaṃcā samatthitaṃ hoti. Vuttañhi “asaññasattānaṃ anidassanasappaṭigham ekaṃ mahābhūtam paṭicca...pe... dve mahābhūta’ tiādi.

Paṭigho ca nāma bhūtattayassa kāyapasādam pati tannissayabhūtaghaṭṭanaṃ dvārena abhimukhabhāvo, idha pana taṃsabhāvātā, so ca phusitum asakkuṇeyyabhāvo ghaṭṭanāya abhāvato natthi. Yadi tattha asatipi visayimhi rūpāyatanānāpi gahetvā “dve āyatanāni’ ti vuttaṃ, atha kasmā gandhāyatanādīni gahetvā “pañcāyatanāni’ ti na vuttanti? Nayadassanavasena desanā pavattāti vuttovāyamatto. Atha vā tattha rūpāyatanasseva vacanaṃ kadāci aññabhūmikānaṃ pasādassa visayabhāvaṃ sandhāya, na pana itaresam abhāvato, nāpi pariyaṇena gandhāyatanādīnaṃ āyatanabhāvābhāvato.

Asaññīnañhi rūpāyatanam samānatalavāsīnaṃ vehapphalānaṃ, uparibhūmikānaṃcā suddhāvāsīnaṃ pasādassa visayabhāvaṃ gacchati, na pana gandharasāti tesameva tattha avacanaṃ yuttaṃ. **Kathāvattumhi** ca nipariyāyena gandhāyatanādīnaṃ atthibhāvaṃ pariyaṇantaṃ sandhāya paṭisedho kato. Yadi cetam vacanaṃ tattha gandhāyatanādīnaṃ abhāvavibhāvaṃ na hoti, atthibhāvādīpanampi pana aññavacanaṃ natthevāti? Nayidamevaṃ aṭṭhakathāsu tattha tesam atthibhāvassa niddhāretvā vuttattā. Yañhi aṭṭhakathāvacaṇam pāḷiyā na virujjhati, taṃ pāḷi viya pamāṇabhūtam avigarahitāya ācariyaparamparāya yāvajjatanā āgatattā. Tattha siyā “yam pāḷiyā na virujjhati aṭṭhakathāvacaṇam, taṃ pamāṇam, idam pana virujjhati’ ti? Nayidamevaṃ, yathā na virujjhati, tathā paṭipāditattā. Cakkhādīnaṃ āyatanānaṃ, tannissayānaṃcā viññāṇaṃ sattasuññātāsandassanattam bhagavato dhātudesanāti āyatanabhāvena vuttānaṃcā dhātubhāvādīpanato dhātubhāvassāpi tesam avacanaṃ yujjati eva, tasmā yathā pāḷiyā avirodho hoti, tathā cakkhudasakādivasena idha rūpaḅaṇānā katāti na ettha dhammatāvilomanāsankāya okāsoti vedītabbanti.

756. Jaccandhabadhīrāti chandānurakkhaṇattam dīghakaraṇam. Na hi jaccandhabadhīraaghānarahite

napuṃsake **vatthukāyajivhā**dasakavasena idha **tiṃsā**ti yujjati, idaṅca “opapātikassa jaccandhabadhiraghānarahite napuṃsake jivhākāyavattthudasakānaṃ vasena tiṃsa rūpāni uppajjantī”ti aṭṭhakathāvādaṃ gaheṭvā vuttaṃ. **Ānandācariyo** pana taṃ “pāliyaṃ na sameti”ti vatvā paṭikkhipati. Tathā cāha “netam pāliyaṃ sameti”ti. Na hi pāliyaṃ kāmāvacarānaṃ saṃsedajopapātikānaṃ aghānakānaṃ uppatti vuttā.

Dhammahadayavibhaṅge hi –

“Kāmadhātuyā upapattikkhaṇe kassaci ekādasāyatanāni pātubhavanti, kassaci dasāyatanāni, kassaci aparāni dasāyatanāni, kassaci navāyatanāni, kassaci sattāyatanāni pātubhavanti”ti (vibha. 1009) –

Vuttaṃ, na vuttaṃ “aṭṭhāyatanāni pātubhavanti”ti. Yadi hi aghānakassāpi upapatti siyā, tikkhattuṃ “dasāyatanāni pātubhavanti”ti vattabbaṃ siyā, tikkhattuṃca “navāyatanāni pātubhavanti”ti, na cetam vuttaṃ. **Yamake** ca ghānajivhānaṃ sahappavatti vuttāti taṃ upaparikkhitvā gaheṭṭabanti. Ayañhettha ācariyassa adhippāyo – **dhammahadayavibhaṅgapāliyaṃ**hi “ekādasā”ti paripuṇṇāyatanassa saddāyatanavajjāni ekādasāyatanāni vuttāni, “kassaci dasāyatanāni”ti andhassa cakkhāyatanavajjāni, “aparāni dasāyatanāni”ti badhirassa sotāyatanavajjāni, “navāyatanāni”ti andhabadhirassa cakkhusotavajjāni, “sattāyatanāni”ti gabbhaseyyakassa rūpagandharasakāyaphoṭṭhabbamanadhammāyatanavasena vuttaṃ. Yadi cakkhusotaghānavikalopi uppajjeyya, tassa aṭṭhevāyatanāni vattabbāni siyuṃ, na ca vuttaṃ “aṭṭhāyatanāni pātubhavanti”ti, tasmā nattheva cakkhusotaghānavikalopi. Sati aghānakaupapattiyam punapi “kassaci aparāni dasāyatanāni pātubhavanti”ti vattabbaṃ siyā. Tathā ca sati yathā andhabadhirassa vasena “kassaci navāyatanāni pātubhavanti”ti ekavāraṃ vuttaṃ, evaṃ andhāghānakassa, badhirāghānakassa ca vasena “kassaci aparāni navāyatanāni, kassaci aparāni navāyatanāni”ti vattabbaṃ siyā. Kāmabhava ajivhassa sattassābhāvato, ghānajivhāyatanānaṃ sahappavattivacanato ca tattheva kāmadhātuyam aghānakassāsambhavoti.

Jotipālatherādayo pana “saṃsedajassa jaccandhabadhiraaghānakanapuṃsakassa jivhākāyavattthudasakānaṃ vasena tiṃsarūpāni uppajjantīti vuttaṃ, na opapātikassa. **Dhammahadayavibhaṅgapāliyaṃ**ca ‘upapattikkhaṇe’ti vuttattā opapātikasseva vasena nayo nīto. **Yamakattāhakathāyaṃ**ca vuttaṃ ‘kāmadhātuyam aghānako opapātikato natthi. Yadi bhaveyya, kassaci aṭṭhāyatanāni pātubhavanti vadeyyā’ti, yampi **dhammahadayavibhaṅge** ‘kāmadhātuyā upapattikkhaṇe kassaci ekādasāyatanāni pātubhavanti’tiādināṃ niddese ‘opapātikānaṃ petāna’ntiādinā opapātika-ggahaṇameva kataṃ, na pana saṃsedaja-ggahaṇaṃ, taṃ paripuṇṇāyatanānaṃyeva saṃsedajānaṃ opapātikesu saṅgahavasena vuttanti veditabbaṃ. Tathā hi vuttaṃ **aṭṭhakathāyaṃ** ‘saṃsedajayonikā paripuṇṇāyatanabhāvena opapātikasaṅgahaṃ katvā vuttā’ti, padhānāya vā yoniyā sabbaṃ paripuṇṇāyatanam yoniṃ saṅgahetvā dassetuṃ ‘opapātikāna’nti vuttanti ca, tasmā na koci pāḷivirodho”ti vadanti.

Apare panāhu – “kāmadhātuyam aghānako opapātikato natthi. Yadi bhaveyya, kassaci aṭṭhāyatanāni pātubhavanti vadeyyāti idam manussesu saṃsedajopapātikānaṃ vasena vuttaṃ, te paripuṇṇāyatanāva. Kesaṅci pana aghānakakīṭṭānaṃ atthibhāvato apāyesu saṃsedajopapātikā sandhāyetaṃ vutta”nti vadanti. Taṃ **ānandācariyādinam** matena paṭikkhepārahamevāti.

757-8. Ukkamsassāvakaṃsassa antareti “sattatī”ti vuttaukkamsapāricchedassa, “tiṃsā”ti vuttaavakaṃsapāricchedassa ca majjhe. **Anurūpato...pe... vibhāvināti** jātiandhassa saṭṭhi rūpāni cakkhudasakābhāvato, tathā badhirassa sotadasakābhāvato, andhabadhirassa pana paṇṇāsa cakkhusotadasakābhāvato tiādinā nayena aññamaññāpekkhāya paripuṇṇā **paripuṇṇānaṃ rūpānaṃ paṇṇānaṃ vasena rūpānaṃ samuppatti** viññātabbāti attho. Yaṃ panettha vattabbaṃ, taṃ vuttamevāti.

759-60. Evaṃ tīsu bhavesu paṭisandhiyaṃ rūpappavattiṃ dassetvā idāni pavattiyam dassetuṃ “**sattavīsati rūpāni**”tiādi vuttaṃ. Kāmāvacarasattassa hi paripuṇṇāyatanassa asati andhabadhirādīpasādavighāte yāva maraṇacittassa heṭṭhā sattarasamaccittam, tāva sattavīsati rūpāni pavattanti. Aparipuṇṇāyatanassa pana jaccandhādīkassa heṭṭhā vuttanayena rūpānaṃ hāyanaṃvādhanāni veditabbāni. Nanu aṭṭhavīsatiyeva rūpāni kāmabhava pavattantīti āha “**appavattanato**”tiādi.

Ghānaṃ...pe... na vijjareti kāmavirāgabhāvanāvasena gandhādiggāhakesu pasādesu virattā hontīti ghānādittayam natthi. Cakkhusotesu pana anuttaradassanādiattham virattā na hontīti tāni tesam uppajjanti. **Bhāvadvyayam** kāmāragūpanissayattā na uppajjati. Keci pana “lahutādittayampi rūpabhava natthi dandhattakarādīdhātukkabhābhāvato. Sati hi tādise dhātukkabhāve tappāṭipakkhehi lahutādīhi bhavitabba”nti vadanti, taṃ akāraṇam. Na hi vūpasametabbapaccanīkapekkho tabbirodhidhammuppādo. Tathā sati sahetukakiriyacittuppādesu kāyalahutādīnaṃ abhāvo eva siyā, tasmā pañceva rūpāni saññībrahmānaṃ na uppajjanti, avasesāni tevīsati rūpāni uppajjanti. Asaññībrahmānaṃ pana pañca pasādarūpāni, bhāvadvyayam, hadayavatthu, viññattidvyayam, lahutādittayanti

terasa rūpāni vajjetvā avasesāni pannarasa uppajjanti.

761. Catusantatīti catunnaṃ paccayānaṃ vasena catusantatirūpāni. **Rūpe honti tisantatīti** brahmānaṃ anāhārabhāvena āhārajarūpānaṃ abhāvato tisso santatiyo. **Dvisantatīti** cittajāhārajanāṃ abhāvato dve santatiyo. **Bahiddhā ekasantatīti** kammajādīnaṃ tissannampi abhāvato utujasantatiyeva.

762-4. Evaṃ paṭisandhipavattīsu rūpānaṃ gaṇanaparicchedaṃ vatvā idāni tattha nesaṃ uppattikkamaṃ dassetuṃ “**rūpaṃ nibbattamāna**”ntiādi vuttaṃ. **Sabbesanti** kāmarūpabhavikānaṃ sabbasattānaṃ. **Paṭisandhikkhaṇe panāti** ettha dasakattayaṃ hotīti pāṭhaseso. Tenāha “**yathevā**”tiādi. Paṭisandhikkhaṇe dasakattayaṃ heṭṭhā vuttampi “**tañca kho sandhicittassa**”tiādikaṃ visesaṃ dassetuṃ puna vuttaṃ. Cittassa tīsu khaṇesu kammajarūpānaṃ samuppattito āha “**tathevā**”tiādi. **Ṭiṃsa ṭiṃsevāti** ṭiṃsa ṭiṃseva kammajarūpāni.

Ānandācariyo pana “cittassa ṭhitikkhaṇameva natthi, bhaṅgakkhaṇe ca rūpuppādo natthīti catusamuṭṭhānikānīpi rūpāni cittassa uppādakkhaṇeyeva hontī”ti āha. Vuttañhi tena – yo cettha cittassa ṭhitikkhaṇo vutto, so ca atthi natthīti vicāretabbo. **Cittayama**ke hi “uppannaṃ uppajjamāna”nti (yama. 2.cittayamaka.81) etassa vibhaṅge “bhaṅgakkhaṇe uppannaṃ no ca uppajjamāna”nti (yama. 2.cittayamaka.81) ettakameva vuttaṃ, na vuttaṃ “ṭhitikkhaṇe bhaṅgakkhaṇe cā”ti. Tathā”na uppajjamānaṃ na uppanna”nti ettha “bhaṅgakkhaṇe na uppajjamānaṃ no ca na uppanna”nti ettakameva vuttaṃ, na vuttaṃ “ṭhitikkhaṇe bhaṅgakkhaṇe cā”ti. Evaṃ “na niruddhaṃ na nirujjhamāna”nti etesaṃ paripuṇṇavissajjane “uppādakkhaṇe anāgatañcā”ti vatvā “ṭhitikkhaṇe”ti avacanaṃ, atikkantakālavāre ca “bhaṅgakkhaṇe cittaṃ uppādakkhaṇaṃ vītikkanta”nti (yama. 2.cittayamaka.83) vatvā “ṭhitikkhaṇe”ti avacanaṃ ṭhitikkhaṇābhāvaṃ cittassa dīpeti. **Suttepi** hi “ṭhitassa aññathattaṃ paññāyati”ti (a. ni. 3.47) tasseva ekassa aññathattābhāvato yassa aññathattaṃ paññāyati, sā santatiṭṭhitīti na na sakkā vuttaṃ. Vijjamānaṃ taṃkhaṇadvayasamaṅgī ṭhitanti. Yo cettha cittassa nirodhakkhaṇe rūpuppādo vutto, so ca vicāretabbo. Kasmā? “Yassa vā pana samudayasaccaṃ nirujjhati, tassa dukkhasaccaṃ uppajjati? No”ti (yama. 1.saccayamaka.136) vuttanti, na ca cittasamuṭṭhānarūpameva sandhāya paṭikkhepo katoti sakkā viññātuṃ cittasamuṭṭhānarūpādhikārassa abhāvāti.

Ācariyassa hi ayamadhippāyo – uppannauppajjamānavārādīsu “ṭhitikkhaṇe”ti avacanaṃ “cittassa ṭhitikkhaṇaṃ nāma natthī”ti imamattaṃ dīpeti. Na hi yathādhammaśāsane abhidhamme labbhamānassa avacane kāraṇaṃ dissati. Na kevalaṃ abhidhamme avacanameva cittassa ṭhitikkhaṇābhāvajotakaṃ, apica kho “ṭhitassa aññathattaṃ paññāyati”ti evamāgatā suttantapālīpi. Aññathattaṃ nāma pubbāparaviseso. Apica yathā bhūto dhammo uppajjati, kiṃ tathā bhūtova bhijjati, udāhu aññathā bhūto. Yadi tathā bhūtova bhijjati, na jaratāya sambhavo. Aññathā bhūto, añño eva sotī sabbathāpi ṭhitikkhaṇassa abhāvoyeva. Yadi ca cittassa bhaṅgakkhaṇe rūpaṃ uppajjeyya, taṃ dukkhasaccanti katvā “no”ti vuttaṃ na sakkā, vuttañca, tasmā viññāyati “cittassa nirodhakkhaṇe rūpuppādo natthī”ti.

Ācariyajotipālādhammapālatherānaṃ panetaṃ nakkhamati. Tehi “ekadhammādhārabhāvepi uppādānirodhānaṃ añño uppādakkhaṇo, añño nirodhakkhaṇo. Uppādāvattañhi upādāya uppādakkhaṇo, nirodhāvattaṃ upādāya nirodhakkhaṇo. Uppādāvattāya ca bhinnā nirodhāvattāti ekasmiṃyeva ca sabhāvadhamme yathā icchitabbā, aññathā aññoyeva dhammo uppajjati, añño nirujjhatīti āpajjeyya, evaṃ nirodhāvattāya viya nirodhābhimukhāvattāyapi bhavitabbaṃ, sā ṭhiti jaratā cā”ti sampañcchitabbameṭaṃ.

Yadi evaṃ, kasmā pāliyaṃ ṭhitikkhaṇo na vuttoti? Viṇeyyājñāsāyānurodhena nayadassanavasena pālīgatīti veditabbāti. Abhidhammadesanāpi hi kadāci viṇeyyājñāsāyānurodhena pavattati, yathā rūpassa uppādo “upacayo santati”ti bhinditvā desito. Hetusampayuttadukādidesanā cettha nidassitabbā. “Yassa vā panā”tiādipucchāya vissajjane ca arūpalokaṃ cittasamuṭṭhānarūpaṃ vā sandhāya “no”ti sakkā vuttaṃ. Ayañhi yamakadesanāya pakati, yadidaṃ yathāsambhavayojanāti. Atha vā paccāsattiñāyena yaṃ samudayasaccaṃ nirujjhati, tena yaṃ dukkhasaccaṃ uppādetabbaṃ cittacetasikatappaṭibaddharūpasāṅkhātāṃ, tassa tadā uppatti natthīti “no”ti vissajjanaṃ, na sabbassa vacanato, tasmā na sakkā cittassa ṭhitikkhaṇe, bhaṅgakkhaṇe ca rūpuppādanaṃ paṭikkhipitunti vadanti.

Utujarūpāni pana paṭisandhicittassa ṭhitikkhaṇato paṭṭhāya aṭṭhakanavakavasena uppajjanti. Paṭisandhikkhaṇe hi uppannānaṃ kammajarūpānaṃ abbhantare sahuppādaekanirodhatejodhātu ṭhānaṃ patvā tassa ṭhitikkhaṇe aṭṭha rūpāni samuṭṭhāpeti, tattha uppannā tejjodhātu paṭisandhicittassa bhaṅgakkhaṇe, tattha uppannā paṭhamabhavaṅgassa uppādakkhaṇeti evamādinā aṭṭhakaṃ, kadāci saddapātubhāvākāle tena saha saddanavakaṇica uppajjati. Cittajarūpāni ca paṭisandhito anantaraṃ paṭhamabhavaṅgato paṭṭhāya rūpajanakacittānaṃ uppādakkhaṇe aṭṭhakavasena, saddapātubhāvādikāle saddanavakādivasena ca pavattanti. Āhārajāni pana ekassa, dvīnaṃ vā sattāhānaṃ atikkamena nibbattanti. Nanu ca ajjhohaṭṭhārapaccayena āhāro rūpaṃ samuṭṭhāpeti, gabbhe sayantassa ca kuto ajjhoharaṇāhāroti? Samātito. Mātārā hi bhuttaṃ kucchigatassa sarīre abbhañjanaṃ viya āhārakiccaṃ karoti. Tenāhu porāṇā –

“Yañcassa bhuñjati mātā,

Annaṃ pānañca bhojanaṃ;
Tena so tattha yāpeti,
Mātukucchigato naro’’ti. (saṃ. ni. 1.235);

Tasmā mātaraṃ ajjhohaṭṭhāhārena anuggahite sarīre abhantariḱā oḱā laddhappaccayā rūpaṃ samuṭṭhāpeti, cakkhusotaghānājavhādasakā pana pañcapasādāvattaṃ atikkamma pacchā sattame sattāhe uppajjanti, ‘‘ekādasame sattāhe’’ti (yama. mūlaṭī. āyatanayamaka 22-254) **ānandācariyo** avoca. Ayamettha gabbhaseyyakānaṃ rūpappavattinayo.

Opaṭīkānaṃ paṭisandhicittassa uppādakkhaṇe kammaṣamuṭṭhānāni sattati rūpāni uppajjanti, tathevassa ṭhitikkhaṇe, bhaṅgakkhaṇe ca sattati sattatīṭṭhānāni vuttanayena ukkaṃsāvakaṃsato kāmabhavikasattānaṃ, rūpībrahmānañca yathāvuttanayeneva yathānurūpaṃ kammaṣamuṭṭhānānaṃ, utusamuṭṭhānānañca pavatti veditabbā. Āhārajarūpaṃ pana kāmāvacarānaṃ sabbapaṭṭhaṃ attano mukhagatakheḱaṃ ajjhoharaṇakāle uppajjati. Saññībrahmānaṃ taṃ sabbenā sabbaṃ natthi. Asaññīnañca cittajāhāraḱāni natthevāti ayaṃ viseso. Evaṃ uppajjamaṇesu ca panetesu rūpesu yaṃ cittassa uppādakkhaṇe uppannaṃ, taṃ attanā saḱuppannacittaṃ ādiṃ katvā sattarasamacittassa nirodhakkhaṇe nirujjhati, ṭhitikkhaṇe uppannaṃ aṭṭhārasamassa uppādakkhaṇe nirujjhati, bhaṅgakkhaṇe uppannaṃ imassa ṭhitikkhaṇe nirujjhatīti evaṃ uppajjantaṃ, nirujjhantañca yāva maraṇacittassa heṭṭhā sattarasamacittaṃ, tāva yathārahaṃ catusantatiādivasena pavattatīti. Āsannamaraṇassa pana cutito sattarasamacittassa ṭhitikkhaṇamādiṃ katvā kammajarūpaṃ na samuṭṭhāti. Yaḱi samuṭṭhāti, maraṇaṃ na siyā anupacchinnatā kammajarūpānaṃ. Kammajarūpasamucchede hi ‘‘mato’’ti vuccati. Vuttañhi –

‘‘Āyu usmā ca viññānaṃ, yadā kāyaṃ jahantimaṃ;
Apaviddho tadā seti, niraṭṭhaṃva kaliṅgara’’nti. (saṃ. ni. 3.95);

Sattarasamena saha uppannañca taṃ cuticittena saha nirujjhati, aparañca na uppajjati. Āyukkhaḱyā, kammakkhaḱyā, ubhayaḱkhaḱyā, upakkamena vā kassacīti evaṃ kammajarūpasseva hi maraṇaṃ hotī satīpi āhāraḱe, aṭṭhakathāmatena cittaje ca. Tampi apagataḱivassa na uppajjati. Utujarūpaṃ pana pavattati eva. Tathā saṃsedajānaṃ, opaṭīkānaṃ pana sarīranikkhepaḱbhāvato tampi na pavattati.

765-6. Uppādavayavantaṭāya nicco dhuvo na hotīti **anicco**, niccakaṇṇikatāya vā na icco sassatādivasena anupagantabboti **anicco**. Ayañhi viṇāso janakapaccayato aññahetunirapekkhatāya niccakaṇṇikova hotī. Dhuvasaṃvirahitattā **addhuvo**. Avasaṃvattanaṭṭhena **anattā**. Udayavayaṭṭhānaṃ, dukkhavattatūya ca dukkhānaṃ khandho samūhoti **dukkhakkhandho**. Evaṃvidho pana sukhehi asaṃmissoyevāti āha ‘‘**kevalo**’’ti. Kassacipi vā rūpassa sukhasabhāvassa abhāvato sakalopi dukkhakkhandhoti vuttaṃ ‘‘dukkhakkhandho ca kevalo’’ti. Paccayaṭṭhānaṃ ca rogamaṭṭhānaṃ ca **rogato**. So hi yathārahaṃ paccayehi yāpetabbatāya yāpyarogo viyāti rogato daṭṭhabbo. Yāpyabyādhi hi rogo, itaro ābādho, mūlabyādhi viya cesa anubaddhabyādhiṇaṃ kilesarogaḱānaṃ mūlabhāvato rogato daṭṭhabbo. Dukkhatāsūlayogitāya, kilesāsucipaggharaṇatāya, uppādaḱarābhāṅgehi uddhumātapariḱapabbhinnaṭāya ca **gaṇḱato**. So hi dukkhadukkhatā saṅkhāradukkhatā vipariṇāmadukkhatāti tividhadukkhatāsāṅkhātena ruḱjanaṃ yuttatāya, yathārahaṃāraṃmaṇavasena ca samannāgamavasena ca rāgādikilesāsucivissandaṇato, ahutvā sambhavaṇato, uppattiyā uddhumātatā ḱarābhāṅgehi ca yathākkamaṃ pariḱapabbhinnaḱbhāvato gaṇḱasadisoti gaṇḱato daṭṭhabbo. Avasaṃvattanaṭāya, avidheyyatāya ca **parato**. Yathā hi paro patanto parassa vasaṃ na gacchati, evametāṃ subhasukhāḱbhāvena vase vattetaṃ asakkuṇeyyatāya avasaṃvattanaṇato ‘‘mā ḱīraṭha, mā marathā’’tiādinā vidhātaṃ asakkuṇeyyatāya avidheyyabhāvato parato daṭṭhabbaṃ. Byādhiḱarāmaṇehi palujjanaṇato, ābyāsaṇato ca **palokato**. Iḱaṃ byādhiāḱīhi ḱakārehi bhijjanaṇato, viṇassaṇato, etehi eva vā ābyāsaṇato byasaṇatṭhassa loka-saddassa pavasiṭṭhassa ābyāsaṇatṭhatāya palokato daṭṭhabbaṃ. **Chandanti** rajjanaṇasena pavattaṃ chandaṃ.

767. Dhammasenāḱatīnāti dhammasenāya pati nāyakoṭi **dhammasenāḱatī**, sārīputtatṭhero, tena. Hitasaṅkhāto attho etassāti **hitatṭhi**, tena. **Sakkaccāti** uggaḱaṇaḱhāraṇaḱḱu atandaṇto hutvā.

Iti abhidhammatṭhavikāsiniyā nāma

Abhidhammāvatārasaṃvaṇṇanāya

Rūpavibhāgaṇṇanā niṭṭhitā.

11. Ekādasamo paricchedo

Nibbānaniddesavaṇṇanā

768-9. Ādito rūpānantaramuddiṭṭhaṃ yaṃ nibbānanti sambandho. Tassa vibhāvanam yathābalaṃ pavakkhāmīti sambandho.

Bhavābhavanti bhavato bhavaṃ, khuddakaṃ, mahantaṃ vā bhavaṃ. **Vinanatoti** saṃsibbanato. Taṇhā hi saṃsāranāyikabhāvena bhavato bhavaṃ, sugatiduggativasena khuddakamahantaṃ bhavaṃ vā aparāparabhāvāya saṃsibbatī, tunnakaraṇaṃ viya karoti. **Nikkhantattā**ti viśaṃyogavasena nissaṭattā. Maraṇapaṭipakkhatāya, amatasadisatāya vā **amataṃ**. Sabbadukkhanissaṭattā **paramaṃ sukhaṃ**. Sabbepi saṅkhārā samanti upasamanti anuppattidhammataṃ āpajjanti etenāti **sabbasaṅkhārasamatho**. Khandhūpadhiādayo sabbepi upadhī upaddavā paṭinissajjīyanti etenāti **sabbūpadhipaṭinissaggo**. Yasmā taṃ āgama kāmataṇhādibhedā taṇhā sabbaso khayam gacchati, virajjati, nirujjhati ca, tasmā **taṇhākkhayo virāgo nirodhoti** ca vuccati. Apica rujjhanti ettha sattā kilesaṅgaḷabandhāti rodho, saṃsārasetaṃ adhivacanaṃ, tato nikkhantoti **nirodho**.

770. Adhigamāti tadanurūpāya paṭipattiyā ariyamaggena paṭivijjanena.

Rāgakkhayādibhāvena sabbadukkhasantiyā paccayatāya, kilesasantāpābhāvena ca **santilakkhaṇaṃ**. **Accutirasanti** sabhāvāpariccajanato acavanasampattikaṃ. **Assāsakaraṇarasanti** assāsakaraṇakiccaṃ. Tañhi pānabhojanādisuññe sabhayakantāre paribbhamanena parissantassa addhikapurisassa assāsajanakabhāvena upaṭṭhitaṃ vanantodakaṃ viya sabbāññubuddhānampi vacanapathātikantamahādukkhabherave saṃsārakantāre paribbhamanena parissantassa yathānurūpaṃ paṭipattimaggam paṭipannassa yogāvacarassa anādimati saṃsāre supinantenapi adīṭṭhapubbatāya dassanasamakālemeva paramassāsaṃ janeti. Khandhanimittavicittatāya aviggamaṃ hutvā gayhatīti **animittapaccupaṭṭhānaṃ**. Sabbasaṅkhatanissaraṇupāyabhāvato nissaraṇaṃ paccupaṭṭhāpetīti **nissaraṇapaccupaṭṭhānaṃ**.

Evaṃ nibbānassa lakkhaṇādikaṃ dassetvā idāni viṭaṇḍavādipakkhaṃ dassetvā pariharanto āha “**etthāhā**”tiādi, na paramatthato atthi aññātra paññattimattatoti adhippāyo. Kuto panāyamabhinivesoti āha “**titthiyānaṃ...pe... nīyato**”ti. **Yathānurūpāya paṭipattiyā**ti sīlasamādhapaññāsankhātāṃ sammāpaṭipattiyā. Yathā hi cetoññāḷābhino eva ariyā paresaṃ lokuttaracittaṃ jānanti, tatthāpi ca arahā eva sabbesaṃ cittaṃ jānāti, evaṃ nibbānampi sīlādisammāpaṭipattibhūtena upāyeneva upalabbhatīti “**natthī**”ti na vattabbaṃ ariyehi upalabbhanīyato. Yathā hi jaccandhatemirikādīnaṃ adassanena “**sūriyādayo natthī**”ti na vattabbaṃ cakkhumantānaṃ gocarabhāvena atthevāti siddhattā, evametampi bālaputhujjanassa adassanamattena “**natthī**”ti na vattabbaṃ. Ariyānaṃ pana paññācakkhuno padesevā upaṭṭhānato ekantena sampaṭicchitabbaṃ “**atthi nibbāna**”nti. Ayamettha adhippāyo. Atha rāgādīnaṃ khayamattameva nibbānanti ceti sambandho. Āyasmatā...pe... therena dassitoti sambandho. Rāgakkhayādīpakaṃ suttaṃ neyyatthanti adhippāyena “**taṃ na**”ti paṭikkhepaṃ katvā ekaṃsena cetāṃ sampaṭicchitabbaṃ, itarathā yathārutavasena pāḷiyā atthe gayhamāne bahudosa āpajjanīti te dassetuṃ “**arahattassāpi**”tiādi vuttaṃ. Arahattaṃ puṭṭhena tenevāyasmatā sārīputtattherenāti adhippāyo. **Tava matenāti** sāsanayuttim avicāretvā pāḷidassanamatteneva vippalapato tavajjhāsayena. Na ca panetaṃ yuttaṃ, tathāpīti adhippāyo. Lokuttaraphalacittassa rāgādīnaṃ khayamattatāpajjanaṃ na yuttaṃ tassa aggaphalassa catukkhandhabhāvena pāḷiyā āgatattā. **Tasmāti** yuttim avicāretvā pāḷidassanamatteneva voharantassa anīṭṭhappasaṅgato. **Byañjanacchāyā**ti vimaddāsahabhūtāya saddatthamattacchāyāya. **Ubhinnanti** nibbānavasena, arahattavasena ca āgatānaṃ ubhinnaṃ **suttānaṃ**. **Atthoti** adhippāyattho.

Ko pana so atthoti āha “**yassa panā**”tiādi. **Rāgādīnaṃ khayoti** rāgādīnaṃ anuppādanirodho. So dhammo akkhayopi samāno rāgādīnaṃ khayassa upanissayattā khayopacārena “**rāgādīnaṃ khayō nibbāna**”nti vutto “**tīpusaṃ jaro, guḷo semho**”tiādīsū phalūpacārena vuttaṃ viyāti sambandho. Kilesānaṃ anuppattinirodhakkhayassa maggassa ārammaṇabhūtaṃ nibbānaṃ atthato “**khayassa upanissayo**”ti vattabbaṃ labbhatīti āha “**khayassa upanissayattā**”ti. **Khayopacārenāti** attano kāriyabhūtassa khayassa attani upacārena tassa nānavasenāti vuttaṃ hoti. Jarakāraṇaṃ tīpusaṃ jaroti vutto, semhakāraṇaṃ guḷo semhoti vutto. **Khayanteti** rāgādīnaṃ parikkhayāvasāne. **Khayoti** vā maggo vuccati “**khaye ñāṇa**”ntiādīsū (dha. sa. dukamātikā 142) viya, tassa ante nirodhāvasāne uppannattā **khayoti** vuttaṃ phalūpacārena, samīpūpacārena vā.

Sabbe bālaputhujjanāpīti soṇasigāḷādayo sabbepi bālaputhujjanā samadhigata...pe... bhavēyyuṃ khaṇavasena rāgādīnaṃ khayassa tesampi atthitāya. Tathā ca sati paṭipattiyā niratthakabhāvo āpajjeyyāti adhippāyo. **Rāgādikkhayānaṃ bahubbhavatoti** rāgādīnaṃ viya tesam khayānampi tabbikārahāvena bahubbhāvato. Evañhi sati rāgassa khayō rāgakkhayo, na dosādīnaṃ, tathā dosakkhayopīti añño rāgakkhayo, añño dosakkhayo, añño mohakkhayoti tiṇṇaṃ akusalamūlānaṃ khayabhūtāni tīṇi nibbānāni, catunnaṃ upādānaṃ khayabhūtāni cattārītiādīnā bahūni nibbānāni nāma hontī. Idāni ādi-saddasaṅgahite dose dassetuṃ “**saṅkhatalakkhaṇa**”ntiādi

vuttam. “Tñimāni, bhikkhave, sañkhatassa sañkhatalakkhāṇāni, uppādo paññāyati, vayo paññāyati, ʘhitassa aññathattaṃ paññāyati”ti (a. ni. 3.47) vacanato vayasāṅkhāto khayō sañkhatalakkhāṇaṃ hoṭīti vuttam **“sañkhatalakkhāṇāna nibbānaṃ bhaveyyā”**ti. “Jarāmaṇaṃ, bhikkhave, aniccaṃ sañkhatam paṭiccasamuppanna”nti (saṃ. ni. 2.20) vacanato āha **“sañkhatapariyāpanna”**nti. Yaṃ pana sañkhatapariyāpannaṃ, taṃ itarasāñkhatadhammo viya aniccaṃ hoti paccayādhīnavuttitoti āha **“sañkhatapariyāpannattā anicca”**nti. “Anicca vata sañkhārā”ti (dī. ni. 2.221) hi vuttam. Ettāvata ca kiṃ vuttam hoti? Yaḍi bhavato manorathapariyāpannaṃ khayam nibbānanti vadāma, asañkhatassa sañkhatalakkhāṇattā, sañkhatapaṭipakkhassa sañkhatapariyāpannattā sabbakālikabhāvena niccaṃ aniccattā, tato ca paramasukhassa dukkhattā ca āpajjeyyāti vuttam hoti.

Ettāvata bhaṅgakkhayassa nibbānadosaṃ dassetvā idāni anuppādakkhayassa tabbhāvaṃ nisedhetuṃ **“yadi khayō nibbānaṃ bhaveyyā”**tiādi vuttam. Paṭhamamaggassa anantarapaccayabhūtaṃ ñāṇaṃ **gotrabhu** nāma. Sesamaggapurecamaṃ **vodānaṃ** nāma. Phalasaṃpattipurecamaṃ **anulomaṃ** nāma. Taṃ pana sañkhārāmmaṇamevāti idha na gahitaṃ. **Bhadramukhāti** parassa anunayavacanamaṃ. **“Khīyanti”**ti vattamānāniddesena idāni khīyamānataṃ pucchati. Esa nayo sesesupi. **Upadhāretvāti** upaparikkhitvā. “Gotrabhu... pe... mukhā”ti pucchāya “rāgādīnaṃ khayameva vadāmi”ti tayā dinnapaṭivacanassa avirujjhanavasena satipurekkhāraṃ kathehīti adhippāyo. **Gotrabhucittādīnaṃ** gotrabhuvodānamaggānaṃ. Gotrabhukkhaṇe kilesānaṃ anuppādanirodhassa abhāvato āha **“rāgādayo khīyissanti”**ti. **Phalamevāti** kilesānaṃ khīṇakāle uppajjamānaṃ phalacittameva. **Ārammaṇaṃ apassanti** gotrabhucittādīnaṃ vattabbārammaṇaṃ apassanto. Atha vā itaresaṃ ārammaṇabhāve sati gahetabbapaccayaṃ apassanto.

“Apicā”tiādi pariyaṅtarenapi anuppādanirodhassa nibbānabhāvanisedhanaṃ. “Uppādīyatīti attho”ti pana maggassa uppattiyā kilesakkhayopi uppādito nāma hoṭīti katvā vuttam. Na hi itarathā khayassa uppādo nāma atthi. Atha vā “addhā so...pe... niruttaro bhavissati”ti ettakena ganthena khaṇanirodhassa ceva anuppādanirodhassa ca nibbānabhāve dosaṃ dassetvā idāni “khaye ñāṇa”ntiādisu (dha. sa. dukamātikā 142) viya maggassāpi khayapariyāyattā “rāgakkhaya”tiādivacanamatteyeva samānabhāvena gahite maggassāpi nibbānabhāvappasaṅgaṃ, tathā ca sati aññāpattim sambhāvento āha **“apicā”**tiādi. Evañhi sati “uppādīyatī”ti maggameva sandhāya tiṭṭhati. Yaḍi maggassa nibbānabhāvappasaṅgo idha sambhāvito, evaṃ sati gotrabhussa maggārammaṇatādidosā vattabbāti? Saccam vattabbā, ettakenāpi pana parassa vacanapaṭibhānaṃ sakkā kātunti parihārantaradassane byāpāro katoti. **Yathānurūpāya paṭipattiyāti** chavisuddhiparamparāsāñkhātāya yathānulomapaṭipattiyā.

771. Assaddhoti pabuddhasaddho, maggāgatāya acalāsaddhāya samannāgato, maggāgatasaddhāya hi samannāgato ākāse buddhavesaṃ māpetvāpi “niccaṃ sukhaṃ attā”ti vadantassa na saddahati seyyathāpi sūrambattḥhoti (a. ni. 1.255). **Akataññūti** akataṃ nibbānaṃ jānātīti akataññū. **Sandhicchedoti** bhavasandhānakaṛassa taṇhāpāpassa chindanena puna bhavapaṭisandhiyāpi chinatāya paṭisandhiṃ khepetvā ʘhito. **Hatāvākāso** khīṇapaṭisandhikattāyeva āyatim katthaci okāsaloke adissamānattā vihatāvākāso. **Vantāsoti** katthaci abhisāṅgābhāvato chaḍḍitatanḥhoti attho. **Uttamaporisoti** sadevaloke aggadakkhiṇeyyatāya visiṭṭho poriso.

Duppaṭividdhāti paṭivijjhitaṃ, paṭilabhitaṃ dukkarā. Kāmādīnaṃ nissaraṇīyatāya nissaraṇīyā, yadidaṃ nekkhammaṃ, etaṃ kāmānaṃ nissaraṇanti sambandho. Tattha **kāmānaṃ nissaraṇanti** kāmehi niggamaṇaṃ, atha vā nissaranti niggacchanti ettha etenāti vā **nissaraṇaṃ**, kāmānaṃ nissaraṇattḥhānaṃ, nissaraṇupāyanti attho. **Nekkhammanti** paṭhamajjhānaṃ. Tañhi kāmehi nikkhantanti “nekkhamma”nti idha gahitaṃ, aññattha pana pabbajjādayopi “nekkhamma”nti pavuccanti. Vuttañhi –

“Pabbajjā paṭhamam jhānaṃ, nibbānaṃ vipassanā;
Sabbepi kusalā dhammā, ‘nekkhamma’nti pavuccare”ti. (itivu. aṭṭha. 109; dī. ni. ʘ. 2.360; a. ni. ʘ. 2.3.66;
visuddhi. mahā. 1.56; netti. ʘ. 76 missakāhārasampātavaṇṇanā);

Arūpaṃ ākāśānañcāyatanaṃ. **Bhūtaṃ** vijjamānaṃ, khandhapañcakanti attho. “Bhūtamidanti, sārīputta, samanupassāmi”tiādisu khandhapañcakaṃ “bhūta”nti vuccati. Attano kāraṇaṃ paṭicca samaṃ, sammā ca uppannanti **paṭiccasamuppannaṃ. Paṭhama...pe... bhaveyyāti** sañkhatanissaraṇabhāvena vuttassa nibbānassa abhāvappattiyā ca tadekayoganiddiṭṭhānaṃ yathākkamaṃ kāmarūpanissaraṇaṃ paṭhamajjhānākaśānañcāyatanaṃpi abhāvoyeva āpajjeyya. Idāni yathādhīpetamatthaṃ āgamaṇa dassetuṃ **“na tu khayō”**tiādi vuttam.

“Atthi...pe... suphusitanti cā”ti natthi nissaraṇaṃ loke, kiṃ vivekena kāmāpīti evaṃ mārena paṭibāhite. “Atthi...pe... suphusita”nti nibbānaṃ paṭiṭṭhapentena ālavakattherena vuttam. **Suphusitanti** suṭṭhu phusitaṃ, sacchikatanti vuttam hoti. **Ajānti**ādīni cattāri padāni aññamaññavevacanāni. Atha vā vedanādayo viya hetupaccayasamavāyasāñkhātāya kāraṇasāmaggiyā na jātaṃ na nibbattanti **ajātaṃ**. Kāraṇena vinā sayameva ca na

bhūtaṃ na pātubhūtaṃ na uppannanti **abhūtaṃ**. Evaṃ ajātattā abhūtattā yena kenaci kāraṇena na katanti **akataṃ**. Jātabhūtakatabhāvo ca nāma rūpādīnaṃ saṅkhatadhammānaṃ hoti, na asaṅkhatasabhāvassa nibbānassāti dassanattaṃ **asaṅkhatanti** vuttaṃ. Paṭilomato vā samecca sambhūya paccayehi katanti saṅkhatam, na tathā saṅkhatam, saṅkhatalakkaṇarahitanti ca **asaṅkhatanti**. Evaṃ anekehi kāraṇehi nibbattitabhāve paṭisiddhe pakativādīnaṃ pakati viya siyā nu kho, ekeneva kāraṇena etaṃ katanti āsaṅkāya na kenaci katanti dassanattaṃ “akata”nti vuttaṃ. Evaṃ apaccayampi samānaṃ sayameva nu kho idaṃ bhūtaṃ pātubhūtanti āsaṅkāya tannivattanattaṃ “abhūta”nti vuttaṃ. Ayañcetassa asaṅkhatākātābhūtabhāvo sabbena sabbaṃ ajātadhammattāti dassetuṃ “ajāta”nti vuttaṃ.

Asaṅkhatanti itī-saddo ādiattho. Tena –

“No cetam, bhikkhave, abhavissa ajātam abhūtam akatam asaṅkhatam. Nayidha jātassa bhūtassa katassa saṅkhatassa nissaraṇam paññāyetha. Yasmā ca kho, bhikkhave, atthi ajātam abhūtam akatam asaṅkhatam, tasmā jātassa bhūtassa katassa saṅkhatassa nissaraṇam paññāyatī”ti (udā. 73) –

Evaṃādisuttapadaṃ saṅgaṇhāti. Tenāha “**anekesu suttantesū**”ti. Dhammena sadevakassa lokassa sāmī, dhammassa vā yathicchitam desanato sāmī issaroti **dhammasāmī**. Tathāgata-saddassa attho heṭṭhā kathitova. Sammā sāmaṃ sabbadhamme abhisambuddho, sammā sayameva sammohaniddāvigamena paṭibuddho, buddhiyā vikasitavāti vā **sammāsambuddho**.

Parittattiketi “parittā dhammā, mahaggatā dhammā, appamāṇā dhammā”ti (dha. sa. tikamātikā 12) evaṃ parittādidhammavasena āgate parittattike.

Navattabbārammaṇattāti navattabbārammaṇattappasaṅgato. Tenāha “**navattabbārammaṇapakkham bhajeyyū**”nti. **Rūpāvacarattikacatukkajjhānāti** catukkanayena tikajjhānā, pañcakanayena catukkajjhānā. Kusalakiriyaṇam abhiññābhāvappattiyā parittādikēpi ārabha pavattanato “**catutthassa jhānassa vipāko**”ti āha. **Tasmāti** yathāvuttayuttito ceva pālito ca. Kiñca bhīyyo – saṅkhatadhammārammaṇam vipassanāññaṇam, apica anulomabhāvappattaṃ kilese tadaṅgavasena pajahati, samucchēdavasena pajahitum na sakkoti, tathā sammutisaccārammaṇam paṭhamajjhānādikusalaññaṇam vikkhambhanavaseneva kilese pajahati, na samucchēdavasena. Iti saṅkhatadhammārammaṇassa, sammutisaccārammaṇassa ca ñāṇassa kilesānaṃ samucchēdappahāne asamatthabhāvato tesam samucchēdappahānakarassa ariyamaggaññaṇassa tadubhayaviparītabhāvena ārammaṇena bhavitabbaṃ, tañca nibbānameva. Tenāhu porāṇā –

“Ñāṇam yaṃ saṅkhatālamaṃ, paññattālabameva vā;
Pāpe hanti na taṃ vatthum, tadaññaṃ sampaṭicchīya”nti.

Rūpasabhāvābhāvato etena yathā rūpadhammānaṃ ruppanasabhāvo, paṭighātavantatā kalāpato vuttiyā padesasambandho sabhāvo, evaṃ nibbānassa katthaci paṭighāto, sappadesatā ca natthīti dasseti. Na hi nibbānaṃ “asukadisāya, asukapadeso”ti vā niddisīyati. **Papañcābhāvato** taṅhāmānadiṭṭhipapañcehi saha avatṭhānavasena abhāvato, tesam abhāvapaccayatāya ca. Taṅhādiṭṭhimānā hi saṃsāre satte papañcentīti papañcā nāma.

772-5. Evaṃ nibbānaṃ yuttito, suttato ca sādhetvā idāni tassa pariyāyasandassanattaṃ “**accantamananta**”ntiādi vuttaṃ. Tattha saṃsārappavattiyā pariyosānabhūtattā **antaṃ**. Iminā anupādisesanibbānadhātu kathitāti vadanti, sopādisesanibbānadhātupi vaṭṭati, akatanti paṭhanti. So heṭṭhā vuttatthova. Sauppādayavantaṅhāvena **anantaṃ**. Kilesapariṭābhāvena, kilesakkhobhābhāvena ca **santaṃ**. Palokitābhāvena **apalokitaṃ**. Atittikarabhāvena **paṇītaṃ**. Sabbadukkhananato **saraṇam**. Kilesacorehi anupaddutattā nibbhayātāya **khemam**. Sabbupaddavanivāraṇato **tāṇam**. Jātiādidukkhehi anubandhassa allīyitum yuttaṭṭhānatāya **leṇam**. Yathāpaṭipannassa santidāyakattena paraṃ patiṭṭhābhāvato **parāyaṇam**.

Sabbapīḷāvimuttatāya **sivam**. Upanissayahīnānaṃ sabbaññumukhato sutvāpi ṭhapetvā guṇavasena sabhāvato paṭivijjhītuṃ dukkaratāya **nipuṇam**. Aviparītātāya **saccam**. Sabbadukkharikkhayakarattā **dukkhakkhayam**. Tejussadatāya santattaayogule makkhikāhi viya catūhi āsavehi ārammaṇakaraṇavasena pavattitum asakkuṇeyyatāya **anāsavam**. Mahākāruṇikassāpi dhammadesanāya apposukkabhāvāpādanena paṭivijjhītuṃ dukkaratāya **sududdasam**. Lokuttaradhammesupī asaṅkhataguṇena viṣiṭṭhatāya **param**. Saṃsāramahāsamuddassa tīrabhūtattā **pāram**. Maṃsacakkhuno, dibbacakkhuno vā agocarātāya **anidassanam**. Nidassanasāṅkhātāya upamāya abhāvato vā **anidassanam**.

Avipariṇāmadhammattā **dhuvam**. Tatoyeva paramapatiṭṭhābhāvato **dīpam**. Rogādipiḷābhāvato **abyāpajjham**.

Tatoyeva **anītikam**. Taṇhālayābhāvato **anālayam**. Saṅkhatāsaṅkhatesu asaṅkhatakoṭṭhāsabhūtattā, paramapatiṭṭhābhāvato vā **padam**. Avināsabhāvena **accutam**. Akkharāṇato avinassanato **akkharam**.

Saṅkhatanissaṭṭattā **vimutti**. Bhavabandhanavimuttihetutāya **mokkham**.

776-7. **Evanti** yathāvuttanayena. **Viññāyāti** uggahaparipecchāvasena jānitvā. **Adhigamūpāyoti** paṭivijjanūpāyabhūtā tisso sikkhā. **Kātabboti** paṭipajjitabbo.

Saddham, buddhiṅca karoti vaḍḍhetīti **saddhābuddhikaram**. **Tathāgatamateti** tipīṭakabuddhavadācane, catūsu saccesu vā. Paññāya sambhūtam, paññāya vā sambhavo etassāti paññāsambhavam, tadeva sampasādanam buddhādīsu adhimuccanam, tam karotīti **paññāsambhavasampasādanakaram**. **Atthabyañjanasālinanti** atimadhurehi atthabyañjanehi samannāgatam, atthabyañjanasāravantanti vā attho ra-kārasa la-kāram katvā. Sāram jānantīti sārāññū, te vimhāpetīti **sārāññuvimhāpanam**. **Niṭṭhanti** pariyoṣānam, sutamayamūlakam anupādāparinibbānanti adhippāyo.

Iti abhidhammatthavikāsinīyā nāma

Abhidhammāvatārasaṃvaṇṇanāya

Nibbānaniddesavaṇṇanā niṭṭhitā.

12. Dvādasamo paricchedo

Paññattiniddesavaṇṇanā

Etthāti yathāuddiṭṭhadhammānam niddesapariyoṣāne. **Ettakamevāti** cittacetasikarūpanibbānamattameva. **Paññāpetabbatoti** paramatthadhammā viya sakasakasabhāvavasena apaññāyamānā hutvā lokasaṅketavasena paññāpiyamānatā. **Paññāpanatoti** paramatthavasena vijjamānāvijjamānadhammānam pakāsanavasena paññāpanato. Tattha ‘paññāpetabbato’ ti iminā paññāpiyati pakārena ñāpiyatīti paññattīti evam kammāsāghanavasena atthapaññattibhūtā upādāpaññatti vuttā. ‘Paññāpanato’ ti iminā paññāpeti pakārena ñāpetīti paññattīti evam kattusāghanavasena tassā abhidhāyakabhūtā nāmapaññattīti veditabbam. Paṇṇattidukaniddese ‘saṅkhā...pe...vohāro’ ti (dha. sa. 1313-1314) catūhi padehi upādāpaññatti vuttā. ‘Nāmam...pe... abhilāpo’ ti (dha. sa. 1313-1314) chahi padehi nāmapaññatti kathitāti ācariyānam icchittatā vuttam ‘**tenevāhā**’ tiādi. **Tesam tesam dhammānanti** heṭṭhā abhidhammātikāya vuttānam kusalākusalādidhammānam. **Saṅkhāti** ‘ahaṃ mamā’ tiādinā saṅkhāyamānatā. **Samaññāti** saṅketavasena ñāyamānatā. **Paññattīti** asaṅkaravasena anekadhā vibhajitvā paññāpiyamānatā. **Vohāroti** pākātam katvā vuccamānatā, kathanavasena upayujjamānatā vā. Atthābhimukham namatīti **nāmam**. Tam pana anvattharuḷhīvasena duvidham, sāmāññaguṇakittimaopāṭikanāmasena catubbidham. **Nāmakammanti** nāmakaraṇam. **Nāmadheyyanti** nāmaṭhapanam, **nāmadheyyanti** vā seṭṭhānam nāmam. Akkharadvārena attham nīharitvā utti kathanam **nirutti**. **Byañjananti** pākāṭakaraṇam. **Abhilāpoti** abhilāpanam.

Ahanti rūpādivinimuttam ahaṃkārabuddhivisayabhūtam attano khandhasamūhasantānam upādāya paññattam tadaññānaññabhāvena anibbacāriyam upādāpaññattim vadati. Tenāha ‘**ahanti hī**’ tiādi. ‘Ahanti...pe... katvā’ ti upādāpaññattiyā uppattim dassetvā **yathāti** tiādinā tam pakāseti.

Yasmā ‘samaññā paññatti vohāro’ ti ‘evam saṅkhā’ ti imasseva vevacanam, tasmā vuttam ‘**idāni paññāpanato paññatti**’ ntiādi.

Tadanurūpā jātāti **tajjā**, avijjamānapaññatti viya kevalam lokasaṅketavaseneva ahutvā dhammasabhāvassa anurūpavasena pavattā paññattīti attho. Nāmapaññattipi vacanathasaṅkhātākāraṇam upādāya paṭicca pavattanato upādāpaññattivohāram labhatīti tassāpi upādāpaññattipariyāyo vutto. Gaṇṭhipadakārenāpi hi imināva adhippāyena **upādāpaññattīti** upādānavatī paññatti kāraṇavatim kāraṇabhūtamattham upādāya gahetvā tannissayena paññāpiyati, sabbopi paññattibhedo anena lakkhaṇena upādāpaññattimeva bhajati. Anupādāya hi paññatti natthīti vuttam. **Upanidhāpaññattīti** paṭipakkhabhūtam ekapaññattim upanidhāya apekkhitvā pavattā paññatti. **Cakkhusota-**ggahaṇena ajjhattikāyatanāni dasseti, **rūpasadda-**ggahaṇena bāhirāyatanāni. **Pathavitejovāyu-**ggahaṇena phoṭṭhabbāyatanam pabhedato dasseti. Eteneva dhammāyatanepi labbhamānabhedo dassitoti daṭṭhabbam.

Yasmā pathavādikā paññatti sasambhārapathaviyam ekassa nāmam gahetvā samūhamevopādāya paññāpiyati, ghaṭādikā ca paññatti dhammasamūhesu sabbasameva nāmam gahetvā samūhamevopādāya paññāpiyati, tasmā vuttam

“ekassa vā”tiādi. Tattha ekassa nāmaṃ gahetvā samūhamupādāya paññāpiyamānāya pathavādivasena pākaṭabhāvato taṃ ṭhapetvā itaraṃ dassetuṃ “**katha**”ntiādi vuttaṃ. **Ayaṃ samūhapaññatti nāma** samūhassa paññāpanato. **Disākāsādīsu disā**-ggahaṇena candasūriyāvattanamupādāya paññāpiyamānaṃ puratthimādisāpaññattiṃ dasseti. **Ākāsa**-ggahaṇena asamphuṭṭhadhamme upādāya paññāpiyamānaṃ kūpaguhādiākāsapaññattiṃ dasseti. **Kāla**-ggahaṇena candāvattanādīkamupādāya paññāpiyamānaṃ pubbaṅhādīkālapaññattiṃ dasseti. **Nimitta**-ggahaṇena bahiddhā pathavīmaṅgalādīkaṃ, ajjhattikaṃca bhāvanāvisesaṃ upādāya paññāpiyamānaṃ kaṣiṇanimittādīkaṃ dasseti. **Abhāva**-ggahaṇena bhāvanābalena appavattanasabhāvaṃ ākāśānañcāyatanajhānaṃ upādāya pavattaṃ ākiñcaññāyatanajhānārammaṇaṃ abhāvapaññattiṃ dasseti. **Nirodha**-ggahaṇena bhāvanābalena niruddhaṃ nevasaññānāsāññāyatanāṃ nissāya paññattaṃ nirodhapaññattiṃ dasseti. **Ādi**-ggahaṇena khayādisabhāvaṃ taṃ taṃ dhammamupādāya paññāpiyamānaṃ aniccalakkhaṇādīkaṃ saṅgaṇhāti. Sāpi hi disākāsādīkā viya dhammasamūhamupādāya apaññattabhāvato **asamūhapaññatti**evāti.

Sāti ayaṃ dvidhā upādāpaññatti. Tajiāpaññatti vacanattaṃ amuñcivā pavattito upādāpaññattiyaṃveva saṅgayhatīti vuttaṃ “**vijjamānaṃ paramatthaṃ jotayati**”ti. Evañca katvā upari “cha paññattiyopi ettheva saṅgahaṃ gacchanti”ti vuttaṃ. **Vijjamānanti** sabhāvena upalabbhamānaṃ. **Avijjamānanti** ṭhapetvā lokasaṅketam sabhāvavasena anupalabbhamānaṃ. **Nāmamattanti** nāmamattavantaṃ. **Sotadvārajavānanantaranti** paccuppannasaddārammaṇāya sotadvārajavānavīthiyā, tadanusārappavattāya atītasaddārammaṇāya manodvārajavānavīthiyā ca anantarappavattena. Manodvārajavānavīthipi hi sotadvārajavānanantarappavattā taggahaṇeneva idha gahitā. **Gahitapubbasaṅketenāti** “ayaṃ imassa attho, idamimassa vācaka”nti evaṃ vacanavacanattasambandhaggahaṇavasena gahitapubbabhāvasaṅketena. **Yāyāti** yāya nāmapaññattiyā karaṇabhūtāya. **Manodvārajavānaviññāṇena** kattubhūtena. **Manodvārajavānaviññāṇena** vā karaṇabhūtena, yāya nāmapaññattiyā kattubhūtāyāti attho. **Paññāpiyatīti** sammutiparamatthavasena pana duvidham atthajātaṃ paññāpiyati viññāpiyatīti vuttaṃ hoti. Tenāhu porāṇā –

“Atthā yassānusārena, viññāyanti tato paraṃ;
Sāyaṃ paññatti viññeyyā, lokasaṅketanimmitā”ti.

Katarajavānavīthiyaṃ paṇāyaṃ viññāyatīti? “Ghaṭo”tiādisaddaṃ suṇantassa ekamekaṃ saddaṃ ārabha paccuppannāṭītārammaṇavasena dve dve javānavārā hontī, tato saddasamudāyamārabha eko, tato nāmapaññattimārabha ekoti evaṃ saddasamudāyārammaṇāya javānavīthiyā anantaraṃ nāmapaññatti pākaṭā hoti, tato paraṃ atthāvabodhoti ācariyā.

Yaṃ sandhāya chakkanayo vuttoti sambandho. **Tathā avijjamānānanti** paramatthato avijjamānānaṃ. **Kenaci ākārenāti** paramatthato, lokasaṅketato vā kenaci pakārena. **Anupalabbhamānānaṃ pañcamasaccādīnanti** ākāśādīpañcamasaccādīnaṃ. **Ādi**-ggahaṇena aṭṭhamabojjhaṅgādīke saṅgaṇhāti. **Pakatipurisādīnanti** satvarajataṃnānaṃ samānāvattā pakatiāṅgutṭhādīparimāṇo kāraṇo vedako atthā purisotiādinā parikappitānaṃ pakatipurisādīnaṃ. **Ādi**-ggahaṇena ākāśakusumādīṃ saṅgaṇhāti. **Vijjamānena avijjamānapaññatti** paramatthato vijjamānāhi vijjādīhi avijjamānassa puggalassa paññattatā. Sesesupi imināva nayānusārena attho veditabbo. **Etthevāti** upādāpaññattiyameva.

“Kusaggenudakamādāya, samudde udakaṃ mine;
Evaṃ mānusakā kāmā, dībbakāmāna santike”ti. (jā. 2.21.389) –

Vacanato manussaloke cakkavattisampattidībbasampattiṃ upanidhāya nihīnāyevāti vuttaṃ “**kapaṇaṃ...pe...nidhāyā**”ti. **Mānusakanti** manussaloke bhavaṃ. Paramattho ca vijjātīti pāṭhaseso.

778. Tatiyā koṭi na vijjati anupalabbhamānattā. Vuttañhetam **mahāaṭṭhakathāyaṃ** –

“Duve saccāni akkhāsi, sambuddho vadatam varo;
Sammutim paramatthañca, tatiyam nopalabbhatī”ti. (dī. ni. aṭṭha. 1.439-443);

Paravādesu na kampatīti pakatipurisantarādivādīnaṃ paresaṃ titthiyānaṃ vādesu sampattesu, nimittabhūtesu vā na kampati na pavedhati na calatīti attho.

Iti abhidhammatthavikāsinīyā nāma

Abhidhammāvatārasaṃvaṇṇanāya

Paññattiniddesavaññanā niṭṭhitā.

13. Terasamo paricchedo

Kārakapaṭivedhavaññanā

Niddiṭṭhāti uddesaniddesādivasena dassitā. **Kusalādayoti** kusalākusalā. Etesaṃ pana na niddiṭṭhoti sambandho. Pubbe “kārako”ti vacanaṃ viya “vedako”ti avuttepi “attā kārako vedako”ti attano laddhitāya “tassa hi kārakassa vedakassā”ti vuttaṃ. Kusalākusalānamabhāvopi siyā, itarathā ahetukadosāpattitoti adhippāyo. **Tesaṃ** kusalākusalānaṃ āyattā vutti etesanti **tadāyattavuttino**. **Tesanti** kusalākusalādīnaṃ. **Tasmāti** kārakābhāve kusalākusalānaṃ, tabbipākānañca abhāvato. **Niratthikāti** desetvāpi bodhetabbābhāvato niratthikā. “Nāyaṃ niratthikā”ti vatvāpi “sātthikā”ti vacanaṃ pana parassa dalhaggāhatthaṃ. Lokepi hi evaṃ vohāraṃ voharanti, evameva bhavati, nāññathātiādi. **Tatthāti** kārakābhāvepi attā atthīti gahaṇe. **Anurodhoti** anakūlapakkhapātoti attho. **Idhāti** kārakābhāvepi kusalādayo atthīti gahaṇe. **Virodhoti** paṭigho.

Evaṃ kārakābhāvepi kusalādīnaṃ sabbhāvaṃ yuttito sādhetvā idāni lokasiddhena nidassanena sādhetuṃ “**athāpi**”tiādi vuttaṃ. **Athāpi**ti kārakābhāvepi. Pathavi-ggahaṇena pathavojaṃ dasseti. Tathā āpa-ggahaṇena āpojaṃ. **Tejoti** sītuṇhavasena duvidhā tejodhātu. **Utūti** hemantādiutu. **Ādi**-ggahaṇena bījādike saṅgaṇhāti. Janakapaccayo hetu, anupālanakapaccayo paccayo nāmāti āha “**hetupaccayasāmaggiyā**”ti. “Phalanibbattako hetu, paccayo anupālanako”ti hi vuttaṃ.

Evaṃ kārakābhāvepi kusalākusalappavattiṃ sādhetvā idāni paraparikkappitaṃ attānameva tāva paṭikkhipituṃ “**athāpi cetthā**”tiādi āraddhaṃ. Kāmaṃ paññāparibāhiradīṭṭhiyā eva attā parikkappiyati, paro pana “paññāya parikkappemī”ti maññatīti tassa laddhivasena “**paññāya parikkappito**”ti vuttaṃ. **Taṃ upaparikkhissāma tāvāti** tiṭṭhatu tāva cesā kārakābhāvepi kusalādīnaṃ bhāvābhāvavicāraṇā paṭhamaṃ tameva attānaṃ upaparikkhissāmāti attho. Dosamettha vattukāmo pucchati adhippāyena paṭiññaṃ adatvāva pucchanto āha “**kiñcetthā**”ti. **Sacetano vā udāhu acetano vāti** ettha ko dosoti attho. Itaro ubhayathāpi dosoyeva. Yañhi acetanaṃ attānaṃ, na taṃ kārakaṃ, vedakañca, yathā taṃ pākārataruādayo. “Acetanovāyaṃ attā”ti anumānena kārakavedakattābhāvasiddhitoti dassetuṃ “**yadi acetano**”tiādi vuttaṃ. **Anaññoti** avinibbhogavasena anañño. Itarathā “sacetano”ti vacanameva na upapajjeyya. Sahabhāvī nāma añño na hotīti. **Attanopi nāso siyāti** avinibbhogavuttirūpesu ekassa nāse itarassāpi vināso viya. **Cetanāyapi nāso na bhavati** avinibbhogarūpesu ekassa avināse itarassāpi avināso viyāti adhippāyo.

“Cetanāya anaññattā”ti kāraṇaṃ vatvā tameva samatthetuṃ “**cetanattāna**”tiādi vuttaṃ. “Attano anāse sati cetanāyapi vināso na bhavati”ti sutvāpi parassa niruttarabhāvo, cetanāya nāse visesakāraṇābhāvato adhippāyenāha “**atha cetanāyavevā**”tiādi. Attāva nassatu, tiṭṭhatu cetanā. Ko hi visesakāraṇābhāve attani anurodho, cetanāya virodhoti adhippāyo. **Paṭiññā hīnāti** pubbe dinnapaṭiññā parihīnā. Atha na bhavati, “paṭiññā hīnā”ti yadi attano vināse cetanāya avināso na bhavati. Cetanattānaṃ anaññabhāvena cetanāya nāse attanopi vināsapasaṅgato attā na nassatīti tava paṭiññā hīnā. **Vuttappakārato viparītaṃ vāti** yathāvuttappakārato viparītaṃ. Cetanāya vināsepi attā na nassati, attano pana avināsepi cetanā nassatīti evaṃ vā tava adhippāyo siyāti attho. **Attā nassatu, cetanā tiṭṭhatu** aññabhāve ubhinnaṃ samāyogakkhamatāya bhavitabbatoti adhippāyo. **Paṭiññāhīno bhavasīti** cetanāyeva nassati, attā na nassati paṭiññāya hīno bhavasi.

Idhāti aññattha pakkhe. **Lakkhaṇakatanti** aññamaññāvisadisēhi bhinnalakkhaṇehi kataṃ. **Desantarakatanti** bhinnadesakataṃ. Jāto vediyāti nīyatīti **jāavedo**, aggissetaṃ adhivacanaṃ. **Dayhamāneti** uddhane pakkhipivā paccamāne. Eko pavattipadeso imesanti ekadesā, tesam bhāvoti **ekadesattaṃ**.

Avinibbhogatoti lakkhaṇato bhedepi ṭhānavasena avinibbhujjanato avisamsaṭṭhattā “ekadesatte”tiimasēva vevacanavasena “**avinibbhogabhāvepi**”ti vuttaṃ. **Taṃ ayuttanti** taṃ “ubhinnaṃ ekadesatā natthī”ti iminā saha na yujjati. **Paṭiññā hīnāti** yadi pubbapaṭiññā pamāṇaṃ, ayaṃ paṭiññā hīnā. Yadi vā pana ayaṃ pamāṇaṃ, itarā hīnāti attho. Atha vā cetanāya attano padesavasena nānatte attano acetanattābhāvappattito “sacetano attā”ti heṭṭhā tayā dinnapaṭiññā parihīnāti evamettha attho daṭṭhabbo.

Acetano attāti attā acetanoti katvā. **Pubbe vuttadosatoti** “yadi acetano siyā”tiādinā ādito vuttadosato. **Tasmāti** yasmā evaṃ upaparikkhiyamāne vimaddanasaho hoti, tasmā.

779. **Yadi evanti** yadi paramatthato kusalākusalānaṃ kārako, tabbipākānañca vedako natthi, evaṃ sante atha kasmā bhagavatā vuttanti sambandho.

Sandhāvātī saṃsarati. Attanā katakusalākusalakammappaccayattā vipākabhūtaṃ sukhadukkhampi attanā katameva nāma hotīti vuttaṃ “**sukhadukkhaṃ sayamkata**”nti.

780. Saṃsāramāpannoti –

“Khandhānañca paṭipāṭi, dhātuāyatanāna ca;
Abbochinnam vattamānā, ‘saṃsāro’ti pavuccatī”ti. (dha. sa. aṭṭha. nidānakathā; visuddhi. 2.619) –

Evam vuttakhandhapaṭipāṭiādivasappavattaṃ saṃsāraṃ punappunaṃ pavattivasena paṭipanno. **Dukkhamassa mahabbhayanti** assa saṃsārāpannassa sattassa jātiādidukkhaṃ mahabbhayaṃ mahābhayaṃvattanakanti attho. **Opapātikoti** uppajjamāno.

781. Bhārā have pañcakkhandhā rūpādayo pañcakkhandhā bhārabhūtā, sīse nikkhattabhārasadisāti vuttaṃ hoti. Bhārahāro ca puggalo tassa pañcakkhandhabhārasa hārako. **Bhārādānanti** paṭisandhivasena pañcakkhandhabhāraggahaṇaṃ. **Bhāranikkhepananti** puna aggahetabbatāpādanena anupādāparinibbānavasena bhārasa nikkhipanaṃ.

782. Yanti kusalākusalakammaṃ. **Sakanti** āyattaṃ.

783. Ekassa puggalassāti sambandho. **Ekena kappenti** ekasmiṃ kappe.

784. Assaddhotiādi heṭṭhā vuttattaṃ.

“Tañca kho sammutivasena, na paramatthato”ti vatvā tadeva paṭiṭṭhāpetuṃ “**nanu bhagavatā**”tiādi vuttaṃ. “Kiṃ nu satto”ti gāthā vajirāya theriyā vuttāpi bhagavato adhippāyavaseneva vuttattā bhagavatā vuttā nāma hotīti katvā vuttaṃ “**bhagavatā idampi vutta**”nti.

785. Kiṃ nu sattoti pacceti rūpavedanādīsu kiṃ nāma satto puggaloti gaṇhāsi.

786. Aṅgasambhārāti cakkādiavayavasambhāresu, cakkādiavayavānaṃ samodhānevāti attho. **Saddoti** vohāro.

Tasmāti yasmā evaṃ paramatthato sattassa abhāvo bhagavatā vutto, tasmā. Na vacanamattameva ālambitabbaṃ adhippāyaṃ pahāyāti attho. Daḥhamūḥhova hutvā gaṇhātīti **daḥhamūḥhaggāhī**, kāraṇe dassitepi apariccajanavasena gahaṇaṃ daḥhaggahaṇaṃ. Kāraṇasseva daḥḥhumasamatthāvasena gahaṇaṃ mūḥhaggahaṇaṃ. Tādisena na bhavitabbanti āha “**na ca...pe... bhavitabba**”nti. **Suttapadānanti** neyyatthanītatthavasena ubhayathā ṭhitānaṃ suttantānaṃ.

Dve saccāni vuttāni tathā tathā vinetabbānaṃ puggalānaṃ vassenāti adhippāyo. Yesañhi sammutidesanāya visesādhiḥgamo hoti, tesam sammutisaccavasena deseti. Yesañca paramatthadesanāya, tesam paramatthavasena deseti. Desabhāsākusalo viya ācariyo taṃtaṃdesavāsīmānavānaṃ tāya tāya bhāsāya. **Sammutisaccaṃ paramatthasaccañcā**ti ettha “puggalo satto itthī puriso khattiyo brāhmaṇo devo”tievamādi paramatthato avijjamānampi loke katasāṅketavasena tathattā sammutisaccaṃ. Khandhadhātuāyatanāni satipaṭṭhānātievamādi paramatthavaseneva tathattā paramatthasaccaṃ. Tenāhu aṭṭhakathācariyā –

“Sāṅketavacanaṃ saccam, lokasammutikāraṇaṃ;
Paramatthavacanaṃ saccam, dhammānaṃ bhūtakāraṇaṃ. (dī. ni. aṭṭha. 1.439-443);

“Tasmā vohārakusalassa, lokanāthassa satthuno;
Sammutiṃ voharantassa, musāvādo na jāyati”ti.

787-8. Yo so imaṃ ganthaṃ accantaṃ satatampi cinteti, tassa tato siddhā paramā paññā vepullabhāvaṃ gacchati. Adhiṃ cittasantāpaṃ nīharati apanetīti **adhiniharaṃ**. Vimatiyā vicikicchāya, mohassa vā vināsaṃ karoti upanissayabhāvato **vimativināsakaraṃ**. Atthabyañjanasampadāya manavaḍḍhanato **piyakaraṃ**. **Vikasatī**ti dibbati. **Idhāti** imasmīṃ sāsane, abhidhamme vā.

Iti abhidhammatthavikāsinīyā nāma

Abhidhammāvatārasaṃvaṇṇanāya

Kārapaṭṭhānaṃvaṇṇanā niṭṭhitā.

14. Cuddasamo paricchedo

Rūpāvacarasamādhībhāvanāniddeśavaṇṇanā

789. Evaṃ paramatthasammūttivasena ubhayathāpi sabbadhamme saṅkhepato dassetvā idāni yasmā tesu uggahaṇaparicchedādivasena kataparicayena atthakāmena kulaputtana ekaṃsato bhāvanāya abhiyogo kātabbo, tasmā bhāvanānayaṃ saṅkhepato dassetumārabhanto āha “**bhāvanānaya**”ntiādi. Tattha **bhāvanānayaṃ** lokiyalokuttarabhāvanānayaṃ, kusalahammānaṃ vaḍḍhanakkamanti attho. Diṭṭhadhammikasamparāyikaṃ hitaṃ ānayaṃ upaneti hitānayo, taṃ **hitānayaṃ**. **Mānayaṃ** mānento. Diṭṭhadhammikasamparāyikatthehi anusāsanaṃ sattaṇaṃ sukhaṃ āneti sukhānayo, taṃ **sukhānayaṃ**. Paramaṃ byākāromi, paramaṃ bhāvanānayaṃ vā yojanā.

790. Manussānaṃ dhammato uttaraṃ ṇāṇadassananti sambandho. Tattha manussānaṃ dhammā nāma manussānaṃ pakatidhammabhūtā dasa kusalakammāpathā, tato **uttaraṃ ṇāṇadassanaṃ** nāma mahaggatalokuttaradhammā. Te hi jānanaṭṭhena ṇāṇaṃ, paccakkhato viya dassanaṭṭhena ca dassananti adhippetā. “Uttarimanussāna”nti vā yathāṭṭhitavaseneva sambandho. Bālaṃmanussādito uttarimanussānaṃ jhāyīnaṃceva ariyānaṃcāti attho.

791. **Saṅkassarasamācāreti**ādiṃ sīlavissuddhiyā payojanadassanaṃ. Tattha saṅkāya saritabbo samācāro assāti **saṅkassarasamācāro**. Yaṃ kiñci lāmakakammaṃ disvā “idaṃ asukena kataṃ bhavissati”ti evaṃ pavattetabbāya saṅkāya attano vā pare yaṃkiñci mantente disvā “mama idaṃcīdaṃca asārappaṃ jānitvā manteti”ti evaṃ pavattasāṅkāya upagantabbasamācāroti attho. **Dussileti** etadeva vibhāvetuṃ “**sīlavajjite**”ti vuttaṃ. **Dussileti** vā dūsitasīle khaṇḍādibhāvaṃ upagatasīle. **Sīlavajjiteti** sabbena sabbaṃ sīlavirahite. **Natthi jhānanti** lokiyajjhānampi tāva natthi. **Kuto maggoti** lokuttaramaggo kuto, kena kāraṇena lokuttaradhammānaṃ hetuyeva vijjati attho.

792. Caranti tasmīṃ sīle paripūrakāritāya pavattantīti **cārittaṃ**. Vāritaṃ tēyanti rakkhanti tena, vāritato vā attānaṃ tēyatīti **vārittaṃ**. Yaṃ bhagavatā “idaṃ kātabba”nti paññattisikkhāpadapūraṇaṃ, idaṃ cārittaṃ nāma. Yaṃ “na kātabba”nti paṭikkhittaṃ, tassa akaraṇaṃ vārittaṃ nāma. **Acchiddanti**ādisu yassa sattaṃ āpattikkhandhesu majjhe sikkhāpadaṃ bhinnaṃ, tassa sīlaṃ chiddasāṭako viya chiddaṃ nāma hoti, tabbiparītaṃ acchiddaṃ. Yassa ādimhi vā ante vā bhinnaṃ, tassa pariyaṇṇe chinnasāṭako viya khaṇḍaṃ nāma hoti, tadaññaṃ **akkhaṇḍaṃ**. Kamassa ādarakaraṇavasena akkhaṇḍanti, kamavilaṅghanavasena “akkhaṇḍamacchidda”nti vā pāṭho. **Akammāsa**-ggahaṇena asabalattampi vuttaṃ, sabalakammāsānaṃ bhedassa appamattakabhāvato. Ettako hi tesāṃ viseso. Yassa paṭipāṭiyā dve tīṇi sikkhāpadāni bhinnāni, tassa piṭṭhiyā, kucchīyā vā utṭhitena visabhāgavaṇṇena kāḷarattādīnaṃ aññātarena sabalavaṇṇā gāvī viya sabalaṃ nāma hoti. Yassa antarantarā bhinnāni, tassa antarantarā visabhāgavaṇṇabinducitragāvī viya kammāsānaṃ nāma hoti. Yaṃ pana tathāvidhaṃ na hoti, taṃ “**asabalaṃ akammāsa**”nti vuccati. **Aninditanti** iminā bhujissaviññūppasatthaaparāmaṭṭhasamādhisaṃvattanikabhāve saṅgaṇhāti. Tattha “imināhaṃ sīlena vā vatena vā brahmacariyena vā devo vā bhavissāmi devaññātaro vā”ti evaṃ taṇhāya aparāmaṭṭhaṃ taṇhādāsabyato mocitattā **bhujissaṃ** nāma. Adāsāñhi loke bhujissoti vadanti. Yathāvuttagaṇapariyāya buddhādīhi viññūhi pasamsitabbanti **viññūppasatthaṃ**. Taṇhādīṭṭhihi aparāmaṭṭhaṃ ṭhitibhāgiyaṃ **aparāmaṭṭhaṃ** nāma. Jhānādīnaṃ paccayo bhavituṃ samatthaṃ visesabhāgiyaṃ **samādhisaṃvattanikaṃ** nāma.

793-7. **Vivekasukhanti** kāyacittūpadhivivekasukhaṃ. Kāyavivekasukhampi hi sampannasīlasseva dussīlassa suññāgārādīsu vasatopi bheravārammaṇādīpāthagamanena dukkhasseva visesato sampajjanato. **Alaṅkāro anuttaroti** devabrahmarājāramahāmattādīnaṃ majjhe anaññasādhāraṇasobhāpaṭilābhahetutāya niruttaro alaṅkāraviseso. **Ratananti** cakkavattīnaṃ cakkaranādītopi savisesaṃ ratijananato anuttaraṃ ratanaṃ. Cakkaranādīkañhi vaṭṭanissitameva ratim janeti, idaṃ pana vivaṭṭanissitampi janeti visesato ratijanaṃ hoti. Icchicchitassa sampattivisesassa nipphādanato cintāmaṇisamanti **cintāmaṇi**. **Yānanti** saṃsārakantāratarāṇe yānaṃ. **Sītalanti** cittasītibhāvakarāṇena sītaṃ. **Kilesamaladhovananti** gaṅgāyāmunādīhipi dubbisodhanīyassa kilesakālusiyassa dhovanaṃ. **Guṇānaṃ mūlabhūtaṃ** sabbesampi lokiyalokuttaragaṇānaṃ mūlabhūtaṃ. “Sīle patiṭṭhāya (saṃ. ni. 1.23), ko cādi kusalanāṃ dhammānaṃ, sīlaṃca suvisuddha”nti (saṃ. ni. 5.369) ca ādivacanañhettha nidassanaṃ. **Dosānaṃ** vītikamavattubhūtaṃ balassa vināsanato dosānaṃ **balaghāti**.

Tasmāti yasmā evaṃvidhānisamsampannaṃ sīlaṃ, tasmā. **Duvidhalakkhaṇanti** okkhittacakkhuappasaddādivasena kāyakammādīnaṃ avippakīṇatāsādhanaṃ samādhānalakkhaṇaṃ,

kusaladhammānaṃ mūlabhāvato paṭiṭṭhānalakkhaṇanti evaṃ duvidhalakkhaṇaṃ, cārittavārittavasena vā duvidhasabhāvanti attho. Atthānaṃ kāmeti tassa hitāsīsanavasenāti **atthakāmo**. Piyaṃ sīlamassāti **piyasilo**.

798-9. Kātabbo palibodhassupacchedoti sambandho. Katividho panāyaṃ palibodho, kiṃ sarūpo cāti āha “**palibodhā dasā**”tiādi, “āha mahāatṭhakathāya”nti adhippāyo. Tattha **āvāsoti** ekampi ovarakaṃ ādiṃ katvā yāva sakalopi saṅghārāmo, so tattha paṭibaddhacittassa **palibodho**, na itarassa. **Kulanti** nītikulaṃ vā upaṭṭhākakulaṃ vā, taṃ tehi saṃsaṭṭhaviharatova palibodho. **Lābhoti** cattāro paccayā, tepi tattha sāpekkhasseva palibodhā. **Gaṇoti** suttantikagaṇo vā ābhidhammikagaṇo vā. So uddesaparipucchādānena samaṇadhammassa okāsālābhino palibodho. **Kammanti** navakammaṃ, taṃ karontena vaḍḍhakiādihi laddhāladdhaṃ jānitabbaṃ, katākate usukkaṃ āpajjitabbanti sabbathāpi palibodho. **Addhānanti** maggagamanacittassa dubbinodanīyatāya taṃ samaṇadhammassa palibodho. **Nāṭṭi** ettha kula-ggahaṇena nītikulassapi gahitattā ekekā nāṭi idha gahitāti daṭṭhabbā. Ye pana vihāre ācariyupajjhāyādayo, ghare mātādayo, te gilānā palibodhā. **Ābādhoti** yo koci rogo, so bādhayamāno palibodho. **Ganthoti** pariyaṭṭipariharaṇaṃ, taṃ sajjhāyādīhi niccabyāvaṭṭasseva palibodho. **Iddhīti** pothujjanikaiddhi. Sā hi dupparihārā appamattakeneva bhijjati, ayaṃ pana vipassanāya palibodho, na samādhissa samādhim patvā paṭilabbhitabbatā. **Teti** te palibodhā.

800-2. Palibodhassupacchedaṃ katvāti ettha paṭhamo tattha nirapekkhacittatāya, dutiyo asaṃsaggena, tatiyo lābhasakkārūpattiṭṭhānaṃ pahāya aññattha gamanena, catuttho yathāraddhaganthasamāpanena, aññassa saṅgāhaṇena vā, pañcama yathāraddhakammassa niṭṭhāpanena, saṅghādīnaṃ niyyātanena vā, chaṭṭho gantvā kiccatīraṇena, sattamo upaṭṭhahitvā nīṭīnaṃ pākatikakaraṇena, aṭṭhama bhesajjakaraṇena, vīriyādhiṭṭhānena vā, navamadasamā tattha abyāvaṭṭatāya upacchinditabbā. **Upasaṅkamitabboti** yattha so vasati, tattha upasaṅkamanavidhiñceva upasaṅkamantena paṭipajjitabbavidhānaṃ **visuddhimagge** vuttanayena veditabbaṃ. Ito parañhi ganthavittārapariharaṇatthaṃ visuddhimagge āgatavittāraṃ pahāya padatthavaṇṇanamattaṃ karissāma. **Kammaṭṭhānassāti** ettha yogakammassa pavattiṭṭhānatāya, uparūparibhāvanākammassa kāraṇabhāvato ca kammaṭṭhānaṃ. Taṃ pana sabbatthakapārihāriyavasena duvidhaṃ. Tattha mettā, maraṇassati, asubhasaññā ca sabbattha atthayitabbato icchitabbato sabbatthakakammaṭṭhānaṃ nāma. Cariyānukūlaṃ pana yaṃ kiñci kammaṭṭhānaṃ niccaṃ pariharitabbatā pārihāriyakammaṭṭhānaṃ nāma. Imaṃ duvidhaṃ kammaṭṭhānaṃ yo deti, ayaṃ **kammaṭṭhānassa dāyako**, sopi īdiso pariyesitabboti dassetuṃ “**piyo garū**”tiādi vuttaṃ. **Piyoti** sīlasampadādīhi sattānaṃ piyāyitabbo. **Garūti** tatoyeva garukātabbo pāsānacchattaṃ viya garuṃ katvā daṭṭhabbo. **Bhāvanīyoti** sambhāvanīyo. **Vattāti** kiñci ālasiyampi disvā codetvā ovādasasena vadanasiḷo. **Vacanakkhamoti** paṭipucchakkhama, paṭipucchito asaṃhīro hutvā sambhāsanakkhamoti vuttaṃ hoti. **Gambhīraṇa kathaṃ kattāti** tiracchānakathaṃ akathetvā dasakathāvattupaṭisaṃyuttaṃ gambhīrameva kathaṃ kattā. **No caṭṭhāne niyojakoti** appavattitabbatṭhānabhūte ahite na niyojako. **Evamādiguṇopetanti ādi-**saddena saddhāsampadādiguṇayogaṃ dasseti. **Kālenāti** attano, ācariyassa ca sappāyakālena.

803. Vattaṃ katvāti ācariyassa navakamahallakabhāvānurūpena **khandhake** āgataṃ ācariyavattaṃ katvā. Idāni ācariyena paṭipajjitabbavidhiṃ dassetuṃ “**tenāpi**”tiādi vuttaṃ. **Tenāpīti** kammaṭṭhānadāyakenapi. **Caritaṃ nītvā dātābanti** cetopariyāññalābhīnā tassa cittācāraṃ, hadaya lohitaṃ vā passitvā itarena “tvam kiṃcaritosi, ke vā pana te dhammā bahulaṃ samudācaranti”tiādīnā paṭipucchitvā tassa caritaṃ jānitvā tadanurūpena dātābbaṃ.

804. Iriyāpathādītopi kesañci caritaṃ jānituṃ sakkā, taṃ pana na ekantikaṃ, “caritaṃ nītvā”ti vuttaṃ, katamaṃ pana taṃ, katividhā vāti āha “**caritaṃ panidaṃ rāgadosamohavasena**”tiādi. Ussannabhāvena santāne caratīti **caritaṃ**, asati paṭipakkhabhāvanāyaṃ santāne pavattanārāhā rāgādayo.

805. Vomissakanayāti sampayogavasena, ekasantatipariyāpannatāvasena ca nesam saṃsaggabhedā. **Catusaṭṭhi bhavanti** –

“Rāgādike tike satta, satta saddhādike tike;
Ekadvītikamūlamhi, missato sattasattaka”nti –

Evaṃ vuttehi navahi sattahehi yathārahaṃ vibhājiyamānā tesatṭhi diṭṭhiyā saddhiṃ catusaṭṭhi bhavanti. Tathā hi vuttaṃ **upanandattherena** –

“Rāgo doso ca moho ca, rāgena paṭighopi ca;
Saddhiṃ rāgena moho ca, mohopi paṭighena ca.

“Rāgādittayamekanti, satta rāgādike tike;
Saddhā buddhi ca takko ca, saddhiṃ saddhāya buddhi ca.

“Saddhāya takkanañceva, buddhiyā takkanampi ca;
Saddhādittayamekanti, satta saddhādike tike.

“Rāgādikaṃ tikañceka-mekadvitikabhedato;
Saddhābuddhivitaṅkehi, yathāyogaṃ vimissiya.

“Ekamūle dvimūle ca, paccekaṃ sattakattayaṃ;
Tīmūle sattakañcekaṃ, ñeyyaṃ taṃ sattasattakaṃ.

“Saddhiṃ rāgena saddhā ca, saddhiṃ teneva buddhi ca;
Teneva takkanaṃ tena, saddhābuddhi ca tena ca.

“Saddhāsaṅkappaṇaṃ tena, buddhisāṅkappaṇampi ca;
Vimissetvāna teneva, saddhābuddhivitaṅkanaṃ.

“Rāgamūlanaye ceva-mekaṃ sattakamuddise;
Saddhiṃ dosena saddhā ca, saddhiṃ teneva buddhi ca.

“Teneva takkanaṃ tena, saddhābuddhi ca tena ca;
Saddhāsaṅkappaṇaṃ tena, buddhisāṅkappaṇampi ca.

“Vimissetvāna teneva, saddhābuddhivitaṅkanaṃ;
Dosamūlanaye ceva-mekaṃ sattakamuddise.

“Saddhiṃ mohena saddhā ca, saddhiṃ teneva buddhi ca;
Teneva takkanaṃ tena, saddhābuddhi ca tena ca.

“Saddhāsaṅkappaṇaṃ tena, buddhisāṅkappaṇampi ca;
Vimissetvāna teneva, saddhābuddhivitaṅkanaṃ.

“Mohamūlanaye ceva-mekaṃ sattakamuddise;
Ekamūle naye cevaṃ, ñeyyaṃ taṃ sattakattayaṃ.

“Missetvā rāgadosehi, saddhā teheva buddhi ca;
Tehi saṅkappaṇaṃ tehi, saddhābuddhi ca tehi ca.

“Saddhāsaṅkappaṇaṃ tehi, buddhisāṅkappaṇampi ca;
Tehi dvīheva missetvā, saddhābuddhivitaṅkanaṃ.

“Rāgadosanaye ceva-mekaṃ sattakamuddise;
Missetvā rāgamohehi, saddhā teheva buddhi ca.

“Tehi saṅkappaṇaṃ tehi, saddhābuddhi ca tehi ca;
Saddhāsaṅkappaṇaṃ tehi, buddhisāṅkappaṇampi ca.

“Tehi dvīheva missetvā, saddhābuddhivitaṅkanaṃ;
Rāgamohanaye ceva-mekaṃ sattakamuddise.

“Missetvā dosamohehi, saddhā teheva buddhi ca;
Tehi saṅkappaṇaṃ tehi, saddhābuddhi ca tehi ca.

“Saddhāsaṅkappaṇaṃ tehi, buddhisāṅkappaṇampi ca;
Tehi dvīheva missetvā, saddhābuddhivitaṅkanaṃ.

“Dosamohanaye ceva-mekaṃ sattakamuddise;
Dvimūlamhi naye cevaṃ, ñeyyaṃ taṃ sattakattayaṃ.

“Rāgappaṭiḡhamohehi, saddhā teheva buddhi ca;
Tehi saṅkappanaṃ tehi, saddhābuddhi ca tehi ca.

“Saddhāsaṅkappanaṃ tehi, buddhisāṅkappanaṃ pi ca;
Tehi tīheva missetvā, saddhābuddhivittakkaṃ.

“Timūlamhi naye ceva-mekaṃ sattakamuddise;
Evaṃ tesatṭhi hoṭīti, viññeyyaṃ navasattakam;
Diṭṭhiyāpi ca hoteva, catusatṭhīti kecaṇā”ti.

806-7. Nanu ca “caritaṃ ṇatvā dātabba”nti vuttaṃ, kiṃcaritassa pana kiṃ kammaṭṭhānaṃ anukūlanti imaṃ anuyogaṃ sandhāya taṃtaṃcaritānukūlakammaṭṭhānaṃ dassetvā puna tassa gaṇanato appanāvahato jhānappabhedato samatikkamato vaḍḍhanāvāḍḍhanato ārammaṇato bhūmito gahaṇato paccayo bhedam dassetuṃ “**asubhā cā**”tiādi āradham. Tattha **dasa asubhāti** uddhumātakam vinīlakam vipubbakam vicchiddakam vikkhāyitakam vikkhittakam hatavikkhittakam lohitaṃ puḷavakam aṭṭhikanti ime dasa. **Tathā kāyagatāsati cāti** ime ekādasa rāgavikkhambhanassa upāyabhāvato rāgacaritassa anukūlā. Asubha-ggahaṇena cettha tadārammaṇasamādhipubbaṅgamaṃ kammaṭṭhānaṃ gahitaṃ. Evaṃ sesesupi yathārahaṃ daṭṭhabbaṃ. Appamaṇasattārammaṇattā **appamaññā**, mettā karuṇā muditā upekkhāti catunnaṃ brahmavihārānametaṃ adhivacanaṃ. Te pana **savaṇṇakasiṇā** nīlakasiṇaṃ pītakasiṇaṃ lohitaṃ odātakasiṇaṃ odātakasiṇanti imehi catūhi vaṇṇakasiṇehi sahita **aṭṭha** dosavikkhambhanupāyabhāvato, appaṭiḡhātavisayattā ca **dosacaritassa anukūlā**.

808. Taṃ...pe... panekakanti ettha **ekakanti** idaṃ anussatiupekkham, anussatīsu ekanti attho, na mohacaritavitakkacaritāpekkham tesam aññassāpi anukūlassa labbhanato. Taṃ pana mohacaritassa, vitakkacaritassa ca gaṇanabalena cittassa paṭiṭṭhānato **anukūlam**.

809-11. Purimā...pe... dehinoti “buddhānussati dhammānussati saṅghānussati sīlānussati cāgānussati devatānussati”ti idaṃ pālīkkena **purimaṃ anussatichakkaṃ** saddhācaritassa atisappāyavasena **anukūlam**. **Maraṇūpasamāyuttā satīti** maraṇe, upasame ca yuttā sati, maraṇānussati, upasamānussati cāti vuttaṃ hoti. **Āhāranissitā saññāti** āhāre paṭikkūlasaññā. **Dhātuvavattānanti** catudhātuvavattānaṃ. **Buddhippakatijantunoti** buddhicaritassa sattassa. **Sesāni kasiṇānti** dosacaritassa anukūlesu vuttehi catūhi vaṇṇakasiṇehi avasesāni pathaviṭapotejovāyōalokākāsakasiṇāni, evaṃ purimāni cattāri, imāni chāti dasa imasseva ujuvipaccanikā, imassa asappāyanti gahetabbavisesassa bhāvato rāgadisabbacaritānaṃ anukūlāti vaṇṇitā.

812. Ekantavipaccanīkabhāvatoti rāgacaritādīnaṃ asubhādīkammaṭṭhānassa ujuvipaccanīkatāya. **Atisappāyatoti** saddhācaritādīnaṃ buddhānussatiādīkammaṭṭhānassa atisappāyato. Evaṃ ujuvipaccanīkavasena, atisappāyavasena ca idaṃ sabbaṃ viṣuṃ viṣuṃ tesam anukūlanti vuttaṃ, na pana itarassa ananukūlabhāvato. Na hi rāgādīnaṃ avikkhambhīkā, saddhādīnaṃ vā anupakārikā kusalahāvanā nāma atthi. Tathā hi **meghiyasutte** –

“Cattāro dhammā uttari bhāvetabbā, asubhā bhāvetabbā rāgassa pahānāya, mettā bhāvetabbā byāpādassa pahānāya, ānāpānassati bhāvetabbā vitakkupacchedāya, aniccasaññā bhāvetabbā asmimānasamugghātāyā”ti (a. ni. 9.3; udā. 31) –

Ekasseva cattāro dhammā bhāvetabbāti vuttā. Tathā **rāhulovādasuttepi** “mettaṃ, rāhula, bhāvanaṃ bhāvehi”tiādīna (ma. ni. 2.120) satta kammaṭṭhānāni vuttāni, na cāyasmato meghiyassa cattāripi caritāni santi, nāpi rāhulatherassa sabbacaritāni, tasmā vacanamatte abhinivesaṃ akatvā sabbattha adhippāyō pariyesitabboti vuttaṃ hoti.

813-4. Kiñcāpi vuttanayena kammaṭṭhānānaṃ gaṇanaparicchedopi sakkā ṇātuṃ, saṅkarattā pana sukkena viññātuṃ na sakkāti tesam sāmāññato, viṣuṃ viṣuṃ jātito ca gaṇanaparicchedam dassetuṃ “**kammaṭṭhānāni sabbāni**”tiādi vuttaṃ. **Cattālisāti niddiseti** pālīto, aṭṭhakathāto ca samodhānetvā “samacattālisā”ti niddiseyya. Kathaṃ? Kasiṇāni dasa...pe... saññā cāhāratā iti. **Asubhānussati dasāti** **dasa**-saddo paccakam yojetabbo “dasa asubhā, dasa anussati”ti. Dasa asubhā heṭṭhā kathitāva. “Purimānussatichakka”nti ettha vuttā cha, maraṇānussati kāyagatāsati ānāpānassati upasamānussatīti imā dasa anussatiyo. **Catudhātuvavattānanti** pathavādīnaṃ catunnaṃ dhātūnaṃ vavattānaṃ. **Saññā cāhāratāti** gāthābandhavasena ga-kārassa lopaṃ katvā āhāragatā saññā “āhāratā saññā”ti vuttā. Āhāroyeva vā āhāratā, taggatā ca saññā upacārato “āhāratā”ti vuttā, āhāre paṭikkūlasaññāti attho.

815-6. Kiṃ imesu sabbesuyeva kammaṭṭhānesu jhānaṃ nibbattatīti? Āma, nibbattati sabbesveva upacārajjhānaṃ, appanājhānaṃ pana kesuci na nibbattati, tasmā kānīci upacārameva nibbattenti, kānīci appanampi. Kathaṃ panetaṃ daṭṭhabbanti āha “**etesū**”tiādi. Upacārameva āvahantīti **upacārāvahā** “apekkho”tiādīsu viya hettha avadhāraṇaṃ

daṭṭhabbaṃ. Tattha ānāpānassatiṃ, kāyagatāsatiṃca hitvā sesā buddhānussatiādayo aṭṭha **anussatiyo**, saññā, vavattānañcāti ete dasa nānappakārakattā, gambhīrattā, sabhāvadhammattā ca asati bhāvanāviseṣe upacārāvahā vuttā.

817-8. Evaṃ upacārappanāvahato dassetvā idāni jhānappabhedato dassetuṃ “**appanāyāvahesū**”tiādi vuttaṃ. **Catukkajjhānikā**ti catukkanayavasena catubbidharūpāvacarajjhānavanto, tesam ekekasēva ārammaṇabhūtāti attho. Pañcakanayavasena pana “pañcakajjhānikā”ti veditabbā. **Paṭhamajjhānikā**ti paṭhamajjhānasēva ārammaṇabhūtā, paṭikkūlabhāvato pana itaresaṃ ārammaṇāni na honti. Paṭikkūlepi hi visaye vitakkabalena paṭhamajjhānaṃ appeti caṇḍasotanadiyaṃ arittabalena nāvā viya. Sesāni pana tadabhāvato na tesu appenti.

819. Tikajjhānavahāti catukkanayena tikajjhānavahā, pañcakanayena pana catukkajjhānavahā, mettākaraṇāmuditā hi mettādīnaṃ somanassasahagatānameva ārammaṇattā pañcamajjhānikā na honti. Appanappattā hi mettādayo somanassena vinā nappavattanti. Catutthopi brahmavihāroti sambandho. Brahmānaṃ uttamānaṃ vihāro, brahmabhūto vā vihāroti **brahmavihāro**, so upekkhābhāvanāvasena catutthajjhāniko. Tatthāpi mettādivasena paṭiladdhajjhānacatukkasēvetam appeti, netarassa. Kasmā? Mettādīnaṃ nissandattā. Yathā hi kasiṇānaṃ nissandā āruppā, yathā ca samathavipassanānissandā nirodhasamāpatti, evaṃ mettādinissandā upekkhā. **Āruppā catutthajjhānikā**ti aṅgasamatāvasena āruppāpi catutthajjhānasēva pabhedāti katvā vuttaṃ.

820. Evaṃ jhānabhedato dassetvā puna samatikkamato dassetuṃ “**vasenārammaṇāṅgāna**”ntiādi vuttaṃ. Ārammaṇasamatikkamo aṅgasamatikkamoti atikkamitabbānaṃ ārammaṇānaṃ, aṅgānañca vasena samatikkamo duvidho. Kiṃ sabbesveva duvidho labbhāti, notī āha “**gocara...pe... tikkamo**”ti. Catūsū hi āruppesu ārammaṇasamatikkamova hoti ākāśakasiṇāvajjitesu navasu ārammaṇesu aññataraṃ samatikkamitvā ākāśānañcāyatanassa, ākāśānañcāyatanādīni ca samatikkamitvā viññānañcāyatanādīnaṃ pattabbattā, aṅgātikkamō pana arūpe natthi catunnañcāpi aṅgānaṃ vasena samānattā. **Rūpe jhānaṅgatikkamoti** rūpāvacarikakammaṭṭhānesu vitakkādīnaṃ jhānaṅgānaṃ atikkamo, idañca labbhamānakavasena vuttaṃ. Paṭhamajjhānikesu duvidhōpi samatikkamo natthi, nīvaraṇasamatikkamo idha aṭṭhannampi samāpattīnaṃ sādharmaṇattā na gahito.

821. Evaṃ samatikkamavasena dassetvā puna vaḍḍhanāvāḍḍhanavasena dassetuṃ “**daseva kasiṇāni**”tiādimāha. Imesu cattālīsāya kammaṭṭhānesu dasa kasiṇāneva vaḍḍhetabbāni. **Na ca...pe... asubhādayoti** sesā asubhādayo pana neva vaḍḍhetabbā. Kasmā? Paricchinnākārenea upaṭṭhānato, ānisaṃsābhāvato ca. Tathā hi dasa asubhāni, kāyagatāsati ca attano ṭhitokāseṇa paricchinnattā paricchinnākārenea upaṭṭhahanti. Vaḍḍhitesupī kuṇaparāsi eva upaṭṭhāṭṭī na koci ānisaṃso atthi. Avaḍḍhitesupī hi tesu kāmarāgavikkhambhanā hotiyeva. Yadi evaṃ, asubhajjhānaṃ appamāṇārammaṇatāvacaṇaṃ virujjhatīti? Na virujjhatī. Ekacco hi uddhumātake vā aṭṭhike vā mahante nimittaṃ gaṇhāti, ekacco appaketi iminā pariyāyena ekaccassa parittārammaṇajjhānaṃ hoti, ekaccassa appamāṇārammaṇaṃ. Yo vā etaṃ ānisaṃsābhāvaṃ apassanto vaḍḍheyya, tassa vasena appamāṇārammaṇatā vuttā. Ānāpānanimittampi nāsikaggamukhanimittādi paricchinnaṃ upaṭṭhāti, vaḍḍhayatopi ca vātarāsiyeva vaḍḍhati. Picupiṇḍādivasena upaṭṭhahantampi hi nimittaṃ vātasāṅghāṭamattameva, tathā brahmavihāranimittampi vaḍḍhentassa sattarāsiyeva vaḍḍheyya, na ca tena koci attho hoti, tasmā tadubhayampi na vaḍḍhetabbāṃ. Yaṃ pana vuttaṃ “mettāsahagatena cetasā ekaṃ disaṃ pharivā viharatī”tiādi (vibha. 663), tampi pariggahavasena vuttaṃ, na nimittavaḍḍhanavasena. Kiñci brahmavihāre paṭibhāganimittameva natthi, kimayaṃ vaḍḍheyya, appamāṇārammaṇatā panettha pariggahitamattavasena veditabbā. Āruppārammaṇesu ākāsaṃ kasiṇuggahāṭamattattā kasiṇāpagamavaseneva manasi kātabbāṃ, tato paraṃ vaḍḍhayato na kiñci hoti, viññānaṃ sabhāvadhammattā na sakkā vaḍḍhetuṃ, parikkammameva hi vaḍḍhetuṃ sakkā, viññāṇāpagamo tassa abhāvamattattā, nevasaññānāsaññāyatanārammaṇampi sabhāvadhammattāyeva na sakkā vaḍḍhetuṃ, tasmā tānipi na vaḍḍhetabbāni. Appamāṇārammaṇatā āruppānaṃ vipulakasiṇuggahāṭimākkāse pavattiyā veditabbā. Buddhānussatiādayo ca animittattā na vaḍḍhetabbā. Paṭibhāganimittāñhi ayaṃ vaḍḍheyya, tañca nesaṃ natthi, tasmā ime asubhādayo tiṃsa kammaṭṭhānāni paricchinnokāsattā, payoṇābhāvato, avaḍḍhanato ca na vaḍḍhetabbāni.

822-3. Evaṃ vaḍḍhanāvāḍḍhanato dassetvā puna ārammaṇato dassetuṃ “**daseva kasiṇāni**”tiādi āradhāṃ. **Paṭibhāganimittāni honti ārammaṇāni**ti imāni dvāvīsa paṭibhāganimittabhūtāni ārammaṇāni honti. **Sesāti** avasesā aṭṭhārasa **neva** paṭibhāganimittārammaṇā siyuṃ.

824-5. Idāni bhūmito dassetuṃ “**asubhāni**”tiādi vuttaṃ. **Devesu nappavattanti** tattha asubhānaṃ, paṭikkūlassa ca āhārassa abhāvato. Tacapañcakampi hi tattha pavattamānaṃ dibbānubhāvena paṭikkūlākāreṇa nopaṭṭhāti. Assāsapassāsānaṃ brahmaloke abhāvato “**ānāpānassati cā**”tiādi vuttaṃ. Jhānānubhāvanibbattānañhi atthassa abhāvato natthi brahmaloke assāsapassāsā.

827. Idāni gahaṇato dassetuṃ “**catuttha**”ntiādi vuttaṃ. Tattha **catutthaṃ...pe... diṭṭheneva gahetabbāti** vāyokasiṇaṃ vajjetvā sesā nava **kasiṇā**, dasa asubhānīti imāni ekūnavīsati **diṭṭheneva** vatthunā karaṇabhūtena

gahetabbāni uggahetabbāni. Tathā ca vuttaṃ **aṭṭhakathāyaṃ** “diṭṭhena gahetabbāni, pubbabhāge cakkhunā oloketvā nimittaṃ nesaṃ gahetabbanti attho”ti (visuddhi. 1.47).

828-31. Satiyampi ca kāyamhīti kāyagatāsatiyampi. **Diṭṭhena tacapañcakanti** tacapañcakamattameva diṭṭhena gahetabbam. **Sesamettha sutenevāti** ettha kāyagatāsatiyaṃ sesaṃ vakkapañcakādi suteneva gahetabbam. Iti kāyagatāsati diṭṭhasutena gahetabbā. Uttaroṭṭhanāsikaggesu phuṭṭhassa assāsapassāsassa gahetabbato vuttaṃ “**ānāpānassati ettha, phuṭṭhena paridīpita**”ti. Ucchusassādīnaṃ pattesu calamānavañṇaggahaṇamukhena, sarīrasamphassavasena ca vātassa gahetabbattā vuttaṃ “**vāyokasiṇamevettha, diṭṭhaphuṭṭhena gayhati**”ti. **Āditova gahetabbā na hontīti**ādikammikena bhāvanārambhavasena na paṭṭhapetabbāni, heṭṭhime tayo brahmavihāre, kasiṇesu rūpāvacaracatutthajjhānañca anadhigantvā sampādetuṃ asakkuṇeyyattā.

832-5. Evaṃ gahaṇavasena dassetvā idāni paccayato dassetuṃ “**kammaṭṭhānesu hetesū**”tiādi vuttaṃ. Tattha **etesu kammaṭṭhānesūti** ettha yathārahaṃ ārammaṇānaṃ, jhānānañca gahaṇaṃ veditabbam. Ākāsakasiṇassa ugghātetuṃ asakkuṇeyyattā vuttaṃ “**ākāsakasiṇaṃ vinā**”ti. Mettādiekekasmim brahmavihāre tīṇi tīṇi jhānāni paṭilabhivā ṭhitasseva upekkhābrahmavihāravasena pañcamajjhānaṃ uppajjatīti vuttaṃ “**tayo brahmavihārā**”tiādi. Dvinnaṃ nevasaññānāsaññāyatanajavanānaṃ samanantarā nirodhaṃ phusaṭṭi katvā vuttaṃ “**catutthamāruppa**”ntiādi. **Vipassanābhavasampattisukhānaṃ paccayāti** vipassanāya, bhavasampattiyā, diṭṭhadhammasukhavihārassa ca paccayā hontīti attho.

836-9. Evaṃ pasaṅgena āgataṃ kammaṭṭhānavibhāgaṃ dassetvā puna ācariyena paṭipajjitabbavidhiṃ dassetuṃ “**kammaṭṭhānaṃ gahetvā**”tiādi vuttaṃ. **Santike vasantassāti** ācariyena saddhiṃ ekagehe, ekavihāre vā vasantassa. **Kathetabbanti** pavattiṃ sutvā sutvā kathetabbam. **Āgatassāgatakkhaṇeti** sa-kāro padasandhimattakaro, āgatāgatakkhaṇeti attho. Atha vā āgatassa āgatakkhaṇe kathetabbam. Idisesu hi ṭhānesu āmedītasāmatthiyatova labbhati. Na hi ekavārameva āgatassa tasmim khāṇe kathetabbam, tato paraṃ na kathetabbanti yujjati.

Nātisāṅkhepavittāranti atisaṃkhitam, ativittārāñca akatvā tassa sukkena uggaṇhanappamāṇaṃ kathetabbam. Sace pana so pakatiyāva uggahitakammaṭṭhāno hoti, sajjhāyavasena vā manasikāravasena vā kataparicayo, tassa ekaṃ, dve vā nisajjā attano sammukhāva sajjhāyaṃ kāretvā dātabbam. Evaṃ ācariyena paṭipajjitabbavidhiṃ dassetvā puna gahitakammaṭṭhānena tena yoginā uttari kātābbavidhānaṃ dassento āha “**tenapī**”tiādi. **Sammaṭṭhānanti** yattha pahaṇo samatī, taṃ sammaṭṭhānaṃ, idaṃ sammaṭṭhānaṃ viyāti sammaṭṭhānaṃ. Yathā hi sammaṭṭhāne gahite puggalaṃ attano verī abhibhavituṃ na sakkoti, evaṃ kammaṭṭhāne gahite manobhusāṅkhāto kāmarāgo taṃsamaṅgipuggalaṃ abhibhavivā attano vase kātuṃ na sakkoti. Tena vuttaṃ “sammaṭṭhānaṃ viyāti sammaṭṭhāna”nti. Mano abhibhavaṭṭi manobhū, tassa **manobhuno. Aṭṭhārasahi...pe... vivajjiteti** –

“Mahāvāsaṃ navāvāsaṃ, jarāvāsañca panthaniṃ;
Soṇḍiṃ paṇṇaṇca pupphañca, phalaṃ patthitameva ca.

“Nagaraṃ dārunā khettaṃ, visabhāgena paṭṭanaṃ;
Paccantasīmāsapāyaṃ, yattha mitto na labbhati.

“Aṭṭhāresetāni ṭhānāni, iti viññāya paṇḍito;
Ārakā parivajjeyya, maggaṃ sappaṭibhayaṃ yathā”ti. (visuddhi. 1.52) –

Evaṃ vuttehi aṭṭhārasahi vihāradosehi sabbakālaviyutte. **Anurūpeti** imesu aṭṭhārasasu dosesu aññatārenapi samannāgato ananurūpo nāma, tadabhāvena attano yogakammassa anukūle. Mahāvihārādayo hi yogakammassa anukūlā na honti, tasmā mahāvihāre tāva vattakaraṇādīnā palibodho hoti. Yattha pana sabbam katameva, avasesāpi saṅghaṭṭanā natthi, evarūpo **mahāvihāro**pi anurūpova. **Navavihāre** bahuṃ navakammaṃ kātābham hoti, tasmā so asati aññasmiṃ anukūle kāraṇe ananurūpo hoti. Tathā **jiṇṇavihāro**pi bahupaṭijaggitabbatāya kammaṭṭhānantarāyiko. **Panthanissitako** āgantukehi rattindivaṃ samokiṇṇatāya. Yattha soṇḍī nāma pāsāṇapokkharāṇī hoti, so **soṇḍivihāro**. Tattha bahū pāṇiyatthāya samosaranti, tathā **paṇṇapupphaphalavati** vihāre taṃtadattāya. **Patthaniye** lokasammate vihāre viharantaṃ “arahā”ti sambhāventā bahū āgacchanti. **Nagarasannissitepi** vihāre visabhāgārammaṇāpāthagamanādīni honti. **Dārusannissite** kaṭṭhahārikādīhi aphāsu hoti. **Khettasannissite** vihāramajjheyeva khalaṃmaṅḍalakaraṇādīnā aphāsu hoti. **Visabhāgapuggalādhivutthepe**i kalahanivāraṇādīsu te upavadanti. **Paṭṭanasannissite** abhiṇhaṃ nāvāsattthehi āgatamanussehi aphāsu hoti. **Paccantanissite** manussā buddhādīsu appasannā honti. **Rajjasīmasannissite** dvinnaṃ rājūnaṃ kalahe sati dvinnaṃ vijjitesu piṇḍāya vicarantaṃ bhikkhuṃ “ayaṃ carapuriso”ti gahetvā bandhanādikaṃ pāpeyyuṃ, **asappāye** amanussādiupaddavā honti. Kalyāṇamittādhivutthe uppānakañkhāya vinodake asati mahādosoyevāti etepi vihārā ananurūpā, tasmā tādise vihāre parivajjetvā vuttadosavirahite anurūpe vihāre vihātabbam.

Tassa pana vihārassa anurūpabhāvo evaṃ veditabboti dassetuṃ “**gāmato**”tiādi vuttaṃ. **Gāmatoti** gocaragāmato. **Nātidūreti** gocaragāmassa aḍḍhagāvutato orabhāgatāya na atidūre. **Naccāsanneti** pacchimena pamāṇena gocaragāmato pañcadhanusatikatāya na atisanne. Iminā gamanāgamanasampannataṃ dasseti. Gocaragāmassa pana uttaradisāya vā dakkhiṇadisāya vā nātidūraṃ naccāsannaṃ senāsanaṃ visesena gamanāgamanasampannaṃ hoti, nātidūranaccāsannatā cettha nidassanamattaṃ. **Pañcaṅgasamṃyuteti** pana vuttatā nātidūranaccāsannatāya saha divā appakiṇṇatādīni cattāri samodhānetvā pañcaṅgasamṃyuttatā veditabbā. Vuttañhettaṃ bhagavatā –

“Kathaṅca, bhikkhave, senāsanaṃ pañcaṅgasamannāgataṃ hoti? Idha, bhikkhave, senāsanaṃ nātidūraṃ hoti naccāsannaṃ gamanāgamanasampannaṃ divā appakiṇṇaṃ rattiṃ appasaddaṃ appanigghosaṃ appaḍḍasamakasavātātapasarīsapasamphassaṃ, tasmim̃ kho pana senāsane viharantassa appakasireneva uppajjanti cīvarapiṇḍapātasenāsanaḅhānapaccayabhesajjaparikkhārā, tasmim̃ kho pana senāsane therā bhikkhū viharanti bahussutā āgatāgamā dhammadharā vinayadharā mātikādhārā, te kālena kālaṃ upasaṅkamitvā paripucchati pañhaṃ ‘idaṃ, bhante, kathaṃ; imassa ko atthoti. Tassa te āyasmanto avivaṭṭaṅgeva vivaranti, anuttānīkathaṅca uttānīm̃ karonti, anekavihitesu ca kaṅkhaṭṭhānīyesu dhammesu kaṅkhaṃ paṭivinodenti. Evaṃ kho, bhikkhave, senāsanaṃ pañcaṅgasamannāgataṃ hoti’”ti (a. ni. 10.11).

Ettha ca nātidūranaccāsannabhāvena gamanāgamanasampannatā paṭhamaṃ aṅgaṃ, divā mahājanasamkiṇṇatābhāvena, rattiyaṃ janālāpasaddābhāvena, sabbadāpi janasannipātanigghosābhāvena appakiṇṇaappasaddaappanigghosabhāvo dutiyaṃ, ḍaṃsamakasādīparissayābhāvo tatiyaṃ, appakasirena cīvarapiṇḍapātādīpaccayalābho catutthaṃ, bahussutatādiguṇasamannāgatānaṃ therānaṃ vasanabhāvo pañcamanti imehi pañcahi aṅgehi samṃyutte samannāgate vihārasim̃ vihātabbaṃ.

840-1. Paṭhamaṃ vuttaāvāsādimahāpalibodhe upādāya khuddakapalibodho, idāni taṃ palibodhaṃ sarūpato dassetvā tassa upacchindanākāraṃ āvi kātuṃ “**dīghā kesā**”tiādi vuttaṃ. So patto suṭṭhu pacitabboti yojanā.

842-5. Pavivitteti janavivitte okāse. **Vajjetvā...pe... lohitanti** ime cattāro kasiṇadosā, tasmā evarūpā mattikā vajjetvā. **Sanḅhāyāti** apanītatīnaṃūlasakkharavālūkāya sumadditāya sukhumāya. **Aruṇavaṇṇāyāti** aruṇanibhāya, aruṇavaṇṇappabhāyāti attho. **Bahiddhā vāpi tādiseti** bahiddhāpi vihārapaccante paṭicchannaṭṭhāne. **Samḅhārimanti** samḅharitabbaṃ gahetvā caraṇayogyā. **Tatraṭṭhakanti** yattha kataṃ, tattheva tiṭṭhanakaṃ.

847-50. Pamānatoti vakkhamānappamānato. **Vaṭṭaṃ ākoṭetvāti** parimaṇḍalaṃ katvā ākoṭetvā. **Tanti** taṃ cammaṃ vā kaṭasāraṃ vā dussapaṭṭaṃ vā. **Kaṇṇikanti** kaṇṇikāsadaṣaṃ, parimaṇḍalato padumakaṇṇikākāraṇti vuttaṃ hoti. Tenāha “**sama**”nti. “Kaṇṇikāsama”nti vā pāṭho. **Vidatthacaturaṅgulantī** caturaṅgulādhikavidatthippamāṇaṃ. Etadeva hi pamāṇaṃ sandhāya **aṭṭhakathāyaṃ** “suppamatte vā sarāvamate vā”ti (visuddhi. 1.55) vuttaṃ. **Vivaṭṭanti** nibbānaṃ. Kasiṇaparikkamaṃ karontopi hi ettakeveva aṭṭhatvā nibbānaṭṭhāyeva vāyamaṭi. **Bherītalasamaṃ katvāti** pāṇikāya ghaṃsetvā ninnatunnataṭṭhānābhāvena bherītaṃ viya samaṃ katvā. **Sammajjitvāna taṃ ṭhānanti** yasmim̃ ṭhāne nisīditvā taṃ kasiṇaṃ oloketi, taṃ ṭhānaṃ sace uklāpaṃ hoti, sammajjitvā. **Nhatvāti** sarīradarathavinodanattaṃ nhatvā.

851-2. Tamhā kasiṇamaṇḍalā hatthapāsappamāṇasmim̃ padeseti tamhā kasiṇamaṇḍalassa, ṭhapitaṭṭhānamhā aḍḍhateyyahatthantare padese, kasiṇamaṇḍalassa, pīṭhassa ca majjhaṃ hatthapāsappamāṇaṃ katvā paññatteti vuttaṃ hoti. **Vidatthacaturaṅgule ucceti** vidatthacaturaṅgulaṃ hutvā ucce, vidatthacaturaṅgulapādaketi vuttaṃ hoti. Dūre nisinnassa hi kasiṇaṃ na upaṭṭhāti, āsannatare nisinnassa hatthapāṇikāpadādayo kasiṇadosā paññāyanti. Uccatare nisinnena ca gīvaṃ paṇāmetvā oloketabbaṃ hoti, nīcatate jaṇṇukāni rujjanti, tasmā hatthapāsappamāṇe padese vidatthacaturaṅgulapādake pīṭhe nisīditabbaṃ. Yasmā catūsu iriyāpathesu sayanaṃ kosajjapakkiyaṃ, ṭhānacaṅkamaṇāni uddhaccapakkiyāni, nisajjā pana alīnuddhaccapakkiyā, santo iriyāpatho, tasmā vuttaṃ “**nisīditvā**”ti, samantato ūrubaddhāsaṃ pallaṅkaṃ ābhujitvāti attho. Yenākārena nisīdantassa nisajjā sukhā hoti, taṃ dassetuṃ vuttaṃ “**ujuṃ kāyaṃ pañidhāyā**”ti. Uparimaṃ sarīraṃ ujukaṃ ṭhapetvā aṭṭhārasapiṭṭhikaṅṭake koṭiyā koṭim̃ paṭipādetvāti attho. Evañhi nisinnassa cammamaṃsanahārūni na oṇamanti, athassa yā tesam̃ oṇamanapaccayā khaṇe khaṇe vedanā uppajjeyyūṃ, tā na uppajjanti. Tāsu anuppannaṃsū cittaṃ ekaggaṃ hoti, kammaṭṭhānaṃ na paripatati. Tato ca pubbenāparaṃ visesappattiyā vuddhim̃ phāṭim̃ upagacchati. Idāni āramanapariggahupāyaṃ dassento āha “**katvā parimukhaṃ sati**”nti, kammaṭṭhānābhimukhaṃ satim̃ ṭhapetvāti attho. Abhi-saddena hi samānatto idha **pari-saddo**, atha vā samīpatthena **pari-saddena** mukhassa samīpe satim̃ katvāti attho. Yathāha – “ayaṃ sati upaṭṭhitā hoti supaṭṭhitā nāsikagge vā mukhanim̃te vā. Tena vuccati parimukhaṃ satim̃ upaṭṭhapetvā”ti (vibha. 537). Atha vā “**parīti** pariggahaṭṭho, **mukhanti** niyyānaṭṭho, **sattīti** upaṭṭhānaṭṭho. Tena vuccati ‘parimukhaṃ sati’”nti (paṭi. ma. 1.164) vacanato “pariṇāyikā”tiādīsū viya pari-saddo pariggahaṭṭho, “suññatavimokkhamukha”ntiādīsū viya mukha-saddo niyyānaṭṭhoti katvā pariggahitaniyyānasatim̃ katvā sabbathā gahitāsammaṃsāṃ pariccattasammaṃsāṃ satinepakkam̃ upaṭṭhapetvāti vuttaṃ hoti.

853-5. Kāmesvādīnavam disvāti “kāmā nāmete aṭṭhikaṅkhalikūpamā nirassādaṭṭhenā”tiādīnā vatthukāmakilesakāmesu ādīnavam paccavekkhitvā. **Nekkhammaṃ daṭṭhu khematoti** nekkhammaṃ khemato disvā kāmanissaraṇaṃ sabbadukkhasamatikkamassa upāyabhūtaṃ nekkhammanti evaṃ nekkhammasaṅkhātaṃ saupacārajjhānaṃ, nibbānaṃ, vipassanaṃ, sabbepi vā kusalahamme khemato nibbhayato disvā, tattha jātābhilāso hutvāti vuttaṃ hoti. **Paramaṃ...pe... ratanattayeti** buddhādiratanattaye ratanattayaguṇānussaraṇena balavapītipāmojjaṃ janayitvā. **Bhāgi...pe... muttamanti** “ahaṃ imāya sabbabuddhapaccekaḍḍhaariyasāvakehi paṭipannāya nekkhammapaṭipattiyā cīttavivekādippavivekajassa sukhassa addhā ekantena bhāgī assaṃ, lābhī bhaveyya”nti evaṃ paṭipattiyam ānisaṃsadassanena tabbisayaṃ uttamaṃ mahantaṃ ussāhaṃ katvā. **Ākārena samenevāti** atiummīlitaatimandālocanāni vajjētvā nātiuummīlitanātimandālocanasāṅkhātena samena ālocanākārena. Atiummīlayato hi atisukhumaṃ, avibhūtaṅca rūpagataṃ upanijjhāyato viya cakkhu kilamati, attano sabhāvavibhāvanato ca maṅḍalaṃ ativibhūtaṃ hoti, tathā vaṇṇato, lakkhaṇato vā upatiṭṭheyya, tenassa nimittaṃ nuppajjati. Atimandaṃ ummīlayato ca gajanimīlakena pekkhantassa viya rūpagataṃ maṅḍalaṃ avibhūtaṃ hoti. Dassane mandabyāpāratāya kosajjapātato cittaṅca līnaṃ hoti, evampi nimittaṃ nuppajjati, tasmā yathā nāma ādāsatale mukhanimittaṃ gaṇhanto na tattha atigāḷhaṃ ummīlati, na atimandaṃ, atha kho samena ākārena gaṇhāti, evameva nātiuummīlanādīnā samena ākārena gaṇhantena bhāvetabbanti. **Nimittaṃ gaṇhatāti** pathavīkasiṇe cakkhunā gahitaṃ nimittaṃ manasā gaṇhantena.

856-7. Idāni nimittaggahaṇopāyaṃ dassetuṃ “**na vaṇṇo pekkhitabbo**”tiādi vuttaṃ. **Na vaṇṇo pekkhitabbo soti** yo tattha pathavīkasiṇe aruṇavaṇṇo, so na cintetabbo vaṇṇavasena manasikaroto vaṇṇakasiṇabhāvūpagamanato. Cakkhuviññāṇena pana gahitaggahaṇaṃ na sakkā vāretuṃ, tenevettha “na oloketabbo”ti avatvā “manasānupekkhitā hoti”tiādīsu viya manasā cintanavasena pekkhanaggahaṇaṃ kataṃ. **Daṭṭhabbaṃ na ca lakkhaṇanti** yaṃ tattha pathavīdhātuyā thaddhalakkhaṇaṃ na manasikātabbaṃ tassa manasikāre dhātukammaṭṭhānassa gahitattā. **Vaṇṇaṃ pana amuñcitvāti** disvā gahetabbattā pana vaṇṇaṃ amuñcitvā. **Ussadassa vasena hi cittaṃ paṇṇattidhammasminti** pathavīdhātuyā sattito adhikabhāvena sasambhārapathaviyā “pathavī”ti vohāro, tasmīṃ sasambhārapathaviṃ upādāya paññatte paṇṇattidhamme ādāsatalagatamukhanimitte viya cittaṃ ṭhapetvā. **Ekaggamānasoti** puna nānārammaṇe cittaṃ avisāretvā ekaggamānasoti hutvā. **Pathavī pathavicevaṃ vatvāti** ettha paṭhamasamannāhāre kassaci vacībhedopi siyāti vuttanti **ācariyadhammapālatthero** āha.

858. Yadi vohāramatte cittaṃ ṭhapetabbam, nāmantaravasena pathavī manasikātabbā bhaveyyāti hotu, ko dosoti dassento āha “**pathavī medani**”tiādi. Atha vā kiṃ pathavīnāmeveva vutte bhāvanā hoti, udāhu aññasmimpīti āha “**pathavī medani**”tiādi. **Ekaṃ vattumpi vaṭṭati** etesu yaṃ icchati, taṃ attano paguṇatāya vā pacuratāya vā āgacchantam ekaṃ vattum vaṭṭati. Kiñcāpi evaṃ vaṭṭati, apica “pathavī”ti etadeva nāmaṃ pākātaṃ, tasmā pākātavaseneva “pathavī pathavī”ti bhāvetabbanti ācariyā.

859-60. Ummīlitvā...pe... tāva soti yāva vakkhamānākārena uggahanimittaṃ nuppajjati, tāva kiñci kālaṃ cakkhuṃ ummīlitvā nimittaggahaṇavasena pathavīmaṅḍalaṃ oloketvā puna kiñci kālaṃ cakkhūni nimīlitvāti evaṃ vārasatampi vārasahassampi tato bhiyyopi ummīlitvā so yogī āvajjeyya, yenākārena oloketvā gahitaṃ, tenākārena taṃ samannāhareyyāti attho.

861-3. Āpāthaṃ tu yāti ceti yadi manodvārikajavanānaṃ gocarahāvaṃ upagacchati, taṃ uggahanimittaṃ tadā uppannanti pavuccatīti yojanā. Yadi uggahanimittēpi pathavīmaṅḍalaṃ oloketvā bhāveti, paṭibhāganimittuppatti na siyā. Samīpaṭṭhena ca na sakkā anoloketunti vuttaṃ “**nisīditabbaṃ no ceva**”ntiādi. **Yathāsukhaṃ** nisinnena, yathāsukhaṃ vā bhāvetabbanti sambandho.

864-5. Papañca...pe... dhovaneti passāvādīnā kenaci karaṇīyena nisinnaṭṭhānato aññattha gantvā puna āgamma nisīdantena pādā dhovītabbā hontī. Adhotapādena hi senāsaṇaṃ akkamato āpatti hoti, khaṇe khaṇe pādadhovane ca papañco hoti, tasmā tassa parihāratthaṃ dve upāhanāyeve icchitabbā. Tāva bahutalīkā saddampi janeyyūṃ, saddo ca jhānakaṇṭako, tasmā vuttaṃ “**ekatalīkā**”ti. Tathā “parissayavinodanattaṃ kattaradaṇḍo ca icchitabbo”ti (visuddhi. 1.57) **aṭṭhakathāyaṃ** vuttaṃ. **Asappāyena kenacīti** vakkhamānena āvāsādiasappāyesu kenacideva asappāyena. **Taṃ ṭhānanti** kasiṇamaṅḍalassa ṭhitatṭhānaṃ. **Ādāya taṃ punāti** yathājātaṃ uggahanimittaṃ puna gahetvā, puna uppādetvāti vuttaṃ hoti.

866-7. Pīṭhe sukhanisinnenāti puna vasanaṭṭhānaṃ āgantvā vuttaniyāmena pīṭhe sukhanisinnena. **Bhāvetabbanti** taṃ nimittaṃ manasikāravasena vaḍḍhetabbam. **Samannāharitabbanti** sammā āvajjitabbam, sammā vā anu āharitabbam. **Takkāhatanti** “takkanato takko”ti evaṃ laddhanāmena bhāvanācittasampayuttana sammāsāṅkappena āhananapariyāhananakkicca aparāparaṃ pavattanena kammaṭṭhānaṃ āhataṃ, pariyāhataṅca kātabbam, balappattavitakko manasikāro bahulaṃ pavattetabboti attho.

868-70. Taṃ icchatī taṃ nimittaṃ manasikātuṃ icchatī. **Evaṃ karontassā**ti evaṃ kammaṭṭhānaṃ takkāhataṃ karontassa. Yathā bhāvanā pubbenāparaṃ viśesaṃ āvahati, evaṃ anuyuñjantassa, evaṃ karoto pana yadā saddhādāni indriyāni suvisadāni tikkhāni pavattanti, tadā assaddhiyādīnaṃ dūrībhāvena sātisaṃyamaṃ thāmappattehi sattahi balehi laddhupatthambhāni vitakkādāni kāmāvacarāneva jhānaṅgāni bahūni hutvā pātubhavanti. Tato ca tesam ujjuvipaccanīkabhūtā kāmaccandādayo saddhīm tadekaṭṭhehi pāpadhammehi dūrībhavanti. Tena vuttaṃ “**vikkhambhanti...pe... pañca nīvaraṇāni**”ti. **Samādhiyati...pe... yoginoti** tassa yogino paṭibhāganimittaṃ ārabha uppannapacārasamādhinā upacārajjhānena cittampi samādhiyati, paṭibhāganimittaṃ upajjati upacārajjhānassa tena vinā abhāvato.

871-4. Imassāti paṭibhāganimittaṃ. **Purimassā**ti uggahanimittaṃ. **Thavikā**ti ādāsathavikato. **Balākā viya toyadeti** meghasamīpe balākā viya. Sā hi meghassa nīlattā sayama atiparisuddhā upaṭṭhāti, tadā taṃ upaṭṭhātī sambandho. Evaṃ ādāsamaṇḍalūpamādīhi uggahanimittaṃ paṭibhāganimittaṃ suvisuddhataṃ, saṃhasukhumatañca dasseti. Tenāha “**tatodhikata**”nti. Uggahanimittaṃ aṅgulipadapāṇīkāpadādayo kaṣiṇadosā paññāyanti, idaṃ pana vuttanayena tatopi sataguṇaṃ saḥsaguṇaṃ suvisuddhaṃ hutvā upaṭṭhātīti attho. **Tanusaṅghānavantā**ti āpāramatthasabhāvattā vuttaṃ. Yadi hi taṃ edisaṃ bhaveyya, cakkhuviññeyyaṃ siyā, oḷārikaṃ sammasanūpagamaṃ tilakkhaṇāhaṭṭaṃ, na panetaṃ tādīsanti. Yadi panetaṃ na saṅghānādivantaṃ, kathaṃ jhānassa ārammaṇabhāvoti āha “**upaṭṭhā...pe... maya**”nti. Tattha **paññajanti** bhāvanāmayaṃ paññājanitaṃ, bhāvanāpaññāya sañjānanamattanti vuttaṃ hoti. Na hi asabhāvadhammassa kutocisamuṭṭhānaṃ atthi. Tenāha “**bhāvanāmayaṃ upaṭṭhānākāramatta**”nti, kevalaṃ samādhilābhino bhāvanāvīśesaṃjanitaṃ tammayaṃ upaṭṭhānākāramattameva bhāvanāvīśesaṃubhāvena upaṭṭhātīti attho.

875-8. Vikkhambhitāneva sannisinnāneva na puna tadatthaṃ ussāho kātabboti adhippāyo. Paṭibhāganimittaṃ hi upajjamāneyeva taṃvisayaṃ upacārajjhānaṃ nīvaraṇe vikkhambhantameva upajjati. **Kilesā sannisinnāvā**ti avasesā tadekaṭṭhakilesā ca sammadeva nisinnā, upasantāti attho. “Upacārasamādhinā”ti vutte itaropi samādhi atthīti atthato āpannanti tampi dassetuṃ “**ākārehi pana dvīhi**”tiādi vuttaṃ. **Dvīhi akārehi**ti jhānadhammānaṃ paṭipakkhadūrībhāvo, thirabhāvappatti cāti imehi dvīhi kāraṇehi. Idāni tāni kāraṇāni samādhiavattāhāmukhena dassetuṃ “**upacārakkhaṇe**”tiādi vuttaṃ. **Upacārakkhaṇe**ti upacārabhūmiyaṃ upacārāvattāhāyaṃ. **Tassa paṭilābheti** yadattāhāya ayaṃ paṭipanno, tassa appanāsamādhiṃ paṭilābhe adhigamāvattāhāyaṃ. Kathaṃ upacārabhūmiyaṃ samādhiyati, kathaṃ appanābhūmiyanti āha “**nīvaraṇappahānenā**”tiādi. Upacārakkhaṇe yadipi jhānaṅgāni paṭutarāni mahaggatabhāvappattāni na honti, tesam paṭipakkhadhammānaṃ vikkhambhanena cittaṃ samādhiyati, paṭilābhābhūmiyampi appanāpattānaṃ jhānaṅgānaṃ pātubhāvena samādhiyati attho.

879-80. Aṅgāni...pe... na cāti upacārakkhaṇe aṅgāni na ca thāmajātāni neva bhāvanābalappattāni hontīti attho. **Appanāyati** appanakkhaṇe. **Tasmā**ti yasmā aṅgāni thāmajātāni jāyare, tasmā. **Appanācittaṃ divasampi pavattatī**ti yathā nāma balavā puriso āsanā vuṭṭhāya divasampi tiṭṭheyya, evamevaṃ appanāsamādhiṃhi uppanne jhānacittaṃ sakim bhavaṅgavāraṃ chinditvā uppannaṃ kevalaṃ rattimpi divasampi kusalajavanapaṭipāṭivaseva pavattatīti attho. “Appanāpattaṃ divasampi pavattatī”ti vadatā upacārakkhaṇe na tathāti dassitaṃ hoti. Tattha hi aṅgānaṃ athāmajātattā yathā nāma daharo kumāro ukkhipitvā ṭhapiyamāno punappunaṃ bhūmiyaṃ patati, evamevaṃ cittaṃ kālena nimittaṃ ārammaṇaṃ karoti, kālena bhavaṅgaṃ otarati.

881-4. Teneva pallaṅkenāti yasmim nisinnā paṭibhāganimittaṃ adhigacchi, teneva pallaṅkena karaṇabhūtena, hetubhūtena vā taṃ nimittaṃ vadḍhetvā. Upacārabhūmiyaṃhi nimittavaddhanaṃ yuttaṃ. **Cakkavattiyagabbhovā**ti cakkavattī bhavituṃ puññavā gabbho viya. **Parihāni na vijjatī**ti laddhūpacārajjhānassa parihaṇi na vijjati. Nimittaṃ hi aparihīne tadārammaṇaṃ jhānaṃ aparihīnameva hoti, nimittaṃ pana ārakkhābhāvena vīnaṭṭhe laddhajjhānampi vīnaṣṣati tadāyattavuttittā. Tenāha “**ārakkhaṇe**”tiādi.

885. Āvāsoti yasmim āvāse vasantassa anuppannaṃ nimittaṃ nupajjati, uppannaṃ vā vīnaṣṣati, anupaṭṭhitā ca satī na upaṭṭhāti, asamāhitañca cittaṃ na samādhiyati, ayaṃ asappāyo āvāso, tasmā yasmim vihāre bahū āvāsā honti, tattha ekekasmim tīṇi tīṇi divasāni vasitvā yathā cittaṃ ekaggaṃ na hoti, taṃ pahāya tabbiparīte vasitabbam. **Gocaroti** gocaragāmo, so senāsanaṃ atidūre accāsane pubbadisāya vā pacchimadisāya vā asulabhābhikkho asappāyo. **Bhassanti** dvattimsatiracchānakathāpariyāpannā asappāyakathā. Sā hissa nimittantaradhānāya saṃvattati. **Puggaloti** tiracchānakathiko, sīlādiguṇavirahito puggalo, yaṃ nissāya asamāhitaṃ vā cittaṃ na samādhiyati, samāhitaṃ vā thiraṃ na hoti, evarūpo. So hi taṃ kaddamodakamiva acchaṃ udakaṃ malīnameva karoti. **Bhojanaṃ** pana kassaci ambilaṃ, kassaci madhuraṃ asappāyaṃ hoti. **Utupi** kassaci sīto, kassaci uṇho. Tasmā yaṃ bhojanaṃ vā utuṃ vā sevantassa phāsu na hoti, taṃ bhojanaṃ so ca utu asappāyo. **Iriyāpathoti** ṭhānacaṅkamanādīsū yo imassa asamāhitacittassa samādhiyati, samāhitacittassa ca thirabhāvāya na hoti, ayaṃ asappāyo iriyāpatho, tasmā tampi āvāsaṃ viya tīṇi divasāni upaparikkhitvā vajjetabbam.

886. Sappāye satta seveyyāti vuttaviparītavasena sappāye āvāsādike satta seveyya. Tattha bhassasappāyaṃ nāma dasakathāvatthusannissitaṃ, tampi mattāya bhāsitaṃ. **Evañhi paṭipajjatoti** evaṃ vuttappakārena satta asappāye vajjetvā satta sappāye sevanavasena paṭipajjantassa nimittāsevanabahulassa.

888-9. Yena vinā appanāya kusalo na hoti, so dasavidho vidhi, appanākosallaṃ, tannibbattaṃ vā ñāṇaṃ ganthavittārahayena idha na dassitaṃ, atthikena pana **visuddhimaggato** (visuddhi. 1.60) gahetabbanti adhippāyo. Paṭiladdhe nimittasmim, evañhi sampādayato appanākosallaṃ appanā sampavattatīti sambandho.

890-2. Sāti appanā. **Evañhīti hi**-saddo hetuatto, yasmā ṭhānametaṃ na vijjati, **tasmā cittappavattiākāraṃ** bhāvanācittassa līnuddhatādivasena pavattiākāraṃ **sallakkhayaṃ** upadhārento **samataṃ vīriyasēva** vīriyassa samādhinā samataṃyeva **yojayetha**, kathaṃ pana yojayethāti āha “**isakampī**”tiādi. Tattha **layanti** līnabhāvaṃ, saṅkocanti attho. **Yantanti** gacchantam, **paggaṇhethēva** samabhāvāyāti adhippāyo. Tenāha “**accāraddhaṃ nisedhetvā samameva pavattaye**”ti. Taṃ mānasanti sambandho.

894-9. Evanti vuttappakārena vīriyasamatāyojanavasena, paṭipannabhāvanāmānasam paṭibhāganimitteveva ṭhapanavasena nimittābhīmukhaṃ paṭipādayato **tassa** yogino. **Samijjhissatīti** uppajjissati. **Pathavīkasiṇanti** pathavīti bhāvanāvasena upaṭṭhitaṃ tadeva paṭibhāganimittaṃ. **Javanānīti** kāmarūpāvacarajavanāni. Tenāha “**ekaṃ tu rūpāvacarikaṃ bhave**”ti. **Aññehīti** pakatikehi kāmvāvacaracittehi. **Balavatarāti** bhāvanābalena paṭutarabhāvappattiyā accantabalavanto. **Parikkammopacārato** parikkammattā, upacārattā ca. Tattha parikkammattāti paṭisaṅkharāṇattā. Upacārattāti yathā gāmadīnaṃ āsannadeso “gāmūpacāro, nagarūpacāro”ti vuccati, evaṃ appanāya āsannattā samīpacārītā. **Upacārāni** appanaṃ upecca carantīti katvā. **Appanāyānulomattāti** nānāvajjanavīthiyaṃ parikkammatoṇi lahukaṃ appanānipphādakavasena, guṇavasena vā appanāya anukūlattā. **Etthāti** etesu parikkammopacārānulomasaññitesu. **Sabbantimaṃ** tatiyaṃ, catutthaṃ vā **gotrabhūti** pavuccati parittagottassa abhibhavanato, mahaggaṭagottassa bhāvanato ca.

900-3. Avisesena sabbesaṃ sabbā samāññāti paṭhame naye gahitāgahaṇaṃ hotīti āha “**gahitāgahaṇenā**”tiādi. Ekekassa gahitanāmaṃ itaresaṃ aggahaṇato, ekekanāmasena gahitassa itaranāmasena aggahaṇato vā nānāvajjanaparikkammameva parikkammanti adhippāyena “**paṭhamaṃ upacāraṃ vā**”tiādi vuttaṃ. **Catutthaṃ pañcamaṃ vāti vā**-saddo aniyamo, so pana khippābhīññadandhābhīññavasena veditabbo. Khippābhīññassa hi catutthaṃ appeti, dandhābhīññassa pañcamaṃ. **Tato paranti** pañcamato paraṃ. Tenāha “**chaṭṭhe vā**”tiādi. Kasmā na jāyatīti āha “**āsannattā bhavaṅgassa**”ti. Cittaniyāmasena hi uppajjitabbesu sattasu javanesu chaṭṭhasattama javanāvāragalaṇaṭṭhānabhūtattā bhavaṅgassa āsannaṃ javanaṃ patati. **Tāvadeti** tāvadeva. Chaṭṭhaṃ, sattaṃ vā javanaṃ patantaṃ viya hoti parikkhīññajavanattāti adhippāyo.

904-6. Atha kimetaṃ vuccati “chaṭṭhe sattame vāpi appanā na jāyatī”ti? **Ābhidhammikagodattatthero** hi “purimā purimā kusalā dhammā pacchimānaṃ pacchimānaṃ kusalānaṃ dhammānaṃ āsevanapaccayaena paccayo”ti (paṭṭhā. 1.1.12) imaṃ suttaṃ vatvā yathā aladdhāsevanaṃ paṭhamajavanaṃ gotrabhuṃ na uppādeti, laddhāsevanaṃ pana balavabhāvato dutiyaṃ, tatiyaṃ vā gotrabhuṃ uppādeti, evaṃ laddhāsevanatāya balavabhāvato chaṭṭhaṃ, sattaṃ vā appetīti chaṭṭhaṃ, sattaṃ vā appanā hotīti vadati”ti imaṃ codanaṃ manasi nidhāya therassa taṃ mataṃ paṭikkhipitvā yathāvuttamatameva patitṭhāpetuṃ “**purimehi**”tiādi vuttaṃ.

Pariyante ṭhātuṃ neva sakkotīti papāte eva patatīti adhippāyo. **Appetuṃ na sakkotīti** patitṭhātuṃ appanāvasena uppajjituṃ na sakkoti. Na cettha “purimā purimā”tiādisuttapadaṃ sādhaṃ āsevanapaccayaalābhassa balavabhāve anekantikattā. Tathā hi aladdhāsevanāpi paṭhamacetanā diṭṭhadhammavedanīyā hoti, laddhāsevanā dutiyacetanā yāva chaṭṭhacetanā aparāpariyavedanīyā, tasmā laddhāsevanepi chaṭṭhasattame appanā na hoti āsannabhavaṅgatāya dubbalattāti adhippāyo. Yadi evaṃ kathaṃ sattaṃ javanacetanā upapajjavedanīyā ānantariyā hoti? Nāyaṃ viseso, āsevanapaccayaalābhena balavappattiyā, kiñcarahi kiriyāvattāvisesato. **Kiriyāvattā** hi ārambhamaṃjhapariyosānavasena tivadhā. Tattha pariyaosānavattāya sannitṭhāpakacetanābhāvena upapajjavedanīyāditā hoti, na balavabhāvenāti ācariyā.

907. Eka...pe... panāti ayaṃ appanā ekacittakkhaṇāyeva ekavārameva uppajjitvā nirujjhati, na samāpattivīthiyaṃ viya yathicchakaṃ pavattati. Sattasu hi ṭhānesu kālaparicchedo nāma natthi, paṭhamappanāyaṃ, lokiyābhīññāsu, catūsu maggesu, maggānantare phale, rūpārūpabhavesu bhavaṅgaṭṭhāne nirodhassa paccaye nevasaññānāsaññāyatane nirodhā vuṭṭhahantassa phalasamāpattiyanti. Etesu hi katthaci atīttarā, katthaci appamāṇā cittaṅgaṇā hontī, katthaci sampuññajavanavīthi addhā labbhati. Tathā hi maggānantaraṃ phalaṃ tiñṇaṃ upari na hoti, nirodhassa paccayo nevasaññānāsaññāyatanaṃ dvinnāṃ upari na hoti, rūpārūpabhavesu bhavaṅgassa parimāṇaṃ natthi, sesesu pana catūsu ṭhānesu ekameva cittanti tasmā ekacittakkhaṇikāyeva appanā hotīti veditabbā.

908. Paccavekkhaṇahetukanti paccavekkhaṇahetuṃ katvā. Nanu ca paccavekkhaṇaṃ āvajjanādīhi, na pana tena āvajjanādi, tasmā kathaṃ paccavekkhaṇahetukaṃ hotīti yujjati? Nāyaṃ doso bhavanakiriyāya paccavekkhaṇahetukatā. Na hi asati paccavekkhaṇe sā hoti nirodhassa paccayabhūtajhānantaramiva, satī pana paccavekkhaṇe sā hoti, tasmā anvayabyatirekavasena labbhati. Tassā paccavekkhaṇahetukatāti na na yujjati “paccavekkhaṇahetuka”nti vacanaṃ. Paccavekkhaṇahetukaṃ āvajjananti vā sambandho. **Āvajjanañhi** paccavekkhaṇāṇānaṃ anantarapaccayabhāvena kāraṇaṃ hoti.

911-3. Nānāvisayaluddhassa, ito cito ca bhamantassa cetasoti sambandho. **Samādhānevāti** samādhānā eva, samādhānakaraṇatoti attho. **Pāmojjabhāvatoti** pāmojjena samānayogakkhamatāya tassā tabbhāvavuttittā. Atha vā byāpādena ghaṭṭiyamānassa cittassa pamuditabhāvakaraṇato pītiyeva “pāmojja”nti vuccati, tassa bhāvo, tasmā pāmojjasabhāvattāti attho. **Sītalattasabhāvatoti** byāpādagginā santāpiyamānassa cittassa nibbāpanavasena sītalattasabhāvattā.

914-6. Savipphārikabhāvenāti yoniso saṅkappavasena kāmavitakkādiṃ madditvā pavattanato savipphārikasabhāvena. **Nekkhammādi pavattitoti** ettha nekkhamma-ggahaṇena brahmavihāravajjam paṭhamajjhānaṃ gahitaṃ. **Ādi-saddena** tīsu brahmavihāresu paṭhamajjhānaṃ gahitanti vadanti. **Avūpasantabhāvassāti** uddhaccassa sarūpakathanena taṃsahavattino anutāpasabhāvassa kukkuccassāpi sarūpaṃ kathitamevāti daṭṭhabbaṃ. Tathā **sayañcevātisantatoti** uddhaccapaṭipakkhasabhāvavacanena kukkuccapaṭipakkho pītibhāvopi. Tenāha “**sukhaṃ uddhaccakukkuccadvayassā**”ti. **Matiyā anurūpattāti** paññāya anurūpattā. Tathā ca vuttaṃ **ācariyadhammapālattherena** “vicāro vicikicchāya paṭipakkho ārammaṇe anumajjanavasena paññāpatirūpakasabhāvattā”ti. Potthakesu pana “pītiyā anurūpattā”ti pāṭho dissati, tassa ca vicāro anumajjanasabhāvavantatāya pīti viya ārammaṇe anivattanto ogāhetvā pavattatīti pītiyā anurūpattā sandehasabhāvattā ārammaṇaṃ anajjhogāhetvā pavattamānāya vicikicchāya paṭipakkhoti atthaṃ vadanti.

917. Tividhakalyāṇanti ādimajjhapariyosānakalyāṇatāsāṅkhātāhi paṭipadāvisuddhiādīhi tividhakalyāṇatāhi yuttaṃ. Yathāha “paṭhamassa jhānassa paṭipadāvisuddhi ādi, upekkhānubrūhanā majjhe, sampahaṃsanā pariyosāna”nti (paṭi. ma. 1.158). Tattha pubbabhāgapaṭipadāvasena jhānassa pariapanthato visujjanaṃ paṭipadāvisuddhi nāma, sā pana yasmā jhānassa uppādakkhaṇe labbhati, tasmā vuttaṃ “paṭipadāvisuddhi ādī”ti. Visodhetabbatādīnaṃ abhāvato jhānapariyāpannāya tatra majjhātupekkhāya kiccanipphattiyā anubrūhanā upekkhānubrūhanā nāma. Sā panāyaṃ visesato jhānassa ṭhitikkhaṇe labbhati. Tena vuttaṃ “upekkhānubrūhanā majjhe”ti. Tattha dhammānaṃ anativattanādisādhakassa ṇāṇassa kiccanipphattivasena pariyodapanā sampahaṃsanā nāma. Sā jhānassa osānakkaṇe pākaṭā hotīti vuttaṃ “sampahaṃsanā pariyosāna”nti.

Abhayagirivāsino “paṭipadāvisuddhi nāma sasambhāriko upacāro, upekkhānubrūhanā nāma appanā, sampahaṃsanā nāma paccavekkhaṇā”ti (visuddhi. 1.75) evaṃ paṭipadāvisuddhiādike vaṇṇenti, taṃ ayuttaṃ. Evañhi satī ajhānadhammehi jhānadhammassa guṇasaṃkittanaṃ nāma kataṃ hoti. Na hi bhūmantaraṃ bhūmantarapariyāpannaṃ hoti, antoappanāyameva āgamanavasena paṭipadāvisuddhi, tatra majjhātupekkhāya kiccanipphattiyādīhi upekkhānubrūhanādayo ca veditabbā. Evañca katvā vuttaṃ bhagavatā “ekattagataṃ cittaṃ paṭipadāvisuddhipakkhantarañceva hoti upekkhānubrūhitañca ṇāṇena sampahaṃsita”nti (paṭi. ma. 1.158). Ettha hi **ekattagataṃ cittaṃ** indriyānaṃ ekarasabhāvena, ekaggatāya ca sikhappattiyā tadanugūṇaekattagataṃ sasampayuttamappanācittaṃ, tasseva paṭipadāvisuddhipakkhandanādi pakkhantaraṃ vuccati.

Dasalakkhaṇasamyutanti “ādimhi tīni lakkhaṇāni, majjhe tīni, pariyosāne cattārī”ti evaṃ dasaparimāṇehi appanāya lakkhitabbabhāvena lakkhaṇasaṅkhātēhi pariapanthato visuddhijhānādīhi saṃyuttaṃ. Vuttañhetam –

“Paṭhamassa jhānassa paṭipadāvisuddhi ādi. Ādissa kati lakkhaṇāni? Ādissa tīni lakkhaṇāni. Yo tassa pariapantho, tato cittaṃ visujjhati, visuddhattā cittaṃ majjhimam samathanimittam paṭipajjati, paṭipannattā tattha cittaṃ pakkhandatī, yañca pariapanthato cittaṃ visujjhati, yañca visuddhattā cittaṃ majjhimam samathanimittam paṭipajjati, yañca paṭipannattā tattha cittaṃ pakkhandatī, paṭhamassa jhānassa paṭipadāvisuddhi ādi, ādissa imāni tīni lakkhaṇāni. Tena vuccati paṭhamam jhānaṃ ādikalyāṇaṇceva hoti lakkhaṇasampannañca.

“Paṭhamassa jhānassa upekkhānubrūhanā majjhe, majjhassa kati lakkhaṇāni? Majjhassa tīni lakkhaṇāni. Visuddham cittaṃ ajjupekkhati, samathapaṭipannaṃ ajjupekkhati, ekattupaṭṭhānaṃ ajjupekkhati, yañca visuddham cittaṃ ajjupekkhati, yañca samathapaṭipannaṃ ajjupekkhati, yañca ekattupaṭṭhānaṃ ajjupekkhati, paṭhamassa jhānassa upekkhānubrūhanā majjhe, majjhassa imāni tīni lakkhaṇāni. Tena vuccati paṭhamam jhānaṃ majjhekalyāṇaṇceva hoti lakkhaṇasampannañca.

“Paṭhamassa jhānassa sampahaṃsanā pariyoṣānaṃ. Pariyoṣānassa kati lakkhaṇāni? Pariyoṣānassa cattāri lakkhaṇāni. Tattha jātānaṃ dhammānaṃ anativattanaṭṭhena sampahaṃsanā, indriyānaṃ ekarasaṭṭhena sampahaṃsanā, tadupagavīriyavāhanaṭṭhena sampahaṃsanā, āsevanaṭṭhena sampahaṃsanā, paṭhamassa jhānassa sampahaṃsanā pariyoṣānaṃ, pariyoṣānassa imāni cattāri lakkhaṇāni. Tena vuccati paṭhamam jhānaṃ pariyoṣānakalyāṇaṇceva hoti lakkhaṇasampannaṇā”ti (paṭi. ma. 1.158).

Ettha ca gotrabhucittassa nānāvajjanavīthiyam uppajjanārahaparipanthato visujjhanato tadāgamanavasena jhānacittassa visujjhanākāraṃ sandhāya “yo tassa paripantho, tato cittaṃ visujjhatī”ti vuttaṃ. Gotrabhucittasseva tathā visuddhattā āvaraṇavirahitaṃ hutvā ekattanayena majjhimasamathanimittasaṅkhātāṃ samappavattaṃ appanāsamādhipaṭipajjanaṃ sandhāya “visuddhattā cittaṃ majjhimasamathanimittaṃ paṭipajjati”ti vuttaṃ. Tathā hi khīrasseva dadhibhāvābhāvepi tadeva khīraṃ dadhisampannantiādīsu viya gotrabhucittassa appanābhāvābhāvepi ekasantatipariṇāmūpagamanavasena taṃ majjhimaṃ samathanimittaṃ līnuddhaccasaṅkhātaantadvayānupagamanena majjhimaṃ paccanīkavūpasamanato yathā samathasaṅkhātāṃ yogino sukhavisesānaṃ kāraṇabhāvato nimittabhūtaṃ appanāsamādhim paṭipajjati nāma, tathā paṭipannattā pana samāhitabhāvūpagamanena ekattanayavaseneva tattha pakkhandanaṃ sandhāya “paṭipannattā tattha cittaṃ pakkhandatī”ti vuttaṃ. Ekattanayaṅhi vinā gotrabhussa appanāpakkhandanaṃ natthi. Evaṃ tāva purimacitte vijjamaṇākārassa idha nibbattiyā jhānaṃ uppādakkhaṇe tividhalakkhaṇasampannaṃ nāma. Yathā hi lokiyavipassanāya kiccanipphattiyā lokuttaramaggo “vipassanā”ti vuccati, evaṃ visuddhassa pana tassa puna visodhane byāpārākaraṇato tatramajjhattupekkhākkiccasena puggalassa ajjupekkhanato vuttaṃ “visuddham cittaṃ ajjupekkhatī”ti. Appanāsamādhibhāvūpagamanena samathavipapaṭipannassa puna samādhāne byāpārākaraṇato vuttaṃ “samathapaṭipannaṃ cittaṃ ajjupekkhatī”ti.

Evaṃ samathapaṭipannabhāvato yeva pubbe “kathaṃ nu kho kilesasaṃsaggaṃ pajaheyya”nti paṭipannassa idāni samathapaṭipattiyā tassa pahīnattā pāpamittasaṃsaggaṃ pahāya ekassa viharato sappurisassa viya ekattena upaṭṭhitassa jhānacittassa puna ekattupaṭṭhāne byāpārākaraṇam sandhāya “ekattupaṭṭhānaṃ ajjupekkhatī”ti vuttaṃ. Evaṃ tatramajjhattupekkhāya kiccavasena jhānaṃ majjhe tividhalakkhaṇasampannaṃ nāma hoti. Pubbabhāgapavattapārihāriyāñāṇena cittassa saṃkilesavodānakaradhammesu ādīnavānisamsaṃ disvā yathā tattha jātānaṃ dhammānaṃ aññamaññānativattanaṃ hoti, tathā bhāvanāya sampahaṃsittā visodhitattā tatramajjhattupekkhāya vasena anubrūhite citte samādhipaṇṇāsaṅkhātayuganaddhadhammānaṃ aññamaññānativattiyā pavattanaṃ sandhāya vuttaṃ “tattha jātānaṃ dhammānaṃ anativattanaṭṭhena sampahaṃsanā”ti. Saddhāpañcamakānaṃ indriyānaṃ nānakilesehi vimuttattā vimuttivasena ekarasaṭṭhaṃ sandhāya vuttaṃ “indriyānaṃ ekarasaṭṭhena sampahaṃsanā”ti. Tesam anativattanasampahaṃsanānaṃ anurūpavasena alīnaṃ anuddhataṃ hutvā vīriyassa pavattiṃ sandhāya “tadupagavīriyavāhanaṭṭhena sampahaṃsanā”ti vuttaṃ. Yā panassa tasmim khaṇe pavattā āsevanā, uppādato paṭṭhāya ṭhitipariyoṣānānaṃ āsevanapaccayabhāvavasena pavattākāro, taṃ sandhāya “āsevanaṭṭhena sampahaṃsanā”ti vuttaṃ. Evaṃ dhammānaṃ anativattanādibhāvasādhanena pariyoḍāpakassa ñāṇassa kiccavasena jhānapariyoṣāne catūhi lakkhaṇehi sampannaṃ nāmāti veditabbaṃ.

919-20. Visodhetvāna pāpaketi pāripanthike dhamme visesena sodhetvā sayam pahānamatte aṭṭhatvā atisayappahānavasena puna sodhetvāti vuttaṃ hoti. **Cittabhāvanavepullanti** samādhibhāvanāya vipulabhāvaṃ. Yathā hi bhāvanāvasena nimittassa uppatti, evamassa bhāvanāvasena vaḍḍhanampi, tasmā ekaṅgulādivasena nimittaṃ vaḍḍhayantassa punappunaṃ bahulīkārena jhānabhāvanāpi vaḍḍhim viruḷhim, abhiññāvasena ca vepullaṃ āpajjati. Tena vuttaṃ “**cittabhāvanavepullaṃ...pe... vaḍḍhetabba**”nti.

921-3. Vaḍḍhanābhūmiyo ddevāti vaḍḍhanaṭṭhānāni dveyeva. Dvīsu ṭhānesu avassaṃ ekattaṃ vaḍḍhetabbanti ācariyā. **Tatrāti** sāmīatthe bhummavacanaṃ, tassāti attho. **Tatrāti** vā dvīsu bhūmīsu. **Kasitabbaṃ...pe... yathicchakanti** yathā nāma kassako kasitabbaṭṭhānaṃ naṅgalena paricchinditvā paricchedabbhantaram kasitum taṃ ṭhānaṃ paricchindati, evamevaṃ ekaṅguladvaṅgulativaṅgulacaturaṅgulamattaṃ manasā paricchinditvā paricchinditvā yathāparicchedaṃ vaḍḍhetabbaṃ. Tato vidatthiratanappamukhapariveṇavahārasīmānaṃ, gāmanigamajanapadarajjasamuddasīmānaṇca paricchedavasena vaḍḍhayantena cakkavāḷaparicchedaṃ katvā vā tato vāpi uttari paricchinditvā vaḍḍhetabbaṃ. Tena vuttaṃ “**yathicchakaṃ vaḍḍhetabba**”nti. Aparicchinditvā pana na vaḍḍhetabbaṃ. Na hi aparicchede bhāvanā pavattati. Tathā ca vuttaṃ “santake no anantake”ti. Evaṃ vaḍḍhitaṇca taṃ nimittaṃ vaḍḍhitavaḍḍhitattāṇe pathaviyā ukkūlavikūlanadīviduggapabbatavisamesu sankusatasamabbhāhataṃ usabhacammaṃ viya hoti.

924-6. Tasmim pana nimitte pattapaṭhamajjhānena ādikammikena idāneva dutiyajjhānādiadhigamāya ussāhaṃ akatvā tasmim yeva paṭhamajjhāne pañcahākārehi suciṇṇavasinaṃ bhavitabbanti dassetuṃ “**pattepi**”tiādi vuttaṃ. Suciṇṇo vaso vasibhāvo etenāti **suciṇṇavasinaṃ**, suṭṭhu āsevitavasinaṃti attho. Katamā tā vasiyo, yāsam vasenāyaṃ pañcahākārehi suciṇṇavasīti āha “**āvajjana**”ntiādi. Tattha **āvajjananti** na āvajjanamattameva adhippetam āvajjanavasitāya adhippetattā. Āvajjanāya pana uppannāya javanehipi bhavitabbaṃ. Tāni ca kho āvajjanakapparātāya

cittābhinihārassa yathāvajjitavasena honti. Adhigamena samaṃ, sasampayuttassa jhānassa sammā āpajjanam paṭipajjanam **samāpatti**. Abhibhuyya ṭhapanam, adhiṭṭhānam viyāti vā **adhiṭṭhānam**. **Vasitāti** etesu āvajjanādīsu yathārucci pavattiyo, yatthicchakam, yadicchakam, yāvaticchakam pavattitum samatthabhāvo.

Tattha paṭhamajjhānato vuṭṭhāya paṭhamam vitakkam āvajjayato bhavaṅgam upacchindivā uppanāvajjanānantaram vitakkārammaṇāneva cattāri, pañca vā javanāni javanti, tato dve bhavaṅgāni, tato puna vicārārammaṇam āvajjanam vuttanayeneva javanānti evaṃ pañcasu jhānaṅgesu paṭipāṭiyā nīrantaram cittaṃ pesetum samatthabhāvo, tattha adandhāyitattam **āvajjanavasitā** nāma. Samāpajjitukāmatānantaram dvīsu bhavaṅgesu uppanesu bhavaṅgam upacchindivā uppanāvajjanānantaram samāpajjitum samatthā **samāpajjanavasitā** nāma. Ayañca matthakappattā āvajjanasamāpajjanā satthu yamakapāṭihāriyakāladhammadesanādīsu labbhati. Dhammasenāpatissa yakkhena sīse pahāradānasamaye, mahāmogallānattherassa nandopanadadamanasamaye vā labbhati, aññattha pana tato dandhāyeva, setu viya sīghasotāya nadiyā ogham bhavaṅgavegam upacchindivā yathāparicchinakālam jhānam ṭhāpetum samatthā, bhavaṅgapātato rakkhaṇayogyatā **adhiṭṭhānavasitā** nāma. Yathāparicchinakālam atikkamitum adatvā jhānato vuṭṭhānasamatthā **vuṭṭhānavasitā** nāma.

Atha vā yathāparicchinakālato upari gantum adatvā ṭhapanasamatthā adhiṭṭhānavasitā nāma. Paricchinakālato anto avuṭṭhahitvā yathākālavaseneva vuṭṭhānasamatthā vuṭṭhānavasitā nāma. Atha vā vuttanayeneva paricchinakālato anūnam katvā samāpattim ṭhāpetum samatthā vā adhiṭṭhānavasitā nāma. Kālaparicchedam atikkamitvā vuṭṭhitassapi niddālukassa paṭibujjhivā punappunam niddokkamanam viya vuṭṭhitasamāpattimeva punappunam asamāpajjitvā vuṭṭhānasamatthā, tattha ālayākaraṇayogyatā ca vuṭṭhānavasitā nāma.

Paccavekkhaṇavasitā pana āvajjanavasitāya eva saṅgahitā. Paccavekkhaṇajavanāneva hi tesam tesam jhānaṅgānam āvajjanānantaram pavattāni, tasmā yadaggena āvajjanavasiyā siddhi, tadaggena paccavekkhaṇavasitā siddhāti veditabbaṃ. Keci pana jhānaṅgānam apākaṭabhāvepi tesu nīrantaram āvajjanāya pavattanasamatthā āvajjanavasitā nāma, tesam yathāsabhāvapaccavekkhaṇavasena javanappavattanasamatthā paccavekkhaṇavasitā nāma. Atha vā satipi sattannaṃ javanānam pavattiyam nīrantaram āvajjanasamatthā āvajjanavasitā nāma, vasitābalena sattamajavanam appatvā catupañcajavaneheva paccavekkhaṇasamatthā paccavekkhaṇavasitā nāma. Atha vā ñānavippayuttacittehi paccavekkhitum asamatthabhāvepi “paccavekkhissāmi” ti uppanāvajjanānantarameva bhavaṅgesu kālam avitīnametvā sīghameva āvajjitum samatthā āvajjanavasitā nāma, vasitābalena, paccavekkhaṇabalena ñānavippayuttacittehi paccavekkhitum samatthā paccavekkhaṇavasitā nāmāti vadanti. Yasmā panetā yathāvuttaniyāmena punappunam āvajjanādīna sādhetabbā, tasmā vuttam “āvajjitvā” tiādi.

927. Imesu pana ādikammikena samāpajjanabahuleneva bhavitabbaṃ, na paccavekkhaṇabahulena. Paccavekkhaṇabahulassa hi jhānaṅgāni thūlāni dubbalāni hutvā upaṭṭhahanti, athassa tāni eva upaṭṭhitattā upari ussukkanāya paccayatam nāpajjanti, so appaṅge jhāne ussukkamāno paṭhamajjhānāva parihāyati, na ca sakkoti dutiyam adhigantum. Tena vuttam “**paṭhame avasippatte**” tiādi. **Ubhato bhaṭṭhoti** puna paṭhamajjhānam samāpajjitum na sakkotīti adhippāyo. Vuttañhetam bhagavatā –

“Idhekacco bhikkhu bālo abyatto akhettaññū akusalo vivicceva kāmehi vivicca akusalehi dhammehi savitakkam savicāram vivekajam pītisukham paṭhamam jhānam upasampajja viharati, so tam nimittam nāsevati, na bhāveti, na bahulim karoti, na svādhiṭṭhitam adhiṭṭhāti. Tassa evam hoti ‘yaṃnūnāham vitakkavicārānam vūpasamā...pe... dutiyam jhānam upasampajja vihareyya’ nti, so na sakkoti vitakkavicārānam vūpasamā...pe... dutiyam jhānam upasampajja viharitum. Tassa evam hoti ‘yaṃnūnāham vivicceva kāmehi...pe... paṭhamam jhānam upasampajja vihareyya’ nti, so na sakkoti vivicceva kāmehi...pe... paṭhamam jhānam upasampajja viharitum, ayam vuccati, bhikkhave, bhikkhu ubhato bhaṭṭho ubhato parihīno’ ti (a. ni. 9.35).

928-31. Kāmassahagatā...pe... carantīti ārammaṇavasena kāmassahagatā hutvā saññā ceva manasikārā ca samudācaranti. Saññāsīsenā cettha taṃsahagato cittuppādo gahito, manakkāra-ggahaṇena āvajjananti daṭṭhabbaṃ. Kāmānupakkhandānam saññāmanasikārānam vasena hānam parihānīm bhajātīti **hānabhāgiyam**. Keci pana “samkilesanti hānabhāgiyo dhammo” ti (vibha. 828) vacanato hānabhāgiyā kāmasaññādikāti tehi parihāpiyamānam jhānampi kāraṇūpacāreṇa hānabhāgiyam nāmā’ ti vadanti. **Tadanudhammatā satīti** tasveva jhānassa anudhammatā ārammaṇavasena tadanugatā satipatirūpakā nikanti. **Atakkasahitāti** avitakkam dutiyajjhānam pattukāmassa tam santato, manasi karoto ārammaṇavasena taṃsahagatā. **Visesabhāgiyanti** visesabhūtassa dutiyajjhānassa padaṭṭhānatāya tam bhajātīti visesabhāgiyam. **Nibbidāsamyutāti** vipassanārammaṇā.

932-5. Paṅṇatoti vasitappattato. **Āsannākusalārikāti** nīvaraṇappahānassa tampaṭhamatāya āsannanīvaraṇapaccatthikā. Thūlam nāma vipulampi pheggu viya sukhabhañjanīyanti āha “**thūlattā...pe...**

dubbala’ti. **Tatoti** dutiyajjhānato. Dubbalāni āngāni imissāti **āṅgadubbala**. **Santato cintayitvāti** paṭhamajjhāne viya oḷārikaṅgānaṃ abhāvato, santadhammasamaṅgitāya ca santanti evaṃ santavasena manasi katvā. Kiñcāpi hi ye dhammā dutiyajjhāne pītisukhādayo, te paṭhamajjhānepi santi, tehi pana te santatarā, pañītatarā ca honti. **Nikantinti** nikāmaṇaṃ apekkhanti attho. **Pariyādāyāti** khepetvā, vikkhambhetvāti attho.

943-4. Sampasādananti sampasādanasaṅkhātāya saddhāya yogato jhānampi sampasādanaṃ nīlavanṇayogato nīlavatthaṃ viya. Nanu cāyaṃ saddhā paṭhamajjhānepi atthi, kasmā idameva ‘sampasādana’nti vuttanti? Vuccate – paṭhamajjhānaṃ vitakkavicārakkhobhena vīcitarāṅgasamākulamiva jalaṃ na suppasannaṃ hoti, tasmā satipi saddhāya taṃ sampasādananti na vuttaṃ. Imasmiṃ pana vitakkavicārakkhobhābhāvena laddhokāsā balavatī saddhā, tasmā balavasaddhāya samannāgatattā idameva ‘sampasādana’nti vuttaṃ. **Ajjhattanti** niyakajjhattaṃ, attani jātaṃ, attano santāne nibbattanti attho. Tīṇi āngāni imassāti **tivaṅgikaṃ**. **Sesanti** pītīdīnaṃ aññehi balavabhāvo, tiṇṇaṃ catunnaṃ vā javanānaṃ parikkammopacārānulomagotrabhūbhāvo, chaṭṭhe sattame vā appanāyānuppatti ekacittakkaṇatā, tato bhavaṅgapāto, puna bhavaṅgaṃ vicchinditvā paccavekkhaṇatthāya āvajjanaṃ, tato jhānapaccavekkhaṇanti idaṃ sabbaṃ vuttāvasesaṃ **heṭṭhā** paṭhamajjhāne vuttanayeneva samupalakkhitabbaṃ.

948-9. Piyatoti kāmayato. **Uppilāpananti** kāmañcāyaṃ pariggahesu apariccattapemassa anādīnavadassino taṇhāsahagatāya pītiyā pavattiākāro, idha ca dutiyajjhānapīti adhippetā, tathāpi sabbaso pītiyaṃ avirattassāpi anubandheyyāti uppilāpanaṃ idha ādīnavavasena vuttaṃ. Atha vā dutiyajjhānasēva tatiyajjhānaṃ viya ahutvā uppilāpanākārena pavatti uppilāpanaṃ viyāti uppilāpananti vuttaṃ. Tatiyaṃ santato disvāti sambandho.

957-8. Satiyā sampajaññena sampannanti saraṇalakkhaṇāya satiyā, asammohalakkhaṇena sampajaññena ca sampannaṃ. Kāmaṃ purimajjhānesupi satisampajaññaṃ atthi, na hi muṭṭhassatissa, asampajānato ca upacāramattampi sampajjati, pageva appanā, yebhuyena pana avippayogībhāvena pavattamānesu pītisukhesu pītisaṅkhātassa oḷārikaṅgassa pahāne sukhumatāya idha sātisayo satisampajaññaṃbyāpāroti idheva satisampajaññasampannatā vuttāti veditabbā. **Ekaṅgahīnanti** pītiyā pahīnabhāvena ekaṅgavippahīnaṃ. Sā panesā dutiyajjhānassa vitakkavicārā viya appanākkhaṇeyeva pahīyati. Tenassa sā ‘pahānaṅga’nti vuccati.

972. Somanassassa pahīnattā āha ‘**ekaṅgavippahīna**’nti. Tañca pana somanassaṃ ekavīthiyaṃ purimajjavanēsuyeva pahīyati.

974. Purimajjhānesu parikkammādivasena pavattānaṃ kāmāvacarajavanānaṃ ekasadisattā idha labbhamānaṃ kañci viśesaṃ dassetuṃ ‘**yasmā**’tiādi vuttaṃ. **Āsevanāṃ na hotīti** āsevanapaccayena paccayo na hoti. Ayaññhettha adhippāyo – yasmā padantarasaṅgahitassa attano sabhāvaggāhāpanasaṅkhātāāsevanapaccayattābhāvato sukhavedanā upekkhāvedanāya āsevanapaccayena paccayo na hoti, catutthajjhāneva upekkhāvedanāya bhavitabbaṃ sātisayaṃ sukhavirāgabhāvanattā, tasmā idha appanāvīthiyaṃ upekkhāsampayuttajavaneheva bhavitabbanti.

976. Evaṃ catukkanayavasena jhānappabhedam dassetvā idāni pañcakanayampi dassetuṃ ‘**yaṃ catukkanaye**’tiādi vuttaṃ. **Dvidhā pana katvānāti** vitakkavicārānaṃ viṣuṃ viṣuṃ pahānaṅgavasena gaṇanato dvidhā katvā. **Dutiyam tatiyam katanti** avitakkavicāramattaṃ avitakkaavicāranti evaṃ dutiyajjhānañceva tatiyajjhānañca kataṃ abhidhammeti adhippāyo. Suttantesu hi pañcakanayo sarūpato na gahito, kasmā pana abhidhamme gahitoti? Puggalajjhāsayato, sannisinadevaparīsāya hi yesaṃ paṭhamajjhāne vitakko eva oḷārikato upaṭṭhāti, itare santato, tesam caturaṅgikaṃ avitakkavicāramattaṃ dutiyajjhānaṃ katvā pañcakanayena desesi. Yesaṃ vitakkavicārā oḷārikato upaṭṭhitā, tato tesam avitakkaavicāraṃ tivaṅgikaṃ katvā catukkanayena desesi. Yesaṃ vitakkova oḷārikato upaṭṭhāti, tehi taṃ atikkamitvā caturaṅgikaṃ dutiyajjhānaṃ uppādetuṃ sakkā. Yesaṃ vitakkavicārā, tehi dvepi ekato atikkamitvā tivaṅgikaṃ dutiyajjhānaṃ uppādetuṃ sakkā.

979. Atthabyañjanavasena suṭṭhu madhuraṃ, tatoyeva varataraṃ vacanaṃ yassa soyaṃ **sumadhuravarataravacano**. **Kaṃ nu janaṃ neva rañjayati**, na hi ekampi na rañjayati. **Atinisita ...pe... nīyoyanti** atitikhīnabuddhippasādehi janehi vedanīyo ayaṃ gantho, paricchodoti vā adhippāyo.

Iti abhidhammatthavikāsiniyā nāma

Abhidhammāvatārasaṃvaṇṇanāya

Rūpāvacarasamādhībhāvanāniddesavaṇṇanā niṭṭhitā.

15. Pannarasamo paricchedo

Arūpāvacarasamādhībhāvanāniddesaṅgaṇā

980. Evaṃ pathavīkaṣiṇavasena catukkapañcakaṃjāhānāni dassetvā yasmā sesakaṣiṇavasena niddisiyamāne ganthagāraṇo hoti, tasmā taṃ sabbaṃ ṭhapetvā arūpāvacaraṃ vibhāvetuṃ “**rūpārūpa**”ntiādi āradḍhaṃ. **Rūpārūpamatītenā**ti rūpārūpabhavaṃ atikkantena, punānūpapattivasena rūpārūpabhavaṃ atikkantena, pageva kāmāvacarabhavaṃ. **Rūpārūpādivedinā**ti rūpārūpādivihūmantaravedinā.

982-4. Yasmā ayaṃ arūpāvacarasamādhī nāma rūpavirāgabhāvanā rūpavirāgavaseneva abhinipphādetabbāva, tasmā taṃ uppādetukāmassa rūpe virajjanākāraṃ, virattamānasena ca tadatthāya paṭipajjanavidhiṃ dassetuṃ “**rūpe kho**”tiādi āradḍhaṃ. Daṇḍanaṭṭhena daṇḍo, muggarādi, parapīlanādhippāyena tassa ādānaṃ **daṇḍādānaṃ**. **Ādi-**saddena satthādānakalahaviggahavivādaturvāpeseṇānādināṃ, adinnādānādīnañca gahaṇaṃ. **Cakkhurogādayoti ādi-**saddena sotarogādīnaṃ. **Rūpe ādinavaṃ disvāti** karajarūpādiolārikarūpe tannidānaṃ dosaṃ disvā. **Nibbindamānasoti** virattamānaso. **Arūpanti** arūpāvacarabhāvanaṃ. **Tamhā kaṣiṇarūpāti** tamhā paṭibhāganimittasāṅkhātā kaṣiṇarūpā. Nanu cāyaṃ rūpe ādinavaṃ disvā taṃ samatikkamatthāya paṭipajjati, paṭibhāganimittañca arūpaṃ paṇṇattimattattāti kathaṃ tasmā nibbijjati anuyogaṃ sandhāya opammavasena tamatthaṃ dassento āha “**sūkarābhihato va sā**”ti. Yathā hi vane sūkarena pahatamatto sunakho tato bhīto rūpadassanavelāyaṃ bhattapacanaukkhalim dūrato disvā sūkarapaṭibhāgatāya tassaṃ sūkarāsāṅkaṃ uppādetvā utraṣṭo palāyateva, evameva rūpe nibbindamānaso taṃ atikkamitukāmo tappaṭibhāge kaṣiṇarūpepi nibbijjati, samatikkamitukāmoti adhippāyo.

985-6. **Catutthe pana jhānasminti** ṭhapetvā paricchinnākāsakaṣiṇaṃ navasu pathavīkaṣiṇādīsū aññatarasmim paṭiladdhacatutthajjhāne. Keci pana ālokakaṣiṇampi ṭhapetvā aṭṭhasūti vadanti. Tassa pana ṭhapane kāraṇaṃ na dissati. Suṭṭhu ciṅṅo carito atippaguṇikato āvajjanādīlakkhāno vasībhāvo etenāti **suciṇṇavasī**. **Karoti...pe... yatoti** yasmā idaṃ catutthajjhānacittaṃ mayā nibbindakaṣiṇarūpaṃ ārammaṇaṃ karoti. **Āsannasomanassañcāti** yato tatiyajjhānassa āsannatāya āsannasomanassapaccatthikañca. **Thūlasantavimokkhatoti** santavimokkhasāṅkhātā arūpajjhānato etaṃ yato thūlaṃ oḷārikaṃ. Arūpajjhānañhi ye te santā vimokkhā atikkamma rūpe ārupantiādīsū “santavimokkha”nti vuccati, santatāsiddhi cassa anussatito daṭṭhabbā.

987-91. **Catuttheti** catutthajjhāne. Paṭhamārūpañca santato disvāti sambandho, santavasena manasi karitvāti attho. Santato manasikaraṇeneva cettha paṇītato, sukhumato ca manasikāro siddhova hotīti na te viṣuṃ gahitā. **Pattharivānāti** pageva vaḍḍhitā, tadā vaḍḍhanavasena vā pattharivā. Pubbakālavasena cetāṃ vuttaṃ. Tena naṃ ugghāṭetvā pacchā na vaḍḍhitabbanti dasseti. Na hi taṃ pacchā vaḍḍhanatthāya vāyamiyamānampi vaḍḍhatīti. **Tenāti** kaṣiṇarūpena.

Idānissa ugghāṭanākāraṃ dassetuṃ “**ākāso iti vā**”tiādim vā puna taṃ samatthetuṃ “**ugghāṭento hi**”tiādi vuttaṃ. Udayavasena, paricchadapharaṇavasena ca antābhāvato **ananto**. **Na samvetīti** kaṭasāraṅakilañjādayo viya na paṭisaṃharati. **Nāvajjanto na pekkhantoti** anāvajjanto anapekkhanto. Aññadatthu tena phuṭṭhokāsaṃ vuttanayena manasikarontoyevāti adhippāyo. Idañhi vuttaṃ hoti – rūpāvacaracatutthajjhānassa ārammaṇabhūtaṃ kaṣiṇarūpaṃ sabbena sabbaṃ amanasikaroto, tena ca phuṭṭhokāsaṃ “ākāso ākāso”ti manasikaroto yadā taṃ bhāvanānubhāvena ākāsaṃ hutvā upaṭṭhāti, tadā so kaṣiṇaṃ ugghāṭeti nāmāti.

992-5. Evaṃ kaṣiṇugghāṭanavasena paṭiladdhe ākāsanimitte puna paṭipajjanavidhiṃ, yassatthāya yesaṃ paṭipajjati, tadatthasiddhañca dassetuṃ “**kaṣiṇugghāṭimākāsaṃ nimitta**”ntiādi vuttaṃ. Ākāsaṃ animittabhāvepi nimittena phuṭṭhokāsabhāvato “nimitta”nti vuttaṃ. **Pañca...pe... vikkhambhantīti** nanu rūpāvacarapaṭhamajjhānassa upacārakkhaṇeyeva nīvaraṇāni vikkhambhantīni, tato paṭṭhāya ca na tesāṃ pariyaṭṭhānaṃ atthi. Yadi siyā, jhānato parihāyeyyāti? Saccametā, imassa pana jhānassa vaṇṇabhāṇanavasenetāṃ vuttaṃ yathā aññatthāpi heṭṭhā pahīnaṃ upari pahānavacananti. Ye pana “sabbe kusalā dhammā sabbesaṃ akusalānaṃ paṭipakkhāti katvā evaṃ vutta”nti vadanti, tehi dutiyajjhānūpacārādīsū nīvaraṇavikkhambhanāvacanassa kāraṇaṃ vattabbaṃ hoti. Yampi ceke vadanti “santeva sukhumāni rūpāvacaraavikkhambhanīyāni, tāni sandhāyetaṃ vutta”nti, taṃ tesāṃ matimattaṃ. Na hi mahaggatakusalesu lokuttarakusalaṃ viya odhiso pahānaṃ nāma atthi. Yo pana rūpāvacarehi arūpaṇaṃ ulāraphalatādiviseso, so bhāvanāvīsesena santatarappaṇītatarabhāvena tesuyeva purimapurimehi pacchimacchimānaṃ viyāti daṭṭhabbaṃ. **Idhāpīti** na kevalaṃ rūpāvacaracatutthajjhāne, “sesāni kāmāvacarāni”tiādīsū pana idha yaṃ vattabbaṃ avuttaṃ, taṃ rūpāvacarajjhānaniddese vuttanayānusārena vedītabbaṃ.

997-1001. “Puna bhāvetukāmenā”ti vutte paṭhamameva paṭhamārūpassa bhāvitattā kiṃ bhāvetukāmenāti anuyoge “**dutiyārūppamānasa**”nti vuttaṃ, na pana “dutiyārūppamānasaṃ bhāvetukāmenā”ti iminā ajjhāsayena. Na hi paṭhamāṃ dutiyārūpaṃ bhāvitanti. Rūpāvacarajjhānaṃ anatikkamitvā anadhigantabbato taṃ

manasikārasamudācārassa hānabhāgiyabhāvāvahanato rūpāvacarajjhānametassa paccatthikanti katvā vuttaṃ “**āsanna...pe... paccatthikanti cā**”ti. Vīthipaṭipannāya bhāvanāya uparūparivisesāvahabhāvato, paṇītabhāvasiddhito ca paṭhamārūppato dutiyārūppaṃ santatarasabhāvanti āha “**dutiyārūppa...pe... panā**”ti. Vakkhati hi “supaṇītatara honti, pacchimā pacchimā idhā”ti (abhidha. 1040). **Viññāṇamiccevaṃ manasā kātabbanti** viññāṇaṃ viññāṇaṃ iccevaṃ manasā kātabbaṃ, kevalaṃ anantaṃ anantanti na manasi kātabbaṃ. Tenāha “**anantanti...pe... manasā nidhā**”ti. Anantaṃ viññāṇaṃ anantaṃ viññāṇanti pana manasi kātuṃ vaṭṭati.

1002-6. Tasmim̐ pana nimittasmin̐ti tasmim̐ paṭhamārūppaviññāṇasaṅkhāte viññāṇanimitte. **Vicārentassa mānasanti** bhāvanācittaṃ pavattentassa. **Ākāsaphuṭṭaviññāṇeti** kasiṇugghāṭimākāsaṃ pharivā pavatte paṭhamārūppaviññāṇe ārammaṇabhūte. **Appetit̐** appanāvasena pavattati. Sabhāvadhammepi ārammaṇasamatikkamabhāvanāvisesabhāvato idaṃ appanāpattaṃ hoti catutthārūppaṃ viya. **Appanā...pe... nayovāti** dutiyārūppajjhāne purimabhāge tīṇi, cattāri vā javanāni kāmāvacarāni upekkhāvedanāsampayuttāneva honti. Catutthaṃ, pañcamaṃ vā āruppamānasantiādinā appanānayo paṭhamārūppajjhāne vuttanayova. **Pharivā pavattaviññāṇanti** paṭhamārūppaviññāṇaṃ viññāṇaṅcanti vuccatīti ruḥhisaddavasena vuttabhāvameva pakāsetuṃ “**viññāṇā...pe... siyā**”ti vuttaṃ. Pubbe anantassa ākāsassa ārammaṇakaraṇavasena anantatāya “viññāṇaṅca”nti vuttanti. Puna manasikārasena vā anantatāya tathā vuttanti dassetuṃ “**manakkārasenāpi**”tiādi vuttaṃ. Dutiyārūppaṃ bhāvento hi paṭhamārūppaṃ anantato anavasesato manasi karonto anantanti manasi karoti.

1010. Paṭhamārūppaviññāṇābhāvoti kasiṇaṃ ugghāṭetvā ākāso viya ākāsaṅcāyatanaṃ pahāya tassa abhāvo manasi kātabbo. Kasmā panettha dutiyārūppaviññāṇābhāvaṃ amanasikatvā paṭhamārūppaviññāṇābhāvo manasi kātabboti? Vuccate – tayidaṃ ārammaṇātikkanavasena pattabbaṃ, na pana aṅgātikkanavasena. Tathā ca sati ārammaṇeyeva sātisaṃ dosadassanena taṃ samatikkamitabbaṃ, ārammaṇaṅca dutiyārūppassa paṭhamārūppameva, tasmā kasiṇe ādīnavaṃ disvā taṃ ugghāṭetvā tabbivittākāsassa viya paṭhamārūppaviññāṇe ādīnavaṃ disvā taṃ pahāya tadabhāvasseva manasikaraṇaṃ yuttanti. **Abhayagirivāsino** pana “viññāṇaṅcāyatanaṃ bhāvoyeva manasi kātabbo”ti vadanti, te pana imesaṃ ārammaṇātikkanavasena pattabbabhāvaṃ asallakkhetvā kathenti. Yadi sallakkhenti, aññattha dosaṃ disvā aññassa samatikkame atipparaṅgadosato na mucchanti.

Athāpi vadeyyuṃ – “viññāṇaṅcāyatanaṃ sato samāpajjati, sato samāpajjitvā sato vuṭṭhāti, sato vuṭṭahitvā taññeva viññāṇaṃ bhāveti”ti vacanato viññāṇaṅcāyatanaṃ bhāvoyeva manasi kātabbo”ti, tayidaṃ pāliatthaṃ virujjhitvā gahaṇavasena cintiṃ. Na hettha taññeva viññāṇanti viññāṇaṅcāyatanaṃ adhippettaṃ. Yadi hi taṃ adhippettaṃ siyā, viññāṇaṅcāyatanaṃ tassa padhānabhāvena niddiṭṭhattā taññevāti vacaneneva pariyattaṃ, kiṃ viññāṇanti vacanena. Atha sarūpaniddesatthaṃ viññāṇavacanāṃ, evaṃ sati taññeva viññāṇaṅcāyatanaṃ vuttaṃ siyā, tasmā viññāṇanti vacanena yaṃ ārabha viññāṇaṅcāyatanaṃ pavattaṃ, tasseva ākāsaṅcāyatanaṃ gahaṇaṃ, na itarassāti suṭṭhu vuttaṃ.

1011-2. Paṭhamārūppaviññāṇābhāvomanasikātabboti vatvā manasikāraviddhiṃ dassetuṃ “**taṃ panā**”tiādi vuttaṃ. **Akatvā manasāti** manasā ārammaṇaṃ akatvā sabbena sabbaṃ taṃ acintetvā. “Ākāsaṃ ākāsa”nti manasi karontassa kasiṇavivittākāsaṃ viya “natthi natthī”ti, “suññaṃ suñña”nti vā manasi karontassa viññāṇavivittaṃ abhāvamattameva upaṭṭhātīti āha “**natthī**”tiādi. **Vā-saddo** aniyamattho, tena dvīsu pakāresu ekenapi atthasiddhi hotīti dasseti. Avuttavikappanatto vā vā-saddo, tena “vivittaṃ vivitta”nti imassapi saṅgaho daṭṭhabbo. Aniyamo panettha tiṇṇampi viṣuṃ viṣuṃ pariyāyabhāvato siddho. Pariyāyasaddā hi viṣuṃ viṣuṃyeva atthaṃ sādhetā pariyāyāti loke niruḥhā. Yathāhu –

“Pariyāyeneva te yasmā, vadantatthaṃ na saṃhatā;
Pariyāyatthaṃ tato sabbaṃ, pariyāyesu vavattḥita”nti.

1013-6. Tasmim̐ nimitteti paṭhamārūppaviññāṇassa abhāvasaṅkhāte jhānupattikaraṇabhūte nimitte. **Sati santiṭṭhātīti** abhāvanimittārammaṇā sati sammā suppatiṭṭhitā hutvā tiṭṭhati. Satisīna cetha upacārajjhānānugūṇaṃ saddhāpañcamānaṃ indriyānaṃ sakiccayogaṃ dasseti. Upacārajjhānaṃ pana “bhīyopi samādhiyati mānasa”nti iminā vuttanti daṭṭhabbaṃ. **Kasiṇugghāṭimā...pe... abhāvaketī** evaṃ pavattaviññāṇassa natthibhāvasaṅkhāte vināsābhāvake na pure abhāvādiṅke. Appanānayo panettha pathavīkasiṇe vuttanayānusārena vedittabboti āha “**appanāya nayo**”tiādi.

1017-9. Evaṃ yaṃ tattha avasiṭṭhaṃ, taṃ atidisiṭvā idāni viṣesaṃ dassetuṃ “**ākāsagataviññāṇa**”ntiādi vuttaṃ. **Parikammamanakkāre tasmim̐ antarahite**ti “natthi natthī”ti pavattaparikammamanasikāre amanasikaraṇena asmim̐ paṭhamārūppaviññāṇe antarahite, na pana khaṇabhaṅgavasena, jhānaparihānivasena vā antarahite. Khaṇabhaṅgavasena hi antaradhānaṃ khaṇe khaṇe upalabbhati. Parihānivasena ca antaradhāne puna taṃ anuppādetvā uttari ṇāṇadhigamoyeva natthīti. **Tassāpagamattava passanto vasatīti** tassa paṭhamārūppassa abhāvamattaṃ

passanto so yogāvacarō viharati. Yathā kathaṃ viyāti āha “**sannipāta**”ntiādi. Idaṃ vuttaṃ hoti – yathā nāma koci puriso maṇḍalamāḷādīsu katthaci kenacideva karaṇīyena sannipatitaṃ bhikkhusaṅghaṃ disvā katthaci gantvā sannipātakiccāvasāne utthāya pakkantesu bhikkhūsu puna taṃ ṭhānaṃ gantvā olokeno suññameva passati, evaṃsampaadamidaṃ daṭṭhabbanti. Tatrīdaṃ opammasaṃsandanaṃ – yathā so puriso sannipatitaṃ bhikkhusaṅghaṃ disvā gato, tato sabbesu bhikkhūsu apagatesu taṃ ṭhānaṃ tehi suññameva passati, na pana tesam kutoci apagatakāraṇaṃ, evamayaṃ yogāvacarō pubbe viññāṇaṅcāyatanaññānacakkhunā paṭhamarūppaviññāṇaṃ disvā natthīti manasikārena tasmīṃ apagate tatiyārūppacakkhunā tassa natthibhāvameva passati, na tassa apagatakāraṇaṃ vīmaṃsati jhānassa tādīsābhogābhāvatoti.

1020-4. Catutthā...pe... na ca santanti yathā nevasaññānāsaññāyatanaacittam saṅkhārāvesasasukhumabhāvappattiyā savisesaṃ santaṃ, evamayaṃ ākiñcaññāyatanaśamāpatti na ca santā tadabhāvatoti adhippāyo. **Ca-saddo** panettha avuttasamuccayattho. Tena “saññā rogo, saññā gaṇḍo, saññā sallam, etaṃ santaṃ, etaṃ paṇītaṃ, yadidaṃ nevasaññānāsaññāyatana”nti imassapi saṅgaho veditabbo. **Catuttham santatoti** saṅkhārāvesasasukhumabhāveneva savisesaṃ santatāya, asantabhāvakararogādisarikkhakasaññāviraḥato ca santato disvā. “**Santaṃ santamidaṃ citta**”nti iminā bhāvanākāraṃ dasseti. **Vibhaṅgepi** hi taṃyeva ākiñcaññāyatanaṃ santato manasi karotīti ayameva bhāvanākāro gahito. Apare pana “pāḷiyam imassa bhāvanākāro na gahito”ti vatvā tattha kāraṇaṃ vadanti, tattha vattabbaṃ **visuddhimaggasaṃvaṇṇanādito** gahetabbaṃ.

1027. Tatiyārūppasaṅkhātakkhandhesu ca catūsūpi ārammaṇabhūtesūti adhippāyo.

1029-31. Abhāvamattampīti suññatamattampi evaṃ sukhumampīti adhippāyo. **Santārammaṇatāyāti** santaṃ ārammaṇaṃ etassāti santārammaṇā, tabbhāvo santārammaṇatā, tāya, na jhānasantatāya. Na hi tatiyārūppasaṃpattīti catutthārūppato santatarā. Codako yaṃ santato manasi karoti, na tattha ādīnavadassanaṃ bhaveyya. Asati ca ādīnavadassane na samatikkamo eva siyāti “**santato ce manakkāro kathaṅca samatikkamo**”ti āha. Itaro “**anāpajjitukāmatā**”tiādīnā parihāramāha. Tena ādīnavadassanaṃ atthevāti dasseti. Yasmiñhi jhāne abhirati, tattha āvajjanasaṃpajjanādīpaṭipattiyā bhavitabbaṃ. Sā panassa tatiyārūppe sabbasova natthi, kevalaṃ suññabhāvato ārammaṇakāraṇamattameva. Tathā hesa kiñcāpi taṃ santato manasi karoti, atha khvassa “ahametaṃ āvajjissāmi, samāpajjissāmi”ti **abhogo** samannāhāro na hoti. Kasmā? Ākiñcaññāyatanaṃ nevasaññānāsaññāyatanaśamāpattiyā paṇītataraṭāya. Yathā hi rājā mahatā rājānubhāvena nagaravīthiyaṃ caranto dantakārādayo kammakāre cheke anekāni dantavikatiādīni sippāni karonte disvā “aho vata re chekā ācariyā, dīsāni sippāni karissanti”ti evaṃ tesam chekatāya tussati, na cassa evaṃ hoti “aho vatāhampi rajjaṃ pahāya evarūpo sippiko bhaveyya”nti. Taṃ kissa hetu? Rajjasiriya mahānisamsatāya, so tesam jīvitaṃ tiṇāyapi amaññamāno te samatikkamitvā gacchati, evaṃsampaadamidaṃ daṭṭhabbaṃ.

1032. Sukhumaṃ paranti ukkaṃsato sukhumaṃ, paṭhamajjhānūpacārato paṭṭhāya hi tacchentiya viya pavattamānāya bhāvanāya anukkamena saṅkhārā tattha antimakoṭṭhāsataṃ pāpīti. Yadi evaṃ kathaṃ bhāvanā attano kiccaṃ sādheti, nanu cesā tadavatthaṃ pāpīti ārammaṇaṃ na sammā upanijjhāyatīti? Nayidameva daṭṭhabbaṃ. Bhāvanābalena sukhumabhāvaṃ pāpīti cesā attano kiccaṃ dubbalattaṃ na pāpīti, atha kho vippharikatābhāvaṃ gamitā, tena tathā sukhumāpi attano kiccaṃ na dubbalā evāti na tattha tassā asāmatthiyaṃ hoti.

1033-4. Yāya saññāyāti yādisāya saññāya saddappavattihetubhūṭāya. So nevasaññānāsaññāyatanaśamaṅgī puggalo. **Nevasaññā ca nāsaññā hoti** nevasaññānāsaññāśamaṅgī hoti. **Na kevalaṃ tu saññāva edisī** sukhumā nevasaññānāsaññā hoti, **atha kho pana vedanādayopi** sukhumā, vedanāpi nevedanānāvedanā, cittampi nevacittaṃnācittaṃ, phassopi nevacittaṃnāphasso. Esa nayo sesasampayuttadhammesu. Saññāsīsena pana “nevasaññānāsaññāyatana”nti vuttaṃ “nānattakāyā nānattasaññāno”tiādīsu (dī. ni. 3.332, 341, 357, 359; a. ni. 7.44; 9.24) viya. Nanu cettha yadi saññā atthi, kathaṃ nevasaññāti vuttaṃ vaṭṭati. Yadi natthi, kathaṃ nāsaññāti anuyogaṃ sandhāya imamatthaṃ upamāhi sādhetuṃ “**paṭtamakkhanatelenā**”tiādi vuttaṃ. Tattha **paṭtamakkhanatelenāti** antovutthatāya yāguyaṃ saddhiṃ akappiyaṭṭhena telam atthīti, nāḷipūrādīnaṃ vasena natthīti ca vattabbaṃ patte makkhitatelenā. **Maggasmim udakena cāti** upāhanatemanamattaṭṭhena udakaṃ atthīti, nahānavasena natthīti ca vattabbaṃ maggasmim udakena.

1035-7. Ayaṃ atthoti kiñci visesaṃ upādāya sabhāvato atthīti vattabbasseva dhammassa kiñci visesaṃ upādāya natthīti vattabbatāsaṅkhāto ayamatto. Paṭusaññākiccaṃ kātuṃ asamatthatāya hi nevasaññāta, saṅkhārāvesasasukhumabhāvena nāsaññatā ca hoti. Tenāha “**paṭusaññāya kiccassā**”tiādi. Ārammaṇasaññānañceva vipassanāya visayabhāvaṃ upagantvā nibbidājananañca paṭusaññākiccaṃ kathamayaṃ saññāva samānā saññākiccaṃ kātuṃ na sakkotīti āha “**yathā dahanakicca**”ntiādi. Nhātukāmassa uḥhasītabhāvaṃ akatvā sukhajānanaṭāya **sukhodakam**, tasmim. Tejodhātu yathā dahanakiccaṃ kātuṃ na sakkoti, evamesā atisantarammaṇe pavattattā ārammaṇasaññānaṃ kātuṃ na sakkoti, paramasukhumattaṃ gatāva. Teneva hesā akatābhinivesassa vipassanāññāna

sukhaggayhā na hotīti sesasamāpattīsu saññā viya vipassanāya visayabhāvaṃ upagantvā nibbidājananampi kātuṃ na sakkoti, aññesu hi khandhesu akatavipassanābhiniveso bhikkhu nevasaññānāsaññāyatanakkhandhe sammasitvā nibbidaṃ pattuṃ samattho nāma natthi, api āyasmā sārīputto. Pakativipassako pana sārīputtasadiso bhikkhu khandhādīmukhena vipassanaṃ abhinivisitvā dvārāramaṇehi saddhiṃ dvārappavattadhamaṇānaṃ vipassanaṃ ārabhitvā t̥hito sakkuṇeyya tabbisayaṃ udayabbayaññaṃ uppādetuṃ, sopi kalāpasammasanavaseneva, no anupadadhammavipassanāvasena. Na hi sārīputtasadiso bhikkhu catutthārappariyāpannesu phassādīdhammesu vinibbhujitvā visuṃ visuṃ sarūpato gahetvā aniccādivasena sammasituṃ sakkoti. Kevalaṃ pana avinibbhujja ekato gahetvā kalāpato samūhatoyeva sammasituṃ samattho hoti, evaṃ sukhumattenesā vijjati.

1038-40. Rūpanti kasiṇarūpasankhātaṃ paṭibhāganimittaṃ. **Ākāsanti** kasiṇugghāṭimākāsaṃ. **Viññānanti** ākāse pavattaviññāṇaṃ. **Tadabhāvakanti** tassa ākāse pavattaviññāṇassa abhāvakaṃ. **Kamatoti** paṭhamārappaṃ samatikkamitvā hotītiadinā anukkamato. Attanā vuttamatthaṃ aṭṭhakathāvacanaṃ āharitvā sādento “**āha cā**”tiādimāha. **Idhāti** imāsu catūsu arūpasamāpattīsu. **Pacchimā pacchimā** samāpattiyo hi purimāpurimāhi samāpattīhi **supaṇītatarā** suṭṭhu paṇītatarā, sundarapaṇītatarāti vā attho. **Pāsādatalasāṭikā**ti catubhūmakapāsādassa heṭṭhimahetṭhimato uparūpari savisesā pañca kāmagaṇā, cattāro pāsādatalā ca thūlasaṇhasaṇhatarasaṇhatamasuttehi vihitā āyāmvitthārato samappamāṇā sāṭikā ca.

1042. Rūpārūpabhavaṃ abhibhuyya nibbānaṃ yāti, atha vā nīvaraṇe abhibhuyya rūpārūpabhavaṃ yātīti attho.

Iti abhidhammatthavikāsinīyā nāma

Abhidhammāvatārasaṃvaṇṇanāya

Arūpāvacarasamādhībhāvanānīddesavaṇṇanā niṭṭhitā.

16. Soḷasamo paricchedo

Abhiññānīddesavaṇṇanā

1043-7. Paranti visiṭṭhaṃ katvā, visesatoti attho. **Catutthajjhānamattepī**ti rūpāvacaracatutthajjhānamattepi, nāvassaṃ arūpajjhānehīti adhippāyo. Arūpāvacarajjhānaṃ appaṭiladdhopi hi katādhikāro bhikkhu abhiññā sampādetuṃ samattho hoti. Ettha catutthajjhānaggahaṇeneva heṭṭhā tīṇi jhānāni gahitāni. Tesu hi aciṇṇavasī catutthajjhānaṃ uppādetumpi na sakkoti. Abhiññāsu anuyogaṃ kātuṃ vaṭṭatīti vatvā tattha payojanaṃ dassetuṃ “**abhiññā nāma**”tiādi vuttaṃ. **Niṭṭhaṅgatī**ti adhiगतānisamsatāya ceva bhāvanāsukhatāya ca niṭṭhaṃ nipphattiṃ gatā. Samādhībhāvanāya hi lokiyābhiññā udayaphalabhāvena pākaṭā. So abhiññāya ca samādhīnā ca samannāgato sukheneva paññābhāvanaṃ sampādessati.

1048-9. Dibbānītiādi lokiyābhiññānaṃ sarūpato uddisanaṃ. **Dibbāni cakkhusotānī**ti dibbacakkhuññaṃ, dibbasotāññaṇcāti dasseti. **Iddhī**ti iddhividhaññaṃ. Imā pana **abhiññāyo pattukāmena** ādikammikena yoginā yasmā odātakasiṇapariyantesu aṭṭhasu kasiṇesu catutthajjhānaṃ, tabbasena ca arūpasamāpattiyo nibbattetvā vā na vā kasiṇānulomatādīhi cuddasahi ākārehi cittaṃ dametabbaṃ. Na hi evaṃ adametvā pubbe bhāvitabhāvano ādikammiko yogāvacarō pañca abhiññāyo nipphādessatīti tasmā taṃ cittaaparidamaṇaṃ avassaṃ kātābanti dassetuṃ “**kasiṇānulomatādīhi**”tiādi vuttaṃ. **Kasiṇānulomatādīhi**ti kasiṇānulomatā kasiṇapaṭilomatā kasiṇānulomapaṭilomatā jhānānulomatā jhānapaṭilomatā jhānānulomapaṭilomatā jhānukkantikāti kasiṇukkantikāti jhānakasiṇukkantikāti āngasankantikāti ārammaṇasankantikāti āngārammaṇasankantikāti āngavavattāpanatā ārammaṇavavattāpanatāti imehi cuddasahi ākārehi.

Tattha aṭṭhasu kasiṇesu paṭipāṭiyā satakkhattuṃ sahasakkhattumpi samāpajjanaṃ, tatheva uppaṭipāṭiyā, paṭipāṭiuppaṭipāṭivasena ca samāpajjananti imesaṃ tiṇṇaṃ ākāraṇaṃ vasena **kasiṇānulomatādayo** vuttā. Paṭhamajjhānato paṭṭhāya yāva nevasaññānāsaññāyatanam, ayaṃ **jhānānulomatā** nāma. Tesam paṭilomato **jhānapaṭilomatā** nāma. Anulomapaṭilomato **jhānaanulomapaṭilomatā** nāma.

Pathavīkasiṇe paṭhamajjhānaṃ samāpajjitvā tattheva tatiyaṃ samāpajjati, tato tadeva ugghāṭetvā ākāsaññāyatanam, tato ākiñcaññāyatananti evaṃ kasiṇaṃ anokkamitvā jhānasseva ekantarikabhāvena ukkamaṇaṃ **jhānukkantikā**ti nāma. Evaṃ āpokasiṇādīmūlikāpi yojanā kātābā. Pathavīkasiṇe paṭhamajjhānaṃ samāpajjitvā puna tadeva tejokasiṇe, tato nīlakasiṇe, tato lohītakasiṇeti jhānaṃ anukkamitvā kasiṇasseva ekantarikabhāvena ukkamaṇaṃ **kasiṇukkantikā**ti nāma. Pathavīkasiṇe paṭhamajjhānaṃ samāpajjitvā, tejokasiṇe tatiyaṃ, nīlakasiṇaṃ ugghāṭetvā

ākāsānañcāyatanam, lohitakasiṇato ākiñcaññāyatananti iminā nayena jhānassa ceva kasiṇassa ca ukkamanam **jhānakasiṇukkantikā** nāma.

Pathavīkasiṇe paṭhamajjhānam samāpajjitvā tattheva itaresampi samāpajjanam **aṅgasaṅkantikā** nāma. Sabbakasiṇesu ekekasseva samāpajjanam **ārammaṇasaṅkantikā** nāma. Pathavīkasiṇe paṭhamajjhānam samāpajjitvā, āpokasiṇe dutiyam, tejokasiṇe tatiyam, vāyokasiṇe catuttham, nīlakasiṇam ugghāṭetvā ākāsānañcāyatanam, pītakasiṇato viññānañcāyatanam, lohitakasiṇato ākiñcaññāyatanam, odātakasiṇato nevasaññānāsaññāyatananti evam aṅgānam, ārammaṇānañca samatikkamanam **aṅgārammaṇasaṅkantikā** nāma.

Paṭhamajjhānam nāma pañcaṅgikanti vavatthapetvā dutiyam caturaṅgikam, tatiyam tivaṅgikam, catuttham duvaṅgikam, ākāsānañcāyatanam...pe... nevasaññānāsaññāyatananti evam jhānaṅgamattasseva vavatthāpanam **aṅgavavatthāpanam** nāma. Tathā “idaṃ pathavīkasiṇam, idaṃ āpokasiṇa”ntiādinā ārammaṇamattasseva vavatthāpanam **ārammaṇavavatthāpanam** nāma. Aṅgārammaṇavavatthāpanampi eke icchantīti. Aṭṭhakathāsu pana anāgatattā addhā taṃ bhāvanāsukham na hoti. Imehi pana cuddasahi ākārehi cittaparidamanam kātuṃ aṭṭhasamāpattilābhīnam satesu, sahassevu vā ekova sakkoti.

1050-1. Danteti cuddasahi ākārehi dante. **Samāhite**ti catutthajjhānasamādhinā samāhite. **Suddheti** nīvaraṇadūrībhāvena, paccanīkasamanepi abyāvaṭṭāya tatraṃajjhāntupekkhāya sampāditasatipārisuddhiyā sabbhāvena vā supārisuddhe. **Pariyodāte**ti sudhantasuvaṇṇassa nighamsanena viya parisuddhattāyeva pariyodāte, pabhassareti vuttaṃ hoti. Atha vā vitakkavicārakkhobhavirahavasena pariyodāte vuttaṃ hoti. **Anaṅgaṇeti** “mādisassa samādhisampannassa īdisena bhavitabba”nti evam jhānapaṭilābhapaccayānam “aho vata mameva satthā paṭipucchitvā paṭipucchitvā bhikkhūnam dhammam deseyyā”tiādinayappavattānam pāpakānam icchāvācarānam abhāvena anaṅgaṇe. **Anupakkileseti** upagantvā kilissanatthēna upakkilesasankhātānam rāgādīnam, “abhijjhā cittassa upakkilesa, byāpādo, kodho”tiādinā āgatānam cittupakkilesānam vā vigatattā vigatupakkilese. **Mudubhūte**ti paguṇabhāvāpādanena subhāvitattā mudubhūte, vasibhāvappatteti vuttaṃ hoti. Vasibhāvappattañhi cittaṃ supārimadditam viya cammam supārikammakatā viya ca lākhā mudūti vuccati. **Kammaṇiyeti** muduttāyeva iddhipādabhāvūpagamanena kammakkhame, vikubbanādiiddhikammayogyeti vuttaṃ hoti. Mudujātañhi cittaṃ kammakkhamam hoti, sudhantamiva suvaṇṇam, ubhayampi cetam subhāvitattāyeva hoti. Yathāha – “nāham, bhikkhave, aññaṃ ekadhammampi samanupassāmi, yaṃ evam bhāvitam bahulīkatam muduñca hoti kammaniyañca, yathayidaṃ, bhikkhave, citta”nti (a. ni. 1.47). **Ṭhiteti** etesu parisuddhabhāvādīsu nicalam avatṭhite, bhāvanāpāripūriyā vā paṇītabhāvam sammasitvā ṭhite. **Acāleti** ṭhitattāyeva akampe, āneñjappatteti vuttaṃ hoti. Mudukammaññabhāvehi vā attano vase ṭhitattā ṭhite, saddhādīhi pariggahitattā assaddhiyādīhi akampanato acāle.

Aṭṭhaṅgasampanneti ṭhitiacalatānam visum visum aggahaṇena samāhite visum ekaṅgam katvā. Tāsam pana visum visum gahaṇe suvisuddhatādīnam samāhitacittassa aṅgabhūtattā samāhite imam aṅgabhāvena aggahetvā suvisuddhatādīhi aṭṭhahi aṅgehi sampannatā veditabbā. **Iddhividhāyati** iddhikoṭṭhāsathāya, iddhippabhedāya vā. Atthato pana **iddhividhā** nāma ekassa bahubhāvādiānekavidhānapaccayabhūtam abhiññāññaṃ. **Abhiññaratīti** abhiññādhigamattāya parikkammacittam kasiṇārammaṇato apantvā abhiññābhīmukham peseti. **Iddhivikubbananti** ettha ijjhatīti iddhi, nipphajjati paṭilabbhatīti vuttaṃ hoti. Yañhi nipphajjati, paṭilabbhati ca, taṃ ijjhatīti vuccati. Yathāha –

“Kāmam kāmayamānassa, tassa cetam samijjhatī”tiādi; (Su. ni. 772; mahāni. 1; netti. 5,44);

Iddhiyeva vikubbanam pakativāṇṇavijahanakiriyanti **iddhivikubbanam**, idaṃ iddhīsu vikubbaniddhiyā padhānabhāvato vuttaṃ, iddhi ca vikubbañcāti vā **iddhivikubbanam**. Visum gahaṇampi vuttakāraṇeneva daṭṭhabbam.

1052-4. Yathā pana taṃ nipphādetabbam, taṃ vidhiṃ dassetuṃ “**abhiññāpādakajjhāna**”ntiādi vuttaṃ. Ettha ca “anupubbena cattāri jhānāni samāpajjitvā catutthajjhānato vuṭṭhāyā”ti keci, taṃ ayuttaṃ. Yadicchakam samāpajjanatthañhi cittaparidamanam, catutthajjhānameva ca abhiññāpādakam, na itarāni. **Satam...pe... mānasanti** sace satam icchati, “satam homi, satam homī”ti, sace sahasam icchati, “sahasam homi, sahasam homī”ti evam parikkammamānasam katvā. “Parikkammamānasa”nti ca pādakajjhānato vuṭṭhāya “satam homī”tiādinā pavattitakāmāvacaracittam, pādakajjhānañca. **Abhi...pe... punāti** ettha pubbe abhiññāpādakajjhānasamāpajjanam parikkammacittassa samādhānattham, puna samāpajjanam adhiṭṭhānacittassa balaggāhattham. **Adhiṭṭhātīti** satam āvajjetvā tato paraṃ pavattānam tiṇṇam, catunnam vā pubbabhāgacittānam anantarā uppānena sannitṭhāpanavasena adhiṭṭhānanti laddhanāmena abhiññāññaṇena sannitṭhānam karotī, satam nipphādetīti attho. “Adhiṭṭhāna”nti hi sabbattha abhiññāññaṃ vuccati.

1055-7. Nimittārammaṇanti paṭibhāganimittārammaṇaṃ. **Parikammamanānettha satārammaṇikānīti** ettha etesu parikammādhīṭṭhānesu parikammamānasāni “sataṃ homī”ti pavattāni kāmāvacaramānasāni satārammaṇikāni ekekassa cittassa vasena satārammaṇikāni honti paccekaṃ “sataṃ homī”ti pavattanato. Sahassārammaṇādīsupi ese va nayo. **Tadādhiṭṭhānacittampīti** tassa satādīkassa adhiṭṭhānacittampī. Satārammaṇikatā ca pana nesam vaṇṇavasena, no sattapaññattivāsena. Rūpañhi sataṃ vā sahassaṃ vā katvā dassettabbaṃ, na paññāti. Ettha ca yadi nīlavaṇṇameva sataṃ abhinipphādeti, vaṇṇassa taṃtaṃsantānavasena nānattepi nīlavasena ekattā ekamekaṃ parikammacittaṃ sabbaṃ nīlajātaṃ ālabhati.

Yadi pana nānāvaṇṇanānākiriyaaparikammacittānampi bahubhāvo hoti, ekamekaṃ ekekavaṇṇaṃ, ekekavaṇṇesu ca nānākiriyaṃ ārammaṇaṃ karotī. Adhiṭṭhānacittaṃ pana vaṇṇasāmaññaṃ gahetvāpi parikammārammaṇaṃ nānāvaṇṇavantaṃ abhinipphādeti acinteyyānubhāvattā iddhivisayassa. **Appanācittaṃ viyāti viya-**ggahaṇaṃ abhiññācittassa, jhānacittassa ca paṭhamuppattiyaṃ sadisabhāvato vuttaṃ, na tassa appanābhāvato. Teneva hi pubbe vuttaggahaṇena visesitanti. **Catutthajjhānikanti** rūpāvacaracatutthajjhānavantaṃ, tena sampayuttaṃ. Yadi evaṃ catutthajjhānassa, imassa ca ko visesoti āha “**parikammavisesovā**”ti. Na hettha parikammavisesaṃ vinā añño viseso atthi. Appanāya pubbhāgappavattānīpi tīṇi cattāri javanāni gahitaggahaṇena, aggahitaggahaṇena vā parikammopacārānulomāni sabbapacchimaṃ gotrabhunāmakantiādi sesaṃ samānameva. Tenāha “**sesaṃ pubbasamaṃ idhā**”ti. Iddhividhaññaṇavaṇṇanā.

1058. Dibbasotanti devatānaṃ pīttasemhādīhi apalibuddhehi dūrepi ārammaṇaggahaṇasamatthehi dibbasotapasādehi samānattā, dibbavihārasena paṭiladdhattā, attanā ca dibbavihārasannissittā dibbaṃ, savanaṭṭhena sotakiccakaraṇato, taṃsatisatāya ca sotaṃ. **Idanti** yaṃ uddese “dibbāni cakkhusotānī”ti (abhidha. 1048) dibbasotaṃ uddiṭṭhaṃ, taṃ idanti attho.

1059-64. Paṭhamaṃ oḷārikasaddaṃ āvajjetvā pacchā sukhumasaddassa āvajjitabbato āha “**mahanto sukhumopi cā**”ti. Paricayakaraṇatthañhi paṭhamaṃ araññe sīhādīnaṃ sadde ādīṃ katvā sabbe oḷārikato paṭṭhāya yathānukkamena sukhumasaddā āvajjitabbā, tathā puratthimādīsū disāsū oḷārikānampi sukhumānampi saddānaṃ saddanimittaṃ manasi kātabbaṃ. Tassa te saddā pakaticittassapi pākaṭā honti, parikammacittassa pana ativiya pākaṭā. **Tassāti** tassa yogino. **Saddassa nimittanti** oḷārikassa, sukhumassa vā saddassa yathāvuttaṃ upādāyupādāya labbhamānaoḷārikasukhumākāraṃ. **Manasi kubbato**ti “imissā disāya ayaṃ saddo oḷāriko, sukhumo vā”ti evaṃ parikammacittena manasi karontassa. **Saddesūti** ye parikammacittassa visayabhūtā oḷārikā, sukhumā vā saddā, tesu. **Aññataranti** yattha parikammakaraṇavasena abhiññaṃ manasikāro pavatto, taṃ ekaṃ saddaṃ. Yadi abhiññācittampī parikamma gahitameva ārammaṇaṃ karotī, ko pana tassa, imassa vā visesoti? Vuccate – parikammacittaṃ asutassa gahaṇato saddamattaṃ gaṇhāti, abhiññācittaṃ pana asutampi gaṇhantaṃ savanākārena gahaṇato atthāvabodhassa paccayabhāveneva gaṇhātīti ayametesam viseso. **Sutakovidāti** pariyaṭṭiyaṃ chekā.

1065-6. Thāmajātanti jātathāmaṃ, daḷhabhāvappattanti attho. Vaḍḍhetabbaṃ pādakajjhānārammaṇaṃ kittakanti āha “**etthantaragata**”ntiādi. Pādakajjhānassa hi ārammaṇabhūtaṃ kasiṇanimittaṃ “**ettakaṃ ṭhānaṃ pharatu**”ti manasi karitvā pādakajjhānaṃ samāpajjantassa kasiṇanimittaṃ tattakaṃ ṭhānaṃ pharitvā tiṭṭhati. So samāpattito vuṭṭhāya puna pādakajjhānaṃ asamāpajjivāpi anekappabhedepi sadde āvajjati subhāvītabhāvanattā. Tattha aññataraṃ saddaṃ ārabha uppanāvajjanānantaraṃ cattāri, pañca vā javanāni uppajjanti, tesu pacchimaṃ iddhicittaṃ hoti. Evaṃ yattakaṃ saddaṃ icchati, tattakaṃ tattha gataṃ āvajjivā abhiññāññaṇena jānāti. Yena pana evaṃ kasiṇanimittaṃ avaḍḍhitam, tena punapi pādakajjhānaṃ samāpajjitabbameva. So hi taṃ ṭhānagatasaddaṃ pādakajjhānaṃ samāpajjivāva tato vuṭṭhāya abhiññācittena suṇāti. Tato eva hi “pādakārammaṇena...pe... suṇātīti sāsāṅkaṃ vadatī”ti (visuddhi. mahā. 2.400) vuttaṃ. Iddhividhalābhī pana sesābhiññālābhino viya vijjamānasaddādiārammaṇamattameva akatvā āgantukarūpanimmāpanato sabbathāpi dvikkhattuṃ pādakajjhānaṃ samāpajjivāva taṃ nipphādeti. **Ekaṅguladvaṅgula-**ggahaṇaṅcetha sukhumasaddāpekkhāya kataṃ.

1068. Suṇantoti evaṃ paricchinditvā paricchinditvā savanena vasikatābhiñño hutvā yathāvajjite suṇanto. **Pāṭiyekkampīti** ekajjhaṃ pavattamānēpi yāva brahmalokā ekakolāhalaṃ katvā uṭṭhite saṅkhabherīpaṇavādisadde paccekaṃ vatthubhedena vavathāpetukāmatāya satī “ayaṃ saṅkhasaddo, ayaṃ bherīsaddo, ayaṃ paṇavasaddo”tiādinā paccekaṃyeva vavathāpetuṃ sakkotiye vāti. Dibbasotaññaṇavaṇṇanā.

1069-73. Cetopariyamānasanti pariyaṭṭīti pariyaṃ, sarāgādīvasena paricchijja jānātīti attho. Yesañhi dhātūnaṃ gati attho, buddhipi tesam attho hotīti. Cetaso pariyaṃ cetopariyaṃ, manasi bhavanti mānasaṃ, ññaṃ, cetopariyaṃca taṃ mānasañcāti **cetopariyamānasaṃ. Dibbacakkhuvasevāti** dibbacakkhuupanissayeneva. Tañhi etassa uppādane parikammaṃ. **Tasmāti** yasmā idaṃ dibbacakkhuvasevā pavattati, tasmā. **Dibbena cakkhunāti** dibbasadisatādīhi “dibbacakkhū”ti laddhavohārena dibbacakkhuññaṇena disvāti sambandho. **Hadayanti** na hadayavatthu, atha kho hadayamaṃsapesi. Yaṃ bahi kamalamakuḷasaṅgānaṃ anto kosātākīphalasadisanti vuccati. Tañhi nissāya idāni

vuccamānaṃ lohitaṃ tiṭṭhati. Hadayavatthu pana imaṃ lohitaṃ nissāya pavattati. **Lohitaṃ disvāti** lohitassa vaṇṇaṃ disvā. Dibbacakkhunopi hi vaṇṇameva dissati. Teneva hi taṃ cakkhusadisattā “cakkhū”ti vuccati. **Parassāti** aññassa. Yathā hi yo paro na hoti, so attā, evaṃ yo attā na hoti, so paro. Kathaṃ pana dibbacakkhunā lohitassa vaṇṇadassanena paracittaṃ viññeyyanti āha “**somanassayute**”tiādi. **Lohitanti** rattaṃ nigrodhaphalassamānavāṇṇaṃ. **Kālakanti** jambusadisavaṇṇaṃ. **Tilatelūpamanti** anena pasannabhāvamāha.

Kathaṃ pana citte somanassa sahatādimhi sati kammajassa lohitassa vividhavaṇṇabhāvāpattīti? Kiñcāpi hadayavatthusannissitabhūtāni kammajāneva, taṃ pana lohitaṃ kammajamevāti natthi catusantatirūpassapi tattha labbhamānattā. Teneva hi **aṭṭhakathāyaṃ** “idaṃ rūpaṃ somanassindriyasamuṭṭhānaṃ, idaṃ domanassindriyasamuṭṭhānaṃ, idaṃ upekkhindriyasamuṭṭhānanti parassa hadayalohitavaṇṇaṃ passivā”ti (visuddhi. 2.401) vuttaṃ. Evampi yaṃ tattha acittajaṃ, tassa yathāvuttavaṇṇabhedenā na bhavitabbanti? Bhavitabbaṃ sesasantatirūpānaṃ tadanuvattanato. Yathā hi gamanādīsu cittajarūpāni utujakammajāhārajārūpehi anuvattiyanti, aññathā kāyassa desantarappattiyeva na siyāti, evamidhāpi cittajarūpaṃ sesasantatirūpehi anuvattiyati, pasādakodhavelāsu ca cakkhussa vaṇṇabhedaṃpattiyeva tassatthassa nidassanaṃ daṭṭhabbaṃ, tasmā somanassādiyuttacittānurūpaṃ uppannacittasamuṭṭhānarūpavasena sesatisamuṭṭhānarūpānaṃpi nānāvaṇṇatā hotiyevāti suṭṭhu vuttaṃ “**lohitaṃ lohitaṃ siyā**”tiādi. **Disvā hadayalohitanti** paṭṭhamaṃ tāva anumānaññena lohitaṃ disvā. **Kātabbaṃ thāmatam gatanti** uppādetvā thāmabhāvaṃ gataṃ kātabbaṃ.

Cetopariyaññāñhi uppādetukāmena yoginā dibbacakkhulābhinā eva satā heṭṭhā vuttanayena rūpāvacaracattutthajjhānaṃ aṭṭhaṅgasamānāgataṃ abhinīhārakkhamaṃ katvā ālokaṃ vaḍḍhetvā dibbena cakkhunā parassa hadayamaṃsapesiṃ nissāya vattamānassa lohitassa vaṇṇadassanena idāni imassa cittaṃ “somanassasahagata”nti vā “domanassasahagata”nti vā “upekkhāsahagata”nti vā nayaggāhavasena vavattāpetvā pādakajjhānaṃ samāpajjitvā vuṭṭhāya “imassa cittaṃ jānāmī”ti parikkamaṃ kātabbaṃ. Kālasatampi kālasahassampi punappunaṃ pādakajjhānaṃ samāpajjitvā vuṭṭhāya tatheva paṭipajjitabbaṃ. Tassevaṃ dibbena cakkhunā hadayalohitavaṇṇadassanādividhinā paṭipajjantassa “idāni cetopariyaññaṃ uppajjissati”ti yaṃ tadā pavattatīti vavattāpitaṃ cittaṃ, taṃ ārammaṇaṃ katvā manodvārāvajjanaṃ tīṇi cattāri vā javanāni kāmāvacarāni javanti. Catuttaṃ, pañcamaṃ vā abhiññācittaṃ rūpāvacaracattutthajjhānikaṃ. Tattha yaṃ tena appanācittena sampayuttaṃ ñāṇaṃ, idaṃ cetopariyaññaṃ. Tañhi yattha anena parikkamaṃ kataṃ, taṃ parassa cittaṃ paccakkhato paṭivijjhantaṃ vibhāventameva hutvā pavattati, rūpaṃ viya ca dibbacakkhuññaṃ, saddaṃ viya ca dibbasotaññaṃ. Tato paraṃ pana kāmāvacaracittehi sarāgādivavattāpanaṃ hoti nīlādivavattāpanaṃ viya.

1074-5. Evamadhiगतassa pana cetopariyaññaṃ thāmagamanavidhānaṃpi adhiगमविधānasadisameva, tadevettha ācariyena dassitaṃ. **Evaṃ thāmagateti**ādi thāmagamanānisaṃsadassanaṃ. **Sabbamevāti** idaṃ “kāmāvacaracittaṃ, rūpārūpesu mānasa”nti ubhayapadenapi sambandhitabbaṃ, catupaññāsavidhaṃ kāmāvacaracittaṃ, pañcadasarūpāvacaracittaṃ, dvādasaarūpāvacaracittanti sabbameva, paccekkaṃ sarāgādiṃpabbhedakaṃ vijānātīti attho. Puthujjanaṃ vasaṇāyaṃ abhiññākaṭhāti lokuttaracittaṃ idha anuddhaṃ. Tampi hi uparimo, sadiso vā ariyo heṭṭhimassa, sadisassa ca cittaṃ jānāti, heṭṭhimo pana uparimassa cittaṃ na jānāti. Yathā cetam, evaṃ arūpāvacarajjhāne akatābhiniveso puthujjano, sekhopi vā arūpāvacaracittaṃ na jānāti. Aṭṭhasamāpattikassa pana vasena idhārūpāvacaracittasāpi jānanaṃ vuttaṃ. Arahā pana āruppe akatābhinivesopi tappaṭicchādakaavijjāya vihatattā tampi jānātiyeva. Cetopariyaññaṃvaṇṇanā.

1076-7. Pubbe atījatīsu nivāsā nivutthā attano santāne pavattā, saparaviññāṇehi gocarāsevanāya āsevītā ca khandhā pubbenivāsā. Paraviññāṇaviññātāpi hi pubbe nivasiṃsu etthāti pubbenivāsāti vuccanti, te pana chinnavaṭṭumakānussarañādīsu buddhānaṃyeva visayā, pubbe nivāsesu sarūpavibhāvakaṃ ñāṇaṃ **pubbenivāsāññaṃ**. Tena. **Tadanussatīti** tesam pubbenivāsānaṃ anussati. Heṭṭhā tīsu jhānesu yathārahaṃ pītisukhehi kāyacittānaṃ sampānāya cattāri jhānāni samāpajjitabbānti āha “**jhānāni panā**”tiādi. Aññathā pādakajjhānaṃ samāpajjitvāyevāti vuttaṃ siyā. Yāya nisajjāya nisinnassa anussaraṇārambho, sā idha **sabbapacchimā nisajjā**.

1078-80. **Tato pabhuṭi...pe... kkmāti** tasmim bhava purimabhavādīsu kataṃ sabbampi saṅgahetvā **sabbamāvajjitabbanti**ādinā viṣuṃ viṣuṃ rattindivādivasena dasseti. **Divase rattiyaṃ katanti** sabbapacchimanisajjāto paṭṭhāya āsanapaññāpanaṃ senāsanappavesananti paṭilomena sakalaṃ rattindivaṃ katakiccaṃ āvajjitabbaṃ. **Katamāvajjitabbanti** yaṃ etthantare katakiccaṃ, sabbam taṃ paṭilomakkameneva āvajjitabbanti attho. Ettakaṃ pana pakaticittasāpi pākaṭaṃ, parikkammacittassa pana atipākaṭameva. Sace panettha kiñci na pākaṭaṃ hoti, puna pādakajjhānaṃ samāpajjitvā vuṭṭhāya āvajjitabbaṃ, ettakena dīpe jalite viya pākaṭaṃ hoti. Pādakajjhānasamāpajjanañhi satthakassa viya nisānasilā satipaññānaṃ nisitabhāvāvahaṃ, tasmā tā taṃsamāpajjanena paramanepakkappattā honti. **Purimasmim bhaveti** imahā bhavā anantare purimasmim bhava.

1081. Nibbattaṃ nāmarūpañcāti attano paccayehi nibbattanāmarūpaṃ. **Sādhukanti** suṭṭhu aparihāpetvā āvajjitabbaṃ. Pahoti hi imissā abhiññāya katādhikāro bhikkhu paṭhamavāreṇeva paṭisandhiṃ ugghātetvā cutikkhaṇe nāmarūpaṃ ārammaṇaṃ kātuṃ, tathā asakkontenāpi dhuranikkhepaṃ akatvā pādakajjhānameva punappunaṃ samāpajjitabbaṃ, tato ca vuṭṭhāya punappunaṃ āvajjitabbaṃ. Āvajjantena ca pana paṭhamam rūpaṃ āvajjitvā pacchā nāmaṃ āvajjitabbanti ācariyā. Apare pana vipariyāyena vadanti.

Tattha pacchimanisajjāto pabhuṭi yāva paṭisandhito ārammaṇaṃ katvā pavattaññaṃ atītajātsu nivuttadhammārammaṇābhāvato pubbenivāsānussatiññaṃ nāma na hoti, taṃ pana parikammaññaṃ. Yadā panassa paṭisandhiṃ atikkamma cutikkhaṇe uppannaṃ nāmarūpaṃ ārammaṇaṃ katvā manodvārāvajjanaṃ uppajjati, tasmim niruddhe vuttanayena appanācittaṃ uppajjati, tena sampayuttaṃ ññaṃ pubbenivāsānussatiññaṃ nāma. Tenāha “**yadā panā**”tiādi.

Etthāha – kiṃ ekeneva abhiññācittena cutikkhaṇe pavattanāmarūpaṃ sabbampi ārammaṇaṃ karoti, udāhu aññena aññenāti. Kiñcetha yadi ekeneva, dūrato cittaṇaṃ pekkhantassa viya anirūpitarūpena vavatthānaṃ hoti. Yadi ca aññena aññena, visuṃ visuṃ pādakajjhānasamāpajjanādīnā bhavitabbanti? Ubhayathāpi na doso. Iddhivisayassa hi acinteyyattā ekenapi abhiññācittena nāmarūpe passanto nirūpitarūpeneva passati, na anirūpitarūpeneva passati, aññenapi vā paṭhamameva pādakajjhānaṃ samāpajjitvā vuṭṭhāya samāhitacittena kataparikkammaṃ pavattitattā puna samāpajjanaṃ vinā āvajjitvā ārammaṇaṃ karotiyevāti. Pubbenivāsānussatiññaṇaṇā.

1086-8. Dibbacakkhunāti dibbasadisattā, dibbavihārasena paṭilabhitabbattā, attanā ca dibbavihārasannissitattā mahājūtikatādīhi vā **dibbaṃ**, rūpadassanaṭṭhena cakkhumivāti **cakkhu**. Yathā hi maṃsacakkhu viññāñadhīṭṭhitaṃ samavisamaṃ ācikkhantaṃ viya pavattati, idaṃ pana tato sātisaṃ cakkhukiccakārīti dibbañca taṃ cakkhu cāti dibbacakkhu, tena **dibbacakkhunā. Kasiṇārammaṇanti** aṭṭhannampi kasiṇānaṃ vasena kasiṇārammaṇaṃ. **Abhinīhārakkhamaṃ katvāti** cuddasavidhena cittaṇaṃ amanena aṭṭhaṅgasampannatākaraṇena abhinīhārakkhamaṃ dibbacakkhuññābhīmukhaṃ pesanārahaṃ pesanayogyaṃ katvā. “Tejo...pe... kasiṇampi vā āsannaṃ kātabba”nti pāṭhaseso. **Āsannaṃ kātabbanti** dibbacakkhuññānuppattiyā samīpabhūtaṃ kāraṇabhūtaṃ kātabbaṃ, tattha upacārajjhānaṃ paguṇataraṃ katvā taṃ vaḍḍhetvā icchitakkhaṇe upaṭṭhānayogyaṃ katvā ṭhapetabbanti vuttaṃ hoti. **Etthāti** imasmim dibbacakkhunā rūpadassanavisaye. **Seṭṭhanti paridīpanti** ālokaṃ kasiṇasava pabhāvissajjanasabhāvena ālokaṃ karaṇena itarehi viṣiṭṭhattā viṣiṭṭhanti paridīpitaṃ.

1089-90. Uppādetvāti paṭhamajjhānaniddese vuttanayena upacārajjhānuppādanena uppādetvā. Upacārajjhānuppattiyā hi saddhiṃ paṭibhāganimittuppatti. Yasmā pādakajjhānaṃ vijjamaṇeyeva āloke appanāvasena pavattimattaṃ vinā attano balena ālokaṃ pharituṃ na sakkoti, nāpi yathāpaṭṭhaṇaṃ thāvaraṃ kātuṃ, parikkammaṃ pana tadubhayampi kātuṃ samatthaṃ, tasmā upacārabhūmiyaṃ viya taṃ vaḍḍhetabbanti āha “**upacārabhūmiya**”ntiādi. **Upacārabhūmīti** cettha ālokassa thāvarakaraṇavasappavattaṃ parikkammacittamevāti daṭṭhabbaṃ. **Appananti** jhānavasena appanaṃ. Na hi akataparikkammaṃ abhiññāvasena appanā sījjhati. Tenāha “**pādakajjhānanissita**”nti. **Pādakajjhānanissitanti** pādakajjhānārammaṇaṃ hoti, na dibbacakkhussa parikkammānissitaṃ parikkammārammaṇaṃ hoti, tathā ca sati ālokaṃ vaḍḍhanābhāvato rūpadassanaṃ na siyāti adhippāyo.

1091-3. Anto...pe... bhaveti antogataṃ rūpagataṃ passitabbaṃ bhava, na bahiddhā vikkhepuppattihetubhāvato passitabbaṃ dibbacakkhunāti adhippāyo. Na hi āloke pharitepi maṃsacakkhussa āpāthaṃ hoti. **Parikkammaṃ vāro hi atikkamati tāvadeti** idha parikkammaṃ nāma yathāvuttakasiṇārammaṇaṃ upacārajjhānaṃ, taṃ rūpagataṃ passato na pavattati, kasiṇālokaṃ vasena ca rūpagatadassanaṃ kasiṇāloko ca parikkammavasenāti tadubhayampi parikkammaṃ appavattiyā na hoti. Tenāha “**ālokoṇi**”tiādi. Tasmim antarahite rūpagatampi na ca dissati, rūpagataṃ passato parikkammaṃ vāro atikkamati, parikkammaṃ pasutassa kasiṇārammaṇaṇaṃ hotīti rūpagataṃ dissati, kathaṃ paṭipajjitabbanti āha “**tenā**”tiādi.

1094-9. Evaṃ anukkamenāti punappunaṃ pādakajjhānaṃ samāpajjitvā tato vuṭṭhāya abhinhaṃ ālokaṃ pharaṇena. **Āloko thāmaṃvāti** ālokaṃ ciraṭṭhāyī siyā, tathā ca sati tattha sucirampi rūpagataṃ passateva. Tena vuttaṃ “**āloko etthā**”tiādi. Svāyamattho tiṇukkūpamāya vibhāvetabboti dassento āha “**tiṇukkāyā**”tiādi. Eko kira rattiyam tiṇukkāya maggaṃ paṭipajji, tassa sā tiṇukkā vijjhāyī, athassa samavisamāni na paññāyimsu, so taṃ tiṇukkaṃ bhūmiyaṃ ghaṃsitvā puna ujjālesi, sā pajjalitvā purimālokaṃ mahantaramālokaṃ akāsi, evam punappunaṃ vijjhātaṃ ujjālayato kamena sūriyo uṭṭhāsi, sūriye uṭṭhite “**ukkāyā kammaṃ natthi**”ti taṃ chaḍḍetvā divasampi agamāsi. Tattha ukkāloko viya parikkammakāle kasiṇāloko, ukkāyā vijjhātāya samavisamānaṃ adassanaṃ viya rūpagataṃ passato parikkammaṃ vārātikkamena āloke antarahite rūpagatānaṃ adassanaṃ, ukkāyā ghaṃsanaṃ viya punappunaṃ pādakajjhānasamāpajjanaṃ, ukkāyā purimālokaṃ mahantaramālokaṃ karaṇaṃ viya puna parikkammaṃ karoto balavataṃ ālokaṃ pharaṇaṃ, sūriyūṭṭhānaṃ viya thāmagatālokaṃ yathāvaḍḍhitaparicchedaṃ pharivā avatṭhānaṃ, tiṇukkaṃ chaḍḍetvā divasampi gamaṇaṃ viya padittālokaṃ vaḍḍhetvā thāmagatenālokaṃ divasampi rūpadassanaṃ.

Ettāvātā ca dibbacakkhussa nānāvajjanaparikkammañceva dibbacakkhuññañca dassitaṃ, na tassa uppattikkamoti taṃ dassetaṃ **“uppādanakkamopi”**tiādi vuttaṃ. Taṃ heṭṭhā vuttanayattā suviññeyyameva. **Tāni cattāri pañca vāti** potthakesu likhanti. **“Tīni cattāri vā panā”**ti pāṭho.

1100. Tattha **atthasādhakacittanti** yadatthāyesa paṭipanno, tassa tadatthasādhanato atthasādhakabhūtaṃ cittaṃ. Tasmīñhi uppanne maṃsacakkhussa anāpāthayogyāṃ antokucchigataṃ hadayavatthunissitaṃ heṭṭhāpathavīṭalanissitaṃ tirokuṭṭapabbatapākāragataṃ paracakkavāḷagatanti idaṃ rūpaṃ āpāthaṃ āgacchati, maṃsacakkhunā dissamānaṃ viya hoti. Tadeva cettha rūpaṃ sarūpato vibhāvanasamatthaṃ cakkhuviññāṇaṃ viya. Na pana āvajjanaparikkammavasena pavattāni pubbabhāgacittāni. Tāni hi ārammaṇaṃ karontānipi na yāthāvato taṃ vibhāvetvā pavattanti āvajjanasampaṭicchanādicittāni viyāti.

1101-2. Nanu ca anāgataṃsaññaṇaṃ yathākammūpagaññanti dve abhiññāññāni atthi, kasmā tāni idha na dassitānti āha **“anāgataṃsaññaṇassa”**tiādi. **Ijjhanti dibbacakkhunāti** visuṃ parikkammaṃ abhāvato dibbacakkhuññaṇapaṭilābheneva tassa parivārāni hutvā paṭiladdhāni honti. Tatoyeva hi tāni tassa paribhaṇḍāññānti vuccanti. Yathā hi sinerussa parivāraṭṭhāniyāni taṃsiddhiyā siddhāni mekhalatṭhānāni paribhaṇḍānti vuccanti, evaṃ imānipi dibbacakkhusiddhiyā siddhāni tassa paribhaṇḍānti vedittābāni.

Hotu tāva evametaṃ, cutūpapātaññaṇaṃ pana kiṃ na dassitanti āha **“cutūpapātaññaṇampi”**tiādi. Dibbacakkhuññaṇameva hi cutiyaṃ, upapattiyañca rūpaṃ vibhāventaṃ cutūpapāte pavattattā **“cutūpapātaññaṇa”**nti vuccati, avasesarūpavibhāvanakāle **“dibbacakkhū”**ti vuccati, tasmā paramatthato nāmadvayena āgataṃ ekameva ññaṇaṃ, dibbacakkhuññaṇaṃ cutūpapātaññanti pana byañjanatoyeva nānanti. Katthaci manomayaññaṇantipi visuṃ abhiññāññaṇaṃ āgataṃ, taṃ atthato iddhividhaññaṇameva. Dibbacakkhuññaṇavaṇṇanā.

1103. Idhāti imasmim sāsane. **Anena tarenāti** anena abhidhammāvatāranāmakena tarena.

Iti abhidhammatthavikāsinīyā nāma

Abhidhammāvatārasaṃvaṇṇanāya

Abhiññāniddesaṃvaṇṇanā niṭṭhitā.

17. Sattarasamo paricchedo

Abhiññārammaṇaniddesaṃvaṇṇanā

1104-5. Pañca iddhividhādīnīti –

“Iddhividhaṃ dibbasotaṃ, paracittavijānanā;
Pubbenivāsānussati, dibbacakkhūti pañcadhā”ti. –

Evamāgatā pañca. **Sattābhiññā imā panāti** atītaṃsaññaṇassa pubbenivāsānussatiññaṇe, manomayaññaṇassa ca iddhividhaññaṇe antogadhattā vuttaṃ. Atītaṃsaññaṇaṃ nāma paresaṃ paccuppannabhāve yāva paṭisandhipariyosānaṃ pavattacittārammaṇaṃ ññaṇaṃ. Manomayaññaṇampi nāma manomayakāyābhinimmānādivasappavattaṃ iddhividhaññaṇaṃ.

1106. Idāni imesaṃ abhiññāññaṇaṃ ārammaṇavinicchaye asammoḥatthaṃ taṃ dassetaṃārābhanto āha **“sattanna”**ntiādi. **Cattāro ārammaṇattikāti** parittārammaṇattiko maggārammaṇattiko atītārammaṇattiko ajjhattārammaṇattikoti ime cattāro ārammaṇattikā. **Etthāti** idaṃ paccāmasanaṃ kiṃ tikānaṃ, udāhu ārammaṇānanti, kiñcettha – yadi tikānaṃ, tadayuttaṃ. Na hi tikesu abhiññāññaṇāni pavattanti. Atha ārammaṇānaṃ, tampi ayuttaṃ. Na hi aññaṃ uddisitvā aññaṃ paccāmasanaṃ yuttanti. Yathā icchasi, tathā hotu. Bhavatu tāva tikānaṃ, nanu vuttaṃ **“tikesu abhiññāññaṇāni nappavattanti”**ti? Nāyaṃ virodho tikavohārena ārammaṇānaṃyeva gayhamānattā. Atha vā pana hotu ārammaṇānaṃ, nanu vuttaṃ **“aññaṃ uddisitvā aññaṃ paccāmasanaṃ ayutta”**nti. Ayampi na doso yathāvuttakāraṇenevāti.

1107-10. Parittādisu sattaṣūti asatipi vatthubhede bhūmikālasantānabhedavasena bhinnesu parittamahaggataatītānāgatapaccuppannaajjhatabahiddhārammaṇavasena sattaṣu parittādiārammaṇavibhāgesu. Iddhividhaññaṇassa maggārammaṇatāya abhāvato idha maggārammaṇattiko na labbhati. Kāyaṃ cittaṣaṇṇissitaṃ katvā

adissamānena kāyena gantukāmoti sambandho. Cittasannissitakaraṇaṇca taṃ viya kāyassa adissamānasīghagatikatāvasena taggatikatāpādanaṃ. Yathā cittaṃ na dissati sīghagamanaṇca, evaṃ kāyampi adissamānaṃ, sīghagamanaṇca katvā yathicchitaṭṭhānaṃ gantukāmoti ayañhettha attho. **Cittavasenāti mahaggatacittavasena pariṇāmetīti pāthaseso.** Tenāha “**taṃ mahaggate ca cittasmiṃ samāropeṭī**”ti. Pādakajjhānaṇhi samāpajjitvā vuṭṭhāya “ayaṃ kāyo idaṃ cittaṃ viya adissamāno, sīghagamano ca hotū”ti parikkammaṃ karoti, parikkammaṃ pana katvā puna samāpajjitvā vuṭṭhāya tatheva parikkammaṃ karonto kāyaṃ gahetvā mahaggate pādakacitte samāropeṭi, taggatikaṃ karoti viya, adissamānaṃ, sīghagamanaṇca karoti. Taṃ pana sīghagamanaṭṭhaṃ abhāvitiddhipādānaṃ viya dandhaṃ appavattitvā katipayacittavāreheva icchitaṭṭhānappattivasena daṭṭhabbaṃ, na ekacittakkhaṇeneva. “Nāhaṃ, bhikkhave, aññaṃ ekadhammampi samanupassāmi, yaṃ evaṃ lahuparivattaṃ, yathayidaṃ, bhikkhave, citta”nti (a. ni. 1.48) hi ettha añña-ggahaṇeneva rūpadhammānaṃ gahitattā cittakkhaṇavasena rūpappavatti na yuttā. Yattha yattha ca dhammā uppajjanti, tattha tattheva bhijjanti ca, na ca iddhibalena dhammānaṃ kenaci lakkhaṇaññathattaṃ sakkā kātunti. Cittavasena rūpakāyaṃ pādakajjhāne samāropeṭassa kāyameva ārammaṇanti āha “**kāyārammaṇato**”ti, kāye vaṇṇārammaṇatoti vuttaṃ hoti. **Kāyasannissitaṃ katvā cittaṃ** ettha na cittaṃ kāyaṃ viya dandhaṃ dissamānaṃ karoti, kintu dandhadissamānagatikaraṇamattamevāti daṭṭhabbaṃ.

1112-3. Anāgatamatītaṇca karoti visayaṃ yadāti mahādhātunidhāne mahākassapatttherādīnaṃ viya anāgataṃ adhiṭṭhahantānaṃ anāgataṃ ārammaṇaṃ karoti, kāyavasena citta pariṇāmanakāle tadeva ciraniruddhaṃ pādakajjhānaṃ ārammaṇaṃ karontānaṃ atītaṃ ārammaṇaṃ karoti, tadā atītārammaṇaṃ, anāgatagocaraṇca hoti, **paccuppanno gocaro** paccuppannaṃ rūpakāyassa ārammaṇakaraṇato. Hatthiādayo abhinimminantassāpi hi kiñcāpi parikkammaṃ anāgatārammaṇaṃ hoti, adhiṭṭhānacittaṃ pana paccuppannārammaṇameva. Upacārārammaṇaṃ viya hi paṭibhāganimittaṃ tena saha pātubhūtaṃ tassārammaṇaṃ hoti.

1114-5. Kāyaṃ ...pe... siyāti attano kāyaṃ cittavasena pariṇāmanakāle ajjhataṃsa kāyassa ārammaṇakaraṇato, attano cittaṃ kāyavasena pariṇāmanakāle cittaṃ ārammaṇakaraṇato. **Vā**-saddena avuttasamuccayatthena gahite attano kumāravaṇṇādiabhinimminakāle kāyassa ārammaṇakaraṇato ca ajjhātārammaṇaṃ siyā. **Bahiddhā rūpadassaneti** bahiddhā hatthiassādirūpadassanakāle.

1116-8. Paccuppanne paritte cāti sarūpavibhāvanametaṃ. Dibbasotassa hi paccuppannova saddo ārammaṇaṃ hoti, so ca sabhāvato parittova. **Kucchisaddassāti** kucchiyaṃ vātasaddassa. Tattha pāṇakasaddassa pana savane bahiddhārammaṇameva. Vasitāpattassa attano vitakkavipphārasaddasavanepi ajjhātārammaṇanti vadanti, taṃ pana ekādasabhavaṅgacittato upari bhavaṅgaṃ pavattitumadavā bhavaṅgato vuṭṭhāya āvajjanasamatthātasena vasitāpattasseva yujjati. “Parassa ca saddassā”ti sambandhitabbaṃ. Na hi parassa kucchisaddasavaneyeva bahiddhārammaṇaṃ hoti, atha kho parassa citta samuṭṭhānasaddasavanepīti.

1119-22. Parittādīsūti parittamahaggataappamāṇamaggaatītānāgatapaccuppannabahiddhārammaṇesu. **Parittānanti** kāmāvacaracittānaṃ. **Majjhimananti** parittaappamāṇānaṃ majjhe bhavattā majjhimasāṅkhātānaṃ rūpārūpāvacaracittānaṃ. Majjhebhavatā ca desanāvasena, na sabhāvavasena. Cetopariyaññaṃ parassa cittaṃ eva jānāti, avasesakkhandhattayaṃ pana na jānātīti imaṃ mahāaṭṭhakathāvādaṃ sandhāyāha “**maggacittassa jānane**”tiādi. Ayañhettha adhippāyo – yasmā cetopariyaññaṃ cittaṃ eva jānāti, tasmā taṃ maggārammaṇaṃ na hoti, maggasampayuttacittajānanato pana pariyaṇena maggārammaṇatā **aṭṭhakathāyaṃ** anuññātīti. **Paṭṭhāne** pana –

“Kusalā khandhā iddhi vidhaññaṃsa cetopariyaññaṃsa pubbenivāsānussatiññaṃsa yathākammūpagaññaṃsa anāgataṃsaññaṃsa ārammaṇapaccayena paccayo”ti (paṭṭhā. 1.1.404) –

Vuttattā cattāropi khandhā cetopariyaññaṃsa ārammaṇaṃ honti, tasmā nippariyaṇeneva maggārammaṇatā labbhatīti idamettha saṅgahakāraṇaṃ sannitṭhānaṃ.

1123-5. Atītasattadivasabbhantare, anāgatasattadivasabbhantareyeva ca pavattaṃ paracittaṃ cetopariyaññaṃ jānāti, tato paṭṭhāya pana paṭisandhipariyosānaṃ, cutipariyosānaṇca pavattaṃ atītaṃsaññaṃsa, anāgataṃsaññaṃsa ca gocaranti adhippāyenaṇha “**atīte**”tiādi. Atītassa, anāgatassa ca paracittassa jānanaṃ sambhavati, paccuppannaṃ pana na sambhavatīti pucchati “**kathaṇca panā**”tiādi. Itaro yattha sambhavati, taṃ dassetuṃ paccuppannaṃ tāva vibhajitvā dassento “**paccuppannaṃ tidhā vutta**”ntiādimāha. **Khaṇasantatiaddhatoti** khaṇapaccuppannaṃ santatipaccuppannaṃ addhāpaccuppannanti evaṃ khaṇasantatiaddhāvasena tidhā vuttaṃ.

1126. Tikkaṇasampattanti uppādaṭṭhitibhaṅgavasena khaṇattayapariyāpannaṃ. **Paccuppannakhaṇādikanti** khaṇa-saddādikāṃ paccuppannaṃ khaṇapaccuppannanti vuttaṃ hoti. **Ekadvesantativārapariyāpannanti** ettha andhakāre nisīditvā ālokaṭṭhānaṃ gatassa na ca tāva ārammaṇaṃ pākaṭṭhaṃ hoti, yāva pana taṃ pākaṭṭhaṃ hoti, etthantare

pavattā rūpasantati, arūpasantati vā “ekadvesantativārā”ti veditabbā. “Ālokaṭṭhāne vicarivā ovarakaṃ pavitṭhassāpi na tāva sahasā rūpaṃ pākaṭaṃ hoti, yāva taṃ pākaṭaṃ hoti, pubbeva tattha nisinnassa viya etthantare ekadvesantativārā veditabbā. Dūre ṭhatvā pana rajakādīnaṃ hatthavikāraṃ, ghaṇṭibherīādīkaṭaṇahatthavikāraṇca disvā na pana tāva saddaṃ suṇāti, yāva pana taṃ suṇāti, etthantare ekadvesantativārā veditabbā”ti (visuddhi. 2.416) evaṃ tāva **majjhimbhāṇakattherā** vadanti.

Samyuttabhāṇakā pana “rūpasantati arūpasantatīti dve santatiyo vatvā udakaṃ akkamitvā gatassa yāva tīre akkantaudakalekhā na vipasīdati, addhānato āgatassa yāva kāye usumabhāvo na vūpasammati, ātapā āgantvā gabbhaṃ pavitṭhassa yāva andhakārabhāvo na vigacchati, antogabbhe kammaṭṭhānaṃ manasikatvā divā vātapānaṃ vivarivā olokontassa yāva akkhīnaṃ phandanabhāvo na vūpasammati, ayaṃ rūpasantati nāma. Dve tayo javanavārā arūpasantati nāmāti vatvā tadubhayampi santatipaccuppannaṃ nāmā”ti (visuddhi. 2.416) evaṃ ekameva santativāraṃ vadanti. Tattha majjhimbhāṇakavāde ekaccassa sīghampi pākaṭaṃ hotīti ekadvesantativārāti eka-ggahaṇampi kataṃ. **Ācariyadhammapālatthero** pana “atiparittasabhāvautuādisamuṭṭhānā vā ekadvesantativārā veditabbā”tipi (visuddhi. mahā. 2.416) āha.

1127-8. Ekabbhavapariicchinnanti ekasmiṃ bhava paṭisandhicutivasena paricchinnaṃ ekabbhavapariyāpannaṃ dhammajātaṃ. Yaṃ sandhāya vuttaṃ “yo cāvuso mano, ye ca dhammā, ubhayametaṃ paccuppannaṃ, tasmīṃ ce paccuppanne chandarāgapaṭibaddhaṃ hoti viññāṇa”ntiādi, santatipaccuppannañcettha abhidhammaṭṭhakathāsu āgataṃ, addhāpaccuppannaṃ sutte. **Kecīti** abhayagirivāsino.

1129-30. Yathā cātiādi ettha tesam opammadassanaṃ. Ekapupphaṃ attano vaṇṭena ekassa vaṇṭaṃ vijjhatīti sambandho. **Mahājanassāpi...pe... vijjhatīti** “atītaṃ cittaṃ, anāgataṃ cittaṃ, imassa cittaṃ, asukassa citta”nti evaṃ vibhāgaṃ akatvā parassa cittaṃ jānāmicceva rāsivasena mahājanassa citte āvajjite ekassa cittaṃ ekena cittena uppādakkhaṇe vā ṭhitikkhaṇe vā bhaṅgakkhaṇe vā ekantena paṭivijjhatīti attho.

1131-2. Taṃ pana tesam vacanaṃ ayuttanti dassetaṃ “**yenāvajjati**”tiādi vuttaṃ. Vassasahassampi hi evaṃ āvajjayato āvajjanajavanānaṃ ekasmiṃ ārammaṇe ṭhānaṃ natthi, abhiññācittaṇca sace khaṇapaccuppannaṃ jānāti, āvajjanena saha ekārammaṇe vattamānameva jānāti, no aññathā, tasmā **tesam** āvajjanajavanānaṃ **dvinnaṃ saha** ekasmiṃ ārammaṇe **aṭṭhānābhāvato taṃ na yujjati**. Bhavatu tāva ko ettha dosoti ce āha “**āvajjanajavanāna**”ntiādi. Tattha maggaphalavīthito aññaṃ anīṭṭhaṭṭhānaṃ. Maggaphalavīthiyañhi āvajjanādīnaṃ saṅkhārārammaṇattā, gotrabhuādīnaṇca nibbānārammaṇattā nānārammaṇatā iṭṭhā, aññattha pana anīṭṭhā, tasmā **aniṭṭhe ṭhāne javanāvajjanānaṃ** nānārammaṇatāpattidoso ayuttoti taṃ tesam vacanaṃ **ayuttanti pakāsitaṃ aṭṭhakathāsūti** adhippāyo.

1133-4. Yadi evaṃ, kathaṃ cetopariyaññaṃ paccuppannārammaṇaṃ hotīti āha “**tasmā**”tiādi. Yasmā evaṃ ayuttanti pakāsitaṃ, tasmā. **Javanavāratoti** ekajavanavāravasena. Idaṃ pana khaṇapaccuppannānantaraṃ lahukaṃ katvā paccuppannadassanattaṃ vuttaṃ, yaṃ pana vattamānajavanavīthito atītānāgatavasena dvitijavanavīthiparimāṇakāle pavattaṃ paracittaṃ, taṃ sabbampi “santatipaccuppannaṃ nāmā”ti **aṭṭhakathāyaṃ** (visuddhi. 2.416) vuttaṃ, tasmā **javanavāratoti** dvitijavanavāravasena dīpetabbaṃ, na sakalena paccuppannaddhunāti adhippāyo. **Niddiṭṭhaṃ** samyuttaṭṭhakathāyaṃ. **Tatrāyaṃ dīpanāti**ādi javanavārassa addhāpaccuppannabhāvādīpanamukhena iddhicittassa pavattīākārādīpanaṃ.

1139-41. Santatipaccuppannampi addhāpaccuppanneva saṅgahetvā āha “**addhāvasā...pe... panā**”ti. **Ānandācariyo** panettha abhidhammamātikāya āgatassa paccuppannapadassa addhāsantatipaccuppannapadatthatā na katthaci pālīyaṃ vuttā, tasmā cittasāmaññaṇa cittaṃ āvajjayamānaṃ abhimukhībhūtaṃ vijjamānacittaṃ āvajjeti, parikammāni ca taṃ taṃ vijjamānacittaṃ cittasāmaññaṇe ārammaṇaṃ katvā cittajānanaparikammāni hutvā pavattanti. Cetopariyaññaṇaṃ pana vijjamānacittaṃ paṭivijjantaṃ tena saha ekakkhaṇe uppajjati. Tattha yasmā santānaggahaṇato ekattavasena āvajjanādīni cittanteva pavattāni, taṇca cittameva, yaṃ cetopariyaññaṇa vibhāvitaṃ, tasmā samānākārappavattito na anīṭṭhe ṭhāne nānārammaṇatā hotīti khaṇapaccuppannavaseneva imassa paccuppannārammaṇataṃ icchati. **Itarānti** āvajjanaparikammacittāni. **Cakkhudvāre viññāṇanti** cakkhuvīññāṇaṃ.

1143-7. Parittādīsu aṭṭhasūti cetopariyaññaṇassa vuttesu paccuppannārammaṇaṃ hitvā navattabbārammaṇaṇca pakkhipitvā aṭṭhasu parittādīsu. **Aṭṭhe...pe... phalampi vāti** ettha **attanāti** nidassanamattaṃ. Parehipi bhāvitaṃ maggaṃ, sacchikataphalaṇca pubbenivāsānussatiññaṇa samanussarati. **Vā-saddena** vā avuttasamuccayathena attanā bhāvitaṃ maggaṃ, phalampi vā parehi bhāvitaṃ maggaṃ, phalampi vāti evamattho gahetabbo. Tathā ca vuttaṃ **aṭṭhakathāyaṃ** “attanā, parehi bhāvitaṃ maggaṃ, sacchikataphalaṇca anussaraṇakāle”ti (visuddhi. 2.417). **Eva-kāraṃ** pana padapūraṇamattameva. **Phalampi vāti** ettha “bhāvita”nti na sambandhitabbaṃ. Na hi phalaṃ bhāvetabbaṃ hoti, atha kho sacchikatābbamevāti. **Samanussarato magganti** etthāpi “attanā, parehi vā bhāvita”nti sambandhitabbaṃ.

Ekantatoti niyamato.

1148-50. Nanu ca cetopariyañāṇayathākammūpagañāṇānīpi atītārammañāneva, kiṃ pana tesam, imassa ca ārammaṇe nānākaraṇanti āha “**cetopariyañāṇampi**”tiādi. **Kiñcāpīti** ayaṃ nipātasamudāyo, eko vā nipāto viśesānabhīdhānanimitte upagamane daṭṭhabbo. **Atha khoti** viśesābhīdhānasamārambhe. **Cittamevāti** idaṃ pubbe vicāritameva. **Atīte cetanāmattanti** idampi pubbe viya mahāaṭṭhakathāvādaṃ sandhāyeva vuttaṃ. Tattha hi yathākammūpagañāṇassa cetanāmattameva ārammaṇaṃ hoti, na cittaṃ, nāpi itare dhammā, yato taṃ yathākammūpagaṇanti vuccatīti iminā adhippāyena yathākammūpagañāṇaṃ atītacetanāmattameva ārammaṇaṃ karotīti vuttaṃ, heṭṭhā dassitapaḷivasena sabbe cattāropi khandhā yathākammūpagañāṇassa ārammaṇanti saṅgahakārānaṃ sannīṭṭhānaṃ. **Natthi kiñci agocaranti** kiñci khandhaṃ vā khandhapaṭibaddhaṃ nāmagottādiṃ vā agocaraṃ nāma natthi. Tañhi atītakhandhakhandhapaṭibaddhesu dhammesu sabbaññūtaññāṇasamānagatikamevāti adhippāyo.

1151-2. Attakkhandhānussaraṇeti attano khandhānussaraṇakāle. **Saraṇe...pe... gocaranti** “atīte vipassī bhagavā ahoṣi, tassa mātā bandhumatī, pitā bandhumā”tiādinā nayena nāmagottādiṃ, pathavinimittādiñca anussaraṇakāle navattabbārammaṇaṃ hoti. **Navattabbagocaranti** hi parittārammaṇaātītārammaṇattikavasena vuttaṃ, ajjhattārammaṇattikavasena pana ākiñcaññāyatanaññānaṃ ārammaṇabhūtaḍḍhamārammaṇakāle navattabbārammaṇaṃ hoti, avasesapaññāttārammaṇakāle bahiddhārammaṇaṃ hoti. **Nāmagottanti** cettha khandhapaṭibaddho sammutisiddho byañjanattho, na byañjanaṃ. Byañjanañhi saddāyatanaśaṅgahitattā parittaṃ hoti. Yathāha “niruttapaṭisambhidā parittārammaṇā”ti (vibha. 749).

1154. Dibbasotasamanti yasmā paccuppannaṃ, parittañca rūpaṃ ārammaṇaṃ karoti, tasmā paccuppannārammaṇaṃ, parittārammaṇaṃ hoti, attano kucchigatarūpadassane, parassa hadayanissitalohitadassanādīsu ca ajjhattārammaṇaṃ, bahiddhārammaṇaṃ hoti.

1155-6. Parittādīsu aṭṭhasūti pubbenivāsānussatiñāṇassa vuttasu atītārammaṇaṃ vajjetvā anāgatārammaṇaṃ pakkhipitvā aṭṭhasu. **Nibbattissati...pe... pajānatoti** iminā nibbattakkhandhajānanamāha. Anāgataṃsañāṇassa anāgatamagocaraṃ natthi. Tampi hi anāgatakkhandhakhandhapaṭibaddhesu dhammesu sabbaññūtaññāṇasamānagatikameva.

1163. Jānane nāmagottassāti “anāgate metteyyo nāma sammāsambuddho uppajjissati, tassa subrahmā nāma pitā bhavissati, brahmavatī nāma mātā”tiādinā nayena nāmagottādiñjānanakāle.

1164-5. Parittādīsu pañcasūti parittamahaggataatītaajjhattabahiddhārammaṇavasena pañcasu. **Kāmakamassāti** kāmāvacharakamassa.

1169. Vividhatthavaṇṇapadanti nānappakāraatthapadehi, byañjanapadehi ca sampannaṃ. **Madhuratthamatinīharanti** madhuratthaṃ atinīharañcāti padacchedo.

Iti abhidhammatthavikāsinīyā nāma

Abhidhammāvatārasaṃvaṇṇanāya

Abhiññārammaṇaniddesaṃvaṇṇanā niṭṭhitā.

18. Aṭṭhārasamo paricchedo

Diṭṭhivisuddhiniddesaṃvaṇṇanā

1170-2. Idāni yasmā evaṃ abhiññāvasena adhigatānisaṃsāya thiratarāya samādhībhāvanāya samannāgatena bhikkhunā paññā bhāvetabbā hoti. Evañhi sā sabbākāreṇa thiratarā sikhappattā ca hoti, tasmā tassā bhāvanāyavibhāvanatthamārabhanto āha “**samādhim paṇā**”tiādi. **Kā paññāti** sarūpapucchā. **Ko catthoti** imissā ko attho. **Paññāti** padaṃ kaṃ abhidheyyatthaṃ nissāya vattatīti adhippāyo.

1173-4. Paññā vipassanāpaññāti idhādhippetameva paññaṃ dasseti, aññattha pana bahuvīdho paññāpabhedo hoti. **Puññacittasamāyutāti** kusalacittasampayuttā. Ettha ca **puñña**-ggahaṇena duvidhampi abyākataṃ nivatteti, tathā “atthi saṃkiliṭṭhā”ti evaṃ pavattaṃ micchāvādaṃ paṭisedhetti. **Vipassanā**-ggahaṇena kammassakatādivasappavattaṃ sesakusalapaññaṃ. **Jānanā vā pakāratoti** vutte “kimidaṃ pakārato jānanaṃ nāmā”ti anuyogaṃ manasi nidhāya

sañjānanavijānanākāravasiṭṭhaṃ nānappakārato jānananti dassetuṃ “saññāviññāṇapaññānaṃ, ko viseso kimantara”nti kathetukamyatāpucchāṃ katvā vissajjanamāha “**saññāviññāṇapaññāna**”ntiadinā. **Jānanatte samepi cāti** visayavijānanākāre samānepi.

1175. Sañjānanamattavāti “nīlapīta”ntiādikaṃ ārammaṇe vijjānānaṃ, avijjānānaṃ vā saññānimittāṃ katvā jānanāṃ. Tathā hesā puna sañjānanapaccayakaraṇarasā. **Matta**-saddena visesanivattiatthēna vijānanappaajānanākāre nivatteti, **eva**-kārena kadācīpi imissā te visesā na santiyevāti avadhāreti. Tenāha “**lakkhaṇappaṭivedha**”ntiādi. “Aniccaṃ dukkhamanattā”ti lakkhaṇappaṭivedhaṃ kātuṃ neva sakkoti, viññāṇakiccampi kātuṃ na sakkoti, saññā kuto paññāciccaṃ kareyyāti lakkhaṇappaṭivedhaṃ kātuṃ na sakkoticeva vuttaṃ, na vuttaṃ “maggāṃ pāpetuṃ na sakkotī”ti.

1176. Viññāṇaṃ pana ārammaṇe pavattamānaṃ na tattha saññā viya nīlapītādikassa sañjānanavaseneva pavattati, atha kho taṃ tattha aniccatādivisesaṃ, aññaṇca tādisaṃ visesaṃ jānantameva pavattatīti āha “**viññāṇaṃ panā**”tiādi. Kathaṃ pana viññāṇaṃ lakkhaṇappaṭivedhaṃ karotīti? Paññāya dassitamaggena. Lakkhaṇārammaṇikavipassanāya hi anekavāraṃ lakkhaṇāni paṭivijjhivā pavattamānāya paṇḍabhāvato paricayavasena ṇānavippayuttacittenapi vipassanā sambhavati, yathā taṃ paṇḍassa ganthassa sajjhāyane ṇāyāgatāpi vārā na viññāyanti. **Lakkhaṇaṃ paṭivijjhītunti** ca lakkhaṇānaṃ ārammaṇakaraṇaṃ sandhāya vuttaṃ, na paṭivijjhaṇaṃ.

1177. Ussakkivāti 220 udayabbayādiññāpaṭipāṭiyā ārabhitvā maggaṃ pāpetumeva taṃ viññāṇaṃ na sakkoti asambohasabhāvattā. **Vuttanayanti** viññāṇe vuttanayaṃ. Sā hi ārammaṇaṇca jānāti, lakkhaṇaṇca paṭivijjhati. Attano pana anaññasādhāraṇena ānubhāvena maggaṃ pāpetuṇca sakkoti. Bālagāmikahearaññikānaṃ kahāpaṇajānanamiva ca nesāṃ ārammaṇajānanāṃ veditabbaṃ. Yathā hi hearaññikaphalake ṭhapitaṃ kahāpaṇarāsīṃ eko asañjātavohārabuddhi bāladārako, eko gāmikapuriso, eko hearaññikoti tīsu janesu passamānesu bāladārako kahāpaṇānaṃ cittavicittādiḥarassacaturassaparimaṇḍalabhāvamattameva jānāti, “idaṃ manussānaṃ upabhogaparibhogāvahaṃ ratanasammata”nti na jānāti. Gāmikapuriso tadubhayaṃ jānāti, “ayaṃ cheko mahāsāro, ayaṃ kūṭo, ayaṃ aḍḍhasāro, ayaṃ pādasāro”tiādikaṃ pana vibhāgaṃ na jānāti. Heraññiko sabbepe te pakāre jānāti, jānanto ca oloketvāpi jānāti, ākoṭitasaddaṃ sutvāpi jānāti, gandhaṃ ghāyitvāpi rasaṃ sāyitvāpi hatthēna dhārayitvāpi “asukasmim gāme vā nigame vā nagare vā pabbate vā nadītīre vā kato”tipi “asukaācariyena kato”tipi jānāti. Tattha **saññā** asañjātavohārabuddhino bāladārakassa kahāpaṇadassanaṃ viya vibhāgaṃ akatvā piṇḍavaseneva ārammaṇaṃ gaṇhāti nīlādivasena ārammaṇassa upaṭṭhānākāraggaṇato, **viññāṇaṃ** gāmikapurissa kahāpaṇadassanaṃ ekaccavisesaggahaṇasamatthāya, **paññā** anavasesaggahaṇasamatthāya hearaññikassa kahāpaṇadassanaṃ gaṇhāti.

1178-80. Sabhāvapaṭivedhananti sako bhāvo, samāno vā bhāvo sabhāvo, tassa paṭivedhanaṃ ṇātāpariññātīraṇāpariññāvasena sabhāvasamāññālakkaṇappaṭivedhanaṃ. Ghaṭapaṭādiṭṭhācchādakassa bāhirandhakārassa dīpāloko viya yathāvuttadhammasabhāvapaṭicchādakassa viddhaṃsanarasā. Uppajjamānoyeva hi ṇāṇāloko hadayandhakāraṃ vidhamento uppajjati āha “**sammohanandhakārassa, viddhaṃsanarasā matā**”ti. Tatoyeva sabbadhammesu asammuyhanākārena paccupattiṭṭhāti, kāraṇabhūtā vā sayāṃ phalabhūtāṃ asammohaṃ paccupattiṭṭhāpetīti āha “**asammohapaccupattiṭṭhānā**”ti. Vipassanāpaññāya idhādhippetattā samādhi tassā padaṭṭhānaṃ. Tathā hi “samāhito yathābhūtāṃ pajānāti”ti (saṃ. ni. 3.5; 4.99; 5.1071; a. ni. 11.2) suttapadanti āha “**samādhāsannakāraṇā**”ti.

1181-2. Dhammasabhāvapaṭivedho nāma paññāya āveṇiko sabhāvo, na tenassā koci vibhāgo labbhatīti āha “**lakkhaṇenekadhā vuttā**”ti. Lujjanapalujjanatṭhena loko vuccati vaṭṭaṃ, tappariyāpannatāya loka niyuttā, tattha vā viditāti **lokikā**. Tattha aperiyaṇannattā **alokikā**. Katamā panettha lokiyā, katamā lokuttarā cāti āha “**lokiyenā**”tiādi. Lokiyakusalacittuppādesu maggasampayuttā **lokiyena maggena yuttā**. Visesto pana dīṭṭhivissuddhiādivissuddhicatukkasaṅgahitamaggasamyuttā samudāye pavattā paññā tadekadesesupi pavattatīti magga-gahaṇaṃ kataṃ, paccekampi vā sammādiṭṭhiādināṃ maggasamaññāti katvā. Lokato uttarā uttiṇṇāti **lokuttarā**. Lokuttarāpi hi maggasampayuttā bhāvetabbā, vipassanāpariyosāne labbhatevāti lokuttara-ggaṇaṃ na virujjhati. Tenāha “**lokuttarenā**”tiādi. **Sutamayāditoti**ādiggaṇaṇa bhāvanāmayāṃ saṅgaṇhāti.

1183-5. Attanova cintāyāti tassa tassa anavajjassa atthassa sādhanē paropadesena vinā attano upāyacintāvaseneva. **Bhūripaṇṇenāti** mahāpaññena, patthaṭatāya pathavīsamānappaññena vāti attho. **Parato pana sutvānāti** parato upadesaṃ sutvā. **Suteneva ca nipphannāti** antogatahetvatthamidaṃ visesanaṃ, suteneva nipphannattāti attho. “Nipphannattā sutena vā”ti vā pāṭho. **Yathā vāpi tathā vāti** parato sutvā vā asutvā vā. **Appanāpattāti** idaṃ sikhāpattāṃ bhāvanāmayāṃ dassetuṃ vuttaṃ, na pana appanāpattāva bhāvanāmayāti. Tissopi panetā paññā pāḷivasena evaṃ veditabbā –

“Tattha katamā cintāmayā paññā? Yogavīhitesu vā kammāyatanesu yogavīhitesu vā sippāyatanesu yogavīhitesu vā vijjāthānesu kammassakatam vā saccānulomikam vā rūpaṃ aniccanti vā, vedanā, saññā, saṅkhārā, viññānaṃ aniccanti vā, yaṃ evarūpaṃ anulomikam khantiṃ diṭṭhiṃ ruciṃ mudim pekkham dhammanijjhānakkhantiṃ parato asutvā paṭilabhati, ayaṃ vuccati cintāmayā paññā. Tattha katamā sutamayā paññā...pe... sutvā paṭilabhati, ayaṃ vuccati sutamayā paññā. Sabbāpi samāpannassa paññā bhāvanāmayā paññā”ti (vibha. 768).

Ettha ca kiñcāpi kammāyanādivasena cintāmayasutamayapaññā mahaggatalokuttaravasena bhāvanāmayapaññā ca vuttā, idha pana antimabhavikānaṃ dvinnāṃ bodhisattānameva labbhamānā cintāmayabhūtā saccānulomikā paññā, pūritapāramīnaṃ avasesamahāpaññānaṃ labbhamānā sutamayā saccānulomikā paññā, lokuttarapanāpattāpi bhāvanāmayapaññāva adhippetā.

1186. Paṭisambhidācatukkassāti atthadhammaniruttipaṭibhānasāṅkhātassa paṭisambhidācatukkassa vasena. Nanu cettha vipassanāpaññā adhippetā, kasmā paṭisambhidā āhaṭāti? Vipassakānaṃ nānapātavatthaṃ paññāppabhede niddisiyamāne paṭisambhidāpaññāpi vattukāmatāya, paṭisambhidāpaññāya vā vipassanāphalabhūtattā lokiyalokuttarapaññādhikāre vā lokuttarapaññāya saha pāpuṇitabbaṃ paṭisambhidāpaññāmpi vattukāmatāya idheva vuttāti. **Atthadhammaniruttisu nāṇanti** “atthe nāṇaṃ atthapaṭisambhidā, dhamme nāṇaṃ dhammapaṭisambhidā, tatra dhammaniruttābhilāpe nāṇaṃ niruttipaṭisambhidā”ti (vibha. 718) evamāgataṃ atthādīsu tīsu pabhedagataṃ nāṇattayaṃ. **Tīsupīti** yathāvuttesu tīsupi paṭisambhidāñāṇesu gocarakiccalakkhaṇarasapaccupaṭṭhānapadaṭṭhānabhūmiādivasena te ārammaṇaṃ katvā paccavekkhantassa imāni nāṇāni idamatthajotakānīti evaṃ pabhedagataṃ nāṇaṃ, parittamahaggataappamāṇavasena vā tīsu nāṇesu nāṇaṃ. Paṭisambhidārammaṇampi hi paṭibhānapaṭisambhidā hoti. Teneva ca **suttantabhājanīyapāliyaṃ** “ñāṇesu nāṇa”nti, **aṭṭhakathāya** ca “sabbatthakañāṇaṃ ārammaṇaṃ katvā nāṇaṃ paccavekkhantassa pabhedagataṃ nāṇa”nti (vibha. aṭṭha. 718) avisesena vuttaṃ. Evañca katvā mahaggatapaṭisambhidāñāṇassa abhāvepi niruttipaṭisambhidā parittārammaṇā, tīso paṭisambhidā siyā parittārammaṇā, siyā mahaggatārammaṇā, siyā appamāṇārammaṇāti paṭibhānapaṭisambhidāya mahaggatārammaṇatāpi pañhāpucchakapāliyaṃ vuttā.

Abhidhammabhājanīye pana –

“Yasmiṃ samaye kāmāvacaraṃ kusalaṃ cittaṃ uppannaṃ hoti somanassasahagataṃ nāṇasampayuttaṃ rūpārammaṇaṃ vā...pe... dhammārammaṇaṃ vā, yaṃ yaṃ vā panārabbha, tasmīṃ samaye phasso hoti...pe... avikkhepo hoti. Ye vā pana tasmīṃ samaye aññepi atthi arūpino dhammā, ime dhammā kusalā. Tesu dhammesu nāṇaṃ dhammapaṭisambhidā. Tesam vipāke nāṇaṃ atthapaṭisambhidā. Yāya niruttiyā tesam dhammānaṃ paññāti hoti, tatra dhammaniruttābhilāpe nāṇaṃ niruttipaṭisambhidā. Yena nāṇena tāni nāṇāni jānāti ‘imāni nāṇāni idamatthajotakānī’ti, tesu nāṇesu nāṇaṃ paṭibhānapaṭisambhidā”ti (vibha. 725) –

Cittuppādakkamena desanāya pavattattā sāvaseso pāṭho kato. Cittuppādasāṅgahite atthe asesetvā desanā hi abhidhammabhājanīye pavattā, na sabbañeyyeti yathādassitavisayavacanavasena “yena nāṇena tāni nāṇāni jānāti”ti vuttaṃ, na taṃ aññārammaṇataṃ paṭisedheti desanāya atapparabhāvato. Evañca katvā tattha nibbāne, anāgatepi atthapaṭisambhidā siyā na vattabbā atītārammaṇātipi anāgatārammaṇātipi paccuppannārammaṇātipi atthapaṭisambhidāya nibbānārammaṇatā vuttā. Ettha ca **atthoti** saṅkhepato hetuphalassetam adhivacanaṃ. Hetuphalāñhi yasmā hetuanusārena arīyati adhigamīyati sampāpuṇīyati, tasmā atthoti vuccati. **Dhammotipi** saṅkhepato paccayassetam adhivacanaṃ. So hi yasmā taṃ taṃ dahati pavatteti, sampāpuṇitum vā dhāreti, tasmā dhammoti vuccati. **Niruttīti** sattānaṃ mūlabhāsābhūtā māgadhiabhāsā, yāya buddhānaṃ desanā hoti. **Paṭibhānanti** heṭṭhā vuttaṃ nāṇattayameva. Vuttañhetam abhidhamme “dukkhe nāṇaṃ...pe... tassa vipāke nāṇaṃ atthapaṭisambhidā”tiādi.

1187. Yasmā panāyaṃ saṅkhepatthova, pabhedavasena ca vuccamāno pākaṭo hoti, tasmā taṃ saṅgahetvā pabhedatova atthādike dassetuṃ “**yaṃ kiñci paccayuppanna**”ntiādi āradhamaṃ. **Yaṃ kiñci paccayuppannanti** yaṃ kiñci hetādipaccayato samuppannaṃ. Taṃ pana “idaṃ ito nibbatta”nti evaṃ hetuanusārena viññāyamānameva idha adhippetam, tathā kusalākusalaphalabhūtā vipākā abyāpārasantivasena viññāyamānā, sesā abyāpārabhūtā kiriya dhammā avipākasantivasena, asaṅkhatam nissaraṇabhūto nirodho nibbutisantivasena, buddhavacanaatthabhūto khandhādiparamatthadhammo imāya ayaṃ dīpitoti evaṃ pālianusārena viññāyamānova atthasamaññaṃ labhatīti āha “yaṃ kiñci paccayuppanna”ntiādi. Tattha hetuphalaṃ, bhāsitattho ca sakasakahetupaṭibaddho, bhāsitapaṭibaddho ca viññāyatīti pariyāyato, sesam sakasakabhāvavaseneva viññāyatīti nipariyāyatova attho nāma. Tattha pariyāyattho suttantabhājanīyavasena vutto, nipariyāyattho abhidhammabhājanīyavasenāti daṭṭhabbaṃ. Bhāsitanti pālidhammāha. Sesam atthapañcikesu vuttanayena yathārahaṃ yojetvā veditabbaṃ.

Ettha ca nibbānaṃ pattabbo attho, bhāsitattho ñāpetabbo attho, itaro nibbattetabbo atthoti tividho hoti attho. Maggo sampāpako hetu, bhāsitaṃ ñāpako hetu, itaraṃ nibbattako hetūti evaṃ tividho hotīti daṭṭhabbaṃ. Kiriyādhammāñcettha avipākatāya dhammabhāvo na vutto. Yadi evaṃ vipākā na hontīti atthabhāvo na vattabbo? Na, paccayuppanabhāvato. Evaṃ sati kusalākusalānaṃ paccayuppanattā atthabhāvo āpajjati? Nāyaṃ doso appaṭisiddhattā. Vipākassa pana padhānahetutāya pākābhāvato dhammabhāvo eva tesam vutto, kiriyānaṃ paccayabhāvā dhammabhāvo āpajjati ce? Nāyaṃ doso appaṭisiddhattā. Kammaphalāsambandhassa pana hetubhāvābhāvato dhammabhāvo na yuttoti. Apica “ayaṃ imassa paccayo, ayaṃ paccayuppanno”ti evaṃ bhedamakavā kevalaṃ kusalākusale vipākakiriyadhamme ca paccavekkhantassa dhammatthapaṭisambhidā na hontīti tesam atthadhammatā vuttāti daṭṭhabbaṃ.

1189. Sabhāvaniruttī aviparītaniruttī, aviparītaniruttī tassa tassa atthassa bodhane sabbakālaṃ paṭiniyatasambandho abyabhicāravohāro māgadhabhāsāti vuttaṃ hoti. Sā hi sabbakālaṃ paṭiniyatasambandho, itarā bhāsā pana kālantarena parivattanti. Atthato panesā nāmapaññattīti ācariyā. Yathāhu –

“Niruttī māgadhā bhāsā, atthato nāmasammutī”ti.

Apare pana – yadi sabhāvaniruttī paññattisabhāvā, evaṃ sati paññatti abhilapitabbā, na vacananti āpajjati, evañca sati “tatra dhammaniruttābhilāpe ñānaṃ niruttipaṭisambhidā”ti idaṃ na sakkā vuttuṃ, abhilapitabboti abhilāpo. Na hi vacanato aññaṃ abhilapitabbā uccāretabbā atthi, atha phassādivacanehi bodhetabbā abhilapitabbā, evañca sati atthadhammānaṃ bodhetabbā tesampi niruttibhāvo āpajjati, apica **aṭṭhakathāyaṃ** “phassoti ca sabhāvaniruttī, phassā phassanti na sabhāvaniruttī”ti (vibha. aṭṭha. 718) vacanato viññattivikārasahito saddo niruttīti dassitameva, “taṃ sabhāvaniruttisaddaṃ ārammaṇaṃ katvā paccavekkhantassa tasmim sabhāvaniruttābhilāpe pabhedagataṃ ñānaṃ niruttipaṭisambhidā, evamayāṃ niruttipaṭisambhidā saddārammaṇā nāma jātā, na paññattīārammaṇā”ti ca **aṭṭhakathāyaṃ** (vibha. aṭṭha. 718) vuttattā niruttisaddārammaṇāya sotaviññānavīthiyā parato manodvāre niruttipaṭisambhidā pavattati, evañca katvā “niruttipaṭisambhidā parittārammaṇā”ti vacanaṃ upapannaṃ hotīti vadanti. **Ācariyajotipāl**therādayo panāhu – “niruttipaṭisambhidā paccuppanārammaṇā”ti vacanaṃ paccuppanaṃ saddaṃ gahetvā pacchājānaṃ sandhāya vuttaṃ, evañca sati aññaṃ paccuppanārammaṇe aññaṃ paccuppanārammaṇanti vuttanti āpajjati, yathā pana dibbasotaññaṃ manussāsiddhabhedanicchayassa paccayabhūtaṃ taṃtaṃsaddavibhāvakaṃ, evaṃ sabhāvāsabhāvaniruttinicchayassa paccayabhūtaṃ paccuppanasabhāvaniruttisaddārammaṇaṃ taṃvibhāvakaṃ ñānaṃ niruttipaṭisambhidāti vuccamāne na koci pālji virodho, taṃ sabhāvaniruttisaddaṃ ārammaṇaṃ katvā paccavekkhantassāti ca paccuppanasaddārammaṇapaccavekkhaṇaṃ pavattentassāti na na sakkā vuttuṃ. Tampi hi ñānaṃ sabhāvaniruttim vibhāventameva taṃtaṃsaddapaccavekkhaṇānantaraṃ taṃtaṃpabhedanicchayassa hetubhāvato niruttim bhindantaṃ paṭivijjhantameva uppajjati ca pabhedagataṃ hotīti.

1190. Tividhanti idaṃ heṭṭhā vibhāvitāyamevāti. **Paccavekkhatoti** imāni ñānāni idamatthajotakānīti asammoahasena paccavekkhantassa. Nanu ca tīṇi ñānāni atthadhammasabhāvaṃ nātivattantīti ñānesu ñānaṃ atthapaṭisambhidā, dhammapaṭisambhidā ca hoti, kasmā pana “tesu...pe... mata”nti visuṃ vuttanti? Sārammaṇesu tīsu ñānesu pavattaññaṃ adhippetattā. Yañhi ñānārammaṇaṃ ñānaṃ tassa ārammaṇampi asammoahasena paṭivijjhantameva pavattati, taṃ idha paṭibhānapaṭisambhidā nāma. Evañca katvā vuttaṃ “imāni ñānāni idamatthajotakānī”ti. Nānamattārammaṇaṃ pana ñānaṃ atthapaṭisambhidāyeva. Ettha ca kiñcāpi ayaṃ paṭisambhidā sārammaṇesu ñānesu pavattati, ārammaṇānaṃ pana pabhedam heṭṭhā ñānattāyameva vibhāveti. Yathā kiṃ? Yathā dhammadesanāya asamatto bahussuto kiñcāpi dhammakathikena kathetabbā dhammaṃ jānāti, desanā pana dhammakathikasēva visayoti, evaṃsāmpadamidaṃ daṭṭhabbaṃ. Imāsu pana pacchimānaṃ tissanaṃ sekhāsekkhamaggakkhaṇe asammoahasena paṭivedho hoti, atthapaṭisambhidāya ārammaṇakaraṇavasēnapi. Tathā hi sā maggaphalāsabhāvāpi hoti. Evañca katvā sā lokiyalokuttarā, sesā tisso lokiyāva. Tenāhu porāṇā –

“Lābho tāsamasammohā, sekhāsekkhapaṭhakkhaṇe;
Atthapaññā yathā lambā, sā dvidhāññā tu sāsavā”ti.

1191. Imā pana catasso paṭisambhidā pañcahi ākārehi visadabhāvaṃ gacchantīti dassetuṃ “**pariyatti**”tiādi āradhā. Tattha **pariyatti** nāma buddhavacānassa pariyaṇaṇaṃ, pālīaṭṭhakathāsu gaṇṭhipadaatthapadavinicchayakathā **paripucchā** parito sabbato ñātuṃ pucchati katvā. **Savanaṃ** sakkaccaṃ aṭṭhiṃ katvā sotaviññāvasēna gahaṇaṃ, **adhigamo** magguppatti. **Aṭṭhakathāyaṃ** pana “adhigamo nāma arahattamagguppatti”ti (vibha. aṭṭha. 718) vuttaṃ. Taṃ sekhābhūmiyaṃ pabhedagamaṇaṃ appavisayaṃ, asekhābhūmiyaṃ bahuvīsayaṃ katvā vuttaṃ. Sātīsaṃ vā adhigamaṇaṃ sandhāyeva vuttaṃ. Sekhena pattānaṃ pi imāsaṃ arahattappattiyā visadabhāvādhigamoti. Pubbayogo viya pana arahattappatti arahatopi paṭisambhidāvisadatāya paccayo na na hotīti pañcānaṃ pi yathāyogaṃ sekhāsekkhapaṭisambhidāvisadatāya kāraṇatā yojetabbā. **Pubbayogo**

nāma pubbabuddhānaṃ sāsane gatapaccāgatikabhāvena yāva anulomagotrābhusamīpaṃ, tāva vipassanābhīyogo. Adhigamaṃpubbayogā cettha anuppannaṃ uppādentī, uppannañca visadaṃ karonti, sesāni pana suvisadabhāvasseva paccayāti daṭṭhabbaṃ.

1192-4. Evaṃ ekavidhādivasena paññāya pabhedāṃ dassetvā idāni bhāvanāvidhānaṃ vibhāvetuṃ “**kathaṃ bhāvetabbā**”tiādi āradhāṃ. Tattha yasmā imāya paññāya khandhādayo dhammā bhūmi, sīlavisuddhi ceva cittavisuddhi cāti imā dve visuddhiyo mūlaṃ, diṭṭhivisuddhi kaṅkhāvitaraṇavisuddhi maggāmaggañānadassanavisuddhi paṭipadāñānadassanavisuddhi ñānadassanavisuddhīti imā pañca visuddhiyo sarīraṃ, tasmā tesu bhūmibhūtesu dhammesu uggahaparipucchāvasena ñānaparicayaṃ katvā mūlabhūtā dve visuddhiyo sampādetvā sarīrabhūtā pañca visuddhiyo sampādentena bhāvetabbāti dassetuṃ “**khandhādīsū**”tiādi āradhāṃ. **Khandhādīsūti** khandhāyatanaadhātuindriyapaṭiccasamuppādādibhedesu. **Bhūmibhūtesu cāti** lakkhaṇādiggahaṇavasena ñānassa pavattiṭṭhānabhūtesu. **Sīlaṃ cittavisuddhinti** mūlabhūtaṃ sīlavisuddhiṃ, cittavisuddhiñca. Sati hi sīlavisuddhiyaṃ, cittavisuddhiyañca ayaṃ paññā mūlajātā nāma hoti, nāsati. **Diṭṭhivisuddhādayo pañcāti** upabrūhetabbattā sarīrabhūtā diṭṭhivisuddhiādayo pañca. Imissā hi paññāya santānavasena pavattamānāya pādapañisīsaṭṭhāniyā diṭṭhivisuddhiādayo imā pañca visuddhiyo avayavena samudāyūpalakkhaṇanayena sarīranti veditabbā. **Tāya paññāyāti** uggahaparipucchādivasena khandhādīsū dhammesu pavattapaññāya. **Janañāditoti** jātijarāmarañādihi.

1195-6. “Bhāvetabbā”ti vatvā idāni yasmā khandhādībhūmīsū sīlavisuddhicittavisuddhisāṅkhātehi mūlehi suppatiṭṭhitena pañcavisuddhisāṅkhātasarīrassa vaḍḍhaneneva paññāvāḍḍhanā nāma hoti, tasmā vipassanāpaññāya bhūmibhūtesu khandhādīsū ekadesadassanattaṃ “**rūpañcā**”tiādi vuttaṃ. **Tatthāti** tesu pañcasu khandhesu. **Yaṃ kiñcīti** anavasapariyādānaṃ. **Atītānāgatādīkanti**tiādinā pana tadeva ekādasasu okāsesu pakkhipitvā dasseti. **Ādi-gahaṇena** paccuppanassa gahaṇaṃ.

1197-1200. **Hīnanti**tiādisū akusalakammasamuṭṭhānatāya **hīnaṃ**, kusalakammasamuṭṭhānatāya **paṇītaṃ**. Akusalavipākupattihetubhūtāyā vā **hīnaṃ**, vipariyāyena **paṇītaṃ**. Duppariggahabhūtasukhumarūpādivasena **dūraṃ**, itaravasena **santikanti**tiādinā attho veditabbo. **Sabbaṃ taṃ ekato katvāti** atītādivibhāgabhinnaṃ sabbaṃ taṃ rūparāsivasena buddhiyā ekajjhaṃ gahetvā “mahāudakakkhandho”tiādisū viya “rāsattṭhena rūpakkhandho”ti vuccati. **Suttepi** hi vuttaṃ “tadekajjhaṃ abhisamyūhitvā abhisāṅkhipitvā”ti. **Vedanākkhandhoti**tiādisūpi eseva nayo. Ekekesu pana vedanādisū “samuddo mayā diṭṭho”tiādisū viya samudāyavohārassa avayavepi dissanato khandha-saddo ruḷhīvasena pavattati daṭṭhabbaṃ. Yaṃ taṃ kiñci vedayitalakkhaṇanti sambandho. Vedanākkhandhoyeva **vedanākkhandhatā**. Vedanāya atītādivibhāge vitthārahāthā **visuddhimaggato** (visuddhi. 2.497 ādayo) gahetabbā. **Abhisāṅkhāralakkhaṇanti** saṅkhāralakkhandhassa cetanāpadhānatāya evaṃ vuttaṃ, sampayuttadhamme ārammaṇe rāsikaraṇalakkhaṇaṃ sampiṇḍanalakkhaṇanti vuttaṃ hoti. Atha vā “saṅkhatamabhisāṅkharonti”ti (saṃ. ni. 3.79) vuttattā yathā attano phalasaṅkhatamā sammadeva nippannaṃ hoti, evaṃ abhisāṅkharāṇasabhāvanti attho. Ayaṃ pana kusalākusalacetanāya vasena vaṭṭati.

1202-5. Evaṃ vipassanāpaññāya bhūmibhūte dhamme ekadesato dassetvā idāni sīlacittavisuddhīnaṃ heṭṭhā vuttattā tā avatvā idaṃ paññābhāvanāya ādibhūtaṃ diṭṭhivisuddhiṃ dassetuṃ “**cattāro ca mahābhūtā**”tiādi āradhāṃ. Taṃ sampādetukāmena ca yogāvācarena catudhātuvavattānavasena vā dvādasāyatānavasena vā pañcakkhandhavasena vā ubhinnaṃ saṅkhepakotṭhāsānaṃ vasena vā paṭiladdhājjhānavasena vā nāmarūpassa vavattāpetabbabhāvepi tena tena mukhena vavattānappakāsanassa atīpapañcāvahattā yathādhigatakkhandhavaseneva idha vavattānaṃ dassitaṃ. **Ekāsītiyā cittenāti** ekāsītiyā lokiyacittena. Lokuttaracittāni pana neva sukkhavipassakassa, na samathayānikassa pariggahaṃ gacchanti anadhigatattā. **Cattārorūpino khandheti** cattāro arūpino khandhe. Sītuṇhādivirodhipaccayasamavāye vikārapajjanato **rūpaṃ rupanalakkhaṇaṃ**. Ārammaṇābhīmukhaṃ namanato **nāmaṃ namanalakkhaṇaṃ**. **Parigaṇhatīti** paricchedakārikāya paññāya paricchinditvā gaṇhāti.

1206-9. **Tālassa kandaṃ tu yamakanti** dvīhi bījehi nibbattitaṃ ekībhūtaṃ yamakātālakandaṃ. Tañhi yamaṃ bhinnasantānampi abhinnaṃ viya upaṭṭhāti, evaṃ rūpārūpadhammāti. **Nāmañca rūpañcāti** eteneva tassa duvidhabhāve siddhe “**dvidhā vavattāpeti**”ti idaṃ nāmarūpavinimuttassa aññassa abhāvadassanattaṃ. Tenevāha “**nāmato rūpato**”tiādi. Nāmarūpamattatāya avinichitattā, santānādighanabhedassa ca akatattā abhinivesena vinā samūhekattaggahaṇavasena “satto”ti pavatto sammoho **sattasammoho**, tassa **ghātattaṃ** vikkhambhanattaṃ. **Bahusuttavasenāti** “yathā hī”tiādinā idha dassitānaṃ, aññesañca “rūpañca idaṃ, mahāli, attā abhavissa, nayidaṃ rūpaṃ ābādhāya saṃvatteyyā”ti (mahāva. 20; saṃ. ni. 3.59) evamādinā sambahulānaṃ **suttantānaṃ** vasena. **Tanti** taṃ nāmarūpaṃ.

1210-2. **Āngasambhārāti** āngasambhārahetu tannimittaṃ amuñcitvā sati eva tasminti attho. **Saddoti** vohāro.

Khandhesūti pañcasu upādānakkhandhesu **santesu** te amuñcivāva **sattoti sammuti** vohāro. Idam vuttam hoti – yathā akkhacakkapañjarāśādisu aṅgasambhāresu ekenākārena ekajjham rāsi hutvā saññitesu “ratho”ti vohāramattam hoti, paramatthato pana ekekasmim aṅge upaparikkhiyamāne ratho nāma natthi, evameva upādānakkhandhasaṅkhātesu rūpārūpadhammesu santānavasena pavattamānesu “satto”ti vā “puggalo”ti vā “jīvo”ti vā vohāramattam, paramatthato pana ekekasmim dhamme upaparikkhiyamāne “asmī”ti vā “aha”nti vā gāhassa vatthubhūto satto nāma natthi, kevalam nāmarūpamattameva atthīti. Evaṃ passato hi dassanam yathābhūtaḍḍassanaṃ nāma hoti, yaṃ diṭṭhivisuddhīti vuccati. Sace koci satto nāma natthi, kathañcarahi nāmarūpamatte gamanādiatthakiccāsiddhatā hotīti anuyogaṃ sandhāyāha “**yathāpi**”tiādi. Ayaṃ panettha saṅkhepattho – yathā **dārumayaṃ yantam nijjivam** jīvavirahitam abbhantare vattamānassa jīvassa abhāvato tato yeva **nirīhakaṃ** nibyāpāraṃ, atha ca pana **dārumajjusamāyoge** paccayavisesavasena **taṃ** dāruyantam **gacchatipi tiṭṭhatipi**, sajīvam sabyāpāraṃ viya gamanādikiccaṃ sādhetamiva khāyati, **tathā idam nāmarūpampi** kiñcāpi nijjivam nirīhakañca, atha ca pana **aññamañña**saṅkhatapaccayavisesassa **samāyoge** sajīvam sabyāpāraṃ gacchantam tiṭṭhantañca khāyatīti.

1213. Saccatoti bhūtato, paramatthatoti vuttam hoti. **Idam nāmarūpaṃ abhisāṅkhatam yantamiva suññaṃ** jīvādinā. Paccayehi abhisāṅkhatam idam nāmarūpaṃ yantamiva suññanti vā sambandho. **Dukkassa puñjoti** niccāturatāya dukkassa rāsi. **Tiṇakaṭṭhasādisoti** attasuññatāya tiṇakaṭṭhasamo.

1215. Yamakanti yugaḷam. So ca yamakabhāvo aññamaññanissitabhāvenāti āha “**ubho aññoññanissitā**”ti. Tato eva **ekasmim bhijjamānasmim ubho bhijjanti**. Na hi kadāci pañcavokārabhave maraṇavasena rūpe nirujjhante arūpaṃ anirujjhantam, arūpe vā nirujjhante rūpaṃ anirujjhantam atthī. Ekavokārabhavacatuvokārabhavesu pana tesam aññamaññaṃ anissāya pavattiyā kāraṇam heṭṭhā vuttamevāti. So panāyaṃ bhaṅgo paccayavaseneva, paccayanirodheneva nāmarūpanirodhoti attho. **Paccayāti** paccayabhūtā, aññamaññaṃ paccayā hontāpi ekasmim bhijjamānasmim ubho bhijjantiyevāti attho.

1216-9. Nittejanti tejahīnam ānubhāvavirahitam. Yattha pana tam nittejam, tam dassetum “**na byāharati**”tiādi vuttam. Na hi aññathā saddahanussāhanādisu nāmam nittejanti sakkā vattum, nāpi rūpaṃ sandhāraṇābandhanādisu. Teneva hi “**tathā rūpampi nitteja**”nti vatvā “**bhuñjāmīti...pe... na vijjati**”ti vuttam.

1220-1. Nāmaṃ nissāyātiadinā byatirekavasenapi nāmarūpānam nittejatam yeva vibhāveti. Rūpañhi gamanādikiriyāsu **nāmaṃ nissāya** pavattati, nāmaṃ dassanādikiriyāsu **rūpaṃ nissāya**. Aññamaññaṃ sannissāya cassa attakiccāsiddhipi paccekam asamatthataṃ vibhāveti. Tathā hi nāmarūpassa attasuññatā, nibyāpāratā ca suṭṭhutaṃ pākaṭā hontīti. Katham pana paccekam asamatthānam samudītabhāve sati samatthatā hoti asāmaggiyaṃ ahetūnam sāmaggīyampi ahetukabhāvāpattito. Na hi paccekam daṭṭhum asakkantānam satampi sahasampi samudītam daṭṭhum sakkotīti codanam hadaye katvā āha “**imassa panā**”tiādi. Upamāyapi hi asiddho attho sādhetabbo. Tenevāha “upamaṃ te karissāmi, upamāyapi idhekacce viññū purisā bhāsitassa attham jānantī”ti (ma. ni. 1.258; a. ni. 8.8; 10.95; jā. 2.19.24). Ayaṃ panettha **jaccandhapīṭhasappīnam upamā** – yathā jaccandho ca pīṭhasappī ca disā pakkamitukāmā assu. Jaccandho pīṭhasappim evamāha “ahaṃ kho, bhaṇe, sakkomi pādehi pādakaraṇīyaṃ kātuṃ, natthi ca me cakkhūni, yehi samaṃ visamaṃ passeyya”nti. Pīṭhasappī jaccandham evamāha “ahaṃ kho, bhaṇe, sakkomi cakkhunā cakkhukaraṇīyaṃ kātuṃ, natthi ca me pādā, yehi abhikkameyyam paṭikkameyyam vā”ti. So tuṭṭhahaṭṭho jaccandho pīṭhasappim aṃsakūtam āropesi, pīṭhasappī jaccandhassa aṃsakūte nisīditvā evamāha “vāmaṃ muñca, dakkhiṇaṃ gaṇha, dakkhiṇaṃ muñca, vāmaṃ gaṇhā”ti. Tattha jaccandhopi nittejo dubbalo na sakena balena gacchati, tatheva pīṭhasappī na sakena balena gacchati, na ca tesam aññamaññaṃ nissāya gamanaṃ na pavattati, evameva nāmampi nittejam na sakena tejena uppajjati, na tāsū tāsū kiriyāsu pavattati, rūpampi nittejam na sakena tejena uppajjati, na tāsū tāsū kiriyāsu pavattati, na ca tesam aññamaññaṃ nissāya uppatti vā pavatti vā na hotīti. Tenāhu porāṇā –

“Na sakena balena jāyare,
Nopi sakena balena tiṭṭhare;
Paradhamavasānūvattino,
Jāyare saṅkhatā attadubbala.

“Parapaccayato ca jāyare, paraārammaṇato samuṭṭhitā;
Ārammaṇapaccayehi ca, paradhammehi cime pabhāvītā”ti. (visuddhi. 2.677);

1222-3. Idāni nāvāyantikūpamāyapi nāmarūpānam avasavattitam vibhāvetum “**yathā hi**”tiādigāthādvayaṃ vuttam. Tattha **nissāyāti** patiṭṭhāya. **Yantīti** gacchanti. **Manusse nissāyāti** netubhūte niyāmakakammakarādīmanusse apassāya. Na hi tesam araṇaggahaṇalankārasaññāpānaudakasiñcanādikiriyāya vinā nāvā icchitadesam pāpuṇāti, yathā pana ubhopi aññamaññaṃ nissāya **aṇṇave** gacchanti, evaṃ nāmañca rūpañca ubho aññamaññaṃ nissitā pavattantīti

adhippāyo.

1224. Sattasaññaṃ vinodetvāti yathāvuttanayehi anādikālabhāvitaṃ khandhapañcake sattaggāhaṃ vikkhambhetvā. **Nāma...pe... vuccatī** “idaṃ nāmaṃ, ettakaṃ nāmaṃ, na ito bhīyyo. Idaṃ rūpaṃ, ettakaṃ rūpaṃ, na ito bhīyyo”ti ca evaṃ sabbākārena tesam lakkhaṇasallakkhaṇamukhena tamatthabhāvadassanaṃ **etaṃ** attadiṭṭhimalavisodhanato **diṭṭhivisuddhīti vuccati** buddhādīhīti attho. Na kevalañcetam diṭṭhivisuddhiyeva vuccati, nāmarūpavavattāpanantipi etasseva adhivacananti vedītabbam. **Jātiādītoti** jātijarābyādīādīto dukkhato. Yathāha “jātipi dukkhā, jarāpi dukkhā, byādhipi dukkho, maraṇampi dukkhaṃ, yampicchaṃ na labhati, tampi dukkhaṃ, saṃkhittena pañcupādānakkhandhā dukkhā”ti (mahāva. 14; saṃ. ni. 5.1081; paṭi. ma. 2.30). **Antadvayanti** sassatucchedasañkhātāṃ antadvayaṃ. Atha vā sattassa accantaṃ atthibhāvasañkhātāṃ, tassa natthibhāvasañkhātāṃ **antadvayaṃ**. Paramatthato anupalabbhanato hi satto atthīti vajjitabbameva, lokasañketatova upalabbhanato natthītipi vajjitabbamevāti. Suṭṭhutaṃ parisuddhaṃ karotīti sambandho. **Diṭṭhigatāni malānīti** diṭṭhigatasañkhātāni malāni. **Asesaṃ** nissesato **nāsaṃ** vināsaṃ vikkhambhanaṃ **upenti**. Tathā hetam diṭṭhimalavisodhanato diṭṭhivisuddhīti vuccati.

Iti abhidhammatthavikāsinīyā nāma

Abhidhammāvātārasaṃvaṇṇanāya

Diṭṭhivisuddhiniddesaṃvaṇṇanā niṭṭhitā.

19. Ekūnavīsatiṃ paricchedo

Kaṅkhāvitaraṇavisuddhiniddesaṃvaṇṇanā

1227. Anantaraṃ niddiṭṭhāya diṭṭhivisuddhiyā visayabhāvena dassitattā “**etassā**”ti vuttaṃ, na tadaññāto visesanatthaṃ tadaññassa ca abhāvato. Ajjhataṃ vā hi vipassanābhīniveso hotu bahiddhā vā, atthasiddhiyaṃ pana lakkhaṇato sabbampi nāmarūpaṃ anavasesato pariggahitameva hotīti. **Jānitvā hetupaccayeti** hetupaccaye pariggaṇhitvā, hetupaccaye pariggaṇhanahetūti vuttaṃ hoti. Paccayapariggahaṇahetu hissa addhattaye kaṅkhāvitaraṇaṃ hotīti. **Vitaritvāti** atikkamitvā, vikkhambhetvāti attho. Taṃ pana ñāṇaṃ tathāvigataṃ vasibhāvappattaṃ jhānaṃ viya yogino santāne pabandhavasena pavattatīti katvā vuttaṃ “**ṭhita**”nti.

1229-30. Nāmarūpassa...pe... āvajjitvāti yathā nāma kusalo bhisakko rogaṃ disvā tassa samuṭṭhānaṃ pariyesati, yathā vā pana anukampako puriso kumāraṃ uttānaseyyaṃ rathikāya nipannaṃ disvā “kassa nu kho ayaṃ puttako”ti tassa mātāpitaro āvajjati, evamevaṃ **nāmarūpassa ko hetu, ko vā paccayo bhava**. Na tāvetam ahētukaṃ sabbattha, sabbadā, sabbesañca ekasadisabhāvāpattito, na issarādīhetukaṃ nāmarūpato uddham issarādīnaṃ abhāvato. Yepi nāmarūpamattameva issarādayoti vadanti tesam issarādīsāñkhātānāmarūpassa ahētubhāvāpattito, tasmā bhavitabbamassa hetupaccayehi, “ko nu kho”ti nāmarūpassa hetupaccaye āvajjitvāti attho. Evaṃ tāva katvā imassa nāmarūpassa hetupaccaye pariggaṇhantena oḷārikattā, supākaṭattā ca rūpassa paccayapariggaho sukarotīti paṭhamam tassa paccayapariggaho kātābbotīti dassento āha “**rūpakāyassā**”tiādi. Tattha yathā nāmarūpassa paccayapariggaho ahētuvīsamaahētuvādanivattiyā hoti, evaṃ nibbidāvirāgāvahabhāvena tattha tattha abhīratīnivattiyāpi icchitābbotīti taṃ dvattīmsākāravasena dassetaṃ “**kesā lomā**”tiādi vuttaṃ.

1232-3. Avijjā...pe... matoti avijjā taṇhā upādānaṃ kammanti idaṃ catubbidham dhammajātaṃ **etassa** yathāvuttassa **rūpakāyassa hetu**, catubbidho āhāro paccayoti attho. Kasmā pana purimaṃ hetu, itaro paccayoti codanaṃ sandhāya “**janako**”tiādiṃ vatvā taṃ lokavasena samatthetaṃ “**hetvaṅkurassā**”tiādi vuttaṃ. Tattha **janakoti**, **anupālakoti** ca antogatahetvatthamidam visesanaṃ, janakattā, anupālakattāti vuttaṃ hoti. Tattha **janakattāti** nibbattakattā. Iminā bījaṃ viya āṅkurassa avijjādayo rūpakāyassa asādhāraṇakāraṇatāya hetūti dassitaṃ. **Anupālakattāti** upatthambhakattā. Iminā pana āṅkurassa pathavīsālilādayo viya āhāro sādāraṇakāraṇatāya paccayoti dassitanti vedītabbam.

1234-7. Itime...pe... gatāti evamete avijjādayo pañca dhammā yathārahaṃ **hetubhāvaṃ**, **paccayabhāvañca** gatā. **Mātāva upanissayāti avijjā** bhavesu vijjāmanadosapaṭicchādanabhāvena, **taṇhā** patthanābhāvena, **upādānaṃ** dalhaggāhabhāvenāti evaṃ sañkhārābhavānaṃ hetubhūtā janakasahāyatāya bhavanīkantitaṃsahajātaāsannakāraṇattā abhisāñkhārikā, apassayabhūtā vāti mātā viya upanissayā honti. Yathā pitujanitasukke puttassa uppattīti **pitā** janako, evaṃ **kammaṃ** sattassa uppādakattā **janakanti** āha. Yathā **dhātī** jātassa **kumārassa** vaḍḍhitā sandhārikā, evaṃ **āhāro** uppānassa kāyassa brūhetā, sandhāro cāti vuttaṃ “**dhātī...pe... bhava**”ti. Kāmañcettha avijjādayo nāmakāyassāpi

paccayo, pakārantarena pana tassa pākaṭaṃ paccayapariggahavidhiṃ dassetuṃ “cakkhuñcā”tiādi vuttaṃ. Tattha **cakkhuñcāti ca**-saddo samuccayattho, tena cakkhuviññāṇassa āvajjanādiṃ ajjhattaṃ sabbaṃ paccayaajātaṃ saṅgaṇhāti. **Rūpamālokameva cāti** pana **ca**-saddena yathā bāhirarūpaṃ cakkhuviññāṇassa ārammaṇapaccayo, yathā ca āloko upanissayapaccayo, evaṃ aññampi bāhiraṃ paccayaajātaṃ saṅgaṇhāti. **Paṭiccāti** paccayabhūtaṃ laddhāti attho. Tena cakkhussa nissayapurejātaindriyavippayuttaatthiavigatavasena, rūpālokañāṇa yathāsambhavaṃ ārammaṇaupanissayapurejātaatthiavigatavasena, itaresaṇca saddasaṅgahitānaṃ anantarādisahajātādivasena paccayabhāvaṃ dasseti. **Ādi**-saddena phassādīnaṃ viya saha paccayehi sotaviññāṇādīnaṃ saṅgaho veditabbo. Evaṃ sammasanūpagaṃ sabbaṃ nāmaṃ saha paccayena saṅgahitaṃ hoti. Tenāha “**nāmakāyassa paccayaṃ parigaṇhāti**”ti.

1238-40. Divānāti etarahi pavattiṃ divā. **Tathevidanti** iminā na kevalaṃ sappaccayatāmattameva paccāmaṭṭhaṃ, atha kho yādisehi **etarahi** pavattati, tādisehi avijjāpaccayeveva **atītepi** pavattitthāti paccayasahitatāpi paccāmaṭṭhāti daṭṭhabbaṃ. **Pubbanteti** atītakhandhappabandhakoṭṭhāse. **Pañcadhāgatī** –

“Ahoṣiṃ nu kho ahamatītamaddhānaṃ, na nu kho ahoṣiṃ ahamatītamaddhānaṃ, kiṃ nu kho ahoṣiṃ ahamatītamaddhānaṃ, kathaṃ nu kho ahoṣiṃ ahamatītamaddhānaṃ, kiṃ hutvā kiṃ ahoṣiṃ nu kho ahamatītamaddhāna”nti (ma. ni. 1.18; saṃ. ni. 2.20; mahāni. 174) –

Pañcahi ākārehi **āgatā**, pavattā vā. **Aparanteti** anāgate khandhappabandhakoṭṭhāse. **Pañcadhā samudīritāti** –

“Bhavissāmi nu kho ahamanāgatamaddhānaṃ, na nu kho bhavissāmi ahamanāgatamaddhānaṃ, kiṃ nu kho bhavissāmi ahamanāgatamaddhānaṃ, kathaṃ nu kho bhavissāmi ahamanāgatamaddhānaṃ, kiṃ hutvā kiṃ bhavissāmi nu kho ahamanāgatamaddhāna”nti (ma. ni. 1.18; saṃ. ni. 2.20; mahāni. 174) –

Evaṃ pañcadhā kathitā.

1241. Paccuppannepi addhāneti etarahi paṭisandhiṃ ādiṃ katvā cutipariyante addhānepi. **Addhāna**-ggahaṇena cettha paccuppannakhandhakoṭṭhāsameva vadati. Na hi tabbinimutto añño koci kālo nāma atthīti. **Chabbidhā parikittitāti** –

“Ahaṃ nu khosmi, no nu khosmi, kiṃ nu khosmi, kathaṃ nu khosmi, ayaṃ nu kho satto kuto āgato, so kuhiṃ gāmī ca bhavissatī”ti (ma. ni. 1.18; saṃ. ni. 2.20; mahāni. 174) –

Evaṃ chabbidhā vuttā. “Sabbe tasanti daṇḍassā”tiādīsu (dha. pa. 129-130) viya padesepe sabba-saddassa pavattanato “**sabbā**”ti vatvāpi “**anavasesā**”ti vuttaṃ. Natthi etissā avaseso avasiṭṭhoti **anavasesā**, soḷasavidhāpi cesā ekakaṅkhāvasenāpi avasiṭṭhā hutvāti vuttaṃ hoti. **Pahiyyatīti** vikkhambhanavasena pahiyati. Kāmaṃ nāmarūpamattaṃ vinā sattassa adassanena diṭṭhivisuddhiyāva paccuppanne kaṅkhā pahīnā, atītānāgate kaṅkhānaṃ pahānena pana paccuppanne kaṅkhāya atisayappahānaṃ dassetuṃ idheva sā vuttā. Atha vā paccuppanne nissattanāmarūpassa paccayesu pavattakaṅkhāya idheva tīraṇato sā idha vuttā. Vaṇṇabhaṇaṇaṃ vā etaṃ idha paccuppannakaṅkhāya pahānavacanāṃ yathā taṃ sotāpattimaggādīsu pahīnānampi ca pañcannaṃ orambhāgiyānaṃ saṃyojanānaṃ pahānātiādīnaṃ anāgānimaggādīsu vacanānti.

1242. Kammavipākānaṃ vasenāpīti purimakammabhavasmiṃ moho avijjā, āyūhanaṃ saṅkhārā, nikanti taṇhā, upagamaṃ upādānaṃ, cetanā bhavo iti ime pañca dhammā purimakammabhavasmiṃ idha paṭisandhiyā paccayā, idha paṭisandhi viññāṇaṃ, okkanti nāmarūpaṃ, pasādo āyatanāṃ, phuṭṭho phasso, vedayitaṃ vedanā iti ime pañca dhammā idhūpappattibhavasmiṃ pure katassa kammaṃ paccayā, idha paripakkattā āyatanānaṃ moho avijjā...pe... cetanā bhavo iti ime pañca dhammā kammabhavasmiṃ āyatim paṭisandhiyā paccayāti evaṃ vuttānaṃ kammavattavipākavattānaṃ vasena. Kilesavattōpi cettha kammahāyātāya kammavatteneva saṅgahitoti daṭṭhabbaṃ.

1243. Diṭṭhadhammavedanīyanti ettha diṭṭhadhammo vuccati paccakkhabhūto paccuppanno attabhāvo, tattha veditabbaphalaṃ kammaṃ **diṭṭhadhammavedanīyaṃ**. **Upapajjāparāpariyāhosikammavasā panāti** upapajjavedanīyaaparāpariyavedanīyaahosikammavasena. Uttarapadalopavasena hi “upapajjāparāpariya”nti vuttaṃ. Tattha paccuppannabhavato anantaraṃ upapajjitvā veditabbaphalaṃ kammaṃ **upapajjavedanīyaṃ**. Apare apare diṭṭhadhammato aññasmim aññasmim yatthakatthaci attabhāve veditabbaphalaṃ kammaṃ **aparāpariyavedanīyaṃ**. Ahosi eva kammaṃ, na tassa vipāko ahosi, atthi, bhavissati cāti evaṃ vattabbakammaṃ **ahosikammaṃ**.

Paṭipakkhehi anabhibhūtātāya, paccayavisesena paṭiladdhavisēsātāya ca balavabhāvappattā tādissassa pubbābhisāṅkhārassa vasena sātīsayā hutvā pavattā **paṭhamajavanacetanā** tasmimyeva attabhāve phaladāyini

diṭṭhadhammavedanīyā nāma. Sā hi vuttākārena balavati javanasantāne guṇavisesayuttesu upakārānupakāravasappavattiyā, āsevanālābhena appavipākatāya ca itaradvayaṃ viya pavattasantānuparamāpekkhaṃ, okāsalābhāpekkhañca kammaṃ na hotīti idheva pupphamattaṃ viya pavattivipākamattaṃ ahetakaphalaṃ deti, sahetukaphaladāne pana paṭisandhiākaḍḍhanampi āpajjeyya. **Tathā asakkontanti** kammaṃ vipākadānaṃ nāma upadhippayogādipaccayantarasaṃvāyeneva hotīti tadabhāvato tasmīmyeva attabhāve vipākaṃ dātuṃ asakkontaṃ. **Ahosikammaṃ...pe... vipākoti** ettha “ahosi kamma”nti padaṃ viṣuṃ viṣuṃ yojettabbaṃ “ahosi kammaṃ nāhosi kammavipāko, ahosi kammaṃ na bhavissati kammavipāko, ahosi kammaṃ natthi kammavipāko”ti (paṭi. ma. 1.234). Tattha sakasakakālātikantassa upapajjavedanīyassa, diṭṭhadhammavedanīyassa ca vasena purimaṃ vuttaṃ. Tañhi kammaṃ, vipākakālassa ca atītattā tathā vattabbattaṃ labhati, dutiyaṃ anāgate arahattaṃ pāpuṇantassa purimabhavesu kataṃ adinnavipākaṃ aparāpariyavedanīyaṃ sandhāya vuttaṃ, tatiyaṃ pana anantarabhāve kataṃ upapajjavedanīyaṃ, arahato atītabhavesu kataṃ aparāpariyavedanīyañca sandhāya vuttaṃ. Apare pana “ekameva atītaṃ kammaṃ addhattaye vipākābhāvaṃ sandhāya tidhā vibhajitvā vutta”nti vadanti.

Atthasādhikāti dānādīpānātipātādīatthassa nipphādikā. Kā pana sāti āha “**sattamajavanacetanā**”ti. Sā hi sannīṭṭhāpakacetanā vuttanayena paṭiladdhavesā, paṭisandhiyā anantarapaccayabhāvino vipākasantānassa anantarapaccayabhāvena vā tathā abhisankhatā samānā anantarattabhāve vipākadāyīnī upapajjavedanīyaṃ nāma. Yebhuyyavuttiyā cettha “sattamajavanacetanā”ti vuttaṃ. Paccavekkhaṇavasitādīpavattiyāṃ pana pañcamādīkāpi hoti. **Vipākaṃ detīti** paṭisandhiṃ datvā pavattivipākaṃ deti, adinnaṃ paṭisandhikaṃ pana pavattivipākaṃ detīti natthi. Cutianantarañhi upapajjavedanīyassa okāsoti ācariyā. Paṭisandhiyā pana dinnāya jātisatepi pavattivipākaṃ deti. Tenāha bhagavā “tiracchānagate dānaṃ datvā sataguṇā pāṭikañkhitabbā”ti (ma. ni. 3.379). **Ubhinna...pe... detīti** yathāvuttakāraṇavirahato diṭṭhadhammūpapajjavedanīyabhāvaṃ asampattā pañca cetanā vipākadānasabhāvassa anupacchinnattā yadā okāsaṃ labhati, tadā paṭisandhivipākaṃ, pavattivipākaṃ vā deti. **Sati samsārappavattiyāti** iminā asati samsārappavattiyāṃ ahosikammapakke tiṭṭhati vipaccanokāsassa abhāvatoti dīpeti.

1244. Evaṃ tāva vipākadānakālavasena catubbidhaṃ dassetvā idāni vipākadānapariyāyato, kiccato ca catubbidhataṃ dassetuṃ “**garuka**”ntīdī vuttaṃ. Tattha **garukanti** mahāsāvajjaṃ, mahānubhāvañca aññena kammaṃ paṭibāhituṃ asakkuṇeyyakammaṃ. **Bahulanti** abhiñhaso kataṃ, ekavāraṃ katvāpi abhiñhasamāsevitañca. **Āsannanti** maraṇāsannakāle anussaritaṃ, tadā katañca. **Kaṭattākammanti** garukādībhāvaṃ asampattaṃ katamattatoyeva kammanti vattabbakammaṃ. Tattha kusalaṃ vā hotu akusalaṃ vā, garukāgarukesu yaṃ garukaṃ mātuḡhātakādīkammaṃ vā mahaggatakammaṃ vā, tadeva paṭhamaṃ vipaccati. Tathā bahulābahulesu yaṃ bahulaṃ susīlyaṃ dussīlyaṃ vā, tadeva paṭhamaṃ vipaccati. Dūrāsannesu yaṃ āsannaṃ maraṇakāle anussaritaṃ, teneva upapajjati. Āsannakāle kate ca vattabbameva natthīti. Kaṭattā pana kammaṃ punappaṇaṃ laddhāsevanaṃ purimānaṃ abhāve paṭisandhiṃ ākaḍḍhati. Iti garukaṃ sabbapaṭhamaṃ vipaccati. Tathā hi taṃ “garuka”nti vuttaṃ. Garuke asati bahulīkataṃ, tasmīpi asati āsannaṃ, tasmīpi asati kaṭattākammanti vuttaṃ “purimajātīsū katakammaṃ vipaccati”ti.

1245. Paṭisandhidānādivasena vipākasantānassa nibbattaṃ **janakaṃ**. Sukhadukkhasantānassa, nāmarūpappabandhassa vā ciratarappattihetubhūtaṃ **upatthambhakaṃ**. Tenāha “sukhadukkhaṃ upatthambheta, addhānaṃ pavatteti”ti. Sukhadukkhe pavattamāne bāvābhādhatādīpaccayūpanipātanena saṇikaṃ saṇikaṃ tassa vibādhaṃ **upapīlakaṃ**. Tenāha “sukhadukkhaṃ pīleti bādhati, addhānaṃ pavattituṃ na deti”ti. Tathā paṭipakkhakammavipākassa appavattikaraṇavasena upacchedakaṃ paṭibāhakaṃ **upaghātakaṃ**. Tenāha “tassa vipākaṃ paṭibāhitvā”ti.

Rūpañca arūpavipākakkhandho cāti rūpārūpavipākakkhandho, kammajarūpassāpi vipākapariyāyo atthīti “**rūpārūpavipākakkhandhe**”ti vuttaṃ. **Aññena kammanti** kusalena vā akusalena vā aññena kammaṃ kattubhūtena **dinnāya paṭisandhiyā** vipāke janite. Tenāha “janite vipāke”ti. Pavattivipākaṃ sandhāya “janite vipāke”ti vadanti. **Uppajjanakasukhadukkhaṃ upatthambhetīti** upatthambhakakammaṃ kusalaṃ samānaṃ aññenāpi kusalakammaṃ upapajjamānaṃ sukhaṃ tassa paṭipakkhavibādhanavasena upatthambheta. Akusalaṃ aññena akusalakammaṃ upapajjamānaṃ dukkhaṃ tatheva upatthambheta. Evañca upatthambhentaṃ taṃ dīghakālaṃ pavatteti nāmāti āha “**addhānaṃ pavatteti**”ti. **Uppajjanakasukhadukkhaṃ pīletīti** upapīlakaṃ akusalaṃ samānaṃ sukhitaṃ rogādīantarāyākāraṇasampādakabhāvena sukhasantānaṃ upacchindantaṃ pīleti, kusalañca rogādīnā dukkhitassa bhesajjādīsukhādīkāraṇasampādakabhāvena dukkhasantānaṃ vicchindantaṃ pīleti. Keci pana “sukhadukkhasa kāraṇaṃ asampādentampi paṭisandhidāyākakammaṃ pavattivipākaṃ paṭibāhitvā sayāṃ vipākadāyākakammaṃ upapīlakakamma”nti vadanti. Evaṃ sante pana paṭisandhidāyākameva janakakammanti vuttaṃ siyā.

Apica upaghātakena saha imassa visesabhāvo āpajjati, taṃ paṭisandhivipākassa paṭibāhakanti ce? Taṃ na, avisesena vuttattāti. “**Dubbalaṃ kammaṃ ghātetvā**”ti vutte “nanu tassa pubbeyeve siddhattā, niruddhattā ca

kathamidaṃ tadupaghātakam hotī’ ti āpannaṃ codanaṃ sandhāya kammaṃ ghātanaṃ nāma tassa vipākapaṭibāhanamevāti dassento āha “**tassa vipākam paṭibāhitvā**” ti. Taṃpaṭibāhanañca attano vipākuppattiyā okāsakaraṇanti vuttaṃ “**attano vipākassa okāsaṃ karotī**” ti. Vipaccanāya katokāsaṃ kammaṃ vipakkameva nāma hotīti āha “**evaṃ...pe... uppannaṃ nāma hotī**” ti.

Upapīlakaṃ aññassa vipākam upacchindati, na sayam attano vipākam deti, upaghātakam pana dubbalakammaṃ upacchindivā attano vipākam uppādetīti ayametesam viseso. Keci pana ācariyā aparenāpi nayena janakādikammaṃ icchanti. Kathaṃ? Yasmim kamma kate paṭisandhiyam, pavatte ca vipākakaṭattārūpanam uppatti hoti, taṃ janakam. Yasmim pana kate aññena janitassa iṭṭhassa vā aniṭṭhassa vā phalassa vibādhakavicchedakapaccayānuppattiyā, upabrūhakaṭattārūpanam ca janakānubhāvānurūpanam pariposakaciratarappabandhā honti, taṃ upatthambhakam. Janakena nibbattitaṃ kusalaphalam, akusalaphalam vā yena paccanīkabhūtena rogadhātuvisamatādinimittatāya bādhiyati, taṃ upapīlakaṃ. Yena pana kammunā janakasāmatthiyavasena ciratarappabandhārahampi samānam phalavicchedakapaccayānuppattiyā upahaññati vicchijjati, taṃ upaghātakanti.

Ettha ca keci appābādhadīghāyukatāsamvattanavasena dutiyassa kusalabhāvam, bavhābādhaappāyukatāsamvattanavasena pacchimānam dvinnaṃ akusalabhāvañca vaṇṇenti, bhūridattādīnam pana nāgādīnam, ito anuppadinnayāpanakapetānañca apāyesu akusalavipākassa upatthambhanūpapīlanūpaghātakāni kammāni santīti catunnampi kusalākusalabhāvo na virujjhati. Kiñcāpi kammānam kammantarañceva vipākantarañca buddhānam kammavipākāññasseva yāthāvasarasato pākataṃ hoti. Buddhāvenīkañhetam asādhāraṇam sāvakehi, vipassakena pana ekadesato jānitabbaṃ. Na hi sabbena sabbaṃ aṅānantassa paccayapariggaho paripūrati, tasmā tādisam pariggahaṃ sandhāya “iti ima” ntiādi vuttaṃ. Yādisehi paccayehi paccuppanne addhāne nāmarūpassa pavatti, tādisheva itarasmimpi addhadvayeti evaṃ yathā atītānāgate nayaṃ neti, taṃ dassetuṃ “**yathā ida**” ntiādi vuttaṃ. Addhattayepi kiriyākiriyaṃ phalamattatādassanaparattā codanāya. **Iti kammañcevatī** tiādīnā vuttassevatthassa nigamanavasena vuttaṃ. **Tassevam...pe... pahiyatīti** tassevam samanupassato yā sā pubbantādayo ārabha “ahosiṃ nu kho aha” ntiādīnā nayena pavattā vicikicchā pahiyatīti.

1246-8. Pahīnāya pana tāya sabbabhavayonigatiṭṭhitasattāvāsesu hetuphalasambandhavaseneva pavattanāmarūpamattameva khāyati. Tenevāha “**hetuphalassa sambandhavasenevā**” tiādi. Kāraṇasāmaggiyam dānādīhi sādhitakiriyaṃ pavattamānāya kāraṇamatte kattuvohāroti āha “**kāraṇato uddham kāraṇam na ca passati**” ti. Pāka...pe... paṭivedakam na passatīti sambandho. **Pākapaṭivedakanti** vipākavindakam. Evaṃ apassanto pana kāraṇe sati kārakoti, vipākappavattiyā sati paṭisamvedakoti samaññamatteneva paṇḍitā voharanti. Iccevam sammappaññāya passati. **Suddhadhammāti** kenaci sattena vā puggalena vā amissadhammā. **Evetanti** evaṃvidham etam dassanam sammadassanam, aviparītadassananti attho.

1249. Bījarukkhaḍikānam vāti yathā bījato rukkho, rukkhatto bījanti evaṃ kāraṇaparamparagavesane anādikālikattā bījarukkhasantānassa pubbā koṭi natthi, evaṃ kammaṃpaccayā vipāko, vipākapaṭivā kammanti pariyesane anādikālikattā kammavipākasantānassa pubbā koṭi na paññāyati. **Ādi**-saddena “kukkuṭiyā aṇḍam, aṇḍato kukkuṭī, punapi kukkuṭiyā aṇḍa” nti evamaññam saṅgañhāti.

1250-3. Anāgatepi saṃsāreti yathā atīte, evaṃ anāgatepi addhāne khandhānam paṭipāṭītiādīnā vuttasamsāre sati. **Appavatti na dissatīti** kammato vipāko bhavissati, vipākato kammanti anāgate kāriyaparamparāya gavesiyamānāya aparikkhīnasamyojanassa kammavipākānam appavattanam na dissati, pavattati evāti attho. Hetuphalasambandhavasena pavattamāne saṃsāre “pubbā koṭi na paññāyati” ti vacanena kāraṇe ādissa abhāvo vutto, “appavatti na dissati” ti vacanena phalassa avasānābhāvo vuttoti. **Etamatthanti** “kammaṃ kārako natthī” tiādīnā vuttamattham. **Asayamvasīti** na sayamvasino, micchābhinivesaparavasāti attho. **Aññamaññavirodhinoti** itaritaraviruddhā dīṭṭhiyo vā dīṭṭhiyā vā aññamaññena saha virodhino. Gambhīraññagocarātāya **gambhīram**. Tathā **nipuṇam**. Sattasuññatāya, aññamaññasabhāvasuññatāya ca **suññam**. **Paccayanti** nāmarūpassa paccayam, tappaccayapaṭivedheneva ca sabbaṃ paṭividdham hotīti.

1254-6. Kammaṃ natthi vipākamhīti kuṭṭādīsū rajādi viya vipāke santiṭṭhamānam kammaṃ natthi. **Pāko kamme na vijjatīti** tathā kamme santiṭṭhamāno vipāko natthi. Yathāvuttamevattham upamāya vibhāvetuṃ “**yathā na sūriye**” tiādi vuttaṃ. **Mañimhīti** sūriyakantamañimhi. **Na tesam bahi so atthīti** te muñcitvā tehi bahi so aggi natthi. **Sambhārehi** samañgībhūtehi ātapādīhi tīhi kāraṇehi. **Na anto kammassāti** tiādi atthato heṭṭhā vuttampi upamānigamanattham punapi vuttanti daṭṭhabbaṃ.

1257-8. Yadi hetu, phalañca aññamaññarahitam, katham hetuto phalam nibbattatīti āha “**kammañca kho upādāyā**” ti. Na kevalam kammaphalameva suññam katturahitam, sabbampi dhammajātam kārakarāhitanti dassetuṃ “**na hettha devo**” tiādigāthā vuttā. **Hetusambhārapaccayāti** ekena hetunā ekassa, anekassa vā phalassa anibbattito

hetusamūhanimittam, sambhāroti vā paccayādhivacananti hetupaccayanimittanti attho.

1259. Addhāsu taritvā kaṅkhanti tīsu addhāsu soḷasavidham kaṅkham vitaritvā. Na kevalametam soḷasavidhameva kaṅkham vitarati, atha kho “satthari kaṅkhati”tiādinayappavattam (dha. sa. 1123; vibha. 915) aṭṭhavidham kaṅkhampi pajahati. Tathā hettha buddho dhammo saṅgho sikkhāti kaṅkhāya gocarahūtā lokiyā dhammā adhippetā. Na hi lokuttaradhamme ārabha kilesā pavattitum sakkonti. **Pubbantoti** atīā khandhāyatanadhātuyo, **aparantoti** anāgatā, **pubbantāparantoti** tadubhayam, addhāpaccuppannam vā tadubhayabhāgayuttatā. Paṭṭiccasamuppānadhāmaggaḥaṇena gahito aṭṭhamo kaṅkhāvisayo nāmarūpamattam, idappaccayatā-ggaḥaṇena pana tassa paccayo gahito, tasmā soḷasavattukāya pahīnāya aṭṭhavattukā kaṅkhā appatīṭṭhāva hotīti. Etāsaṅca pahānena dvāsaṭṭhidiṭṭhigatānīpi vikkhambhanti diṭṭhekaṭṭhattā vicikicchāya. Yathā hi diṭṭhi samucchijjāmānā vicikicchāya saddhimyeva samucchijjati, evam vicikicchā vikkhambhijāmānā diṭṭhiyā saddhimyeva vikkhambhijati. Attābhīnivesūpanissayā hi “ahosiṃ nu kho aha”ntiādinayappavattā (ma. ni. 1.18; sam. ni. 2.20; mahāni. 174) soḷasavattukā kaṅkhā, sā eva ca pubbantādivatthubhāvena vuttā, attābhīnivesavattukāni dvāsaṭṭhi diṭṭhigatāni, buddhādivattukā ca tadekaṭṭhāti. **Uṭṭhitanti** uppajjitvā ṭhitam.

1260-2. Kaṅkhāvitarāṇam nāmāti yathāvuttakaṅkhāvitarāṇato kaṅkhāvitarāṇam nāma. Na kevalam kaṅkhāvitarāṇam nāma, **dhammaṭṭhitiñāṇantipi yathābhūtañāṇantipi sammādassanantipi** idaṃ samudīritam. Ettha ca dharīyanti attano paccayehīti dhammā, tiṭṭhati ettha phalam tadāyattavuttitāyāti ṭhiti, dhammānam ṭhiti **dhammaṭṭhiti**, paccayadhammā. Atha vā **dhammoti** kāraṇam “dhammapaṭisambhidā”tiādīsu (vibha. 718-721) viya, dhammassa ṭhitisabhāvo, dhammato ca añño sabhāvo natthīti paccayadhammānam paccayabhāvo, dhammaṭṭhitiyam ñāṇam **dhammaṭṭhitiñāṇam**. Saṅkhārānam yathābhūtam aniccataḍi **yathābhūtam**, tattha ñāṇanti **yathābhūtañāṇam**. Sammā passatīti **sammādassanam**. **Laddhappatīṭṭhoti** sāsane patīṭṭhā nāma ariyamaggo. Ayam pana tam anadhigatopi tadadhigamupāyapaṭipattiyam ṭhitattā laddhappatīṭṭho viya hotīti “laddhappatīṭṭho”ti vutto. Tatoyeva **cūlako sotāpanno**, lokiyāhi sīlasamādhipaññāhi samannāgatattā uttari appaṭivijjhanto sotāpanno viya niyato, sugatiparāyaṇo ca hotīti cūlasotāpanno. Sotāpanno hi khīṇāpāyaduggativinipātōti. Atha vā laddhappatīṭṭho kaṅkhāvitarāṇavisuddhisamadhigamena. Sappaccayanāmarūpadassanena hi sammadditadiṭṭhikaṇṭako viniddhutaahetukavisamahetuvādo yathāsakapaccayeheva dhammapavattim ṇatvā sāsane patīṭṭhitasaddho laddhappatīṭṭho nāma hotīti. Nāmarūpavavattānena dukkhasaccam, dhammaṭṭhitiñāṇena samudayasaccam, tasseva aparabhāge aniccato manasikārādividhinā maggasaccaṅca abhiññāya pavattiyā dukkhabhāvam disvā tassa appavatte nirodhe ekaṃseneva ninnajjhāsayaṭāya lokiyeneva ñāṇena catunnam ariyasaccānam adhigatattā apāyesu abhābuppattiko, sotāpannabhūmiyaṅca bhābuppattiko hotīti cūlasotāpanno nāmāti vuttam “**sotāpanno hi cūlako**”ti. **Tasmāti** yasmā evam mahānisamsametaṃ ñāṇam, tasmā sapañño attano hitānupekkhanapaññāya samannāgato. Tenāha “**atthakāmo**”ti.

Iti abhidhammatthavikāsinīyā nāma

Abhidhammāvatārasamvaṇṇanāya

Kaṅkhāvitarāṇavisuddhiniddesavaṇṇanā niṭṭhitā.

20. Vīsatimo paricchedo

Maggāmaggañāṇadassanavisuddhiniddesavaṇṇanā

1263. Idāni kaṅkhāvitarāṇavisuddhiyā anantaram uddiṭṭhāya maggāmaggañāṇadassanavisuddhiyā niddesakkamo anupatto, sā pana yasmā obhāsādiupakkilesasambhave sati hoti, obhāsādayo ca udayabbayañāṇe sambhavanti, udayabbayañāṇaṅca tilakkaṇavipassanāya sati uppajjati, tassa ca kalāpasammasanam ādi. Tañhi atīātibhedabhinnānam dhammānam saṅkhipitvā vavattānavasena pavattanato ādikammikassa sukarasammasanam, tasmā paṭhamam tattheva abhiyogam karontena kamato tam sampādetabbanti dassetum “**kalāpasammasanenevā**”tiādi āradham. Atha vā dvinnam visuddhīnamantare kalāpasammasanam hoti, taṅca kho dvīsu ekāya visuddhiyā saṅghetabbam, maggāmaggañāṇassa ca ātibhūtattā tatthevassa saṅgho yuttoti ettheva nam saṅghatukāmatāya vuttam “**kalāpasammasanenevā**”tiādi. Keci pana kalāpasammasanam nāma ekavisuddhiyampi na antogadhanti tam anāmasitvā vipassanācāram vaṇṇenti. **Kalāpasammasanenevāti** atīātibhedabhinnānam dhammānam saṅkhipitvā vavattānavasena kalāpato, kalāpānam vā sammasanena maggāmaggañāṇadassanavipassanāya **yogo karaṇīyo**. Atha vā bhūmatthe karaṇaniddesavasena kalāpasammasane yogo karaṇīyoti attho. “Kalāpasammasaneneva yogo karaṇīyo”ti vatvāpi tam pana **visuddhimaggato** (visuddhi. 2.692) gahetabbanti ganthavithārāparihārattham idha na dassitanti.

1264. Paccuppanassa dhammassāti santatipaccuppanassa, khaṇapaccuppanassa vā. Ādīto pana khaṇapaccuppanassa udayavayaṃ duppariggahaṃ, tasmā santatipaccuppanavasena paṭhamañ udayabbayānupassanaṃ kātabbhaṃ. **Nibbattīti** dvinnāṃ paccuppanānaṃ vasena paṭhamābhiniḅbatti ca khaṇanibbatti ca. **Vipariṇāmoti** vināso.

1265. Anupassanāpi ṇāṇanti yā udayassa ca vayassa ca anupassanā, sā ṇāṇanti **varaṇāṇena** sammāsambuddhena desitaṃ. Tatrāyaṃ pāḷi –

“Kathaṃ paccuppanānaṃ dhammānaṃ vipariṇāmānupassane paññā udayabbayānupassane ṇāṇaṃ? Jātaṃ rūpaṃ paccuppanaṃ, tassa nibbattilakkhaṇaṃ udayo. Vipariṇāmalakkhaṇaṃ vayo. Anupassanā ṇāṇaṃ. Jātā vedanā...pe... saññā... saṅkhārā... viññānaṃ... jātaṃ cakkhuṃ...pe... jāto bhavo paccuppano, tassa nibbattilakkhaṇaṃ udayo. Vipariṇāmalakkhaṇaṃ vayo. Anupassanā ṇāṇa”nti (paṭi. ma. 1.49).

Ettha pana udayadassanaṃ yāvadeva khayadassananti vayadassanassa padhānataṃ dassetuṃ “vipariṇāmānupassane paññā”ti vatvā taṃ pana vayadassanaṃ udayadassanapubbakanti vuttaṃ “udayabbayānupassane ṇāṇa”nti.

1266-8. Pubbe uppattitoti jananato pubbe anuppanassāti vuttaṃ hoti. **Nicayo rāsi vā natthi**, yato āgaccheyya uppajjamānaṃ aladdhattabhāvassa sabbena sabbaṃ avijjamānattā. Tenāha “**tathā uppajjato**”tiādi. Yathā anāgate addhāne ime dhammā sabbena sabbaṃ natthi, evañ atītepi addhānanti dassento “**tathā nirujjhamānassā**”tiādiṃ vatvā avijjamānānaṃyeva rūpārūpadhammānaṃ hetupaccayasamavāye uppādo, uppajjitvā ca sabbaso abhāvūpagamoti imamatthaṃ samudāyagataṃ tadekadesabhūtāya upamāya vibhāvetuṃ imasmim̃ ṭhāne **aṭṭhakathāya** (visuddhi. 2.723) vīṇūpamā āgatā. Sā idhāpi āharitvā vattabbāti adhippāyena “**ettha vīṇūpamā**”tiādimāha. **Etassatthassāti** avijjamānānaṃyeva uppādo, uppannānaṃ parato abhāvoti imassa atthassa pakāsane. **Vīṇūpamāti** vīṇāvasena āgatā upamā. Sā panevaṃ daṭṭhabbā – yathā vīṇāya vādiyamānāya uppannassa saddassa neva uppattito pubbe sannicayo atthi, na uppajjamāno sannicayato āgato. Na nirujjhamānassa disāvīdisāgamaṇaṃ atthi, na niruddho katthaci sannicito tiṭṭhati, atha kho vīṇānaṃ vīṇāvādānaṃ purisassa ca tajaṃ vāyāmaṃ paṭicca ahutvā sambhoti, hutvā paṭiveti, evañ sabbepi rūpārūpadhammā ahutvā sambhonti, hutvā paṭiventīti.

1269-70. Evañ saṅkhepato udayabbayamanasikāraviddhiṃ dassetvā puna yāni etasseva udayabbayañāṇassa vibhaṅge “avijjāsamudayā rūpasamudayo”ti (paṭi. ma. 1.50) paccayasamudayaṭṭhena rūpakkhandhassa udayaṃ passati, “taṇhāsamudayā...pe... kammāsamudayā...pe... āhārasamudayā rūpasamudayo”ti (paṭi. ma. 1.50) paccayasamudayaṭṭhena rūpakkhandhassa udayaṃ passati, nibbattilakkhaṇaṃ passantopi rūpakkhandhassa udayaṃ passati, rūpakkhandhassa udayaṃ passanto imāni pañca lakkhaṇāni passati. “Avijjānirodhā rūpanirodho”ti (paṭi. ma. 1.50) paccayanirodhaṭṭhena rūpakkhandhassa vayaṃ passati, “taṇhānirodhā...pe... kammanirodhā...pe... āhāranirodhā rūpanirodho”ti (paṭi. ma. 1.50) paccayanirodhaṭṭhena rūpakkhandhassa vayaṃ passati, vipariṇāmalakkhaṇaṃ passantopi rūpakkhandhassa vayaṃ passati, rūpakkhandhassa vayaṃ passanto imāni pañca lakkhaṇāni passati. Tathā “avijjāsamudayā vedanāsamudayo”ti (paṭi. ma. 1.50) paccayasamudayaṭṭhena vedanākkhandhassa udayaṃ passati, “taṇhāsamudayā...pe... kammāsamudayā...pe... phassasamudayā vedanāsamudayo”ti (paṭi. ma. 1.50) paccayasamudayaṭṭhena vedanākkhandhassa udayaṃ passati, nibbattilakkhaṇaṃ passanto vedanākkhandhassa udayaṃ passati, vedanākkhandhassa udayaṃ passanto imāni pañca lakkhaṇāni passati. “Avijjānirodhā...pe... taṇhānirodhā...pe... kammanirodhā...pe... phassanirodhā vedanānirodho”ti (paṭi. ma. 1.50) paccayanirodhaṭṭhena vedanākkhandhassa vayaṃ passati, vipariṇāmalakkhaṇaṃ passantopi vedanākkhandhassa vayaṃ passati, vedanākkhandhassa vayaṃ passanto imāni pañca lakkhaṇāni passati, vedanākkhandhassa viya saññāsaṅkhāraviññānakkhandhānaṃ. Ayaṃ pana viseso – viññānakkhandhassa phassaṭṭhāne “nāmarūpasamudayā nāmarūpanirodhā”ti.

Evañ **ekekassa khandhassa udayabbayadassane** dasa dasa katvā samapaññāsa lakkhaṇāni vuttāni, tesañ vasenapi “evampi rūpasamudayo, evampi rūpavayo, evampi rūpaṃ udeti, evampi rūpaṃ veti”ti paccayato ceva khaṇato ca vitthārena ca manasikāraviddhiṃ dassetuṃ “**tasseva ṇāṇassā**”tiādi āradhāṃ. Tattha **avijjāsamudayāti** avijjāya uppādā, atthibhāvāti attho. Nirodhaviruddho hi uppādo atthibhāvo hoti, tasmā purimabhavasiddhāya avijjāya satī imasmim̃ bhava rūpasamudayo rūpassa uppādo hotīti attho. **Ādi**-saddasaṅgahitesu “taṇhāsamudayā rūpasamudayo, kammāsamudayā rūpasamudayo, āhārasamudayā rūpasamudayo”ti ca, tathā vayadassane “avijjānirodhā rūpanirodho, taṇhānirodhā... kammanirodhā... āhāranirodhā rūpanirodho”ti ca ādīsu avijjādīhi tīhi atītakālikāni tesañ saḅkārīkāraṇabhūtāni upādānādīni paḅhitānevāti veditabbāṃ.

Pavattipaccayesu kabaḷīkārahārassa balavatāya so eva gaḅito “āhārasamudayā”ti. Tasmim̃ pana gaḅite pavattipaccayatāsamaññena utucittāni paḅhitāneva hontīti catusamuṭṭhānikarūpassa paccayato udayadassanaṃ

vibhāvitamevāti daṭṭhabbam. Avijjātaṇhūpanissayasahiteneva kammunā rūpakāyassa nibbatti, asati ca avijjūpanissayā bhavanikantiyā jātiyā asambhavojevāti. Yathā rūpassa avijjātaṇhūpanissayatā, evaṃ vedanādīnampi daṭṭhabbā. Āhāro pana uppannassa rūpassa posako kabaḷikārāhārassa adhippetattā, kāmaṃ yathādhīṭṭhānattā vā desanāya. Ukkatṭhaniddesena vā āhāraggaṇaṃ. **Avijjānirodhāti** aggamaḡgañāṇena avijjāya anuppādanirodhatō anāgatassa rūpassa anuppādanirodho hoti paccayābhāve abhāvato. “Taṇhānirodhā kammanirodho” ti etthāpi eseva nayo. **Āhāranirodhāti** pavattipaccayassa kabaḷikārāhārassa abhāve. **Rūpanirodhoti** taṃsamutṭhānarūpassa abhāvo hotīti. Sesam heṭṭhā vuttanayānusārena veditabbam. Ayaṃ pana vireso – “phuṭṭho vedeti, phuṭṭho sañjānāti, phuṭṭho cetetīti (saṃ. ni. 4.93), phassapaccayā vedanā, cakkhusamphassajā vedanā, saññā cetanā” ti vacanato phasso vedanāsaññāsāṅkhārakkhandhānaṃ pavattipaccayo, tannirodhā ca tesam nirodho, mahāpadānamahānidānasuttesu, abhidhamme ca aññamaññapaccayavāre “nāmarūpapaccayā viññāṇa” nti (dī. ni. 2.57, 97; kathā. 719) vacanato nāmarūpaṃ viññāṇassa pavattipaccayo, tannirodhā ca tassa nirodhoti vuttam “phassasamudayā vedanāsamudayo” tiādi.

1271. Dasa dasāti rūpakkhandhassa udayadassane avijjā taṇhā kammaṃ āhāroti imesaṃ paccayānaṃ atthitāsāṅkhatalakkhaṇāni ceva rūpassa nibbattilakkhaṇāncāti imāni pañca lakkhaṇāni, vayadassane avijjādīnaṃ catunnaṃ paccayānaṃ anuppādanirodho, rūpassa khaṇanirodho cāti imāni pañca lakkhaṇānīti rūpakkhandhassa dasa lakkhaṇāni, tathā vedanākkhandhādīnaṃ catunnaṃ cattālīsa lakkhaṇānīti evaṃ samapaññāsa lakkhaṇāni honti. Tenāha **“paññāsa lakkhaṇāni”** ti. Lakkhaṇaṭṭho pana tesam catunnaṃ paccayānaṃ atthitā, anuppādanirodho cāti aṭṭha lakkhīyati etehi rūpādīnaṃ udayo ca vayo cāti lakkhaṇāni. Catunnañhi paccayānaṃ atthitāhi rūpādiudayo lakkhīyati, anuppādanirodhaaccantanirodhehi vayo, nibbattivipariṇāmāni pana saṅkhatalakkhaṇānevāti. **Dhamme samanupassatīti** rūpādiḡ dhamme udayabbayavante samanupassati. Ettha ca keci tāva āhu “arūpakkhandhānaṃ udayabbayadassanaṃ addhāsantativasena, na khaṇavasena” ti, tesam matena khaṇato udayabbayadassanameva na siyā. Apare panāhu “paccayato udayabbayadassanena atītādivibhāgaṃ anāmasitvā sabbasādhāraṇato avijjādiḡpaccayā vedanāya sambhavaṃ labbhamānataṃ passati, na uppādam. Avijjādiabhāve ca tassā asambhavaṃ alabbhamānataṃ passati, na bhaṅgakhaṇato. Udayabbayassa dassane paccuppannānaṃ uppādam, bhaṅgañca passati” ti, taṃ ayuttaṃ. Santativasena hi rūpārūpadhamme udayabbayato manasi karontassa anukkamena bhāvanāya balappattakāle ñāṇassa tikkhavisadabhāvappattiyā khaṇato udayabbayā upaṭṭhahantīti.

1272-5. Ayañhi paṭhamaṃ paccayato udayabbayaṃ manasi karonto pacchā avijjādiḡ paccayadhamme vissajjetvā udayabbayavante khandhe gahetvā tesam paccayato udayabbayadassanamukhena khaṇatopi udayabbayaṃ manasi karoti. Tassa yadā ñāṇaṃ tikkhaṃ visadaṃ hutvā pavattati, tadā rūpārūpadhammā khaṇe khaṇe uppajantā, bhijjantā ca hutvā upaṭṭhahanti. Tena vuttaṃ **“evaṃ rūpudayo hoti”** tiādi. Tattha **evaṃ rūpudayoti** evaṃ vuttanayena avijjāsamudayā...pe... taṇhāsamudayā...pe... kamma...pe... āhārasamudayāpi rūpassa sambhavo. **Evamassa vayoti** evaṃ vuttanayeneva avijjānirodhā...pe... taṇhānirodhā...pe... kamma...pe... āhāranirodhā rūpassa vayo anuppādoti ayaṃ paccayato vitthārena manasikāro. **Udeti evaṃ rūpampīti** evaṃ samudayato kammasamutṭhānarūpampi āhārautucittasamutṭhānarūpampi udeti uppajjati nibbattati. **Evaṃ rūpaṃ tu vetīti** kammasamutṭhānarūpampi āhārautucittasamutṭhānarūpampi evaṃ veti nirujjhatīti ayaṃ khaṇato vitthārena manasikāro. Tena vuttaṃ **“evaṃ paccayatopettha khaṇato udayabbaya”** nti. **Sabbadhammā pākaṭā honīti** iti ime dhammā ahutvā sambhontī, hutvā paṭīventī. Yathā paccuppanne, evaṃ atītānāgatepīti nayavasena atītādiḡdhammānaṃ dvedhā udayabbayaṃ passato saccapaṭīcasamuppādanayalakkhaṇabhedā pākaṭā hontī. Tassevaṃ pākaṭībhūtasabbadhammasabhāvassa “evaṃ kira nāmīme dhammā anuppannapubbā uppajjanti, uppannā nirujjanti” ti niccanāvāya hutvā saṅkhārā upaṭṭhahanti. Na kevalaṇca niccanāvāya, udake daṇḍakena katalekhā viya, āragge ṭhapitasāsapo viya, vijjusañcāro viya ca parittakālaṭṭhāyino upaṭṭhahanti. Tenāha **“udake daṇḍarājīvā”** tiādi. Udake daṇḍarājīdayova kiñcāpi uttaruttari atiparittaṭṭhāyibhāvanidassanattaṃ dassitā, tathāpi dandhanirodhā eva nidassitā, tatopi lahutaranirodhattā saṅkhārānaṃ. Tathā hi gamanassādānaṃ devaputtānaṃ heṭṭhupariyena parimukhaṃ dhāvantaṃ sirasi, pāde ca baddhakhuradhārāsannipātatopi sīghataro rūpanirodho vutto, pageva arūpadhammānaṃ. Na kevalaṃ parittatarakālaṭṭhāyīnova upaṭṭhahanti, atha kho asārāpi khāyantīti āha **“kadali”** tiādi. Tattha maṇḍalākāreṇa avijjhiyamānaṃ alātameva **alātacakkam**. Mantosadhappabhāvītā indajālādikā māyā.

1276-7. Ettāvātīti yvāyaṃ kalāpasammasananiyojanato paṭṭhāya yāva udayabbayaḡpaṭīvedhāya bhāvanā vidhi āradhho, ettāvātā bhāvanāvīdhānena kalāpasammasanampi udayabbayañāṇuppādasseva parikkammanti. Udayabbayadassanaṃ ñāṇanti sambandho. **Lakkhaṇāni ca...pe... ṭhitanti** vayadhammameva uppajjati, uppannañca vayaṃ upetīti iminā ākāreṇa samapaññāsa lakkhaṇāni paṭīvijjhītvā ṭhitam. Adhunā uppannaṃ na tāva balappattanti āha **“taruṇa”** nti. Kalāpasammasanādivasena pavattasammasanaṃ nipariyāyena vipassanāsamaññaṃ labhati. Udayabbayānupassanādivasena pavattameva labhatīti āha **“yassa cā”** tiādi.

1278-80. Athassa imāya taruṇavipassanāya vipassantassa dasa vipassanupakkilesā uppajjantīti dassento āha **“vipassanāyā”** tiādi. **Etāyāti** udayabbayānupassanāsāṅkhātāya taruṇavipassanāya, na bhaṅgānupassanādisāṅkhātāya

taruṇavipassanāya, nāpi nibbidānupassanādisaṅkhātāya balavavipassanāyāti attho. Na hi tadā vipassanupakkilesā uppajantīti. **Vipassakassāti** ca vipassakassevāti eva-kāro luttaniddiṭṭho. Teneva vakkhati “sampattapaṭivedhassā”tiādi. Diṭṭhiggāhādivatthubhāvena vipassanaṃ upakkilesantīti **upakkilesā**. Sampatto catusaccaphalapaṭivedho yena so **sampattapaṭivedho**, so ca sotāpannādīnaṃ aññataro hotīti āha “**sotāpannādino**”ti. **Apicāti** ayaṃ vakkhamānasamuccayatto. Idañca ukkaṭṭhaniddesavasena vuttaṃ balavavipassanāpattassāpi anuppajjanato. **Sampattapaṭivedhassāti** vā balavipassanāpattam sandhāya vuttaṃ. Sopi hi paṭivedhappattiyā āsannārahadese ʘhitattā sampattapaṭivedho nāma hoti. Evañca sati **apicāti** vuttasamuccayatto hoti. Atha vā **api**-saddo vuttasamuccayatto. **Ca**-saddo avuttasamuccayatto. Tena nikkhittakammaṭṭhānaṃ saṅgaṇhāti. Vipassanaṃ ārabhitvā antarā vosānaṃ āpannassāpi vipassanupakkilesā na uppajjanti. **Vipattāpannassāti** sīlavipattādivasena yathā tathā vipattāpannakassa, garahitabbapaṭāpannassāti attho. Atha vā **vipattāpannassāti** vipassanābhāvanāsaṅkhātāya sammāpaṭipattiyā bhāvena virahitapaṭipattikassa.

1281. Vipassanāpaṭipattiyeva hi sasambhārā pubbhāge sammāpaṭipatti, tadaññā vipattāpatti, tenevassa visuddhipakkhe “**sammāva paṭāpannassā**”ti vuttaṃ. Sā ca nikkhittadhurassāpi hotīti imasmiṃ pakkhe nikkhittakammaṭṭhānopi imināva saṅgahito hotīti. **Sammāva paṭāpannassāti** heṭṭhā vuttavidhānena sammā eva paṭāpannassa, na vipattāpannassa vā nikkhittadhurassa vā. **Yuttayogassāti** yuttena yogena, ñāṇena vā bhāvanamanuyūñjanasīlassa. Sā pana yuttayogitā samathavasenaṃpi hotīti tannivattanatthamāha “**sadā vipassakassevā**”ti. **Uppajjantīti** etthāpi eva-kāro sambandhitabbo, tena na nuppajjantīti attho. Aññathā maggāmaggañāṇasseva asambhavato. **Kirāti** anussutiyam. Sā panesā anussuti pāḷivaseneva āgatāti daṭṭhabbam. Yathāha –

“Kathaṃ dhammuddhaccaviggahitaṃ mānasam hoti? Aniccato manasikaroto obhāso uppajjati, obhāso dhammoti obhāsam āvajjeti, tato vikkhepo uddhaccam, tena uddhaccena viggahitamānaso aniccato upaṭṭhānaṃ yathābhūtaṃ nappajānāti. Dukkhatō...pe... anattato upaṭṭhānaṃ yathābhūtaṃ nappajānāti. Tathā aniccato manasikaroto ñāṇam uppajjati...pe... pīti passaddhi sukham adhimokkho paggaho upaṭṭhānaṃ upekkhā nikanti uppajjati, nikanti dhammoti nikantiṃ āvajjeti, tato vikkhepo uddhaccam, tena uddhaccena viggahitamānaso aniccato upaṭṭhānaṃ yathābhūtaṃ nappajānāti. Dukkhatō...pe... anattato upaṭṭhānaṃ yathābhūtaṃ nappajānāti”ti (paṭi. ma. 2.6).

1282. Idāni tesam obhāsādīnaṃ sarūpavibhāvanattham tesu uppannesu vipassanāya upakkilissanākārañca dassetuṃ “**vipassanāyā**”tiādi vuttaṃ. **Vipassanāya obhāsoti** vipassanācittasamuṭṭhitam, sasantatipatitautusamuṭṭhānañca bhāsuraṃ rūpaṃ. Tattha vipassanācittasamuṭṭhānaṃ yogino sarīraṭṭhameva pabhassaraṃ hutvā tiṭṭhati, itaraṃ sarīraṃ muñcitvā ñāṇānubhāvānurūpaṃ samantato pharati, tam tasseva paññāyati, tena phutṭhokāse rūpagatampi passati. Passanto ca cakkhaviññāṇena passati, udāhu manoviññāṇenāti vīmaṣitabbametanti vadanti. **Ācariyadhammapāl**attherena pana “dibbacakkhulābhino viya tam manoviññāṇaviññeyyamevāti yuttaṃ viya dissati”ti (visuddhi. mahā. 2.733) vuttaṃ.

1283-4. Maggappatto phalappatto, ahamasmīti gaṇhatīti “na vata me ito pubbe evarūpo obhāso uppannapubbo, addhā ariyamaggaṃ pattosmi, phalaṃ sacchākāsi”nti amaggaṃyeva “maggo”ti gaṇhāti. **Tassevam pana gaṇhatoti** tassa amaggaṃyeva “maggo”ti gaṇhantassa. **Vipassanāvīthīti** paṭipāṭiyā pavattamānā vipassanāva **ukkantā nāma hoti**, yogino “maggam pattosmi”ti adhimānena vissatṭhattā. Vipassanāvīthintipi pāṭho, tassevam gaṇhato vipassanā tatoyeva vīthiṃ ukkantā nāma hotīti attho. **Obhāsameva so bhikkhu, assādentō nisīdatīti** so bhikkhu attanā āradhamaṃ vipassanaṃ vissajjtvā obhāsameva lobhavasena vā diṭṭhivasena vā assādentō nisīdati. So kho panāyam obhāso kassaci bhikkhuno pallaṅkaṭṭhānamattameva obhāsento uppajjati, kassaci antogabbham, kassaci bahigabbham, kassaci sakalavihāraṃ gāvutaṃ aḍḍhayaṃ yojanaṃ dviyojanaṃ tiyojanaṃ, kassaci pathavītalato paṭṭhāya yāva akaniṭṭhabrahmalokā ekālokaṃ kurumāno, yathā samuddamhi yojanamatte macchakacchapā paññāyanti, evam uppajjanti. Bhagavato pana dasasahassilokadhātuṃ obhāsento udapādi.

1285. Vipassanāpīṭīti vipassanācittasampayuttā pīti. Khuddikādikā heṭṭhā vaṇṇitāyeva, ayañca pañcavidhā pīti udayabbayānupassanāya vīthipaṭāpannāya anukkamaṃ uppajjati. Matthakappattena pana udayabbayañāṇena saddhiṃ pharaṇāpītiyeva hoti. Upacārappanakkhaṇato aññadāpi hi pharaṇāpīti hotiyevāti. Tena vuttaṃ **aṭṭhakathāyam** “sakalasarāmaṃ pūrayamānā uppajjati”ti (visuddhi. 2.734; dha. sa. aṭṭha. 1.dhammuddesavāra jhānaṅgarāsivaṇṇanā).

1286-7. Yogino...pe... hontī hīti yassāyam passaddhi uppannā, tassa yogino rattitṭhāne vā divāṭṭhāne vā nisinnassa kāyacittāni passaddhāneva hontī, neva daratho hotīti attho. Passaddhiādīni cha yugaḷāni aññamaññāyogīnīti passaddhiyā uppannāya itarāpi uppannāyeva hontīti kiccadassanamukhena tā sabbāpi dassento “**lahūni cā**”tiādīmāha. Ettha ca **kāya**-ggahaṇena rūpakāyassāpi gahaṇaṃ veditabbam, na vedanādikkhandhattayasēva. Kāyapassaddhiādayo hi rūpakāyassāpi darathādinimmaddakāti. **Kammaññāneva hontīti** na kevalaṃ kammaññāneva suvisadāni

ujukāniyeva honti, avinābhāvitāya pana tadubhayaṃ viṣuṃ na vuttaṃ. Kāyacittānaṃ passaddhādibhāvo ca tesāṃ apassaddhādihetubhūtānaṃ uddhaccādithinamidhādidiṭṭhimānādisesanīvaraṇādiassaddhiyādimāyāsāṭṭheyyādisaṃkilesadhammānaṃ viddhaṃsanavaseneva tadā vipassanācittupādassa pavattanato.

1288-90. Manussānaṃ ayanti mānusi, manussayogyakāmasukharati. Tādisehi manussavisesehi anubhavitabbatānativattanato dibbaratipi saṅgahitā, mānusiṣadisatāya, kāmasukhabhāvena dibbā ratī vā mānusi, tassā atikkantatāya na mānusi amānusi, taṃ **amānusiṃ. Suññāgāranti** yaṃ kiñci vivittaṃ senāsaṇaṃ, vipassanaṃ eva vā, sāpi hi niccabhāvādisuññatāya, yogino sukhasannissayatāya ca “suññāgāra”nti vattabbaṃ labhati. Cittassa anupasaṃkarānaṃ kilesānaṃ vigamena **santacittassa** saṃsāre bhayassa ikkhanena **bhikkhuno sammā** nīyena rūpārūpadhammānaṃ udayabbayānupassanādivasena te **vipassato** sammasato sammāraddhavipassanānaṃ manussānaṃ visayatāya **amānusi** vipassanāpītisukhasaññitā **rati** hotīti ayamettha gāthāya saṅkhepattho. Dutiyagāthā pana udayabbayañānameva sandhāya vuttā. Tattha **yato yatoti** rūpato, arūpato vā.

1291. Nāṇādayoti nāṇasaddhādayo satta. **Vuttanayenāti** “nāṇanti vipassanāñāṇaṃ, saddhāti vipassanācittasampayuttā saddhā”tiādinā vuttanayānusārena vipassanāvaseneva nīyā. Tattha nāṇaṃ rūpārūpadhamme udayabbayānupassanāvasena tulayantassa tīrentassa vissanatthaindavajiramiya avigatavegaṃ tikhiṇaṃ sūraṃ ativisaḍaṃ uppajjati. Tathā hi tena yogī “maggaṃ pattosmī”ti maññati. Saddhāti kilesakālusiyāpagamena cittacetasiḍānaṃ atisayapasādhātā balavatī saddhā, na pana kammaphalaṃ, ratanattayaṃ vā saddahanavasena pavattā. Satipi sūpaṭṭhitā acalā pabbatarājasadisā uppajjati. Imissā ca uppannāya so yaṃ yaṃ ṭhānaṃ paccavekkhati, taṃ taṃ ṭhānaṃ anupavisiṭvā okkhanditvā pakkhanditvā paribhaṇḍabhūtassa yathākammūpagañāṇassa upaṭṭhahante paralokavisayatā vāññāyatanavisayamatīnti dibbacakkhuno paraloko viya satiyā upaṭṭhāti. Sukhaṃ pana sakalasarīraṃ abhisandamānaṃ atipaṇṭitaṃ uppajjati. Tasmīñhi uppanne taṃsamutṭhitehi atipaṇṭitehi rūpehi sabbo kāyo pariḍuṭṭo, paribrūhito ca hoti. Upekkhā pana vipassanupekkhā ceva āvajjanupekkhā ca. Tattha vicinitavicayatā saṅkhārānaṃ vicinane majjhatabhāvena ṭhitā vipassanupekkhā. Sā pana atthato tathāpavattā tatramajjhattupekkhā. Manodvārāvajjanacittasampayuttā vedanā āvajjane ajjupekkhanavasena pavattiyā āvajjanupekkhāti vuccati. Duvidhā panesā tadā uppajjati. Tathā hi tasmīṃ samaye sabbasaṅkhārānaṃ udayabbaye majjhatabhūtā vipassanupekkhā balavatī uppajjati, manodvāre āvajjanupekkhāpi. Sā hissa taṃ taṃ ṭhānaṃ āvajjantassa vissanatthaindavajiramiya, pattapuṭe pakkhandatattanārāco viya ca sūra tikhiṇā hutvā pavattati. Vīriyampi asithilamanaccāraddhaṃ sampayuttadhamme kilesapakkhato kosajjapakkhato paggaṇhantaṃ supaggahitaṃ uppajjati, nikanti ca obhāsādiḍapaṇḍitāya vipassanāya ālayaṃ kurumānā bhāvanāya sātisayappavattiyā sukhumā santākārā uppajjati. Yā kilesoti pariggahitumpi na yuttā. Yathā ca obhāse, evaṃ etesupi aññasmiṃ uppanne yogāvacaro “na vata me ito pubbe evarūpā pīti uppannapubbā, evarūpā passaddhi nāṇaṃ saddhā sati sukhaṃ upekkhā vīriyaṃ nikanti uppannapubbā, addhā maggaḍhalappattosmī”ti gaṇhāti, tassevaṃ gaṇhato vipassanā vīthiukkantā nāma hoti. So teyeva assādentō nisīdati. Ime ca pana vipassanupakkilesā yebhuyyena samathavipassanālābhino uppajjanti. So samāpattivikkhambhitānaṃ kilesānaṃ asamudācārato “arahā aha”nti cittaṃ uppādetīti.

1292-3. Upaklesassa vatthutoti nipariyāyato diṭṭhimānataṇhā idha upakkilesā tesāṃ vatthuto uppattiṭṭhānatāya, na sabhāvato akusalattā. Yathā pana obhāsādayo, evaṃ nikantipi diṭṭhiggāhādīnaṃ ṭhānaṃ hotīti vatthubhāvopissā yujjateva. **Taṃtamāvajjamānassa, bhāvanā parihāyatīti** taṃ taṃ obhāsādiḍikaṃ āvajjamānassa diṭṭhimānataṇhāvasena “mama obhāso”tiādiggaḍhaṃ pavattentassa bhāvanā vīthiṃ okkamitvā parivaṭṭati. Appaṃ sutametassāti **appassuto**.

1294-7. Bahussuto pana obhāsādiṣu uppannesu “ayaṃ kho me obhāso uppanno, so kho panāyaṃ anicco saṅkhato paṭiccasamuppanno khayadhammo vayadhammo virāgadhammo nirodhadhammo”ti vā, sace obhāso attā bhaveyya, attāti gahetuṃ vaṭṭeyya, anattā ca panāyaṃ attāti gahito, tasmā “so avasavattanaṭṭhena anattā, hutvā abhāvaṭṭhena anicco, udayabbayaḍipīḷanaṭṭhena dukkho”tiādinā samanupassati, so evaṃ samanupassanto upakkilesajaṭaṃ vijātetvā obhāsādayo dhammā na maggo, upakkilesavinimuttaṃ pana vīthipaṭipannaṃ vipassanāñāṇaṃ maggoti maggañca amaggañca vavatthapeti. Tena vuttaṃ “**sabbobhāsādayo**”tiādi. **Maggāmaggesu nāṇanti** maggāmaggañāṇaṃ, maggāmaggañāṇadassanavisuddhīti vuttaṃ hoti. Maggāmaggañāṇadassanavisuddhipattiyā ca tena yoginā tiṇṇaṃ saccānañca vavatthānaṃ kataṃ hoti. Kathaṃ? Diṭṭhivissuddhiyā tāva nāmarūpavavatthāpanena dukkhasaccavavatthānaṃ kataṃ hoti, kaṅkhāvitaraṇavisuddhiyā paccayapariggahena samudayasaccassa vavatthānaṃ. Abhidhammanayasmiñhi sabbakilesā, kammañca samudayasaccaṃ, imissaṃ maggāmaggañāṇadassanavisuddhiyaṃ sammā maggassa avadhāraṇena maggasaccaṃ. Tadupāyabhūtassa hi maggassa avadhāraṇena taṃ avadhāritamevāti evaṃ lokiyeneva tāva nāṇena tiṇṇaṃ saccānaṃ vavatthānaṃ kataṃ hoti.

Iti abhidhammatthavikāsinīyā nāma

Abhidhammāvatārasaṃvaṇṇanāya

Maggāmaggañāṇadassanavisuddhiniddesaṃvaṇṇanā niṭṭhitā.

21. Ekavīsatiso paricchedo

Paṭipadāñāṇadassanavisuddhiniddesaṃvaṇṇanā

1298. Aṭṭhañāṇavasenevāti udayabbayañāṇādīnaṃ aṭṭhannaṃ ñāṇānaṃ vasena. Vipassanācārassa matthakappattiyā saṅkhārupekkhāñāṇaṃ **sikhāpattā vipassanā**. Sikhāpatti panassā udayabbayañāṇādīnaṃ aṭṭhañāṇānaṃ vasenāti āha “**aṭṭhañāṇavasenā**”ti. **Navamanti** saccānulomikañāṇaṃ. Iti udayabbayādīni aṭṭha, idaṇca navamañāṇaṃ **paṭipadāñāṇadassananti pavuccati**. Paṭipajjati eṭāya ariyamaggoti **paṭipadā**, udayabbayādīnaṃ jānanaṭṭhena, paccakkhato dassanaṭṭhena **ñāṇadassana**ñcāti katvā.

1299. Tāni pana ñāṇāni sarūpato dassetuṃ “**aṭṭha ñāṇāni**”tiādi vuttaṃ. Tattha udayabbayānupassanāñāṇaṃ kiñcāpi tīraṇapariññāya paṭiṭṭhaṃ, tathāpi yathāvuttaṭṭhena paṭipadāñāṇadassanampi hotiyevāti tampi idha vuttaṃ. Itaratta pana uppannamattaṃ appaṇaṃ sandhāya vuttaṃ. Appaṇaṇāhi niccasaññāḍipahānasiddhiyā pahānapariññāya adhiṭṭhānabhūtaṃ. Yato tadadhigamena aṭṭhārasasu mahāvīpassanāsu ekaccā adhiṭṭhāva honti. Na hi udayabbayānaṃ paccakkhato paṭivedhena vinā sāmāññākāraṇaṃ tīraṇamattena sātisayaṃ paṭipakkhappahānaṃ sambhavati. Asati ca paṭipakkhappahāne kuto ñāṇādīnaṃ vajiramiva avihatavegatā tikhiṇavisadādītā vā, tasmā paṇaḥbhāvappattaṃ udayabbayañāṇaṃ pahānapariññāpakkiyameva daṭṭhabbaṃ.

1300-2. Bhaṅgeti saṅkhārānaṃ bhaṅge. Yathābhūtaḍassāvī bhāyati etasmāti **bhayaṃ**, tebhūmakadhammā, tesu bhayato upaṭiṭṭhantesu bhāyitabbākāraggāhiñāṇaṃ **bhayeñāṇaṃ**. Tathā hetamaṃ “bhayatupaṭṭhānañāṇa”nti vuccati. Muccituṃ icchatīti muccitukamyamaṃ, cittaṃ, puggalo vā, tassa bhāvo **muccitukamyatā**, taṃ pana ñāṇamevāti āha “**ñāṇaṃ muccitukamyatā**”ti. Puna paṭisaṅkhānākāreṇa pavattaṃ ñāṇaṃ **paṭisaṅkhānupassanāñāṇaṃ**. Nirapekkhatāya saṅkhārānaṃ upekkhanavasena pavattaṃ ñāṇaṃ **saṅkhārupekkhāñāṇaṃ**. Gāthābandhatthaṃ pana visandhiniddeso. Oḷārikoḷārikassa saccapaṭicchādakatamassa vigamanena saccapaṭivedhānukūlattā **saccānulomikaṃ**. Taṃ pana idanti āha “**saccānulomañāṇanti, anulomaṃ pavuccati**”ti.

1303. Nanu ca udayabbayañāṇassa pageva siddhattā kimatthaṃ puna tatthāpi abhiyogoti ce? Aniccādilakkhaṇasallakkhaṇatthaṃ. Udayabbayañāṇāhi heṭṭhā dasahi upakkilesehi upakkiliṭṭhaṃ hutvā yāthāvasarasato tilakkhaṇaṃ sallakkhetuṃ nāsakkhi, upakkilesavinimuttaṃ pana sakkoti, tasmā lakkhaṇasallakkhaṇatthaṃ puna tattheva yogo kātabbo. Lakkhaṇāni cassa udayabbayādīnaṃ amanasikārā, santatiiriyāpathaghanachannatāya ca nopaṭṭhahanti, tasmā udayabbayaṃ manasi katvā santatiṃ ugghāṭetvā aniccalakkhaṇaṃ, abhiṇhapīḷānaṃ pariggahetvā iriyāpathaṃ ugghāṭetvā dukkhalakkhaṇaṃ, dhātuyo vinibbhujitvā ghanavinibbhogaṃ katvā anattalakkhaṇaṇca sallakkhetvā “aniccā dukkhā anattā”ti saṅkhārā punappunaṃ sammasitabbā. Tassevaṃ tulayato tīrayato yadā saṅkhārāgatamaṃ attano lahuupaṭṭhānena, ñāṇassa ca tikkatāya tīrohitupādāḍibhedamaṃ bhijjamānameva upaṭṭhāti, bhaṅgeyeva tassa ñāṇaṃ santiṭṭhāti, tadā bhaṅgānupassanā nāma vipassanāñāṇaṃ adhiṭṭhānaṃ hoti. Tassa tadeva saṅkhārānirodhārammaṇabhaṅgānupassanaṃ āsevantaṃ yadā sabbabhavayonigatitṭhitinivāsesu saṅkhārā bhijjanasabhāvatāya yakkarakkhasādayo viya mahābhayaṃ hutvā upaṭṭhahanti, tadāssa bhayatupaṭṭhānañāṇaṃ adhiṭṭhānaṃ hoti. Kiṃ panidaṃ ñāṇaṃ bhāyatīti? Na bhāyati. Tañhi “atītā saṅkhārā niruddhā, paccuppannā nirujjhanti, anāgatā nirujjhissanti”ti tīraṇamattameva hoti, byasanāpannānaṃ pana sabbasaṅkhārānaṃ bhayato upaṭṭhitānaṃ gahaṇena bhayatupaṭṭhānañāṇanti vuccatīti.

Tassa taṃ bhayatupaṭṭhānañāṇaṃ āsevantaṃ yadā sabbabhavagatesu saṅkhāresu tānaṃ vā leṇaṃ vā parāyaṇaṃ vā na paññāyati, ukkhittāsiko viya paccāmitto sādīnavā eva saṅkhārā upaṭṭhahanti, tassa saṅkhārānaṃ ādīnavameva passantaṃ ādīnavañāṇaṃ nāma uppannaṃ hoti. Tassevaṃ sabbasaṅkhāre ādīnavato passantaṃ yadā tibhavapariyāpannesu nibbedo uppajjati, ukkaṇṭhā saṅṭhahanti, sabbasaṅkhāravisammutte santipade abhiratiṃ paṭilabhati, tadāssa nibbidānupassanaṃ nāma ñāṇaṃ uppannaṃ hoti. Tassa yadā iminā nibbidāñāṇena sabbasaṅkhāresu nibbindantaṃ ekasaṅkhārepi cittaṃ na sajjati, sabbasmā saṅkhārato sappamukhagatassa viya maṇḍūkassa muccitukāmatā uppajjati, tadā muccitukamyatāñāṇaṃ nāma uppannaṃ hoti. Tassevaṃ sabbasaṅkhārehi muccitukāmassa niccasukhasubhaattākāreṇa pana upaṭṭhituṃ asamatthataṃ pāpetvā muccanassa upāyasampādanatthaṃ aniccantikāḍīhi aniccalakkhaṇaṃ, abhiṇhapāṭipīḷānatādīhi dukkhalakkhaṇaṃ, ajaññakatādīhi paṭikkūlataṃ, tucchatādīhi anattalakkhaṇaṇca āropetvā sabbasaṅkhārāgatamaṃ pariggaṇhantaṃ paṭisaṅkhānupassanāñāṇaṃ nāma uppannaṃ hoti. Tena panevaṃ pariggahitasāṅkhāreṇa yā sā “suññamidaṃ attena vā attaniyena vā”tiādinā dvikoṭikāḍībhedā suññatā vuttā, sā pariggahetabbā. Tassevaṃ suññato disvā tilakkhaṇaṃ

āropetvā sammasantassa yadā bhayañca nandiñca vippahāya vissatṭhabhariyassa viya sañkhāragatesu upekkhā santiṭṭhati, tīsu bhavesu cittaṃ na sampasāriyati, tadāssa sañkhārupekkhāñāṇaṃ nāma uppannaṃ hoti. Taṃ panetaṃ yāva nibbānaṃ na passati, tāva disākāko viya kūpakayaṭṭhiṃ punappunaṃ sañkhārameva anabhimatampi nissāya sañkhāravacinanepi majjhattameva hutvā tiṭṭhati. Tena vuttaṃ “**etesu pana ñāṇesu**”tiādi.

1306. Vipassanā...pe... vuṭṭhānagāminīti sikhāṃ uttamabhāvaṃ pattatā **sikhāpattā**. Vuṭṭhānaṃ gacchatīti **vuṭṭhānagāminī**. “Vuṭṭhāna”nti hi bahiddhā nimittabhūtā abhiniviṭṭhavatthuto ceva ajjhattappavattato ca vuṭṭhahanato maggo vuccati, taṃ gacchatīti **vuṭṭhānagāminī**, maggena saddhiṃ ghaṭṭiyatīti atho.

1307. Tanti yaṃ sikhāpattā vipassanā saccānulomañāṇanti ca vuccati, taṃ sañkhārupekkhāñāṇaṃ. **Āsevantassāti** punappunaṃ sammāsanavasena sevantassa bhāventassa bahulīkarontassa. Tassa hi adhimokkhasaddhā bhāvanāvasena balavataṛā nibbattissati, vīriyaṃ supaggahitaṃ paṭipakkhavidhamanasamatthaṃ hoti, ārammañābhimukhabhāvena sati supatiṭṭhitā hoti, passaddhisukhānaṃ sātisayatāya cittaṃ susamāhitaṃ, tatova anulomañāṇupattiyā paccayo bhavituṃ samatthā tikkhatamā sañkhārupekkhā uppajjati.

1308-12. Aniccā...pe... votarateva sāti aniccādīsu ekena ākārena sammasantī sattakkhattuṃ pavattitvā bhijjantī bhavaṅgaṃ otiṇṇā nāma hoti, tato paraṃ bhavaṅgavāroti katvā. **Sañkhārupekkhākatanayenā**ti aniccādīna ārammaṇakaraṇavaseneva sañkhārupekkhāya katanayena, na sammāsitanayena. Tenāha “**aniccādi...pe... kurumāna**”nti. **Bhavaṅgavaṭṭanaṃ katvā**ti bhavaṅgassa nivattanaṃ katvā cittaṃ bhavaṅgavasena pavattituṃ adatvā. **Parikammanti** maggassa parikammattā paṭisañkhārakattā. **Upacāranti** maggassa āsannattā, samīpacārīttā vā.

1313-6. Anulomattaṃ sayameva vadati “**purimāna**”ntiādinā. Idañhi aniccalakkhaṇādivasena sañkhāre ārabbaṃ pavattatā, “udayabbayavantānaṃyeva vata dhammānaṃ udayabbayañāṇaṃ uppādavaye addasā”ti ca “bhaṅgavantānaṃyeva vata bhaṅgānupassanaṃ bhaṅgamaddasā”ti ca “sabhayaṃyeva vata bhayatuṃpaṭṭhānassa bhayato upaṭṭhita”nti ca “sādīnaveyeva vata ādīnavānupassanaṃ ādīnavamaddasā”ti ca “nibbinditabbeyeva vata nibbidāñāṇaṃ nibbinda”nti ca “muccitabbamhiyeva vata muccitukamyatāñāṇaṃ muccitukāmaṃ jāta”nti ca “paṭisañkhātābbameva vata paṭisañkhāñāṇena paṭisañkhāta”nti ca “upekkhitabbamhiyeva vata sañkhārupekkhāya upekkhita”nti ca atthato vadamānaṃ viya imesañca aṭṭhannaṃ ñāṇānaṃ katakiccatāya anulometi sabbāsāmyeva vipassanānaṃ lakkhaṇattayasammāsanakiccattā, tathā upari ca ariyamagge sattatīmsāya bodhipakkhiyadhammānaṃ tāya paṭipadāya pattabbatāya. Na hi anulomañāṇe thūlathūlasaccapaṭicchādakasamkilesavikkhambhanavasena appavattante gotrabhuñāṇaṃ uppajjati, gotrabhuñāṇe ca anuppanne maggañāṇaṃ na uppajjati, tasmā purimacchimānaṃ bhāgānaṃ anulomattā “anulomanti saññita”nti. **Tenevāti** heṭṭhimañāṇānaṃ anulomamukhena, upari bodhipakkhiyānaṃ anulomanato ca. **Saccānulomañāṇanti pavuccati** maggasaccassa anulomikattā. **Vuṭṭhānagāminiyāti** sañkhārārammaṇāya vuṭṭhānagāminiyā vipassanāya. **Pariyosānanti** purimā koṭi. Sañkhārārammaṇavipassanāsu hi ayaṃ visesato vuṭṭhānagāminivipassanāti. Asañkhatārammaṇaṃ pana sabbena sabbaṃ ariyamaggasañkhātaṃ vuṭṭhānaṃ gacchati upetīti. Tatopi hi visesato “vuṭṭhānagāminivipassanā”ti vattabataṃ labhatīti āha “**ñeyyaṃ sabbappakārenā**”tiādi.

1317-8. Kittitāti thomitā, ariyamaggādhiṭṭhānatāya mahantānaṃ sīlakkhandhādīnaṃ esanato gavesanato **mahesinā** sammāsambuddhena. Santakilesatāya **santā**. **Yoganti** bhāvanaṃ, bhāvanābhijogaṃ vā.

Iti abhidhammatthavikāsiniyā nāma

Abhidhammāvatārasaṃvaṇṇanāya

Paṭipadāñāṇadassanavisuddhiniddesavaṇṇanā niṭṭhitā.

22. Bāvīsatiṃ paricchedo

Ñāṇadassanavisuddhiniddesavaṇṇanā

1319-21. Idāni ñāṇadassanavisuddhiyā niddese anuppatte sā yassa ñāṇassa anantaraṃ uppajjati, taṃ tāva dassento “**ito para**”ntiādimāha. **Ito paranti** ito anulomañāṇato upari. **Āvajjanīyaṭṭhānattāti** āvajjanakiccaṃ karontaṃ kiriyamanodhātu viya maggassa āvajjanatṭhāne ṭhitattā abbohārikameva ubhayavisuddhilakkhaṇābhāvato. Kiñcāpi evaṃ, tathāpi vuṭṭhānagāminivipassanāya pariyoṣanattā vipassanāpakkhiyamevāti āha “**vipassanāya sotasmim, patitattā vipassanā**”ti. Etenassa paṭipadāñāṇadassanavisuddhibhajaṇaṃ dasseti.

1322. Puthujjanesu bhavaṃ pothujjanikaṃ, tadeva gottaṃ ariyehi asammissā puthujjanasamaññāti **pothujjanikagottaṃ**. Ekavaṃsajānañhi samānā samaññā “gotta”nti vuccati, gaṃ t̄yati buddhiṃ, abhidhānañca ekavaṃsikaṃvisayatāya rakkhatīti katvā. **Vā**-saddo vakkhamānatthavikappane. Abhibhuyya pavattito gotrabhūti sambandho. **Gottaṃ vuccati nibbānaṃ** “ariyo”ti buddhiyā, abhidhānassa ca t̄yanato pavattanatoti adhippāyo. **Tato bhavatīti** tato gottato ārammaṇapaccayato bhavati. **Iti**-saddo cettha hetuttho daṭṭhabbo. Tena yasmā tato bhavati, tasmā gotrabhūti attho.

1323-5. Nānadassanavisuddhi eva **nānadassanasuddhikaṃ**. Taṃ sampādetuṃ panicchatā tena bhikkhunā yaṃ aññaṃ kiñcīpi kātappaṃ, taṃ natthīti sambandho. Kasmā natthīti ce āha “**yaṃ hī**”tiādi. “**Katamevā**”ti vutte “katha”nti anuyogassa upaṭṭhitattā “**anulomāvasānaṃ hī**”tiādinā taṃ samattheti.

1326-7. Evaṃ uppannaanulomaññaṃ panassa etehi tīhipi anulomaññehi attano balānurūpena thūlathūle saccapaṭicchādakatamaṃhi antaradhāpīte sabbasaṅkhāragate cittaṃ na pakkhandati, na laggati, padumapalāsato udakaṃ viya patikuṭāti pativaṭṭati, sabbam̄ nimittārammaṇampi sabbam̄ pavattārammaṇampi palibodhato upaṭṭhāti, athassa sabbasmiṃ nimittappavattārammaṇe palibodhato upaṭṭhite dutiyassa vā tatiyassa vā anulomaññaṃ anantaraṃ gotrabhuññaṃ uppajjati. Tenāha “**tassā**”tiādi. **Paṭhamāvajjanañceva paṭhamābhogātāpi cāti** paṭhamāvajjanaṃ paṭhamābhogabhūtaṃ. Sakatthe hi ayaṃ t̄a-paccayoti. Tattha āvajjanaṃ cittasantānassa pariṇāmanavasena, ābhogo attano ābhujanavasena daṭṭhabbo.

1328-33. **Anantarādīhīti** anantarasamanantaraāsevānaupanissayanatthivigatavasena chahi paccayehi. **Muddhanti** muddhabhūtaṃ. Ekantikātāya ekavārameva ca uppajjanato punarāvattābhāvena pana **anāvattaṃ**. **Anāvajjanampi cāti** anāvajjanampisamānaṃ. **Saññaṃ datvā viyāti** “evaṃ uppajjāhī”ti saññaṃ datvā viya. **Anibbidhapubbanti** apadālītapubbam̄. **Viddham̄sentovāti** vināsento eva. **Jāyatīti** nibbattati. Ettha ca imaṃ upamaṃ āharanti – eko kira issāso aṭṭhausabhamatte padese phalakasataṃ ṭhapāpetvā vatthena mukhaṃ veṭhetvā saraṃ sannayhitvā cakkayante aṭṭhāsi, añño puriso cakkayantaṃ āvijjhivā yadā issāsassa phalakaṃ abhimukhaṃ hoti, tadā tattha daṇḍakena saññaṃ deti. Issāso daṇḍakasaññaṃ amuñcivāva saraṃ khipitvā phalakasatanibbijjati. Tattha daṇḍakasaññaṃ dento viya gotrabhuññaṃ, issāso viya maggaññaṃ, daṇḍakasaññaṃ amuñcivāva phalakasataṃ nibbijjanaṃ viya maggaññaṃ gotrabhuññaṃ dinnasaññaṃ amuñcivāva nibbānaṃ ārammaṇam̄ katvā anibbidhapubbānaṃ apadālītapubbānaṃ lobhadosaṃhakkhandhānaṃ nibbijjhananti.

1335-8. **Anāmatagga...pe... mahodadhinti** aṭṭhamabhavato paṭṭhāya nibbattaṃ aññātakotiṃ saṃsāraṇaṭṭadukkhamaṃhāsamuddaṃ. Pañātipātādīpañcaverāni ceva pañcavīsati mahābhayāni cāti **sabbaverabhayāni**. **Anekepi ānisaṃseti** ratanattaye nivṭṭhasaddhādike ānisaṃse. **Ādimaggenāti** sotāpattimaggaṃsaṅkhātena paṭhamamaggena. Paṭhamamaggaññaṇaṇā.

1339. **Tassevānantaranti** tassa anantaraṃyeva. **Dvepi tīpi vāti** nātītikkhapaññaṃ dve, tikkhapaññaṃ tīpi phalacittāni.

1340-3. “**Ajānitvā vadanti te**”ti vatvā tattha kāraṇam̄ dassetuṃ “**ekassā**”tiādi vuttaṃ. **Pañcamaṃ maggacittanti** imināva chaṭṭhassa abhāvādīpanena “ekam̄ phalacitta”nti vadato godattattherassa vādopi paṭikkhitto.

1344. “**Ettāvata**”ti paṭhamamaggassa uppattianantaraṃ phalassa uppattimattena. **Sotāpannoti vuccatīti** sotāpanno nāma dutiyo ariyapuggaloti vuccati. So devarajjacakkavattirajjādīpamādaṭṭhānaṃ āgamma bhusaṃ pamattopi hutvā kāmasugatiyaṃ sattakkhattumeva sandhāvitvā saṃsaritvā dukkhassantakaraṇasamattho hoti. Yathāha

“Kiñcāpi te honti bhusaṃ pamattā,
Na te bhavaṃ aṭṭhamamādiyanti”ti. (khu. pā. 6.9; su. ni. 232; netti. 115);

Rūpārūpalokesu pana na tathā niyamoti ācariyā.

1347. **Phalādīnanti ādi**-saddena pahīnakilesādike saṅgaṇhāti. Tathā ca “iminā vatāhaṃ maggena āgato”ti paṭhamam̄ maggaṃ paccavekkhati, tato “ayaṃ me ānisaṃso laddho”ti phalaṃ paccavekkhati, tato “ime nāma me kilesā pahīnā”ti pahīnakilese paccavekkhati, tato “ime nāma me kilesā avasiṭṭhā”ti uparimaggaṭṭayavajjhe kilese paccavekkhati, avasāne “ayaṃ me dhammo ārammaṇato paṭividdho”ti amataṃ nibbānaṃ paccavekkhati. Iti sotāpannaṃ pañca paccavekkhaṇaṇāni honti. Yathā ca sotāpannaṃ, evaṃ sakadāgāmanāgāmanāpi. Arahato pana avasiṭṭhakilesapaccavekkhaṇam̄ nāma natthi. Evaṃ sabbānīpi ekūnavīsati paccavekkhaṇaṇāni. Tenāha “**paccavekkhaṇaṇāni, bhavante kūnavīsati**”ti.

1348-50. Yāsaṃ paccavekkhaṇavasena imāni ñāṇāni pavattanti, tā dassetuṃ “**maggo phalañcā**”tiādimāha. Ukkatṭhaparicchedoyeva ceso. Pahīnāvasiṭṭhakilesapaccavekkhaṇāñhi sekhānampi hoti vā na vā. Na hi sabbeva tattha samatthā honti. Teneva hi mahānāmo bhagavantaṃ pucchi “ko su nāma me dhammo ajjhantaṃ appahīno, yena me ekadā lobhadhammāpi cittaṃ pariyādāya tiṭṭhanti”tiādi (ma. ni. 1.175). **Yogamārabhateti** tasmimyeva vā āsane nisinno, aparena vā samayena kāmarāgabyāpādānaṃ tanubhāvakarāya sakadāgāmimaggasaṅkhātāya **dutiya bhūmiyā** adhigamattāya vipassanāyogaṃ karoti, dutiyabhāvo cassa desanāvasena, uppattivasena ca vedītabbo. Sampayuttānaṃ pana nissayabhāvena te dhammā bhavanti etthāti **bhūmi**, yasmā vā samānepi lokuttarabhāve sayampi bhavati, na nibbānaṃ viya apātubhūtaṃ, tasmāpi “**bhūmi**”ti vuccati. **Ñāṇena parimajjati** tena tenākārena indriyānaṃ tikkhataraṃ sampādetvā, balabojjhaṅgānañca paṭutarabhāvaṃ sādhetvā lakkhaṇattayaṃ tīraṇavasena parimajjati.

1351-2. Tattha aparāparaṃ ñāṇaṃ cārento parivatteti. Tenāha “**vipassanāvīthim ogāhati**”ti. **Heṭṭhā vuttanayenā**ti udayabbayaññādīnaṃ uppādane vuttanayeneva. **Gotrabhussa anantara**ti ettha gotrabhu viya gotrabhu. Paṭhamamaggapurecārikaññāñhi puthujjanagottābhībhavanato, ariyagottabhavanato ca nipariyāyato “gotrabhū”ti vuccati, idaṃ pana taṃsadisatāya pariyāyato gotrabhu. Ekaccasaṃkilesavisuddhiyā, pana accantavisuddhiyā ārammaṇakaraṇato ca “vodāna”nti vuccati. Tenāha **paṭṭhāne** “anulomaṃ vodānassa anantarapaccayena paccayo”ti (paṭṭhā. 1.1.417). Yasmā pana **paṭisambhidāmagge** “uppādādiabhihavanaṭṭhaṃ upādāya aṭṭha gotrabhudhammā samādhivasena uppajjanti, dasa gotrabhudhammā vipassanāvasena uppajjanti”tiādisu (paṭi. ma. 1.60) gotrabhunāmaseneva āgataṃ, tasmā idhāpi “gotrabhussa anantara”nti vuttaṃ gottasaṅkhātānibbānato bhūtaṃ katvā. Dutiyamaggaññavaṇṇanā.

1355-7. Yanti yasmā. **Sakidevāti** ekavārameva. **Imaṃ lokam āgantvāti** iminā pañcasu sakadāgāmīsu cattāro vajjetvā ekova gahito. Ekacco hi idha sakadāgāmiphalaṃ patvā idheva parinibbāyati, ekacco idha patvā devaloke parinibbāyati, ekacco devaloke patvā tattheva parinibbāyati, ekacco devaloke patvā idhūpapajjitvā parinibbāyati ime cattāropi idha na gahitā. Yo pana idha patvā devaloke yāvātayukaṃ vasitvā idhūpapajjitvā parinibbāyati, ayamekova idha gahitoti. **Antakaro bhaveti** dukkhassantakaro bhaveyya, bhava vā antakaro bhavassa antakaroti attho. Tatiyāya bhūmiyā pattiyaṃ sambandho. **Byāpādakāmarāgānaṃ pahānāyāti** tesamyeva sakadāgāmimaggena tanukāraṇaṃ saṃyojanānaṃ niravasesappahānāya. Tatiyamaggaññavaṇṇanā.

1363-7. Paṭisandhivasena kāma bhavassa anāgamanato **anāgāmī**. Tenāha “**tattheva parinibbāyī**”ti. **Tatthevāti** suddhāvāse vā aññattha vā yattha uppanno, tattheva parinibbāyī. **Anāvattisabhāvoti** tasmā lokā idha paṭisandhiggahaṇavasena imaṃ lokam punarāgamanābhāvato anāvattanasabhāvo, buddhadassanatheradassanadhammassavanānaṃ panatthāya āgamaṇaṃ hotiyeva. **Rūparāgādipahānāyāti** rūparāgaarūparāgamaṇauddhaccaavijjāsāṅkhātānaṃ pañcanaṃ uddhambhāgiyasamyojanānaṃ niravasesappahānāya. **Viddhamsāyāti** vināsāya. Catutthamaggaññavaṇṇanā.

1371-4. **Mahākhīṇāsavoti** mahānubhāvato nibaddhapūjāvacaṇametam, na upādāyavacaṇaṃ “yathā mahāmogallāno”ti. Na hi cūḷakhīṇāsavo nāma atthi. Anupatto sadattho sakattho, pūjattho vā etenāti **anuppattasadattho**, sadatthoti ca arahattaṃ vedītabbaṃ. Tañhi attupanibandhanaṭṭhena, attānaṃ avijahanaṭṭhena, attano paramatthaṭṭhena ca attano atthattā “sadattho”ti vuccati. Khīṇāni dasapi bhavasamyojanāni etassāti **khīṇasamyojano**. Dakkhīnaṃ arahatīti **dakkhīneyyo**. **Catassopīti** sotāpattimaggo sakadāgāmimaggo anāgāmimaggo arahattamaggoti catassopi. **Visuddhikāmenāti** attano visuddhiṃ icchantena. Tapoyeva dhanamassāti **tapodhano**, tena.

Iti abhidhammatthavikāsinīyā nāma

Abhidhammāvatārasaṃvaṇṇanāya

Ñāṇadassanavisuddhiniddesavaṇṇanā niṭṭhitā.

23. Tevīsatiṃ paricchedo

Kilesappahānakathāvaṇṇanā

1375. Idāni imissāyeva catutthaññāyā ñāṇadassanavisuddhiyā ānubhāvavijānanatthaṃ yena ye dhammā pahātābā, tesam pahānañca abhisamayakāle pariññādikiccāni ca dassetuṃ “**etesu yena ye dhammā**”tiādi āradhamaṃ. **Ye dhammāti** ye saṃkilesadhammā. **Samyojanādīsu** khandhehi khandhānaṃ, phalena kamma, dukkhena vā sattānaṃ samyojanaṭṭhena bandhanaṭṭhena **samyojanāni**. Sampayuttadhammānaṃ vibādhanatṭhena, upatāpanatṭhena,

saṃkiliṭṭhatāya ca **kilesā**. Abhinivesādivasena micchāvīparītaṃ pavattanato micchāsabhāvāti **micchattā**. Loke dhammā, lokapariyāpannā dhammā, lokappavattiyāṃ sati anuparamadhammattā vāti **lokadhammā**. Maccherassa bhāvo, kammaṃ vāti **macchariyāṃ**. Viparītaṭṭhena **vipallāsā**. Nāmakāyassa ca rūpakāyassa ca ganthanato **ganthā**. Ariyehi agantabbā, ayuttā gatīti vā **agati**. Āsavantīti **āsavā**, ābhavaggato sabbamokāsalokaṃ, āgotrabhuto sabbe dhamme byāpetvā pavattantīti attho, āsavanti saṃsāradukkhanti vā **āsavā**, cakkhādīhi vā saṃvarāsaṃvaradvārehi sattasantāne āsavanti vaṇato yūsāni sandanti viyāti **āsavā**, āsavanti vā etehi cittāni visayesūti **āsavā**. Saṃsāramahāsāgarappattihanānato oghā viyāti **oghā**. Heṭṭhā vuttanayena yojanato **yogā**. Nivārenti lokiyalokuttaragaṇavisesādhiḡamanti **nīvaraṇāni**. Aniccādidhammasabhāvāṃ atikkamma parato asabhāvato āmasantīti **parāmāsā**. Maṇḍukaṃ pannago viya ārammaṇaṃ bhusaṃ ādiyantīti **upādānāni**. Appahīnabhāvena sattasantāne anusenti mūsikavisaṃ viya anurūpakāraṇaṃ labhivā uppajjantīti **anusayā**. Cittassa malīnabhāvākaraṇaṭṭhena **malā**. Akusalakammāni ca tāni duggatīnaṃ pathā cāti **akusalakammāpathā**. Idha pana kammāpathabhāvāṃ appattānaṃ taṃsabhāvato gahaṇaṃ daṭṭhabbaṃ. Cittaṃ uppajjati etthāti cittuppādo, cetāsikarāsi, akusalo ca so cittuppādo cāti **akusalacittuppādo**.

Kāmabhavato uparikoṭṭhāsabhāvato tatiyamaggappattiyā uddhaṃ bhajitabbato, sevittabbato cāti uddhambhāgā, rūpārūpabhavā, tesāṃ hitāni tatthuppajjanakhandhādiyojanatoti uddhambhāgiyāni, tāniyeva saṃyojanānīti **uddhambhāgiyasāṃyojanāni**. Rūpārūpabhavato heṭṭhimakoṭṭhāsabhāvato tatthuppādakilesānaṃ appahīnabhāvena tatiyamaggappattiyā heṭṭhā bhajitabbato vā adhobhāgā, kāmabhavā, tesāṃ hitāni saṃyojanānīti **adhobhāgiyasāṃyojanāni**.

Imesu pana dasasu rūpabhavasāṃyojanaṃ, arūpabhavasāṃyojanaṃ, kāmabhavasāṃyojanaṃca atthato lobhova, sakkāyadīṭṭhisīlabbataparāmāsāpi dīṭṭhiyeva, tasmā dhammato satta saṃyojanāni.

Micchāsānkappo micchāvāyāmo micchāsamādhīti tathā pavattānaṃ vitakkavīriyasamādhīnamadhivacanaṃ. Micchāvācādayo tayo tathā pavattā cetanā. Micchāsati pana cittuppādo. Micchāñāṇaṃ tathā pavatto moho. Micchāvimutti lokathūpikādīsu mokkhoti pavattamicchāgāho.

Kāraṇūpacārenāti lābhahetuko lābho, alābhahetuko alābhotiādīnā kāriyassa kāraṇavasena upacāraṇena. **Lokadhammagahaṇanti** lokadhammagahaṇena gahaṇaṃ.

Āvāse macchariyāṃ, āvāsahetukaṃ vā macchariyanti **āvāsamacchariyāṃ**. Evaṃ **kulamacchariyā**dīnīpi. Tattha **āvāsoti** vihārādi. **Kulanti** upaṭṭhākakulaṃ, ñātikulaṃca. **Lābhoti** paccayalābhoyeva. **Vaṇṇoti** sarīravaṇṇo ca gaṇṇavaṇṇo ca. **Dhammoti** āgamo, adhigamo ca.

“Tayo”ti vatthum abhinditvā vuttaṃ, bhinditvā ca pana vuccamāne dvādasa honti.

Abhisajjanūpanayhanavasena pavattanato abhijjhābyāpādānaṃ kāyaganthātaṃ daṭṭhabbā. “Idameva saccaṃ moghamāñña”nti evaṃ avatthumhi pavatto abhiniveso idaṃsaccābhiniveso. Sīlabbataparāmāsaidāṃsaccābhinivesakāyaganthā cettha atthato dīṭṭhiyeva, tasmā dhammato tayo kāyaganthā.

“Chandadosamohabhayānī”ti agatikāraṇattā vuttaṃ, chandādīhi pana akattabbakāraṇaṃ, kattabbākāraṇaṃca agati nāma.

Āsavesu kāmarāgabhavarāgā atthato lobhoti dhammato tayo āsavā.

Tesamevāti kāmarāgādīnameva. Te hi ogho viya attani patite apāyasamuddaṃ pāpentī, saṃsāradukkhato ca sīsaṃ ukkhipitum na denti, khandhādīni ca khandhādīhi yojenti.

Kāmupādānādīnīti kāmupādānādīṭṭhupādānasīlabbatupādānaattavādupādānāni. Dīṭṭhupādānādīni cettha tathā pavattā dīṭṭhiyeva, kāmupādānaṃ lobhoti dhammato dve upādānāni.

Sattānusayāti ettha yadi appahīnaṭṭhena sattasantāne anusentīti anusayā. Kasmā satteva vuttā, nanu aññesampi kilesānaṃ appahīnabhāvo vijjati? Na mayaṃ appahīnamattena anusayaṃ vadāma, kintu appahīnabhāvena thāmagatakilesā anusayāti, thāmagamaṇaṃ nesaṃ aññehi asādīhāraṇo sabhāvo daṭṭhabbo. Tathā hi dhammasabhāvavedīnā tathāgatena imeyeva anusayā vuttā, kāmarāgoyeva anusayo kāmarāgānusayo. Evaṃ sesesupi. Apare pana “kāmarāgassa anusayo”tiādīnibbācanaṃ vatvā kāmarāgādīnaṃ bījabhūtā attabhāvassa kilesasambhūtā kilesupādānasatti anusayāti vaṇṇenti, tesāṃ matapaṭikkhepo idha papañcāvahattā anāhaṇo.

Pāṇassa atipāto **pāṇātipāto**, **pāṇoti** vohārato satto, paramatthato jīvitindriyaṃ. Tasmim pāṇe pāṇasaññino jīvitindriyupacchedakappayogasamuṭṭhāpikā vadhakacetanā pāṇātipāto. Parabhaṇḍe tathāsaññino tadādāyakkappayogasamuṭṭhāpikā theyyacetanā **adinnādānaṃ**. Asaddhammakāmatāya kāyadvārappavattā agantabbaṭṭhānavītikamacetanā **kāmesumicchācāro**. Abhūtaṃ vatthuṃ bhūtato paraṃ viññāpetukāmassa tathā viññāpanappayogasamuṭṭhāpikā cetanā **musāvādo**. So pana parassa atthabhedakarova kamma patho, itaro kammameva. Saṃkiliṭṭhacittassa parabhedanakāmatāya, attapiyakamyatāya vā parabhedakappayogasamuṭṭhāpikā cetanā **pisuṇavācā**. Sāpi dvīsu bhinnesuyeva kamma patho. Paramammachedakappayogasamuṭṭhāpikā ekantapharusacetanā **pharusavācā**. Anattaviññāpanappayogasamuṭṭhāpikā saṃkiliṭṭhacetanā **samphappalāpo** nāma. So pana parehi gahiteyeva kamma patho hoti. “Aho vatedaṃ mama hotū”ti evaṃ parabhaṇḍābhijjhāyanalakkhaṇā **abhijjhā**. “Aho vatāyaṃ satto vinasseyyā”ti evaṃ manopadosalakkhaṇo **byāpādo**. “Natthi dinna”ntiādinā nayena viparītadassanalakkhaṇā **micchādiṭṭhi**. Ettha ca natthikaahetukaakiriyadiṭṭhīhiyeva kamma pathabhedo.

Imesa ca pāṇātipātādi tividhaṃ kāyakammameva. Taṃ kāyavacīdvāresuyeva uppajjati, na manodvāre. Tathā musāvādādi catubbidhaṃ vacīkammameva. Abhijjhādikāṃ pana tividhaṃ manokammameva. Taṃ tīsupi dvāresu pavattati. Dvārantaesupi pavattamānassa sakasakanāmapariccāgo vuttoyeva. Dhammato cettha ādito satta cetanāsabhāvā, itare tayo cetanāsampayuttāti daṭṭhabbā. Mahāsāvajjaappasāvajjappayogādibhedo pana tattha tattha vuttanayena veditabbo.

Etānīti imāni maggañāṇāni. **Yathāsambhavanti** taṃtaṃmaggaṇurūpaṃ.

Apāyaṃ gacchanti etehīti **apāyagamanīyā**. Sesāti na apāyagamanīyā. **Olārikāti** tatiyamaggena pahātabbāvattaṃ upādāya olārikā. Tenāha “**sukhumā tatiyamaggañāṇavajjhā**”ti. Sukhumā kāmarāgapaṭighāti sambandho. **Catutthamaggañāṇavajjhā evāti** avadhāraṇena paṭhamamaggādivajjhataṃ nivatteti. Na hi rūparāgādīnaṃ apāyagāminiyāvattahāpi atthi, yato te paṭhamāñāṇavajjhāpi siyunti.

Yattha yattha pana eva-saddena avadhāraṇaṃ akatvā yaṃ yaṃ dutiyañāṇavajjhanti vā tatiyañāṇavajjhanti vā catutthañāṇavajjhanti vā vakkhati, tattha tattha so so purimañāṇehi hatāpāyagamanīyādibhāvova hutvā upariñāṇavajjho hotīti veditabbo. Tena **lobha...pe... catutthañāṇavajjhānīti** ettha lobhādayo heṭṭhimamaggavajjhāpi honteva.

Yaseti parivāre.

Dukkhe sukhanti saññācittavipallāsāti sambandho.

Agatiyo paṭhamamaggañāṇavajjhāti kiñcāpi chandādayo taṇhādisabhāvā uparimaggavajjhā, tathāpi tammūlakassa akattabbakaraṇassa, kattabbākaraṇassa ca apāyagamanīyatāya paṭhamamaggañāṇavajjhā.

Katākatakusalākusalavisayaṃ yaṃ vipaṭṭisārabhūtaṃ **kukkuccaṃ**, taṃ idha tatiyañāṇavajjhaṃ vuttaṃ. Yaṃ pana “kukkuccapakatātāya āpattim āpajjati”ti vuttaṃ kukkuccaṃ, taṃ sandhāya “kukkuccavicikicchā sotāpattimaggena pahīyanti”ti (dha. sa. aṭṭha. 1176) **dhammasaṅgañāṭṭhakathāyaṃ** vuttaṃ, tasmā dvinnaṃ vacanānaṃ ayaṃ adhippāyo veditabbo. Aññesupi edisesu ṭhānesu adhippāyova pariyesitabbo, na virodhato paccetabbaṃ. Olārikānavasesappahānaṃ vā sandhāya kukkuccassa paṭhamatatiyañāṇavajjhātā vuttā. Yaṃ pana arahato uppajjamānaṃ “bhagavatā paṭikkhittaṃ anuvasitvā anuvasitvā āvasathapiṇḍaṃ bhujjintuntī kukkuccāyanto na paṭiggahesī”ti (pāci. 204) āgataṃ kukkuccaṃ, na taṃ nīvaraṇaṃ. Na hi nīvaraṇaṃ arahato uppajjati, nīvaraṇapatirūpakaṃ pana kappatīti vīmaṃsanabhūtaṃ vināyakukkuccaṃ nāma, taṃ tathāpavattacittuppādova.

Kāmarāgapaṭighānusayā anusahagatā tatiyañāṇavajjhā, olārikānaṃ pana dutiyañāṇavajjhātā heṭṭhā vuttanayāva.

Akusalacittuppāda-ggahaṇena cettha makkhapalāsamāyāsāṭṭheyyathambhasārambhādīnaṃ saṅgaho katoti daṭṭhabbaṃ.

1376. Tena tenāti tena tena ghātakena saddhiṃ. Kiṃ panetāni ete dhamme ghātentāni atītānāgate ghātentī, udāhu paccuppannetī. Kiṃ panettha, yadi tāva atītānāgate, aphalo vāyāmo āpajjati. Kasmā? Pahātabbānaṃ tadā natthitāya. Atha paccuppanne, tathāpi aphalo vāyāmena saddhiṃ pahātabbānaṃ atthitāya. Athāpi kathañci pahānaṃ siyā, saṃkilesikā maggabhāvanā āpajjati pahātabbappahāyākānaṃ sahāvattānato? Saccametāṃ, ye pana maggena asamuggahātītatā kāraṇalābhe sati avassaṃ uppajjanārahā kilesā, te attano uppattiyā anuppattidhammataṃ āpādentāni etāni te anāgate ghātentī nāma.

1377-82. Pariññādīni kiccānīti pariññāpahānasacchikiriyābhāvanāvasena cattāri kiccāni. **Vuttānīti** “dukkhaṃ

pariññeyya’ntiadinā (saṃ. ni. 5.1099), “yo, bhikkhave, dukkhaṃ passatī”tiadinā (saṃ. ni. 5.1100) ca vuttāni. **Saccābhisamayeti** catunnaṃ ariyasaccānaṃ paṭivijjhanakkhaṇe.

Yathāsabhāvatoti aviparītasabhāvena. “**Jānitabbāni**”ti vatvā kathaṃ panetaṃ jānitabbaṃ, kathaṃ nāma **ekekassa nāṇassa ekakkhaṇe** cattāri kiccāni sambhavanti. Na hi tādisaṃ kiñci loke diṭṭhaṃ atthi, na ca vacanaṃ labbhatīti codanaṃ manasi nidhāya tesam jānanaividhiṃ upamāvasena tāva dassetuṃ “**padīpo hī**”tiādi vuttaṃ. **Vidamsetīti** dasseti. **Pariyādiyati**ti khepeti.

1383-4. Pariññābhisamayenāti anavasesato paricchijja jānanaśāṅkhātena paṭivijjhanena. **Abhisametīti** asammoahasena paṭivijjhati. **Pahānābhisamayenavāti** samucchadappahānanaśāṅkhātena paṭivijjhanena asammoahatova abhisametī. **Bhāvanāvidhināti** sahaajātādīpaccayatāvasena bhāvanābhisamayavidhinā. Maggañāṇaṇhi sammāsaṅkappādivasena maggapubbabhāgabhāvanāśāṅkhātena ariyamaggabhāvanāśāṅkhātena paṭivijjhanena abhisametīti aṭṭhaṅgikaṃ maggaṃ asammoahato paṭivijjhati. Tañhi sampayuttadhammesu sammohaṃ viddhamsettaṃ attanipi sammohaṃ viddhamsettiyeva. **Nirodhanti** nibbānaṃ. **Sacchikarotīti** paccakkhakarāvasena paṭivijjhati. “Nirodhaṃ sacchikarotī”ti nirodhasaccamekaṃ ārammaṇapaṭivedhena cattāripi saccāni asammoahapaṭivedhena maggañāṇaṃ paṭivijjhati.

Evaṃ yuttivasena vibhāvitaṃ ekapaṭivedhaṃ āgamenapi sādhetuṃ “**vuttampi ceta**”tiādi vuttaṃ. **Maggasamaṅgissa nāṇanti** hi “yo nu kho, āvuso, dukkhaṃ passati, dukkhasamudayaṃ so passati, dukkhanirodhampi, dukkhanirodhagāminipaṭipadampi so passati”ti (saṃ. ni. 5.1100) ekasaccadassanasamaṅgino aññasaccadassanasamaṅgibhāvavicāraṇāyaṃ tamatthaṃ sādhetuṃ āyasmatā gavampatittherena vuttaṃ. Aññathā kamābhisamaye sati purimadiṭṭhassa puna adassanato samudayādīpassato dukkhādidassanaṃ puna avattabbaṃ siyā. Idāni panettha upamāsaṃsandanaṃ karonto āha “**padīpo**”tiādi. Nissayābhāvahetutāya dukkhapariññāya vaṭṭijjhāpanasādisatā, paṭipakkhavidhamsanatāya samudayappahānassa andhakāravinaśanasādisatā, nāṇālokaparibrūhanatāya maggabhāvanāya ālokavidamaśanasādisatā, tena tena maggena yathā yathā nirodhassa sacchikiriyā, tathā tathā kilesasnehapariyādānaṃ hotīti nirodhasacchikiriyāya snehapariyādānasādisatā kāraṇūpacārena vuttā.

1385-6. Aparāyapi upamāya tamatthaṃ dassento āha “**uggacchanto**”tiādi. **Obhāsetīti** pakāseti. **Paṭihaññatīti** paṭippassambheti. Etthāpi yathā sūriyo rūpagatāni obhāseti, evaṃ maggañāṇaṃ dukkhaṃ pariñānāti. Yathā andhakāraṃ vināseti, evaṃ samudayaṃ pajahati. Yathā ālokaṃ dasseti, evaṃ sahaajātādīpaccayatāya maggaṃ bhāveti. Yathā sītaṃ paṭippassambheti, evaṃ sabbakilesadarathapariḷhapaṭippassaddhibhūtaṃ nirodhaṃ sacchikarotīti upamāsaṃsandanaṃ daṭṭhabbaṃ.

1388. Appetīti pappoti. Dukkhapariññāya sakkāyatīrasamatikkamabhāvato orimatīrappajahanasādisatā, maggabhāvanāya sattatīmasabodhipakkhiyadhammavahanatāya bhaṇḍavahanasādisatā, ettāvata paññābhāvanāya nānākilesavidhamsanavasappavatto ānisaṃso dassito hotīti.

Ariyaphalasaṃpattinirodhasaṃpattiyopi panassā ānisaṃsāti daṭṭhabbaṃ. Tā pana saṅkhepato evaṃ daṭṭhabbā – “ariyaphalasaṃpattī”ti hi catunnaṃpi phalaṭṭhānaṃ attano attano ariyaphalassa diṭṭhadhammasukhavahāratthaṃ nirodhe appanā. Cattāropi hi ariyapuggalā sakaṃ sakaṃ phalasaṃpattim samāpajjanti. Keci pana “anāgāmiarahantova samāpajjanti samādhismiṃ paripūrakāritāyā”ti vadanti, taṃ akāraṇaṃ attanā paṭiladdhasaṃpattisaṃpajjane samādhismiṃ paripūrakāritāya kātābhābhāvato. Sabbaso asamucchinnakilesassa hi puthujjanassāpi attanā paṭiladdhalokiyasaṃpattisaṃpajjanaṃ labbhati, kimaṅgaṃ pana samucchinnakilesaṇaṃ ariyānaṃ. Uparimā pana heṭṭhimaṃ pubbe paṭiladdhampi na samāpajjanti puggalantarabhāvaṃ upagatatā. Samuggahāṭitakammakilesanirodhanena hi puthujjanehi viya sotāpanassa, sotāpanādīhi sakadāgāmiādīnaṃ puggalantarabhāvūpagamaṇaṃ atthi, anantaraphalattā ca lokuttarakusalānaṃ heṭṭhimato uparimo bhavantaragato viya hotīti tassa tassa ariyassa taṃ phalaṃ bhavaṅgasādisaṃ hoti, tasmā puggalantarabhāvūpagamaṇena paṭippassaddhattā natthi uparimassa heṭṭhimaphalasaṃpattiyā samāpajjanaṃ, heṭṭhimo pana uparimā na samāpajjati anadhigatattāti cattāropi puggalā sakasakaphalameva samāpajjanti. Taṃ pana samāpajjitukāmena ariyasāvakena rahogatenā paṭisallīnena udayabbayādivasena saṅkhārā vipassitabbā. Tassa pavattānupubbavipassanassa saṅkhārārammaṇagotrabbuññānantaraṃ phalasaṃpattivasena nirodhe cittaṃ appeti. Phalasaṃpattininnaccittatāya cettha sekhasa phalameva uppajjati, na maggo. Añño eva hi vipassanācāro ariyamaggāvaho, añño phalasaṃpattiāvaho.

Tathā hi ariyamaggavīthiyaṃ anulomaññāni anibbidhappubbānaṃ thūlathūlallobhakkhandhādīnaṃ sātisaṃyamaṃ padālanena lokiyaññesu ukkaṃsapāramippattāni maggānukūlāni hutvā uppajjanti, phalasaṃpattivīthiyaṃ pana tāni tena tena maggena tesam tesam kilesaṇaṃ samucchinnattā kilesavikkhambhane nirussukkāni kevalaṃ ariyānaṃ

phalasangāpattisukhasamaṅgibhāvassa parikkammappattāni hutvā uppajjantīti na tesam kutoci vuṭṭhānasambhavo. Yato nesam pacchimo saṅkhāranimittato vuṭṭhahitvā maggassa anantarapaccayo bhaveyya, teneva ca phalasangāpattiyā anantarapaccayabhūtam nānam saṅkhārārammaṇameva hoti, na nibbānārammaṇanti veditabbam. Pubbābhisaṅkhāravasena cassā pabandhavasena pavattiparicchinakālāpagame bhavaṅgavasena tato vuṭṭhānañca veditabbam.

Nirodhasamāpatti pana tatiyacatutthaphalaṭṭhānam anupubbanirodhavasena cittacetasiṅgānam dhammānam appavatti. Anāgāmiarahantoyeva hi kāmacchandādisamucchināna samādhismim paripūrakāritāya samathaphalasangānatattā nirodham samāpajjanti. Tathā hetam samathavipassanānam yuganandhabhāvappavattanavasena dvīhi balehi samannāgatasseva sambhavati, tasmā tam samāpajjitukāmena anāgāminā, khīṇāsavena vā aṭṭhasamāpattilābhīnā rahogatenā paṭisallīnena paṭhamajjhānam samāpajjitvā vuṭṭhāya tattha saṅkhārā aniccato dukkhato anattato vipassitabbā, tato dutiyam tatiyam catuttham ākāsānañcāyatanam viññānañcāyatanam samāpajjitvā vuṭṭhāya tattheva tattha saṅkhārā sammasitabbā, atha ākiñcaññāyatanam samāpajjitvā vuṭṭhāya nānābaddhāvīkōpanam saṅghapaṭimānam satthupakkosanam addhānaparicchedoti catubbidham pubbakiccam kātabbam.

Tattha sarīrato viṣamuyuttā mañcapīṭhādayo sattāhabbhantare yathā na nassanti, tathā adhiṭṭhānam **nānābaddhāvīkōpanam**. Sarīrasamuyutte viṣam adhiṭṭhānakiccam natthi. Saṅgho pana nāntikkammādisu kiñcīdeva kammam kattukāmo ‘‘yāva maṃ na pakkosati, tāvadeva vuṭṭhahissāmī’’ti pubbābhogakaraṇam **saṅghapaṭimānam**. Satthā ca ‘‘sikkhāpadapaññāpanādisu yāva maṃ na pakkosati, tāvadeva vuṭṭhahissāmī’’ti pubbābhogakaraṇam **satthupakkosanam**. Sattāhabbhantare attano āyusaṅkhārassa pavattanasamatthāvalokanam **addhānaparicchedo**. Evaṃ katapubbakiccena nevasaññānāsāññāyatanam samāpajjitabbam. Athekam vā dve vā cittavāre atikkamitvā acittako hoti, nirodham phusati, tato yathāparicchedam tatiyacatutthaphalānam aññātarena nirodhā vuṭṭhahissatīti. Evamayam duvidhā samāpatti lokuttarapaññāya āniṣaṃso.

1392-4. Sadevakalokato uttiṇṇena, uttaritarena vāti **lokuttarena** sammāsambuddhena. Paññāya bhāvananti sambandho. **Hitabhāvananti** idhalokaparalokahitavibhāvanam imam paññābhāvanam. **Sukhasamhitanti** siniddhacchāyudakavantatādinā sukhasahitam. **Hitanti** yogakammassa hitam. **Uttamanti** uggatatamam, accuggatam balavantampīti adhippāyo. **Aviggahakampadanti** viggahañca kampañca na detīti aviggahakampadanti attho.

Iti abhidhammatthavikāsinīyā nāma

Abhidhammāvatārasamvaṇṇanāya

Kilesappahānāthavaṇṇanā niṭṭhitā.

24. Catuvīsatimo paricchedo

Paccayaniddesavaṇṇanā

1395. Idāni nesam paccayavidhiṃ dassetuṃ ‘‘yesa’’ntiādi āradham.

Paṭicca enam phalameṭi pavattati, tiṭṭhati, uppajjati vāti **paccayo**, hinoti patiṭṭhāti etthāti **hetu**, anekatthattā dhātusaddānam hi-saddo mūla-saddo viya patiṭṭhattho veditabbo, hinoti vā etena kammanidānabhūtena uddham ojam atiharantena mūlena viya pādapo tappaccayam phalam gacchati viruḷhiṃ āpajjati **hetu**, hetu ca so mūlaṭṭhena, paccayo ca upakāraṭṭhenāti **hetupaccayo**, hetu hutvā paccayo hetubhāvena paccayoti attho.

Evaṃ ārammaṇapaccayādisu daṭṭhabbam. Svāyam paṭisandhiyam kammamuṭṭhānānam, pavattiyam cittasamuṭṭhānānam rūpānam, ubhayattha sahaṅgānāmadhammānañca paccayo. **Sabbalokiyalokuttaranti** iminā paññāntiyāpi loke viditabhāvena lokiyapadena saṅgahitattā rūpādibhedeṣu chabbidhesu saṅkhatāsaṅkhatapaññāntidhammesu na koci dhammo ārammaṇapaccayo na hotīti dasseti. Teneva ‘‘**yaṃ yaṃ dhammam ārabbhā**’’ti aniyato katoti. Nanu ca ‘‘yaṃ yaṃ dhamma’’nti (paṭṭhā. 1.1.2-3) vuttattā paññāntiyā gahaṇam na hotīti? Nāyam doso dhammasaddassa ñeyyavacanattā. **Ārabbhāti** ālambitvā, gahetvāti attho. **Uppajjantīti** idam nidassanamattam. Te pana tam ārabbhā uppajjanti ceva tiṭṭhanti ca. Yathā hi dubbalo puriso daṇḍam vā rajjum vā ālambitvā uṭṭhahati ceva tiṭṭhati ca, evam cittacetasiṅgā dhammā rūpādīārammaṇam ālambitvā uppajjanti ceva tiṭṭhanti cāti.

Jeṭṭhakaṭṭhena upakārako dhammo **adhipatipaccayo**. **Jeṭṭhakaṭṭhenāti** ca pamukhabhāvena. Attādhīnānañhi patibhūto dhammo adhipatīti so tesam pamukhabhāvena pavattati. “Chandādhipati chandasampayuttakānaṃ dhammānaṃ taṃsamuttāhānañca rūpānaṃ adhipatipaccayena paccayo”tiādivacanato chandādayo cattāro dhammā sahaajātanāmarūpānaṃ sahaajātādhipatīti dassento āha “**tattha sahaajātādhipati**”tiādi. “Chandavato kiṃ nāma kammaṃ na sījḥatī”tiādikam purimābhisaṅkhārūpanissayam labhivā uppajjamāne cittuppāde chandādayo dharabhūtā jeṭṭhakabhūtā sampayuttadhamme, taṃsamuttāhānarūpe ca sādhamyānā vase vattayamānā hutvā pavattanti, te ca tesam vasena vattanti hīnādībhāvena tadanuvattanato. Tena te adhipatipaccayā honti, no ca kho ekato. Yādā hi chandaṃ dhuraṃ chandaṃ jeṭṭhakaṃ katvā cittaṃ pavattati, tadā chandova adhipati, na itare. Esa nayo sesesupi. Adhipatibhāvopi hi nesam attano pavattinivārake abhibhuyya pavattanato hoti. **Avasesanti** yathāvuttānaṃ tesam garukātabbatābhāvato, garukatasseva ca ārammaṇādhipatibhāvavacanato. Vuttañhetam “yaṃ yaṃ dhammaṃ garuṃ katvā ye ye dhammā uppajjanti cittacetāsikā dhammā, te te dhammā tesam tesam dhammānaṃ adhipatipaccayena paccayo”ti (paṭṭhā. 1.1.3). Tattha **garuṃ katvāti** garukāracittikāravasena vā assādanavasena vā garuṃ bhārikam laddhabbam anavaññātam katvā. Garukātabbañhi ārammaṇam tanninnoṇapabbhārānaṃ assādanapaccavekkhaṇamaggaphalānaṃ attano vase vattayamānaṃ viya paccayo hoti, tasmā ayaṃ attādhīnānaṃ patibhāvena upakārakattā adhipatipaccayo daṭṭhabbo.

Antarayatīti antaram, byavadhāyakanti attho, nāssa antaram vijjatīti anantaro, soyeva paccayoti **anantarapaccayo**, anantarabhāvena upakārako dhammoti adhippāyo. **Anantaraniruddhāti** attano nirodhānantaram anurūpacittuppādassa uppattipaccayabhāvena tassa uppattiyā purimabhāge anantaram hutvā niruddhā, rūpadhammā pana anantarapaccayā natthi.

Samanantarabhāvena upakārako dhammo **samanantarapaccayo**, tathā samanantarapaccayopīti ṭhapetvā upasaggamattaṃ na ettha koci vireso. Yo hi anantarapaccayo, sova samanantarapaccayoti. Purimapacchimānañhi anantaruppādabhāvato nīrantaruppādanasamatthātā anantarapaccayatā, rūpakalāpānaṃ viya saññhānābhāvato paccayapaccayuppannānaṃ sahaṭṭhānābhāvato ca “idamīto uddham heṭṭhā tiriya”nti vibhāgābhāvā attano ekattamiva upanetvā suṭṭhu anantarabhāvena uppādetuṃ samatthātā samanantarapaccayatā, tasmā dhammato avisesepi vīneyyavasena byañjanatthamattato viresaṃ gahetvā tesam visuṃ desanā katā. Yampi “atthānantaratāya anantarapaccayo, kālānantaratāya samanantarapaccayo”ti ācariyānaṃ matam, tam “nīrodhā vuṭṭhahantassa nevasaññānāsaññāyatanaṃ kusalam phalasamāpattiyā samanantarapaccayena paccayo”tiādihi (paṭṭhā. 1.1.418) virujjatītiādinā paṭikkhittam.

Uppajjamānova sahuṃpādanavasena upakārako dhammo sahaajātapaccayo pakāsassa padīpo viya, so panāyaṃ “cittacetāsikā dhammā aññamaññaṃ, sahaajātarūpānañca, mahābhūtā aññamaññaṃ, upādārūpānañca, paṭisandhikkhaṇe vatthuvipākā aññamañña”nti ca tividho hoti, tasmā vuttaṃ “**cittacetāsikā**”tiādi. Yampi hi pāḷiyam arūpakkhandhādivasenasā chabbidhataṃ vuttaṃ, tampi ettheva saṅgahitaṃ. Yo panettha sesarūpadhammānaṃ, ubhayattha vatthuno ca pavattiyā arūpadhammānaṃ, upādārūpānañca aññamaññaṃ mahābhūtānaṃ sahaajātapaccayatābhāvo, so paccayabhāvasāmatthiyavisesāyogatoti daṭṭhabbam.

Aññamaññaṃ uppādanupatthambhanabhāvena attano upakārakassa upakārako dhammo aññamaññapaccayo. Aññamaññupatthambhakatidaṇḍakam viya upakārakattā ca aññamaññatāvaseneva daṭṭhabbā, na sahaajātādivasena. Sahaajātāpaccayo hontoyeva hi koci kassaci aññamaññapaccayo na hoti cittacetāsikānaṃ cittajarūpe satī, mahābhūtānaṃ upādārūpe satī aññamaññapaccayatābhāvato. Yathāha “cattāro khandhā arūpino aññamaññapaccayena paccayo, cattāro mahābhūtā...pe... okkantikkhaṇe nāmarūpaṃ aññamaññapaccayena paccayo”ti (paṭṭhā. 1.1.7). Ācariyena pana paccayuppannadhamme aparāmasitvā vuccamānattā avisesena vuttaṃ “tathā aññamaññapaccayo”ti.

Taruādīnaṃ pathavī viya adhiṭṭhānākārena, cittakammādīnaṃ paṭādayo viya ca nissayākārena upakārako dhammo nissayapaccayo. **Vatthurūpānīti** sattannaṃ viññāṇadhātūnaṃ adhiṭṭhānākārena nissayapaccayabhūtāni vatthurūpāni. **Mahābhūtā cittacetāsikā cāti** aññamaññaṃ, upādārūpānañca tatheva nissayabhūtāni mahābhūtāni aññamaññaṃ, sahaajātarūpānañca nissayākārena paccayāni cittacetāsikāni, tadadhīnavuttitāya attano phalena nissito na paṭikkhittoti nissayo.

Yathā pana bhūso āyāso upāyāso, evaṃ bhūso nissayo upanissayo, balavakāraṇanti attho, tasmā balavakāraṇabhāvena upakārako dhammo upanissayapaccayoti veditabbo. So ārammaṇūpanissayo anantarūpanissayo pakatūpanissayoti tividhoti āha “**ārammaṇā**”tiādi. Tattha –

“Dānaṃ datvā sīlam samādiyivā uposathakammaṃ katvā tam garuṃ katvā paccavekkhati, pubbe suciññāni garuṃ katvā paccavekkhati, jhānā vuṭṭhahitvā jhānaṃ garuṃ katvā paccavekkhati, sekhā gotrabhuṃ garuṃ katvā paccavekkhanti, vodānaṃ garuṃ katvā paccavekkhanti, sekhā maggā vuṭṭhahitvā maggaṃ garuṃ

katvā paccavekkhantī”ti (paṭṭhā. 1.1.423) –

Evamādinā nayena ārammaṇūpanissayo tāva ārammaṇādhīpatinā saddhiṃ nānattaṃ akatvāva vibhatto. Tenāha “**ārammaṇūpanissayo ārammaṇādhīpatiyevā**”ti. Kiñcāpi nānattaṃ akatvā vibhatto, tathāpi ayaṃ tesam viseso – yaṃ ārammaṇaṃ garuṃ katvā cittacetāsikā uppajjanti, taṃ niyamato tesam ārammaṇesu balavārammaṇaṃ hoti. Iti garukātabbamaṭṭaṭṭhena ārammaṇādhīpati, balavakāraṇaṭṭhena ārammaṇūpanissayoti ca evametesam nānattaṃ vedītabbaṃ.

Anantarūpanissayopi “purimā purimā kusalā khandhā pacchimānaṃ pacchimānaṃ kusalānaṃ khandhānaṃ upanissayapaccayena paccayo”tiādīnā (paṭṭhā. 1.1.423) nayena anantarapaccayena saddhiṃ nānattaṃ akatvāva vibhattoti āha “**anantarūpanissayo pana anantarapaccayovā**”ti. Evaṃ santepi attano anantarā anurūpacittuppādasena anantarapaccayo, balavakāraṇavasena anantarūpanissayapaccayoti evametesam nānattaṃ vedītabbaṃ.

Pakatiyā eva paccayantararahitena attano sabhāveneva upanissayo **pakatūpanissayo**, ārammaṇaanantarehi amissova puthageva koci upanissayoti vuttaṃ hoti. Atha vā pakato upanissayo **pakatūpanissayo**. **Pakatoti** cettha pakāro upasaggo, so attano phalassa uppādanasamatthabhāvena santāne nipphādītabhāvaṃ, upasevitabhāvaṃcā dīpeti, tasmā attano santāne nipphanno vā kāyikasukhadukkhāsaddhāsīlādi upasevito vā utubhojanādi pakatūpanissayoti attho. Upasevanañcettha duvidhaṃ upayogopasevanaṃ ārammaṇūpasevanañca. Evañca katvā anāgatassāpi upanissayapaccayatā laddhā hoti. **Kāyikasukha...pe...yo cāti** ettha kāyikasukhadukkhāni rāgasaddhādīnaṃ, utubhojanādayo cittasamādhānādīnaṃ, saddhāsīlādayo saddhāsīlādīnañca upanissayā honti. **Ādi**-saddena yaṃ yaṃ upanissāya yassa yassa sambhavo, taṃ taṃ tassa tassa upanissayapaccayabhūtaṃ saṅgañhāti. Paccayamahāpadeso hesa, yadidaṃ upanissayapaccayoti.

Paccayuppannato paṭhamataraṃ uppajjivā vattamānabhāvena upakārako dhammo **purejātapaccayo**. So ca rūpadhammova samāno arūpadhammasseva hoti. Tenāha “**vatthupurejāto nāmā**”tiādi. Yathā cettha “**vatthurūpāni**”ti hadayavatthunopi gahaṇaṃ, evaṃ “**rūpādīni**”tiādi-ggahaṇena dhammārammaṇassāpi gahaṇaṃ daṭṭhabbaṃ. Nanu ca pañcārammaṇāneva ārammaṇapurejātabhāvena āgatānīti? Saccam āgatāni, pañhāvāre pana “sekhā vā puthujjanā vā cakkhuṃ aniccato dukkhato anattato vipassantī”tiādīnā (paṭṭhā. 1.1.424) avisesena paccuppannacakkhādīnampi gahitattā dhammārammaṇassa ārammaṇapurejātabhāvo na sakkā paṭibāhitaṃ. Atthatopi hetam siddham “yaṃ yaṃ paccuppannaṃ ārammaṇaṃ gahetvā manodvāre cittaṃ pavattati, taṃ tassa ārammaṇapurejātaṃ hoti”ti. Ettha ca nissayārammaṇākārādīhi viṣiṭṭhā purejātabhāvena vinā upakārabhāvaṃ agacchantānaṃ vatthārammaṇānaṃ purejātākārena upakārakatā purejātapaccayatāti ayamassa nissayārammaṇapaccayatāhi viseso.

Gijjhapotakasārīnaṃ āhārāsā cetanā viya purejātānaṃ rūpānaṃ upatthambhakabhāvena upakārako dhammo **pacchājātapaccayo**. Manosañcetanāhārasena hi pacchājātacittacetāsikehi vinā santānaṭṭhitetubhāvaṃ agacchantānaṃ pacchājātākārena cittacetāsikānaṃ upakārakatā vippayuttākārādīhi viṣiṭṭhā pacchājātapaccayatāti evaṃ sabbapaccayānaṃ paccayantarākāraviṣiṭṭhā upakārakatā daṭṭhabbā. So pana “pacchājātā cittacetāsikā dhammā purejātassa imassa kāyassa pacchājātapaccayena paccayo”ti (paṭṭhā. 1.1.11) āgatattā ekavidhoti āha “**cittacetāsikāvā**”ti.

Purimapurimaparicitagantho viya uttaruttarassa ganthassa kusalādībhāvena attasadisapaguṇabalavabhāvaviṣiṭṭhaṃ attasajātiyatāgāhakaṃ āsevanaṃ, tena paccayā sajjātiyadhammāva **āsevanapaccayo**. Bhinnajātikā hi bhinnajātikānaṃ āsevanaguṇena paguṇabalavabhāvaviṣiṭṭhaṃ kusalādībhāvasañkhātāṃ attano gatiṃ gāhāpetuṃ na sakkonti, na ca sayam tato gaṇhanti. Te pana anantarātītāni lokiyakusalākusalāni ceva anāvajjanakiriyājavānāni cāti āha “**ṭhapetvā āvajjanadvaya**”ntiādi. “Na maggapaccayā āsevane eka”nti (paṭṭhā. 1.1.221) vacanato ahetukakiriyāsu hasituppādasessa āsevanabhāvena, āvajjanadvayaṃ āsevanapaccayo na hoti, lokuttarampi kusalam bhinnajātikasseva phalassa purecarattā na tena, āsevanaguṇaṃ gaṇhāpeti, vipākābyākatampi kammavasena. Vipākabhāvappattaṃ kamma pariṇāmitaṃ kammavegakkhittaṃ patitaṃ viya hutvā pavattamānaṃ attano sabhāvaṃ gāhetvā paribhāvetvā neva aññavipākaṃ pavatteti, na ca purimavipākānubhāvaṃ gāhetvā uppajjati. Lokuttaravipākampi hi kiñcāpi javanavasena uppajjati, āsevanaguṇaṃ pana gaṇhāti, na ca aññaṃ gāhāpeti. Yampi “āsevanavinimuttaṃ javanaṃ natthī”ti **ācariyadhammapālā**therena vuttaṃ, tampi “yebhuyyavasena vutta”nti viññāyati, itarathā pana ācariyassa asamapekkhitāvidhāyakattappasaṅgato. Tathā hi vuttaṃ **paṭṭhānaṭṭhakathāyaṃ** “lokuttaro pana āsevanapaccayo nāma natthī”ti (paṭṭhā. aṭṭha. 1.12). Maggo pana gotrabhuto āsevanaṃ na gaṇhātiṃ natthi bhūmiādivasena nānājātikāyā anadhippetattā. Tathā hi vuttaṃ **paṭṭhāne** “gotrabhu maggassa āsevanapaccayena paccayo, vodānaṃ maggassa āsevanapaccayena paccayo”ti (paṭṭhā. 1.1.426).

Cittappayogasaṅkhātaāyūhanakiriyābhāvena sahaḥajātaṇaṃ, nānakkhaṇikānañca upakārako dhammo **kammappaccayo**. Kammanti hi cetaṇā vuccati, sā ca āyūhanabyāpārā. Paccayuppanna saha uppannā **sahaḥajāta**, paccayuppannato nānakkhaṇe bhavā **nānakkhaṇikā**. Sahaḥajāta lokiyalokuttarā cetaṇāti sambandho. Sā sahaḥajātanāmaṇaṃ, taṃsamutṭhānānañca rūpānaṃ paccayo, itarā pana vipākakaṭattārūpānanti daṭṭhabbaṃ. **Sāsavakusalākusalacetanāti** attano uppādaṇiṭṭhe santāne sesapaccayasamāgame pavattamānaṃ vipākakaṭattārūpānaṃ santānavisesanakiriyābhāvena upakārikā kāmarūpārūpakusalacetanā, akusalacetanā ca. Tassā hi tathā kiriyābhāvena pavattattā tesam pavatti, na aññāthā. Itarā pana sahaḥajātaṇaṃ āyūhanakiriyābhāvena pavattamānā upakārikāti vattabbaṃ. Avadhāraṇena panettha cetaṇāsampayuttaṃ abhijjhādikammaṃ paṭikkhipati satipi vipākadhammasabhāve cetaṇāvajjānaṃ atamsabhāvattā. **Anāsava...pe... paccayoti** iminā lokiyakusalacetanāya visesamattaṃ dasseti, na nānakkhaṇikakammappaccayatābhāvaṃ. Evañca katvā vuttaṃ **aṭṭhakathāyaṃ** “arūpāvacaracetanā, pana lokuttaracetanā ca uppajjitvā niruddhā attano attano vipākakkhandhānaṃ nānakkhaṇikakammappaccayena paccayo”ti.

Attano nirussāhasantabhāvena sahaḥajātanāmarūpānaṃ nirussāhasantabhāvāya upakārakā arūpadhammāva **vipākappaccayo**. Tenāha “**vipākacittacetāsikā**”ti. Te hi payogena asādhetaḥabbatāya kammaṃsa katattā nipphajjanamattato nirussāhasantabhāvā honti, na kilesavūpasamasantabhāvā. Nirussāhasantabhāvato eva hi bhavaṅgādayo duviññeyyā. Pañcadvārepi hi javanappavattiyāva rūpādīnaṃ gahitā viññāyati. Abhinipātasappaṭicchanasantīraṇamattā pana vipākā duviññeyyā eva.

Rūpārūpānaṃ upatthambhakaṭṭhena upakāro **āhārapaccayo**. Satipi hi janakabhāve upatthambhakattameva āhārassa padhānakiccaṃ, janayantopi ca āhāro avicchedavasena upatthambhento va janetiṭi upatthambhanabhāvova āhārabhāvoti. Tattha kabalīkāro āhāro rūpakāyasseva upatthambhako, sesā tayo rūpārūpakāyassa. Na kevalaṅhi te nāmadhammānameva avicchedaḥetukā, atha kho paṭisandhiyaṃ kaṭattārūpānaṃ, pavatte cittajarūpānampi.

Tesu tesu kicesu paccayuppannadhammehi attānaṃ anuvattāpanakasaṅkhātaādhīpaccaṭṭhena paccayo **indriyappaccayo**. Adhipatipaccayadhammānañhi pavattivivārake abhibhavivā pavattanena garubhāvo adhipatīyaṭṭho, indriyānaṃ pana dassanādikicesu cakkhuvīññāḍṭhi, jīvane kammajarūpehi, arūpadhammehi ca jīvantehi sukhītādībhāvesu sukhītādīhi adhimokkhaḥaggahaupaṭṭhānāvikkhepappajānesu “anaññātaṃ ṇassāmī”ti pavattiyāṃ ājānane, aññātavibhāve ca saddhādisahaḥajātehi evaṃ taṃtaṃkicesu cakkhādīpaccaḥeyhi dhammehi cakkhādīnaṃ anuvattaniyatāmaṃ indriyānaṃ ādhīpaccaṭṭhoti ayameva tesam viseso. **Rūpasattaka**-ggahaṇena cakkhādīni pañca, itthipurisindriyadvayañca dasseti. Jīvitindriyaṃ pana arūpajīvitindriyena saddhiṃ ekato katvā **jīvita**-ggahaṇena gahitaṃ. Evañhi dvāvīsati indriyāni honti. “Anādimati saṃsāre anaññātaṃ asacchikataṃ catusaccadhammaṃ, nibbānameva vā ṇassāmī”ti pavattassa indriyaṃ **anaññātaññassāmīndriyaṃ**, paṭhamamaggañānaṃ. Ājānato paṭhamamaggena dīṭṭhamariyādaṃ anatikkamivā jānato indriyaṃ **aññindriyaṃ**, sotāpattīphalato yāva arahattamaggā chasu ṇānaṃ, aññātavīno catūsu saccesu pariniṭṭhitakiccassa indriyaṃ **aññātavindriyaṃ**, arahattaphalañānaṃ. Paṭhamam paṭiyāyato indriyattaṃ sandhāya rūpasattaka-ggahaṇena gahetvāpi puna kathañci upakārakattābhāvato itthipurisindriyānaṃ ettha aggahaṇaṃ dassetaṃ “**tesu**”tiādi vuttaṃ. Tāni hi yebhuyyena līngādīhi anuvattiyamānānīpi paccayabhāvato nānuvattiyantīti vuttovāyamattho.

Ārammaṇūpanijjhānalakkhaṇūpanijjhānavasena upagantvā ārammaṇanijjhānaṃ jhānapaccayatā, so ca vitakkādīnameva āveṇiko sabhāvoti āha “**jhānapaccayo**”tiādi. Te pana paṭisandhiyaṃ kaṭattārūpānaṃ, pavatte cittajarūpānaṃ, ubhayattha nāmadhammānañca paccayāti daṭṭhabbaṃ.

Sugatīto, duggatīto, kusalato, akusalato vā niyānaṭṭhena sahaḥajātaṇaṃ upakārakatā maggapaccayatā, sā ca sammādiṭṭhādīnanti āha “**maggapaccayo**”tiādi. **Saṅkappa**-ggahaṇena sammāsaṅkappaṃ, micchāsaṅkappaṃ ca dasseti. Evaṃ sesesupi. Micchāsaṅkappādayo hi apāyamaggaṅgā, micchāsatimicchāvācādayo cettha tathāpavattacittupādā, cetaṇā ca, ayampi jhānapaccaye vuttānameva paccayuppannānaṃ paccayoti daṭṭhabbaṃ.

Paramatthena bhinnānampi ekībhāvagātānaṃ viya ekuppādādībhāvasaṅkhātasampayogalakkaṇena upakārakatā sampayuttapaccayatā, sā ca nāmadhammānameva, na rūpadhammānanti āha “**sampayuttapaccayo**”tiādi.

Aññamaññasambandhatāya yuttānampi samānaṃ vippayuttabhāvena viśaṃsaṭṭhatāya nānātūpagamanena upakārakatā vippayuttapaccayatā, sā ca vatthūnaṃ, cittacetāsikānameva vāti āha “**vippayuttapaccayo**”tiādi. Cha vatthūni hi sattānaṃ viññānaṃ yathārahaṃ paṭisandhiyaṃ, pavatte, cittacetāsikā paṭisandhiyaṃ kaṭattārūpānaṃ, pavattiyāṃ cittaṃsamutṭhānānañca vippayuttapaccayo. **Vatthupurejātāntī** idaṃ cakkhādīvatthuvaseva vuttaṃ, hadāyavattu pana paṭisandhiyampi paccayabhāvato sahaḥajātampi labbhati. Vuttampi hetam abyākatapadassa **sahaḥajātavibhaṅge** “paṭisandhikkhaṇe vipākābyākatā khandhā kaṭattārūpānaṃ, khandhā vatthussa, vatthu khandhānaṃ vippayuttapaccayena paccayo”ti. Tathā **pacchājātā cittacetāsikā** ca cakkhuvīññādivaseneva vuttaṃ, “sahaḥajāta

kusalā khandhā cittasamuṭṭhānānaṃ rūpānaṃ vip̐payuttapaccayena paccayo”tiādivacanato (paṭṭhā. 1.1.434) pana sahaḷātāpi labbhanti. Evañca katvā vuttaṃ **aṭṭhakathāyaṃ** “vip̐payuttapaccayo sahaḷātāpurejātapacchājātavasena tividho”ti. Ayaṃ pana rūpadhammo samāno rūpadhammassa paccayo na hoti sampayogāsaṅkāya abhāvato.

Yesañhi nāmānaṃ cakkhādīnaṃ abbhantarato nikkhamantānaṃ viya pavatti, rūpānañca nāmasannissayeneva uppajjamānānaṃ sampayogāsaṅkā hoti, tesameva vip̐payuttapaccayatā vuttā. Rūpānaṃ pana rūpehi sāsāṅkā natthi, vatthussannissayeneva ca jāyantānaṃ nāmānaṃ visayamattaṃ ārammaṇanti tenāpi tesam̐ sampayogāsaṅkā natthi. Paccuppannasabhāvena atthibhāvena tādisasseva dhammassa upatthambhakattena upakāratā atthipaccayatā. Satipi hi janakatte ṭhitiyaṃveva sātisayo atthipaccayānaṃ byāpāroti upatthambhakatā tesam̐ gahitā, te ca rūpajīvitindriyādīnevāti āha “**atthipaccayo**”tiādi. Rūpajīvitindriyañhi kaṭattārūpānaṃ, kabalīkārāhāro imassa kāyassa, ārammaṇapurejātāni cittacetāsikānaṃ nissayapaccaye vuttadhammā, tattheva vuttapaccayuppannañca atthipaccayo. **Nissayapaccaye vuttadhammā**ti ca vatthurūpamahābhūtācittacetāsikānaṃ dhammasāmaññeneva gahaṇaṃ, na nissayapaccayabhāvīnaṃveva. Pacchājātānaṃpi cittacetāsikānaṃ purejātassa kāyassa pañhāvāre paccayabhāvena niddiṭṭhattā. Ettha ca atthibhāvābhāvena anupakāraṅkameva atthibhāvena upakāratāya atthipaccayatābhāvato natthi nibbānassa sabbadā bhāvino atthipaccayatā, uppādādiyuttānaṃ vā natthibhāvopakāratāvīruddho upakārabhāvo atthipaccayatāti na tassa tappaccayattappasaṅgo.

Natthipaccayotiādisu anantaratāmattena, cittaniyāmakabhāvena vā upakāratā anantarapaccayatā. Ekasmim̐ phassādidhammasamudāye pavattamāne dutiyassa abhāvato attano ṭhitiyā okāsamalabhantānaṃ anantaram̐ uppajjamānakācittacetāsikānaṃ okāsādānavasena upakāratā natthipaccayatā. Attano sabhāvāvīgamena appavattamānānaṃ vīgatabhāvena upakāratā vīgatapaccayatā. Atthato pana dvinnampī anantarapaccayabhāvīdhammāti aviseso vutto. Sabhāvātāmattena upakāratā atthipaccayatā, nirodhānupagamanavasena upakāratā avīgatapaccayatāti paccayaviseso tesam̐ dhammāvīsesepī vedītabbo. Dhammānañhi samatthātvīsesam̐ sabbākārena ñatvā bhagavatā catuvīsatiṭṭipaccayā desītāti bhagavatī saddhāya “evaṃ vīsesā ete dhammā”ti sutamayaññānaṃ uppādetvā cintābhāvanāmayaññānehi tadabhisamayāya yogo karaṇīyo. Avīsesepī dhammasāmatthiyassa tathā tathā vīnetabbapuggalānaṃ vasena heṭṭhā vuttopi paccayo puna pakārantarena vuccati yathā ahetukadukaṃ vatvāpi hetuvīppayuttadukaṃ vīyāti daṭṭhabbaṃ.

Yasmā mahābhūtā aññamaññaṃ, uppādārūpānañca sahaḷātāpaccayā, mahābhūtā aññamaññaṃ aññamaññanissayapaccayā, uppādārūpānaṃ nissayapaccayāva, kabalīkāro āhāro imassa kāyassa āhārapaccayo, mahābhūtā aññamaññaṃ, uppādārūpānañca jīvitindriyaṃ kaṭattārūpānañca atthiavīgataindriyapaccayā, tasmā vuttaṃ “**rūpaṃ rūpassa...pe... sattadhā paccayo hoti**”ti.

Rūpaṃ arūpassātiādisupi heṭṭhā vuttapaccayuppannadhamme suṭṭhu upalakkhetvā paccayo yojetabbo. **Rūpaṃ rūpārūpassāti natthī**ti idaṃ sahaḷātāpaccayabhūtampi rūpaṃ rūpārūpadvayassa paccayabhāvena anāgatanti katvā vuttaṃ.

Sabbesaṃ paccayānaṃ ārammaṇapaccaye upanissayapaccaye, sahaḷātānānakkhaṇīkacetānāya kammāpaccaye, sahaḷātāpurejātapacchājātādībhedassa atthipaccaye ca samodhānato sabbepī paccayā saṅkhepato catubbīdhāyevāti dassento āha “**sabbe panīme**”tiādi.

Iti abhidhammatthavīkāsinīyā nāma

Abhidhammāvātārasaṃvaṇṇanāya

Paccayanīddesaṃvaṇṇanā nīṭṭhitā.

Nīgamanakathāvaṇṇanā

1400-2. Sabbadhammesu appaṭīhatagatītīya sundarā mati imassāti sumati, tassa **sumatīssa** bhagavato **mativīcāraṃ** ñānacāraṃ bodhetīti **sumatīmativīcārābodhano**. Vīruddhā mati yesaṃ te vīmatīno, vīruddhā matīti ca vīruddhadassananti attho. Tesam̐ vīmoḥaṃ vīnāsetīti **vīmatīvīmoḥavīnāsano**. **Yato** yasmā nāmato sumatīnā bhikkhūnā **mānato** bahumānena **āyācītasammānato** āyācīto hutvā sammā avanato sadāyeva mato ayaṃ, **tato** tasmā mayā racito abhidhammāvātāro. Tathā hi **bhāvanā** sādīhūnaṃ sambhāvanā **hitavībhāvanā** hitappakāsanato sadā tosadāti yojanā.

1403-14. **Ayuttaṃ vā vīruddhaṃ vā**ti ettha “aṭṭhakathāya vīmukhabhūtānaṃ ayuttaṃ nāma, pāḷiyā vīmukhabhūtānaṃ vīruddhā”nti vadanti. **Byappathānanti** ca vācānāmaggānanti attho. **Tivīdhā**ti eko byappatho

saddasampanno, na atthasampanno, eko atthasampanno, na saddasampanno, eko ubhayasampannoti tippakārāti attho. Hitameva atthoti hitattho, taṃ attano kāmetīti **hitatthakāmo**. Asaṃkiṇṇakulākulehi asambhinnakulehi saṃkiṇṇe. Kelāsoyeva sikharoti **kelāsasikharo**, so hi himavato caturāsītiyā kūṭasahassānaṃ pāmokkho rajatamayo mahāsikharo. Tadākārehi sabbasetehi pāsādehi paṭimaṇḍitattā **kelāsa...pe... maṇḍito. Kaṇhadāsenāti** evaṃnāmakena upāsakena. **Pācīnapāsādeti** pācīnadisābhāgasannissite pāsāde. **Ayanti** ayamabhidhammāvātāro.

Niṭṭhitāyaṃ abhidhammatthavikāsinī nāma

Abhidhammāvātārasaṃvaṇṇanā.

Nigamanakathā

1. Ramme **pulatthinagare** nagarādhirāje,
Raññā **parakkamabhujena** mahābhujena;
Kārāpite vasati **jetavane** vihāre,
Yo rammahammiyavarūpavanābhirāme.
2. Sampannasīladamasāmyamatositehi,
Sammānito vasigaṇehi guṇākarehi;
Patto munindavacanādisu nekagantha-
Jātesu cācariyataṃ mahitaṃ vidūhi.
- 3.. Nāṇānubhāvamiha yassa ca sūcayantī,
Saṃvaṇṇanā ca vinayaṭṭhakathādīkānaṃ;
Sāratthadīpanimukhā madhuratthasāra-
Sandīpanena sujanaṃ paritosayantī.
4. Tassānukampamavalambiya **sāriputta-
Ttherassa** thāmagatasāraguṇākaraṃsa;
Yo sāsane jinavarassa ratim uḷāraṃ,
Pappoti nandipariveṇanivāsavāsī.
5. Sa sādhaṃ sotuhitaṃ anappakaṃ,
Sumaṅgalodīritanāmavissuto;
Akā**abhidhammatthavikāsinim** imaṃ,
Pakāsayantim madhuratthasampadanti.

Abhidhammāvātāraṭīkā samattā.